


Läk yam



New Testament in Dinka, Southwestern (SU:dik:Dinka,
Southwestern)

Lëk yam

New Testament in Dinka, Southwestern (SU:dik:Dinka, Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022
d94b9d26-33ff-5c4e-819f-5bfe86ac9e55

Contents

Matheo	1
Marko	38
Luka	62
Joon	101
Luwi Atuuc	129
Koc pan Roma	168
1 Korinth	186
2 Korinth	203
Galatia	214
Epethuth	220
Pilipi	226
Kolothia	230
1 Thethalonika	235
2 Thethalonika	239
1 Timothi	242
2 Timothi	247
Tito	251
Pilemon	253
Athor ci gat koc Itharel ci gam	254
Jemith	268
1 Piter	273
2 Piter	278
1 Joon	281
2 Joon	286
3 Joon	287
Jut	288
Nyuuth tenë Joon	290

Wël Jethu cï Matheo göt Wët nom

Athör Matheo ë jam Wët Puøth Yam ye Jethu raan cï lueel, yen bï kœc waar yieth kârac yiic, raan yen cï kâŋ kenhïim tiεŋ thïn, kâk cï Nhialic thœn kacke. Kâkkâ, aa yeku yœk athör thœr wël Nhialic yiic. Wët Puøth Yam kœnë acie tœnë kœc Itharel kepœc, kœc kek ke dhiœeth Jethu thïn ku diit kamken, ee wët puøth lœk thœi œbœn pinynhom.

Athör Matheo acï njœc guiir. Ee rot jœk dhiœnh Jethu, ku teet miœc nom ë Jethu ku tœ cï jœŋrac ye thœm thïn. Ku wœtœden yen kœc lœk tœ bï kœc pïr thïn akœldâ, ku piœœcde ku tœ yen kœc kuœny thïn Galilia. Ku ë kâkkâ cœk ciœœn, Matheo acï tœwâar jiœl Jethu Galilia bï la Jeruthalem göt aya, cimœn kâk cï rœt looi tœnë ye wâar bï ye guœ nœk, cï bœn la thœk piœœt cï ye bœn piâat tim cï riïu kœu. Ku jœl aa jœn cï yen rot bœn jœt.

Athör Matheo ë Jethu nyuœth ke yen raan piœœc ril njœc kâŋ apœi, ke la riœl yen lœŋ Nhialic teet yic bï lœœny kœc puøth apath, ku ë piœœc kâk Bâœny Nhialic aya. Abanjœt piœœcde yic acï Matheo tek yic dhiœc ku gœt kœlâ,

Piœœcde göt nom rin njœc ciœŋ ku tœ bï kœc ye Bâœny pan Nhialic kœden la thïn akœldâ. (cœkdït 5-7)

Lœk tœnë atuuc kathiâar ku rou ë luœiden bïk looi. (cœkdït 10)

Kœŋ rin Bâœny pan Nhialic. (cœkdït 13)

Piœœc rin atuuc. (cœkdït 18)

Piœœc rin thœk piny, ku Bâœny pan Nhialic bï bœn. (cœkdït 24-25)

Kâk tœ thïn

Kuat Jethu ku dhiœnhde 1:1-2:23

Piœœc Joon raan kœc muœœc nhïim 3:1-12

Miœc nom Jethu ku tœ cï jœŋrac ye thœm thïn. 3:13-4:11

Piœœc Jethu Galilia 4:12-18:35

Jœl Jethu Galilia bï la Jeruthalem 19:1-20:34

Nïn ciœœn kadhorou thuœnde nom tuœj 21:1-27:66

Jœn rot ku nyooth rot ë Bânyda 28:1-20

Kuat Jethu raan cï lœc ku dœc (Lk 3:23-38)

¹ Kâkkâ aa rin kuat kœc ke dhiœeth Jethu thïn, kuat Bœnyœknhom Debit bœ cœk tœnë Abaram.

² Abaram ë ye wun Ithäk.

Ithäk ë ye wun Jakop.

Yen cï Juda bœn dhiœeth kek wâmœthakœn kœk.

³ Juda ë ye wun pandiœœt, Peredh ku Dhara ku manden ë cœl Tamar,

Peredh ë ye wun Ÿedhron

ku Ÿedhron ë ye wun Ram.

⁴ Ram ë ye wun Aminadap,

ku Aminadap ë ye wun Nacon,

ku Nacon ë ye wun Thalmon.

⁵ Thalmon ë ye wun Boath,

ku man ë cœl Raŋœp.

Boath ë ye wun Obet,

ku man ë cœl Ruth,

ku Obet ë ye wun Jethe.

⁶ Ku Jethe ë wun Bœnyœknhom Debit,

ku Debit ë ye wun Tholomon, ku man œci kâŋ aa tiŋ Uria.

⁷ Tholomon ë ye wun Raboam,

ku Raboam ë ye wun Abija,

ku Abija ë ye wun Atha.

⁸ Atha ë ye wun Jocatap,

Jocatap ë ye wun Joram,

ku Joram ë ye wun Udhia.

⁹ Udhia ë ye wun Jotham,

Jotham ë ye wun Aŋath,

ku Aŋath ë ye wun Ÿedhekia.

¹⁰ Ÿedhekia ë ye wun Manathe,

Manathe ë ye wun Amon,

ku Amon ë ye wun Jothia.

¹¹ Jothia ë ye wun Jekonia, ku wâmœthakœn kœk, ku jœl ke peec ku Ÿœth ke Babilonia.

¹² Wœn cï ke Ÿœth Babilonia aaci la dhiœth kœlâ, Jekonia acï Cealtiel la dhiœeth.

Cealtiel ë ye wun Dherubabel.

¹³ Dherubabel ë ye wun Abiœt

ku Abiœt ë ye wun Eliakim.

Ku Eliakim ë ye wun Adhor.

¹⁴ Adhor ë ye wun Dhadok.

Dhadok ë ye wun Acim,

ku Acim ë ye wun Eliœt.

¹⁵ Eliœt ë ye wun Aliadhœr

ku Aliadhœr ë ye wun Mathan.

Ku Mathan ë ye wun Jakop.

¹⁶ Ku Jakop ë ye wun Jothep mony Maria, ku ë yen aci Jethu cöl Raan cï löc ku döc bën dhiëeth.

¹⁷ Këya, kuat Jethu ë kith, ee ye yic thiäär ku nuan jöök Abaram yeet Debit, ku ben yic aa thiäär ku nuan yeet tēwäär cï ke pεεc Babilonia, ku ben yic aa thiäär ku nuan jöök kōc cï dhiëeth Babilonia yet dhiēnh Jethu raan cï löc ku döc.

*Maria aci meth yök ke cïn moc
(Lk 2:1-7)*

¹⁸ Dhiēnh Jethu ë loi rot kēlä. Maria ë wïc Jothep bï thiaak. Tēwēn kēc ye gam, ke yök ke cï liēc ë manh yök tēnē Wēi Nhialic.

¹⁹ Jothep, raan awēn wïc ye bï thiaak ë ye raan path, ku akēc wïc bï Maria yōör guöp, go wïc bï puöl ke cïn raan piñ ye.

²⁰ Tēwēn wïc yen kēnē bï looi, ka atuny Nhialic nyuth rot ye nyuöth yic ku lueel, “Jothep, manh Debit, duk riōc ba Maria cïi thiak, rin ë riēl Wēi Nhialic yen ayök yen manh tō yeyäc.

²¹ Yeen abï mēnh moc dhiëeth, ku aba cäk ke cöl Jethu rin yen ë raan bï kōc wēer bei adumuōmken yiic.”

²² Kēnē aci rot looi këya, bï wēt Nhialic cï raan kākke tiñ lueel yenhom tiεεñ. Ku wēt kēnē ëcï lueel ëlä,

²³ “Nyan bïm abï liēc, ku abï manh moc dhiëeth ku abï cöl Emanuel. Ku wētde yic, Nhialic atō kek yook.”

²⁴ Këya, Jothep aci kē cï atuny Nhialic lēk ye gam, ku yēth Maria baai.

²⁵ Ku aa kēc rēer cimēn tik ke moc yet tē dhiëeth Maria wēnde, ku ciēk Jothep ke cöl Jethu.

2

Jethu aci nyuöth kōc thäi

¹ Tēwēn cï Jethu dhiëeth gen Bethalem pan Judia, wäär ye Yērot Bēny. Ke bāny kōk ñic kāk Nhialic bō piny ciēen ku yēetkē Jeruthalem,

² ku thiēckē, “Tō Bēnyñaknhom kōc Itharel puōc dhiëeth tēno? Ciēerde acuk tiñ piny ciēen, yen abï yök buk bën door.”

³ Nawēn piñ Bēny Yērot ë wēt kēnē, ke jieth puōu, agut kōcdit kāk Nhialic Jeruthalem aya.

⁴ Go bānydit kāk Nhialic, ku kōc piōōc löōñ cöl ëbēn ku thiēc ke, “Ye tēnen bï Raan cï löc ku döc dhiëeth thïn?”

⁵ Gokē lueel, “Abï dhiëeth gen Bethalem pan Judia, cït wēt cï raan kāk Nhialic tiñ gōt ëlä,

⁶ ‘Yïn Bethalem pan Judia, na cök alōn koor yïn kam gεεthdit pan Judia, ke yïn abï bēny mēc thāndiēn Itharel tuöl thïn.’ ”

⁷ Go Yērot bāny wēn bō ciēen cöl ë rōt, ku thiēc ke aköl tiñ kek ciēer panden.

⁸ Ku cöl ke aa bē Bethalem ku thōn ke ëlä, “Lak wiēckē meth apēi ku na yōkkē, ke we dhuk bāk bën lēk ya, ba la aya, ba la door.”

⁹ Nawēn cïk wēt Bēny Yērot piñ ë ke löōny dhöl, ku tiñkē ciēer wäär cïk tiñ ciēen panden ke wat kenhïim, ku ler ku kēc yōt nhom, yōn tō meth thïn,

¹⁰ ku mitkē puōth apēi.

¹¹ Ku lek yōt ku yōkkē meth kek man, ku gutkē kenhïol piny ku dorkē, ku liepkē jōgōoken thook ku juerkē milōñthith, ku adōñ ñir mit tuölde ku adōñ kec.

¹² Nawēn ke nyuöth ku lēk ke bïk cïi dhuk tēnē Yērot, gokē dhuk panden dhēl dēt.

Meth aci riεεñ Ijip

¹³ Wēn cï kek jäl ka atuny ë Nhialic nyuth rot Jothep ku nyuëeth ëlä, “Jōt rot ku luōc rot wei kek meth ku man ku lak Ijip, ku rēerkē thïn yet aköl bï yēn we lēk bāk dhuk, rin Yērot awïc meth bï nāk.”

¹⁴ Go Jothep rot jōt ku nyēei meth kek man ë wēer kēnē, ku lek Ijip.

¹⁵ Ku rēerkē thïn yet aköl thou Yērot, rin bï wēt raan kāk Nhialic tiñ, cï lueel thēer ëlä yenhom tiεεñ, “Yēn abï Wēndiē cöl Ijip.”

¹⁶ Nawēn tiñ Yērot lōn cï bāny ke bō ciēen ye ruēeny, ke riääk puōu. Ku cöl mïth rōör aa nēk ëbēn Bethalem, ku bēei kōk thiääk kek ye, mïth ye ruōnken rou, ayï mïth kōk kēc run karou dööt, cït tē ye tāk ye tēwäär piñ yen wēt tēnē bāny ciēen.

¹⁷ Ku kāk ke cï Jeremia raan kāk Nhialic tiñ lueel thēer, aci kenhïim tiεεñ thïn. Ku ëcï lueel ëlä,

18 “Dhiëëu ëci piñ gen Rama,
dhiëëu ku kieeu ë dit apeì.
Kac Itharel aake dhur miëthken,
Ku aaci wëc ë puöu ye gam,
rin ci kek thou ëbën.”

Meth aci dhuk

19 Nawën ci Yërot thou, ka atuny Nhialic
ben rot nyuöth Jothep pan Ijip,

20 ku lueel ëlä, “Jot rot, ku dhuök meth kek
man pan Itharel, rin kac wäär wic ye bik
näk aaci thou.”

21 Go Jothep rot jot, ku jiël kek meth ku
man, ku dhuk pan Itharel.

22 Nawën piñ lon ye Arkelao bëny Judia
nyin wun, go riöc bi la Judia, ku ben
nyuääth, go muöl la Judia ku ler Galilia,

23 ku ler ku rëer gen cöl Nadharet. Käya,
wël ke ci raan käk Nhialic tiñ lueel aaci
kenhiim tiëñ thïn, “Lön bi Jethu aa raan
Nadharet.”

3

Piöoc Joon raan kac muöc nhüim (Mk 1:1-8; Lk 3:1-18; Jn 1:19-28)

1 Ye ninkä, Joon raan kac muöc nhüim ëci
piöocde jöck pan Judia, roor të cii ceñ, ku lëk
kac ëlä,

2 “Pälkë luoi kârac rin Bääny Nhialic aci
thiök.”

3 Mony kënë, yen ëci Ithaya raan käk
Nhialic tiñ jam rienke thëer wäär lueel yen
ye ëlä,

“Raan kâkkië tiñ abi piñ röl ke jam roor të cii
ceñ,

‘Guiërkë dhël ë Bëny, luoi kâ dhölke bik la
cök.’ ”

4 Joon ë ye ceñ alëth ci looi nhiëm thöröl,
ku ceñ gäp ye añum, ku müith ke ye cam, aa
koryam ku kiëc.

5 Kac Jeruthalem ku kac juëc pan Judia,
ku lon Jordan ëbën aaci wet tënë ye,

6 ku lekkë adumuöömken, ku jöl Joon ke
muöc nhüim wär Jordan.

7 Wën tiñ Joon kac juëc akut Parathi ku
Thaduthi ke bö tënë ye bi ke bën muöc
nhüim, ke lëk ke, “Awek dhiënh käpieny!
Yenja lëk we bäk kat këreëc bö?”

2:18 Jer 31:15 2:23 Mk 1:24; Lk 2:39; Jn 1:45 3:2 Mt 4:17; Mk 1:15 3:3 Ith 40:3 3:4 2Bñ 1:8 3:7 Mt
12:34; 23:33 3:9 Jn 8:33 3:10 Mt 7:19 3:17 Cäk 22:2; Wk 2:7; Ith 42:1; Mt 12:18; 17:5; Mk 1:11; Lk 9:35 4:1
Yëb 2:18; 4:15 4:4 L.rou 8:3

8 Luoi kâc ye nyooth lon ci wek muöl
kârac yakë ke looi.

9 Ku duökkë wepuöth tön ku luoi kâc yok aa
mïth Abaram. Alëk we, lon alëu Nhialic bi
aleelkâ cöl aaye mïth Abaram.

10 Ku ëmën yëp aci ther bi ke tiim yep, rin
na ye tim cie luok mïth path, ka yep ku cuet
ë mëc.

11 Wek aa ya muöc nhüim ë pïu bäk luoi
kârac puöl, ku raan bö ciëen yacök abi we
muöc nhüim ë Wëi Nhialic ku mac. Yeen
adit apeì tënë ya, ku yen aci path na cök a
warke ka cä lëu ba ke dök.

12 Yeen aci raan muk lak ë kâm, ye rap
kööm bi rap tek thook ke miël. Ku wiiu rap
ku tööu ke. Ku yöot miël many cie thou.”

Jethu aci muöc nom

(Mk 1:9-11; Lk 3:21-22)

13 Nawën ke Jethu jiël Galilia bi la Jordan
bi Joon la muöc nom.

14 Go Joon them bi Jethu yenhom waar
ku lëk ye, “Awiëc bi ya yin muöc yanhom.
Yenö bi yin tënë ya?”

15 Go Jethu dhuök ye, “Cöl aloi rot këya. Ee
tëde bi rot looi këlä rin bi yok kë wic Nhialic
tiëñ nom.” Go Joon gam.

16 Kaam wën ci Jethu muöc nom, ke bö
bei wiir ku tiñ nhial ke liep rot, ku tiñ Wëi
Nhialic ke bö yenhom kecit kuur ë dit.

17 Ku piñ röl Nhialic nhial ke lueel, “Kënë
ë manhdiën nhiaar, yen amit puöu tënë ye.”

4

Jethu aci jöñrac them

(Mk 1:12-13; Lk 4:1-13)

1 Kaam wën ke Wëi Nhialic la Jethu guöp,
ku yëth roor të cii ceñ bi jöñrac la them.

2 Ku jöl miëth theek nin thiärñuan, aköl ku
wëer go cök näk.

3 Go jöñrac rot cuöt ye ku lueel, “Na ye
Wën Nhialic, ke lëk aleelkâ bik röt wel bik
ya ayuöp.”

4 Go Jethu bëer, “Aci göt thëer ëlä, ‘Raan
acie pïr ayup ë rot, ee pïr wël bën bei ëbën
Nhialic thok.’ ”

5 Go jöñrac yäth gendit ku tëëu luan
Nhialic nom,

6 ku lueel tënë ye,

“Na ye wën Nhialic, ke yï cuet rot piny, rin
ëcï gõt ëlä,
‘Nhialic abä atuöcke lëk bik yï muk kecin,
ba yïcök cïi deeny alël.’ ”

⁷ Go Jethu lëk ye, “Acï gõt ëlä aya, ‘Duk
Nhialic Bänydu them ë path.’ ”

⁸ Go jəŋrac ben ɣəth gən bār apɛi nhom, ku
nyuth bɛïi pinynhom ëbən ke dɛɛkden.

⁹ Ku lueel tənə ye, “Käkkä ëbən aba yïek yï
tə cuet yin rot piny ku door ɣa.”

¹⁰ Go Jethu lëk ye, “Jälë, Jəŋ ater, rin acï
gõt ëlä, ‘Yin abï Nhialic Bänydu door ku loi
wətde yetök!’ ”

¹¹ Go jəŋrac nyään piny, ku bö atuuc nhial
ku konykë.

Jethu acï luəide jəək Galilia
(Mk 1:14-15; Lk 4:14-15)

¹² Nawën piŋ Jethu lən cï Joon dəm, ke
dhuk Galilia.

¹³ Ku jiël Nadharet genden ku le rëer
Kapernaum, gen thiäak kek wär Galilia, ləŋ
Dhebulun ku Naptali.

¹⁴ Kənë ëcï rot looi, bi wët cï Ithaya raan
kək Nhialic tiŋ lueel yenhom tiɛɛŋ,

¹⁵ “Piny ë Dhebulun ku piny Naptali,
tə la wïir, wär Jordan aləŋtui,
Galilia, wun thäi juéc kuc Nhialic!

¹⁶ Kəc ke rëer muöth yic
aacï rueldit apɛi tiŋ.

Ku kəc ciəŋ piiny muöth yic tən thou,
ruel acï bən.”

¹⁷ Ku ë ninkä, Jethu acï piöcde jəək, ku lëk
kəc ëlä, “Pälkë luəi kərac, rin Bääny Nhialic
acï thiök.”

Jethu acä aməi kaŋuan cəəl
(Mk 1:16-20; Lk 5:1-11)

¹⁸ Təwën kuɛny Jethu wär Galilia ɣəu, ke
tiŋ aməi karou, Thaimon, ku ë cəl Piter aya,
kek Andria wämənh ke dəm rec buəi.

¹⁹ Go lëk ke, “Biathkë ɣa ku wek aaba
piöc bək kəc aa dəm.”

²⁰ Gokë biaiken nyään piny nyin yic ku
buəthkë Jethu.

²¹ Wën jiël yen ë tən, ke tiŋ Jemith ku
Joon kek wunden Dhubedi riäi yic, ke guir
biaiken. Go Jethu ke cəəl.

²² Gokë lööny dhöl nyin yic kek ye, ku
nyieəŋkë wunden piny riäi yic.

Jethu ë piöc ku kony kəc tuany
(Lk 6:17-19)

²³ Ku jəl Jethu pan Galilia kuany yic, ke
ye piöc ɣən amat yiic, ku lëk kəc Wət Puəth
Yam ë Bääny Nhialic, ku kony kəc kuat
tuaany ëbən bik pial.

²⁴ Go ləcde thiëi piny pan Thiria ëbən, go
kəc ke tuany tuɛny juéc, kəc ke rem gup
apɛi, ku kəc cï jakrɛc dəm, ku kəc la gup nok
ku kəc cï ruai, bɛïi tənə ye. Goke kony bik
pial.

²⁵ Go kəc juéc apɛi pan Galilia, ku gɛeth
kathiäär yiic, ku Jeruthalem ku Judia ku
bɛïi kək ləŋ Jordan, buəth.

5

Kəŋ miət ë puəu cï Jethu piöc
(Lk 6:20-23)

¹ Wën tiŋ Jethu kəc juéc apɛi, go la tətəhny
gət nhom. Ku nyuuc ku mət kəcken ye
buəth röt ye,

² go jam ku piöc ke ëlä,

³ “Kəc mit gup aa kəc ë ləŋ kepuəth,
rin ye Bääny pan Nhialic kəden!

⁴ Kəc mit gup aa kəc dhuöör rin bi
Nhialic ke waac puəth!

⁵ Kəc mit gup aa kəc lir puəth,
rin bi kek kə cï Nhialic thən yök!

⁶ Kəc mit gup aa kəc nək tuil puən la cök,
ku aabi kuɛth yeen!

⁷ Kəc mit gup aa kəc abiökruel,
rin bi keek kony aya!

⁸ Kəc mit gup aa kəc ɣer puəth,
rin bi kek Nhialic tiŋ!

⁹ Kəc mit gup aa kəc ë kəc döör,
rin bi keek aa cəl miəh Nhialic!

¹⁰ Kəc mit gup aa kəc ye jöör rin wət
path, rin ye pan Nhialic kəden!

¹¹ “Wek aa mit gup tə lëət we ku nək we,
ku tör kəc kək wegup wəl lueth ë rienkië.

¹² Yakë puəth miət ku dalkë wepuəth, rin
bi ariöpdun dit apɛi pan Nhialic. Yen ë
təwäär jöör kek kəc kək Nhialic tiŋ thən aya.

¹³ “Wek aa cit awai pinynhom. Ku na
thöök kəu aləi, ke ben dhuök thən kədə?

Awan cīt kënë acie bən piath. Aye puək wei bī ya dum kəc cök.

¹⁴ Wek aa mermer pinynhom ebën. Gen cī buth gət nhom acie thiaan.

¹⁵ Acīn raan mermer dëöp ku kum nyin, aye tōöu tən ë yen yöt mer yic thīn tənë kəc tō yōöt ebën.

¹⁶ Këya, mermer adhīl tīn kəc ebën, rin na tīnkë luaidun path la cök ka lec Wuurdun tō nhial.

Piöoc Jethu rin ë löj

¹⁷ “Yakë tak lön cī yen bën, ba löj Mothith ayī kāk ye kəc kāk Nhialic tīn piöoc bën rac? Acie tēde, yen akēc bën ba ke bën rac, yen acī bën ba ke bën thääp.

¹⁸ Alək we alanden, agut tē bī nhial ku piny liu, acīn wēt koor ayī këthiin tō löj yic, bī kañ mää ke kəc guöt nhom.

¹⁹ Këya, raan dhoñ löj tök köu, cək a löj thin koor, ku piöoc kəc kək bik löj dhoñ köu aya, acīn tēpeth bī yök pan Nhialic. Ku raan thek ke, ku ye ke piöoc abī ya raandit apeī pan Nhialic.

²⁰ Alək we, na cīi piathdun ku luaidun la cök, abī luai kəc piöoc lööj Nhialic ku luai Parathī waan thok, ke wek aacīi la pan Nhialic alanağan.

Löj yam awär löj theer

²¹ “Acäk piñ lön cī ye lək wärkuan dīt theer elä, ‘Duk raandä näk, ku na ye raan näk raan dēt ka bī luək wei.’

²² Ku wek aa lək wēt kënë, raan la puöu agöth tənë raandä, abī luək wei aya. Ku na ye raan lat wämēnh, ‘Yīn acīn nhom!’ Ka tēm thou, ku na ye raan lat raan dēt, ‘Yīn acīn puöu,’ Ka bī yāth pan mac.

²³ Na lə juar ariäk nhom, ku lə tak lön cī wämuuth puöu riäk tənë yī,

²⁴ ke yī nyiēñ këdu ariäk lööm ku ləor bāk kañ la döör wek wämuuth, ku jəl dhuk ba Nhialic la juēr.

²⁵ “Ləc wēt waar yic ku döörkë wek raan yēth yī luk yic. Na cīi ləc looi kälä, ka yēth yī luk yic tənë bēny. Ku bēny abī yī la thön apuruuk, ku mac yī.

²⁶ Yīn alək yic, yīn aciī bī kañ lony yet tē bī yīn këthiin köny tənë yī kañ cool.

Jethu ajai ë kər

²⁷ “Acäk piñ lön cī ye lueel theer elä, ‘Duk tīn raandä kər.’

²⁸ Ku alək we, raan döt tik ku tuiil ye, kacit raan cī tik kəor aya rin tō yen yepuöu.

²⁹ Këya, na ye nyindun cuēc yī cəl aloi awuöc, ke nuēt bei ku cuat wei! Anuēñ ba cər nyien tök, tənë lön bī yī cuat pan mac ebën.

³⁰ Ku na ye cindun cuēc yī cəl aloi awuöc, ke tēm wei. Anuēñ ba la ciēn tök, tənë lön bī yīn la pan mac.

Jethu ajai ë liöoi

(Mt 19:9; Mk 10:11-12; Lk 16:18)

³¹ “Acī lueel aya elä theer, ‘Raan päl tienje adhīl athör ë liöoi gət tənë tik.’

³² Ku alək we, na ye raan cī tienje liöoi ke kəc wic mony dēt, ka bī ye cəl aloi ad-umuööm, ku raan thiak tīn cī liöoi ka cä akər looi.

Jethu ajai ë kuēñ

³³ “Acäk piñ aya lön cī ye lək kəckun theer elä, ‘Duk mël kuēñ ë lueth, muk kuēñdun ca looi tənë Bēny.’

³⁴ Ku alək we, duökkë mël kuēñ, tēde rin pan Nhialic tēde rin ë Bäänyde,

³⁵ tēde rin piny, rin yen ë tē məc Nhialic ku duk kuēñ Jeruthalem rin ë gen Bēnydīt.

³⁶ Duk kuēñ ë cöckdu rin acie yīn yī cak ye.

³⁷ Jamdu ë lön bī yīn ye lueel amääth ë path, ‘Ee këya’ ku, ‘Acie këya,’ Kë ye juak thīn, ee bën tənë jəñrac.

Jethu ajai ë guur

(Lk 6:29-30)

³⁸ “Acäk piñ aya ke cī lueel elä, ‘Na yup raan yī nyin ke yup nyin aya, na dhoñ yilēc ke dhoñ lēc.’

³⁹ Ku wek alək kënë, duk kërac col kërəc dēt. Na gut raan gëmdun cuēc ke wël gëm dēt aya.

⁴⁰ Na wic raan dēt bī këdun path tuöör nyin, ke mät këdun dēt puöth nhīar aya.

41 Na cəl raan yī ba kēthiek muk tēnē ye, ke ruac ba yāth tēmec.

42 Muɔc raan lim yī, ku na wīc raan kēdāŋ tēnē yī, ke gām ye.

Nhiar kɔc man yīn
(Lk 6:27-28, 32-36)

43 “Acāk piŋ ke cī lueel ēlā, ‘Nhiar kɔc määth kek yī ku man kɔc ater.’

44 Ku alək we, nhiarkē kɔc aterdun ku rōkkē rin kɔc jör we,

45 rin bī wek jäl ciēt mīth Wuurdun tō nhial, rin ē piny cəl abak tēnē kɔc path ku kɔc rɛc kedhie, ku cəl deŋ atueny tēnē kɔc ē luui kápath ku kɔc luui kārác aya.

46 Na nhiar ke ē kɔc nhiar yī kepēc, ke ye rin ŋō bī Nhialic yī kony? Cīi kɔc kut ajuēr ye looi kēlā aya?

47 Na yeke muōth ē kɔc määth kek yī ē röt, ke la kēpeth ca looi wēr yīn kɔc kək? Cīi kɔc cie kɔc Itharel kēcīt kēnē ye looi aya?

48 Yīn adhīl piath cīmēn puōth Wuur tō nhial!

6

Duk nhiam ē kuōny ca gam

1 “Tietkē röt bāk kápath cīi ye looi ē kɔc nhīim rin bī we tiŋ. Na luōikē kēya, ka cīn ariöp bāk yök tēnē Wuurdun tō nhial.

2 “Na le raan ŋōŋ ca kony, ke yī duk nhiam ba ya cath ke luel cīmēn kɔc alueth, ye looi tēn amat ku dhöl yiic, rin bī ke leec. Detkē apath, kek ē kōckā acīn ariöp dēt benkē yök.

3 Ku na gām raan ŋōŋ kēdāŋ, ku cək a mähdu ke duk cəl aŋic.

4 Rin bī kēdun cī yīn raandā kony cīi ŋic. Na loi kēya, ke yīn abī Nhialic cuōt, raan yen kēriēc ēbēn ŋic, agut kē cī moony.

Jethu anyuth yo tē bī yokya rōök thīn
(Lk 11:2-4)

5 “Ku tē rōök yīn, duk kɔc alueth kīit, anhiarkē bīk rōök ke kääc tēn amat ku dhöl yōth, rin bī ke tiŋ. Ku alək we, keek aacā ariöpden yök.

6 “Tē rōök yīn, ke yī la tēdu ē rot, ku rōök tēnē Wuur Nhialic cie tiŋ, rēēr ē tēnē, ku yen Wuur daai yī, yen abī cuōt.

7 “Ku tē rōök yīn, duk wēl ye ber yiic ē path cīmēn kɔc kuc wēt Nhialic, kɔc ye tak lōn na luelkē wēl juēc, ke yen bī Nhialic rōökken piŋ?

8 Duk rot loi ba ciēt ke, rin Nhialic ē kē tō yīpuōu guō ŋic ke kēc cak thiēc.

9 Kēya, yīn adhīl rōök ēlā, ‘Wādan tō nhial, bī rienku aleec,

10 bī bäänydu bēn yoyiic, bī wētdu alooi piiny cīmēn nhial.

11 Muɔc yook miēth yaköl.

12 Päl wēt piny tēnē yook, cīmēn ye yok ye puöl tēnē kɔc rɛc yook.

13 Ku duk yook cəl athem kērac, ku ba yook lac waar kērac yic.’

14 “Rin na ye wēt päl piny tēnē kɔc kək, ke Nhialic abī wēt päl piny tēnē yī aya.

15 Ku na cīi wēt ye päl piny tēnē kɔc kək, ke Nhialic acīi wēt päl piny tēnē yī.

Duk nyooth lōn thēk yīn

16 “Tē thēk yīn, duk rēēr yī ŋōŋ nyin cīmēn ye kɔc ruēeny ye looi. Aake nyīn looi ŋuarar bīk nyuōth lōn thēk kek. Alək we, keek aacā ariöpden yök.

17 Tē thēk yīn, rēēr ē path ku duk nyooth lōn nēk cək yī,

18 bī ciēn raan ŋic ye lōn thēk yīn, ku Nhialic Aciēŋ yen kē ye ŋek looi ē rot ŋic, yen abī yiěk ariöpdu.

Jiæk cie riääk atō pan Nhialic
(Lk 12:33-34)

19 “Duōkkē jak kāk tō pinynhom rin ye aruɔp ku keth ke rac, ku aaye cuēr kual aya.

20 Kēya, apath bī ya jiæk pan Nhialic yen wīc, yen acīn kē bī ye rac.

21 Rin piändu abī ya rēēr akōlaköl tē tō jaakdu thīn.

22 “Kēya, puōn path acīt nyin path, raan path nyīn ee daai apath, acīi thōŋ kek raan cī cər. Raan la puōn yer acīt raan path nyin,

23 ku raan ye ŋic kēde ē rot, ee raan col puōu cīt cər cie piny ē tiŋ!

Nhialic ku jiæk
(Lk 16:13; 12:22-31)

24 “Acīn raan bāny karou luōi ē tōk, tēde ka man bāny tōk ku nhiēr bēny dēētē, tēde

ka thek raan tök ku dhël raan dët. Acii raan lëu bi Nhialic ku jïeck nhiaar kedhie.

²⁵ “Këya, alëk we bäk cii ye diëer kë bäk cam, ku kë bäk dek, rin bi wek rëer we pïr, tädë ke we diëer käk bäk ceŋ. Wëi anjüëñ tënë miëth. Ku guöp raan cii njuëñ tënë alëth?

²⁶ Daaikë diët ë pär nhial, aa cie pur, ku aa cïn miüth yekë ke tööu, ee Wuur tö nhial yen ë diëer ë ke! Na week cäk ye kädit apëi tënë ke?

²⁷ Yeŋa kamkun na diir piërde, ke juak ruönke?

²⁸ “Ku yeŋö ye wek diëer käk bäk ceŋ? Tiëŋkë yök pëth ë cil roor, aa cie luui ku aa cie alëth ë këcc ë rienken.

²⁹ Ku adhiël lëk we na cök a Bënyŋaknhom Tholomon wäär ë jaakde yic, ee cii cit ke.

³⁰ Ku na ye Nhialic wël tö roor cöl adhëŋ këya, wël tö thïn ëmën, ku na nhiäk nin lik ke ril wei ku took ke mac, ke yeen cii we bi kuëcc nhüim? Ye gam thiin koor njo be rëer kek we këya!

³¹ “Duökkë ye diëer ku luelkë, ‘Yeŋö buk cam? Yeŋö buk dek? Buk kë ceŋku yök tëno?’

³² (Aa këc kuc wët Nhialic kek aa kepuöth yiëk ë kakkä.) Ku anjic Wuurdun tö nhial lön wïc wek kakkä ëbën.

³³ Yakë wepuöth wël bäänyde kek käk wïc ke tënë we, kajuëc wiëckë ke aabi yiëk we.

³⁴ Këya duökkë ye diëer ë nhiäk, nhiäk abi bën kek kärke. Aköl ëbën ala yic këraacde ë rot.

7

Kəŋ kəkku guir ba raan dët jäl wëët (Lk 6:37-38, 41-42)

¹ “Duk këc këk ye nyieeny kārāc cik looi kāk ye ke looi aya, rin bi yi cii gut nyin,

² rin tē ye luök këc këk, yen ë tē bi Nhialic yi luök thïn aya.

³ Yeŋö, ye yin këreec dīt ye looi kuc, ku ye tiŋ këreec koor ye wāmuuth looi?

⁴ Ye kädë bi yin ke mēnhkui dāk kārāc ye looi, ku keek aaye looi aya?

⁵ Awëëŋkui! Kaŋkë kārāc yakë ke looi puöl, yen abi wek ye lëu bäk miëthakun jäl wëët.

⁶ “Duk jāk gëm kënë Nhialic, ku duk rot gäu ba wët lëk këc cii ye bi gam, tädë aabi kuc ku näkkë yin.

Röök yen wïc Nhialic (Lk 11:9-13)

⁷ “Thiëc, ku abi gām yi, wïc ku aba yök, gut yöt thok ku abi ŋaany thok tënë yi.

⁸ Raan ë thiëc, aye gām kädän, ku raan wïc kädän, ee kë wïc yök, ku raan yöt tōŋ thok aye ŋāny thok ye akölaköl.

⁹ Nadë le raan kamkun gëm manhde dööt tē wïc yen miëth?

¹⁰ Nadë, ke gëm këpiny, tē ci yen ye thiëc ë rëc?

¹¹ Na yakë ŋic wek këc cii path bäk miëthkun aa gām kápath wickë ke, ke Wuur tö nhial cii kajuëc path bi gām këc ye thiëc!

Löŋ la cök

¹² “Loi kápath tënë këc këk, cimen nheer yin ye bik kápath looi tënë yi aya, kakkä kek aci lueel theer athör Nhialic yic.

Kuany dhël la pan Nhialic yic (Lk 13:24)

¹³ “Kuany dhël ye këc gum thïn yic, rin dhël cii këc ye gum thïn, ee këc yáth pan mac, ku ë yen aye këc juëc mër thïn.”

¹⁴ Ku dhël ye këc gum thïn yen ë la pan Nhialic, ku aa këc lik kek aaye kuany yic.

Tietkë röt bi week cii wëŋ (Lk 6:43-44)

¹⁵ “Tietkë röt këc piöoc wël ë lueth, këc bën tënë we ku luelkë wël puöth ci la läiläi, ku kāk rëer keyäac arac apëi.

¹⁶ Aa bäk ŋic tēden ye kek luui thïn. Acin mīth tim ye cam, ye bet tim dët cie ye nhom.

¹⁷ Këya, tim ye miëthke cam ë luök mīth path, ku tim rac cii miëthke ye cam, acin kë ye yök tënë ye.

¹⁸ Tim pëth ye miëthke cam acii lëu bi dhiëth mīth rëc, ku tim cii miëthke ye cam acie kaŋ luök mīth ye cam.

¹⁹ Ku kuat tim cïn kë ye kuany tënë ye aye yep ku tok.

²⁰ Aben lëk we, këc aa lueth, aa bäk ŋic tēden ye kek luui thïn.

Wek aa këc kaŋ ŋic (Lk 13:25-27)

21 “Acie kuat raan ya cəɔl, ‘Bəny, Bəny,’ Yen bi la pan Nhialic, aa kəc kə wic Wä tō nhial looi kek aabi Bääny Nhialic yök.

22 Tē le aköl kənē bən, abi kəc juēc lueel tənē ya, ‘Bəny, Bəny! Yök aaci wēt Nhialic piöc ē rienku. Ku yök aaci jakrɛc cuəp wei ē rienku, ku loiku kajuēc kəc gəi!’

23 Ku aba lək ke, ‘Wek aa kəc kaŋ ɲic. Jälkē yalööm, kəc ē luui kārɛc!’

Kääŋ rin kəc karou ci bēi keer
(Lk 6:47-49)

24 “Kəya, kuat raan wəlkiən kā piŋ, ku luui ē wəlka, abi ciət raan ɲic kāŋ ci paande looi tēthöny.

25 Go deŋ tuəny ku bö aboor ku yomdit apɛi. Ku paande akəc wīk rin ci ye buth tēthöny.

26 Ku kuat raan wəlkiən kā piŋ ku cii lui ē ke, abi ciət raan abēl ci paande looi tēthuth.

27 Go deŋ tuəny apɛi ku bö aboor ku yomdit, go baai wīk ebən abi ciən yön tōŋ dōŋ!”

Thän awən tō thīn aci gäi

28 Wən ci Jethu wəl ke wic bi keek lueel thöl, go thän awən tō thīn gäi tē ci yen ke piöc thīn,

29 rin Jethu aci cīt kəcken piöc ē lööŋ, rin aci piöc ke la riəl Nhialic.

8

Jethu acä atuet cəl apuəl
(Mk 1:40-45; Lk 5:12-16)

1 Wən ci yen bən piny gət nhom, ecī kəc juēc apɛi buəth.

2 Go raan ci tuet bən tənē ye ku gut yenhiaal piny yenhom ku lueel, “Bəny, na wic ke yin cəl ē tuen kənē adem.”

3 Go Jethu yekök riny ku gəət, ku lueel, “Ee yic awiēc, Piaalè!” Go tuet guə dem nyin yic.

4 Ku lək Jethu ye, “Muk yinhom apath duk kənē lək raan dət, ləɔr ku nyuəth rot raan kək Nhialic bi caath, ku juar kāŋ cit tē ye löŋ Mothith ye lueel thīn, bi kəc ebən ɲic lən ci yin pial.”

7:23 Wk 6:8 7:29 Mk 1:22; Lk 4:32 8:4 Leb 14:1-32 Ith 53:4

Jethu aci raan lui pan bəny apuruuk kony
(Lk 7:1-10)

5 Wən ci yen yet Kapernaum, ke bəny mɛc apuruuk juēc bö tənē ye ku ləŋ,

6 “Bəny, raan lui paandiē atō baai ke tuany, acin tē ye yen rot cak jət, adhəl apɛi.”

7 Go Jethu lueel. “Yen abi la ba kony bi pial.”

8 Go bəny apuruuk bēer, “Bəny, duk rot nək cəth, rin yen acie raan path nadē ke yi bö atiəmdiē yic, toc wētdu ē path ku yeen abi pial.

9 Rin yen aya, yen arēer bānydit cök, ku yen ala apuruuk rēer yacök. Ku aya lək ɲek. ‘Ləɔr!’ Ka la, ku lək ɲek, ‘Bäär tən!’ Ka bö. Ku lək raan lui paandiē, ‘Loi kənē!’ Ka looi.”

10 Kaam wən piŋ Jethu wəl raan kənē ke gəi, ku lək kəc awən buəth ye, “Alək we ayic, acin raan tōŋ ca kaŋ yök Itharel ke la gamdit cit kənē.

11 Muökkē kənē nhom, kəc juēc aabi bən pinyhom ebən ku nyuuckē ē tək kek Abaram, ku Ithäk, ku Jakop yai yic bääny yic pan Nhialic.

12 Ku kəc ke bi rēer bääny yic aabi ciɛc ayeer muöth yic, tē bi kek rēer thīn ke dhiau bik kethook aa kac, ke ci nhüm la cət.”

13 Ku wəl yethok bəny apuruuk ku lueel, “Ləɔr, dhuək baai, yin aci gam, ku kənē abi looi tənē yi.”

Ku raanden luai aci guə pial ē tən awən.

Jethu aci kəc tuany kony
(Mk 1:29-34; Lk 4:38-41)

14 Təwən le Jethu pan Piter, ke yök man tiŋ Piter piiny biöök yic ke ci juai göök.

15 Go gəət, go juai jäl, ku jət rot ku looi miəth tənē ke.

16 Nayən thēi, ke kəc juēc la gup jakrɛc bi tənē ye. Go jakrɛc cuəp wei kegup wēt thok ē path, ku kony kəc tuany bik pial.

17 Kənē aci rot looi rin bi wēt ci Ithaya lueel thəer yenhom tiɛŋ, “Acī kuat arɛem ku tuaany ebən jat yeyeth.”

Raan buəth Jethu adhil puəu riəl
(Lk 9:57-62)

18 Nawən tiŋ Jethu thändit apɛi yelööm, ke lək kacke bik teem wär aləŋtuı.

8:11 Lk 13:29 8:12 Mt 22:13; 25:30; Lk 13:28 8:17

19 Go raan piöoc löön bën tēnē ye ku lueel, “Bānydiē, yīn aba biaath kuat tē ler yīn thīn.”

20 Go Jethu bēēr, “Luony roor aala yōōtken yekē ke wuut, ku diēt pār aala yōōtken, ku Manh Raan acin nhom baai pinynhom tēn.”

21 Go raan dēt kam kōc ye buōath lueel tēnē ye, “Bēny, cōl ya akōŋ wā la thiōk.”

22 Go Jethu bēēr, “Buōth ya, ku pāl kōc cīt kōc cī thou bīk kacken thiōk.”

Jethu aci yom cōl akāāc
(Mk 4:35-41; Lk 8:22-25)

23 Go Jethu la riāi yic, ku buōath kōcken ye buōath.

24 Kaam awēn, ke yomdīt ril apēi jōt rot, ku loi atiaktiak rot bī riāi duēr puk yic, ku Jethu ē nin.

25 Go kōcken ye buōath la tēnē ye ku puōckē ke dhiau, “Luāk yo, Bēny, yōk aa diēr!”

26 Go lēk ke, “Wek kōc koor gamdun, yeŋō ye wek riōōc kēlā?” Ku jōt rot ku rēl yom ku atiaktiak, gokē la dīl.

27 Go kōc awēn gāi ku thiēckē rōt, “Ye raan la guōp ŋō kēnē? Na cōk a yom ku atiaktiak ē ke piŋ wētde!”

Kōc pan Gadara la gup jakrēc
(Mk 5:1-20; Lk 8:26-29)

28 Wēn cī Jethu yet pan Gadara tō wār alōŋtui, ke rām kek rōōr karou ke bō bei rēŋ nhīm. Ku rōōrkā aake la gup jakrēc ē ke riir nhīm apēi, abī kōc aa riōōc ke, abī ciēn raan tēek ē dhēl kēnē.

29 Gokē duōōt looi wēn tiŋ kek Jethu, “Yeŋō wīc tēnē yo Wēn Nhialic? Ca bēn ba yo bēn tēm awuōc ke tēn awuōc ŋoot?”

30 Ku duut dīr baai ē nyuāth tēthiōk.

31 Go jakrēc Jethu lōŋ, “Na wīc ba yo cuōp wei ē rōōrkā gup, ke yī cop yo ē dīrkā gup.”

32 Go lēk ke, “Lak,” Gokē bēn bei ku lek ē dīr gup, ku tēn awēn, ke duut diēer riŋ agōr yic ku thootkē wīir ku moukē ēbēn.

33 Go rōōr ke biōōk dīr kat ku riŋkē geeu, ku lek kē cī rot looi tēnē dīr ku tēnē rōōr awēn karou la gup jakrēc tēt kōc.

34 Go kōc juēc apēi geeu la bīk rōm kek Jethu. Nawēn tiŋkē, ke lāŋkē bī jāl panden.

9:11 Lk 15:1-2 9:13 Mt 12:7; Yoth 6:6

9

Jethu aci raan cī ruai kony
(Mk 2:1-12; Lk 5:17-26)

1 Go Jethu dhuk riāi yic, ku teem wār, ku ler gēnden Kapernaum.

2 Go kōc kōk mony cī ruai bēēi tēnē ye ke ketkē, ke cī tōc biōōk alom yic. Tēwēn tiŋ Jethu gamdīt tō ke ke, ke lueel tēnē mony aduany, “Deet yīpuōu manhdiē! Adumuōōmku aaci pāl piny.”

3 Tēwēn piŋ kōc piōōc ē löōŋ ē wēt kēnē, gokē jam kamken ēlā, “Mony kēnē adhāl Nhialic!”

4 Go Jethu lēk ke wēn ŋic yen kē yekē tak, “Yeŋō ye wek tak kārāc cīt kākkā?”

5 Ēmēn ye kēnēn puōl yic kākkā yiic, ba lueel, ‘Adumuōōmku aaci pāl piny,’ Tēdē ke lueel, ‘Jōt rot ku cathē?’

6 Ku aba nyuōth we lōn le Manh Raan riēl pinynhom ba adumuōōm pāl piny.” Ku lēk mony aduany, “Jōt rot ku kuany biōŋdu ku lōōr baai!”

7 Go mony kēnē rot jōt ku dhuk baai.

8 Go thān awēn riōōc wēn tiŋ kek mony kēnē, ku leckē Nhialic rin cī yen riēldiit cīt kēnē gām raan ē path.

Jethu aci Matheo cōōl
(Mk 2:13-17; Lk 5:27-32)

9 Tēwēn jiēl Jethu tēn awēn, ke tiŋ mony ajuēr kut cōl Matheo ke rēēr tēden luōi, go lēk ye, “Buōth ya.” Go Matheo rot jōt ku buōath.

10 Tēwēn mīth Jethu pan Matheo kek kōcken ye buōath, ke kōc ajuēr kut, ku kōc kōk la gup anyon, mēt rōt ke bīk mīth ē tōk.

11 Nawēn tiŋ Parathī ē kēnē, ke thiēc kōcken ye buōath, “Yeŋō ye raandun piōōc mīth kek kōc ajuēr kut ku kōc kōk la gup adumuōōm?”

12 Go Jethu wēlken piŋ ku bēēr, “Aacie kōc puōl kek la tēnē akīim, aa kōc tuany.

13 Lak bāk wēlkā la deet yiic, kē wiēc ē yēr puōu, acā wīc bī ya nāk yōk. Yēn akēc bēn ba kōc path bēn cōōl, aa kōc la gup adumuōōm.”

Wēt löŋ thēk ē miēth
(Mk 2:18-22; Lk 5:33-39)

14 Go kōc Joon raan kōc muōōc nhīm bēn tēnē Jethu ku thiēckē, “Yōok, ku kōc Parathī

yok aa thek buk cii mïth, ku kockun yi buoath aacie thek, yenjo?"

¹⁵ Go Jethu lonnden beer ela, "Yake tak lon bi koc ci ben ruäai yic reer ke cii mïth, ku yen athieek nhom ya reer ke ke? Aacie tede! Akol bi athieek dom ku nyei keyiic, yen akol bi kek thek.

¹⁶ "Yen aci ben ba we ben lek, lon nade acin raan bi aban alanh ret wei alanh yam kou bi la buop e dhiath alath kou.

¹⁷ Ku acin raan bi muon abiic e yam puok Tony theer yic, na looi keya, ke Tony abi yic pat ku puok mou wei, ku rieekk kedhie. Muon yam adhil puok Tony e yam yic. Ku na ye muon abiic e yam, ka ye taau Tony e yam yic, ku keek eben aacii bi riak."

Jethu aci tik kony ku col meth aben pir
(Mk 5:21-43; Lk 8:40-56)

¹⁸ Tewen lek Jethu ke e welka, ke beny ten amat koc Itharel bo tené ye ku gut yenhil piny yenhom ku len, "Nyaandié apuoc thou emen thinn, baar ba yicin la taau yenhom bi ben pir."

¹⁹ Go Jethu rot jot kek kocken ye buoath ku buothke.

²⁰ Nawen ke tin tuany, cii thekde kou ye tem ruon thiaar ku rou, bo Jethu kou ciien ku goot alanhde.

²¹ Rin eci jam yepuou ela, "Na gaat alanhde ke yen abi pial."

²² Go Jethu yenhom wel, ku tin ku lueel tené ye, "Det yipuou nyaandié, gamdu aci col apuol." Ku kaam awen ke riem kaac.

²³ Tewen ci Jethu yet pan beny ten amat koc Itharel, ke yok koc ke nak rot ke dhiau ape, go lek ke,

²⁴ "Jalké ten! Nyanthiin kene akéc thou, anin!" Goké dal guop.

²⁵ Go la yot wen ci koc la ayeer eben, ku dom nyanthiin cin. Go rot jot.

²⁶ Ku thiei thon kene piny pan awen.

Jethu aci coor karou kony bik daai

²⁷ Wen ci Jethu jal pan mony awen ke ber tuen, go coor karou buoath cok ke dhiau. "Yin anothku, kony yo Wen Debit."

²⁸ Nawen le yet yot, ke buoathke thin, goke thieec, "Yake gam wepuoth lon bi yen kene looi?"

Goké rek yic, "Beny, ayeku gam!"

²⁹ Goke goot nyin ku lueel, "Abi rot looi keya, cimén ci wek ye gam!"

³⁰ Goké guo daai nyin yic, ku thon ke ela, "Duokké e kene lek raan det!"

³¹ Nawen lek jal tené Jethu, ke la jam rienske baai yic eben.

Jethu aci mony cie jam kony bi jam

³² Kaam wen puoc koc awen karou jal, ke mony la guop jonrac cie jam bii tené ye.

³³ Ku kam thin ci Jethu jonrac cuop wei yeguop, go guo jam, go koc gai eben ku luelké, "Yok aa kec kecit kene kan tin Itharel e ten!"

³⁴ Go Parathi yoon yic ku luelké, "Ee beny jakrec yen e ye yiek riel bi ke aa cuop wei koc gup."

Rap tem ajuéc ku koc tem ke aa lik

³⁵ Ku jal Jethu geth ku baai kuany yic ke ye piooc ten amat koc Itharel. Ku lek koc Wet Puoth Yam rin baany Nhialic, ku kony koc e tueny yic eben.

³⁶ Nawen tin thandiit guer tené ye, ke yer yic tené ke, rin aci tin ke cin raan piooc ke, kecit amel pap cin nhim abiok.

³⁷ Ku lueel tené kocken ye buoath, "Kak tem ajuéc ku koc luai aa lik.

³⁸ Keya, rookké Beny la nhom kak tem, bi koc luai col ajuak rot."

10

Atuuc kathiäär ku rou
(Mk 3:13-19; Lk 6:12-16)

¹ Go Jethu kocken ye buoath kathiäär ku rou col, ku yik ke riel bi kek jakrec aa cuop wei, ku konyké koc tuany bik pial.

² Rin koc ke ci kuany aa kik. Thaimon, ci Jethu ben cak ke col Peter. Ku wamenh Andria ku weet Dhudedi, Jemith ku Joon.

³ Pilipo ku Bartholomeo. Thomath ku Matheo raan ajuer kut. Jemith Alpawuth, Thadawuth,

⁴ Thaimon (raan la puou ater) ku jal a Judath Ithkariot raan waar ci Jethu ben luom bi dom.

Luai Atuuc kathiäär ku rou
(Mk 6:7-13; Lk 9:1-6)

5 Keek kathiäär ku rou aake cī Jethu tooc ku yöök ke ëlä, “Duökkë bëëi kəc cie kəc Itharel kəc yiic, ku duökkë la gεεth Thamaria yiic.

6 Lakkë tənë kəc Itharel kuc Wēt Puoθh Yam Nhialic.

7 Të le wek ke lëkkë ke, ‘Løn cī bääny Nhialic thiök!’

8 Kuonykë kəc tuany bīk pial, ku calkë kəc cī thou aa ben pīr, ku calkë kəc la gup tuet aa dem, ku cuəpkë jakrεc wei kəc gup. Duökkë röt cəl aye riəp tē looi wek kakkä, rin riəl ye wek ke looi ë cäk γac.

9 Duökkë muk wëëu ku duökkë muk jəkgəə ye wek lim müith dhël yic.

10 Muökkë alëth ku war cεηkë kepεc, ku wai tək ë path. Rin raan ë luəi aye gäm këden cī yen luui.

11 “Kuat gεu, ayī pan ye wek la thīn, yakë thiēc raan puoθh bī we lor, ku rëärkë kek ye yet aköl bī wek jäl.

12 Të ye wek la bëëi yiic, yakë kəc kan tīj lön bī kek we lor ku nyuuckë we.

13 Ku na lor kəc baai we, ke we rëär ku nyuöthkë ke Wēt Puoθh Yam, ku na cīk nyīn la we, ka cīn wēt lëkkë ke.

14 Ku na cīi kəc baai, ayī kəc gεu we lor ku piηkë wēt ciεth wek, ke we jiël ku tεηkë wecök.

15 Ku wek aa lək kënë! Aköl lunjdīt, Nhialic abī kəc rεc pan Thodom ku Gomora ηuään tənë ë kəcckä!

*Acī Jethu lək atuöccke lön bī kek gum
(Mk 13:9-13; Lk 21:12-17)*

16 “Piεηkë kënë! Wek aa tuəc bëëi yiic cīmën amël la gal yiic. Këya, cökkë wepuoθh ku luəikë röt bāk aa kəc path ηic käj, ηic luui.

17 Ku alək we aya bāk ηic lön bī we aa dəm ku γεth we luk yic, ku thatkë we tēden amat.

18 Ku wek aabī kəöc bāny nhīim ë rienkië, bāk Wēt Puoθh Yam lək ke ku kəc cie kəc Itharel.

19 Ku tē γεth kek we luk yic, duökkë diεer tē bī wek la jiεem thīn, rin wēt bāk lueel abī guə bën wenhīim tē jiεem wek.

20 Rin wël bāk lueel aacie wëlkun, aabī bën tənë Wëi Nhialic yen bī jam wegup.

21 “Raan kek wämēnh aabī röt gaany bīk röt cəl aa nāk, ku wärken mīth aabī miεthken luəm, ku mīth aabī kəc ke dhiεth ke luəm bīk ke cəl aa nāk.

22 Kəc ëbën aabī we maan rienkië. Ku raan bī yepuəu dεet yet tē bī yen thou, abī pīr akölriëc ëbën.

23 Na wickë bīk we nök gen cī wek la thīn, ke we riη gen dēt. Ku na nakkë we ë gen kënë aya, ke we riη gen dëëtë. Alək we ayic, wek acī luəidun bī thöl pan Itharel, ke Manh Raan këc bën.

24 “Acīn manh piöoc wär raan piöoc ye, ku acīn alony dīt tənë bānyde.

25 Këya, apath bī raan biöth ciēt raanden ë piöoc, ku alony kecit bānyde. Na ye wun baai cəl ke Beldhebul bēny jakrεc, ke kacke bī cəl rin yīndë!

*Duökkë riöc
(Lk 12:2-7)*

26 “Këya, duökkë riöc ke. Rin kāk ye moony ëmën aa ηot ke bī ηic aköldä, rin acīn kë ye thiaan bī cīi ηic.

27 Yakë kāk ya lək we ë röt lueel kəc nhīim ëbën ke cīn riöc, ku luəlke kāk ye ηääi weyīth, bī kəc kök ke piη aya.

28 Duökkë riöc kəc we nök, wëikun aa liu kecin. Anuëen bāk riöc ë Nhialic, yen la riəl we cəl apīr pinynhom ku kony wëiku ë pan mac aköldä.

29 Acīn këthiin koor lëu bī määär ke kuc Wuur tō nhial. Na cək ajīnh thin koor tō baai ka ηic.

30 Ku week aya, na cək a këthiin tō wegup cīmën nhīm tō wenhīim, ka ηic Wuur tō nhial.

31 Këya, duökkë riöc, wek aa wär kakkä ëbën!

32 “Na ye raan wētdië piöc ku cīi guöp riöc, ke γen acīi guöp riöc ye ë Wä nhom nhial.

33 Ku na ye raan jei γa kəc nhīim lön cīi yen ye raandië, ka ba jai aya ë Wä nhom nhial.

34 “Duökkë ye tak lön cī γen bën ba döör bën looi pinynhom. γen akēc bën ba kāj

bën cəl aa puəl yiic, ee gum bī raan ebën gum.

³⁵ Rin ɣen aci bën ba meth kek wun, ku nya kek man cəl aman röt, ku man athiëek kek tiŋ wēnde aabi röt maan aya,

³⁶ kəc bī raan aa maan aa kəcken rēer kek ye baai.

³⁷ “Raan ye nhiaar bī aa kəc ke dhiëth ye kek nhiær apei tēnē ɣa, ka cie raandië, ku na ye raan miëthke nhiaar apei tēnē ɣa, ka cie raandië aya.

³⁸ Raan cie kārāc ye guum wētdië ku looi wētdië acie raandië.

³⁹ Raan ye wīc bī wēike njec muk pinynhom ē tēn, aci pīr aköldā bī yök, ku raan bī gum ē wētdië, abi pīr akölrīëc ebën yök.

⁴⁰ “Raan we lor ē ɣen aye lor, ku kəc ɣa lor, ee Wā raan toc ɣa yen ayekē lor.

⁴¹ Raan atuönydië lor rin njic yen ye lən ē yen atuönydië, abi la abak ariöp bī yiëk atuuc yiic.

⁴² Muökkē kēnē na gem raan pīu col nyin ē path tēnē raan thiin koor kam kəc ɣa buəth, rin ye yen raan ɣa buəth, ka bā ariöpde dhiël yök.”

11

Joon aci kəc tuəc tēnē Jethu (Lk 7:18-35)

¹ Wēn cī Jethu wēlkā jal lək kəcken ye buəth kathiäär ku rou, ke jiël ē tēn bī la piöc ku le kəc lək gēeth Galilia yiic.

² Ee nīnkā, tēwēn tō Joon raan kəc muəc nhīm ɣööt ke mac, ke piŋ kək looi Jethu. Go kəc abək, kəcken ye buəth tuəc tēnē ye bik la thiëc wēt kēnē.

³ “Ye yin raan yī bī bën, aye raan dēt yen buk tiit?”

⁴ Go Jethu bēer, “Dhuökkē ku lēkkē Joon, kək cək piŋ ku kək cək tiŋ.

⁵ Cər aci ben daai ku aduany aci ya cath. Ku kəc cī tuet aaci tuet jāl kegup. Ku miŋ aci ya piŋ ku kəc cī thou aaci röt jət. Ku Wēt Puəth Yam Nhialic alək kəc njəŋ nyin.

⁶ Raan mit guöp ē raan cie puəu ē rou wētdië yic!”

⁷ Kaam wēn jiël atuuc Joon, ke Jethu jam ku tēt kəc Joon, “Ye raan yindē yen cī wek

la ror cīi ceŋ bək la tiŋ? Ye raan puəl yic ye wel nhom ē path cimēn ye yom aruöör wel nhom? Acie tēde, acie yen kēnē ler wek.

⁸ Ye raan yindē yen lak tiŋ? Ye mony ceŋ alēth path? Aŋot cie tēde, kəc ceŋ alēth dhēŋ aa kəc tō bēi bāny yiic!

⁹ Na cie kēya, ke yeŋö yen ler wek? Ye raan kək Nhialic tiŋ? Ee yic, ku alək we, yeen adit tēnē raan kək Nhialic tiŋ.

¹⁰ Yen Joon, yen ē raan cī wēl gət ē rienke thær älā, ‘ɣen abā atuönydië tuəc yinhom tuen, ku yeen abi dhël la guiir tēnē yī.’

¹¹ “Ku wek aba lək yiny kēnē, Joon raan kəc muəc nhīm aril, aci raan kuat kəc cī dhiëth pinynhom dīt tēnē Joon. Ku raan koor bāany Nhialic yic adit tēnē ye.

¹² Tēwäär piöc Joon raan kəc muəc nhīm agut cit akölē, bāany Nhialic ala tuen, ku aye kəc rēc kək la riel them bik dhuök ciën.

¹³ Rin löŋ Mothith, ku kəc ke kək Nhialic tiŋ ebën agut tē yeēt yen Joon, aake ye jam rin bāany Nhialic,

¹⁴ ku na tōu wepuəth bək wētdië gam, ke yen Joon yen ē Elija wäär cī bēnde lək thāi.

¹⁵ Piēŋkē tē le wek yith!

¹⁶ “Yeŋö ba thōŋ kek riëc akölē? Aa cit mīth cī kenhīm mat laar yic leŋ kegup, ye lueel älā,

¹⁷ ‘ɣok aaci waak pəth ye keek ket tē looi ruāai ket,

ku wek aa kēc dier!

Ku ɣok aaci kək ye keek looi thuəu yic thōŋ,

ku wek aa kēc dhiau!”

¹⁸ “Rin Joon aci tuəl ku ëcie bēi kuany yiic ke mīth ku dək, go raan ebën lueel, ‘Joon ala guöp jəŋrac!’

¹⁹ Nawēn bö Manh Raan ku ye mīth ke kəc ku dək ke ke, gokē lueel, ‘Tiēŋkē mony kēnē! Yeen akok ku a dək māäu, ku amāath kek kəc ajuer kut ku kəc la gup adumuööm!’ Ku luai puəth Nhialic ē rot nyuəth kək ya looi yiic.”

Gēeth kēc luai kārēc puəl thin (Lk 10:13-15)

²⁰ Tëwën, go Jethu puöu dak ku nyieeny kəc gεeth cı yen kajuēc jän göi looi thın, rin kəc kek luoi käreç puöl.

²¹ “Wek kəc gen Koradhin! Ku Bethaida! Wek aa tiit kārāc apēi, rin kajuēc jän göi cāk tıj cı looi gεethkun yiic, ku ke cı looi Tire ku Thidon gεeth wäär cen kəc rεç, nuöt kəc ē gεethkā aaci kepuöth dhuök ciēen thēer ku pälkē luoi kārāc!

²² Ku wek aa lək kēnē, aköl luñdit, Nhialic abı kəc Tire ku Thidon nuään!

²³ Ku wek kəc gen Kapernaum! Yakē tak lön bı we jat nhial? Wek abı cuat pan mac. Rin kāk jän göi cı looi wenyın cāk ke tıj, ku ke cı looi Thodom, nuöt acın kē cie rac agut emēn!

²⁴ Ku aben lək we, käj aacıi yiic bı riēl apēi tēnē ke aköl luñdit, cimēn tē bı kek yiic ril thın tēnē we!”

Bäk tēnē ya bāk bēn löj
(Lk 10:21-22)

²⁵ Ku ē tēn awēn ke lueel Jethu, “Wä, Bēny nhial ku piny! Yin alεçç rin cı yın kāk ca thiaan tēnē kəc njic käj cı piöç, nyuöth kəc kor kəc piöç.

²⁶ Ee yic Wä, yen ē kēn yı yuum puöu.

²⁷ “Kēriēçç ebēn aci Wä gām ya. Ku acın raan njic Wēnde, ee Wun ē rot, cimēn cın yen raan njic Wun, ee Wēnde ku kəc cı Wēnde ləc bık njic.

²⁸ “Bäk tēnē ya ebēn, wek kəc cı jöt yiēth kätthiek bāk ke yāac, wek aba cöl alöj.

²⁹ Gamkē piöçdiē bāk yith njic, rin yēn acıi la ruathruath, yēn alir puöu, ku wek aabi wēikun pır.

³⁰ Rin piöçdiē acıi ril, apuöl yic.”

12

Jethu aci kuec löj aköl löj kəc Itharel
(Mk 2:23-28; Lk 6:1-5)

¹ Naçon akäl tök ē ninkä, Jethu ē cath kek kacken ye buöth, ke kuany dhēl yic kam dum aköl löj. Ku kacken ye buöth aake nək cək, gokē rap lek cam dhoj.

² Nawēn tıj kəc akut Parathı, gokē Jethu thiēç, “Tıj, käckun yı buöth aa loi kē cie looi aköl löj!”

³ Go bēer ku lueel, “Käckē kē cı Debit looi thēer kan kueen, wäär nək cək ye ke kacken cath kek ye?”

⁴ Acı bēn la luaj Nhialic, ku ciem ayum yath cı tööu tēnē Nhialic, kek kacke. Ayum kēnē ecıi Debit lēu bı cam kek kacke, aa kəc kāk Nhialic looi kek aake ye cam ē röt.

⁵ Dēt aya, käckē kueen löj Mothith yic lön aköl löj thok ebēn, kəc kāk Nhialic looi luaj Nhialic aa löj aköl löj dhoj köu, ku aacıi ke ye nyieeny?

⁶ Ku Manh Raan jam kek we, adıt tēnē luaj Nhialic.

⁷ Na we cı wēl cı göt thēer deet yiic, lön kē wıç Nhialic ē nhiēr ye kəc röt nhiaar, aacie yök ye nək ye, nuöt wek aa kəc kəc cın awuöç cık looi nyieeny,

⁸ rin Manh Raan adıt tēnē aköl löj.”

Jethu aci mony cı cin ruai kony
(Mk 3:1-6; Lk 6:6-11)

⁹ Naçon aköl dēt ke Jethu jiēl tēnē awēn ku ler tēn amat kəc Itharel,

¹⁰ ku mony cı cin ruai ē tö thın. Ku kəc kök ke wıç Jethu bık gaany kē cı wuöçç, aake tö tēn amat aya, gokē Jethu thiēç. “Ye löjda pēen bı raan kony aköl löj?”

¹¹ Go Jethu bēer, “Na la raan tök kamkun ē tēn amäl tök, ku lööny yiith aköl löj, ke cıi bıi bei yiith?”

¹² Raan adıt apēi tēnē lēi! Kēya, löjda acie yo ye pēen buk raan cıi kony aköl löj.”

¹³ Ku lək mony wēn cı cin ruai, “Nyoth yıcin.” Go yecin nyooth, go cin piath abı ciēt ciin kēc ruai.

¹⁴ Go Parathı jäl tēn amat, ku lek mat tē bı kek Jethu nək thın.

Jethu alony cı Nhialic ləc

¹⁵ Go Jethu kē loikē njic, ku jiēl tēn awēn, go kəc juēc buöth. Ku kony kəc tuany bık pial,

¹⁶ ku thon ke apēi bık cıi la lək kəc kök, bı cıi njic.

¹⁷ Rin bı kē cı Ithaya lueel wäthēer elä ē riēnke yēnhom tiēj,

¹⁸ “Yen akın yen alonydiēn ca ləc, raan töj yen nhiaar, mit yēn puöu tēnē yēn.

Ÿen abī Wëikië cəl alööny yeguöp,
ku abī gam ë yic lëk thäi ëbën.

19 Acii bī ya göth ku rëëm kəc nhüim wël cie
yith,

acii bī ya piñ röl ë dhäl yiic.

20 Acin këthiin bī kañ tuöör nyin, cək
ayiny kəc kor ka cüi dhäl.

Acii bī kañ dhör yet tē bī yienyde ñic,

21 ku abī wuööt ëbën ñööth.”

Jethu aye yöök lön le yen guöp jöñrac
(Mk 3:20-30; Lk 11:14-23)

22 Nawën ke kəc kök büi mony cī cör tənë
Jethu, ku ëcie jam aya rin tō jöñrac yeguöp.
Go Jethu kony, yet bī jam ku dëei.

23 Go kəc awën tō thün gäi ëbën ku thiëckë
röt. “Nadë ke bī ya Manh Debit?”

24 Nawën piñ Parathī ë wët kënë, ke
luelkë, “Yeen ë jakrəc cuöp wei kəc gup, rin
ye bëny jakrəc, cəl Beldhebul ye yiëk riël.”

25 Go Jethu kë takkë ñic ku lueel, “Pan
yeyic tek ku thär kəc ë kamken, ë lac riääk.
Ku na tek gen tök yeyic, ayi dhiënh tök ku
tuumkë kenhüim ku thërkë, ka puök.

26 Na ye jöñrac jöñrəc dët cuöp wei, ka cī
keyiic tek. Këya, lëu panden bī kööc kädë!

27 Ku na ye riël Beldhebul yen ye Ÿen
jakrəc cuöp wei, ke ye riël ña yen ye köckun
yakë buöth ke cuöp wei? Calkë ke aa lëk
we yic.

28 Ku na ye riël Wëi Nhialic yen ye Ÿen
jakrəc cuöp wei, ke ñieckë lön cī bäány
Nhialic bën tənë we.

29 “Acin raan lëu ye bī yön raan ril dhoj
ku nyëei käkke, aköñ raan ril kënë döm ku
der, ku jöl käk tō baai nyaai.

30 “Raan këc rot mät Ÿa acie raandië, ku
raan cüi Ÿa kony bī kəc lëk wët Nhialic, ee
kəc thiöi.

31 Këya, wek aa lëk yic lön nadë ad-
umuööm ë kəc, ku kārəc yekë ke lueel, aa lëu
bī ke päl piny. Ku kuat raan kārəc lueel Wëi
Nhialic guöp, acii bī päl piny tənë ye.

32 Ku na ye raan lueel wët rac Manh Raan
guöp, ka päl piny. Ku raan ye lueel lön ye
Wëi Nhialic jöñrac, ka cüi köñ päl piny acin
ëmën agut akölrüëc ëbën.

33 “Com tim tēpath bī miëthke piath. Tädë
ke com tērac bī miëthke rëëc. Këya, tim aye
ñic miëthke.

34 Wek mīth kapieny, mīth kəc cie yith ye
gam, lëukë bäk këpath lueel, ke we ye jakrəc
ëmëndun? Rin kë ye thok lueel ë bën bei
raan puöu.

35 Raan path ë luui kápath, rin kápuöth tē
yepuöu. Ku raan rac ë luui kārəc rin kārəc
tō yepuöu.

36 “Alëk we, raan ëbën abī thiëëc aköl
lunđit ë wël rəc cī lueel.

37 Rin wëlku kek aabi Ÿäth tēpath, ku aa
kek aabi cəl atëm awuöc aköl lunđit.”

Jethu aci kuc bī kënë jäh göi looi
(Mk 8:11-12; Lk 11:29-32)

38 Go kəc kök piöoc lööñ ku Parathī lueel
tənë ye, “Raan piöoc awicku ba kënë jäh göi
looi buk tiñ.”

39 Go Jethu bëër, “Aa kəc la gup anyon ku
gam koor kek aa thiëc käk tiñkë! Acin kën
jäh göi bī nyuöth we, ee këwäär cī rot looi
tənë Jona, raan käk Nhialic tiñ yen abī rot
looi.

40 Cimën wäär cī Jona rëer akööl kadiäk
ku wër kadiäk rëcdit apeï yic, ke Manh
Raan aya abī rëer nin kadiäk ë ran yic.

41 Aköl lunđit kəc gen Ninibe, aabi we gök
rin cī kek kepuöth waar ku pälkë luöi kārəc
wäär cī Jona ke lëk. Ku alëk we, Ÿen jam
kënë, Ÿen adit tənë Jona!

42 Tiñdit ë bëny wäär jiël pan Athia
bī la Jeruthalem, abī we gök aköl lunđit
rin cī yen jäl tēmec apeï bī wël puöth
bënyñaknhom Tholomon la piñ, ku Ÿen jam,
Ÿen adit tənë Tholomon!

43 “Të cī jöñrac jäl raan guöp, ee piny yööp
tädët bī yen löñ thün. Na cüi yök,

44 ke lueel, ‘Ÿen abī dhuk tēwäär jiël Ÿen
thün.’ Këya, ke dhuk ku yök tən bī yen rëer
thün ke cün raan tō thün, ku aci guiir.

45 Ku dhuk, ku le bën kek jakrəc apeï kök
kadhorou wär ye, bik bën ceñ baai. Ku pīr
ë raan kënë ë jäl rëëc apeï tənë pīrden tueñ.
Yen ë tən ben rot luöi thün aya tənë kuat
akölë.”

Man Jethu ku wämäthakën aaci Jethu nyaai

(Mk 3:31-35; Lk 8:19-21)

⁴⁶ Jethu ee ɲot jam kek kɔc tɛwɛn yɛət man kek wämäthakën. Ku këckë ayeer, ku thiëckë bik jam kek ye.

⁴⁷ Go raan tök kam kɔc awɛn lɛk ye, “Moor ku wämäthakui aa kääc ayeer, ku awickë bik jam kek yi.”

⁴⁸ Go Jethu bëer, “Yeɲa ë ma? Ku ye yija paan ë ma?”

⁴⁹ Ku nyooth kɔcken ye buɔth ku lueel, “Kɔckä! Kek aa ma ku wämäthakäi!

⁵⁰ Kuat raan ë wët Wä tɔ nhial looi yen ë wämäath, ku nyankäi, ku ma.”

13

Kääɲ dom path ku dom rac

(Mk 4:1-9; Lk 8:4-8)

¹ Ku aköl tɔɲ awɛn, ke Jethu jiël baai ku ler wär Galilia ɲou ku nyuuc, ku piöc.

² Ku gööm kɔc juëc apɛi, go la riäi yic ku nyuuc thïn, ku kääc thän awɛn ë piu thook ayeer.

³ Ku jal Jethu këɲ aa lueel bi yen kɔc piöc käjuëc.

Ku lɛk ke, “Raan puör ëci la dom bi la pur.

⁴ Tɛwɛn yen rap wɛɛr dom, ke kɔth abëk lööny dhël yic. Go diet bɛn ku tetkë ke.

⁵ Ku lööny kɔth kɔk alɛl nhom, tɛ koor tiɔp thïn. Gokë guɔ cil rin tiɔp ëciï dīt thïn.

⁶ Nawɛn la aköl ruɛl apɛi ke rap awɛn yuam, ku riɛukë rin këc mɛiken yet piny.

⁷ Ku lööny kɔth abëk tɛ ye yuööt lac dīt thïn, nawɛn la yuööt dīt ke näk rap.

⁸ Ku lööny kɔth kɔk ë tiəm path yic, ku lokkë apath, kɔk ke dīt nhïim ku kɔk ke thööɲ röt ku kɔk ke thoi nhïim!”

⁹ Ku wit Jethu wëtde ëlä, “Piɛɲkë tɛ le wek yith!”

Wët thööth ë kääɲ

(Mk 4:10-12; Lk 8:9-10)

¹⁰ Nawɛn ke kɔcken ye buɔth bö tɛnɛ ye ku thiëckë, “Yeɲö ye yin jam ë waal tɛnɛ ke?”

¹¹ Go dhuk nhom ku lueel, “Niëc käk bääny Nhialic aci gam we ku akëc gam ke.

¹² Rin raan la kädän abi bɛn muɔc bi kärke juëc apɛi, ku raan cïn kädän, ke këthiin ye tak lɔn tɔ yen tɛnɛ ye, abi nyaai aya.

¹³ Kɛnɛ ye ɲɛn jam waal tɛnɛ ke, rin keek aa daai ku acin kë yekë tɲɲ, aa piɲ ku aa cïn kë yekë piɲ, tɛdɛ ke detkë yic.

¹⁴ Këya, wët ci Ithaya raan käk Nhialic tɲɲ lueel wäthɛɛr ë rienken ëlä atiiɲ yenhom,

‘Na cɔk alɔn ye kɔckä wët piɲ ku benkë piɲ, ka cik bi deet yic,

na cɔk alɔn ye kɔckä daai, ku cockë keek ka ciï këɲ bi tɲɲ,

¹⁵ rin ci kek kepuöth wɛl wei, ku aaci keyith cuök bik ciï ye piɲ ku niinkë kenyin.

Na këckë looi këya,

ɲuöt aa daai ku piɲkë,

ku detkë këɲ yiic,

ku ɲuöt aaci röt thön Nhialic, ku kony keek.’

¹⁶ “Ku wekkä, wek aa mit gup, rin wek aa daai ku piɛɲkë.

¹⁷ Ku alëk we, aci kɔc juëc käk Nhialic tɲɲ, ku kɔc path ɲic Nhialic wic bik tɲɲ käk yakë tɲɲ, ku aa këckë tɲɲ, acik wic bik piɲ käk yakë piɲ, ku aa këckë piɲ.”

Jethu aci kääɲ raan ë puör teet yiic

(Mk 4:13-20; Lk 8:11-15)

¹⁸ Go Jethu lueel, “Ëmɛn piɛɲkë tɛ teet ɲɛn kääɲ kɛnɛ yic thïn.

¹⁹ Kɔc ë wët bääny Nhialic piɲ ku cik det yic, aa cit kɔth ci lööny dhël yic. Jɔɲrac ë bɛn ku nyɛi wët awɛn kepuöth.

²⁰ Kɔth ci lööny alɛl nhom aa cit kɔc wët Nhialic gam nyin yic ku mitkë puöth.

²¹ Ku aacie kepuöth ye dɛɛt, aa löɲ Nhialic guɔ wai wei tɛ looi aliäap rot, ku tɛ nɛk ke rin wët Nhialic.

²² Kɔth ci lööny tɛ ye yuööt lac dīt thïn, aa cit kɔc ë wët Nhialic piɲ, ku käjuëc ke diir rin pir pinynhom, ku nhïɛr jɛɛk aa bɛn thïn, ku rɛckë löɲ Nhialic kepuöth.

²³ Ku kɔth ci puur tiəm path yic, aa cit kɔc ë wët Nhialic piɲ ku detkë yic apath, ku käjuëc aye yök tɛnɛ ke, cimɛn rap ci ɲiɛc luok ke dīt nhïim, ku rap kɔk thööɲ kenhïim ku kɔk ke thoi nhïim.”

Kääɲ yuööt ci cil dom yic

²⁴ Ku ben Jethu ke lëk kääñ dët, “Bääny Nhialic acit raan cì köth path com duomde.

²⁵ Nayon akou ke raan ebën nin, ke raan aterde bö ku weer abaar rap cök ku jiël.

²⁶ Nawën la rap cil ke abaar cil aya.

²⁷ Go raan lui dom yic bën tënë wun dom ku lueel, ‘Bëny, wäär pur yin, cie rap path kek ca weer dom yic? Na ye këya ka abaar kënë cil kädë dom yic?’

²⁸ Go bëër, ‘Ee raan man ya yen aci kënë looi,’ Go raan ë luoi lueel, ‘Wic buk abaar nyuän wei dom yic?’

²⁹ Go wun dom bëër, acie tède, ‘Rin tē nyuën yin abaar, ke yin amet rap wei ke ke.

³⁰ Col rap ku abaar aa dīt kedhie agut tē bī kek luok, ku aba lëk koc tēm ëlä, kanke abaar nyuön ku duotkë ke bī ke yot, ku jalkë rap tem ku täükë ke kändië yic.’ ”

*Kääñ käu koor nyin ye tiemde dīt apēi
(Mk 4:30-32; Lk 13:18-19)*

³¹ Ku benke lëk kääñ dët ëlä, “Bääny Nhialic acit käu koor nyin cì raan com duomde.

³² Yeen akoor nyin apēi kam köth ebën. Ku na le dīt ka wär tiim ebën, ee la nhial ke loi kerdit apēi abī diet yotken aa yik thīn.”

³³ Ku ben lueel, “Bääny Nhialic acit luou cì tik puor ayumdīt tet yic, na lä ke piäär ebën.”

³⁴ Këya, Jethu ë ye këñ lueel ku bī yen koc lëk wëlke ebën, acin kë ye lueel ke cīi kääñ thöth.

³⁵ Ee ye looi këya rin bī wët cì raan kāk Nhialic tññ lueel thëer yenhom tiëñ, “Yen abī jam këñ tënë week, bī yen ke kāk kuc tēwäär ciek nhial ku piny teet yic.”

Jethu aci kääñ yuöt teet yic

³⁶ Go Jethu koc nyääñ ayeer ku ler yot, go kacken ye buoth bën tënë ye ku luelkë, “Tët yo kääñ abaar yic.”

³⁷ Go bëër, “Raan ë puor cì köth path weer dom, ee Manh Raan.

³⁸ Dom ë pinynhom, ku köth path aa koc ñic Nhialic, ye bääny Nhialic këden, ku abaar aa koc ë jakrec,

³⁹ ku raan cá abaar mat dom yic ë jöñrac. Ku tēm tēm ë thök ë piny, ku koc tēm atuuc Nhialic.

⁴⁰ Këya, cimen ye abaar nyuän wei dom yic ku yot, yen abī ya tède aköl thöök piny.

⁴¹ Manh Raan abä atuuc Nhialic tooc, ku aabī koc rec ë koc yäth kārāc yiic, ku koc luui kārāc tēt bei koc path yiic,

⁴² ku cuet ke many dëp cì löklök apēi, bī kek aa dhiau thīn ke ñeny kelec akölrüëc ebën.

⁴³ Ku koc path aabī ruel cimen aköl bääny Wunden yic nhial.”

Ku wit löñde ëlä, “Pienkë tē le wek yith!”

Kääñ ë jiëk cì thiaan dom yic

⁴⁴ Ku thöth Jethu kääñ dët ëlä, “Bääny Nhialic acit jiëk cì wec piny dom yic. Go raandä yök ku nyiëi ku ben thiaan ku jiël ke cì puou miët apēi, ku le kärke yaac ebën, ku yoc dom wën, rin nhiëer yen jiëk këñ apēi.”

⁴⁵ Ku ben Jethu lueel, “Bääny Nhialic acit raan yoc, wic kápath apēi,

⁴⁶ nawën yök këtöön path apēi ke la kärke yaac wei ebën ku yoc këñ awën.”

Kääñ buon ë rec dom ebën

⁴⁷ “Bääny Nhialic aya, acit buon cì cuat wüir ku dom kuat ë rec ebën.

⁴⁸ Tē cì yen thiän, ke miit amēi agör nhom ku nyuuckë bik rec kuany yiic, ku tēükë rec path gac yic, ku cuetkë rec cīi path wei.

⁴⁹ Kënë, yen ë tē bī yen rot luoi thīn aköldä thöök piny. Atuuc Nhialic aabī tuöl ku kuënykë koc rec bei ë koc yiic,

⁵⁰ ku cuetkë ke pan mac tē bī kek dhiau thīn ke ñeny kelec akölrüëc ebën.”

Wët thöök wël

⁵¹ Ku thiëc Jethu ke, “Cäk wëlkä deet yiic apath?” Gokë gam.

⁵² Go lëk ke, “Na ye këya, ke raan piöoc ë löön cì piöoc kāk bääny Nhialic, acit raan baai kākken yam ku kätthëer bëi ayeer ebën paande.”

*Koc Nadharet aa këc Jethu gam
(Mk 6:1-6; Lk 4:16-30)*

⁵³ Wën cì Jethu thök luel ë këñkä, ke jiël,

⁵⁴ ku dhuk genden. Ku piöoc koc tēn amat, piöoc cì koc ke tō thīn bën göi ebën ku luelkë, “Cī mony këñ këñ bën aa ñic nēn, ku yök riel ë yen kāk jänñ göi looi tēnēn?”

⁵⁵ Kënë, cie wën raan dhie ë guan? Ku man cie tiŋ dhie cəl Maria, ku yeen cie mënñ ë Jemith ku Jothep ku Thaimon ku Judath?

⁵⁶ Ku nyiërakën aya, cïk töu ë tën kek γo? Yök kakkä ëbën tēnen?”

⁵⁷ Ku kueeckë ë ye.

Go Jethu lueel tēnë ke, “Raan cï Nhialic lööny yeguöp aye baai ëbën theek, ka kəc genden ku kəc ruäai kek ye, kek aacie ye ye theek.”

⁵⁸ Ku akęc kajuęc jän gōi looi tēnë rin cïn kek gam.

14

*Nääk ë Joon raan kəc muəc nhüim
(Mk 6:14-29; Lk 9:7-9)*

¹ Tëwën ke bënyñaknhom Antipäth Yërot, bëny Galilia ëcï wët cï Jethu ñic apëi piŋ.

² Go lëk bënyken luk, “Kënë ë Joon raan kəc muəc nhüim guöp, yen acï bën pïr. Ee yen le yen riel yen kakkä looi.”

³ Antipäth Yërot ëcï Joon cəl adəm ku rek ku mac, rin wët Yërodia tiŋ Pilipo wämënñ cï rum bi ya tiŋde.

⁴ Rin cï Joon ye lëk ye ëlä, “Acïi path ba tiŋ wämuuth rum ke pïr!”

⁵ Go Antipäth Yërot wïc bi Joon nök, ku ë riəc kəc Itharel, rin ñic kek Joon ke ye raan käk Nhialic tiŋ.

⁶ Nawën aköl yan dhiëëth Antipäth Yërot, ke nyan Yërodia diër kəc nhüim, abï Antipäth Yërot puşu miët apëi,

⁷ ku kuëëñ lön bi yen ye gäm kuat këden bi wïc!

⁸ Go lëk ye tē cït tē cï man ye than thïn, “Yiëk γa nhom Joon ëmën ke cï tääu aduäk yic!”

⁹ Kënë ëcï bëny rac puşu, ku rin cï yen kuëëñ ë jööl nhüim, acï gam bi nhom Joon gäm ye.

¹⁰ Ku cəl Joon ala tök yeth tēwën męc yen thïn.

¹¹ Ku bëi nhom ke cï tääu aduäk yic, ku gëm nya ku le gäm man.

¹² Go kəc Joon buəth bën ku nyëikë guäpde, ku lek tööu, ku lek lëk Jethu.

*Jethu acï miëth koor juak bi kəc juęc cam
(Mk 6:30-44; Lk 9:10-17; Jn 6:1-14)*

¹³ Wën piŋ Jethu kë cï rot looi, go jäl ë riäi bi la tēde ë rot. Ku tēwën piŋ kəc ë këne, ke jiël gëethken yiic kecök ku buəthkë.

¹⁴ Nawën kęc Jethu piny ë riäi yic, ke tiŋ kəc juęc apëi, go yic ñëer ë ke, ku kony kəcken tuany.

¹⁵ Nawën col piny, ke kəcken ye buəth bö tēnë ye ku luelkë, “Piny acï cuəl, ku tēn ë ror cïn kë kuany thïn. Cəl kəc aa thiëi bik la bëëi yiic ku bik röt la γəc miëthden.”

¹⁶ Go Jethu bëër, “Acïn tē bi kek jäl, na le miëth ke gämke ke!”

¹⁷ Gokë bëër, “Käk mukku ëbën, aa ayuöp kadhięc ku rec karou.”

¹⁸ Go Jethu lueel, “Bëëikë ke tēn tēnë γa.”

¹⁹ Ku yöök kəc bik nyuc ë noon nhom, ku lööm ayuöp awën kadhięc ku rec karou, ku dot nhial ku leec Nhialic. Ku bëny ayuöp yiic, ku gëm ke kəcken ye buəth bik ke tek agut rec, tēnë thän awën.

²⁰ Ku miëthkë ëbën abï miëth ke göök, ku jäl kəcken ye buəth awuthueei ayuöp ku rec cï döŋ piny, kuany gäac kathiäär ku rou.

²¹ Kəc ke cï miëth ëbën, röör röt aake ye tiim kadhięc.

*Jethu acath pïu nhüim
(Mk 6:45-52; Jn 6:15-21)*

²² Ku kaam awën ke Jethu yöök kəcken ye buəth bik la riäi yic, ku lek tuen yenhom agör alonñtui, ku cəl thëi ajiël.

²³ Wën cï yen kəc cəl athiëi, ke la gət nhom ë rot bi la röök. Nawën la thëi bën, ke Jethu ë rëër ë tēen yetök,

²⁴ ku riäi ke cï yet tēmec, ke cïi cath apath rin lor yen yom nhom.

²⁵ Nawën bëëk piny ke Jethu bö tēnë ke ke cath pïu nhüim.

²⁶ Nawën tiŋ kəcken ye buəth ke cath pïu nhüim gokë riöc apëi, ku luelkë, “Atim raan cï thou,” ku dhiëukë rin cï kek riöc.

²⁷ Ku kaam awën ke lëk Jethu ke, “Dëatkë wëpuəth, ee γen Jethu, Duökkë riəc!”

²⁸ Go Pïter lueel, “Bëny, na ye yi ayic, ke yi yik γa riel ba la tēnë yi, γa cath pïu nhüim.”

²⁹ Go Jethu lueel, “Bäär!” Go Pïter bën bei riäi yic, ku ciëth pïu nhüim ke la tēnë Jethu.

³⁰ Ku wën tiŋ yen yom ke biök apëi, go riöc ku duër diir, go dhiau, “Luäk γa Bëny!”

31 Go Jethu däm nyin yic ku lueel, “Yin raan la gam koor, yenjö diiu yin?”

32 Ku wën le kek riäi yic, ke yom kääc.

33 Go atuuc ke tö riäi yic Jethu door ku luelkë, “Yin ë Manh Nhialic alanden.”

Jethu aci kəc tuany Jenetharet kony
(Mk 6:53-56)

34 Gokë wär teem ku lek Jenetharet.

35 Nawën njic kəc Jenetharet Jethu, gokë kəc thiääk ke ke lëk, ku yëthkë kəc tuany ëbën tënë ye.

36 Ku länjkë bik gəət, cək alanhde thok ë path, ku kuat raan ci ye gəət ëbën ee pial.

15

Jethu aci ciεηj kək wärkuan dīt dhäl yic
(Mk 7:1-13)

1 Go Parathī ku kəc piöoc ë ciεηj kəc Itharel bö Jeruthalem la tënë Jethu ku thiëckë,

2 “Yenjö ye kockun yi buəəth ciεηj theer wärkuan dīt dhäl yic? Keek aacie kecin ë lək tuenj tē mīth kek!”

3 Go Jethu bëër, “Ku yenjö ye wek kuc lön ë Nhialic, ku yakë buəəth yic ë ciεηjdun theer?”

4 Rin aci Nhialic lueel, “Thek wuur ku moor, ku raan wun ku man jääm guəp käreç ka dhil nək bi thou.”

5 Ku ayakë lueel aya lön na la raan kën bi yen wun ku man kony, ku lueel, ‘Acin tē kuşny we, rin kē muşk kënë ë kën ë Nhialic,’

6 ka kęc wun ku man theek. Yen ë tē ye wek wët Nhialic dhäl yic thīn, ku ye ciεηjdun theer yen biathkë yic.

7 Awëen kui, Ithaya aci yic lueel ë rienkun wäär lueel yen wët ëlä!

8 ‘Kockä, aa ya leec kethook ku aliu kepuəth.

9 Keek aa ya door ku acie duşör ë yic, rin keek aa kəc pişöc löönj ciεηj raan ciët ke ye löşkiël!’ ”

10 Go Jethu kəc juëc bën cəl ku lëk ke, “Pişjkë wëtdië wedhie ku dëtkë yic.

11 Acie kē ye raan cam, yen ye cəl aye raan rac, aa kək ye tak ku kək ye lueel, ku kək ye looi kek aaye cəl aye raan rac.”

12 Nawën ke kocken ye buəəth bö tënë ye ku luelkë, “Njic lön ci Parathī puəth riääk wën piş kek kē ca lueel?”

13 Go bëër, “Kuat raan cii wët Wä tö nhial loi, acii pir akölrüëc ëbën bi yök.

14 Duşkkë diεεr ë ke! Aa cit cöör thel röt, ku na thel cər, cər dët, ka löönj adhuəm yic kedhie.”

15 Nawën ci löñde wit, ke thiëc Piter, “Tët yo kääñ kënë yic.”

16 Go Jethu lëk ke, “Cäk kån ye deet yiic aya?

17 Cäk ye tiş lön kē ye raan cam acie la yepuəu, ee la yeyäc ku le bën bei?

18 Ku kək ye raan lueel aa bën bei yepuəu, ku aa kek raan cəl ala guəp adumuşm.

19 Rin puəu yen aye käreç ye raan looi bën bei thīn, cimën bal ku näk raan ë path ku kör ë diäär, ku cuëer ku jam lueth.

20 Käckä kek aa raan cəl aloi käreç. Ku miëth ye raan mīth ke kęc yecin lək acie adumuşm.”

Tiş ci gam lön bi Jethu nyaande kony
(Mk 7:24-30)

21 Ku jəl Jethu jäl ku ler wun dët tēthiääk kek Tire ku Thidon.

22 Go tiş wun Kanaan ciēş ë tënë bën tënë ye ku lēş, “Bēny, wën Debit, kony ya! Nyaandië aci jəşrac la yeguəp, ku yeen adhəl apei.”

23 Go Jethu wëtde cii bëër. Go atuşöcke bën tënë ye ku länjkë, “Gäm kē wic ku cəl ajiël! Abuəth yo ke rëem yonhiim tēthëer awën!”

24 Go Jethu bëër, “Yen aci tuşöc tënë kəc Itharel kuc Nhialic keşc.”

25 Kaam wën ke tik bö ku cuet rot piny yecök ku lēş, “Kony ya Bēny.”

26 Go Jethu bëër, “Acii path bi miëth ë mīth gäm jök.”

27 Go bëër, “Ee yic Bēny, ku jök rëer tē mīth kəc thīn awuthueei ci löönj piny kuany aya.”

28 Go Jethu lëk ye. “Yin ee tiş la gam dīt apei. Kē wic abi looi tënë yi.” Ku kaam thiin awën ke nyaande pël kädänj piny.

Jethu aci kəc juëc tuany kony

29 Go Jethu jäl ë tënë ke kuany wär Galilia köu. Nawën ke la gət nhom ku nyuuc.

30 Go kəc juëc kocken tuany bëei tënë ye, kəc ci şəl ku cöör ku kəc ci ruai ë röç piiny,

ku miñ cie jam ku kəc juęc kək. Ku nyuuckë ke yelööm, goke kony bik pial.

³¹ Go thän awën gäi wën tiñ kek miñ ke jam, ku aduany ke cī la cök, ku ɲəl ke cath path ku cər ke daai, ku leckë Nhialic Itharel.

Jethu aci raan tiim kanuan cəl aa kueth (Mk 8:1-10)

³² Ku cəl Jethu kacken ye buəəth ku lueel, “Yen aci guəp ɲəɲ, rin kəkä aaci rëer kek yen nīn kadiäk emën, ku acin kë camkë. Ku acä wic ba ke cəl ajiël ke nek cək, tädë ka la wiiik dhël yic.”

³³ Go kacken ye buəəth lək ye, “Ye tənən bi yok mieth yok thīn roor ë tən bi kəc juęcä cam?”

³⁴ Go Jethu ke thiëc, “Lak ayuəp kadë?” Gokë lueel, “Aa dhorou ku rec thii lik.”

³⁵ Go lək thän awën bik nyuc piiny.

³⁶ Ku lööm ayuəp awën kadhorou ku rec thii awën, ku röök Nhialic ku bəny keyiic, ku gëm ke kacken ye buəəth bik ke tək kəc.

³⁷ Ku jəlkë mith ebën bik kueth. Ku kueny kəc Jethu buəəth awuthueei ayuəp cī döŋ piny gäac kadhorou.

³⁸ Kəc ke cī mith, röör ë röt aake ye tiim kanuan, ke diäär ku mith këc mat thīn.

³⁹ Ku jəl Jethu kəc cəl ajiël, ku ler riäi yic ku ler wun cəl Magadan.

16

Jethu aci kuc bi kënë jän göi looi (Mk 8:11-13; Lk 12:54-56)

¹ Tëwën ke Parathī ku Thaduthī bə tənë Jethu, ku wickë bik deep ë wët, ku yöökkë bi kënë jän göi looi, bi nyuəth ke lən ye Nhialic wëlke gam.

² Go Jethu bëär, “Ayakë lueel tē lööny aköl piny. Abä aliir path bëäi, aköl aci nyaany looi.”

³ Ku na ye nhiäknhiaäk ka luëlke, Abi tueny akölë, rin aci piny dəm bi la dil ku looi luää. Wek aa kë bi rot looi ɲic tē tiñ wek kakkä nhial, ku wek aacie kək loi röt emën ye ɲic!

⁴ Aa kəc la gup anyon ku gam koor kek aa thiëc kë tiñkë. Acin kën jän göi bi nyuəth we, ee këwäär cī rot looi tənë Jona. Ku nyiëñ ke piny ku jiël.

Duökkë ye tak cimën Parathī ku Thaduthī (Mk 8:14-21)

⁵ Kaam wën yeet kek wär aləntui, ke tək kacken ye buəəth lən cī kek nhiiim mää bik mieth cii muk.

⁶ Go Jethu lək ke, “Tiëerkë nhiiim, ku tietkë röt bək cii nhiam cimën Parathī ku Thaduthī, nhiaamden ke cəl ago puəör cimën ayum cī yiëk yic luəu.”

⁷ Gokë jam ë kamken, “Ee ɣo yöök këlä, rin cīn yen ayuəp cuk bëäi.”

⁸ Go Jethu kë takkë guəɲic ku lək ke, “Wek kəc koor gamdun! Yenjö ye wek diëer lən cīn wek mieth? ɲot we cie kən ye deet?”

⁹ Cäk lëu ku bək tak yen tëwäär kueth ayuəp kadhiëc röör tiim kadhiëc, ku gäädit cī bën thiän awuthueei cī döŋ piny?

¹⁰ Ku jəl aa yuəp kadhorou wäär cī röör tiim kanuan cam bik kueth, ku gäac thiän awuthueei cäk bën kuany?

¹¹ Yenjö këc wek ye deet yic, lən yen a ɣa cii jam tənë we rin ayuəp? Kë ca lueel akīn, abən ber yic, tietkë röt bək cī nhiam cimën Parathī ku Thaduthī!”

¹² Go atuöccke jəl deet yic, lən acii Jethu lək ke bik röt tiit lon dhie ye tääu ayup yic bi puəör, ee lən bi kek röt tiit piöoc rëec Parathī ku Thaduthī.

Piter aci Jethu ɲic (Mk 8:27-30; Lk 9:18-21)

¹³ Wën cī Jethu yet Cetharia tö Pilipi, ke thiëc kacken ye buəəth ëlä, “Ye jän tak ye Manh Raan ɲa?”

¹⁴ Gokë bëär, “Ayekë lueel lən ye yen Joon raan kəc muəoc nhiiim, ku lueel kəc kək lən ye yen Elija, ku aye kəc kək lueel lən ye yen Jeremia, tädë ke ye raan tön kam kəc kək Nhialic tiñ.”

¹⁵ Goke thiëc, “Na week, yakë tak lən ye yen ɲa?”

¹⁶ Go Piter bëär, “Yin ë Raan cī ləc ku dəc, Manh Nhialic pīr.”

¹⁷ Go Jethu lueel, “Yin aci Nhialic dəc wën Jona, rin yic kënë ëcii tak ë rot, ee Wä tö nhial yen anyuth ye yi ba lueel këya.

¹⁸ Ku alək yi emën. Yin acəl Piter, ku wëtde yic, aləl, ku aləl kënë nhom yen bi luanjäë buth thīn, ku acii riel ë jəɲrac bi lëu bi thuər piny.

19 Ku yin aba gäm riel bääny pan Nhialic, kē cīi bī pāl piny pinynhom acīi bī puöl nhial, ku kē ba puöl pinynhom abī puöl nhial aya.”

20 Ku yöök kacken ye buoath bīk cīi lēk raan dēt, lön ye yen Raan cī lōc ku dōc.

*Jethu ë jam Arεemde ku Thuonde
(Mk 8:31-9:1; Lk 9:22-27)*

21 Ku jəl Jethu wēt agai yic tēnē kacken ye buoath, “Yen abī dhiel la Jeruthalem. Ku yen abī gum apeī kōcdit ë baai cin, ku kōc kāk Nhialic, ku kōc piöoc lööŋ cin aya. Ku yen abī nōk ba thou, ku na ye aköl ye nin diäk ke yen abī ben pīr.”

22 Go Pīter miεet wei kōc yiic, ku dāk bī cīi ye jam kēlä, ku lueel, “Bēny, acīi Nhialic bī puöl bī rot looi. Kēnē acīi rot bī dhiel looi tēnē yī!”

23 Go Jethu yenhom wel ku lēk Pīter, “Jäl yalōm jōŋrac! Wic ba kē cī Nhialic guiir rienkiē waar yic. Kāk ye tak aacie kāk Nhialic aa wēl raan ë path.”

24 Ku jəl Jethu lēk kacken ye buoath, “Na ye raan wic bā buoath, ka dhil nom mää r kāpuath bī yök ë piērde yic pinynhom ë tēn. Ku dhil puöu riel ku buoath ya, cōk alōn wic kōc kōk ye bīk nōk ë rienkiē.

25 Rin raan wic ye bī wēike ë rot ŋiεc muk pinynhom ë tēn, ka cīi pīr aköldä bī yök, ku na ye raan mār wēike ë rienkiē, ku rin ë piöocdiē ka bī wēike muk akölrīēc ebēn.

26 Yenö bī raan yök thīn, tē jīεek yen apeī pinynhom ë tēn ku mēr wēike? Tēdē, ye kēpiath ŋö bī yök bī yen wēike waar?

27 Rin aköl bī Manh Raan bēn kek duaar ë Wun kek atuuc nhial, ke yeen abī raan ebēn yiēk ariöp thōŋ kek kēden cī looi.

28 Ku le tuenŋ ku lueel, wek aa lēk yic, ala kōc kōk rēer ë tēn aacīi bī thou agut tē bī kek Manh Raan tīŋ ke bö ke ye Bēnyŋaknhom.”

17

*Jethu acī guäpde rot waan
(Mk 9:2-13; Lk 9:28-36)*

1 Nawēn nin kadātem cōk, ke Jethu cōl Pīter ku Jemith kek wāmēnh Joon, ku lek gōn bār apeī nom kepēc.

2 Tēwēn rēer kek, ke Jethu waŋ rot, ku yer nyin cimēn aköl, ku jəl alāthke yer apeī bīk la diardiar.

3 Kaam awēn ke Mothith ku Elija tul, ku jīεmkē kek Jethu.

4 Go Pīter lēk Jethu, “Bēny, apath buk rēer ë tēn. Na wic ke yen aloi duēl kadiäk ë tēn, tōk kek yī, ku tōk kek Mothith ku tōŋ dēt kek Elija.”

5 Kaam wēn ŋot jīεem yen, ke kēcīt rur pat piny abī ciēn tē yekē tīŋ, ku piŋkē Nhialic ke jam elä, “Kēnē ë Wēndiēn nhiaar, mit yen puöu tēnē ye piεŋkē wētde.”

6 Nawēn piŋ kōc Jethu buoath wēt kēnē, gokē riöoc apeī ku wīkkē.

7 Go Jethu bēn tēnē ke ku gōt ke ku lueel, “Jatkē röt. Duökkē riöc.”

8 Nawēn jōtkē kenyīn, ke cīn raan dēt tīŋkē, ke ye Jethu ë rot.

9 Tēwēn dhuk kek piny ë gōt nom, ke lēk Jethu ke, “Duökkē kāk cāk tīŋ lēk raan dēt yet aköl bī Manh Raan jōt raŋ yic.”

10 Go kacken ye buoath thiēc, “Yenö ye kōc piöoc lööŋ kōc Itharel ye lueel, lön ë yen Elija yen bī kaŋ bēn tuenŋ?”

11 Go bēer elä, “Ee yic Elija akōŋ bēn rin bī yen dhēl bēn guiir.

12 Ku alēk we lön cī Elija bēn thēer, ku akēc kōckä bēn ŋic ku luikē kēden nhiarkē. Cīt emēn aya, Manh Raan abīk cōl arem apeī.”

13 Go kacken ye buoath deet yic lön nadē ka jam tēnē ke rin Joon raan kōc muöc nhīim.

*Jethu acī dhōŋ la guöp jōŋrac kony
(Mk 9:14-29; Lk 9:37-43)*

14 Nawēn lek dhuk piny gōt nom, ke yök kōc juēc ke tit ke. Go raan tōk bēn ku gut yenhial piny Jethu nom,

15 ku lueel, “Bēny, kony manhdiē. Ala guöp nok ku aci ye göök apeī. Aye lac wiet mεεc, tēdē ke le wiet wīir.

16 Ku ë ca bēi tēnē kōckun yī buoath ku akēckē lēu bī pial.”

17 Go Jethu lēk ke, “Wek kōc cie lac gam, yakē tak ba rēer kek we yet nen? Bēi dhōŋ kēnē tēnē ya.”

18 Nawën lek bëëi, ke Jethu rël jəŋrac, go jäl meth guəp, ku go pial nyin yic.

19 Nawën ke kəc Jethu buəth bö tənë ye ë rot ku thiëckë, “Yeŋö këc ɣok ye lëu buk jəŋ kënë cuəp wei?”

20-21 Go lək ke, “Ee rin koor gamdun,” Ku le tueŋ ku lueel, “Na we la gam cək kuur cīmën manh ŋaap koor nyin, ka lëkkë ë gən kënë, ‘Jälë ë tən!’ Ka lëu bi jäl. Acin kë dhal we bək cii loi.” Ku lək ke, “Jəŋ cīt kënë ë ɣen alëu ye ba cuəp wei, rin ye ɣen cool ë röök!”

Jethu aci bən jam ë Thuənde
(Mk 9:30-32; Lk 9:43-45)

22 Nayən akäl tək, wən ŋoot kek Galilia, ke lək Jethu ke, “Manh Raan abi thən kəc,

23 ku abik nək, ku na aköl ye nin diäk, ka bi jət ran yic.” Gokë puəth dak apei.

Ajuër luanj Nhialic

24 Nawën ci Jethu kek atuöocke ɣet Kaper-naum, ke kəc ë kut ajuër luanj Nhialic bö tənë Piter ku thiëckë, “Ye raandun piöc ajuër luanj Nhialic tääu piny?”

25 Go Piter bëër, “Aye tääu piny.” Ku le ɣöt bi la lək Jethu. Go Jethu guə kaan wei ku thiëc, “Ye tak kədə Piter? Yeŋa bäny pinynhom juër? Ye kəcken baai aye kəc thäi kək?”

26 Go Piter bëër, “Aa kəc ë thäi.” Go Jethu lueel, “Na ye këya ke kəc baai aacie ajuër ë tääu piny.

27 Ku yen acuk wic buk kəkä rac puəth. Lər wiir ku cuat biđho, ku miit rəc ba dom tueŋ bei ku ŋam thok, ku yin abi wëu lëu ajuerdië ku ajuerdu yök thin. ɣəth ke tənë ke ke ya ajuërda ɣodhie.”

18

Kəc Jethu buəth aaci wët tər
(Mk 9:33-37; Lk 9:46-48)

1 Kaam wən ke kəc Jethu buəth bö tənë ye ku thiëckë ëlä, “Yeŋa yen dit apei kam kəc tō bääny pan Nhialic yic?”

2 Go Jethu meth cəl, ku cəl akäac ken-hiim,

3 ku lueel, “Wek alək yic, na cək röt war bək ciët mith kor, ke wek aacii bääny Nhialic bi kan yök.

4 Këya raan rot dhuök piny bi ciët ë manh kënë yen adit apei pan Nhialic.

5 Ku raan manh koor cīt manh kënë lor rienkië, acä lor.

Ba raan dët thöc kërac yic
(Mk 9:42-48; Lk 17:1-2)

6 “Na ye raan wəŋ mənəh tək kam ë mithkä, ku bä maan ka ŋuëŋ tənë ë raan cīt kënë diët ci ruök yeth aleldit tet, ku pik wiir bi mou.

7 Ye kərəec yindë pinynhom ye kəc kək kəc wəŋ kərəc yiic. Käkkä aabi röt dhiel aa looi akölaköl, ku bi yiën dë tənë kəc käkkä looi!

8 “Ku na ye ciendu ayi cökdu yi cəl aloi awuöc, ka tēm bei ku cuat ke wei. Rin aŋuëŋ ba pir pir path ke yi ye ŋəl, tənë tē bi yin la cin karou ku cök karou ku cuet yi many döp yic aköriëc ëbən.

9 Ku na ye nyiendu yi cəl aloi adumuööm, ke ŋuët bei ku cuat wei. Rin aŋuëŋ ba pir yök ke yi la nyien tək, tən tē bi yin la nyin karou, ku bi yi la cuat pan mac.

Käəŋ aməl ci mää

10 “Duökkë them bək mith thiikä bui. Alək we bək ŋic lən atuöocken nhial aa reër Wä lööm akölaköl pan Nhialic.

11 Ku ɣen Manh Raan ɣen aci bən ba kəc ci mää bən gäm pir.

12 “Lək ɣa yic. Na raan ala amääl buəc ku mää amäl tək ke cii thiardhoŋuan ku dhoŋuan nyiëŋ piny, ku le amäl kënë wic?”

13 Ku na le yök ka mit puəu apei, miət puəu wär miət puəu wäär tō aməl kək thin.

14 Kälä aya, acii Wuurdun tō nhial nhial, bi mənəh tək kam ee mith thiikä mää.

Të looi wämuuth awuöc tənë yi

15 “Na loi wämuuth awuöc tənë yi, ke yi la tənë ye ku lək kë ci wuöc tēdun wepəc. Na piŋ wētdu, ke wek aaci döör.

16 Na cii wētdu piŋ, ke yi cəl raan tək ayi kəc karou ku dhuökkë tənë ye, ‘Rin bi awuöc ci looi tənë yi ŋic kəc karou ayi diäk.’

17 Na ŋot kuc bi wētden cii piŋ, ke lək akut, ku na kuc bi wēt akut cii piŋ aya, ke päl bi ciët raan thäi ku raan ajuër kut, kəc kuc wët Nhialic.

18 “Ku wek aa lëk kënë, awuöc cäk bi päl piny pinynhom, acii bi päl piny nhial, ku awuöc bäk päl piny ë tën abi päl piny nhial.

19 “Ku aben lëk we, na mät kəc karou kamkun pinynhom ë tën, ku thiëckë kë wickë ka gëm Wä tö nhial ke.

20 Rin tē ye kəc karou ayi diäk kenhiim mat ë wētdië ke yen abi rēer kamken.”

Kääŋ aluaŋ cie wēt ye päl piny

21 Nawën ke Piter bö tēnē Jethu ku thiëc, “Bēny, ya arak dē lēu bi yen wēt päl piny tēnē wämäāth cā awuöc looi tēnē ya? Ye arak dhorou?”

22 Go Jethu bēer, “Alëk yi, aca arak dhorou, ee thiärdhorou arak dhorou,

23 rin bääny Nhialic acit bēnyŋaknhom wic ye bi kärke kuëen nyin kek aluakke.

24 Kaam wën kuëen kek kãŋ nyin, ka aluaŋ tök ci wēu juëc apēidit muŋr bi tēnē ye.

25 Ku yen ë cīn wēu cool yen wēu ci muŋr, go bānyde lueel bi yaac wei kek tiēŋde ku miēthke ku kärke ebën bi kány cool.

26 Nawën piŋ ë wēt kënë ke lãŋ bānyde apēi ku lueel ëlä, ‘Päl ya kaam thin koor, ku yen abi kärke cool bēny.’

27 Go bēnyŋaknhom tē mēem yen thīn tiŋ, ku päl kányde tēnē ye ku cäl ajiël.

28 “Kaam wën le aluaŋ kënë ayeer, ke rām kek aluaŋ dēt rēer kek baai kōöny wēu reen lik. Go pac yeth ku yōök bi wēuke cool nyin yic.

29 Go lōŋ apēi ku lueel, ‘Päl ya kaam ku yen abi wēuke cool!’

30 Go cii gam, ku cäl amac yet tē bi yen wēuke cool.

31 Nawën tiŋ aluëk kök kë ci rot looi, ke riäk puöth apēi ku lek tēnē bānyden ku lëkkë kēriëc ebën ci rot looi.

32 Go bēnyŋaknhom aluaŋ kënë cäl ku lueel, ‘Yin acin puöu, yen aci wēu juëc kääny ke tēnē yi päl piny rin ci yin ya lōŋ.

33 Cii lēu ba kány päl piny tēnē raandun rēer wek, cimēn kēwäär ca luöi yi?’

34 Ku wën ci yen puöu riäk apēi, ke cäl amac yet tē bi yen kány cool ebën.”

35 Ku wit Jethu wētde ëlä, “Yen ë tē bi Wä tö nhial luöi we, tē ci wek awuöc ye päl piny kamkun puöu ebën.”

19

Jethu apiöoc wēt ë liösi (Mk 10:1-12)

1 Wën ci Jethu wēt wic bi lueel thöl, go jäl Galilia ku ler Judia ku teem wär Jordan.

2 Go kəc juëc apēi buöth, goke kony.

3 Go Parathi kök bēn tēnē ye, ku wickë bik deep ë wēt ku thiëckë ëlä, “Ye lōŋda raan puöi bi tiēŋde liösi ë path?”

4 Go Jethu bēer, “Këckë kaŋ kueen athöör yic lōn wär ciëk Acie kəc wäthëer, aaci cak moc ku tik.

5 Ku lueel, ‘Rin ë wēt kënë yen abi raan wun ku man nyään piny ku le ker kek tiēŋde, ku keek karou aabi ya many tök.’

6 Kēya, aacii ŋot ke ben aa rou, ee tök. Ku kēya, na ci Nhialic ke puöi bi ya moc ku tik, ka cīn raan päl ŋek ë kamken.”

7 Go Parathi bēn thiëc, “Na ye kēya, yeŋö päl Mothith ye bi raan athör liösi göt ku päl tik?”

8 Go Jethu bēer, “Mothith aci wärkuan dit puöi bik diäärken aa liösi rin aake cie yith ye lac gam. Ku ëcie kēya wäthëer ciëk kəc.

9 Ku aba lëk we emēn, na ye mony liöi tiēŋde, ke këc wic mony dēt, ka ci kērac looi.”

10 Go kocken ye buöth lëk ye ëlä, “Na ye yen tēn ye kãŋ röt luöi thīn kam moc ku tik akan, ka ŋuëen bi raan cii thiëk.”

11 Go dhuök ke ku lueel, “Acie raan ebën yen bi kë ca lueel gam, aa kəc ye Nhialic kuony.

12 Raan dēt aye dhiëth ke ya aboi, na cök thiëc tē le yen dit ka cii dhiëth, ku kəc kök aaye roc bik cii dhiëth tē cök kek thiëc. Ku kəc kök aacie thiëc rin wic kek ye bik wēt Nhialic yäth tueŋ. Kēya, na ye raan gam ë wēt kënë, ke gēm ku piöc.”

Jethu adoc mith (Mk 10:13-16; Lk 18:15-17)

13 Kəc kök aake ci mith bēi tēnē Jethu bi ke bēn döc, go kəc Jethu buöth kəc läät.

14 Go Jethu lueel tēnē ke, “Calkë mith aabö tēnē ya, duökkë ke pēn. Raan wic ye

bī la pan Nhialic adhil gam cīmēn ee mīth thiikā.”

¹⁵ Ku cōal mīth yelōōm ku tēū yecin ken-hiim, ku dōc ke ku jiēl.

Raan ajak

(Mk 10:17-31; Lk 18:18-30)

¹⁶ Go mony dēt kaan̄ nom ku thiēec ēlā, “Raan piōoc ye kēpiath nō ba looi ba pīr akōlriēec ēbēn yōk?”

¹⁷ Go Jethu bēēr, “Yenō ye yīn ya thiēec kēpath ba looi? Ee Nhialic rot yen apath. Na wīc ba pīr akōlriēec ēbēn yōk, ke yī thek lōōjke.”

¹⁸ Go mony kēnē Jethu bēn thiēec ēlā, “Ye lōōj nēn?” Go Jethu bēēr, “Duk raan nāk, duk tīj raan dēt kōr, duk cuēer, duk kuēēj wēt ē lueth.

¹⁹ Thek wuur ku moor, ku nhīar raan dēt cīmēn nhiēer yīn rot.”

²⁰ Go riēnythii awēn dhušk ye ku lueel ēlā, “Lōōjkā aaca muk nhīim ēbēn. Ye kē nēn ba bēn looi?”

²¹ Go Jethu bēēr, “Na wīc ba la cōk tēnē Nhialic, ke yī la ba kākku la yaac ēbēn, ku gam wēū tēnē kōc nōj, yīn abī jiēek la yōk pan Nhialic, ku bāār buōth ya.”

²² Nawēn piñ ē wēlkā ke mēen, ku jiēl ke cī puōu dak rin ē la kajuēc apēi.

²³ Go Jethu yenhom wēl kōcken ye buōth ku lēk ke, “Abī riel tēnē raan ajak bī la pan Nhialic.

²⁴ Ku abēn lēk we, apuol yic bī thōrōl bak with cōk, tēnē lōn bī raan ajak la pan Nhialic.”

²⁵ Nawēn piñ kōcken ye buōth ē kēnē, ke gēi apēi ku luelkē, “Na ye kēya, ke yenja bī la pan Nhialic.”

²⁶ Go Jethu ke dōt ku bēer, “Acīi raan bī lēu ē rot, bī gam tē kēc Nhialic ye kony, rin Nhialic ē kēriēec ēbēn lēu, acīn kē dhal ye.”

²⁷ Go Pīter rot jōt ku lueel, “Na yook, yōk kōc cī kākku ēbēn nyāānj piny ku buōthku yī, yenō bī ya kēda?”

²⁸ Go Jethu bēēr, “Wek alēk kēnē, tē le kānj rōt waar, ke Manh Raan abī nyuc thōnyde nom ē diik yic pan Nhialic, ku week wathiāār ku rou, wek aabī nyuc thōc nhīim aya bāk luñ kuat Itharel kathiāār ku rou looi.

²⁹ Ku kuat raan cī paande nyāānj wei kek paan ē man ku nyiērakēn, ku wun ku man ku miēthke ku dum ē riēnkiē, abī kajuēc yōk arak buōt, ku abī pīr akōlriēec ēbēn yōk aya.

³⁰ Ku kōc juēc tō tuen̄ emēn aabī dōj ciēen, ku kōc kōk juēc tō ciēen aabī la tuen̄.”

20

Kāānj kōc lui dom yic

¹ Ku ben Jethu bāāny Nhialic thōōj ēlā, “Raan dom ēcī rial bī la wīc kōc bī duōmde bēn tem.

² Ku ciēk ariōp bī ya gām ke akāl tōk, ku tooc ke dom.

³ Nawēn tēcīt lunyluny ē yōk, ke la tē ye kōc yōc thīn, go kōc kōk tīj thīn ke kāac ke cīn kē loikē,

⁴ go lēk ke ēlā, ‘Lak dom yic aya bāk la tem, ku wek aaba yīek ariōp thōj ke luōidun.’

⁵ Gokē la. Nawēn akōl ciēl yic, ku tāānj akōl aya, ke la ayeer ku le bēn ke kōc kōk.

⁶ Nayōn thēei ke la ayeer ku yōk kōc kōk ke kāac ē path go lēk ke, ‘Yenō rēer wek tēwēn akōl ke cīn kē luōikē?’

⁷ Gokē lēk ye ēlā, ‘Acīn raan cī yō cōal buk la luui.’ Go lēk ke bīk la luui aya.

⁸ “Nayōn thēei ke wun dom cōl raanden kōc dōm ku lueel, ‘Cōl kōc luōi, ba ke dōm wēūken, ku jōk kōc ē ke bō ciēen, bī jāl la thōk kōc wēn anhiāk jōk luōi ē rial.’

⁹ Go kōc ke bō luōi yic ciēen bēn ku gēm ke wēūken.

¹⁰ Nawēn la kōc ke jōk luōi ē rial bēn bī ke bēn riōp, ke takkē lōn bī ke gām wēū juēc, ku keek aacī bēn riōp wēū cit wēū cī gām kōc ke lōk bēn luōi yic ciēen.

¹¹ “Gokē wēū dōm ke dak puōth, ku jiēmke wun dom guōp ēlā,

¹² ‘Kōc ke lōk bēn ciēen, cīn luōi diit cīk looi, aaca thōōj nhīim kek yō, yōk kōc cī luui akōl yic tēwēn anhiāk agut tē col piny cit emēn!’

¹³ “Go wēt raan tōk bēer ēlā, ‘Māthdiē, yīn acā jōr, ciēt yō cī tē bī yēn yī riap thīn akāl tōk cāk.

¹⁴ Dōm ariōpdu ku jālē. Aca tak ba raan lōk bēn ciēen gām ariōp cit ariōpdu.

15 Cä la yic ba wëukië gam təcit tē wiēc ye? Yenjö ye tiel yi däm tē muəc yen kəc?”

16 Ku wit Jethu wətde älä, “Këya, kəc tō ciëen aabi tō tuen ku kəc tō tuen aabi tō ciëen.”

*Jethu ajam ë Thuənde kën yic diäk
(Mk 10:32-34; Lk 18:31-34)*

17 Nayən aköl dēt ke Jethu cath kek kacken ye buəth ke la Jeruthalem, ke cəal ke tēden ë röt ku lək ke,

18 “Emën yok aala Jeruthalem, ku Manh Raan abi la däm ku yēth kəc kək Nhialic nhīm, ku kəc piöc ë lööŋ. Ku abik tēm thou,

19 ku thönkë bāny kəc cie kəc Itharel bik läät ku thatkë ku piētkë tim ci riū kəu. Ku na ye nin kadiäk cök ka bi pir ku jöt bei ë ran yic.”

*Man wëet Dhubedi aci Jethu thiëc këden wïc
(Mk 10:35-45)*

20 Nawën ke man wëet Dhubedi bö tēnë Jethu kek wätke, ku gut yenhiaal piny ku thiëc bi luši kë wïc.

21 Go Jethu thiëc, “Yenjö wïc?” Go bëer älä, “Tē nyuuc yin thönydu nhom bāny Nhialic yic aköldä, ke yi tən yipuəu lən bi yin wətkiën kë karou cəl aa nyuc yilööm, raan tək köŋ cuēc ku raan dēt köŋ ë cam.”

22 Go Jethu dhušk ke älä, “Wek aakuc kë thiëckë, yen abi ban apēi ë ninkä ku yen abi nöc. Lëukë bäk gum cimëndië?” Gokë bëer, “Alëuku.”

23 Go Jethu lək ke, “Na cəkkë we nöc ayic ka lëukë bäk gum, ku acie yen la riël ba raan bi nyuc köŋdiën cuēc ku köŋdiën cam kuany. Thöckä aa kək kəc ci Wä guiër ke.”

24 Nawën le atuuc kək kathiäär piŋ, ke riäak puəth tēnë wëet Dhubedi.

25 Go Jethu ke cəal ku lək ke, “Anjäckë lən kəc ci gam bik aa bāny kəc cie kəc Itharel aala riël kəc nhīm, ku aci path bäk ciët ke.

26 Ku kënë aci rot bi looi kamkun. Raan wïc ye bi ya raandit kamkun, adhil rot dhušk piny bi ya luui rin kəc kək,

27 ku na ye raan wïc ye bi ya bēny wenhīm, ka dhil ya aluan dun.

28 Cimën Manh Raan aya akēc bēn bi kəc bēn loony, aci bēn bi kəc bēn kony, ku gem wëike bi kəc juēc waar thou yic.”

Jethu akony cöör karou bik daai

29 Tëwën jiël Jethu Jeriko kek kacken ye buəth, ke buəth kəc juēc apēi.

30 Ku kəc ci cər karou aake rëer ë dhël këc. Nawën piŋkë lən ci Jethu yëet, ke cöt röldit, “Bēny, Wën Debit, kony yo!”

31 Go kəc kək ke rël ku yöökkë ke bik biët. Gokë ŋot ke kiu apēi, “Wën Debit! Kony yo.”

32 Go Jethu kəc ku cəal ke, ku thiëc ke, “Yenjö wiëckë ba looi tēnë we?”

33 Gokë lək ye, “Bēny awicku buk bēn daai.”

34 Go Jethu gam, ku gəot kenyin, gokë daai nyin yic ku buəthkë.

21

*Jethu aci la Jeruthalem ke ciëm yai
(Mk 11:1-11; Lk 19:28-40; Jn 12:12-19)*

1 Tëwën ci kek thiök kek Jeruthalem, ke bö Bethpeec tēthiäk kek gən Olip, ke Jethu eci kacken ye buəth karou tuəc tuen,

2 ku lək ke, “Lak bëi tō tuen yiic, ku wek aabä akaja yök ke mac ku manhde yelööm. Luonykë ke ku bëikë ke tēnë ya.

3 Na le raan thiëc we ke luëlkë, keek aa wïc Bēny ku aabi dhuk emën.”

4 Kënë aci rot looi këya rin bi wēt ci lueel älä thëer raan kək Nhialic tiŋ yenhom tiëŋ,

5 “Lək kəc Itharel, emën bēnyŋaknhom dun abö tēnë week! Alir puəu ee cath akaja, manh akaja.”

6 Go kəc Jethu buəth la ku loikë cimën ci Jethu ye lək ke,

7 ku bëikë akaja ke manhde ku kumkë kekəth aläthken, ku nyuc Jethu manh akaja kəu.

8 Kəc juēc aacä aläthken thiëth dhël yic, ku kəc kək aacä ayör tiim dhoŋ ku thiëthkë ke dhël yic aya.

9 Go kəc ke tō tuen yenhom ku kəc ke buəth ye, yai looi ku yekë wak älä,

“Lecku wën Debit! Bēny dəc raan bö rienku lecku Nhialic Madhəl!”

10 Nawën yëet geeu Jeruthalem, ke kəc gëi apēi ku yekë thiëc älä, “Yenja kënë?”

11 Ke bëer kɔc ɲic ye ku luelkë, “Yen ë raan kāk Nhialic tɨŋ cɔl Jethu pan Nadharet, wun Galilia.”

Jethu aci la luanj Nhialic
(Mk 11:15-19; Lk 19:45-48; Jn 2:13-22)

12 Nawën lek yet Jeruthalem ke Jethu la luanj Nhialic, ku cop kɔc kəŋ ɣaac ku kɔc ɣöoc aɣeer kal luanj Nhialic yic. Ku wel agen kɔc wëeu waar yiic piny, ku thöc kɔc ɣɔɔc wei ë kuër.

13 Ku lëk ke, “Acï gät ëlä athör thæer wël Nhialic yiic, ‘Kal luanjdië aci looi bi ya tən ye kɔc wuöt ëbën röök thïn,’ ku yen acäk wel bi ya tən cuër.”

14 Kɔc ci cɔr ku kɔc ci duany aake ci bën tənë ye kal yic luanj Nhialic, goke kony.

15 Kɔc dit kāk Nhialic ku kɔc gät lööŋ aake ci puöth dak tëwën tɨŋ kek kəpuöth ci Jethu looi, ku wën ye mïth ket kal yic luanj Nhialic ëlä, “Lecku Wën Debit.”

16 Ku luelkë tənë Jethu, “Ye kë lueel ë mïthkă piŋ?” Go bëer, “Aya piŋ. Ku këckë kënë kaŋ kueen, ‘Yin aci mïth agut mïth thii kor piöc bik læc la cök aa lueel.’ ”

17 Kaam wën ci Jethu wëlkä lueel, ke jiël geeu ku ler Bethanï tē ci yen bën anin thïn.

Jethu aci tim wak bi riau
(Mk 11:12-14, 20-24)

18 Naɣɔn nhiäk, tëwën dhuk kek geeu, Jethu ë nëk cök.

19 Nawën tɨŋ tim cit ɲaap dhël ɣou, go la cɔl bi yök ke ci luäk, go yök ke ayör kepëc. Go Jethu lueel, “Yin aci mïth kəŋ bën tɨŋ athæer!” Ku nyin yic tëwën ke tim riau.

20 Tëwën tɨŋ kɔcken ye buöth ë kënë, ke gëi apeï, ku thiëckë röt, “Yenö ci tim kënë guo riau?”

21 Go Jethu bëer, “Na gamkë ke cïn diu, ka cie kë ca looi tənë ë tim kënë yen luwikë ë rot, na cök a gən kënë yen yöskkë ëlä, ‘Jot rot ku cuat rot wüür,’ ka loi rot.”

22 Ku na lak gam, ke këriëc ëbën yakë ke thiëc tē röök wek, aa yökkë.”

Bäny Itharel aa riel Jethu yööŋ yic
(Mk 11:27-33; Lk 20:1-8)

23 Go Jethu bën dhuk kal yic luanj Nhialic, ku tëwën piöc yen, ke bänydit kāk Nhialic ku kɔc baai bö tənë ye ku thiëckë ëlä, “Ee yin, ye riel ɲö tö yïguöp ye yin luui këlä? Ku yenja yik yi ë riel kënë?”

24 Go Jethu bëer, “Wek aba thiëc wët tök aya, na bëerkë apath, ke wek aba lëk raan cä gäm riel ye ɣen kākă looi.

25 Lëkkë ɣa, Joon yök riel yen kɔc gäm lökwëi tənën, ye tənë Nhialic aye rielde ë rot?”

Gokë guëek yic kamken ku luelkë, “Na luelku, ke yök tənë Nhialic, ka thiëc, ‘Aye ɲö këc wek wëtde gam?’

26 Ku na luelku, ‘Ke rielde ë rot,’ ke ɣok aa jöny ke rin ci raan ëbën ye gam.”

27 Gokë dhušk Jethu, “Akucku.”

Go Jethu lëk ke, “Na ye këya, ke wek aacä lëk riel ye ɣen kākă looi.”

Käŋj ci Jethu lueel rin mïth karou

28 Ku ben Jethu ke thiëc, “Yenö yakë tak wët kënë yic? Monytui ë la dhäk karou. Go la tənë wëndit ku lëk ye, ‘Manhdië lör lui dom yic ya aköl.’

29 Go bëer, ‘Yen aci la,’ nawën ke ben yenhom waar ku ler.

30 Go bën la tənë wänden koor ku lëk wët awën ci kaŋ lëk wëndit. Go gam ku ciï la.

31 Yenja kamken karou ci kë wic wun looi?”

Gokë bëer, “Ee wëndit.”

Go Jethu lëk ke, “Kɔc ajuër kut ku adëjök ë töc kek kuat moc ë path, aa kek aabi röt kaŋ mat ë bääny Nhialic yic tənë we.

32 Rin Joon raan wäär kɔc muöc nhïim ëci bën tənë we bi we nyuöth dhël ë yic, ku wek aa këc wëtde gam. Nawën ke ye kɔc ajuër kut ku adëjök kek gam ye. Ku na cök awën ci wek kākă tɨŋ ke loi röt, ke wek aa këc wepuöth waar ku pälkë luoi käreç ku gamkë wëtde.”

Jethu aci jam ë waal bi rëec bäny nyuöth
(Mk 12:1-12; Lk 20:9-19)

33 Ku ben Jethu jam waal ku lueel tənë kɔc man ye ëlä, “Monytui ëci dom looi ku cum yic tiim luäk ku rök. Ku wec tē ye mïth tiim guör thïn bik ya miök, ku looi kät. Ku jöl dom riöp yic kɔc kāk, ku le keny wun dët.

³⁴ Nawën le tē cī tiim luək thöön, ke tooc aluöonyke tēnē ke bik la gām abäkke.

³⁵ Go kōc awën cī riōp dom yic aloony dām, ku thatkē aluöny tōk, ku näkkē alony dēt ku biöökkē alony ye kek diäk aleel.

³⁶ Go aloony juēc tēnē aloony tuen ben tooc, ku ŋot ke looikē ke tēwäär.

³⁷ Nawën ciēen ke wun dom jəl wēnde tooc, ku tək lən bī kek ye theek.

³⁸ Go kōc awën cī riōp dom yic lueel kamken wën tīŋ kek ye, ‘Kēnē ee manh raan la dom, bī kāj lək thən aköldä. Bäk näkku ku kärke aabī dāŋ ke yo.’

³⁹ Gokē dām ku thelkē ayeer dom yic ku näkkē.”

⁴⁰ Ku jəl Jethu ke thiëc, “Na bö raan la dom ke loi ŋō tēnē ke?”

⁴¹ Gokē bēer, “Abī kōckä nök, ku riōp dom yic wei tēnē kōc bī ye ayiäk abäkke tē cī kāj luək.”

⁴² Ku lək Jethu ke, “Kēckē wēt cī gāt athör theer wël Nhialic yic elä, kaŋ kueen? ‘Mēn wäär yen cī atēet kuc yen acī bēn a mēn ril apei,

kēnē ē ye luai Bēny, ayeku tīŋ ke path ku dhēen yonyin!’ ”

⁴³ Ku la Jethu tuen ku lueel, “Kēya alək we, bääny Nhialic abī nyaai tēnē we ku gēm kōc wuöt kōk bī wētdiē piŋ ku loikē.

⁴⁴ Ku raan bī löny alel kēnē nhom, ka duöony bī ruöth, ku raan bī alel kēnē lööny yenhom ka niöon yic.”

⁴⁵ Nawën piŋ kōcdit kāk Nhialic ku kōc gēt löön ē jam kēnē, ke ŋickē lən jiem Jethu rienken,

⁴⁶ ku na cök alən wic kek ye bik dām, ka ke cī riöc kōc juēc tō thīn ē Jethu tīŋ ke ye raan kāk Nhialic tīŋ.

22

Jethu acī bääny Nhialic thōŋ yan thiëk (Lk 14:15-24)

¹ Go Jethu ben jam tēnē ke ē waal ku lueel.

² “Bääny Nhialic ē duēr thōŋ kek yan thiëk cī bēnyaknhom looi tēnē wēnde.

³ Ku tooc aluöonyke bī kōc cī cōl la lək bik bēn yai yic. Gokē kuc ku cik bö yei.

⁴ Go aloony juēc ben tooc ku thänke elä, ‘Lak, lēkkē kōc cī cōl lən müith acī thök ē

guiēr, muöar ku nyök cuai aaci nök, kēriëc ebēn acī guir. Bäk yai yic!’

⁵ Ku keek aake liu puöth thīn, ku puökkē bī ŋek ala duömde, ku la raandä luöide yic.

⁶ Ku dām kōc kōk aloony bēnyaknhom, ku banke ke ku näkkē ke.

⁷ Go bēnyaknhom puöu riäak apei, ku tooc apuruöökke ku lek kōc awën näk aluöonyke nök, ku cuänykē genden.

⁸ Ku cōl aluöonyke ku lək ke, ‘Yai acī thök ē guiēr, ku kōc ke cī cōl aa kēc aa kōc path, aaci kuc ē bēn.

⁹ Lak geu ku calkē kuat kōc bäk yök dhöl yiic bik bēn yai yic.’

¹⁰ Go aloony la dhöl yiic ku cōlkē kuat raan cik yök ebēn, abī yai thiän apei.

¹¹ “Nawën bö bēnyaknhom bī thän cī guēer yei bēn tīŋ, ke tīŋ raan tōk ke kēc alēth yai ruök.

¹² Go bēnyaknhom lueel, ‘Mäthdiē, yi bö tēn kēdē ke yi cī alēth yai ceŋ?’ Go mony awën biēt ku cī wēt bēer.

¹³ Go bēnyaknhom lək aluöonyke, ‘Derke cin ku cök ku cuatkē muöth yic ayeer, tē bī yen dhiau thīn ke ŋeny yelec.’ ”

¹⁴ Ku wit Jethu wētdē elä, “Rin kōc juēc aaye cōl, ku aa kōc lik kek aaye löc.”

Jethu awic bī wēen wēt ajuēr (Mk 12:13-17; Lk 20:20-26)

¹⁵ Go Parathī la tēden ē röt bik tē bī kek Jethu dam thīn, wētden bī lueel, la mat.

¹⁶ Ku toockē kōcken abək ke buöth tēnē ye, ku kōc Antipāth Ÿerot bik la wēen bī wēt rac luēl kegup bī ye dām. Ku bik ku luelkē elä, “Raan piöc, aŋicku yin ē raan la cök jam ē yith. Yin ē kōc piöc bik kāk wic Nhialic looi dhöl la cök, ke yi cī diēr kāk ye kōc kōk tak. Ku yin acie diētden ye kuēc nhom.

¹⁷ Lək yo na ye täktäku, buk ajuēr aa gam yok kōc Itharel tēnē Cithēr Bēnyaknhom, tēdē ke cuk bī ya gām ye?”

¹⁸ Ku Jethu eci ruēnyden ŋic, ku bēer, “Yeŋō wic wek ye bäk ya deep wēt?”

¹⁹ Calkē ya atīŋ wēnh yakē tāau piny ajuēr!” Gokē yiäk wēeth.

²⁰ Gokē thiëc, “Ye nhom ŋa, ku ye rin ŋa kākä cī giēt wēeth köu?”

²¹ Gokë bëër, “Aa kāk Cithër Bënyjaknhom.” Go Jethu lëk ke, “Na ñieckë këya, gämke Cithër Bënyjaknhom këde, ku gämke Nhialic këde.”

²² Gokë gäi, tē cī Jethu wēt bëër thīn, ku nyiëëñkë piny ku jiëlke.

Nhialic abī kōc cī thou cōl aa ben pīr
(Mk 12:18-27; Lk 20:27-40)

²³ Akōl tōñ awēn ke kōc kōk akut Thaduthī, akut cūi ye ye gam lōn bī Nhialic kōc cī thou bēn cōl apīr, bō tēnē Jethu ku thiëckë ëlä,

²⁴ “Raan piöoc, acī Mothith lëk yo ëlä, Na thou raan ku nyiëëñ tik piny ke cīn mīth, ke wāmēnh koor ala yōt tik bī mīth dhiëëth yōn mēnhē.

²⁵ Na thōöñku lōn tō mīth tik thīn kadhorou, ku thiëk wëndit ku thou ke cīn mīth, ku dōñ tiēnde ke wēmēnh buōth ye,

²⁶ ku thou aya ke cīn mīth cī dhiëëth. Ku looi rot këya tēnē raan ye kek diäk, agut wāmēnh kun ye kek dhorou.

²⁷ Nawēn ke tik thou aya.”

²⁸ Ku lek tueñ ku thiëckë, “Tē le kōc cī thou rōt jōt akōldä, bī ya tiñ ña, rin cī yen rēer ke ke ëbēn kadhorou?”

²⁹ Go Jethu bëër, “Wek aa kōc ril nhīim cīn kë ñieckë, rin cūi wek athōr thēer wël Nhialic cī gōt ye gam. Ku acāk ye gam aya lōn bī Nhialic kë ye lueel ke bī looi, lēu bī looi.

³⁰ Rin tē le kōc cī thou rōt jōt, aacīi bī thiëek ku aacīi bī thiaak, aabī rēer kecīt atuuc nhial.

³¹ Ku na ye rin wēt bī kōc cī thou rōt jōt, ke we këc wēt cī Nhialic lëk we thēer kueen? Acī lueel,

³² ‘Yēn ē Nhialic Abaram ku Ithäk ku Jakop.’ Kōc cī thou ke ñic Nhialic, aa pīr alanden. Yeen ē Nhialic kōc pīr, ku kōc cī thou aya.”

³³ Nawēn piñ thān tō thīn wēt kēnē, ke gēi ē piöocde.

Lōñ ril lēu bī theek kam ē lööñ
(Mk 12:28-34; Lk 10:25-28)

³⁴ Nawēn piñ Parathī lōn cī Jethu Thaduthī thōl nhīim, ke mat kenhīim bīk Jethu thiëec aya,

³⁵ ku jōl raan tōk kamken,

³⁶ raan piöoc lööñ, Jethu thiëec, “Ye löñ nēn yen ril kam ē lööñ?”

³⁷ Go Jethu bëër, “Yīn adhil Bānydu Nhialic nhiaar piāndu ëbēn, ku wēiku ëbēn, ku nhi-amdu ëbēn.”

³⁸ Kēnē, yen ē löñ ril tueñ.

³⁹ Löñ dēt ril ye kek rou thōñ kek ē löñ kēnē akīn, yīn adhil raan dēt nhiaar cīmēn nhīer yīn rot.

⁴⁰ Lööñkā karou kek aa ye lööñ Mothith ëbēn, ku lööñ ye kōc kāk Nhialic tiñ piöoc, kēr bei thīn.

Jethu acī kōc piöoc lōn yen raan ē tooc
Nhialic
(Mk 12:35-37; Lk 20:41-44)

⁴¹ Kaam wēn cī Parathī kenhīim kut Jethu lööm ke thiëec ke wēt kēnē,

⁴² “Yakē tak Raan cī lōc ku dōc yeñā? Ye wēn ña?” Gokë lëk ye, “Ee wēn Debit?”

⁴³ Go dhuök ke ku lueel, “Na ye këya, yeñō ye Wēi Nhialic Debit yōök bī cōl Bānydië. Rin ëcī Debit lueel ëlä,

⁴⁴ ‘Acī Nhialic lueel tēnē Bānydië, “Nyuc ē tēn kōñdiēn cuëc, yet tē bī yēn kōc atērdū dhuök ciēen yicök.” ’

⁴⁵ “Na ye Debit cōl, ‘Bānydië,’ Ke lēu bī ya wēnde këdē?”

⁴⁶ Go ciēn mēn raan tōñ bēer wētde, ku wēn akölē yet tueñ acīn raan tōñ cūi yethok bēn kuek bī thiëec.

23

Duökkë nhiam cīmēn Parathī ku
Thaduthī
(Mk 12:38-39; Lk 11:43, 46; 20:45-46)

¹ Ku jōl Jethu lueel tēnē kōc juëc awēn ku kōcken ye buōth.

² “Kōc piöoc lööñ ku Parathī kek aatō nyin Mothith.

³ Kēya, aa dhiëlke ke theek ku luōikē kë yekē lëk we, ku piēñkē kë yekē lëk we, ku duökkē kākken yekē ke looi ye kiëët, rin aacie kāk yekē lëk kōc kek yekē ke looi.

⁴ Aa kōc piöoc kārīl yiic bī ke looi, ku aa cie kōc ē kony bīk ke looi.

⁵ Kēriëec ëbēn yekē ke looi, ayekē ke looi rin bī kek kōc wēñ. Aa cath ke muk athōr thēer wël Nhialic. Ku rukkē alēth path, ku

mukkë athör kecin bik nyuəth lön ye kek kəc path thek löŋ Mothith.

⁶ Ayekë nhiaar bik nyuc tuen thöc kəcđit tənë amat, ku Ʒön path aköl yai.

⁷ Ayekë nhiaar bi ke aa mušöth athëäk Ʒön Ʒəc yiic, ku yeke cəl, ‘Kəc piöoc.’

⁸ “Duškkë röt cəl aye cəl, ‘Kəc piöoc,’ Rin wek aa ņek ke wämënhë, ku wek aa la raan piöoc tök.

⁹ Ku acin raan dhielkë cəl pinynhom tən, ‘Wä,’ Rin ë Nhialic tš nhial yen ee Wuurdun yetök.

¹⁰ Ku duškkë röt cəl aye cəl, ‘Kəc piöoc,’ Rin wek aa la raan piöoc tök, ‘Raan cı ləc ku đəc.’

¹¹ Raandit apeı kamkun adhil rot dhušk piny bi luui riėkun.

¹² Kuat raan rot Ʒäth tuen ë rot abi dhušk ciėen, ku raan lir puəu rot tšöu ciėen, abi Ʒäth tuen.

Jethu acı rëec Parathı ku kəc Ʒät lööŋ nyuəth

(Mk 12:40; Lk 11:39-42, 44, 52; 20:47)

¹³ “Kəc piöoc lööŋ ku wek Parathı, Awëenjkui! Ee kërəc apeı yen ayakë looi, rin ye wek kəc piöoc dhël cıi kek bi met bäany Nhialic yic. Rin wek aacıi bi met thın aya. Na cək kəc kək wıc bik met thın, ka yakë ke wel nhıim ë piöocdun cıi la cök!

¹⁴ Kəc piöoc lööŋ ku wek Parathı, Awëenjkui! Wek aa cath we ršök apeı dhöl yiic bäk kəc wëŋ lön ye wek kəc path, ku wek aa bëi lër tušör nyın bik aa kəkkun. Wek aabi tēm awuöcdit tet apeı rin käreç yakë looikä!

¹⁵ “Kəc piöoc ku wek Parathı, Awëenjkui! Wek aa piny kuany yic rin bi la raan tön Ʒökkë bi piöocdun gam. Na Ʒökkë, ke tē ye wek ye piöoc thın, ee ye cəl aye raan pan mac, abi we duër waan thook!

¹⁶ “Awëenjkui, wek kəc ë kəc kək wat nhıim ke we ye cöör aya, ku luėlkë, raan mël kuëen rin luan Nhialic, ke rot mac wëtde.

¹⁷ Wek aa mušöl ku cöör! Yenö dit? Ye milän thith aye luak?

¹⁸ Ku benkë lueel ëlä, raan mël kuëen rin yik ka cın wëtde yic, ku na kuëen mël rin ajuër cı tšöu yenhom, ke rot mac wëtde.

¹⁹ Wek kəc cı cər wepuəth! Yenö dit? Ye ajuër cı tšöu yik nhom aye yik Ʒuöp ë loi bi ajuër cı tšöu yenhom ya kën ë Nhialic?

²⁰ Këya, tē kuëen raan yik, ka kuëen ye, ku kək cı juaar yenhom.

²¹ Ku tē kuëen raan luan Nhialic ka kuëen ye ku Nhialic yen rëer thın,

²² ku tē kuëen raan pan Nhialic, ka kuëen mäacde, ku yenhom Ʒuöp.

²³ “Kəc piöoc lööŋ ku wek Parathı! Awëenjkui! Wek aa kəlik kəkkun cək puur yiic juër Nhialic, ku wek aacie kəril ye löŋ lueel ye kuëc nhıim, cımën bi raan dhiel la cök ku lir puəu, ku kony kəc kək ku cıi kəc ye ruëeny. Wek aa dhil kəkkä muk nhıim, ke we cıi mäl ë juër kəŋ aya tənë Nhialic.

²⁴ Kəc mär kəc, wek aacie kək wıc Nhialic ye looi, ku aa kək puəl yiic kek aa yakë ke kuëc nhıim.

²⁵ “Kəc piöoc lööŋ ku wek Parathı! Awëenjkui! Wek aacıi puəth la cök, wek aa cıt biıny ku aduuk ye lək kəth, ku aa thiän müth ye rum riel ku müth ye ke tušör nyın.

²⁶ Wek kəc Parathı cı cər wepuəth! Kanjë biıny ku aduuk lək yiic, yen aabi kek kəth la wic aya!

²⁷ “Kəc piöoc lööŋ ku wek Parathı! Awëenjkui! Wek aa thön kek rēŋ cı buth, na tıŋ kekəth ke dhēŋ apeı, ku keyiic alənthın aacı thiän yom kəc cı thou ku käreç kək.

²⁸ Këya, wek aa cıt rēŋkä aya. Wek aaye raan ebën tıŋ we path Ʒup ayeer, ku piäthkun alənthın aacı thiän ruëeny ku käreç kək ebën.

²⁹ “Kəc piöoc lööŋ ku wek Parathı! Awëenjkui! Wek aa rēŋ buth tənë kəc kək Nhialic tıŋ. Ku Ʒietkë rēŋ kəc path bik dhēŋ apeı,

³⁰ ku luėlkë ëlä, na Ʒo tš thın wäär nək wärkuan dit kəc kək Nhialic tıŋ, ņuöt Ʒok aa kęc röt mat ë näakden yic.

³¹ Këya, ayakë gam ayic lön ye wek mıth kəc wäär nək kək Nhialic tıŋ!

³² Ku cıt mënë ye wek kəc ril nhıim, cın kē yakë gam, kəriëc ebën atš wecin, thäapkę käreç wäär cı wärkuön dit Ʒök!

³³ Mıth kəpieny! Yakë tak bək poth la pan mac kədë?

³⁴ Ku rin ë wët kënë yen acı Wä we tuöc kəc kək Nhialic tıñ. Ku ë kockä yiic, kəc kək aa bäk nöc, ku piäätke kəc kək tim cı rııu kəu, ku thatkë kəc kək yonkušn amat yiic, ku yakë ke yööp gεeth yiic ëbën.

³⁵ Ku tēdun ye wek luui thın kënë, abı awuöc bı teem rin kəc cı nöc lööny weyiēth, jöck nääk wäär nek Abel yet nääk Dhākaria wën Barakia wäär näkkë luanj Nhialic.

³⁶ Ku lək Jethu ke, awuöc bı gam rin ë kakkä ëbën abı bën ë riëc kënë yeth.

*Jethu ee kəc gen Jeruthalem lək
(Lk 13:34-35)*

³⁷ “Wek kəc gen Jeruthalem, wek aa kəc kək Nhialic tıñ nöc, ku biöökkë kəc cı Nhialic tuöc we aleel. Aca wıc arak juëc, ba we kony cımën dhie ye ajıth miēthke kuöm piny yewuk bı ke kony bı ke cıi gəp, ku wek aacı kuac.

³⁸ Ęmën abäk tıñ ke Nhialic cı yecin miëet bei, ku nyiēñ pandun we.

³⁹ Ku Ęmën alək we, ‘Wek acıi ya bı bën tıñ yet aköl bı wek röt guir bäk ya lor tē ben yēn dhuk.’ ”

24

*Luanj Nhialic Jeruthalem abı thuör piny
(Mk 13:1-2; Lk 21:5-6)*

¹ Tēwën jiēl Jethu kal luanj Nhialic yic, ke kacken ye buöth bö tēnē ye ku luelkë, “Raan piöoc, tıñ, ye luanjıit dhēēñ nō kënë!”

² Go Jethu bēer, “Alək we, yööt dıt yakë tıñkă abı thuör piny ëbën ka cın alel tōñ bı kööc alel dēt nom.”

*Acı Jethu lək atuöccke lön bı ke maan
(Mk 13:3-13; Lk 21:7-19)*

³ Tēwën rēer Jethu gən Olip nom ë rot, ke kacken ye buöth bö tēnē ye ku thiëckë, “Lək yo ye nen bı kakkä röt looi, ku yenö bı tē bı yın dhuk pinyhom ku thök piny, nyuöth?”

⁴ Go Jethu lək ke, “Duökkë röt cəl aduñ.

⁵ Rin kəc juëc aabı bën riēnkiē, ku ye nek lueel, ‘Ke yēn Raan cı ləc ku dəc.’ Ku aabı kəc juëc duöñ.

⁶ Duökkë diēer tē tıñ wek tōñ ke loi röt, ku tē piñ wek tōñ kək wuöt mec yiic. Kakkä aa dhil röt looi, ku acie yen bën thök ë piny.

⁷ Rin wuöt aabı thör kamken ku pan bēnyñaknom kek pan bēnyñaknom dēt aabı thör aya. Cəñdıt apeı abı tō thın, ku ayiēkyiēk piny abı rot looi bēer juëc yiic.

⁸ Kakkä kek aa kək tuēñ.

⁹ “Ku dēt, wek aabı dām ku yēth we luk yic, ku wek aabı nöc. Ku wuöt ëbën aabı we maan riēnkiē.

¹⁰ Ku ë tēen, kəc juëc cı wētdiē gam aabı röt waar, ku kəc kək aabı nek raandä aluəm ku man raandä nek.

¹¹ Ku awēñ juëc aabı tuöl aya, ku aabı kəc juëc rac nhıim.

¹² Ku luoi käreec abı rot juak apeı, kəc juëc aabı gamden wai wei.

¹³ Ku raan bı yepuöu dēet yet tē bı yen thou, abı piñ akölrıēc ëbën.

¹⁴ Ku Wēt Puöth Yam kënë rin bäany Nhialic, abı kañ lək kəc ëbën pinyhom bıñ piñ, ku jəl thök piny bën.

*Kēreec bı rot looi tēnē kəc Jeruthalem
(Mk 13:14-23; Lk 21:20-24)*

¹⁵ “Ala aköl bı wek kērac apeı tıñ, kēwäär cı Daniel raan kək Nhialic tıñ jam ë ye.” (Raan kuēn adhıl kënë deet yic!)

¹⁶ “Kəc rēer Judia, ku tıñkë ë kënë, ka dhil rin gat nhıim roor bıñ la thiaan.

¹⁷ Ku na rēer raan ayeer, ka cıi ben la yöt bı la guik kē muk.

¹⁸ Ku na tō raan dom yic, ka cıi ben dhuk baai bä alanhde la lööm.

¹⁹ Diäär liēc ku diäär muk mıthkor aabı gum apeıdıt ye nıñkă.

²⁰ Röökkë bı rot cıi loi wiir yic rut, tēdē aköl cıi kəc ye luui.

²¹ Kəc aabı gum apeı ye nıñkă, gum kēckë kañ yök tēwäär ciēk Nhialic kəc agut cıt Ęmën. Ku acıi rot bı bën looi.

²² Na kēc Nhialic looi bı nıñkă cəl alik, nuöt acın raan cı piñ. Ku rin kacken cı ləc, acı nın cəl alik.

²³ “Wek aa lək, na le raan yöök we, ‘Tiēñkë Raan cı ləc ku dəc kın, tēdē ke lueel, tiēñkë yen akan!’ Ke duökkë gam.

²⁴ Rin kəc juëc aabı bën ku lueel nek, ee yēn Raan cı ləc ku dəc, ku lueel raan dēt, ee yēn raan kək Nhialic tıñ, ku loikë kārıl kəc göi, na lēukë, ke mär kəc cı Nhialic kuany.

25 Tietkë röt, keriëc ebën alëk we emën bäk nhüim tir kë bi bën.

26 “Këya, na le raan lëk yi ëlä, ‘Yen akan atö roor tēn!’ Ke yi duk la, tēdē, ‘Yen akün acī thiaan tēn,’ Ke duk gam.

27 Rin tē dhuk Manh Raan ka guokë njic. Abäk tñj cimën bir deñ dhie yen nhial reet yic, ku tñj lön ku lönjē.

28 “Dēt aya, abi ciēt mēn dhie na cī cuər kenhüim kut, ka la kë njetkē.

*Aköl bi Manh Raan bën
(Mk 13:24-27; Lk 21:25-28)*

29 “Awiëc ku bäk njic aya, ye ninkä, tē cī kōc jāl gum apēi, aköl abi kum nyin bi piny cuəl, ku pēi acii bi ruēl. Ku kuēl aabi röt yāak ku löönykē.

30 Kē bi bën Manh Raan cōl anjic abi tñj nhial, ku kōc ebën pinynhom aabi yiic nēer kākken rēc cīk looi. Ku keek aabi Manh Raan tñj ke bö pial yiic nhial ke diik ku riēdīt apēi.

31 Ku abā atuōocke tooc bik kēcīt lōör yup yic, bi kek kōcken cī lōc kuōt yiic pinynhom ebën.

32 “Njēckē ē kēnē tim cīt njaap, tē looi yen yōök ku looi yīth, ke kēr acī thiōk.

33 Këya, tē tñj wek kākka ke loi röt aya, ke njēckē lōn cī yen thiōk apēi.

34 Alëk we, wek aacii bi mää rē cōk kākka röt looi.

35 Nhial ku piny aabi liu, ku wētdiē acii bi kañ mää.

Rēer yi cī rot guir

(Mk 13:32-37; Lk 17:26-30, 34-36)

36 “Acin raan njic aköl bi kākka röt looi. Na cōk atuuc nhial, ayi Wēnde, ka cīk njic. Ee Wä ē rot yen anjic ye.

37 Bën Manh Raan abi ciēt kēwäär loi rot wäär pūr Noa.

38 Ee ninkä, aboordīt nhom tuēñ, kōc aake rēer ke mit puōth, ke ye luui ruēi ku yēi yet aköl le Noa riāi yic,

39 ku ē cīn kēn njic yet tē bii aboor. Ku muōu kōc ebën. Yen abi ciēt bën Manh Raan aya.

40 Tēn na cōk kōc karou luui dom yic, ke raan tōk yen abi nyaai ku nyiēñ raan dēt piny.

41 Ku diäär karou lui tētōk aabi ke tēñ tōk nyaai, ku nyiēñ tñj dēt piny.

42 “Këya, guierkē röt ku tiēerkē nhüim, rin wek aa kuc aköl bi Bānydun bën.

43 Yen acit kēn na raan la baai njic tē bi cuär bën thīn wakōu, ka rēer ke yiēn, ku cii cuär pāl bi kākke nyaai.

44 Ke week aya, wek aa dhil rēer we tīt, rin acäk njic ye nēn bi Manh Raan bën.

*Njic Bāny ku loi luōide akōlaköl
(Lk 12:41-48)*

45 “Na ye këya, yeñ a alony path ku njic kñj apēi, bi bēny nyāñ paande, bi kacke aa gām miēth akōlaköl?”

46 Alony mit guōp, alony bi bēny yōk ke loi luōide apath tē dhuk yen!

47 Alëk we, abi alony kēnē tāau kākke yiic ebën.

48 Ku alony cii luōide bi njic looi, rin yen ye tak lōn cii bānyde bi lac dhuk,

49 ku kuc kōc pan bēny ciēñ, ku ye cool wiēt kek kōc dek ē määu,

50 ke bānyde abi la luāt yeguōp aköl cii ye tak lōn yen aköl bi yen bën.

51 Ku yēn abi bēny tēm awuōcdīt, ku mēt tē rēer kōc rēc thīn, ē tēn kōc aa rēer ke dhiau ke njeny kelec.”

25

Kāñ nyūr kathiäär

1 Ku ben Jethu kāñ dēt thōōth, ku thōōñ bāny Nhialic ëlä, “Nyūr kathiäär aake cī kākken ye kek mer lööm ku lek yan thiēk yic.

2 Kam ē nyürkä, nyür kadhiēc aake pel nyin, ku nyür kadhiēc aa cii nyin pel.

3 Nyür aa bēlkä aake cī mermerken lööm ku cīk miök dīt muk.

4 Ku nyür njic kñj aake muk mermerken ku miök dīt tet aya.

5 Nawēn ka athiēk gāau bi cii lōc bën, gokē tōc bik nin.

6 “Nawēn wēer ciēl yic, ke piñ duōt, ‘Athiēk abō, bäk ayeer ku luōrkē!’

7 Go nyür awēn kathiäär röt jōt kedhie ku dēepkē mermerken.

⁸ Go mermer nyiir aabël cii dëp apath rin cïn kek yiic miök. Gokë nyiir kökkä lim, 'Miackë yo ë miök, mermerkua aacii dëp.'

⁹ Gokë bëer, 'Miök acii yo thöñ, lak tē ye miök yaac thïn bāk la γααc miökdun.'

¹⁰ Go nyiir aabël la bik la γααc miök, ku go athiëek guo lök bën kecök. Go nyiir awën cï röt guiir la kal yic kek athiëek tēwën dieer yai thïn, ku thiök kal thok.

¹¹ "Nawën la nyiir awën cï la γααc miök dhuk ke cöt, 'Bëny, Bëny, ηāny yo kal thok!'"

¹² Go athiëek bëer, 'Ye wek yīña?' Wek aacä ηic!"

¹³ Ku wit Jethu wētde ëlä, "Rëërkë we cï röt guiir, rin wek aa kuc aköl bi γen bën."

¹⁴ Ku ben Jethu kääñ dët bën thöth ku lueel, "Bääny Nhialic abi thöñ ke mony la keny wun dët, cä aluönyke cööl ku gëm ke wëü bi kek lök luui.

¹⁵ Ku yik aluöny tök tim buöot. Ku gëm alony dët tim thiärdhiëc, ku gëm alony ye kek diäk tim thiäär. Acï wëü tek këya cīt tē ηic ηek luui thïn, ku jiël bi la keny.

¹⁶ Go alony cï yiëk tim buöot, wëüke la luööl ku yök tim buöot dët.

¹⁷ Ku lui alony cï gäm tim thiärdhiëc cīmën alony wën aya, ku yök tim thiärdhiëc dët.

¹⁸ Ku la alony cï gäm tim thiäär wëü bānyde la wuööt piny ëbën.

¹⁹ "Nawën ke bānyden jöl dhuk, ku cööl aluönyke bi wëüke bën kuëën nyin.

²⁰ Go alony wäär cï gäm tim buöot bën ku lueel, 'Bëny, wäär yin acä gäm tim buöot, ku ëmën tīñ, γen acï tim buöot dët juak thïn.'

²¹ Go bānyde leec luöiden peth cï looi ku lueel, 'Yin acï wëü lik ηic muk apath ku juak keyiic, këya ëmën yin aba tääu kajuëc yiic ba ke muk. Bäär rëerku yo mit puöth yodhie.'

²² "Ku ben alony cï gäm tim thiärdhiëc bën ku lueel, 'Bëny yin acä yiëk tim thiärdhiëc wäär le yin keny, ku γen acï lök luui ku juak tim thiärdhiëc dët thïn.'

²³ Go bëny leec luöiden cï ηic looi ku lueel, 'Yin alony puöth käh tiit apath. Yin acï kälük tiit apath, ku ëmën yin abi tääu kajuëc nhiiim, bäär miët puöu ë bääny bäänydu yic.'

²⁴ "Go raan cï tim thiäär lööm bën ku lueel, 'Bëny, aca pinj lön ye yin raan col puöu

rap këc puur tem, ku kuany kāk ke këc ke wëer piny.

²⁵ Këya, γen acï riöoc ku la wëüku wëc piny. Njö! Wëü wäär ca kuëi ya aa kīk.'

²⁶ Go bëny lëk ye ëlä, 'Alony rac, ku ye adak rot aya. Na ηic lön ye γen rap tem, rap këc puur, ku lön ye γen käh kuany, ku aa këc pok.

²⁷ Nuöt yin acï wëükië dhiel gäm raan ηic luoi wëü, na la dhuk ciëen, ke ya yök wëükië ke cï keyiic juak.

²⁸ Nyaaikë wëü tēnē ye ku gämke ke raan la tim buöot.

²⁹ Rin raan kälük ηic muk abi kākke juak yiic, ku raan cii käh ye ηic muk, abi këden tö thïn nyaai.

³⁰ Ku cuatkë alony rëec kēnē muööth yic aγeer, ku tēen dhiëü abi tö thïn, ke kac yelec.'

Lundit

³¹ "Aköl bi Manh Raan bën ke duaar, ku atuuc nhial ëbën ke cath ke ye, abi nyuc thönyde nhom ke duaar pan Nhialic,

³² ku thäi ëbën aabi guëer yenhom. Ku aabi tek yiic akuut karou, cīmën raan la thök, yen amël ku apiyeem tek thook.

³³ Ku tēü amël köñden cuëc ku apiyeem köñ cam.

³⁴ Ku Bëny abi këc kääc lön cuëc lëk, 'Bäk, këc cï Wä döac ku lömkë bääny cï guiir tēnē we tēwäär ciek piny.

³⁵ Wën cï cök ya nök, wek aacä muöac këcam. Ku wën cï rou ya nök wek aacä muöac këdek, ku wën ye γen jäl, wek aacä lor pandun,

³⁶ ku wën cïn γen lubo wek aacä ruök köu, ku wën tuëny ya wek aacä la neem, ku wën cï ya mac, wek aacä bën tīñ.'

³⁷ "Ku këc wën aabi wētde dhuk nhom ëlä, 'Bëny, yi cuk tīñ nēn yi nēk cök buk yi muöac këcam? Ku nēk rou yi buk yi muöac këdek,

³⁸ ku cuk yi tīñ nēn ke yi bö keny yic buk yi lor? Ku yin acin lubo goku yi ruök köu?

³⁹ Yi cuk tīñ nēn ke yi tuany, ke yi cï mac buk yi la neem?'"

40 Ku abī Bēnyḡaknhom lēk ke, wēt yic alēk we, ‘Kēriēec ēbēn cāk luōi raan tōk kam wāmāthkiē thiikā, aa cāk luōi ḡa aya.’

41 “Ku abī lēk kōc lōḡ cam, ‘Aa wek kōc cī cieen, jālkē ē tēn bāk la many dēp yic akōlriēec ēbēn, many cī guir tēnē jōḡrac ku atuōōcke ēbēn.

42 Rin wāār nēk cōk ḡa, wek aa kēc ḡa muōōc kēcām, ku nēk rou ḡa ku wek aa kēc ḡa muōōc kēdēk.

43 Ku wāār ḡen ē jāl ku wek aa kēc ḡa ḡōḡḡ pandun, ku ḡen ḡa cīn kōu alath, wek aa kēc ḡa ruōk kōu, ku ḡen a ḡa cī tuaany, ku mac ḡa ku wek aa kēc bēn bāk ḡa neem.’

44 Ku kōckui aya aabī thiēc, ‘Bēny, yī cuk tīḡ nēn ke yī nēk cōk ku rou, ku ye nēn yī bō keny yic, ku cīn alanh ceḡ, ku tuany yī ku mac yī ku yīn akēcku kony?’

45 Ku abī bēēr, tēnē ke, ‘Wēt yic alēk we, kēriēec ēbēn kēckē luōi wāmāthkiē thiikā, ka kēckē luōi ḡen aya.’

46 Ku keek aabī la tē bī ke reem thīn akōlriēec ēbēn, ku kōc path aabī la tē bī kek pīr thīn akōlriēec ēbēn.”

26

Amat nēk Jethu

(Mk 14:1-2; Lk 22:1-2; Jn 11:45-53)

1 Nawēn cī Jethu thōk jam kek kōcken ye buōōth, ke lēk ke,

2 “Cīmēn ḡic wek ye, Yan Ayum cīn yic luōu abī yecōk jōk nīn karou bī bēn. Ku Manh Raan abī luōm tēnē kōc rēc bīk piāat tim cī rīū kōu.”

3 Kaam awēn ke kōcdīt kāk Nhialic ku kōcdīt baai Itharel, aake mēt pan raandīt kāk Nhialic cōl Kaipa,

4 ku guirkē tē bī kek Jethu dam thīn ke cū ḡic ku nāk.

5 Ku luelkē, “Acuk dām akōl yai. ḡok aabī tīit bī kōc kaḡ jāl, rin na dāmku, ke kōc ḡoot yai yic, tēdē ke kōc juēc aa thār kek ḡo.”

Maria acī tē theek yen Jethu thīn nyuōōth *(Mk 14:3-9; Jn 12:1-8)*

6 Tēwēn rēer Jethu Bethanī pan raan at-uet cōl Thaimon,

7 ke tik bō tēwēn mīth yen, ke muk tōny koor cī cuēc tiām ril la yic miōk ḡir ye ḡōōc

wēū juēc apēi, ku kuem thok ku luuḡ miōk Jethu nhom ēbēn.

8 Go kōc Jethu buōōth puōth dak wēn tīḡ kek kēnē, ku jīēm kē kamken, “Yeḡō tuuk yen miōk ḡir?”

9 “Miōk ḡir kēnē ḡuōt acī ḡaac wēū juēc ku ḡēm wēū kōc ḡōḡḡ.”

10 Go Jethu kē luelkē ḡic, ku luel tēnē ke, “Pālkē, yeḡō nyieeny wek ye? Kē cī looi tēnē ḡa yen tīḡ, ee kēpath apēi.

11 Kōc ḡōḡḡ aabī rēer kamkun akōlakōl, ku ḡen acī bī rēer kek we akōlakōl.

12 Wēn luuḡ tīḡ kēnē miōk ḡaguōp, ee looi kēya bā tōc bī guāpdiē guir bī jal thiōk.

13 Wek alēk yic, kuat tē bī Wēt Puōth Yam piōōc thīn pinynhom, kē cī tīḡ kēnē looi, abī ya luel bī ye atak.”

Judath acī Jethu ḡaac

(Mk 14:10-11; Lk 22:3-6)

14 Nawēn ke raan tōk kam atuuc kathiāār ku rou, cōl Judath Ithkariōt la tēnē kōcdīt kāk Nhialic

15 ku luel, “Yeḡō bāk yiēk ḡa tē thōn ḡen we Jethu?”

16 Gokē ḡām wēū juēc. Ku jōl tē bī yen Jethu dām thīn wīc.

Jethu acī miēth yai cam kek atuōōcke

(Mk 14:12-21; Lk 22:7-14, 21-23; Jn 13:21-30)

17 Nawēn akōl tuēḡ Yandīt Ayum cīn yic luōu, ke kōc Jethu buōōth bō tēnē ye, ku thiēckē, “Ye tēnēn wīc bī ḡok miēth yai guir thīn tēnē yī?”

18 Go bēēr, “Lak geeu tēnē ḡekdīt ku lēkkē ye, ‘Aye Bānyda luel, akōl bī luōidiē thōk acī bēn. Ee paandu yen abī ḡen Yan Ayum cīn yic luōu cam thīn kek kōckiēn ḡa buōōth.’ ”

19 Go kōc ē biōōth kē cī Jethu lēk ke looi, ku guirkē miēth yai.

20 Nawēn la thēi bēn ke Jethu nyuc kek kōcken ye buōōth kathiāār ku rou bīk mīth.

21 Tēwēn mīth kek ke luel Jethu, “Wek alēk yic, raan tōk kamkun abā luōm.”

22 Gokē puōth riāak apēi ku ḡēikē, ku thiēckē tōk-tōk, “Makei! Ye yic? Ye ḡen Bēny?”

23 Go Jethu bëer, “Ee raan tök kamkun lut yecin kek ya adušk yic, yen ë raan bi ya gaany.

24 Ee yic, Manh Raan abi nõk cit tē ci gät ye rienke athör theer yiic. Ku raan bi ye luom abi gum apēi! Ku aṇuēēn tēnē ye diēt kēc kaṇ dhiēeth.”

25 Ku Judath aya, eci Jethu thiēc, “Raan piöoc, ye ya?” Go Jethu bëer, “Ee yi.”

Guirku röt apath buk guöp Bēny rəm

26 Tēwēn mīth kek, ke Jethu lōm ayup ku döc ku bēny yic, ku gēm kacken ye buoṭh ku lueel, “Lōmkē kēnē, ku camkē, kēnē ee guäpdiē.”

27 Ku lööm aduṇ ci thiäṇ mušn abiēc, ku leec Nhialic ku gēm ke ku lueel, “Dēkkē thīn ebēn.”

28 “Kēnē ë riemdiē, riem döör kek Nhialic, bi kuēr rin bi adumušm kəc ebēn päl piny.

29 Alēk we, ṅen aciī bi bēn dek mušn abiēc pinynhom tēn kek we, ṅet aköl bi ṅok ye dek yodhie pan Nhialic.”

Jethu aci kē bi Pīter ye jai lueel

(Mk 14:27-31; Lk 22:31-34; Jn 13:36-38)

30 Nawēn cik jäl thök ke ket waak ku lek gən Olip cök.

31 Ku lueel Jethu tēnē ke, “Wek kackiē, wek aabi kat ya ë wēer kēnē cimēn kēwäär ci gät athör theer wēl Nhialic yic elä, ‘ṅen abā abiöök col anak ku amēl aabi wēer.’

32 Ku tē ci ṅen rot jət raṇ yic, ke ṅen abi kaṇ la Galilia ba we la tiit thīn.”

33 Go Pīter lueel tēnē Jethu, “ṅen aciī bi kat tē cək kəc ebēn kat yi!”

34 Go Jethu bëer, “Alēk yi, ee wēer kēnē, ke thōn ajīth kēc kiu, yīn abā jai arak diäk.”

35 Go Pīter dhušk ye, “Na cək ya nõk kek yi, ke yīn acā bi kaṇ jai.” Ku lueel kacken kək ye buoṭh ebēn këya.

Jethu aröök ke ṅic lən bi ye näk

(Mk 14:32-42; Lk 22:39-46)

36 Kaam wēn ke Jethu kek kacken ye buoṭh la tē col Jethemani, ku lueel tēnē ke, “Nyušöckē tēn, ku yiēnkē, ṅen ala tēēn ba la röök.”

37 Ku cöl Pīter ku wēēt Dhubedi karou, ku jəl rēer ke nēk atiēel, ku dhiēu apēi yepušu.

38 Ku lueel tēnē ke, “ṅen adhiau pušu apēi, ee thou guöp. Rēer kē tēn ku yiēnkē.”

39 Ku le tuēṇ tēthin-nyoṭ, ku rēēny rot piny ke gut yenhom piny ku röök elä, “Wä, na lēu rot ke yi col kēreec tit ya aciī bö. Ku acie wēt piändiē, ee wēt piändu.”

40 Nawēn ke dhuk tēnē ke kadiäk ku yök ke ke nin. Go lueel tēnē Pīter, “Niēnkē! Cäk yiēn tēthin-nyoṭ? Yeṇö ye wek nin kēlä?”

41 Yiēnkē ku röökkē bi we ciī them jakreec. Pušu ë gam ku guöp acin riēl.”

42 Ku ben jäl ku le röök elä, “Wä, na ciī kēreec kēnē jiēl, ke wēt piändu abi rot looi.”

43 Ku ben dhuk tēnē ke, ku ben ke yök ke nin, rin ci nin ke göök apēi.

44 Goke nyäaṇ piny ku ben jäl, ku ben la röök cimēn awēn, kēn ye kek diäk.

45 Ku dhuk tēnē kacken ye buoṭh ku lueel, “ṅot we nin! Lääṅkē? Tēn nin aci thök, tiēṅkē Manh Raan aci lušm kəc reec. Ēmēn tē bi ya jal thōn kəc reec aci ṅēēt.

46 Raan cā luom aci bēn. Jatkē röt, lokku buk röm!”

Jethu aci dām

(Mk 14:43-50; Lk 22:47-53; Jn 18:3-12)

47 Tēwēn ṅot jīem yen, ku Judath raan tōṇ kəc atuuc kathiäär ku rou ṅēēt. Ku yeen ë cath kek kəc juēc muk paal ku atuel, ke ci kacdit kāk Nhialic ku kacdit baai tooc.

48 Ku Judath aci kəc awēn cath kek ye, lēk tē bi kek raan wickē bik bēn dām ṅiēc thīn, elä, “Raan ba mušöth ku ciem yen ë raan wiēckē. Damkē ku kuathkē.”

49 Kaam wēn ṅēēt Judath, ke la tēnē Jethu nyin yic ku lueel, “Bēny,” ku mušöth ku ciim.

50 Go Jethu bëer, “Mäthdiē, loi kēnē bi yīn ë tēn.” Go kəc awēn bēn ku dāmkē Jethu ku derkē.

51 Go raan tök kam kəc awēn rēer kek Jethu palde miēēt bei, ku tök alony lui pan raandit kāk Nhialic yic, abi tēem yic wei.

52 Go Jethu lēk ye, “Dhušk paldu tēden awēn, kəc ye wic bik kəc nõk, aabi thou aya këya.

53 Cäk ë tak lən nadē, ka lēu ba Wä thiēc bi ya tušc atuuc nhial juēc apēi bik ya bēn kony?”

54 Ku na ye këya, ke wēl athör theer Nhialic bi röt tiēēṇ, wēl ye lueel ka dhil rot looi kēlä?”

⁵⁵ Ku kaam wën ke lueel Jethu tēnē ke elä, “Cäk bēn we muk atuel ku paal bāk ya bēn dōm, ciēt ya ye raan kōc rum? Yēn ee rēer kek we akōlakōl ya piōōc kōc luanj Nhialic, ku wek aa kēc ya dōm.

⁵⁶ Ku kēnē aci rot looi bi kē ci gōt athōr thēer wēl Nhialic yiic yenhom tiēēj.” Ku jōl kōcken ye buōōth ēbēn nyāānj piny ku kētkē.

Jethu aci yāth lunj bāny Itharelyic

(Mk 14:53-65; Lk 22:54-55, 63-71; Jn 18:13-14, 19-24)

⁵⁷ Ku jōl kōc awēn ci Jethu dōm, Jethu yāth pan Kaipa luk yic, ci bāny kāk Nhialic Itharel, ku kōc piōōc lōōj kenhūim mat thīn.

⁵⁸ Ku Pīter ē biōth, ke mec kōc cōk ciēēn agut tē yēēt yen pan bēny luk yic. Ku nyuuc kek kōc bēny tiit, ku jōl rēer bi kē lui Jethu tiij.

⁵⁹ Bāny luk ku kōcdit kāk Nhialic aake ci nyuc bik Jethu wic guōp awuōc ci looi, rin bi kek ye tēm thou.

⁶⁰ Ku aciñ awuōc cī bēn yōk, cōk alōn ye kōc juēc ye luōm lueth, ke wēlken akēc rōm. Nawēn ke kōc karou jōt rōt,

⁶¹ ku luelkē, “Acuk piñ ke lueel, ‘Yēn abi luanj Nhialic kēnē thuōr piny, ku na ye akōl ye nīn diāk ke yēn abi dēt buth nyiēnde.’ ”

⁶² Go Kaipa raandit kāk Nhialic rot jōt ku thiēc Jethu, “Cīn wēt dhuk nhom ē wēl ci luēel yiguōpkā yiic?”

⁶³ Go Jethu biēt. Go Kaipa bēn lēk ye, “Yīn athiēc rin Nhialic ba lēk yō lōn ye yīn Raan ci lōc ku dōc, Manh Nhialic.”

⁶⁴ Go Jethu lēk ye, “Ee yic, cit tē ca luēl ye. Ku aņot lēk we ēbēn lōn emēn yet tuēj, wek aabi Manh Raan jāl tiij ke ci nyuc cuēny Nhialic njc kānj looi ēbēn, ku biī puōl nhūim nhial.”

⁶⁵ Go Kaipa alāthke ret yiic yekōu ku lueel, “Aci Nhialic tōn guōp. Yējō njot wīcku kōc kōk bi bēn jam kāk ci looi emēn? Ku wek aaci tē tōn yen Nhialic thīn piñ.

⁶⁶ Yējō yen wētdun?” Gokē bēēr, “Ala guōp awuōc, adhil nōk.”

⁶⁷ Ku jōl kōc kōk aa njūōt nyin ku guutkē kecin. Ku lēk kōc kōk ye tēwēn ye kek ye gut,

⁶⁸ “Raan ci lōc ku dōc, mēek raan yi gut?”

Pīter ajei Jethu

(Mk 14:66-72; Lk 22:56-62; Jn 18:15-18, 25-27)

⁶⁹ Kaam wēn njot rēer Pīter piiny kal yic pan bēny, ke nyēn lui pan Kaipa bō tēnē ye ku lueel, “Yīn aya, yīn yi rēer kek Jethu raan Galilia.”

⁷⁰ Go jai kenhūim ēbēn ku lueel elä, “Yēn aciī raandun ye lueel njc diēn. Ku kē ye lueel aci cak deet yic aya.”

⁷¹ Ku ler ayeer. Go nyēn dēt alony bēn ku lēk kōc awēn kāk thīn, “Mony kēnē ē ye rēer kek Jethu raan Nadharet.”

⁷² Go Pīter bēn jai ku kuēēj ku lueel, “Yēn akuc mony kēnē.”

⁷³ Ku kaam awēn, ke lueel kōc kāk thīn tēnē Pīter, “Ee yic, yīn ē raanden rin yīn ē raan Galilia, yīn ē jam cimēnden.”

⁷⁴ Go Pīter rot bēn kuēēj, “Nhialic abā nōk tē cī yēn yic luel! Yēn akuc raan jīēm wek riēnke!” Nyin yic tēwēn ke thōn ajith kiu.

⁷⁵ Go Pīter kēwāār ci Jethu lēk ye tak. “Tuenj ke thōn ajith kēc kiu, ke yīn abā jai arak diāk.” Ku ler ayeer ke ci guōp yār ku dhiēēu.

27

Kōc Itharel aaci Jethu gaany tēnē Pilato

(Mk 15:1; Lk 23:1-2; Jn 18:28-32)

¹ Nayōn nhiāk rial yic, ke bānydit kāk Nhialic, ku kōcdit baai mēt tē bik luōi Jethu ku bik nōk.

² Gokē rek ku kuēthkē tēnē bēnydit Pilato, raan Roma.

Judath aci thou

(Luōi 1:18-19)

³ Nawēn le Judath, raan wāār gōony Jethu tiij, lōn ci Jethu tēm thou, ke riāāk puōu apēi ku dhuk wēēu ke ci ye riōp ciēēn tēnē bāny luk.

⁴ Ku lueel, “Yēn aci kērac looi rin ci yēn raan cīn guōp awuōc luōm ē lueth.” Gokē bēēr, “Ee wētdu, aciñ kēda thīn.”

⁵ Go Judath wēēu cuat kal luanj Nhialic yic, ku le rot nōk.

⁶ Go bāny kāk Nhialic wēēu kuany ku luelkē, “Aciī path buk wēēukā mat wēēu ye juaar yiic yōn Nhialic, rin ye kek wēēu ē riēm.”

7 Ku jalkë tē bī kek wēeu luōi thīn guēek yic. Nawēn ke matkë yic bik piny ye ke tiap wec thīn kōc cuēc ē tōny, γὰρ εἶ wēēukā, ku bī ya tē ye kōc thāi cī thou Jeruthalem thišk thīn.

8 Ku ē yen kē ye dom kēnē cōl, ke cōl, “Τὸν Ρίεμ,” agut ya akölē.

9 Ku kēnē cī Jeremia, raan kāk Nhialic tīη, lueel ēlä thēer acī yenhom tiēēη, “Aacī wēēu lööm, wēēu kek ke cī kōc Itharel gam bī ya kek γὰρ yeen,

10 ku γὰρ kek piny raan cuēc ē tōny cīmēn cī Bēny ye lēk γεν.”

Pilato acī Jethu thiēc

(Mk 15:2-5; Lk 23:3-5; Jn 18:33-38)

11 Ku Jethu ē kāac Pilato nhom. Go Pilato thiēc, “Ye yīn Bēnyṅaknhom kōc Itharel?”

Go Jethu bēēr, “Ee γεν, cit tē ca luēl ye.”

12 Ku acīn wēt cī bēēr wēl juēc ke ye bāny Itharel luēel yeguōp.

13 Go Pilato thiēc, “Cīi kājuēc cī yī gaanykā ye piη?”

14 Go Jethu biēt ke cī wēt Pilato bēer. Go Pilato gāi apēi.

Jethu acī tēm thou

(Mk 15:6-15; Lk 23:13-25; Jn 18:39-19:16)

15 Ruōōn ēbēn, akōl Yan Ayum cīn yic luōu, bēnyṅaknhom ee raan tōk kam kōc cī mac lony, tē wīc kōc baai ye bī lony.

16 Ku ē ruōōn kēnē raan cī kārēc apēi looi cōl Barabath ē mac.

17 Nawēn cī kōc kenhiīm kut, ke thiēc Pilato ēlä, “Yeṅa wiēcckē ba lony tēnē we, ye Barabath aye Jethu, ye cōl Raan cī lōc ku dōc?”

18 Rin ee ηic Pilato lōn ē yen tiēel yen ē thōn kek Jethu ye.

19 Tēwēn cī Pilato nyuc thōnyde nhom luk yic, ke tuc tiēnde wēt, “Duk them ba yīthok mat raan cīn kē cī wuōōc kēnē guōp, kēde ē bēn ṅanhom kecīt nyuōth wēn akōu bā pēn nīn.”

20 Ku kōc ater Jethu aake kōc kuōōt thook bik lēk Pilato bī ya Barabath yen lony, ku cōl Jethu anāk.

21 Nawēn thiēc Pilato ke, “Yeṅa kamken karou wiēcckē ba lony tēnē we?” Gokē lueel, “Ee Barabath.”

22 Go Pilato ke thiēc, “Yeṅō ba looi tēnē Jethu raan ye lueel ka cī lōc ku dōc?”

Gokē rek yic ēbēn, “Apiēēt tim cī rīiu kōu.”

23 Go Pilato ke bēn thiēc, “Yeṅō? Ye awāc ṅō cī looi?” Gokē bēn rek yic rōldīt apēi, “Apiēēt tim cī rīiu kōu.”

24 Nawēn tīη Pilato ke cīi bī lēu, ku tīη aya ka aliāap bī rot looi, ke cōl piū ku lōak yecin kenhiīm ke dēei kek ēbēn ku lueel, “Thon ē raan kēnē aliu ṅacin! Arēēr wecin.”

25 Gokē dhušk ye ēbēn ke ke cī puōth dak, “Riēmde abī tāu ṅocin ku miēthkua cin aya.”

26 Go Pilato Barabath lony. Ku wēn cī yen apuruuk yōōk bik that ku ṅakkē nhom kuōōth, ke gēm ke bik la piāāt tim cī rīiu kōu.

Apuruuk aacī Jethu bui

(Mk 15:16-20; Jn 19:2-3)

27 Go apuruuk Pilato, Jethu kuaath pan bēnyṅaknhom. Ku jōl apuruuk ēbēn gōōm piny.

28 Ku dēkkē alāthke bei ku rukkē alanh thith lual yekōu.

29 Ku cuēcckē kou ku ṅek kek yenhom, ku tēēukē wai ciinden cuēc. Ku gutkē kenhiāl piny yenhom bik nyuōōth ciēt leckē ku buikē, “Mādho Bēnyṅaknhom, Bēny Itharel.”

30 Ku ṅuutkē guōp ku yuupkē nhom wai.

31 Wēn cī kek ye jal bui kēlä, ke dēk alanh wēn bei, ku dhukkē alāthke yekōu. Ku kuathkē bik la piāāt tim cī rīiu kōu.

Jethu acī piāāt tim cī rīiu kōu

(Mk 15:21-32; Lk 23:26-43; Jn 19:17-27)

32 Tēwēn le kek tē ye kōc la nōk thīn, ke rām kek mony cōl Thaimon raan pan Thirene, gokē dōm riel bī tim cī rīiu ket.

33 Ku ṅeetkē tē cōl Golgotha. (Ku wētde yic, ḡon la guēη-ηēη cit apen nhom raan.)

34 Ku gēmckē Jethu muōn abiēc cī liāap wāl kec cōl gal bī dek, nawēn thiēēp ke kuc ye.

35 Gokē piāāt tim cī rīiu kōu, ku cuētkē gēk bik alāthke tek kamken.

36 Ku jōlkē rēer bik tiit.

37 Ku jōlkē awuōc yekē tak ke cī Jethu looi gōt yenhom nhial tim cī rīiu kōu ēlä, “KĒNĒ Ē JETHU BĒNYṄAKNHOM ITHAREL.”

38 Ku piëtkë cuër karou kek Jethu tiim cï riïu kôöth aya, raan tök lön cuëc ku raan tök lön cam.

39 Ku jöl kəc ke ye tēek tēwēn, Jethu aa cuiit ku latkë ku luelkë,

40 “Cie yin wäär ye lueel lön bi yin luanj Nhialic thuör piny ku buth nin kadiäk! Kony rot tē ye yin Manh Nhialic! Bäär piny tim cï riïu kôu!”

41 Ku bui kəc kāk Nhialic, ku kəc gāt lööñ ku kəcdit baai.

42 “Ee kəc kək kony ku cïi rot kony! Cie yen Bēnyñaknhom Itharel? Cəl abö piny tim cï riïu kôu emēn, ku abuk jäl gam!”

43 Yeen ē Nhialic nōöth, cəl ajöl Nhialic kony emēn tē wic yen ye. Rin aye lueel ëlä, yen ē Manh Nhialic.”

44 Agut cuër awēn cï piäät tiim kōöth kek ye, ee yekē tōn guöp aya.

Jethu aci thou ayic

(Mk 15:33-41; Lk 23:44-49; Jn 19:28-30)

45 Nawēn aköl ciel yic ke muöth loi rot yet tääh aköl pan awēn.

46 Nawēn tääh aköl ke Jethu cöt röldit, “Eli, Eli, lama thabakthani?” Ku wētde yic, “Nhialicdiē, Nhialicdiē, yenö pël yin ya wei.”

47 Nawēn piñ kəc kək ke kääc ē tēnē, ke luelkë, “Mony kēnē acəl Elija.”

48 Go raan tök kat ku lut alath muön wac yic, ku tēü wai thok ku çök Jethu thok.

49 Ku lueel kəc kək, “Titku buk tñj lön bi Elija bēn bi bēn kony!”

50 Ku jöl Jethu keñ apeï ku thou.

51 Kaam wēn ka alanh ye gēēñ bi luanj Nhialic tek yic alñ thñn rēet yic rou, jök nhial yeet piny. Ku loi ayiëkyiëk dit rot ku yer piny yic.

52 Ku nany rēñ kenhüim, ku gup kəc juëc, kəc path wäär cï thou aaci bēn pñr ku jötkë röt.

53 Ku wēn cï Jethu rot jöt, ke jiël rēñ nhüim ku lek Jeruthalem ku nyuthkë röt kəc juëc.

54 Nawēn tñj bēny apuruuk ku apuruukken ke tit Jethu, ayiëkyiëk piny ku kāk cï röt looi ëbēn ke riöc apeï, ku luelkë, “Yeen ē Manh Nhialic guöp alanden.”

55 Diäär juëc aake tö thñn, ku keek aake daai tēmec. Wäär rēer Jethu Galilia, ē ye diäärkä buöth bik miëth aa looi tēnē ye.

56 Kam ē diäärkä, Maria Magdalena ku Maria man Jemith ku Jothep, ku jöl a man wēët Dhubedï aake tö thñn aya.

Jethu aci thiök

(Mk 15:42-47; Lk 23:50-56; Jn 19:38-42)

57 Wēn col piny, ke mony ajak gen Ari-matheo cəl Jothep cï wēt Jethu gam bö.

58 Ku ler tēnē Pilato ku thiëc guöp Jethu bi la thiök. Go Pilato lək apuruuk bik gām ye.

59 Go Jothep guöp Jethu bēi piny tim kōu ku der alanh yer,

60 ku tēü ran cï wec kuur yic. Ku lōer kuur dittet ran thok ku jiël.

61 Maria Magdalena ku Maria dēëtē aake cï nyuc ke cï kenhüim wël ran.

Kəc tit ran

62 Nawēn aköl Dätē aköl bö aköl Dhiëc cök, ke kəcdit kāk Nhialic ku kəc akut Parathi la tēnē Pilato,

63 ku luelkë, “Bēny, acuk tak, wäär pñr aluenh kēnē ëci lueel ëlä, ‘Yen abi bēn pñr nin kadiäk cök.’

64 Kēya, lək apuruuk bik ran tiit apath yet aköl ye nin diäk, rin bi kacken ye buöth guäpde cïi kual ku törkē tēnē kəc lön cï ye jöt thou yic. Ku luenh ciēen abi dit apeï tēnē luenh tuenj.”

65 Go Pilato lək ke, “Calkë apuruuk bik ran la tiit apath cit tē wic wek ye thñn.”

66 Gokë la ku buthkë ran thok ku thanykë thok ē kiēnden ku tēükē apuruuk ran nhom bik tiit.

28

Jethu aci rot jöt ran yic

(Mk 16:1-10; Lk 24:1-12; Jn 20:1-10)

1 Naçon nhiäk rial aköl Nhialic ke Maria Magdalena ku Maria dēëtē, la bik ran la neem.

2 Ku kaam awēn ka ayiëkyiëk piny dit apeï loi rot, ku bö atuny Nhialic ku lōer aləl wei ran thok, ku nyuuc yenhom,

3 ke ceñ alēth yer apeï la toptop, ku dēp nyin cit ye deñ bier.

⁴ Go apuruuk puõth jieth ku riõockë apëi abik ril wei ciët kəc cï thou.

⁵ Go atuny Nhialic jam tënë diäär ku lueel, “Duõkkë riõc, anjiec wek aa wïc Jethu wäär cï piäät tim cï rïiu.

⁶ Aliu tën, acï rot jət cit tēwäär cï luël ye. Bäk, tiënkë tēwäär cï ye tääu thïn.

⁷ Lackë la bäk la lëk kacken ye buõth, ‘Løn cï yen rot jət ran yic ku ala Galilia bik la röm thïn.’ Lak lëkkë ke këya.”

⁸ Go diäär jäl ran nhom ke ban kekõõth ke cï riõc, ku keek ke mit puõth aya, bik thok riεεη tënë kacken ye buõth.

⁹ Kaam awën ke Jethu räm ke ke ku lueel, “Bï döör arëer kek we.” Gokë bën tënë ye ku cuëtke röt piny yenhom ku dämke cök ku dorkë.

¹⁰ Go Jethu lëk ke, “Duõkkë riõc,” “Lak lëkkë wämäthkië bik lac la Galilia tē bï yok la röm thïn.”

Apuruuk aacï kë cï rot looi la lueel

¹¹ Tēwën ηoot diäär dhël yic ke la geeu, ka apuruuk abëk, apuruuk ke tit ran yiic, la geeu ku lek bāny lëk kāk cï röt looi ëbën.

¹² Go bāny Itharel amat cōl. Nawën cïk kë cï rot looi jääm yic, ke matkë yic bik apuruuk gām wëeu juëc apëi,

¹³ ku bik lueel, “Løn ë niin kek nawën ke kəc Jethu buõth bö waköu ku kualkë guäpde yo nin.

¹⁴ Ku na piη Bënyηaknhom ë wët kënë, ke yok aabi jam ke ye bï ciën këεεc yok we.”

¹⁵ Go apuruuk wëeu däm ku jölkë wët awën cï bāny ke kuõõt thook aa lueel. Ku jöl wëtdden thiëi kəc Itharel yïth. Ku ë yen kë yekë lueel agut ya aköl.

Jethu acï rot nyuõth kacken ye buõth

¹⁶ Nawën ke kacken ye buõth kathiäär ku tök lööny dhöl bik la Galilia. Ku lek gət nhom tē cï Jethu lëk ke bï kek la röm thïn.

¹⁷ Tēwën tiη kek ye ke dorkë, ku kəc kök keyiic aake diu ciët cie Jethu ayic.

¹⁸ Go Jethu rot cuõt ke ku lueel, “Υεη acï yiëk riel nhial ku piny.

¹⁹ Lak pinynhom ëbën ku lëkkë kəc wëtidië. Ku miackë kenhïim Rin Wun, ku Wënde ku Wëi Nhialic,

²⁰ ku piõockë ke bik käjuëc ca lëk we gam. Ku muõkkë wenhïim løn yen abi rëer kek we akölaköl yet thök ë piny.”

Wël Jethu cî Marko gôt Wët nom

Wël path kâc cäl amit puõth, kek ye kâc cî gam piõc rin Jethu cî Marko gôt, aaye jâk wët cî yen ye lueel ëlä, “Wët Puõth Yam rin Jethu raan cî lâc ku dâc, Wën Nhialic.” Jethu acî nyuõth lôn ye yen raan ë luui ku ala riël. Riëlde aye tîj piõcde yic, ku riëlden yen jakrâc cuõp wei kâc gup, ku lôn yen adumuõm cî looi päl piny. Jethu ë ye jam rienke lôn yen ke Manh Nhialic cî bën, ku bî rot gam bî nôk, bî kâc poth la pan mac.

Marko acî wël Jethu gôt dhël la cök, cîn yic lueth. Ku acî kâk cî Jethu looi teet yiic apath, ku aacie wël cî lueel ku kâk cî piõc kek cî gôt kepâc. Yeen aya, acî wël kâk cî maany kañ gôt rin Joon raan kâc muõc nhïim, ku lôn cî Jethu them ë jâñrac. Ku gët kâk cî Jethu looi, cîmën piõcde ku kē ye yen kâc tuany kony bik pial. Tëwën cî Jethu kâc piõc, ke kâc cî wëtde gam, aake cî kâk ke ye looi ya deet yiic, ku kâc ke man Jethu acî puõth bën riääk apêi. Wël abêk cî Marko gôt athör yic ciëen, aa kâñ karou cî rôt looi tēnē Jethu wäär pinynhom nîn kadhorou thuände nom tuenj, kē cî kâc man ye ye dâm ku piëët tim cî riïu kōu bî thou, ku kē cî yen bën pîr ku jät rot rañ yic.

Ala kâñ karou, wël Jethu cî Marko gôt thîk kecök, aye tak kâc juëc ciët ye raan dët yen met ke thîn.

Käk tō thîn

Jâk cök Wël Puõth Yam 1:1-13

Piõcde ë Jethu Galilia 1:14-9:50

Jäl Jethu Galilia bî la Jeruthalem 10:1-52

Nîn ciëen kadhorou thuände nom tuenj

11:1-15:47

Jethu acî rot jät thou yic 16:1-8

Jethu acî rot nyuõth ku jät nhial 16:9-20

Piõcde Joon raan kâc muõc nhïim

(Mt 3:1-12; Lk 3:1-18; Jn 1:19-28)

¹ Wët kēnē ë Wët Puõth Yam rin Jethu raan cî lâc ku dâc Wën Nhialic.

²⁻⁴ Wäär kēc Jethu piõcde guo jâk Joon raan kâc muõc nhïim ëcî piõcde jâk roor tē cîi ceñ. Ku wëët kâc ëlä, “Pälkē luoi

kârâc, ku calkē rôt aa muõc nhïim rin bî adumuõmkun päl piny tēnē we.”

Ku tuenj ëcî Ithaya raan kâk Nhialic tîj gôt ku lueel ëlä,

“Tē ler yîn, yen abî raan tōk kam kâc kâkkië luëel cäl alêk kâc, bîk yîin tiit.”

Ku ben Nhialic lueel aköl dët ëlä,

“Raan kâkkië tîj abî kē cît

lōör gut yic bî yen kâc caal tēde ë rot, ku lēk keek ëlä,

‘Guiêrkē dhël ë Bēny, luoi kē dhölke bik la cök.’”

Tēën, go Joon kâc aa piõcde tēde ë rot.

Nawën gamkē wëtde ke muõc nhïim, ku ye lēk ke ëlä,

“Pälkē luoi adumuõm ku calkē rôt aa muõc nhïim,

yen abî Nhialic adumuõmkun päl piny.”

⁵ Kâc juëc pan Judia ku gen Jeruthalem acî wët tēnē ye, ku lekkē adumuõmken, ku jâl Joon ke muõc nhïim wâr Jordan.

⁶ Joon ë ye ceñ alêth cî looi nhiëm thöröl, ku ceñ gōp yen añum, ku miith ke ye cam aa karyõm ku kiëc.

⁷ Ku ë ye lēk kâc, “Raan bî bën ë nîn thiõkkä adit ku aril tēnē ya apêi. Yen acîi thōñ kek ye, nadē ke ya cök guñ ba warke dâk.

⁸ Wek aaya muõc nhïim piü, ku yeen abî we muõc nhïim Wëi Nhialic.”

Jethu acî muõc nom ku acî jâñrac them

(Mt 3:13-4:11; Lk 3:21-22; 4:1-13)

⁹ Ye nînkä yiic ke Jethu bö gen Nadharet tō pan Galilia tēnē Joon, ku muõc Joon nom wâr Jordan.

¹⁰ Tëwën bî Jethu bei wîir, ke tîj nhial ke liep rot ku tîj Wëi Nhialic ke bö yenhom ke cît kuur ë dit.

¹¹ Ku piñ röl Nhialic nhial ke lueel, “Yîn ë manhdiën nhiaar, yen amit puõu ke yî.”

¹² Kaam awën ke Wëi Nhialic la yeguõp ku yëth roor tē cîi ceñ.

¹³ Ku jâl Jethu rēer roor tē cîi ceñ nîn thiärñuan kek lääi, ku ë ye jâñrac them. Ku atuuc nhial acî bën ku konykē.

Jethu acä amëi kañuan cäl

(Mt 4:12-22; Lk 4:14-15; 5:1-11)

¹⁴ Wën cî Joon dâm, ke Jethu dhuk pan Galilia ku le kâc piõcde Wët Puõth Yam.

15 Ke ye lueel, “Aköl la cök acı bën, bääny Nhialic athiök! Pälkë luoi käreç ku gamkë Wët Puoth Yam.”

16 Tëwën kueny Jethu wär Galilia you, ke tiñ amëi karou, Thaimon kek Andria wämënh ke döm rec buai.

17 Go Jethu lëk ke, “Biathkë ya ku wek aba piöcc bäk kəc aa döm.”

18 Gokë biaiken nyään piny nyin yic ku buothkë Jethu.

19 Wën le Jethu tuen tēthin-nyöot, ke tiñ Jemith wën Dhubedi ku Joon wämënh ke tö riäi yic ke guir biaiken.

20 Go Jethu ke cäl bik jäl ke ye. Gokë wunden Dhubedi nyään piny riäi yic kek kəc cik riap, ku buothkë Jethu.

*Jethu ala riël yen jəŋrac cuəp wei
(Lk 4:31-37)*

21 Gokë la Kapernaum. Nawën aköl cii kəc Itharel ye luui, ke Jethu la tē ye kəc Itharel kenhüim mat thün ku piöcc.

22 Go kəc gäi ë piöccde, rin aaci piöcc apath ke la riël Nhialic, cii thöŋ kek kacken piöcc ë lööŋ.

23 Kaam thiin awën, ke raan tö kam kəc tēn amat kəc Itharel, ke la guöp jəŋrac, jam ke ci yeröl jət apei ëlä,

24 “Yenö wic tēnë yo Jethu raan gen Nadharet? Ca bën ba yo bën rac? Yin anjiec, yin ë raan puoth la cök bö tēnë Nhialic.”

25 Go Jethu jəŋrac duöm thok piny, “Biet, ku bäär bei yeguöp!”

26 Go jəŋrac mony awën lath ku wit piny, ku bii bei yeguöp ke dhiau.

27 Go kəc gäi apei ku thiëckë röt, “Yenö kënë? Ye piöcc yam kek riël Nhialic. Mony kënë ala riël ye yen jak yöck ku gamkë wëtde aya!”

28 Këya, læc ku piathde aaci guo thiëi piny pan Galilia ëbën.

*Jethu aci kəc tuany kony
(Mt 8:14-17; Lk 4:32-41)*

29 Kaam awën jiël kek tēn amat kəc Itharel, ke Jethu ku Jemith ku Joon la pan yi Thaimon kek Andria.

30 Nawën yeetkë baai ke yök man tiñ Thaimon piiny ke ci təc, ke ci juäi göök. Gokë lëk Jethu.

31 Go Jethu la tēnë ye ku döm cin ku döcc ku kony bi rot jət. Go juäi guo päl piny, ku bii miëth tēnë ke.

32 Wën ci aköl lööny piny, ke kəc guëer tēnë Jethu kek kəc tuany, ku kəc la gup jakrəc.

33 Ku jəl kəc juëc geeu kenhüim kut yöt thok.

34 Go Jethu kəc juëc awën la gup tueny juëc ci bëëi tēnë ye kony bik pial. Ku cop jakrəc juëc wei kəc gup. Ku cii jakrəc päl bik jam rin njic kek ye.

*Jethu ë kəc Galilia lëk wët Nhialic
(Lk 4:42-44)*

35 Nayon nhiäk riël, akëc piny bak, ke Jethu jət rot ku jiël baai. Ku le tēde ë rot bi la röök.

36 Go Thaimon kek kəc kək Jethu buoath bik la wic.

37 Nawën lek yök, ke luelkë, “Raan ëbën awic yi.”

38 Go Jethu bëer, “Lokku bëëi kək tö tuen yiic, ku ba la piöcc thün aya, yen ee kën bii yen.”

39 Ku jəl Jethu pan Galilia kuany yic ke piöcc yönken amat yiic, ku cop jakrəc wei.

*Jethu acä atuet cäl apuəl
(Mt 8:1-4; Lk 5:12-16)*

40 Tëwën kueny Jethu bëëi yiic ke piöcc, ke raan ci tuet bö tēnë ye, ku gut yenhiäl piny ku ləŋ, “Anjiec alëu ba ya kony bëny, ba pial. Kony ya.”

41 Go Jethu njään nyinde tiñ ku wic bi kony. Ku jət yecin ku gəot ku lueel, “Awiëc, piaalë!”

42 Kaam thiin awën, ke tuet jiël.

43 Ku jəl Jethu cäl aləc jäl ku thən apei ëlä,

44 “Duk kënë la lëk raan dët. Ləor ku nyuöth rot raan kək Nhialic bi caath, ku juar kəŋ cit tē ye löŋ Mothith ye lueel thün, bi kəc ëbën njic lən ci yin pial.”

45 Go jäl ku not la kē ci rot looi lëk raan ëbën. Ku thiëi wët piny abi Jethu cii bën la geeu ke njic. Ku ye rëer tēde ë rot tē cın yic kəc ë rëer thün. Go kəc juëc not ke ye bën tēnë ye baai yic ëbën.

2

Jethu aci raan ci ruai kony
(Mt 9:1-8; Lk 5:17-26)

¹ Nin juéc cök, ke Jethu ben dhuk Kaper-naum. Go guo pinj lon ci yen dhuk baai.

² Go kác juéc wët tēnē ye abi ciēn tē lääu, ye cök cak la piny yōöt agut yōt thok ayeer. Ku Jethu ē piöoc kác Wël Puoth Yam ē Nhialic.

³ Tēwēn ke raan aduany ke ket kác kanjuan bii tēnē Jethu.

⁴ Nawēn cīn tē yēth kek ye tēnē Jethu, rin cī yōt thok thiān kác, gokē la ku nanykē yōt nom lon awēn rēer Jethu thīn. Ku luεεckē raan aduany piny yenhom.

⁵ Tēwēn tīn Jethu gamdīt tō ke ke, ke lueel tēnē mony aduany, “Manhdiē, adumuōōmku aaci päl piny.”

⁶ Go kác piöoc lööñ kác Itharel ke tō thīn, jāl tak ku luelkē kepuōth,

⁷ “Yeñō ye mony kēnē jam kēlä. Adhāl Nhialic! Yeña adumuōōm päl piny? Ciēt ē Nhialic ē rot.”

⁸ Go Jethu kāk yekē tak guo njic ku lueel, “Yeñō ye wek ye tak lon lueel yen lueth?”

⁹ Ye kēnen ril yic ē kākā yīic ba lueel tēnē raan aduany, ‘Adumuōōmku aaci päl piny,’ Tēdē ke lueel, ‘Jōt rot ku lōm biōñdu ku cathē?’

¹⁰ Aba nyuōth we emēn lon Manh Raan ala riel pinynhom ba adumuōōm päl piny.” Ku lueel tēnē mony aduany,

¹¹ “Alēk yī, jōt rot ku kuany biōñdu ku lōr baai.”

¹² Go rot jōt ku kuany biōñde ke dēei kek ēbēn. Kēnē aci raan ēbēn gōi. Ku leckē Nhialic ku luelkē, “Yok aakēc kēcīt kēnē kan tīn.”

Jethu aci Lebī cōal
(Mt 9:9-13; Lk 5:27-32)

¹³ Nawēn ke Jethu ben dhuk wār Galilia yōu. Go kác juéc apēi bēn tēnē ye. Goke piöoc.

¹⁴ Wēn ben yen la tuēñ ke dhuk geeu, ke tīn raan ajuēr kut cōl Lebī Alpawuth ke rēer tēden luoi. Go Jethu lēk ye, “Buōth ya.” Go rot jōt ku buōth.

¹⁵ Tēwēn mīth Jethu pan Lebī, kek kác juéc ajuēr kut, ku kác kōk la gup anyon, ke

kōcken ye buōth ku kác juéc kōk ye buōth aya, aake mīth kek ye ē tōk.*

¹⁶ Wēn tīn kác piöoc lööñ, kác akut Parathī ye, ke mīth kek kác la gup adumuōōm ku kác ajuēr kut, gokē kōcken ye buōth thiēec, “Yeñō ye bānydun mīth kek kác ajuēr kut ku kác kōk la gup adumuōōm?”

¹⁷ Wēn pinj Jethu wēt kēnē, go lēk ke, “Acie kác puol kek akīim wīc, aa kác tuany. Yen akēc bēn ba kác path bēn cōal, aa kác la gup adumuōōm.”

Wēt löñ thēk ē miēth
(Mt 9:14-17; Lk 5:33-39)

¹⁸ Ye nīnkā, kác Joon raan kác muōoc nhīim buōth ku jāl aa Parathī, aake la nīn ye kek thek bīk cīi mīth. Go kác kōk bēn tēnē Jethu ku thiēckē, “Yok kác abiōth Parathī ku abiōth Joon yok aa thek, ku yīin ku kacku wek aacie thek, yeñō?”

¹⁹ Go Jethu bēer ku lueel, “Yakē wīc bī kác cī bēn ruāai yic rēer ke cīi mīth? Acie tēde! Na rēer raan thiēk ke ke, ka cik loi kēya.

²⁰ Akōl bī athiēek dām ku nyēei keyiic, yen akōl bī kek thek.

²¹ “Acīn raan alanh thiin ē yam buōp alanh thēer kōu, rin alanh thiin yam abi rot rot ku abi aban alanh thēer rēt bei.

²² Ku acīn raan muōn abiēc ē yam puōk tōny thēer yic, rin muōn abiēc abi tōny puōt yic, ku riāak muōn abiēc kek tōny kedhie. Ku acīi bī ya kēya, muōn abiēc ē yam adhil puōk tōny yam yic.”

Jethu aci kuc löñ akōl löñ kác Itharel
(Mt 12:18; Lk 6:1-5)

²³ Naçon akōl cīi kác Itharel ye luui, ke Jethu kek kōcken ye buōth aake cath ke kuany dhēl yic kam ē dum. Go kác Jethu buōth rap lek cam dhoñ.

²⁴ Go Parathī ke cath ke ke Jethu thiēec, “Yeñō ye kacku luui akōl cī löñdan Itharel pēen bī kác cīi ye luui thīn?”

²⁵ Go Jethu bēer, “Kēckē kē cī Debit looi wāthēer kan kuen? Wäär nēk cōk ye kek kōcken ke cath ke ye, ku wīckē miēth camkē,

²⁶ go la luāñ Nhialic ku ciem ayum ē yath cī tōōu tēnē Nhialic, kēnē aloi rot wäär ye Abiathār raandīt kāk Nhialic. Ayum kēnē

* 2:15 Lebī acōl Matheo aya. 2:23 L.rou 23:25 2:25 1Tha 21:1-6

ee raan käk Nhialic ë rot yen ë ye cam. Ku yeen aci Debit bën cam, ku gem abak tënë kacken awën cath kek ye. Këya, acin kërec cï kackië looi aya.”

²⁷ Ku jəl Jethu lək ke, “Aköl lön aci looi ke ye aköl lön path tënë raan. Akëc looi bi kəc röt aa ban thïn.

²⁸ Këya, Manh Raan ë bëny këriëc ëbën agut aköl ë lön.”

3

Jethu aci mony cï cin ruai kony (Mt 12:9-14; Lk 6:6-11)

¹ Nayon aköl dët, aköl cïi kəc Itharel ye luui, ke Jethu la tën amat kəc Itharel, ku mony cï cin ruai ë tō thïn.

² Ku kəc kək aake tō thïn, ku ë wickë bik tiŋ lön bi Jethu mony kënë kony bik la luom, rin cï yen ye kony aköl cïi kəc ye luui.

³ Wën njic Jethu kë tō kepuōth, ke lək mony awën cï cin ruai, “Jot rot ku bäär tuen tën kəc nhïim.”

⁴ Ku lək Jethu Parathi ëlä, “Wek kəc njoth nhïim löön thëer yic, ye kënen yic lëu bi looi aköl cïi kəc ye luui, ye këpath aye kërac, bi raan kony bi pir, kua pël wei bi thou?”

Gokë bist ëbën.

⁵ Go Jethu ke döt ke cï pušu riääk apëi, rin njic kek yic ku cik luel. Ku lək mony awën cï cin ruai, “Nyoth yïcin.” Go yecin nyooth. Go ciënde piath.

⁶ Go Parathi, kəc wïc ye bi Jethu näkjäl tën amat ku lek tënë kəc Yërot. Ku lek mat ke ke tē bi kek Jethu näk thïn.

Jethu ee jakrec cuap wei kəc gup

⁷ Go Jethu jäl kek kacken ye buōth ku lek wär Galilia köu. Go kəc juëc pan Galilia ke buōth.

⁸ Wën piŋ kek käjuëc ye Jethu looi, ke kəc juëc apëi bö tënë ye pan Judia, ku gen Jeruthalem ku Idumië, ku jəl aa bëi tō wär Jordan köu, ayi gen Tire ku Thidon.

⁹ Go Jethu lək kacken ye buōth bik riäi guir tënë ye bi yen la thïn, bik cïi ber piny,

¹⁰ rin Jethu ëcï kəc juëc tuany kony. Go kəc juëc kək tuany wïc bik la tënë ye bik la goot.

¹¹ Na tiŋ kəc la gup jakrec ë ke cuet röt piny yenhom ku dhiëukë, “Yin ee Manh Nhialic.”

¹² Go Jethu jakrec yöök bik cïi nyooth.

Jethu acä atuuc kathiäär ku rou kuany (Mt 10:1-4; Lk 6:12-16)

¹³ Go Jethu kacken wïc cöl ku jiël ke ke, ku lek gat nhïim tē cïi ceŋ. Wën cï kek yet tën awën,

¹⁴ ke kuëny raan thiäär ku rou bei kəc yiic. Ku ciëk ke ke cöl atuuc ku lək ke, “Wek aca kuany bäk rëer ke ya. Ku wek aba ya tuōc ayeer bäk wëtdië aa la piōc.

¹⁵ Ku wek aabi la riel bäk jakrec aa cuap wei kəc gup.”

¹⁶ Kəc ke cï Jethu kuany bik ya atuōcke aayi, Thaimon (cï Jethu bën cäk ke cöl Piter.)

¹⁷ Jemith Dhubedi kek wämënh koor cöl Joon (kek aaci Jethu cäk ke cöl Boanergeth, ku wëtde yic kəc ë mär deŋ).*

¹⁸ Ku Andria, Pilipo, Bartholomeo, Matheo, (cöl Lebï) Thomath, Jemith wën Alpawuth, Thadawuth, Thaimon,

¹⁹ ku jəl a Judath Ithkariöt, raan wäär cï Jethu bën luom bi döm.

Jethu aye yöök lön le yen guöp jəŋrac (Mt 12:22-32; Lk 11:14-23; 12:10)

²⁰ Nawën ke Jethu dhuk Kapernaum. Go kəc juëc apëi ben buōth abi ciën tē cək yen nom lääu kek kacke bik mïth.

²¹ Nawën piŋ kəc ruääi kek Jethu lön ye kəc rëer kek ye ye lueel, lön cïi yen nom path, gokë la nyaai.

²² Ku ëcï kəc kək piöoc löön Itharel bö Jeruthalem lueel, “Ala guöp riel Beldhebul. Ee yen bëny jakrec, yen ye yiëk riel bi ke aa cuap wei.”

²³ Go Jethu ke yöök, ku thöön wët ëlä, “Ye jəŋrac jəŋ rëec dët cuap wei këdë.

²⁴ Na tek kəc paan tők keyiic ku thërkë kamken, ke pan kënë abi riääk.

²⁵ Na tuum dhiënh tők yenhom aya ku thërkë kamken ë röt, ke dhiënh kënë abi wëer aya.

²⁶ Këya, na tek jakrec keyiic ku thërkë kamken, ka thök.

27 “Acin raan lëu ye bi yön raan ril dhoj ku nyei kärke, akon raan ril kënë dom ku der, ku jol kək tō baai nyaai.

28 “Wek aa lək yic lon nadē adumuōōm, ku käreç yekē ke looi, ku kək yekē lueel, aa lëu bi ke päl piny ebën tēnē kəç.

29 Ku na ye raan Wëi Nhialic yöök lon ye yen jonrac, ka adumuōōmke aaci kon päl piny akölrüēç ebën.”

30 Ee lueel Jethu kälä ē rin ci kəç kək ye lueel, “Ka la guöp jakreç.”

Man Jethu ku wämäthakën aaci Jethu nyaai

(Mt 12:46-50; Lk 8:9-21)

31 Go man Jethu kek wämäthakën ē Jethu bën ku këçkē ayeer ku tockē raan bi Jethu la çol.

32 Go kəç ke rëer, ke ci ye gööm lək ye, “Moor ku wämäthakui aatō ayeer, ku aa wic yi.”

33 Go Jethu bëer, “Yeja ē ma ku wämäthakäi?

34 Ku kë wiēc bək njic, kəç rëer kek ya aa nhiaar, aa cit paan ē ma.

35 Kuat raan wët Nhialic looi yen ē wämäath, ku nyankäi ku ma.”

4

Kääh dom path ku dom rac

(Mt 13:1-9; Lk 8:4-8)

1 Go Jethu bën piöç wär Galilia you. Nawën le kəç juēc apei gööm, ke la riäi yic ē piü thook ku nyuuc thün, ku jol kəç ebën nyuc piiny ē piü thook ayeer.

2 Ku jol Jethu këj aa lueel bi yen kəç piöç käjuēc, ku lək ke.

3 “Piejkē! Raan puör ecī la dom bi la pur.

4 Ke wën yen rap wëer dom yic, ke köth abək lööny dhël yic. Go diet bën ku tetkē ke.

5 Ku lööny köth kək alél nom tē koor tiap thün. Gokē guo cil.

6 Nawën la aköl ruel apei ke rap awën go yom, ku riεukē rin këç meiken yet piny apath.

7 Ku lööny köth abək tē ye tiim la kuoθh cil thün, na la tiim juäk ke dec rap ku cik lok apath.

8 Ku lööny köth kək tiom path yic, ku ciilkē apath ku diitkē ku lokkē apath. Rap abək

aa ke ci luok ke thoi nhüim, ku kək ke thöön röt, ku rap kək ke dit nhüim.”

9 Ku wit Jethu londe elä, “Piejkē tē le wek yith.”

Wët thööth ē kääh

(Mt 13:10-17; Lk 8:9-10)

10 Nawën ci kəç juēc jäl, go atuöçke kathiaär ku rou, ku kəç ke ci döj kek ye, thiēc bi këj teet yiic tēnē ke.

11 Go lək ke, “Wek aaci nyuöth kë ci rot moony ē bäany Nhialic yic, ku kəç kək këç gam aabi këj njic tē lək ke këj,

12 këya, rin na çok alon ye kockä daai, ka ci këj bi tün. Ku na çok alon ye kek wët pin, ka cik bi deet yic. Na ke bi röt waar, nuöt aa këj tün ku detkē keyiic. Ku nuöt aaci röt thön Nhialic, ku päl wët piny tēnē ke.”

Jethu aci kääh raan puör teet yic

(Mt 13:18-23; Lk 8:11-15)

13 Go Jethu lək ke, “Na këçkē kääh kënë deet yic ke wek aaci këj kək bi deet yiic.

14 Köth ci com aa cit wëtdien ya piöç tēnē we.

15 Kəç kək aa cit köth ci lööny dhël yic, ye diet ke tet. Tē pin kek wët Nhialic, ke jonrac bö ku nyei wët awën kepuöth ku mërke nhüim wët ē Nhialic.

16 Kəç kək aya aa cit köth ci lööny alél la nom tiom koor ye rap guo yom thün, rin këç meiken yet piny. Ku kəç kək aaci köth ci com alél nom, aa löj Nhialic gam nyin yic ke mit puöth.

17 Ku aacie kepuöth ye deet, aa wët Nhialic guo wai wei tē looi aliäap rot, ku tē yon ke rin wët Nhialic.

18 Kəç kək aya aa cit köth ci lööny tē ye tiim la kuoθh cil thün, keek aa wët Nhialic pin,

19 ku käjuēc ke diir, rin pür pinynhom ē tēn, niër jiek, ku kapuöth yekē wic aa bën thün, ku räckē löj Nhialic kepuöth.

20 Ku kək kək aa cit köth ci puur tiom path yic, keek aa löj Nhialic pin ku gamkē apei, ku käjuēc path aaye yök tēnē ke, cimën rap ci njic luok ke thoi nhüim, ku rap kək ke thöön kenhüim ku kək ke dit nhüim.”

Kääh mermer

(Lk 8:16-18)

21 Ku ben ke thiëc, “Le raan cî mermer kan yäth yöt ku kum nyin, nadë ke tēu agen tōc cök, cie tōu yöt ciel yic?”

22 Kuat kē cî thiaan, aṅot bî rot nyuəəth, ku wēt Nhialic aṅot bîk piöc.

23 Piəkē, tē le wek yith!”

Kääṅ tē ye kääṅ thöṅ thîn

24 Ku ben lək ke älä, “Tē ye wek kəc kək luəi thîn yen ē tē bî Nhialic we luəi thîn aya. Dətkē kək yakē ke piṅ!”

25 Rin raan la kədäṅ abî bən muəc, ku na ye raan cîn kədäṅ, ke kēthiin ye tak lən tō yen tēnē ye, abî nyaai aya.”

Jethu acî kääṅ lueel rin wēt Nhialic

26 Ku la Jethu tuenṅ ku lueel, “Bääny Nhialic ē duēr thöṅ kek kēnē. Monytui ēcî köth wəer dom yic.

27 Ee rēer akōlaköl ku köth awēn cî com aa la tuenṅ ke cil ē röt, ke pîr ku diitkē ku akuc kēn ē ke looi këya.

28 Köth ebēn aa cil piiny tiəp yic. Käu ē kanṅ lou ku bîi yiēny tōk bei, ku jəl la tuenṅ ke dit agut tē bî yen deer ku yeer ku lok.

29 Ku tē cî kek luək aaye tem rin cî tēn tēmtēm bēn.”

Kääṅ käu koor nyin ye tiemde dit apēi (Mt 13:31-32, 34; Lk 13:18-19)

30 Ku ben lueel, “Yeṅö buk thöṅ bääny Nhialic? Ye kääṅ piath ṅö buk thöṅ ye?”

31 Bääny ē Nhialic acit käu koor nyin cî raan com duəmdē.

32 Ku na le dit ka la nhial ke loi kēr ku yith dit apēi, abî diēt yötken aa yik thîn.”

33 Jethu acî Wēt Puəth Yam piöc tēnē kəc ē kēṅ cît kēṅkə. Aake cî lək kajuēc lēukē bîk ke deet yiic.

34 Ee ye kəc jāam ē kēṅ tē piöc yen kəc, ku na ye yeen ē rot kek kəcken ye buəəth, ka ye tēt kēriëc ebēn yiic.

Jethu acî yom cəl akääc (Mt 8:23-27; Lk 8:22-25)

35 Na aköl dēt yonthēi, ke lək Jethu atuöccke, “Lok teemku wär aləṅtui.”

36 Gokē kəc kək nyään piny, ku lek riän awēn rēer Jethu thîn yic, ku tēmkē agut Jethu. Ku riēth kək ke tō thîn aacî tem aya.

37 Kaam thîn awēn ke yomdit apēi jət rot, ku jət atiaktiak rot abî riäi duēr thiäṅ ē piü.

38 Tēwēn looi kēnē rot, Jethu ē nin riäi yic ciēn, ke cî yenhom kan. Gokē puöc ku luelkē, “Bänyda! Yök aa muəu, cîi diēer ē yo?”

39 Go Jethu rot jət ku rēl yom, “Lə dil!” Ku rēl atiaktiak, “Kääc!” Go yom kōc ku le dil.

40 Ku thiëc ke, “Yeṅö riöc wek ciēt we bî mou? Cək ṅic lən bî yen we kony?”

41 Gokē nhüim la cöt riēdit cît kēnē ku jiemkē kamken, “Ye raan yindē kēnē? Na cək a yom ku atiaktiak ē ke piṅ wētde!”

5

Jethu acî raan la guəp jakrəc kony (Mt 8:28-34; Lk 8:26-39)

1 Gokē wär Galilia teem ku lek tē cəl Jeratha.

2 Kaam wēn kēec Jethu piny riäi yic, ke tiṅ mony la guəp jakrəc, ke bö bei rēṅ nhüim.

3 Mony kēnē ē ye rēer rēṅ nhüim, ku acin raan ye lēu bî rēək.

4 Ee ye rēək cök ku cin arak juēc, ku ṅot ke tueny, ku dhonṅ luəṅ köth yecök. Ee ril apēi, acin raan ye lēu bî rēək.

5 Aköl ku wēer thok ebēn, ee ye cool ku ruu kat rēṅ nhüim, ke looi duəot ku ye rot deeny aleel bî rot nök.

6 Wēn tiṅ yen Jethu tēmec, ke lor ku cuet rot piny yenhom,

7-8 ku lueel Jethu, “Jəṅrac, bäär bei ē mony kēnē guəp.” Go kiēu looi apēi, “Jethu Wēn Madhəl, yeṅö wic ba looi tēnē ya? Yin aləṅ ē rin Nhialic duk ya tēm awuöc.”

9 Go Jethu jəl thiëc, “Cəl yī ṅa?” Go bēer, “Yen aa kut rin yok ajuēc.”

10 Ku jəl mony kēnē Jethu ya ləṅ bî jakrəc cîi cop wei tēden rēer kek thîn.

11 Ku duut dir baai ē nyuäth gət cök ē tēn awēn.

12 Go jakrəc Jethu ləṅ, “Tuəc yo ē dirkä gup, ku cəl yo aa lur keyiic.”

13 Goke puəl, ku jəl jakrəc bēn bei mony awēn guəp ku lek dir gup. Go duut diēer, kecit tiim karou riṅ agör yic, ku thootkē wiir ku moukē ebēn.

14 Go rōor ke biöök dir kat, ku lek kē cî rot looi lueel tēnē kəc rēer geeu, ku kəc tō bēi

yiic. Go kəc ebën jal wət bik kē cī rot looi la tīj.

¹⁵ Nawën lek yet tēnē Jethu, ke yök mony wäär la guöp jakrɛc ke rëër, ke ceñ alath, ke la nhom cök. Gokë riöc.

¹⁶ Go kəc ke cī kēn cī rot looi tēnē mony awën ku dīr tīj, la lək kəc kək.

¹⁷ Ku wën piñ kəc baai ē wət kēnē ē ke riöc, ku lek tēnē Jethu ku länjkē bī jäl panden.

¹⁸ Tēwën le Jethu riäi yic, go mony wën cī Jethu jənrac cəl ajiël yeguöp bēn tēnē Jethu, ku ləñ bī cath kek ye.

¹⁹ Go Jethu jai, ku lək ye, “Ləər baai tēnē kacku ku lək ke kajuēc cī Bēny looi tēnē yī, ku tēpuəth cī luöi yī.”

²⁰ Go jäl ku le panden Dekapolith la yic γεu thiäär. Ku kueny keyiic ebën ke ye kəc lək kək cī Jethu looi tēnē ye. Go kəc gäi.

*Jethu aci tik kony ku cəl nya aben pīr
(Mt 9:18-26; Lk 8:40-56)*

²¹ Wën cī Jethu bēn tem riäi bī dhuk Kapernaum, ke kəc juēc apei bö tēnē ye wär yəu.

²² Kaam wën ke raan cəl Jariöth, bēny tēn amat kəc Itharel bö aya. Nawën tīj Jethu, ke cuet rot piny yecök.

²³ Ku ləñ, “Nyandiēn thin koor aci dhal apei, athou. Bäär ba yicin la tääu yenhom bī pial.”

²⁴ Go Jethu gam ku lööny dhöl kek ye. Ku buəth kəc juēc ke, ke cīk kum apei.

²⁵ Ku tīj tuany, cīi thəkde kəu ye tɛem ruöön thiäär ku rou, ee tō kəc yiic,

²⁶ ku yeen ěcī wēu juēc gām akīm rin bī tuaanyde ηuēēn, ku tuaanyde akēc ηuēēn, ěcī rot jal juak.

²⁷ Ku yeen ěcī kək ye Jethu looi piñ. Go bēn Jethu kəu ku gəot alanhde,

²⁸ rin ěcī jam ē rot yepuəu ělä, “Na gaat alanhde, ke yēn abī pial.”

²⁹ Kaam thiin awën ke riem cīi ben kuēr, ku yök rot ke cī pial.

³⁰ Go Jethu yök lən cīi riël jäl yeguöp. Go yenhom wel ku thiēc kəc, “Yenja cä alanhdiē gəot?”

³¹ Go kacken ye buəth lək ye, “Yin ē kəc juēc tīj ke cī yī kum ku ye thiēc, Yenja cä gəot?”

³² Go Jethu ηot döt kəc bī tīj yenja cī ye looi.

³³ Wën ηic tīj awën tuany ye ke tuaany cī jäl yeguöp, go bēn tēnē Jethu ke cī riöc, ke ləth, ku gut yenhiaal piny Jethu nhom. Ku lək ye lən ē yen cī ye gəot.

³⁴ Go Jethu lueel tēnē ye, “Nyaandiē, gamdu aci kony ba pial, ləər, kek döör.”

³⁵ Kaam wën jiem Jethu, ke kəc riñ pan Jariöth ku lëkkē ye, “Nyaandu aci yet wei, duk raan piöc ben rääm nhom.”

³⁶ Ku Jethu ē kēc kē cīk lueel kuēc nhom, ku lək ye, “Duk riöc, dɛet yīpuəu ku gam wət yic.”

³⁷ Ku ē cīn kəc juēc cīi puəl bik cath kek ye, ee Pīter ku Jemith ku Joon kepɛc.

³⁸ Tēwën yeet kek pan Jariöth ke Jethu yök kəc ke näk röt, ke dhiau apei.

³⁹ Ku ler yöt ku lək ke, “Yenjö nək wek röt? Ye dhiëndiit ηö kēnē? Meth akēc thou, anin.”

⁴⁰ Gokë dəl guöp. Go Jethu ke cəl ala ayeer, ku cəol wun meth kek man meth ku kacken awën kadiäk, ku lek yöt tēwën cī meth täac thīn.

⁴¹ Ku dəm cin ku lək ye, “Nyan thiin, alək yī, jət rot!”

⁴² Go rot jət nyin yic ku cieth. Go kəc awën tō yööt kek Jethu gäi apei wën tīj kek kē cī rot looi (ē ye run thiäär ku rou.)

⁴³ Ku thən Jethu ke bik cīi lək kəc kək. Ku lək ke bik yiək mieth.

6

*Kəc Nadharet aa kēc Jethu gam
(Mt 13:53-58; Lk 4:16-30)*

¹ Go Jethu jäl tēden awën ku ler genden Nadharet, ku buəth kacken ye buəth.

² Nawën aköl ē ləñ, ke piöc tēn amat. Ku kəc juēc aake tō thīn. Nawën piñkē piöcde ke gēi, ku luelkē, “Cī kəñ bēn aa ηic nən?” “Ku ye kakkä looi kədē?”

³ Yen ē raan guēñguēñ tiim, ku ē wën Maria, ku ē mēnh ē Jemith, ku Jothep, ku Jut ku Thaimon. Ku cie nyiërakēn kə rëër ē tēn kek yo?” Ku jolkē jai bik piöcde cīi gam.

⁴ Go Jethu lək ke, “Raan cī Nhialic lööny yeguöp aye baai ebën theek, ka kəc genden ku kəc ruäi kek ye, ku paan wun kek paan man kek aaci ye ye theek.”

5-6 Ku akëc lëu bī kāk jāṅ gōi looi, ka kəc tuany lik kek aaci yen yecin tāau kenhūim, ku kony ke bīk pial. Ee cī gāi apēi rin kēc kek ye gam.

Jethu acā atušöcke kathiäär ku rou tooc (Mt 10:5-15; Lk 9:1-6)

Go Jethu jāl ku ler bēēi kək yiic ku le kəc pišöc thīn.

7 Ku tuum atušöcke ku tooc ke wei, bī kəc karou aa cath ē tək bīk aala piöoc Wēt Puəth Yam ē Nhialic, ku yīk ke riel bīk kek kəc aala kony.

8 Ku lək ke apēi. “Duškkē muk ē mīith yakē cam dhēl yic, muškkē ke wei kepēc.

9 Cəṅkē war ku duškkē muk alēth kək.”

10 Ku lək ke aya, “Yakē rēer pan ye we lor thīn yet tē bī wek jāl.

11 Ku na lak pan cīi we lor thīn, ku pan cīi wēlkun ye piṅ thīn, ke we jiēl ku tēṅkē wecök. Ku abī nyooth lən cī wek ku ec ē ke!”

12 Ku jiēlkē ku lek kəc pišöc bīk luai adumušm puəl.

13 Ku copkē jakrēc juēc wei, ku təkē kəc juēc tuany nhūim. Ku röökkē bī ke kony bīk pial.

Näak ē Joon raan kəc muəoc nhūim (Mt 14:1-12; Lk 9:7-9)

14 Ku bēny Antipāth Yērot ēcī wēt piṅ rin cī ke Jethu ṅic apēi. Ku ē ye kəc kək lueel, “Joon raan kəc muəoc nhūim aci bēn pīr, ee yen ale yen riel yen kākā looi.”

15 Ku lueel kək kək, “Mony kēnē adhīl a Elija raan wäär kək Nhialic tiṅ.” Ku ben kək kək lueel, “Ee raan tək kam kək thēer, kək kək Nhialic tiṅ.”

16 Ku wēn piṅ Antipāth Yērot ē wēt kēnē go lueel, “Ee Joon raan kək muəoc nhūim wäär ca cəl atök yeth yen aci jət thou yic.”

17 Antipāth Yērot ēcī Joon cəl anak kēlä, ee cī cəl adəm ku rek, ku cəl amac rin wēt Yērodia tiṅ Pilipo wāmēnh cī rum bī ya tiēnde,

18 rin cī Joon ye lueel tēnē ye ēlä, “Acīi path ba tiṅ wāmuuth rum ke pīr.”

19 Ku Yērodia ēcī puəu mit tēnē Joon rin ē wēt kēnē. Ku wīc diēt nək ku cīi lēu,

20 rin Yērot ē riöc Joon, rin ye Joon raan puəth wēt Nhialic, ku kony bī ciēn kē nək ye.

Nawēn piṅ Yērot wēt Joon, ke gēi apēi ku ṅot nhiēer bī wēl Joon aa piṅ.

21 Nawēn ke Yērodia jəl tē bī yen Joon nək thīn yök, ku ē ye aköl looi Antipāth Yērot yan akölden dhiēeth ye, tēnē kəkken dīt mēc kek baai, ku bāny apuruuk ku jəl aa kəcdīt pan Galilia.

22 Ku nyan Yērodia nhom guəp, ee cī bēn yēei bī bēn dier. Go Yērot kek jāälke puəth miēt apēi tēnē ye. Go Antipāth Yērot bēny lək ē nyan ēlä, “Na le ke wīc, ke luel tēnē ya ku ba gām yī.”

23 Ku kuēēṅ tēnē ye jšöl nhūim ku lueel, “Kuat kēdun ba thiēc tēnē ya aba dhiel yiēk yī, cək alən ē yen aban ē bāānydiē.”

24 Go nya la ayeer ku lək man, “Yeṅö ba thiēc?” Go man lueel, “Lək ye bī Joon raan kək muəoc nhūim tək yeth, ku gēm yī nhiamde ba bēēi.”

25 Go nya dhuk tēnē bēny nyin yic ku lueel, “Yin awiēc ba gām nhom Joon raan kək muəoc nhūim tēn ēmēn thiin, ke cī tāau adušk yic!”

26 Kēnē aci bēny rac puəu apēi, ku akēc ku ec rin cī yen mēl kuēēṅ ē jšöl nhūim.

27 Go bēny apuruškde tooc nyin yic, ku lək ye bī nhom Joon raan kək muəoc nhūim bēēi. Go apuruk la tēwēn mēc yen thīn ku tək yeth.

28 Ku bīi nhom ke cī tāau adušk yic, ku yīk nya, ku jəl nya gām man.

29 Nawēn piṅ kək Joon buəoth lən cī ye nək, gokē la ku nyēikē guāpde ku thiäkkē.

Jethu aci miēth koor juak bī kək juēc cam (Mt 14:13-21; Lk 9:10-17; Jn 6:1-14)

30 Kək Jethu buəoth aake ye bēn yenhom ku lēkkē kək cīk looi, ku kək cīk pišöc ēbēn.

31 Kək juēc apēi aake ye wāac, kək jiēl ku kək bö tēnē Jethu bī ke bēn kony, abī Jethu kek atušöcke cīi lāau bīk cak mīth. Go lək atušöcke, “Jiēlku buk la tē cīn yic kək buk la lōṅ.”

32 Gokē jāl ē riāi ē röt bīk la tē cīi cēṅ, ku aake kēc kək lək tē ler kek thīn.

33 Go kək juēc ke tiṅ, ku ṅickē ke. Gokē miööt gēeth yiic ku riṅkē tuēṅ ke kuany wār kōu, ke la tēwēn cī Jethu kek atušöcke kenhūim wēl thīn. Ku ye kek kəṅ yet tēwēn.

34 Wën keec Jethu piny riäi yic, ke tñj kəc juëckä. Go wïc bï ke kony rin acï tñj kecït amël pap cïn nhïim abiöök. Ku jölke piöök kajuëc.

35 Nawën col piny, ke kacken ye buoath bö tènë ye ku luelkë, “Piny acï cuöl ku tèn ë ror cïn kë kuany thïn,

36 cöl kəc aa jiël bik la bëëi yiic bik la yoo miëth camkë.”

37 Go bëër, “Miackë ke ë miëth.” Gokë lëk ye, “Wïc buk ayuöp lëu ë kəc kithkä yoo tènë ke bik ke cam? Aa wïc wëu juëc apëi.”

38 Go Jethu ke thiëc, “Ye ayuöp kadë tã thïn? Lak bäk ke la tñj.” Gokë dhuk ku lëkkë ye, “Aa yuöp kadhiëc ku rec karou.”

39 Go lëk ke bik kəc cöl anyuc piiny akuut noon töc nom.

40 Gokë nyuc piiny akuut buot ku akuut thiärdhiëc.

41 Go ayuöp awën kadhiëc ku rec karou lööm, ku döt nhial ku leec Nhialic. Ku beny ayuöp yiic ku gëm ke kacken ye buoath bik ke tek agut rec, tènë kəc.

42 Ku mïthkë abï miëth ke göök.

43 Ku jöl kacken ye buoath awuthueei ayuöp ku rec cï döñ piny kuany gääc kathiäär ku rou.

44 Kəc ke cï mïth ëbën, röör röt aake ye tiim kadhiëc.

*Jethu acï cath piü nhïim
(Mt 14:22-33; Jn 6:15-21)*

45 Kaam thin awën, ke Jethu yöök kacken ye buoath bik la riäi yic, ku lek tuen yenom agör alontui gen cöl Bethaida. Ku cöl thëi ajiël.

46 Wën cï yen kəc tööñ, ke jiël bï la gät nom bï la röök.

47 Nawën la thëi bën, ke atuöocke aake noot ë riäi yic wär ciël yic, ku yeen ë rot agör nom.

48 Goke tñj ke cï gök gër ë riäi rin cï kek kenhiim wël yom. Nawën bääk ë piny, ke bö tènë ke ke cath piü nhïim, ku ë wïc bï ke waan thook.

49 Ku wën tñj kek ye ke cath wiir piü nhïim, ke tñjkë kecït atim raan cï thou, ku dhiëukë,

50 rin ë cïk tñj kedhie ku riöockë.

Go guo jam tènë ke ku lueel, “Dëtkë wepuoath, ee yan Jethu, duökkë riöc.”

51 Ku met rot riäi yic tènë ke. Go yom kööc. Gokë gäi apëi,

52 ë rin kəc kek kënë ayuöp wäär cï gäm röör tiim kadhiëc deet yic, rin ril kek nhïim.

*Jethu acï kəc tuany Jenetharet kony
(Mt 14:34-36)*

53 Nawën aköl dët cï kek wär teem, ke yet Jenetharet tã agör nom ku dämkkë riäi.

54 Nawën bikkë bei ë riäi yic, go Jethu guo njic kəc ëbën.

55 Gokë kat ku riñkë bëëi yiic ku lek kəc tuany kët, ku yethkë ke tã cï kek ye piën thïn.

56 Ku kuat tèn cï Jethu la thïn ëbën, bëëi yiic ku gëeth yiic, kəc juëc tuany aake ye täac tènë yoo ku dhäl yiic, ku länjkë bik goot, cök alanhde thok ë path. Ku kuat raan cï ye goot ëbën, ee ye pial.

7

*Jethu acï ciëñj käk wärkuan dït dhäl yiic
(Mt 15:1-9)*

1 Wën cï Parathï kek kəc piöök lööñ kəc Itharel, ke cï bën Jeruthalem Jethu gööm piny.

2 Ke tñj kəc Jethu buoath ke mïth ke kəc kecin löök apath, bik ajuëc nyaai kegup cit tã ye kəc Itharel ye luöi thïn.

3 Köckä aake cï kë cï atuuc Jethu looi rac puoath, rin kəc Itharel kek Parathï, aake cïi ye mïth tã kəc kek kecin kañ löök kecït ciëñj thëer kacken dït.

4 Ku na le mïth cïk la bëëi geeu, ka cïk cam ke këckë kañ löök köth. Ku keek aake ye käk cï kacken dït thëer lëk ke looi, cimën lök biiny ku töny ku aduuk ë miëth.

5 Go Parathï ku kəc piöök ë lööñ Jethu thiëc, “Yenjö cïi köckun yï buoath ye ceñ ë ciëñj wärkuan dït, ku yekë mïth juääk ke këc kecin löök?”

6 Go Jethu bëër, “Ithaya acï yic lueel ë rienkun lon ye wek awëñ puoath rou, ku gët ëlä,

‘Köckä aa ya leec kethook ku aliu kepuoath.

7 Keek aa ya door ku acie duöör ë yic, rin keek aa kəc piöök lööñ ciëñj wärkuan dït ciët ke ye löñkië!”

8 “Ee yic, wek aacit kəc ye Ithaya jam ë rienken. Wek aacï kuc lööñ Nhialic ku ye lööñ ciëñjdun kek yakë gam.”

9 Ku lëk Jethu ke, “Ayakë tak lön ë yen këpath yen cäk looi ye wek kuc lööñ Nhialic, ku muökkë ciεηdun thεεr.

10 Rin aci Mothith lueel, ‘Thek wuur kek moor, ku na ye raan wun kek man jääm gup kärec, ka dhil nök bi thou.’

11 Ku ayakë lueel aya lön ye yen yic, bi raan wun kek man jäi tē wic kek këpiir kek tēnē ye, ‘Acin tē kuöny we, rin yen aci Nhialic gäm kēn ba yiék we.’

12 Ke wek aa kuc bi kakkä cii loi tēnē wun ku man.

13 Kēya, tē ye wek kōc piöc thün aci thōñ kek wēl ye Nhialic lueel. Ku wek aa kärec juéc kōk cit kakkä looi aya.”

14 Go Jethu kōc juéc bēn cōl ku lëk ke, “Piεñkē wētdiē wedhie ku dεtkē yic.

15 Acie kē ye raan cam, yen ye cōl aye raan rac, aa kāk ye tak ku kāk ye lueel, ku kāk ye looi kek aaye cōl aye raan rac. [

16 Piεñkē tē le wek yith.”]

17 Wēn cī yen kōc nyääñ piny ayeer ku ler yōt, ke thiēc kōcken ye buōth bi wēt awēn cī lueel teet yic tēnē ke.

18 Go lëk ke, “Cäk käh ye deet yiic aya? Acie miēth ye raan cam yen ye cōl ala guöp adumuööm,

19 rin acie la yepuöu, ee la yeyäc ku le bēn bei.” Kēya, aci Jethu nyuōth lön miēth ebēn apath.

20 Ku ben lëk ke, “Aa kāk ye raan tak ku looi ke, kek aa rεc.

21 Rin puöu yen aye kärec ye looi bēn bei thün, cimēn bal ku ruööm, ku nääk raan ë path, ku kör diäär.

22 Ku kook ku wēñ ku nhiam ku tiεel, ku yik yepuöu kēnē raandä, ku luööm ku kuat kärec ebēn.

23 Kakkä ebēn aa bēn bei raan puöu, ku looi ke ku rεckē ye.”

Tiñ cī gam lön bi Jethu nyaande kony (Mt 15:21-28)

24 Ku jöl Jethu jäl ku ler wundēt tēthiääk kek Tire ku Thidon, ku ler yōt. Ku cii wic bi la raan ñic ye. Ku akēc lēu bi thiaan.

25 Go tiñ la nyanden koor ñot kēc kuäc cī jōñrac la yeguöp, Jethu piñ. Go bēn tēnē ye ku gut yenhiaal piny Jethu nhom.

26 Tiñ kēnē ë ye jam thoñ Girik, ku ee nyan pan Ponicia. Go bēn ku lēñ Jethu älä, “Bēny, cök a lön cī yen ye tiñ pandun ke yi bö ba jōñrac cuöp wei nyaandiē guöp.”*

27 Go Jethu lueel, “Yen ya cii bö ba miēth miith bēn gäm jök. Acie yic bi miēthden yiék jök, ke kēc kuεth.”

28 Go bēñ, “Ee yic Bēny, ku jök rēñ tē miith kōc thün awuthueei cī lööny piny kuany.”

29 Go Jethu lëk ye, “Rin cī yin ye ñic bēñ kēya, dhuök baai, yin abi jōñrac yök ke cī jäl nyaandu guöp!”

30 Go dhuk baai ku yök nyaande ke cī töc biöök yic, ku jōñrac ke cī jäl yeguöp.

Jethu aci raan miñ cie jam kony

31 Go Jethu jäl Tire ku dhuk wär Galilia ke kuany gεεth kathiäär Dekapolith yiic ku Thidon.

32 Tēwēn ke kōc kōk bi raan cī miñ tēnē Jethu, ku länkē bi gōt.

33 Go Jethu nyaai kōc yiic ku yēth tēde ë rot, ku tēñu yecin yeyic, ku ñuut ku gōt liep.

34 Ku dōt nhial ku wēñi apēi ku lëk ye, “Piēñ!”

35 Kaam thün awēn, ke yör yith ku jicεm.

36 Ku yök Jethu kōc awēn tō thün bik cii lëk raan dēt. Ku ñot lek lueel.

37 Ku kōc cī ye piñ aaci gäi apēidit ku luelkē, “Mony cōl Jethu kēnē aci kēriēc ebēn lēu. Kōc cī miñ aa piñ emēn, ku kōc ke cie jam, aaci ya jam aya.”

8

Jethu aci raan tiim kanuan cōl akueth (Mt 15:32-39)

1 Ye ninkä, ke kōc juéc mat kenhüim. Nawēn cün miēth ke Jethu cōl kōcken ye buōth ku lueel,

2 “Yen aci guöp ñōñ, rin kōckä aaci rēñ kek ya nün kadiäk emēn, ku acin kē camkē.

3 Na cal ke aa dhuk bääiken yiic, ke cün kē cik cam, ka la wiik dhel yic, rin kōc kōk aabō tēmec.”

4 Go kōcken ye buōth lëk ye, “Ye tēnen roor ë tēn bi raan miēth yök thün bi kōc juäckä cam?”

5 Go Jethu ke thiēc, “Lak ayuöp kadē?” Gokē lueel, “Aa dhorou.”

6-7 Go læk thän awën bik nyuc piiny. Ku lööm ayuöp awën kadhorou ku rec thii lik ku röök Nhialic, ku beny keyiic, ku gëm ke kacken ye buoath bik ke tæk kac. Gokë looi këya.

8-9 Ku jøl thän awën, kecit tiim kanuan mïth bik kueth. Ku jøl kac Jethu buoath awuthueei ayuöp cï döŋ kuany gäac kadhorou. Ku jøl Jethu kac cøl ajiël,

10 ku ler riäi yic kek kacken ye buoath, ku lek pan cøl Dalmanutha.

Jethu acï kuc bi këne jän göi looi
(Mt 16:1-4)

11 Tëwën ke Parathï kök ben bën tënë Jethu ku teerkë wët kek ye, ku wickë bik deep ë wët, gokë yöök bi këne jän göi looi, bi nyuöth ke lön ye Nhialic wëlke gam.

12 Go Jethu kej apei ku lueel, “Yenö ye riëc aköl thiëc këne jän göi. Wek alæk yic. Acin këcit këne bi nyuöth ke.”

13 Ku nyiëen ke piny, ku dhuk riäi yic, bi teem wär alontui.

Duökkë ye tak cïmën Parathï ku Antipäth Yërot
(Mt 16:5-12)

14 Kac Jethu buoath aake cï nhïim määar bik ayuöp juëc cïi muk wën ler kek riäi yic, ku mukkë ayuöm tök giliŋ.

15 Go Jethu læk ke, “Tiëerkë nhïim, ku tietkë röt bäk cïi nhiam cïmën Parathï ku Antipäth Yërot, nhiaamden ke cøl ago puör cïmën ayum cï yiëk yic luou.”

16 Gokë jam kamken ëlä, “Ee wët këne lueel rin cïn yok ayup.”

17 Go Jethu kë luelkë guo njic, ku thiëc ke, “Yenö ye wek ye tak wek acin ayup. Cäk käj ye tak lön bi yen we muöac ayup. Cäk käj ye tiŋ ku detkë keyiic, kua cäk puöth cor?”

18 Wek aala nyin, cäk ye daai? Ku wek aala yith, cäk ye piŋ ku cäk ye tak?

19 Ye gäac awuthueei kadë cäk bën kuany wäär beny yen ayuöp kathiëc yiic tënë röör tiim kadhiëc?” Gokë bëer, “Ee gac thiäar ku rou.”

20 “Na wäär beny yen ayuöp kadhorou yiic tënë raan tiim kanuan, ye gäac awuthueei ayuöp cï döŋ piny kadë cäk bën kuany?” Gokë lueel, “Aa dhorou.”

21 Go Jethu ke thiëc, “Ku këya ëmën not cäk ye deet lön le yen riel ba miëth gam we?”

Jethu acï mony cor pan Bethaida kony

22 Gokë bën Bethaida. Go kac kök mony cï cor thël tënë Jethu, ku länkë bi goot.

23 Go Jethu cor döm cin ku thel wei baai. Nawën cï nuööt nyin, ke tëu yecin yenyin ku thiëc, “Le kë ye tiŋ?”

24 Go yenhom jöt ku lueel, “Yen acie daai apath, yen ë kac tiŋ kecit tiim kek cath.”

25 Go Jethu yecin ben täau yenyin, go daai ku tiŋ këriëc ëbën apath.

26 Go Jethu cøl adhuk paande ku thän bi cïi la læk kac kök.

Piter acï Jethu njic

(Mt 16:13-20; Lk 9:18-21)

27 Go Jethu kek kacken ye buoath la Cetharia Pilipi. Tëwën cieth kek, ke thiëc Jethu, “Lëkkë ya, ye jän tak ye yen ë na?”

28 Gokë lueel, “Ayekë lueel lön ye yin Joon raan kac muöac nhïim. Ku lueel kuat dët lön ye yin Elija, ku kac kök ayekë lueel lön ye yin raan töŋ kam kac käk Nhialic tiŋ.”

29 Goke thiëc, “Na week yakë lueel lön ye yen na?” Go Piter bëer, “Yiin nhom guöp, yin ë Raan cï loc ku döc.”

30 “Kë ca lueel ë yic Piter.” Ku læk ke, “Duökkë læk raan dët.”

Jethu ë jam Arëmde ku Thuande

(Mt 16:21-28; Lk 9:22-27)

31 Nawën ke jøl Jethu piöc ëlä, “Manh Raan abi dhiel reem, ku yeen abi kacdit baai, ku bany käk Nhialic ku jøl aa kac piöc lööŋ kac Itharel jai, ku näkkë. Ku yeen abi nin kadiäk nöc piiny ë ran yic, ku ben pir ku jöt rot ran yic.”

32 Ku teet këne yic apath tënë ke. Go Piter miët wei kac yiic ku yöök bi cïi ye jam këya.

33 Go Jethu yenhom wel ku tiŋ kacken ye buoath ku rël Piter ku lueel, “Jäl yalööm jöŋrac. Wic ba käk cï Nhialic guir waar yiic! Käk ye tak acie käk Nhialic, aa wël raan ë path.”

34 Ku jøl Jethu kacken ye buoath cor ku læk ke, “Na le raan wic bä buoath, ka dhil nhom määar kapuöth bi yöc piërde yic pinyinhom ë

tën. Ku dhil puðu riel ku buoath ya, cök alon wïc kác kák ye bïk nök ë rienkië.

³⁵ Rin raan wïc ye bï wëike kony aabi muor, ku na ye raan mär wëike ë rienkië ku rin piöcdië, ka bï wëike muk akölrïëc ëbën.

³⁶ Yenjö bï raan kuany thin, bï jak apeï pinynhom ku mër wëike?

³⁷ Pïr wëi akölrïëc apath, acïn kë lëu bï ye waar.

³⁸ Na ye raan guöp yär ya ku piöcdië ë riëc cïi ye wïc bï wët Nhialic gam, ke Manh Raan abi guöp yär ye aya, aköl dhuk yen kek diik Wun kek atuuc Nhialic.”

9

¹ Ku le tuen ku lueel, “Wek alëk yic, ala kác kák rëer ë tën, aacïi bï thou agut tã bï kek ya tïj kek riel ye nyuoath lon ye yen bëny cï Nhialic lac.”

*Jethu aci guäpde rot waan
(Mt 17:1-13; Lk 9:28-36)*

² Nawën nin kadätem cök, ke Jethu cöl Pïter ku Jemith ku jöl a Joon, ku lek gön bär apeï nhom kepëc. Kaam wën röök kek, ke tïj Jethu ke cï rot waan,

³ ku jöl aläthke yer apeï abik la diardiar.

⁴ Nawën ë ke tïj Elija ku Mothith ke jam kek Jethu.

⁵ Wën cï kek rëer kaam thin-nyoat, go Pïter lëk Jethu, “Raan piöoc, apath buk rëer ë tën. Yok abi duël kadiäk looi, tök tënë yï, ku tök kek Mothith, ku tönj dät kek Elija.”

⁶ Kënë jïem yen kälä, ee rin kuc yen wët pëth bï lueel, rin këpuoath cik tïj cï ke nyöj nhïim wël.

⁷ Go këcït rur piny paat abi ciën tã yekë tïj, ku piñkë Nhialic ke jam ëlä, “Kënë ë Wëndiën nhiaar, piënkë wëtde.”

⁸ Nawën tïjkë piny kaam thiin awën, ke ye Jethu yen tïjkë yetök.

⁹ Tëwën dhuk kek piny gät nhom, go Jethu lëk ke, “Duökkë kák cäk tïj lëk raan dät yet aköl bï Manh Raan jot ran yic.”

¹⁰ Gokë wët Jethu gam, ku jölkë röt aa thiëc ëlä, “Yenjö wïc Jethu bï lueel wën ye yen jam jön rot ë ran yic?”

¹¹ Ku thiëckë Jethu, “Yenjö ye kác piöoc lööj ye lueel lon ye yen Elija yen bï kan bën tuen, ku ëmën aci lök bën yicök?”

¹² Go bëer ëlä, “Ee yic, Elija akon bën tuen, rin bï yen dhël bën guiir. Ku yenjö gät ye aya, lon Manh Raan abi kác Itharel jai, ku abik cöl arem apeï?”

¹³ Alëk we lon cï Elija bën thëer ku acik luöoi teden nhiarkë, cit tã cï ye gät thïn thëer rienke.”

*Jethu aci dhöj la guöp jöhrac kony
(Mt 17:14-21; Lk 9:39-43)*

¹⁴ Nawën dhukkë tënë abiöth Jethu kök awën, ke yökkë ke ke cï kác juëc apeï gööm, ku kác piöoc lööj ke teer wël ke ke.

¹⁵ Tëwën tïj kek Jethu, gokë puöth miët apeï ku lorkë ku muöthkë.

¹⁶ Nawën yëet Jethu tënë atuöocke ke thiëc, “Yenjö tærkë wek ke?”

¹⁷ Go raan tök thän awën yic wët dät tëm thïn ku lueel, “Raan piöoc, yen aci manhdiën ca kan bëei tënë käckun yï buoath, ben bëei tënë yï, rin këc kek jöj tã yeguöp lëu bïk cuöp wei. Yeen aci jöhrac la yeguöp ku ye pën jam.

¹⁸ Të döm ë jöj kënë ye, aye wiet piny ku yik thok ayök, ku reem yelec ku riny. Yen aci käckun yï buoath thiëc bïk jök cuöp wei, ku akëckë lëu.”

¹⁹ Go Jethu lëk ke, “Wek kác cie lac gam, yakë tak ba rëer kek we yet nen, bäk jäl gam. Bëiikë dhöj kënë tënë yen.”

²⁰ Gokë bëei tënë ye.

Kaam wën tïj jöhrac Jethu, ke leth dhök ku wit piny ku löor ku yik thok ayök.

²¹ Go Jethu wun thiëc, “Ye nen döm jöj kënë ye?” Go bëer, “Tëwäär ye yen meth.

²² Acï jöj kënë duër nök, aye wiet mæec, ku le wiet wiir bï duër mou. Na lëu ke yï kony yo.”

²³ Go Jethu lëk ye, “Yenjö ye yïn ye lueel, lon na lëu! Ee yic, këriëc ëbën apuol yic tënë raan cï gam.”

²⁴ Go wun meth dhiau, “Yen ala gam ku akoor, kony ya bï gamdië rot juak.”

²⁵ Nawën tïj Jethu kác juëc ke bö tãthiäak kek ye, ke rël jöhrac ku lueel, “Ee yïn jöj miñ

cie jam. Yin ayöök, bäär bei dhök guöp, ku duk ben dhuk yeguöp.”

²⁶ Go jəŋrac dhiau yeröl ku wit piny, ku læth, ku bii bei. Ku jəl dhök ananjan piiny abi kəc kək aa lueel, ka cī thou.

²⁷ Go Jethu dəm cin ku kony bi rot jət. Go rot jət ku kēec.

²⁸ Təwən rēer Jethu kek kəcken ye buəth è röt, ke thiëcké, “Yenö këc yok ye ləu buk jəŋ kənə cuəp wei?”

²⁹ Go lək ke, “Jəŋ cit kənə acäk ləu bək cuəp wei. Ee rök è rot yen è ye aləu bi jak cit kakkä cuəp wei.”

Jethu aci ben jam è Thuənde
(Mt 17:22-23; Lk 9:43-45)

³⁰ Go Jethu kek kəcken ye buəth jəl təwən ke ke ret pan Galilia yic, ku cii wic bi la raan njic ye.

³¹ Rin è nīnkä è piöoc kəcken ye buəth kè bi rot luši ye, “Manh Raan abi thən kəc bi ye nək, ku na aköl ye nīn diäk ka bi rot jət ran yic.”

³² Ku aa këc wətde bən deet yic, ku riöocké bik thiëc.

Kəc Jethu buəth aaci wət tær
(Mt 18:1-5; Lk 9:46-48)

³³ Gokè yet Kapernaum. Nawən lek yet yöt, ke thiëc atuöocke, “Yenö kənə tærkè wən dhəl yic?”

³⁴ Gokè gup riöoc ku bitkè, rin wən cieth kek, aake teer wət lən, yeŋa kamken yen dit apēi.

³⁵ Go nyuc ku cəl atuöocke kathiäär ku rou ku lək ke, “Pieŋkè, na ye raan wic ye bi təu tuer, ka dhil dhuk ciëen ku luui rin kəc èbən.”

³⁶ Ku dəm meth ku cəl akäac kenhiiim ku tēu yecin yekət ku lək ke,

³⁷ “Raan manh koor cit manh kənə lor è rienkië, acä lor, ku raan ya lor, acie yen ye lor, ee Wä Aciëŋ toc ya.”

³⁸ Nawən aköl dət ke lək Joon ye, “Raan piöoc, yok aaci mony dət tīŋ keye jakrəc cuəp wei kəc gup è rienku ku acuk pēen rin acie raanda.”

³⁹ Go Jethu lueel, “Duökkè ye pēen rin raan kəŋ looi rienkië, acii ləu bi rot guə wel ku lək ya kërac.

⁴⁰ Rin raan cii yo man, ee raanda.

⁴¹ Wek alək yic, raan we muəc piū è rin ye wek kəc Raan ci ləc ku dəc, abä ariöpde yök.”

Ba raan dət thöoc kërac yic
(Mt 18:6-9; Lk 17:1-2)

⁴² Na ye raan wəŋ menh tək kam è mīthkä ku bā maan, ka ŋuëen tənè è raan cit kənè, diët cī ruək yeth aləl dit tet, ku pik wiir bi mou. [

⁴³ tē cii kāmden è thou thīn, ku mac acie thou akölrīëc èbən.]

⁴⁴ Ku na ye ciəndu yi cəl aloi awuöc, ke tēm wei, aŋuëen ba pīr pīr path kek ciəen tək, kek tē bi yīn la cin karou ku cuet yi pan many cie thou akölrīëc èbən. [

⁴⁵ tē cii kāmden è thou thīn, ku mac acie thou akölrīëc èbən.]

⁴⁶ Ku na ye cöckdu yi yäth awuöc yic, ke tēm wei, rin aŋuëen ba pīr pīr path ke yi ye ŋəl, kek tē bi yīn la cök karou ku cuet yi pan mac.

⁴⁷ Ku na ye nyiendu yi cəl aloi awuöc, ke ŋuët bei. Aŋuëen ba rot mat bääny Nhialic yic kek nyien tək, kek tē bi yīn la nyin karou ku cuet yi pan mac.

⁴⁸ Ee tēen arēm yekè yök thīn acie thök, è rin many pan mac acie many ye yor.

⁴⁹ Raan èbən abi lək è mac cīmən ye ajuer lək awai.

⁵⁰ Awai apath. Ku na thöök kəu alēi ke ben dhuök thīn kədè? Rēerkè kek awan mäath kamkun ku lakkè döör kamkun.

10

Jethu apiöoc wət liösi
(Mt 19:1-12; Lk 16:8)

¹ Go Jethu jəl təwən ku ler Judia ku teem wär Jordan. Go kəc juëc apēi bən guëer tənè ye. Goke piöoc cīmenden thær.

² Go Parathī kək bən tənè ye ku wickè bik deep wət ku thiëcké, “Na päl raan tiende ke cii path?”

³ Go Jethu bëer, “Yenö cī Mothith lək we wäthær?”

⁴ Gokè lueel, “Acī Mothith puəl bi moc athör liösi göt, ku pël tik.”

5 Go Jethu dhuök ke, “Mothith acī lönj kënë gät we ë rin wärkuan dīt aake cie yith ye lac gam.

6 Ku wäär tuenj cək Nhialic kəc aaci cak moc ku tik.

7 ‘Ku rin ë wët kënë raan abī wun ku man nyääñ piny, ku le ker kek tienjde,

8 ku keek karou aabi ya many tök.’ Këya aaci ben ya rou aa tök.

9 Këya, na cī Nhialic ke puöl bī ya moc ku tik, ka cīn raan päl ñek kamken.”

10 Ku wën cī kek dhuk baai, ke thiëc kacken ye buoath ë wët kënë.

11 Go lək ke, “Na ye raan liäi tienjde ku thiëc tinj dët, ka cī kërac looi tënë tinjden tuenj.

12 Ku na ye tinj päl muonyde ku le mony dët thiaak, ka cī akər looi.”

Jethu adac mith

13 Kəc kək aake ye mith bëi tënë Jethu bī ke bën döc, go kəc Jethu buoath ke läät.

14 Nawën la Jethu kë looi atuöcke tinj, ke dak puöu ku lueel tënë ke, “Calkë mith aabö tënë ya, duökkë ke pën. Raan wïc ye bī la bäany Nhialic yic adhil gam cīmën ë mith thiikä.

15 Alək we, raan wïc ye bī bäany Nhialic yök adhil wët Nhialic gam, cīmën ye manh koor wët kəc ke dhiëth ye gam.”

16 Ku cööl mith yelööm ku tēju yecin ken-hiim ku döc ke.

Raan ajak

(Mt 19:16-30; Lk 18:18-30)

17 Tëwën jiël Jethu geeu, ke raan rīñ tënë ye ku gut yenhiaal piny ku lueel, “Raan piöoc path yenjö ba looi ba pīr akölrüëc ëbën yök?”

18 Go Jethu thiëc, “Yenjö yīn ye lueel lön yen apath? Acīn raan path, ee Nhialic ë rot yen apath.

19 Yīn anjic löönj Nhialic, ‘Duk raan näk, duk tinj raan dët kər, duk kuëñ wët lueth, duk cuëer, thek wuur ke moor.’”

20 Go bëer, “Raan piöoc, löönkä aaya theek tēwäär koor yen agut cīt ëmën.”

21 Go Jethu döt apēi, ku nhiëer ku lueel, “Ee tök yen akëc looi, löör yaac kəkku wei

ëbën ku gam wëeu tënë kəc ñöñ, yīn abī jiëek la yök pan Nhialic, ku bäär buoath ya.”

22 Wën piñ yen wët kënë, ke mēen ku jiël ke cī puöu dak, rin ë la kajuëc apēi.

23 Go Jethu yenhom wël kacken ye buoath ku lək ke, “Abī yic riël tënë ajieek bik la bäany Nhialic yic.”

24 Go kacken ye buoath gäi ë wëlkä. Go Jethu bën ber yic tënë ke, “Miëthkië, yenjö ril yen këya bī raan la bäany Nhialic yic!

25 Apuöl yic bī thöräl bak with cök, tënë tē bī raan ajak la bäany Nhialic yic.”

26 Gökë ñot ke gäi apēi, ku thiëckë, “Na ye këya, ke yenja bī la pan Nhialic?”

27 Go Jethu ke döt ku bëer, “Acī raan bī lëu ë rot, bī gam tē këc Nhialic ye kony, rin Nhialic ë këriëc ëbën lëu, acīn kë dhal ye.”

28 Go Piter rot jət ku lueel, “Na yo, yok kəc cī kəkku ëbën nyääñ piny ku buoathku yī?”

29 Go Jethu bëer, “Ee yic, ku alək we, kuat raan cī panden nyääñ wei kek paan ë man ku nyërakën, ku wun ku man ku miëthke ku kacke ëbën ë riëkië, ku rin wët Nhialic,

30 cīi kajuëc bī yök pan Nhialic. Abī bëi juëc ku wämäthakën ku nyërakën ku mārakën juëc, ku mith ku dum, ku kuöc ciëñ bī ye kuöc ciëñ aabi yök aya arak buoat. Käkka aabi yök pinynhom ë tēn, ku abī pīr akölrüëc ëbën yök aköldä.

31 Ku kəc juëc tō tuenj ëmën aabi döñ ciëen, ku kəc kək juëc tō ciëen aabi la tuenj.”

Jethu ajam ë Thuände kën yic diäk

(Mt 20:17-19; Lk 18:31-34)

32 Naçon aköl dët Jethu kek kacken ye buoath, ku kəc kək aake kuany dhël yic, ke la Jeruthalem. Ku Jethu ë tō tuenj ku buoath kacken ye buoath ke cī nhiiim mum. Ku kəc awën biöth, ke cī riöc. Go Jethu atuöcke kathiäär ku rou bën caal tēden röt, ku lək ke kë bī rot la looi tënë ye.

33 Ku lək ke, “Ëmën, yok aala Jeruthalem tē bī Manh Raan la döm ku yëth bäny Itharel nhiiim, ku kəc piöoc ë löönj. Ku abik tēm thou, ku thönkë bënyñaknhom Roma mac baai bī la nök.

34 Ku abik läät ku buikë, ku ñuutkë ku thatkë, ku näkkë, ku na ye nīn kadiäk cök, ka bī pīr ku jət rot ranj yic.”

*Käk wïc Jemith ku Joon**(Mt 20:2-28)*

³⁵ Nayɔn thëei ke Jemith ku Joon wëët Dhubedi bö tənë Jethu, ku luelkë tənë ye, “Raan piöoc, awicku ba ɣo luɔi kē buk thiëc tənë yī.”

³⁶ Go Jethu ke thiëc, “Yenö wiëckë ba looi tənë we?”

³⁷ Gokë dhuk ëlä, “Të nyuc yin thönydu nhom diëckdu yic nhial, ke yī cəl ɣo aa nyuc kek yī, raan tök ləŋ cuëc, ku raan dət ləŋ cam.”

³⁸ Go Jethu lək ke, “Wek aa kuc kē thiëckë, ɣen abī ban apei è nīnkā ku ɣen abī nōk. Lëukë bāk gum cimëndië?”

³⁹ Gokë bëer, “Alëuku.” Go Jethu lək ke, “Na cəkkë we nōk ayic, ka lëukë bāk gum,

⁴⁰ ku acie ɣen la riel ba raan nyuc kōŋdiën cuëc ku kōŋdiën cam kuany, ee Nhialic yen abī ke yiëk kacken cī guiër ke.”

⁴¹ Nawën le atuuc kək kathiäär piŋ, ke riääk puəth tənë Jemith ku Joon.

⁴² Go Jethu ke cəol ëbën ku lueel, “Aniëckë lən kəc cī gam bīk aa bāny kəc cie kəc Itharel aala riel kəc nhīim, ku aciī path bāk ciët ke.

⁴³ Ku kënë aciī rot bī looi kamkun. Raan wïc ye bī ya raandit kamkun adhīl rot dhušk piny bī ya luui rin kəc kək.

⁴⁴ Ku na ye raan wïc ye bī ya bëny kəc nhīim, ka dhil ya aluan kəc ëbën.

⁴⁵ Cimën Manh Raan aya akęc bën bī kəc bën loony, aci bën bī kəc bën kony, ku gɛm wëike bī kəc juëc waar thou yic.”

*Jethu akony cəor bī daai**(Mt 20:29-34; Lk 18:35-43)*

⁴⁶ Go Jethu kek kacken ye buəth, ku kəc juëc kək ɣet gen Jeriko. Kaam wën jiël kek geeu, ke mony cəor è kəc lim, cəl Timawuth è rëër dhël ɣou ke lim.

⁴⁷ Nawën piŋ lən cī Jethu raan pan Nadharet ɣëët, ke cöt röl dit, “Bëny Jethu yin aŋääth apei. Yin è wën Debit cī Nhialic tooc. Kony ɣa.”

⁴⁸ Go kəc kək rël ku yöökkë bī biët, go ɲot kiu apei, “Wën Debit kony ɣa.”

⁴⁹ Go Jethu kōc ku lueel, “Cöolkë.” Gokë cəol, “Jət rot, yin aye bëny cəol.”

⁵⁰ Go rot puur abä alanhden acuat lööny wei yekəu ku riŋ tənë Jethu.

⁵¹ Go Jethu thiëc, “Yenö wïc ba looi tənë yī?” Go cəor lueel, “Bānydië, awiëc ba bën daai.”

⁵² Go Jethu lək ye, “Ləor, gamdu aci cəl apuəl.” Go daai nyin yic, ku buəth Jethu.

11*Jethu aci la Jeruthalem ke ciëm yai**(Mt 21:1-11; Lk 19:28-40; Jn 12:12-19)*

¹ Nawën nīn kək cök ciëen, ke Jethu kek kacken ye buəth la Jeruthalem. Ku tēwën cī kek thišk kek Bethpeec ku Bethanī, tēthiääk kek gən Olip, ke Jethu tooc kacken ye buəth karou tuen,

² ku lək ke, “Lak bëi tō tuen yic ku tē ɣeet wek, ke wek aabi akaja cīn raan cī kan cath ye yök ke mac. Luonykë ku bëiëkë.

³ Na le raan thiëc we, ke luelkë, awic Bānyda, ku abī dhuk ëmën thiin.”

⁴ Gokë la ku yökkë manh akaja ke mac ɣöt thok, dhël ɣou. Tēwën lony kek ye,

⁵ go kəc ke kääc tēthišk ke thiëc, “Yenö luɔikë, lony wek manh akaja?”

⁶ Gokë lək ke cīt tēwën cī Jethu ke than thīn. Go päl ke ku jiëlkë.

⁷ Gokë manh akaja ɣäth tənë Jethu ku kumkë kəu aläthken, ku nyuc Jethu yekəu.

⁸ Kəc juëc aacä aläthken thiëth dhël yic, ku kəc kək aacä ayör tiim dhoŋ dum yic, ku thiëthkë ke dhël yic aya.

⁹ Go kəc ke tō yenhom tuen, ku kəc ke buəth Jethu, yai looi ku yekë wak ëlä,

“Lecku Nhialic! Bëny dəc raan bö è rienku,

¹⁰ Nhialic dəc bāany wāda Debit bö! Lecku Nhialic!”

¹¹ Ku jəl la Jeruthalem ku bek luan Nhialic ku ciëth këriëc ëbën. Nawën cī piny guə cuəl, ke dhuk Bethanī kek atušcke kathiäär ku rou.

*Jethu aci tim wak bī riau**(Mt 21:18-19)*

¹² Nayɔn nhiäk, tēwën jiël kek Bethanī, Jethu è nək cək.

¹³ Nawën ke tiŋ tim cīt ɲaap ke cī nhom thiän ayör, go la cəl bī yök ke cī luək. Nawën le ɣet ke yök ke ayör kepeç, rin tēden ye yen luək aŋoot.

14 Go Jethu lueel, “Acin raan kəŋ miəthku bən cam lanayən.” Ku wēt kənē ěcī kocken ye buəəth piŋ.

Jethu aci la luanj Nhialic
(Mt 21:12-17; Lk 19:45-48; Jn 2:13-22)

15 Nawən lek yet Jeruthalem, ke Jethu la luanj Nhialic, ku cop kəc kəŋ yaac ayeer kal luanj Nhialic yic. Ku wel agen kəc war wəəu yiic, ku thōc kəc ɣəc wei ě kuər.

16 Ku cī kuat raan la kē muk päl bī ret luanj Nhialic löəm.

17 Ku jəl kəc piöc, “Acī gət ělä athör theer wəl Nhialic yiic, ‘Luanjdiē aci looi bī ya tən ye kəc wuət ěbən rōök thīn, ku yeen acäk wel bī ya luanj cuər.’ ”

18 Wēt kənē aci kəc kək Nhialic ku kəc piöc lööŋ piŋ ku wickē dhəl nək kek ye. Ku keek aake cī riöc Jethu rin cī kəc ěbən puəth miət piöcde yic.

19 Nawən la thēi bən, ke Jethu kek atuöccke jiəl geeu.

Atuuc Jethu aaci tim wäär tiŋ ke cī riau
(Mt 21:20-22)

20 Nayən nhiäk dēət, tēwən kueny kek dhəl yic, ke ke tiŋ tim cīt ŋaap wäär cī Jethu wak ke cī riau.

21 Go Piter kēwäär cī Jethu lueel tak ku lueel, “Raan piöc tiŋ tim wäär ca wak aci riau.”

22 Go Jethu bēər, “Gamkē Nhialic.

23 Wek alək yic, na le raan yōök gən kənē, cuat rot wīir, ku cī diu ku gem lən bī kē cī lueel rot looi, ka tiŋ rot.

24 Kēya, alək we, kuat kē thiēc tē rōök yīn, gam lən bī yīn ye yök, ku kē wic aba yök.

25 Ku tē rōök yīn, ke yī pəl wēt piny tənē raan dēt, rin bī Nhialic adumuöömku päl piny aya. [

26 Na cīi wēt ye päl piny tənē kəc kək, ke Nhialic acīi awäcdu pəl piny.”]

Bäny Itharel aa riel Jethu yöŋ yic
(Mt 21:23-27; Lk 20:1-8)

27 Gokē bən dhuk Jeruthalem, ku tēwən cieth Jethu kal luanj Nhialic yic, ke bānydit kək Nhialic ku kəc piöc ě lööŋ ku jəl aa kəcdit baai, bö tənē ye.

28 Ku thiēc kē ělä, “Ee yīn ye riel ŋö tō yīguöp ye yīn luui kēlä? Ku yeŋa yik yī ě riel kənē ba keek aa looi?”

29 Go Jethu bēər tənē ke, “Wek aba thiēc wēt kənē aya, na bēər kē, ke wek aba lək raan cā yiək riel ye ɣen kək kə looi.”

30 Lēkkē ɣa, “Joon raan kəc muəc nhīm, yök riel yen kəc gäm lökwēi tənē Nhialic, aye rielde ě rot?”

31 Gokē guēek yic kamken ku luelkē, “Na luelku, ‘Ke yök tənē Nhialic,’ Ka thiēc, ‘Aye ŋö kēc wek wētde gam?’

32 Ku na luelku, ‘Ke rielde ě rot,’ ke ɣok aa jöny keek rin cī raan ěbən ye gam.”

33 Gokē dhušk Jethu, “Akucku.”

Go Jethu lək ke, “Na ye kēya, ke wek aacä lək riel ye ɣen kək kə looi.”

12

Jethu aci jam ě waal bī rēec bāny nyuəəth
(Mt 21:33-46; Lk 20:9-19)

1 Nawən ke Jethu jam waal tənē kəc man ye ělä, “Monytui ěcī dom looi ku cum yic tiim ě luək ku rək. Ku looi tən ye mieth tim guər thīn bik ya mäu. Ku wec kät piny. Ku jəl dom riöp yic kəc kək, ku le keny wun dēt.

2 Nawən le tē cī tiim luək thöŋ, ke tooc aluonyde tənē ke bik la gäm abäkke.

3 Gokē alony dəm ku thatkē ku copkē ciēen yecin.

4 Go raan la dom alony dēt bən tooc, gokē yup nhom, ku ban kē apēi.

5 Go alony dēt bən tooc, gokē nək, ku jəl kē aloony kək aa that ku näkkē aloony kək.

6 Ku ě manhde yen ěcī jal döŋ bī bən tooc. Go jəl tooc ku lueel, ‘Aniēc abik la theek,’

7 Go kəc awən cī riöp dom yic lueel ě kamken, ‘Kənē ě manh raan la dom, bī kəŋ lök thən aköldä. Bäk näkku ku kək kə aabi döŋ kek ɣo!’

8 Gokē dəm ku näkkē ku cuetkē guäpde wei.”

9 Ku jəl Jethu ke thiēc, “Yeŋö bī raan la dom looi? Abi bən ku nək kəc awən cī riöp dom yic. Ku riöp dom yic kəc kək.

10 Kēckē wēt cī gət athör theer wəl Nhialic yic kənē kaŋ kueen?

‘Mən wäär yen cī atēet kuec, yen aci bən a mən ril apēi.

11 Kënë ë ye luoi Bëny,
ayeku tiŋ ke path ku dhëeŋ yonyin! ”

12 Go bäny Itharel puöth dak ku wickë bik döm, rin acik ñic lön jiem Jethu ë rienken. Ku rin riöc kek kəc juëc tö thin, gokë puöl ku jiëlkë.

*Jethu awic bi wëeŋ wët ajuër
(Mt 22:15-22; Lk 20:20-26)*

13 Go kəc ke man Jethu, Parathi kök, ku kəc Antipath Yërot tuöc tënë ye bik la wëeŋ, bi wët rac lueel.

14 Ku bik ku luelkë tënë ye, “Raan piöoc, aŋicku yin ë jam yith. Yin acie diëer kək ye kəc kök tak. Ku yin acie diëtden ye kuëc nhom. Ku yin ë kəc piöc bik kək wic Nhialic looi dhël la cök. Lëk yo na ye täktäku, buk ajuër dhiel aa gam, yok kəc Itharel tënë Cithër Bënyaknhom, kua cuk bi gam ye?”

15 Ku Jethu ëci ruënyden ñic, ku bëer, “Yeŋö wic wek ye bək ya deep ë wët? Bëiikë ë wënh kënë ba tiŋ.”

16 Gokë jal yiëk wëeth. Goke thiëc, “Ye nhom ña, ku ye rin ña kəkka ci giëet wëeth kəu?” Gokë bëer, “Aa kək Cithër Bënyaknhom.”

17 Go Jethu lëk ke, “Gämke Cithër Bënyaknhom këde, ku gämke Nhialic këde.”

Gokë puöth dak rin ci Jethu ruënyden ñic.

*Nhialic abi kəc ci thou cöl aa ben pir
(Mt 22:23-33; Lk 20:27-40)*

18 Nawën ke kəc kök akut Thaduthi. Akut cii ye ye gam lön bi Nhialic kəc ci thou ben cöl apir, bö tënë Jethu ku thiëckë ëlä,

19 “Raan piöoc, Mothith aci löŋ göt ëlä tënë yo, ‘Na thou wämënh ë raan, ku nyiëeŋ tik piny ke cïn mith, ke wämënh koor ala yöt tik bi mith dhiëeth yön mënhë.’

20 Na thöönku lön tö mith tik thin kadhorou. Ku thiëk wën dit ku thou ke cïn mith.

21 Go wën buöth ye la yöt tik ku thou aya ke cïn mith ci dhiëeth. Ku loi kënë rot aya tënë mënh ye kek diäk.

22 Ku looi rot këya tënë wämäthakën kök, keek ëbën kadhorou acin mith cik nyään piny.

23 Ku lek tuen ku thiëckë, të le kəc ci thou röt jät aköldä, bi ya tiŋ ña rin ci yen rëer ke ke ëbën kadhorou?”

24 Go Jethu bëer, “Wek aa kəc ril nhim cïn kë ñieckë, rin cii wek wël ci göt athör thëer wël Nhialic yic ye gam. Ku acäk ye gam aya lön bi Nhialic kë ye lueel ka bi looi, lëu bi looi.

25 Rin të le kəc ci thou röt jät, aacii bi thiëek ku aacii bi thiaak, aabi rëer kecit atuuc nhial.

26 Ku na ye rin wët bi kəc ci thou röt jät, ke we këc athör ci Mothith göt kueen rin bun dëp, tëwäär ci Nhialic jam tënë ye ëlä, ‘Yen ë Nhialic Abaram, ku Ithäk ku Jakob.’

27 Kəc ci thou ke ñic Nhialic aa pir alanden. Yeen ee Nhialic kəc pir, ku kəc ci thou aya. Acäk wuöc!”

*Löŋ ril lëu bi theek kam ë lööŋ
(Mt 22:34-40; Lk 10:25-28)*

28 Raan piöoc lööŋ kəc Itharel ë tö thin tëwën teer Jethu wël kek Thaduthi. Na le tiŋ ke Jethu ye wëlken ñieck bëer, go bën tënë ye ku thiëc, “Ye löŋ nən yen ril apeï kam lööŋ?”

29 Go Jethu bëer, löŋ ril akïn, “Piënkë kəc Itharel, Bänyda ë Nhialic ku ee tök.

30 Nhiar Bëny, Nhialicdu puöu ëbën, ku wëiku ëbën, ku nhiamdu ëbën, ku riëldu ëbën.

31 Löŋ dët ril ye kek rou akïn, yin adhil raan dët nhiaar cimën nhiëer yin rot. Acin löŋ dët ril apeï wär ë löönkä karou.”

32 Go raan piöoc ë lööŋ lueel tënë Jethu, “Ee yic raan piöoc cit të ca luël ye, acin Nhialic dët, Nhialic ë tök.

33 Ku raan adhil Nhialic nhiaar piände ëbën, ku nhiamde ëbën, ku rielde ëbën. Ku adhil raan dët nhiaar cimën nhiëer yen rot. Löönkä karou kek adhil ë theek, tən të bi Nhialic näk yök ku dor ë yilk nhim.”

34 Wën tiŋ Jethu ye ke ci bëer apath, go lëk ye, “Yin aci mec kek bäany Nhialic.” Ku tëen acin raan kam kəc man Jethu cie ben thiëc.

*Jethu aci kəc piöc lön yen raan ë tooc
Nhialic
(Mt 22:41-46; Lk 20:41-44)*

35 Tëwën piöoc Jethu luan Nhialic, ke lueel, “Aŋieckë lön ye kəc piöoc ë lööŋ kəc

Itharel ye lueel lön Raan cī lōc ku dōc, abī ya raan dhiēnh Debit?

³⁶ Debit guōp ēcī Wēi Nhialic yōōk bī lueel ēlä,

‘Acī Nhialic lueel tēnē Bānydiē, “Nyuc ē tēn kōṅdiēn cuēc,

yet tē bī yēn kōc atērdū dhuōk ciēēn yicōk.” ’

³⁷ “Ye kēdē ye Raan cī lōc ku dōc manh Debit, ku yēen aye Debit cōl ‘Bānydiē?’ ”

Jethu alēk kōc bīk rōt tiit kōc gēt lōōṅ Itharel

(Mt 23:1-36; Lk 20:45-47)

Ku kōc juēc awēn cī wēt Jethu piṅ aacī puōth miēt.

³⁸ Tēwēn piōōc yēn ke ke lueel, “Tiētkē rōt, ku duōkkē kōc piōōc lōōṅ kōc Itharel ye kiēt. Kōc cath kek alēthken dīt bār, rōt teem yōn yōōc yiic bī ke aa muōōth athēēk.

³⁹ Ayekē nhiaar bīk nyuc tuēṅ thōc kōcdīt tēn amat, ku yōn path akōl yai,

⁴⁰ ku keek aa kāk lēer tuōōr nyin, ku rōōkkē apēi bīk kōc wēṅ lön puōth kek. Kōckā, aabī tēm awuōcdīt tet apēi!”

Ajuēr lēer

(Lk 21:1-4)

⁴¹ Tēwēn cī Jethu nyuc tē ye wēēu juaar thīn luanṅ Nhialic, ke dōt kōc juēc wēēu cuat kēnē ajuēr yic. Ku kōc juēc ajīēek aake cī wēēu juēc ya tāāu thīn.

⁴² Nawēn ke lēer anṅṅ bō ku cuēt wēēu reen lik thīn.

⁴³ Go Jethu lueel tēnē kōcken ye buōth ēlä, “Wek alēk yic, lēer kēnē acī Nhialic kēden cī juaar nhiaar tēnē kōc kōk ēbēn.

⁴⁴ Rin keek aa cīk juaar wēēuken juēc yiic, ku yēn anṅṅ, acī kēnē bī yēn pīr dhuōl thīn ēbēn.”

13

Luanṅ Nhialic Jeruthalem abī thuōr piny

(Mt 24:1-2; Lk 21:5-6)

¹ Tēwēn jiēl Jethu luanṅ Nhialic, ke lueel raanden tōṅ ye buōth tēnē ye, “Raan piōōc, tiṅ, ye luanṅdīt dhēēṅ nō kēnē!”

² Go Jethu bēer, “Yōōtdīt dhēṅ ye tiṅkā, aabī thuōr piny ēbēn, ka cīn alēl tōṅ bī kōōc alēl dēt nhom.”

Acī Jethu lēk atuōōcke lön bī ke maan

(Mt 24:3-14; Lk 21:7-19)

³ Tēwēn rēer Jethu gān Olip nhom, ke cī yēnhom wēl luanṅ ē Nhialic, ke thiēēc Pīter ku Jemith ku Joon ku Andria wēn rēer kek ē rōt.

⁴ “Lēk yō, ye nēn bī kēnē rot looi? Ku yēṅō bī ye nyuōōth lön cī tēn bī kākā rōt looi thiōk?”

⁵ Go Jethu lēk ke, “Tiēerkē nhīm ku duōkkē rōt cōl aduōṅ.

⁶ Kōc juēc aabī bēn ē riēnkiē, ku ye ṅek lueel, ‘Ke yēn Raan cī lōc ku dōc,’ ku aabī kōc juēc duōṅ.

⁷ Tē tiṅ wek tōōṅ ke loi rōt akōldā, bī dhiēēth ayī kōc wuōn tōk rōt nōk, ke duōkkē diēer, kākā adhil rōt looi. Ku kārēc kōk aabī rōt looi aya, ku acie lön cī thōk ē piny bēn.

⁸ Rin kōc paan tōk aabī kēnhīm tuōōm ku thērēkē, ku wuōt aabī thōr kamken. Ayīēkyiēēk piny juēc aabī rōt looi bēēi juēc yiic. Ku cōṅdīt apēi abī tōu thīn. Kākā kek aa kāk tuēṅ.”

⁹⁻¹⁰ Ku lēk Jethu atuōōcke, “Wēt Nhialic abī kaṅ lēk kōc ē pinynhom ēbēn, ke thōk ē piny kēc bēn. Muōkkē wenhīm bāk puōth riēl kārēc bī we yōk yiic. Wek aabī kōōc bāny nhīm ē riēnkiē bāk ke lēk Wēt Puōth Yam.

¹¹ Ku tē dōm we ku yēth we luk yic, duōkkē diēer tē bī wek la jiēem thīn. Lak tuēṅ ke we piōōc wētdiē pinynhom ēbēn rin acie wek jam, ee Wēi Nhialic.”

¹² Ku ben Jethu lueel, “Raan kek wāmēnh aabī rōt aa gaany bīk rōt cōl anāk. Ku wārken mīth aabī miēthken luōm, ku mīth aabī kōc ke dhiēth ke luōm bī ke cōl aa nāk aya.

¹³ Kōc ēbēn aabī we maan riēnkiē. Ku raan bī ye puōu dēet agut tē bī yēn thou, abī pīr akōlriēēc ēbēn.”

Kēerēc bī rot looi tēnē kōc Jeruthalem

(Mt 24:15-28; Lk 21:20-24)

¹⁴ Piēṅkē alēk we aya, “Ala akōl bī wek kērac apēi tiṅ. (Raan kuēn adhil wēt kēnē deet yic.) Na rēer Judia ku tiṅ ē kēnē, ke yin adhil rinṅ gat nhīm roor ba la thiaan.

¹⁵⁻¹⁶ “Ku raan tō dom yic acī ben dhuk baai bā alanhde la lōōm. Ku raan rēer ayeer, acī ben la yōt bī la guik kē nyiēi.

17 Diäär liɛc ku diäär muk mīthkor aabi gum apeidit ye nīnkā.

18 Rōökkē bī rōt cīi loi wiir yic rut.

19 Kōc aabi gum apeī ye nīnkā, gum kēc kē kaŋ yōk tēwāār cēk Nhialic kōc agut cīt emēn. Ku acīi rot bī bēn looi.

20 Na kēc Bēny looi bī nīnkā cōl alik, ŋuōt acīn raan cī pīr. Ku rin kōcken cī kuany, acī nīn cōl alik.

21 “Wek alēk kēnē, ‘Na le raan yōök we tiēŋkē Raan cī lōc ku dōc kīn,’ tēdē ke lueel, ‘Tiēŋkē yen akan!’ Ke duōkkē gam.

22 Rin kōc juēc abī bēn ku lueel ŋek, ee ŋen Raan cī lōc ku dōc, ku lueel raan dēt ē ŋen raan kāk Nhialic tīŋ, ku looi kārīl apeī kōc gōi. Ku mārkkē kōc kōk cī Nhialic kuany, tē lēu kek ye.

23 Tiētkē rōt, kēriēēc ēbēn alēk we emēn bāk wenhīim tīt kāk bī bēn!

Akōl bī Manh Raan bēn
(Mt 24:29-31; Lk 21:25-28)

24 “Awiēc ku bāk ŋic aya, ye nīnkā, tē cī kōc jal gum apeī, akōl abī kum nyin bī piny cuōl, ku pēei acīi bī ruēl.

25 Kuel aabi rōt yāāk ku lōönykē.

26 Ku Manh Raan abī tīŋ ke bō pial yiic kek diik ku riēldīt apeī.

27 Ku yeen abā atuuc nhial tooc bīk kōcken cī lōc kuōōt yiic pinyinhom ēbēn.

28 “Ŋiēckē ē kēnē tim cīt ŋaap, tē looi yen yōök ku looi yīth, ke kēr acī thiōk.

29 Kēya, tē tīŋ wek kākā ke loi rōt, ke ŋiēckē lōn cī yen thiōk apeī.

30 Alēk we, wek aacīi bī mār tē cōk kākā rōt looi.

31 Nhial ku piny aabi liu, ku wēt diē acīi bī kaŋ mār.

Rēer yī cī rot guiir
(Mt 24:36-44)

32 “Acīn raan ŋic akōl bī kākā rōt looi. Na cōk atuuc nhial, ayī Wēnde, ka cīk ŋic, ē Wā rot yen aŋic ye.

33 Rēerke we cī rōt guiir rin wek akuc akōl bī kēnē rot looi.

34 Kēnē, acīt kēnē rot looi tēnē raan la keny, ku nyiēēŋ aluōnyke baai, ŋek ke luōide. Ku lēk raan cī nyiāāŋ baai thok bī rēer ke tīt akōlakōl.

35 Kēya, wek adhīl rēer we tīt aya, rin acāk ŋic yen tē bī Bānydun bēn thīn, lōn bī yen bēn thēēi, ku lōn bī yen bēn wēer ciēl yic, ku lōn yen dhiēn thōn aŋīth, ku lōn yen nhiāknhīāk ē rial.

36 Na guō bēn, ke we cā yōk we nin.

37 Kē ya lēk we, alēk kōc ēbēn. Rēerke we tīt, ke we tīr nhīim!”

14

Amat nēk Jethu

(Mt 26:1-5; Lk 22:1-2; Jn 11:45-53)

1 Nīn karou Yan Ayum cīn yic luōu nhom tuēŋ, kōcdīt kāk Nhialic ku kōc piōōc lōōŋ aake wīc tē bī kek Jethu dēep thīn, bīk dōm ke kuc ku nākē.

2 Ku luelkē, “Acuk dōm akōl yai, ŋok aabi tīt bī kōc juēc kaŋ jāl, rin na dōmku ku nākku, ke kōc ŋoot yai yic, tēdē ke kōc juēc aa thār kek ŋo.”

Maria acī tē theek yen Jethu thīn nyuōth
(Mt 26:6-13; Jn 12:1-8)

3 Ku tēwēn rēer Jethu Bethanī pan raan atuēt cōl Thaimon, tēwēn mīth yen, ke tik bō kek tōny koor cī cuēēc ē tiām ril la yic miōk ŋīr cōl naar, ye ŋōc wēēu juēc apeī. Ku kuem thok ku luuŋ miōk Jethu nhom ēbēn.

4 Go kōc kōk ke rēer thīn puōth dak ku jīēmkkē kamken. “Yēŋō tuuk yen miōk ŋīr?”

5 Miōk ŋīr kēnē ŋuōt acī ŋaac wēēu juēc wār wēēu ye dōm raan ē ruōōn tōk, ku yīk wēēu kōc ŋōŋ.” Ku nyienykē tik apeī.

6 Go Jethu lueel, “Pālkkē, yēŋō nyieeny wek ye? Acī kēpath looi tēnē ŋa.

7 Rin kōc ŋōŋ aabi rēer kek we akōlakōl. Ku na wiēckē bāk ke kony ka luōikē. Ku ŋen acīi bī rēer kek we akōlakōl.

8 Tīŋ kēnē, acī kē lēu bī looi tēnē ŋa looi. Acī bēn bā bēn tōc bī guāpdiē guiir bī jal thiōk.

9 Wek alēk yic, kuat tē bī Wēt Puōth Yam piōōc thīn pinyinhom, kē cī tīŋ kēnē looi, abī ya lueel bī ye a tak.”

Judath acī Jethu ŋaac

(Mt 26:14-16; Lk 22:3-6)

10 Nawën ke Judath, raan tõn atuuc kathiäär ku rou, la tēnē kōcdit kāk Nhialic bī Jethu la luəm tēnē ke.

11 Gokē puōth miēt apēi wēn piŋ kek wētde, ku thōnkē lōn bī kek ye gām wēu juēc. Ku jōl tē bī yen Jethu dām thīn wīc.

Jethu aci miēth yai cam kek atuōōcke

(Mt 26:17-25; Lk 22:7-14, 21-23; Jn 13:21-30)

12 Nawën akōl tuen Yandit Ayum cīn yic luou, nēk amēl rin yai, ke Jethu thiēc kōcken ye buōth ēlä, “Ye tēnen wīc yīn ɣo buk miēth yai la guiir thīn?”

13 Go Jethu kōcken ye buōth tooc karou ku lēk ke, “Lak geeu Jeruthalem, ku wek abī rōm kek raan ɣēc tōony piū, biaathkē,

14 pan le yen thīn, ku lēkkē raan la baai. Aye Raan piōoc lueel, “Ye ɣōn nēn bī ɣen miēth yai cam thīn ɣok kōckiēn ɣa buōth?”

15 Ku abī we nyuōth ɣōn nhial lääu yic cī guiir yic. Guierkē miēthda ē tēēn.”

16 Go kōc ye buōth jāl ku lek geeu Jeruthalem, ku yōkkē kēriēc ēbēn cīt tēwēn cī Jethu ye lēk ke thīn. Ku jōlkē miēth yai guiir.

17 Nawën la thēi bēn, ke Jethu bō kek atuōōcke thiäär ku rou.

18 Tēwēn mīth kek, ke lueel Jethu, “Wek alēk yic, raan tōk kamkun abā luəm ku ē raan mīth kek ɣa.”

19 Gokē puōth riääk ku jōlkē gāi ku thiēc kē tōk-tōk, “Makei! Ye yic? Ye ɣen?” Ku riēc kē puōth apēi.

20 Go Jethu bēēr, “Ee raan tōk kamkun wathiäär ku rou, raan yecin rēk aduōk yic kek ɣa.

21 Ee yic, Manh Raan abī nōk cīt tē cī gāt ye rienke athōr thēer wēl Nhialic yiic. Ku raan bī ye luəm abī gum apēi. Ku anuēēn tēnē ye diēt kēc cak dhiēēth.”

Guirku rōt apath buk guōp Bēny rōm

(Mt 26:26-30; Lk 22:14-20; 1Kor 11:23-25)

22 Tēwēn mīth kek, ke Jethu lōm ayup ku dōoc, ku bēny yic ku gēm ke ku lueel, “Lōmkē kēnē, ku camkē, kēnē ee guāpdīē.”

23 Ku lōm aduŋ cī thiāŋ muōn abiēc, ku leec Nhialic ku gēm ke, ku dēkkē thīn ēbēn,

24 ku lueel tēnē ke, “Kēnē ē riēmdiē, riēm ē dōōr kek Nhialic, bī kuēr rin kōc ēbēn.

25 Alēk we, ɣen aciī bī bēn dek muōn abiēc pinynhom tēn kek we, ɣet akōl bī ɣok ye dek yodhie pan Nhialic.”

26 Nawën cīk jal thōk ke ket waak, ku lek ɣōn Olip cōk.

Jethu aci kē bī Pīter ye jai lueel

(Mt 26:51-35; Lk 22:31-34; Jn 13:36-38)

27 Ku lueel Jethu tēnē ke, “Wek kackiē, wek aabī kat ɣa cīmēn kēwäär cī gōt athōr thēer wēl Nhialic yic ēlä, “ɣen abā abiōōk cōl anak ku amēl abī wēer.”

28 Ku tē cī ɣen jōt raŋ yic, ke ɣen abī kaŋ la Galilia ba we la tiit thīn.”

29 Go Pīter lueel tēnē ye, “ɣen aciī bī kat tē cōk kōc ēbēn kat!”

30 Go Jethu lueel tēnē ye, “Alēk yī, ē wēēr kēnē, ke thōn ajīth kēc kiu rou, yīn abā jai arak diäk.”

31 Go Pīter dhuōk ye, “Na cōk ɣa nōk kek yī, ke yīn acā bī kaŋ jai.” Ku lueel atuuc kōk ēbēn kēya.

Jethu arōōk ke ɣic lōn bī ye nōk

(Mt 26:36-46; Lk 22:39-46)

32 Nawën ke Jethu kek kōcken ye buōth la tē ye cōl Jethemani, ku lueel tēnē ke, “Nyuōōckē tēn ku yiēnkē, ɣen ala rōōk.”

33 Ku cōl Pīter ku Jemīth ku Joon bīk la kek ye. Ku jōl rēer ke nēk atiēēl, ku dhiēu apēi yepuōu.

34 Ku lueel tēnē ke, “ɣen adhiāu puōu apēi, ee thou guōp. Rēēr kē tēn ku yiēnkē.”

35 Ku le tuen tēthin-nyōot, ku rēēny rot piny ku rōōk ēlä, “Na lēu rot, ke kēreec tit ɣa aciī bō.”

36 Ku lueel, “Wā, yīn ē kēriēc ēbēn lēu, nyaai ē kēreec kēnē tēnē ɣa. Ku acie wēt piāndiē ē wēt piāndu.”

37 Nawën ke dhuk tēnē ke ku yōkke ke nīn. Go lueel tēnē Pīter, “Thaimon, niēnkē? Cāk yiēn tēthin-nyōot?”

38 Ku lueel tēnē ke, “Yiēnkē ku rōōkkē bī we cīi them jakreec. Puōu ē gam ku guōp acīn riēl.”

39 Ku ben jāl ku le rōōk cīmēn awēn.

40 Go bēn dhuk tēnē ke, ku ben ke yōk ke nīn, rin cī nīn ke gōōk apēi. Ku muumkē nhīim kē bīk lēk ye, rin cī kek gup riōōc.

⁴¹ Nawën dhuk tēnē ke kēn ye kek diäk, ke thiëc ke, “Nōt we nin! Lääñkē? Njēckē lōn cī tēn nīn thōk, tiēñkē Manh Raan aci luōm kōc rēc. Ēmēn, tē bī ye jāl thōn kōc rēc aci yēēt.

⁴² Raan cā luōm aci bēn. Jatkē rōt, lokku buk rōm.”

Jethu aci dām

(Mt 26:47-56; Lk 22:47-53; Jn 18:3-12)

⁴³ Tēwēn nōt jīēm yen, ke Judath raan ye kek thiäär ku rou bō ke cath kek kōc juēc muk paal ku atuel, ke cī kōcdit kāk Nhialic, ku kōc gāt löōñ, ku kōcdit baai tooc.

⁴⁴ Ku Judath ēcī kōc awēn cath kek ye, lēk tē bī kek raan wīckē bīk bēn dām njēc thīn, ēlä, “Raan ba muōth ku ciēm yen ē raan wīckē, damkē ku kuathkē ku tietkē rōt ē kacke apath.”

⁴⁵ Kaam wēn yēēt Judath, ke la tēnē Jethu nyin yic ku lueel, “Bēny.” Ku muōth ke ciim.

⁴⁶ Gokē dām ku derkē.

⁴⁷ Go raan tōk kam kōc ye buōth wēn kääc thīn palde miēt bei ku tōk alony lui pan raandit kāk Nhialic yic abi tēm wei

⁴⁸ Go Jethu ke thiëc, “Cäk bēn we muk atuel ku paal bāk ya bēn dām. Cäk tak lōn ye yēn raan kōc rum?”

⁴⁹ Yēn ē rēer ke we akōlakōl ya piōc luanj Nhialic, ku wek aa kēc ya dām. Ku kēnē aci rot looi ē rin bī kē cī gōt athōr thēer wēl Nhialic yiic yēnhom tiēñ.”

⁵⁰ Ku jōl kōcken ye buōth nyääñ piny ku ketkē.

⁵¹ Ku riēnythii dēt ceñ alanh acuat ē buōth Jethu. Nawën wīc kōc awēn kuath Jethu bīk dām,

⁵² ke nyiēñ alath kecin ku ket kecin kē ceñ.

Jethu aci yāth luj bāny Itharelyic

(Mt 26:5-68; Lk 22:54-55, 63-71; Jn 18:13-14, 19-24)

⁵³ Ku jōlkē Jethu yāth pan Kaipa luk yic, cī bāny kāk Nhialic ku kōc piōc löōñ, ku kōcdit baai kenhīim mat thīn.

⁵⁴ Ku Pīter ē biōth ke mec kōc cōk ciēen agut tē yēet yen luk yic. Ku nyuuc bī yōc aya tēwēn yōc kōc bāny tiit thīn.

⁵⁵ Bāny kāk Nhialic aake cī nyuc bīk Jethu wīc guōp awuōc cī looi, rin bī kek ye tēm thou, ku acīn awuōc cīk yōk.

⁵⁶ Kōc juēc aake cī Jethu luōm ē lueth ku wēlken akēc rōm.

⁵⁷ Nawën ke kōc kōk jōt rōt, ku lueelkē luenh kēnē Jethu guōp.

⁵⁸ Acuk piñ ke lueel, “Yēn abi luanj Nhialic cī raan looi kēnē thuōr piny, ku na ye akōl ye nin diäk, ke yēn abi dēt buth nyiēnde, ke cie kēnē ē looi raan.”

⁵⁹ Agut ke aya aa kēc wēlken rōm.

⁶⁰ Go Kaipa rot jōt kenhīim ku thiëc Jethu, “Cīn kē dhuk nhom wēl cī luēl yīguōpkā yiic?”

⁶¹ Go Jethu biēt ku cīi jam. Go Kaipa bēn thiëc, “Ye yōk yīpuōu ye yīn Raan cī lōc ku dōc, Manh Nhialic yeku door?”

⁶² Go Jethu bēer, “Ee yēn, ku wek aabi Manh Raan tīñ ke cī nyuc cuēny Nhialic njic kāj looi ēbēn, ku bīi ke pial nhial.”

⁶³ Go Kaipa alāthke ret yiic yekōu ku lueel, “Yēñō nōt wīcku kōc kōk bī bēn jam kāk cī looi.

⁶⁴ Wek aci tē tōn yen Nhialic thīn piñ. Yēñō yen wētdun?” Gokē mat yic kedhie bī dhiel nōk.

⁶⁵ Ku jōl kōc kōk Jethu aa nūōt. Ku derkē nyin ku guutkē kecin ku yōökkē, “Mēek raan yī gut.” Ku dām apuruuk ku biēkkē.

Pīter ajei Jethu

(Mt 26:69-75; Lk 22:56-62; Jn 18:15-18, 25-27)

⁶⁶⁻⁶⁷ Tēwēn rēer Pīter piiny ke yōc mac, ke nyan lui pan Kaipa bō. Ku tēwēn tīñ yen Pīter, ke dōt apēi ku lueel, “Yīn aya, yīn yī rēer kek Jethu raan Nadharet.”

⁶⁸ Go jai, ku lueel, “Yēn aci raandun ye lueel njic diēn. Ku kē ye lueel acā cak deet yic aya.” Ku ler ayeer. Ku kaam thiin awēn, ke thōn ajith kiu.

⁶⁹ Go nyan awēn tīñ ku bēn lēk kōc kääc thīn, “Mony kēnē ē raanden.”

⁷⁰ Go Pīter bēn jai. Ku kaam awēn, ke lueel kōc ke kääc thīn tēnē Pīter, “Ee yic, yīn ē raanden, rin yīn ee raan Galilia.”

⁷¹ Go Pīter rot kuēñ, “Nhialic abā nōk tē cīi yēn yic luel. Yēn akuc raan jīēm wek ē riēnke.”

⁷² Nyin yic, tēwēn ye dhiēn ajith yic rou bēek piny, ke Piter tak kēwäär cī Jethu lēk ye, “Tuenj ke thōn ajith kēc kiu kēnē ye kek rou, ke yīn abā jai arak diäk.” Ku wel yenhom wei kōc yiic ke cī guōp yār ku dhiεεu.

15

Kōc Itharel aaci Jethu gaany tēnē Pilato
(Mt 27:1-2, 11-14; Lk 23:1-5; Jn 18:28-38)

¹ Naγōn nhiäk rial yic, ke kōcdit kāk Nhialic, ku kōcdit baai ku kōc piōōc lōōj mēt tē bīk luōi Jethu. Gokē rek ku kuεethkē tēnē bēny Pilato.

²⁻³ Kōc luk aake cī Jethu gaany lōn cī yen kāreεc apēi looi. Go Pilato thiēec, “Ye yīn bēnyṅaknhom kōc Itharel?” Go Jethu bēer, “Ee yen, cit tē ca luēl ye.”

⁴ Go Pilato bēn thiēec, “Cīi kājuēc cī yī gaanykā ye bēer, piṅ kākkih yeke kuεεn yīguōp.”

⁵ Go Jethu biēt ku cīi wēt Pilato bēer. Go Pilato gāi.

Jethu aci tēm thou
(Mt 27:15-26; Lk 23:13-25; Jn 18:39-19:16)

⁶ Ruōōn ēbēn, akōl Yan Ayum cīn yic luōu, bēnyṅaknhom ē raan tōk kam kōc cī mac lony, tē wīc kōc baai ye bī lony.

⁷ Ke mony cōl Barabath ē mac, kek kōc cī kōc nōk ke thār kek kōc mac baai.

⁸ Go kōc juēc apēi la tēnē Pilato, ku thiēckē bī ke luōi kē ye looi akōl yai.

⁹ Go Pilato ke thiēec, “Wiēckē ba Jethu bēnyṅaknhom Itharel, lony tēnē we?”

¹⁰ Ee ṅic lōn yen tiēl ku mān mēεn kōc luk Jethu, yen aabī kek Jethu tēnē ye.

¹¹ Ku kōc ater Jethu aake ye kōc kuōōt thook, bīk lēk Pilato bī ya Barabath yen lony.

¹² Go Pilato ke thiēec, “Yējō ba looi tēnē raan yakē cōl ke bēnyṅaknhom kōc Itharel?”

¹³ Gokē rek yic rōldit, “Apiēēt tim cī rīiu kōu.”

¹⁴ Go Pilato ke bēn thiēec, “Yējō? Ye awāc ṅō cī looi?” Gokē bēn rek yic rōldit apēi, “Apiēēt tim cī rīiu kōu.”

¹⁵ Go Pilato Barabath lony rin wīc yen kōc bīk puōth miēt. Ku wēn cī yen apuruuk yōōk bīk that ku ṅakkē nhom ē kuōōth, ke gēm ke bīk la piāāt tim cī rīiu kōu.

Apuruuk aaci Jethu bui
(Mt 27:27-31; Jn 19:2-3)

¹⁶ Go apuruuk Jethu kuaath ayeer pan bēny. Ku cōlkē apuruukken kōk bīk rōt māt ke.

¹⁷ Ku rukkē alanh mathiāṅ Jethu kōu. Ku jōlkē kēr la kuōōth riic yiic ku ṅek kek yenhom.

¹⁸ Ku jōlkē aa cōl, ku muōthkē ku buikē, “Mādho bēnyṅaknhom Itharel.”

¹⁹ Ku yuupkē nhom wai, ku ṅuutkē guōp, ku gutkē kenhiōl piny bīk nyuōōth ciēt leckē.

²⁰ Wēn cī kek ye jal bui, ke ke bīi alanh mathiāṅ awēn bei, ku dhukkē alāthke yekōu, ku kuathkē bīk la piāāt tim cī rīiu kōu.

Jethu aci piāāt tim cī rīiu kōu
(Mt 27:32-44; Lk 23:26-43; Jn 19:17-27)

²¹ Tēwēn cī tim cī rīiu Jethu gōōk kētkēt, ke mony cōl Thaimon, raan pan Thirene, wun Alekdhändēr ku Ruputh, ē bō baai ke kuany dhēl yic ke la geeu. Go apuruuk dām riēl bī tim cī rīiu ket.

²² Ku yeetkē tē cōl Golgotha, ku wētde yic, gōn la ṅueṅ-ṅeṅ cit apen nhom raan.

²³ Ku gēm kē Jethu muōn abiēc cī liāāp wāl kec cōl mir bī dek, go kuc ye.

²⁴ Gokē jāl piāāt tim cī rīiu kōu. Ku cuetkē gēk bīk alēth Jethu tek kamken.

²⁵ Ee ye tē cit lunyluny yōk yen ē piēēt kek ye tim cī rīiu kōu.

²⁶ Ku jōlkē awuōc yekē tak ke cī Jethu looi, gāt nhial tim cī rīiu kōu ēlā, “BĒNYṄAKNHOM ÍTHAREL.”

²⁷⁻²⁸ Ku piēētkē cuēr karou kek Jethu tiim cī rīiu kōōth aya, raan tōk lōṅ cuēc ku raan tōk lōṅ cam.*

²⁹ Ku jōl kōc ke ye tēek tēwēn Jethu aa cuiit ku latkē ku luelkē, “Cie yīn wäär ye lueel lōn bī yīn luanṅ Nhialic thuōr piny ku buth nīn kadiäk.

³⁰ Na ye kēya, yējō cīi yīn rot kony ku bār piny tim cī rīiu kōu!”

15:21 Rom 16:13 15:24 Wk 22:18

* 15:27-28 Athōr kōk thēer wēl Nhialic aa 15:28 mat thīn ēlā, “Yeen aci nōk cimēn kōc kāreεc looi.” Acī yenhom tiēeṅ. 15:29 Wk 22:7; 109:25; Mk 14:58; Jn 2:19

31 Këya, ee ye kacken ater bui ku luelkë kamken. “Ee kac kæk kony ku cii rot kony.

32 Raan cì lóc ku dác cì Nhialic nhiaar ku yik riël, cì rot looi bí ya bányda, jol bèn piny tim cì riiu kóu emèn, buk jál tñj ku gamku!” Ku acì kác awèn cì piäät tiim kóöth cimènde aa bui ku lætkë aya.

Jethu acì thou ayic

(Mt 27:45-56; Lk 23:44-49; Jn 19:28-30)

33 Nawèn aköl ciël yic ke muöth loi rot yet tääj aköl pan awèn,

34 Nawèn tääj aköl, ke Jethu cöt röl düt, “Eloi, Eloi, lama thabakthani?” Ku wëtde yic, “Nhialicdië, Nhialicdië, yeñö pël yin ya wei?”

35 Nawèn piñ kác kæk ke kääc thñn, ke luelkë, “Piëñkë acöl Elija.”

36 Go raan tök kat ku lut alath muön wac yic. Ku tæëu wai thok ku yóok Jethu thok, ku lueel, “Titku buk tñj lón bí Elija bèn bí bèn bëëi bei tim cì riiu kóu!”

37 Ku jol Jethu keñ apéi, ku thou.

38 Ku kaam wèn ka alanh ye gëëñ, bí luanj Nhialic tek yic alonhthñn ræet yic è rou, jæk nhial yeet piny.

39 Go bëny apuruuk tó thñn lueel wèn tñj yen tã cì Jethu thou thñn, “Mony kënë è ye Manh Nhialic alanden!”

40-41 Diäär aake tó thñn, ku keek aake daai tæmec. Wäär rëer Jethu Galilia, ee ye diäärkä buöth bik miëth aa looi tënë ye. Ku diäär juëc kæk ke cath kek ye, wäär le yen Jeruthalem aake tó thñn aya. Kam è diäärkä Maria Magdalena, ku Thalome, ku Maria man Jemith thii kek Jothep aake tó thñn.

Jethu acì thiök

(Mt 27:57-61; Lk 23:50-56; Jn 19:38-42)

42-43 Wèn col piny, bí aköl cii kác Itharel ye luui guo bèn, ke Jothep raan gen Arimatheo bö. Ku è ye raan kæcdit lunj Itharel, ku yeen aya ecì Wët Puöth Yam gam. Nawèn le tñj lón cì Jethu thou, ke riil yenyin ku ler tënë Pilato, ku thiëec guöp Jethu bí la thiök.

44 Go Pilato gäi lón nadë ke Jethu cì guo thou. Ku cöl bëny apuruuk ku thiëec lón cì Jethu guo thou ayic.

45 Nawèn piñ tënë bëny apuruuk lón cì Jethu thou, go guäpde puöl bí Jothep nyaai.

46 Go Jothep kác tooc bik alanh yer la yóoc, ku büi guöp Jethu piny tim kóu, ku der alanh awèn. Ku tæëu rañ cì wec kuur yic. Ku lóor alel dített rañ thok.

47 Maria Magdalena ku Maria man Jothep aake daai, ku tñjkë tã cì ye thiök thñn.

16

Jethu acì rot jät rañ yic

(Mt 28:1-8; Lk 24:1-12; Jn 20:1-10)

1 Nayon thëëi aköl cii kác Itharel ye luui, ke Maria Magdalena ku Thalome ku Maria man Jemith la miök ñir yóoc bí kek guöp Jethu la tóc.

2 Nayon nhiäk rial, aköl Nhialic, abö aköl nyin ke la rañ nom.

3 Wèn ñoot kek dhël yic, aake röt thiëec, “Yeña ba aleldit tó rañ thok la laar wei?”

4 Nawèn jatkë kenyin ke tñj alel ke cì laar wei.

5 Gokë la rañ yic, ku tñjkë riënythii è köñ cuëc ke rëer ke ceñ alanh yer. Gokë gäi apéi.

6 Go lueel, “Duökkë gëi, anjæc wek awic Jethu raan gen Nadharet wäär cì piäät tim cì riiu kóu. Aliu è tèn, acì rot jät. Tiëñkë tëwäär cì kek ye tääu thñn.

7 Lakkë ku lækkë kacken ye buöth ku Piter, lón yen Jethu acì la Galilia. Abäk la yök thñn cimèn wäär cì yen ye læk we.”

8 Gokë la ayeer rañ yic ku ketkë, ke leth, ke cì gäi. Acin raan cik læk wët kënë dhël yic, rin cì kek riöc.[

Jethu acì rot nyuöth Maria Magdalena

(Mt 28:9-10; Jn 20:11-18)

9 Wèn cì Jethu rot jät è rañ yic yon nhiäk rial aköl Nhialic, ke kón rot nyuöth Maria Magdalena wäär cì yen jakræc kadhrou cuöp wei yeguöp.

10 Go la ku læk atuuc Jethu ke rëer thuöu yic ke dhiau, lón cì Jethu rot jät.

11 Nawèn piñkë tënë ye lón cì Jethu bèn pir, ku acì tñj, gokë cii gam.

Jethu acì rot nyuöth kacken ye buöth karou

(Lk 24:13-35)

12 Nawèn ke Jethu nyuth rot atuöcke karou ke cì rot waan, tëwèn kueny kek baai yic. Ku cik ñic lón ye yen Jethu.

¹³ Gokë dhuk Jeruthalem nyin yic bik kacken la lëk, ku akëc kacken gam.

Jethu aci rot nyuäth kacken ye buäth thiäär ku tök

(Mt 28:16-20; Lk 24:36-49; Jn 20:19-23)

¹⁴ Nawën ke Jethu jöl rot nyuäth tënë atuöcke kathiäär ku tök ke ke mïth. Ku nyieeny ke rin këc kek gam, ku rin cï kek nhïim riel bik wët kəc cï ye tïj ke cï pïr, cïi gam.

¹⁵ Nayon aköl dët ke lëk ke, “Lak pinynhom ku lëkkë kəc ebën Wët Puäth Yam Nhialic.

¹⁶ Raan bi gam ku yök lökwëi, abi pïr akölrïëc ebën, ku raan bi jai aciï bi kony.

¹⁷ Kəc cï gam abi yiëk riel kënë, aabi jakrəc aa cuəp wei ë rienkië, ku aabi jam thok kök.

¹⁸ Aabi kecin aa tääu kəc tuany nhïim, ku aabi pial. Na cəkkë käpieny kuany, ku dekkë kək ë kəc luaaη, kacin kë näk ke thïn.”

Jethu aci yäth pan Nhialic

(Lk 24:50-53; Lk 1:9-11)

¹⁹ Nawën cï Jethu nin nöc ke ke, ke yëth pan Nhialic ku nyuuc köη cuëc ë Nhialic.

²⁰ Ku jöl atuuc Jethu thiëi pinynhom ke ke lëk kəc. Ku jöl kəkken jəη göi yekë ke looi kenhïim aa tiεεη, rin tö riel ë Nhialic ke ke.]*

Wël Jethu cî Luka gôt Wët nom

Wël Jethu cî Luka gôt, aa Jethu nyuöth lön ë yen raan wäär cî Nhialic lueel ka bi tuöc pinynhom, bi kœc Itharel ku kœc cie kœc Itharel bën luök. Acî Luka gôt lön Jethu acî Wëi Nhialic cœl bi, “Wët Puöth Yam bën nyuöth kœc nœn nyin.” Ku wëlkä, aa la yiic kœc wïc raan ëbën. Kœc miæt puöu aa rëër wël cî Luka gôt yiic aya, cîmën bën Jethu pinynhom, acî lueel thîn cœk tueŋ yiic, ku tē thœk wël thîn aya, ku wäär ler Jethu nhial. Anyiköl la tueŋ ë wët kënë, ku juëŋ bi gam kœc cî gam rot juak la nhial Jethu cœk, aacî raan tœŋ kënë gôt aya athör Luoi Atuuc Jethu yic.

Aban 2 ku 6 (tiŋ kœc cî gôt athöör yic bœ ciëen) aatœ kœc yike yœk athör kënë yic ë rot. Cîmën anyikœl diæt atuuc nhial, ku kœwäär cî abiök Jethu la neem wäär dhiëeth ye. Ku la Jethu luan Nhialic wäär ë yen dhœk. Ku wël waal raan path pan Thamaria ku manh cî mää. Ee wëlkä yiic, ee rœk yen acî ber yic bi tœt kœc puöth. Ku Wëi Nhialic, ku kœc cî diäär looi ë luoi Jethu yic, ku pël bi Nhialic adumuööm päl piny.

Kœk tœ thîn

Wët Nom 1:1-4

Dhiëth ku mœeth Joon raan kœc muœœ nhïim ku jœl a Jethu 1:5-2:52

Luoi Joon raan kœc muœœ nhïim 3:1-20

Miœc ë nom ku thêm Jethu 3:21-4:13

Luoi Jethu ëbën pan Galilia 4:14-9:50

Jäl pan Galilia ku la Jeruthalem 9:51-19:27

Nïn ciëen kadhrou thuœnde nom tueŋ 19:28-23:56

Jœn rot ku nyooth rot ku la nhial ë Bëny 24:1-53

¹ Tënë Thiöpiluth, cît tē ye piëŋ ye, acî kœc juëc them bik kœc cî rœt looi kamkua gôt.

² Aacî gët kœc cî kœc cî ke tiŋ, ku kœc lui wët Nhialic lœk yo tœwäär jœk kœkkä rœt.

³ Kœya, Bœnydië, wën cî ŋen kœc cî rœt looi muk cœk tœwäär jœk kek rœt, aca tak ba ke gôt apath tënë yi,

⁴ rin bi yin kœc cî piöc tënë yi jäl ŋic lön cïi kek ye lueth.

Atuny Nhialic acî dhiënh Joon lueel

⁵ Wäär ye Ÿerot bënynaknom pan Judia, raan kœc Nhialic cœl Dhäkaria ë tœ thîn, ku yeen ë ye raan akut kœc kœc Nhialic cœl Abija, ku yeen ë la tiŋden cœl Elithabeth, nyen kuat Aron.

⁶ Dhäkaria ku Elithabeth aake ye kœc path tënë Nhialic, rin keek aake rëër ke cïn gup awuœc ke thek löœŋ Nhialic.

⁷ Ku keek aake cïn mieth rin Elithabeth ëcïi dhiëth, ku keek aake cî dhiœp kedhie aya.

⁸ Naŋœn akäl tœk, yen ke kuëer kœc akut Dhäkaria bik luui luan Nhialic,

⁹ ke kœcken akut cuet gœk, go löœny tënë ye bi ya yen la adœŋ ŋir took ariäk nom luan Nhialic. Go la luœœk.

¹⁰ Ku tœwën took yen adœk luœœk, ke kœc juëc awën cî guëer aake rœœk aŋeer.

¹¹ Kaam wën, ka atuny Nhialic nyuth rot ye ke kœc lœŋ cuëc ariäk nom tœwën took yen adœŋ ŋir thîn.

¹² Tœwën tiŋ Dhäkaria ye, go riöc apei ku muum nom.

¹³ Go atuny Nhialic lœk ye, “Dhäkaria! Duk riœc, rœœkdu acî Nhialic piŋ, ku ëmën tiœndu Elithabeth abi manh moc yœk. Na la dhiëeth, ka bi cœl Joon.

¹⁴ Wek aabi puöth miæt wedhie wek tiœndu tē le ye dhiëeth. Ku kœc juëc aabi puöth miæt ke we aya,

¹⁵ rin yeen abi ya raan tœŋ ril kam kœc kœc Nhialic tiŋ. Ku yeen acï bi ya dek kuat muœn la yic luœu. Ku yeen abi Wëi Nhialic la yeguœp ke cœk ŋoot man yœc,

¹⁶ ku yeen abi kœc Itharel cœl adhuk Nhialic Bœnyden.

¹⁷ Abi kaŋ tuœl tënë Bœny kek riël thœŋ cîmën riël Nhialic wäär tœ tënë Elija. Ku Joon abi wœrken ë mieth cœl anhiar miëthken. Ku kœc ril nhïim ëmën cie wët Nhialic ye piŋ, aabi kœnhïim waar. Ku kœya, yen ë tē cî Joon kœc cœl aa guiir rœt thîn rin bën Bœnyda.”

¹⁸ Go Dhäkaria lueel tënë atuny Nhialic ëlä, “Ba ŋic kœdë lön bi kënë rot looi? Ÿen acî dhiœp ku tiœndië acî dhiœp aya.”

19 Go atuny Nhialic dhuök ye, “Ee yen Gabriel, rëer Nhialic lööm ku yen aci tooc ba yi bën lëk wët puoth kënë.

20 Rin këc yin wët ca lueel gam, yin abi rëer yi cie jam, yet tē bi kënë rot kaṅ looi akölden bi yen rot looi ke cīt tēde.”

21 Tēn awēn, kəc aake tit Dhäkaria ke cī gāi kē rëer yen luanṅ Nhialic apēi kēlä.

22 Nawēn le bën bei ke cīi jam, gokē ṅic lən le yen kē cī rot nyuōth ye, tēwēn ye yen nyuuth yecin ku cīi jam.

23 Nawēn la nīn luui Dhäkaria luanṅ Nhialic thök, ke dhuk paande.

24 Nawēn ke tiēṅde Elithabeth yök meth, ku jəl rëer baai pēi kadhiēc ke cie la ayeer.

25 Ku jəl ya lueel, “Nhialic aci kënë looi tēnē ya bi piathde nyuōth ya, ku aci kē ye ya dhöl guōp rin cī yen rol jal nyaai!”

Atuny Nhialic aci dhiēnh Jethu lueel

26 Tēwēn ye pēi Elithabeth dātem, ke Nhialic tooc atuōnyde Gabriel gen Nadharet tō pan Galilia,

27 tēnē nyan bīm cəl Maria, ku ē thieek mony cəl Jothep, raan dhiēnh Bēnyṅaknhom Debit.

28 Go atuny Nhialic bēn tēnē ye ku lueel ēlä, “Madho, yin athiāṅ dhēēṅ Nhialic. Bānyda atō ke yi!”

29 Go Maria riōc ku muum nhom wēn piṅ yen wēlkā, ku thōōṅ yepuōu kāk tō ē wēt kënë yic.

30 Go atuny Nhialic lueel tēnē ye, “Duk riōc Maria, yin anhiēer Nhialic.

31 Yin abi meth yök, manh moc. Ku na la dhiēēth ka ba cäk ke cəl Jethu.

32 Abi ya raandit apēi Nhialic nhom. Ku abi cəl Wēn Nhialic Madhəl. Ku Nhialic Bānyda abi bāāny Debit wundit yiēk ye,

33 ku abi ya bēny pan yi Jakop akölriēēc ebēn, ku bāānyde aciī bi thök alanden!”

34 Go Maria lueel tēnē atuny Nhialic, “Bi rot looi kēdē. Yen ē nyen bīm këc thiaak?”

35 Go atuny Nhialic bēn lëk ye, “Wēi Nhialic abi lööny yiguōp ku rielde abi bēn yīnhom. Manh thin dhēṅ ba dhiēēth abi cəl Wēn Nhialic.

36 Ku dēt akīn aya, molēn Elithabeth cī dhiap aci meth jəl yök cäk a wäär ye ye tiṅ ke cīt cī rol. Päike aa dātem emēn.

37 Rin ṅic Nhialic kāṅ looi ebēn. Acin kē gök ye.”

38 Go Maria lueel, “Yen alony Bānyda, abi looi tēnē ya cimēn wētdu.” Go atuny Nhialic jəl.

Maria aci Elithabeth la neem

39 Nawēn nīn lik cök, ke Maria lööny dhöl ke cīn gāau bi la pan yi Dhäkaria rëer tēthōny pan Judia.

40 Ku ler pan Dhäkaria ku muōth Elithabeth.

41 Kaam wēn piṅ Elithabeth Maria ke muōth ye, ke manh liēc yen riāṅ yeyic. Ku go Wēi Nhialic guō lööny yeguōp.

42 Ku lueel röldit tēnē Maria, “Yin aye leec diäär yiic ebēn, ku lec manh yānydu.

43 Yenō thieek yayic abi man Bānydiē ya bēn neem?”

44 Kaam wēn piṅ yen yiröl yi muōth ya, ke manh tō yayic mit puōu ku le nyooṅ-nyooṅ.

45 Yin amit guōp rin cī yin wēt Bānyda gam, lən bi wēt cī lëk yi rot tiēṅ!”

Waak Maria

46 Go Maria lueel, “Yin Bānyda yin apiaany ṅapuōu,

47 ku yen aci puōu miēt tēnē Nhialic pīr yen,

48 rin cī yen aluōnyden cie kuēēc nhom liec.

Ku akölē le tuēṅ, riēēc ebēn abā leec rin cī Nhialic yen dāc,

49 rin cī Nhialic Madhəl kädit looi tēnē yen.

Yen aril ku adhēṅ.

50 Ku yeen alir puōu tēnē kuat raan ebēn, kuat riōc ē yeen.

51 Nhialic aci kəc bāṅ nhiam thiāi pinynhom kōṅden ril.

52 Ku aci bāny ril piēk piny thöcken nhīim, ku jət kəc cīi nhiam cie kuēēc nhīim nhial.

53 Ku ee kəc ṅōṅ wic kāṅ, yiēk kajuēc ku nyiēṅ ajieek.

54 Ku aci wētden cī thōn wārkuān dīt tiēṅ nhom

ku kony aluōnyke, kəc Itharel.

55 Cimën wäär cī yen ye lək wärkuan dīt,
Abaram ku mīth cī lək dhiëeth!”

56 Ku jəl Maria rëer kek Elithabeth təcīt
pëi kadiäk ku dhuk panden.

Joon aci dhiëeth

57 Nawën ke pëi Elithabeth thök, ku
dhiëeth manh moc.

58 Nawën piñ kəc akeu nhom ku kəc ruäai
ke ye lən cī Nhialic ye lieec, ke mit puöth
apei.

59 Nawën aköl ye nīn bät, ke kəc bö bī
meth bēn ηoot. Ku wickē bik cäk rin wun
Dhākaria.

60 Go man kuc ku lueel, “Acəl Joon.”

61 Gokē lueel tēnē ye, “Acīn raan ruäai ke
we cī cäk ē rinkä.”

62 Ku nieukē wun nyin, ku thiëckē tē bī
yen meth cäk thīn.

63 Go Dhākaria agen gētget cəl ku gēt,
“Acəl Joon.” Gokē gāi ebēn.

64 Ku kaam thiin awēn ke go ηiēc jam ku
leec Nhialic.

65 Go kəc thiäak ke ke gāi, ku thiēi wēlkā
pan Judia yic, ku ye kəc ebēn jam ē ke.

66 Ku kuat raan cī wēlkā piñ ē gāi ku lueel,
“Manhē, bī jāl yiëndē aköldä?” Rin ē yic, riel
Bānyda arëer kek ye.

Waak Dhākaria

67 Go Wēi Nhialic lööny Dhākaria guöp, ku
lueel maany cī Nhialic nyuöth ye elä,

68 “Lecku Bēny, Nhialic Itharel! Rin cī yen
bēn bī kacke bēn luök.

69 Ku cəl raan pīr yo atul yön Debit
aluonyde.

70 Wētde aci kəc kärke tīñ lueel thεεr,

71 lən bī yen yo kony alεikua ku kəc man yo.

72 Acī Nhialic lueel lən bī yen wärkuan dīt
lieec,
ku muk lōñ ē döör cī yen mäath dām ke ke
nhom.

73-74 Cīmēn cī yen mēl kuēñ tēnē Abaram
wädītda,

ku thōn lən bī yen yo kony alεikua,
yok aabī kēde ya looi ke cīn diεεr,

75 tē yer yok puöth ku lok cök yenhom
akölaköl tē pīir yok.

76 Ku yīn manhdiē, yīn abī ya raan kāk
Nhialic tīñ,

yīn abī la tuēñ yenhom ba dhöl la guir tēnē
yeen.

77 Ba lək kəc tē bī kek pīr akölriëec ebēn yök
thīn,

tē pēl adumuöömken piny.

78 Nhialic alir puöu,

ku yen abī raan cīt ruel cəl abö pinynhom.

79 Ku yeen abī ruel tēnē kəc tō muööth yic,
rëer thou yic, bik dhöl ye kəc döör ke Nhialic
jäl yök.”

80 Ku Joon aci jāl dīt ku yīk Wēi Nhialic riel
dīt. Ku pīir roor tē cīi ceñ ē rot yet aköl tul
yen Itharel nhom.

2

Jethu aci dhiëeth

(Mk 1:18-25)

1 Bēnyñaknhom cəl Cithēr ecī wēt lueel bī
kəc bēi mac ke kueen.

2 Ku kēn yen ē tē jöök kuēn ē kəc rot tēwäär
ye Kuirino bēny pan Thiria.

3 Go raan ebēn la bī la göt rin, ηek pan
wundit ku ηek pan wundit.

4 Go Jothep jāl Nadharet tō Galilia bī la
gen Bēnyñaknhom Debit, tō pan Judia cəl
Bethalem, rin ye yen raan dhiēnh Debit.

5 Acī la bik rienken la göt kek Maria wic
kacken bik gām ye, ku ē liac.

6 Tēwēn rëer kek Bethalem, ke nīn bī
Maria dhiēth thök.

7 Ku dhiëeth wēnde, ku der kōu alath ku
tēu diaany yic wēn liū tēnē anīin yön jööl.

8 Ku kəc biöök aake rëer pan wēn, ku aake
ruu tiēt ē thäkken.

9 Kaam wēn ka atuny Nhialic tul kelöm
ku ruel yer Nhialic keköth bī ke riaal. Gokē
riöoc apei.

10 Go atuny Nhialic lək ke, “Duökkē riöc,
ee wēt path yen alək we, wēt bī thāi ebēn
puöth miet thīn.

11 Rin akölē, gen Debit tēn, Bēny Pīr kəc
aci dhiëeth, ku yen ē Raan cī Nhialic ləc ku
döoc.

12 Ku abäk ηic kēlä, wek aabī meth yök,
manh cī der kōu alath, ku aci tōöu gəl cök.”

13 Kaam awēn ka atuuc juēc kök met röt
thīn ku leckē Nhialic ku luelkē,

14 “Yeku Nhialic door, Acieñ tō nhial,
ku döör pinynhom tēnē kəc nhiεεr.”

15 Nawën cī atuuc juëckä dhuk nhial, go
kəc awēn lueel kamken, “Lok Bethalem

buk kāk cī lēk ɣo la tīŋ, ku kāk cī Bānyda nyuōth ɣo.”

¹⁶ Gokē la ke ban kekōth, ku yökkē Jothep kek Maria ku Meth ke cī tāāu ɣal cōk.

¹⁷ Nawēn tīŋ abiōk meth, ke lēk kōc ēbēn kāwēn cī atuny Nhialic lueel ē rienke.

¹⁸ Go kōc cī wēl kōc abiōk piŋ ɣāi apēi.

¹⁹ Go Maria wēlkā ēbēn piŋ apath, ku muk ke yepuō.

²⁰ Go kōc abiōk awēn dhuk ke lec Nhialic, rin kāk cīk piŋ ku tīŋkē ke, kecīt tēwāār cī atuny Nhialic lēk ke.

Jethu acī cāk

²¹ Nawēn akōl ye nīn bēt, akōl yen bī ye ɣoot, go cāk ke cōl Jethu, rin wāār kek cī atuny Nhialic lueel wāār ɣot kēc Maria liēc ē ye.

Jethu acī ɣāth luanj Nhialic

²² Nawēn cī nīn thiārɣuan thōk cīt lōŋ Mothith, ke Jothep kek Maria la luanj Nhialic Jeruthalem bīk meth la nyuōth,

²³ cīmēn lōŋ cī Mothith nyooth thēer ēlā, “Manh moc, ku ye kaai abī juēr Nhialic.”

²⁴ Ku keek aya aacī kuōr karou juaar cīmēn lōŋ Bēny.

²⁵ Ku mony cōl Thaimon ē ciēŋ Jeruthalem, ku ē raan path apēi ku ē riōc Nhialic. Ku ē tit Raan Pīr kōc Itharel, ku Wēi Nhialic ē tō yeguōp.

²⁶ Ku ēcī Wēi Nhialic lēk ye lōn cīi yen bī kaŋ thou, tē kēc yen Raan cī Nhialic lōc ku dōc kaŋ tīŋ.

²⁷ Nawēn ɣēth Maria ku Jothep Jethu luanj Nhialic, bīk kē ye lōŋ Mothith lueel la looi, ke tēū Wēi Nhialic Thaimon puōu bī la luanj Nhialic aya.

²⁸ Go Thaimon Jethu jōt ku leec Nhialic ku lueel,

²⁹ “Ee yīn Bēny, yīn acī wētdu tiēŋ nom, jōl aluōnydu puōl bī jāl, ke cī la lāŋ.

³⁰ Tē bī yīn kacku kuōny thīn aca tīŋ nyiēnkiē,

³¹ ku aca guiri thēi nom

³² ku ee piny mer bī kōc cie kōc Itharel kāŋ tīŋ

ku bī Itharel thāndu aleec thīn.”

³³ Kaam wēn kēēc Jothep kek Maria ke cī ɣāi wēl lueel Thaimon rin meth Jethu,

³⁴ go Thaimon ke dōc ku lueel tēnē Maria, “Yen manh kēnē acī Nhialic lōc bī kōc juēc Itharel muōr ku piīr kōc kōk. Ku yeen abī ya raan bī wēt Nhialic nyuōth, ku abī kōc juēc wēl rēc aa luēl yeguōp.

³⁵ Ku yīn Maria, yīn abī reem puōu ciēt yī cī gut pal, bī wēt tō kōc juēc puōth jāl ɣic thīn.”

³⁶ Ku tīŋ kāk Nhialic tīŋ cōl Ana ē tō thīn, ku ē ye nyan mony cōl Panuel, raan dhiēn cōl Acer kuat Itharel yic. Ana ēcī dhiōp apēi, ku ēcī thiaak ku rēer kek muōnyde run kadhorou ku thou muōnyde.

³⁷ Ku jōl Ana lōk rēer ke ye lēer ruōōn thiārbēt ku ɣuan. Ēcie jāl luanj Nhialic, ē ye cool ku ruu ke loi kāk Nhialic, ku rōōk ku theek miēth.

³⁸ Ku akōlē guōp acī rot māt kōc wēn, ku leec Nhialic ku lueel wētde rin meth, tēnē kōc ye tiit lōn bī Nhialic thānden Itharel wēer bei.

Jethu acī dhuōk Nadharet

³⁹ Nawēn cīk kēriēc ēbēn jāl looi cīmēn lōŋ Nhialic, ke Maria ku Jothep dhuk Galilia Nadharet panden.

⁴⁰ Ku jōl Jethu dīt ku ril apēi, ku ɣic kāŋ ku dōc Nhialic.

Jethu ē tō luanj Nhialic

⁴¹ Ruōōn ēbēn Jothep kek Maria aake ye la Jeruthalem rin Yandīt Ayum cīn yic luōu.

⁴² Nayōn cī run Jethu jāl aa thiāār ku rou, ke cath ke ke bīk la yai yic Jeruthalem.

⁴³ Nawēn cī yai thōk ke dhuk ciēn, ku kuckē lōn cī Jethu dōŋ geeu,

⁴⁴ ē cīk tak lōn ciēth yen ke kōc kōk, ku ciēthkē ɣet thēi. Nawēn ke wīckē kam kōc ruāāi ke ke ku kōc ɣickē.

⁴⁵ Nawēn cīk yōk, gokē dhuk Jeruthalem bīk bēn la wīc thīn.

⁴⁶ Na akōl ye nīn diāk, ke jōlkē yōk luanj Nhialic Jeruthalem, ke cī nyuc kam kōc piōōc lōōŋ Nhialic ke piŋ wēlken, ku yeke thiēc.

⁴⁷ Go kōc ēbēn ɣāi wēn piŋ kek ye ke jam cīmēn raan ɣic kāŋ apēi, ku tē bēer yen wēlken aya.

48 Nawën tînkë manhden ke gëi ku lueel man, “Yenö manhdië looi yîn kënë tënë yo? Yîn acuk wïc apeî yok wuur.”

49 Go lëk ke, “Yenö wiëckë ya? Kuöckë lön dhil yen käk ë Wä looi?”

50 Ku aa këc wët cî lueel deet yic.

51 Go Jethu jäl ke ke ku dhukkë Nadharet, ku jölkë ceñ ke ye wëlken piñ, ku jöl man kakkä muk yepuöu.

52 Ku jöl Jethu dit ku ñic këñ apeî. Ku Nhialic ë mit puöu tënë ye, ku yen lön këc aya.

3

Piöoc ë Joon raan këc muöac nhüim (Mt 3:1-12; Mk 1:1-8; Jn 1:19-28)

1 Yön yen ruöön thiäär ku dhiëc ke Tiberiöth ye bëny, ku Pilato ke ye bënydit mac Judia, Antipäth Yërot ë ye bëny Galilia ku Pilipo wämënh ë mac Ituria kek Trakoni-tith, ku Lithaniath ë ye bëny Abilene,

2 ku Anath kek Kaipa aake ye bënydit käk Nhialic. Tëënë, ke Nhialic lëk wët Joon wën Dhäkaria tö roor.

3 Go Joon bëëi tö wär Jordan yöu kueny yiic ke wëet këc, “Pälkë luoi kërec, ku calkë röt aa muöc nhüim, rin bi adumuömkun päl piny tënë we.”

4 Cîmën cî ye göt athör Ithaya yic raan käk Nhialic tîñ ëlä, “Raan kakkë tîñ abi këcît löör gut yic bi yen këc caal tède ë rot, ku lëk keek ëlä, ‘Guiërkë dhël ë Bëny, luöikë dhölke bîk la cök.

5 Thönykë yön la tiäm piny ku dhuökkë yön thöny nhüim piny, ku cökkë dhël cie yic neer, ku thöñkë dhöl la yiic ñony nhüim.

6 Ku raan ëbën, abi tē ye Nhialic yook luäk thîn tîñ!’ ”

7 Ku lëk këc juëc bö tënë ye bi ke bën muöac nhüim, “Awek dhiënh këpieny! Yenja lëk we bäk kat kërec bö?”

8 Luöikë käk ye nyooth lön cî wek muöl kërec yakë ke looi. Ku duökkë wepuöth tön ku luëlkë yok aa mîth Abaram. Alëk we lön alëu Nhialic bi aleelkä cöl aaye mîth Abaram.

9 Ku ëmën yëp aci ther bi ke tiim yep, rin na ye tim cie luök, ka yep ku cuet ë mëc.”

10 Go thän awën Joon thiëec ëlä, “Na ye këya, buk nõ looi?”

11 Go Joon bëër, “Raan la alëth karou, adhil tök yiëk raan cîn alath, ku raan la miëth adhil looi këya.”

12 Go këc ajuër kut bën tënë ye aya bi ke bën muöac nhüim, ku thiëckë, “Raan piöoc buk nõ looi?”

13 Go lëk ke, “Duökkë wëeu ye lööm ë ruëeny tënë këc.”

14 Go apuruuk bën ku thiëckë ëlä, “Na yook, buk nõ looi?” Go lëk ke, “Duökkë këc ye rum, ku duökkë këc ye gaany wët ë lueth, ku yakë puöth la yum ariöpdun yic.”

15 Go ñäthden jäl dit, ku yekë tak lön nadë ke mony abi dhël a Raan cî Nhialic löc ku döc.

16 Go Joon lëk ke ëbën ëlä, “Wek aa ya muöac nhüim piü ë path, ku raan dit ku ril apeî tënë ya abö, raan na cök aa warke ka cä lëu ba ke döc. Ku ë yic yen acii path ba lëu, ba ya aluonyde. Ku yeen abi këc kök weyiic muöac nhüim Wëi Nhialic, ku muöac këc kök nhüim ë mac.

17 Yeen acit raan muk lök këm ye rap kööm, bi rap tek thook kek miël. Ku wiiu rap ku töu ke. Ku yöot miël many cie thou.”

18 Wël köc cit kakkä aaci Joon lëk këc apeî bi yen Wët Puöth Yam piöoc thîn.

Joon raan këc muöac nhüim aci mac

19 Ku Joon ëcî Antipäth Yërot, bëny Galilia jääm guöp kërec apeî, rin cî yen Yërodia tîñ wämënh rum bi ya tiende, ku looi käjuëc rec kök aya.

20 Go Antipäth Yërot Joon mac, ku kënë ë kërec dët cî mat këracken cî looi yiic.

Jethu aci muöac nom (Mt 3:13-17; Mk 1:9-11)

21 Nawën cî thän awën muöac nom ëbën, ku Jethu ke cî muöac nom aya. Kaam wën röök yen ke nhial liep rot.

22 Ku bö Wëi Nhialic yenhom kecît kuur ë dit. Ku piñ röl Nhialic nhial ke lueel, “Yîn ë manhdiën nhiaar. Yen amit puöu kek yi.”

Kuat Jethu
(Mt 1:1-17)

23 Wäär jock Jethu piöcde cök, ke ruönke aake ye thiärdiäk.
Ku ë ye raan ëbën tak lön ë yen wën Jothep, wäär wën Yeli,
24 wën Mathat, wën Lebï, wën Melki, wën Janai, wën Jothep,
25 wën Matathia, wën Amoth, wën Nayum, wën Ethli, wën Nagai,
26 wën Manth, wën Matathia, wën The-
mein, wën Jothek, wën Joda,
27 wën Joanan, wën Retha, wën Dheruba-
bel, wën Cealtiel, wën Neri,
28 wën Melki, wën Adi, wën Kotham, wën
Elmadam, wën Er,
29 wën Jocua, wën Eliedher, wën Jorim, wën
Mathat, wën Lebï,
30 wën Thaimon, wën Juda, wën Jothep,
wën Jonam, wën Eliakim,
31 wën Meliea, wën Mena, wën Matatha,
wën Nathan, wën Debit,
32 wën Jethe, wën Obet, wën Boath, wën
Thalmon, wën Nacon,
33 wën Aminadap, wën Admin, wën Arni,
wën Yedhron, wën Peredh, wën Juda,
34 wën Jakop, wën Ithäk, wën Abaram, wën
Tera, wën Nayör,
35 wën Theruk, wën Reu, wën Pelek, wën
Eber, wën Cela,
36 wën Kainan, wën Arpakcat, wën Cem,
wën Noa, wën Lamek,
37 wën Methuthela, wën Enok, wën Jaret,
wën Malaleel, wën Kenan,
38 wën Enok, wën Theth, wën Adam wën
Nhialic.

4

Jethu aci jönrac them
(Mt 4:1-11)

1 Go Jethu jäl wär Jordan ke cï Wëi Nhialic la yeguöp, ku yëth roor tē cïi ceñ,
2 tē cï jönrac ye bën la them thïn nïn thiärñuan. Ku ëcie mïth ë ninkä yiic ëbën, nawën cik thök ke jöl cök nök.
3 Go jönrac rot cuët ye ku lueel, “Na ye Wën Nhialic ke lëk aläl kënë bï ya ayup.”
4 Go Jethu bëër, “Acï göt thëer ëlä, ‘Raan acie pïr ayup ë rot.’ ”

5 Go jönrac yäth tēthöny, ku nyuth bëëi pinynhom ëbën nyin yic.

6 Ku lueel tēnē ye, “Käkkä ëbën aaci gäm ya, ku alëu ba ke gäm raan ca tak.

7 Këya, na dor ya ka bï ya käcku ëbën.”

8 Go Jethu bëër tēnē ye, “Acï göt ëlä, ‘Yin abi Nhialic Bänydu door ku loi wētde yetök!’ ”

9 Go jönrac yäth Jeruthalem, ku tēü luan Nhialic nom ku lueel, “Na ye Wën Nhialic ke yï cuët rot piny tēmec kënë,

10 rin ëci göt ëlä Nhialic abä atuöccke lëk bïk yï tiit,

11 ku mukkë yï kecin, ba yïcök cïi cök dëeny aläl.”

12 Go Jethu bëër, “Acï lueel thëer ëlä, ‘Duk Nhialic Bänydu them ë path.’ ”

13 Nawën cï jönrac Jethu jäl them ë dhölkä yiic ëbën, ke nyiëñ piny ku pël kaam koor.

Jethu aci luöide jock Galilia
(Mt 4:12-17; Mk 1:14-15)

14 Go Jethu ke tō Wëi Nhialic yeguöp, dhuk Galilia. Go guo piñ Galilia ëbën,

15 rin piöcde tē ye kóc Itharel kenhïim mat thïn, ee ye leec raan ëbën.

Kóc Nadharet aa kēc Jethu gam
(Mt 13:53-58; Mk 6:1-6)

16 Go Jethu jäl tēden awën ku ler genden Nadharet tēwäär muk ye thïn. Nawën aköl lön, ke la tēn amat kóc Itharel cït tē ye luöi ye akölaköl. Nawën jöt rot bï wēt Nhialic kueen,

17 ke gëm athör Ithaya, raan käk Nhialic tïñ. Go athöör pet yic ku yök tē cï ye göt thïn këlä,

18 “Wëi Nhialic atō ke yën rin acä löc, ba Wēt Puöth Yam lëk kóc nön. Bëny acä tooc

ba lëk kóc cï loony ku kóc mac, ku kóc rëer wïn jönrac yic,

lön bï keek lony, ku lön bï kóc cï cöer ben daai,

ku ba lääu nom tēnē kóc gum, bën lëk keek.

19 Ku ba ruöön bï Nhialic kóc bö tēnē yeen döc, bën lëk keek.”

20 Ku mat Jethu athör yic ku gëm ku nyuuc. Go kóc ke tō amat yic kenyin wël ye ëbën.

21 Go Jethu lëk ke, “Wët cäk piñ ca kueen athör thæer wël Nhialic yic acie nom tiæn ya aköl.”

22 Go kəc ke tã thïn gäi ebën ku leckë rin wël puath cï lueel. Ku yekë röt thiëc ëlä, “Kënë, lëu bi rot looi kädë, yeen cie wën Jothep?”

23 Go Jethu bëër, “Ee yic, wek aaba lëk kääñ ye lueel ëlä, ‘Akïim kəñ rot cəl apuəl,’ Ku abäk lëk ya ba käk cäk piñ ke ca looi Kapernaum, looi aya genda ë tən.

24 Ku le tuen ku lueel, ‘Acin kəc käk Nhialic tiñ ye wël yekë lueel gam panden.’

25 Ku cimën ñic wek ye lön cï Elija, raan käk Nhialic tiñ, tiñ lëer cəl Dharepath kony.

26 Ku Dharepath ë ye tiñ wundët cəl Thidon. Ku diäär lër Itharel aake wïc kuöny wäär nek cək kəc, rin kəc deñ tueny run kadiäk ku abak bi cək dit apeï pan Itharel. Ku Elija akëc bën tuöc ke.

27 Ku dët aya, wäär ye Elica raan käk Nhialic tiñ, kəc juëc cï tuet aake tã pan Itharel, ku acin atuen tön cï Elica bën kony, aci bën la kony Naman raan pan Thiria.”

28 Go kəc ke tã tən amat puath riääk ebën wën piñ kek wëlkä,

29 ku jatkë röt ku göömkë piny. Ku yëthkë ayeer geeu ke yekë pik bik yet gət nom tã cï geu buh thïn, ku yëthkë agala nom rin wïc kek ye bik la piëk wïir.

30 Go bak keciel yiic ku jiël.

Jethu ala riel ë yen jəñrac cuəp wei (Mk 1:21-28)

31 Go Jethu la Kapernaum gen tã Galilia, tã ye yen kəc piöc thïn aköl cïi kəc Itharel ye luui.

32 Ku piöcde ëcï kəc göi ë tən aya, rin käk ye lueel aa wël yith ye nyuöth lön le yen riel Nhialic.

33 Nayon akäl tøk tēwën piöc yen, ke raan tã kam kəc tən amat, ke la guöp jəñrac jam ke cï yeröl jot apeï ëlä,

34 “Yenö wïc tēnë yo Jethu raan gen Nadharet? Ca bën ba yo bën rac? Yin anjæc, yin ë raan puath la cök bö tēnë Nhialic.”

35 Go Jethu jəñrac duöm thok piny, “Bietë, ku bäär bei yeguöp.” Go jəñrac mony awën

wiet piny kenhïim ku biï bei yeguöp ke cïn tëtök cï yiëk ye.

36 Go kəc gäi apeï ku thiëckë röt, “Yenö kënë? Ye piöc yam kek riel Nhialic. Mony kënë ala riel ye yen jak yök ku gamkë wëtde aya.”

37 Go læc ku piathde guö thiëi baai yic ebën.

Jethu aci kəc tuany kony (Mt 8:14-17; Mk 1:29-34)

38 Kaam awën jiël yen tēnë amat kəc Itharel ke la pan yï Thaimon. Go man tiñ Thaimon yök ke cï juäi göök, gokë lëk Jethu.

39 Go la ku këc yelööm tēwën cï yen tãc thïn ku yök juäi bi jäl. Go juäi guö päl piny ku looi miëth tēnë ke.

40 Ye thën kënë, wën cï aköl lööny piny, ke kəc guëer kek kacken tuany tēnë Jethu, ku tēu yecin kenhïim, gokë pial ebën.

41 Ku bö jakræc bei kəc juëc gup ke dhiau ëlä, “Yin ë Wën Nhialic.” Go Jethu ke yök bik cïi jam, rin ñic kek ye lön ye yen Raan cï læc ku dæc.

Jethu ë kəc Galilia lëk wët Nhialic (Mk 1:35-39)

42 Nayon nhiäk riel, akëc piny bak ke Jethu jiël baai ku le tēde ë rot. Go kəc juëc la wïc. Nawën lek yök, gokë lön bi rëer Kapernaum ku cïi ke nyiëñ piny.

43 Go bëër, “Yen adhil Wët Puath Yam rin bääny Nhialic la piöc bëi kök yiic aya, yen ë kën tuuc ya ba bën looi.”

44 Go pan Galilia kuany yic ke piöc kəc tən amat.

5

Kəc cï Jethu kañ buöth (Mt 4:18-22; Mk 1:16-20)

1 Yon akäl tøk tēwën piöc Jethu wär cəl Jenetharet you, ke kəc juëc apeï wët bik wët Nhialic bën piñ.

2 Go riäth karou tiñ agör you ke cï amëi nyään piny ku jiëlkë bik biaiken la thuak.

3 Go Jethu thuæt riän tøk yic, ku ë ye riän mony cəl Thaimon, ku lëk ye bi piëk wïir tēthin-nyöat. Ku jəl nyuc riäi yic ku piöc kəc.

4 Nawën cī thök ë jam, ke lëk Thaimon, “Γεερkë riäthkun tēthiän ku cuatkë biaikun bäk rec däm.”

5 Go Thaimon bēer, “Bēny, γok aaci ruu mäi wën akōu ku acin kë cuk däm. Ku na ca lueel, ka buk cuat.”

6 Ku cuatkë buoi. Gokë rec juēc apei däm abī buoi yiic duēr ræt.

7 Gokë amēiken kōk tō riän dēt yic cōl bīk ke bēn kony. Gokë bēn, ku tekkë rec riäth karou yiic ku thiēnkë kedhie abīk duēr diir.

8 Nawën tīj Thaimon kë cī rot looi, ke gut yenhiäl piny Jethu nhom ku lueel, “Bēny, jäl tēnē γa, γen ë raan la guöp adumuööm.”

9 Rin yen Thaimon, ku kōc awën mēi kek ye aake cī gāi rec juēc cīk däm.

10 Ku kōcken cath kek ye Jemith ku Joon, wēt Dhubedi, aake cī gāi aya. Go Jethu lëk Thaimon, “Duk riōc, emēn le tuej aa kōc kek aaba ya däm.”

11 Gokë riäth γōc wär thok aγeer, ku nyiēnkë kēriēc ebēn piny ku buōthkë Jethu.

Jethu acä atuet cäl apuäl

(Mt 8:1-4; Mk 1:40-45)

12 γōn akäl tōk Jethu ecī la keny gen dēt, ku raan cī tuet ë tō thīn. Nawën tīj Jethu ke gut yenhiäl piny ku lēj, “Bēny anjiec alēu ba γa kony ba pial, kony γa.”

13 Go Jethu nāän nyinde tīj ku wic bī kony. Ku jōt yecin ku gōt ku lueel, “Awiēc, piaalē!” Kaam thiin awën ke tuet jiēl.

14 Ku cäl Jethu ajiēl ku thōn apei, “Duk kēnē la lëk raan dēt. Lōr ku nyuōth rot raan kāk Nhialic, ku bī caath, ku juar kāj cīt tē ye lōj Mothith ye luēl thīn, bī raan ebēn njic lōn cī yīn pial.”

15 Ku tēwën cī Jethu ye cak thōn kēya, ke wēt go thiēi piny abī kōc juēc aa guēr tēnē Jethu bīk piōcde bēn piñ, ku kony ke bīk pial.

16 Ku ye la tēde ë rot tē cīn yic kōc ë rēer thīn bī la rōök.

Jethu aci raan cī ruai kony

(Mt 9:1-8; Mk 2:1-12)

17 Naγōn akäl tōk, ke kōc kōk akut Parathī, ku kōc piōc lōōj nyuc bīk piñ tē piōc Jethu kōc thīn. Ku aake bō bēi yiic Galilia ku Judia ku Jeruthalem. Ku Nhialic ecī Jethu yiēk riel bī kōc tuany kony.

18 Kaam wën ke kōc bō ke ket raan aduany alom. Ku wic kōc awën ket ye bīk γäth γōt tēnē Jethu.

19 Nawën cīn tē γēth kek ye tēnē Jethu rin cī γōt thiän kōc, gokë la nhial ku nanykë γōt nhom lōj awën rēer Jethu thīn. Ku luēckë raan aduany piny kek biōjde yenhom.

20 Ku wën tīj yen gamdit tō ke ke, ke lueel, “Mäthdiē, adumuöömku aaci päl piny.”

21 Go kōc piōc lōōj kōc Itharel ku kōc akut Parathī wën rēer thīn, jäl tak ku luelkë kepuōth, “Yenja kēnē Nhialic jāam guöp kēlä? Yenja adumuööm päl piny, ee Nhialic ë rot.”

22 Go Jethu kāk yekë tak guō njic ku lueel, “Yenjö ye wek ye tak lōn lueel γen lueth?”

23 Ye kēnen puäl yic kākä yiic ba lueel, ‘Adumuöömku aaci päl piny’ tēde ke luēl, ‘Jōt rot ku cathē?’

24 Ku aba nyuōth we emēn lōn le Manh Raan riel pinyhom bā adumuööm päl piny.” Ku lëk raan aduany, “Alëk yī, jōt rot ku kuany biōjdu ku lōr baai.”

25 Go rot jōt nyin yic kenhūim ke dēi kek ebēn, ku kuany biōjden awën cī ye tāac thīn, ku ler baai ke lec Nhialic.

26 Ku jōl kuat raan tō thīn ebēn gāi ku riōckë. Ku leckë Nhialic ku luelkë, “γok aaci kēdiit jāj gōi tīj ya akōl.”

Jethu aci Lebī cōl

(Mt 9:9-13; Mk 2:13-17)

27 Nawën ke Jethu jiēl geeu, ku tēwën ciēth yen ke tīj raan ajuēr kut cäl Lebī ke rēer tēden ë luōi. Go Jethu lëk ye, “Buōth γa.”

28 Go Lebī luōide puäl ku buōth.

29 Nawën ke Lebī loi miēth paande bī yen Jethu gōj. Go kōc juēc bēn, kōc ajuēr kut ku kōc kōk, ku nyuuckë ke ke bīk mīth.

30 Go kōc akut Parathī ku kōcken piōc lōōj la nōomnōom ku luelkë tēnē kōc Jethu buōth, “Yenjö ye wek mīth ku dēkkë kek kōc ajuēr kut, ku kōc la gup adumuööm?”

31 Kaam wën piñ Jethu ë wēt kēnē, ke lëk ke, “Acie kōc puäl kek akūim wic, aa kōc tuany.

32 γen akēc bēn ba kōc ye tak lōn puōth kek bēn kony. γen aci bēn bī kōc rec la gup adumuööm kepuōth dhuōk ciēn.”

*Wët löŋ thek ë miëth
(Mt 9:14-17; Mk 2:18-22)*

³³ Gokë bën lueel tēnē ye, “Kac Joon buoath aa lac thek ë miëth ku röökkē. Ku aye kac akut Parathī buoath looi aya, ku kockun yī buoath aa mīth ku dēkkē.”

³⁴ Go Jethu bēer ku lueel, “Yakē wic bī kac cī bēn ruāai yic rēer ke cīi mīth? Acie tēde! Na rēer raan thiēk ke ke, ka cik loi kēya.

³⁵ Aköl bī athiēek dām ku nyiēei keyiic, yen aköl bī kek thek.”

³⁶ Ku ben Jethu kāāŋ dēt bēn thōōth aya tēnē ke, “Acin raan bī aban alath rēt wei alanh yam kōu bī la buōp ë dhiāth alath kōu.

³⁷ Ku acin raan bī muōn abiēc ë yam puōk tōny thēer yic. Na looi kēya, ke muōn abiēc yam abī tōny puōt yic, ku muōn abiēc abī luuŋ wei ku tōny abī kuem.

³⁸ Acie kēya, muōn abiēc yam adhīl puōk ë tōny yam yic.

³⁹ Ku acin raan wic bī muōn abiēc yam dek tē cī yen muōn abiēc cī ceŋ kaŋ dek, abī lueel, ‘Muōn abiēc cī cien aŋuēēn.’”

6

*Jethu acī kuc löŋ aköl löŋ kac Itharel
(Mt 12:1-8; Mk 2:23-28)*

¹ Naŋon aköl cīi kac Itharel ye luui, Jethu kek kacken ye buoath aake cath ke kuany dhēl yic kam dum. Go kacken ye buoath rap thoŋ ku koikē ke kecin, ku camkē ke.

² Go kac akut Parathī kōk lueel, “Yeŋö ye wek luui aköl cī löŋdan Itharel pēen bī kac cīi ye luui thīn?”

³ Go Jethu bēer, “Kēckē kē cī Debit looi wāthēer kaŋ kueen? Wäär nēk cōk ye kek kacke,

⁴ go la luuŋ Nhialic ku lööm ayum yaath cī tōō tēnē Nhialic ku ciem, ku gēm kacke aya bīk cam. Ku ayum kēnē ēcī löŋda pēen bī kuat raan ë path cīi cam. Ee raan kāk Nhialic yen ë ye cam ë rot.”

⁵ Ku wit Jethu wētde elä, “Manh Raan ë bēny kēriēec ēbēn agut aköl löŋ.”

*Jethu acī mony cī cin ruai kony
(Mt 12:9-14; Mk 3:1-6)*

⁶ Naŋon aköl dēt, aköl cīi kac ye luui ke Jethu la tēn amat kac Itharel ku piōoc. Ku mony cī cin cuēc ruai ë tō thīn.

⁷ Go kac kōk piōoc lööŋ Mothith, ku kac kōk akut Parathī ke tō thīn wic bīk tīŋ, lōn bī Jethu mony kēnē kony bīk la luōm, rin cī yen ye kony aköl cīi kac ye luui.

⁸ Ku Jethu ë ŋic kē tō kepuōth, go lēk mony awēn cī cin ruai, “Jōt rot ku bāar tuen tēn kac nhīim.” Go bēn ku kēec.

⁹ Go Jethu ke thiēc, “Yeŋö ye löŋda pāl ŋo buk looi aköl cīi kac ye luui? Ye kēpath aye kērac, bī raan kony bī pīr, kua pēl wei bī thou?”

¹⁰ Ku dōt ke ēbēn ku lēk mony awēn cī cin ruai, “Nyoth yicin.” Go yecin nyooth. Go ciēende piath.

¹¹ Tēēnē, go kac ater Jethu puōth riāak apei, ku matkē kē bīk looi tēnē ye.

*Jethu acā atuuc kathiäär ku rou kuany
(Mt 10:1-4; Mk 3:13-19)*

¹² Naŋon akäl tōk ë nīnkā yiic, ke Jethu la gōt nhom tē cīi ceŋ bī la röök, ku jōl ruu röök tēnē Nhialic.

¹³ Nawēn bak piny ke cōl kacken ye buoath, ku kuany raan thiäär ku rou keyiic ku ciēk ke ke cōl atuuc.

¹⁴⁻¹⁶ Kac ke cī kuany ayī, Thaimon (cī Jethu bēn cāk ke cōl Pīter), Andria (mēnh koor ë Thaimon), Jemith, Joon, Pilipo, Bartholomeo, Lebī, Thomath, Jemith wēn Alpawuth, ku Thaimon (raan la puōu ater), Juda wēn Jemith ku jōl a Juda Ithkariōt, raan wäär cī Jethu bēn luōm bī dām.

*Kac juēc aa Jethu buoath
(Mt 4:23-25)*

¹⁷⁻¹⁸ Go Jethu bēn piny ku kēec tēthōŋ nhom gōt cōk kek kacken ye buoath, ku kac juēc kōk ke bō Judia ku Jeruthalem. Ku kac bēēi kōk tō wārköu cimēn Tire ku Thidon, aake cī bēn bīk bēn piŋ piōoc Jethu, ku bī ke bēn kony tueny tō kegup. Ku kac ke la gup jakrēc aake cī bēn aya go Jethu ke kony.

¹⁹ Ee wic kuat raan ēbēn bī gōt, rin riēl yen kac kony bīk pial ë ye yōk yeguōp ë path tō cī ye gōt.

*Kēŋ miēt ë puōu ku rēec ë puōu
(Mt 5:1-12)*

²⁰ Go Jethu yenhom wël kacken ye buōth ku lueel,

“Wek aa mit gup wek kəc n̄j, rin ye bääny Nhialic kēdun!

²¹ Wek aa mit gup wek kəc n̄k cək em̄en, rin wek aabi kueth aköldä!

Wek aa mit gup wek kəc dhiau em̄en, rin wek aabi däl.

²² Wek aa mit gup tō m̄een week, ku cop week wei ku lat week, ku yekē kuc week ciēt yakē jakr̄ec rin ye wek kackiē ȳen Manh Raan!

²³ “Wäth̄er wärken dīt aake cī kāk cīt kākä looi tēnē kəc kāk Nhialic tīj. Kēya, tē looi kākä röt tēnē week, ke we mit puōth rin wek aabā ariōpdīt yök tēnē Nhialic.

²⁴ Tē r̄ec yen th̄in tēnē week, wek kəc cī jak em̄en,

rin cī wek p̄ir path yök th̄in.

²⁵ Tē r̄ec yen th̄in tēnē week, wek kəc cī kueth em̄en, rin wek aabi cək n̄k.

Ku tē r̄ec yen th̄in tēnē week, wek kəc dal em̄en,

wek aabi t̄ou tīp n̄hom ku dhiaaukē!

²⁶ Ku tē r̄ec yen th̄in tēnē we tē bī kəc eb̄en jam kápath ē rienkun,

rin wärken dīt aake ye jam kēlä,

wäth̄er tēnē kəc aa lueth röt cəl aye kəc kāk Nhialic tīj.

Nhiar kəc man yi

(Mt 5:38-48; 7:12)

²⁷ “Ku wek al̄ek kēnē wek kəc pīj w̄elkiē, Nhiarkē kəc at̄erdun, ku yakē kápath looi tēnē kəc man we.

²⁸ Thiēc Nhialic bī kəc ye w̄ic diēt yī yök k̄erac d̄ooc, ku r̄oök rin kəc yī bui.

²⁹ Tē māj raan yīgēm, ke w̄el gēm dēt aya. Kēya cim̄en ē kēnē, na w̄ic raan alath tēnē yī ke duk p̄en alanh dēt aya.

³⁰ Na w̄ic raan kēdā̄j tēnē yī ke gām ye, ku duk raan cī kēdu nyaai thiēc bī cool tēnē yī.

³¹ Loi kēpath tēnē kəc kāk cim̄en nhīer ȳin kēpath bī looi tēnē yī aya.

³² “Na ye ke nhiaar kəc nhiaar yī kep̄ec, ke yī yök l̄ec Nhialic? Ayī kəc k̄erac looi aa nhiaar kəc nhiaar ke aya.

³³ Ku na ye kápath looi tēnē kəc kápath looi tēnē yī kep̄ec, ke yī yök l̄ec Nhialic? Ayī

kəc k̄erac looi aa kápath looi tēnē kəc nhiaar ke.

³⁴ Ku na ye kēdu gam tēnē raan ye n̄jōth ciēt bī cuōt aköldä, ke Nhialic mit puōu tēnē yī? Agut kəc k̄erac looi aa kākken gām kəc r̄ec kāk cīt ke, rin ye kek ye tak ciēt kākken bī dhuōk ke eb̄en aköldä.

³⁵ Na ye kēya, nhiaar kəc at̄erdu, ku loi kápath tēnē ke. Yakē kākken gam ē path ku duōkkē ye n̄jōth l̄on bī we cuōt. Wek abā acutdīt apei yök. Ku wek aabi ya m̄ith Nhialic Madh̄al, rin alir puōu tēnē kəc eb̄en, agut kəc na cək kēpath looi tēnē ke, ke cīi ke tīj puōth, ku kəc rac aya.

³⁶ Lierkē puōth cim̄en ye Wuurdun puōu lier.

Duōkkē kəc ye luōk wei

(Mt 7:1-5)

³⁷ “Duōkkē kəc ye luōk wei bī Nhialic we cīi ye luōk wei. Duōkkē kəc kāk ye t̄em awuōc bī Nhialic we cīi ye t̄em awuōc. Pälkē w̄et piny tēnē kəc kāk bī Nhialic w̄et päl piny tēnē we.

³⁸ Na ye kəc kāk muōc ke Nhialic abī muōc aya. Abā ath̄emdīt cīi cienku l̄eu b̄ik muk yiek yī, rin kāk ye looi tēnē kəc kāk, kek aabi Nhialic looi tēnē yī.”

³⁹ Ku l̄ek Jethu ke käǟj elä, “L̄eu raan cī c̄or bī c̄or dēt thel? C̄ik l̄eu b̄ik löony adhuōm yic kedhie?

⁴⁰ Ac̄in manh piōoc dīt tēnē raanden piōoc. Ku manh piōoc na le piōocde th̄ol ka cīt raanden piōoc.

⁴¹ Yen̄o ye ȳin k̄erac dīt ye looi kuc, ku ye tīj k̄erac cī w̄amuuth looi?

⁴² Ac̄i l̄eu ba w̄amuuth w̄ēt bī k̄erac thiin ye looi puōl, tē cīi ȳin rot k̄on w̄ēt ba k̄erac ye looi puōl. Aw̄ē̄nkui! Kan̄kē k̄erac yakē ke looi puōl, ku abāk l̄eu bāk w̄amāthkun jāl w̄ēt b̄ik k̄erac thii yekē ke looi puōl.”

⁴³ Ku la Jethu tuen̄j ku lueel elä, “Tim cī cil tēpath acie luōk m̄ith r̄ec, ku tim cī cil t̄erac acie luōk m̄ith path.

⁴⁴ Kēya, tim aye ŋic ē miēthke. Ac̄i l̄eu ba m̄ith tim dēt la kuany tim dēt cök.

⁴⁵ Raan path ē luui kápath, rin kápuōth tō yepuōu. Ku raan rac ē luui k̄erac, rin k̄erac tō yepuōu. W̄el ye ke lueel, aa kāk tō yīpuōu nyuōth.

*Kääñ rin kəc karou cï bëëi keer
(Mt 7:24-27)*

⁴⁶ “Yeñö ye wek ya cəɔl, ‘Bëny, Bëny’ ku wek aa cie kë ca lueel ye looi?”

⁴⁷ Kuat raan ë bën ku piñ wëtdië ku theek ya ku looi,

⁴⁸ acit raan cï yände ñiəc buth tëthöny. Nawën la aboor bën, ku cək piü yöt gööl piny, ku yöt cïi yic cək päk rin cï ye ñiəc buth.

⁴⁹ Ku raan wëlkië piñ ku cïi ya thek bi ke looi, acit raan yöt buth tö ye aboor tëek. Na la aboor bën ke wit yöt!”

7

*Jethu acï raan lui pan bëny apuruuk kony
(Mt 8:5-13)*

¹ Tëwën cï Jethu kënë wïc bi lëk kəc thöl, ke la Kapernaum.

² Ee gen kënë raan lui pan bëny apuruuk ë tuany, ka tiit piny. Ku bëny ë nhia raanden luoi apëi.

³ Nawën piñ Jethu, ke toc kəcđit Itharel bik Jethu la thiëec bi bën bä aluonyde bën kony.

⁴ Gokë la tënë Jethu ku läñkë ku luelkë ëlä, “Apath ba bëny apuruuk kënë kony.

⁵ Anhiar kackua, ku ë yen buth tédan ye yok mat thïn.”

⁶ Go Jethu la ke ke. Ku kaam wën bi yen baai dööt, ke bëny apuruuk toc mähke bik la lëk ye ëlä, “Bëny, duk rot näk cäth rin yën acie raan path nadë ke yi bö atiëmdië yic.

⁷ Ku yën akëc la tënë yi rin ñic yën ye lön ye yën raan rac. Luel wët ë path ku aluonydië abï pial.

⁸ Rin yën aya, yën arëër bänydīt cök, ku yën ala apuruuk rëër yacök. Aya lëk ñek, ‘Ləər!’ Ka la, ku lëk ñek, ‘Bäär tën,’ Ka bö, ku aya lëk aluonydië, ‘Loi kënë!’ Ka looi.”

⁹ Go Jethu gäi wën piñ yen wëlkä, ku wël yenhom thän awën buəth ye ku lueel, “Acin raan ca kañ yök kam kəc Itharel la gam cit gam ë mony kënë.”

¹⁰ Nawën dhuk kəc awën cï tooc baai, ke yok alony bëny ke cï pial.

Wën lëer gen Nain cï thou acï pür

¹¹ Nawën ke Jethu la gen Nain, ku ë cath kek kocken ye buəth ku kəc juëc kək.

¹² Nawën dötkë geu ke räm kek kəc ket raan cï thou. Ku raan cï thou ë ye wän töñ. Ku kəc juëc aake cath kek tiñ lëer kënë.

¹³ Nawën tiñ Jethu tiñ kënë, ke ñeër yic ku lëk ye ëlä, “Duk dhiau.”

¹⁴ Ku lëk kəc bik kəöc ku gəot biöñ awën cï raan kuöm piny, ku lueel, “Riënythii, jət rot.”

¹⁵ Go riënythii awën cï thou rot jət ku jiëm ku cəl Jethu ajiël kek man.

¹⁶ Go raan ëbën riöc ku leckë Nhialic ku luelkë, “Raan kək Nhialic tiñ ril apëi acï tuäl ë kamkua. Ku Nhialic acï bën bi kacke bën luök.”

¹⁷ Ku jəl kë cï Jethu looi piñ raan ëbën pan Judia, ku wuət kək thiääk ke ye.

*Joon acï kacke tuöc Jethu
(Mt 11:2-19)*

¹⁸ Go kəc Joon buəth kəkkih ye lueel rin Jethu lëk Joon. Go kəc karou kamken tuöc tënë Jethu bik la thiëec ëlä,

¹⁹ “Ye yin raan bi bën aye raan dët yen buk tiit?”

²⁰ Nawën yëetkë tënë Jethu ke luelkë, “Joon raan kəc muöc nhïim acï yo tooc buk yi bën thiëec, ee yin raan bi bën aye raan dët yen buk tiit?”

²¹ Ku kaam awën thiëc kek, Jethu ë kony kəc juëc tuany apëi, ku kəc cï jakrəc däm. Ku kəc cï cəər.

²² Go wëtten bëer ku lueel, “Lak ku lëkkë Joon kək cäk tiñ ku kək cäk piñ, cəər acï ben daai ëmën, ku aduany acï ya cath ku kəc cï tuet acï tuet jal kegup, ku miñ acï ya piñ, ku kəc cï thou aaci röt jət. Ku Wët Puəth Yam alëk kəc ñöñ nyin.

²³ Ku raan mit guöp ë raan cie puəu ë rou wëtdië yic.”

²⁴ Nawën cï kəc Joon jäl, ke Jethu jam ku tët kəc Joon, “Ye raan yindë yen cï wek la ror cïi ceñ bäk la tiñ? Ye raan puəl yic ye wel nom ë path cimën ye yom aruöör wel nom?”

²⁵ Ye raan yindë yen cäk la tiñ? Ye raan ceñ alëth path apëi? Kəc ciëñ alëth dhëñ ku yekë müith path cam akölaköl aa kəc pan bënydit.

²⁶ Lëkkë ya, yeñö cäk la tiñ? Ye raan kək Nhialic tiñ. Ee yic. Ku alëk we, yeen adit tënë raan kək Nhialic tiñ.

27 Rin Joon yen aye athör theer wël Nhialic jam rienke ëlä, 'Ÿen abi raan tøk kam kəc kækkië luεεl, cəl alëk kəc bī dhël la guiir tēnē yīin.' "

28 Ku ben Jethu lëk ke ëlä, "Acīn raan kuat kəc cī dhiëeth pinynhom dīt tēnē Joon. Ku yeen aḡot wër raan koor tō bääny Nhialic yic."

29 Kuat kəc cī wëtde piḡ, agut kəc ajuër kut aaci kēpuoḡh looi Nhialic ḡic, ku cəlke röt aa muəəc Joon nhīm.

30 Ku kəc akut Parathī ku kəc piöoc lööḡ Mothith, aaci jai kē wic Nhialic bī guiir tēnē ke, rin cī kek kuac bī Joon ke cī muəəc nhīm.

31 Ku ben Jethu thiëc, "Yeḡo ba thōḡ kek riëec akölë? Thōḡkë kek ḡo?"

32 Keek aa cīt mīth cī kenhīm mat laar yic leḡ kegup, ye lueel ëlä, 'Ÿok aaci waak peth ye keek ket tē looi ruäai ket,

ku wek aa këc dier!
Ÿok aaci kæk ye looi thuəəu yic thōöḡ,
ku wek aakëc dhiau!

33 "Rin Joon raan kəc muəəc nhīm ëcie bëëi kuany yiic ke mīth ku dëk ë məu, ku ayakë lueel, 'Lən le yen guöp jəḡrac!'

34 Ku Manh Raan aci bën ku ye mīth kek kəc ku dëk ke ke, ku ayakë lueel, 'Jethu akok, ku a dëk määu. Ku amäath kek kəc ajuër kut ku kəc la gup adumuööm!'

35 Ku luai puoḡh Nhialic ë rot nyuəəth kæk ye kəc ke buəəth yiic looi."

Tiḡ rac cī jäl piath

36 Naḡon akäl tøk ke raan tøk kəc akut Parathī cəl Jethu bīk la mīth. Go Jethu la pan raan akut Parathī ku nyuuc bī mīth.

37 Nawën piḡ tiḡ adëjöök, ḡic ḡeu yic ëbën, lən cī raan akut parathī Jethu caal paande, ke bö kek tony koor cī cuëec tiəm ril apei, la yic miök ḡir ye ḡəəc wëu juëc apei.

38 Ku le yöt, ku nyuuc Jethu lööm, ku dhiεeu ke cie nhom guöt Jethu cök. Go piü awën dhiεeu yen Jethu luak cök. Goke weec nhimken nhom. Ku ciim cök ku təc cök miök ḡir awën muk.

39 Nawën tiḡ raan akut Parathī wën cī Jethu ḡəəḡ ë kënë, ke jam yetök ëlä, "Na

mony kënë ye raan kæk Nhialic tiḡ, ḡuöt aci tiḡ ye ḡəət ḡic, ye tiḡ yindë, rin adëjöök."

40 Go Jethu wët Thaimon ḡuə ḡic ku lueel tēnē ye, "Thaimon! Ala kë wiëc ba lëk yī. Päl yīyic piny." Go bëër, "Ye kënë ḡo, Raan ë piöoc?"

41 Go Jethu lëk anyiköl kënë, "Monytui ë këny kəc karou. Raan tøk kek wëu ye döm raan ruöön tøk, ku raan dët kek wëu ë pen tøk.

42 Ku akëckë lëu kedhie bīk wëu cool. Go wëu puöl, ku cī ke ben këöny. Na ye yī, yeḡa kamken bī mony kënë nhiaar apei?"

43 Go Thaimon bëër, "Aya tak ë raan cī wëu juëc päl piny tēnē ye." Go Jethu bëër, "Këdu ë yic!"

44 Ku wël yenhom tik ku lëk Thaimon, "Ca kë looi ë tiḡ tēnē ḡa tiḡ? Ÿen aci bën paandu ku yin akëc ḡa yiëk piü ba cök lək. Ku yen tiḡ acä lək cök piuken nyin, ku wuuny ke nhimken nhom.

45 Yin akëc ḡa ciim wën bī ḡen cīt tē ye miäth kəc ë ciεḡda yic. Ku yeen ë ḡa ciim cök ëmën ku ëmën, tëwën rëer ḡen ë tën.

46 Yin akëc ḡa cak lor apath ba təc nhom, ku yeen acä təc cök miök ḡir.

47 Ku alëk yī lən nhiërdit cī nyuəəth thīn aye nyooth aya lən cī adumuöömken juëc päl piny. Rin raan cī kæklik päl piny tēnē ye, ee nhiër koor nyuəəth."

48 Ku lëk tik, "Adumuöömku aaci päl piny."

49 Go kəc awën mīth kek ye aa jieem wei ku yekë lueel ëlä, "Yeḡa kënë jam lən ë yen adumuööm päl piny?"

50 Ku ben Jethu lëk tik, "Gamdu aci kony. Ləər ke döör Nhialic."

8

Diäär ke ye cath kek Jethu

1 Nawën ke jiël, ku kueny ḡεεth yiic ku bëëi ke piöoc Wët Puoḡh Yam rin bääny Nhialic. Ku atuöocke kathiäär ku rou aake cath kek ye.

2 Diäär juëc aake cath kek ye aya. Diäär këk kamken aake cī Jethu kony jakrεc ku tuaany, Maria Magdalena cī jakrεc kadhorou jäl yeguöp.

³ Ku Joanan tiŋ mony cəl Kudha raan kək pan bēny Antipāth Ƴerot tiit, ku Thuthana ku diäär juēc kək ē Jethu kek kocken ye buoath kony wēēuken.

Kääŋ dom path ku dom rac
(Mt 13:1-9; Mk 4:1-8)

⁴ Go kək juēc aa guēer tēnē Jethu gēeth yiic, go ke lək kääŋ kēnē,

⁵ “Raan puər ēcī la dom bī la pur. Ke wēn ye yen rap wēer dom yic ke kōth abək lōony dhōl yic tē ye kək tēek thīn, ku tet diēt ke aya.

⁶ Ku lōony kōth kək aləl nhom tē koor tiap thīn. Nawēn ciilkē, ke ke go guo riau rin kēc mēiken Ƴet piny apath.

⁷ Ku lōony kōth abək tē ye tiim la kuoath cil thīn, na la tiim juāk ke ke dec rap ku cik lok apath.

⁸ Ku lōony kōth kək tiəm path yic, ku ciilkē ku lokkē apath ke dīt nhīim apēi.”

Ku wit Jethu lōnde ēlā, “Piēŋkē tē le wek Ƴith.”

Wēt thōōth ē kääŋ
(Mt 13:10-17; Mk 4:10-12)

⁹ Go kocken ye buoath thiēc, “Kääŋ kēnē wētde yic yenjō?”

¹⁰ Go Jethu bēer, “Wek anyuth Nhialic bäänyden cək ŋic thēer. Ku kək kək aabī kāŋ ŋic ē kēŋ ya lək ke yiic, rin na cək alon ye kek daai, ka cīi kāŋ bī tiŋ. Ku na cək alon ye kek wēt piŋ, ka cik bī deet yiic.”

Jethu acī kääŋ raan puər teet yic
(Mt 13:18-23; Mk 4:13-20)

¹¹ Ku lək Jethu ke, “Kääŋ kēnē wētde yic akīn. Kōth cī com aa cīt wēt diēn ya piōc tēnē we.

¹² Kək kək aa cīt kōth cī lōony dhēl yic, ye diēt ke tet. Tē piŋ kek lōŋ Nhialic, ke jōŋrac bō ku nyīēi lōŋ awēn kepuōth bīk wēt Nhialic cīi piŋ, ku bī ke kony bīk pīr.

¹³ Kək kək aa cīt kōth cī com aləl nhom, aa lōŋ Nhialic gam nyin yic ke mit puōth. Ku aacie kepuōth ē dēet, aa lōŋ Nhialic guo wai wei tē nēk ke rin wēt Nhialic.

¹⁴ Kək kək aya aa cīt kōth cī lōony tē ye tiim la kuoath cil thīn, keek aa lōŋ Nhialic piŋ. Ku kājuēc ke diir rin pīr pinynhom ē tēn, nhiēr jiēek ku kăpuōth yekē wīc kepuōth aa bēn thīn, ku rēckē lōŋ Nhialic kepuōth.

¹⁵ Ku kək kək aa cīt kōth cī puur tiəm path yic. Keek aa lōŋ Nhialic piŋ ku gamkē apēi, ku kājuēc path aaye yōk tēnē ke rin ye kek kepuōth dēet.”

Kääŋ ē mermer
(Mk 4:21-25)

¹⁶ Ku ben lək ke, “Acīn raan cī mermer kaŋ Ƴāth Ƴōt ku kum nyin, tēdē ke tēēu agen tōc cōk. Aye tōōu Ƴōt ciel yic rin bī Ƴōt amer yic tēnē kək bō Ƴōt.

¹⁷ Kēriēc ēbēn cī thiaan abī bēēi bei kək nhīim, ku kēriēc ēbēn cī kum nhom, abī Ƴēth ayeer ruel yic.

¹⁸ Piēŋkē ku dētkē apath tē ye wek wēl piŋ, rin raan la kēdāŋ abī bēn muooc, ku na ye raan cīn kēdāŋ, ke kēthiin ye tak lōn tō yen tēnē ye, abī nyaai aya.”

Man Jethu ku wāmāthakēn aaci Jethu nyaai

(Mt 12:46-50; Mk 3:31-35)

¹⁹ Go man Jethu kek wāmāthakēn bēn tēnē ye, ku cīn tē le kek tēnē ye rin juēc kək Ƴōōt apēi.

²⁰ Go raan tōk lək Jethu, “Moor ku wāmāthakui aa kääc ayeer, ku aa wīc Ƴī.”

²¹ Go Jethu lueel tēnē ke, “Ma ku wāmāthkiē aa kək wēt Nhialic piŋ ku loikē.”

Jethu acī yom cəl akääc
(Mt 8:23-27; Mk 4:35-41)

²² NaƳon akäl tōk, ke Jethu la riāi yic kek kocken ye buoath ku lək ke, “Lok teemku wār alōŋtui.” Gokē riāi gēer wīir.

²³ Tēwēn gēr kek, ke Jethu go nin. Kaam awēn niin yen ke yomdit apēi jōt rot, ku loi atiaktiak rot abī riāi duēr thiāŋ piū, ku duēr kē diir.

²⁴ Gokē puōc ku luelkē, “Bānyda, Bānyda! Ƴok aa muo.” Go Jethu rot jōt ku rēl yom ku atiaktiak. Gokē kōc ku la wār dil.

²⁵ Ku thiēc ke, “Tē gamdun tēnēn?” Gokē nhīim la cōt ku riōckē riēdīt cīt kēnē, ku jiēm kē kamken, “Ye raan Ƴindē kēnē, na cək a yom ku atiaktiak ē ke piŋ wētde?”

Jethu acī raan la guōp jakrēc kony
(Mt 8:28-34; Mk 5:1-20)

²⁶ Gokē wār Galilia teem ku lek tō cəl Jeratha tō wār Galilia alōŋtui.*

27 Tëwën keεc Jethu piny riäi yic, ke mony ë gen kënë la guöp jakrεc bō tēnē ye. Mony kënë ëcie ceη alēth ku ëcie rēer baai, ee ye rēer rēη nhīim.

28 Nawën tiη Jethu ke lor nom ke loi wuəu, ku cuet rot piny yenhom ku looi kiεu apei, “Jethu, wēn Nhialic Madhəl yeηō wic ba looi tēnē ya? Yin alāη duk ya tēm awuəc.”

29 Ee jam kēlä rin cī Jethu jəηrac yōök bī jal yeguöp. Ee ye jəη kēnē dām arak juēc, na cək dεr piny bī rek cin ku cök ku tit, ke ηot ke tueny ku dhoη luəη kəth yecök. Ku yēth jək roor tē cīi ceη.

30 Go Jethu jäl thiëc, “Cəl yī ηa?” Go bēer, “Yok aa kut.” Ee lueel kēya rin cī jak juēc la yeguöp.

31 Go jakrεc jam ku lēηkē Jethu bī ke cīi cop tēthuth dīt yic, ye kəc rεc yāth thīn.†

32 Ku duut dīr baai ë nyuāth gət cök ë tēn awēn. Go jakrεc Jethu lāη bī ke cəl aa la dīr gup. Goke puäl.

33 Go jakrεc bēn bei yeguöp ku lek dīr baai gup, ku rin kē agör yic, ku thootkē wīir ku moukē ëbēn.

34 Nawën tiη rōör ke biöök dīr kē cī rot looi, ke kat bīk wēt la lək kəc rēer geeu ku kəc tō bēi yiic.

35 Go kəc ëbēn jal wēt bīk kē cī rot looi la tiη. Nawën lek yet tēnē Jethu, ke yök mony wäär la guöp jakrεc ke cī nyuc Jethu cök, ke ceη alēth, ke la nom cök. Gokē riöc.

36 Ku kəc ke cī kēnē tiη, aaci tē cī mony la guöp jakrεc kuony thīn la lək kəc kək.

37 Go kəc Jeratha ëbēn riöc, ku lēkkē Jethu bī jäl panden. Go Jethu la riäi yic ku dhuk.

38 Go mony wēn cī Jethu jakrεc cəl ajiël yeguöp, Jethu thiëc bī cath kek ye. Go Jethu jai ku lək ye,

39 “Ləər baai tēnē kacku ku lək ke kajuēc cī Nhialic looi tēnē yī.” Go mony kēnē jäl ke kuany geu yic, ke ye kəc lək kək cī Jethu looi tēnē ye.

*Jethu aci tik kony ku cəl nya aben pīr
(Mt 9:18-26; Mk 5:21-43)*

40 Wēn cī Jethu tem ku dhuk wār aləηtui, ke lor kəc juēc apei, kəc ke tit ye.

41 Tëwën ke mony cəl Jariöth, bēny tēnē amat kəc Itharel bō aya. Nawën tiη Jethu, ke cuet rot piny yecök ku lēη bī la paande,

42 rin nyanden tōη ye ruönke thiäär ku rou ëcī dhal apei. Go Jethu gam ku lööny dhöl. Ku buəth kəc juēc ke cik kum apei.

43 Ku tiη tuany kēc thēkde kōu kaη tεem ruöön thiäär ku rou ë tō kəc yiic. Ku yeen ëcī wēu juēc gām akīm, ku acīn akīm tōη cī tuaanyde cəl aηuēn.

44 Go bēn Jethu kōu ku gəot alanhde thok. Go riem köc nyin yic.

45 Go Jethu thiëc, “Yeηa cā gəot?” Nawën cīn raan gēm ye rot, go Pīter lueel, “Bēny aa kəc juēc cī kum kek aa yī pik.”

46 Go Jethu bēn lueel, “Ala raan cā gəot rin aca ηic lən le yen raan ca kony?”

47 Nawën tiη tiη awēn lən cī ye ηic, go bēn tēnē Jethu ke cī riöc, ke leth ku cuet rot piny yecök. Ku lək Jethu, kəc nhīim ëbēn yen kēnē gəot yen ye, ku tē cī tuaanyde guə ηuēn thīn ë kaam thiin awēn.

48 Go Jethu lueel tēnē ye, “Nyaandië gamdu aci kony. Ləər, ke döör Nhialic.”

49 Kaam wēn jīεm Jethu, ke raan riη pan Jariöth ku lək ye, “Nyaandu aci yet wei, duk raan piöc ben rāam nom.”

50 Ku Jethu ëcī wēt ë mony piη, go lək Jariöth, “Duk riöc, dεt yīpuəu ku gam wēt yic. Nyaandu abi pial.”

51 Wēn yeet yen baai, ee cīn kəc cīi puäl bīk la yöt kek ye, ee Pīter ku Joon ku Jemith, ku jəl aa wun ku man meth kepεc.

52 Tëwën le Jethu yöt, ke yök kəc ke näk röt, ke dhiau. Go lək ke, “Duökkē dhiau. Meth akēc thou, anin.”

53 Gokē dəl guöp rin ηic kek ye lən cī yen thou.

54 Go meth dām cin ku lək ye, “Manhdië jət rot.”

55 Go wēike dhuk ku jət rot nyin yic. Ku lək Jethu ke bīk yiək miēth.

56 Go kəc ke dhiēth meth gāi apei, ku thən Jethu ke bīk kē cī rot looi cīi lək kəc kək.

9

*Jethu acä atuöccke kathiäär ku rou tooc
(Mt 10:5-15; Mk 6:7-13)*

† 8:31 Eye tak lən jakrεc aaye mac piiny tēthuth bī ke jal tēm awuəc.

1 Ku cäl Jethu kác ye buoath kathiäär ku rou, ku yik ke riel bi kek jakrec aa la cuap wei, ku riel bi kek kác cäl aaye pial aya,

2 ku tooc ke bik aa la piöoc wët bäany Nhialic ku konykë kác tuany.

3 Ku lëk ke, “Duökkë muk kák la keny, cimën wai ku jakgao ku müith yakë cam dhöl yic, ku wëeu ku duökkë muk alëth kók.

4 Yakë rëer pan ye we lor thïn yet tē bi wek jäl.

5 Ku na ye pan cii we lor thïn, ke we jiël ku tanjë wecök, bi nyooth lön ci wek kuc e ke.”

6 Go atuuc jäl, ku kuenykë bëei yiic ke piöoc Wët Puoath Yam ku konykë kác bik pial kuat pan ci kek la thïn.

*Antipäth Yërot aci diëer
(Mt 14:1-12; Mk 6:14-29)*

7 Antipäth Yërot, bënydit pan Galilia, ee ci kajuëc loi röt piñ ebën. Go diëer rin e ye kác kók lueel lön Joon raan wäär kác muöc nhïim aci ben pïr.

8 Ku lueel kác kók e Elija yen aci ben tuöl, ku kác kók e yekë lueel, lön e yen raan tók kam kác kák Nhialic tiñ yen aci ben pïr.

9 Go Antipäth Yërot lueel, “Yen aci Joon cäl atëem nhom bei! Yenä kënë ye yen wëlke piñ e bak?” Ku e wïc bi röm kek ye.

*Jethu aci miëth koor juak bi kác juëc cam
(Mt 14:13-21; Mk 6:30-44; Jn 6:1-14)*

10 Go atuuc Jethu dhuk ku lëkkë kák cik looi ebën. Ku jiëlke e röt ku lek gen cäl Bethaida.

11 Nawën piñ kác juëc tē ci yen la thïn, ke buoathkë. Go Jethu ke lor ku jiem tënë ke rin wët bäany Nhialic, ku kony kác ci ye thiëc, bik pial.

12 Nawën la piny cuöl, ka atuöcke kathiäär ku rou bö tënë ye ku luelkë, “Cäl kác aa jiël bik la bëei yiic bik la wïc tē niin kek thïn, ku lek yöc miëth camkë, rin tē rëer yok thïn e ror cii ceñ cïn kē kuany thïn.”

13 Go Jethu bëer, “Miackë ke miëth.” Gokë lëk ye, “Kák mukku aa yuöp kadhiëc ku rec karou. Wïc buk miëth yöc tënë e kác juëckä?”

14 Kác ke tö thïn aake röör tiim kadhiëc. Go lëk kacken ye buoath, “Calkë kác aa nyuc, thiär dhiëc akuöt tók yic.”

15 Go kác ye buoath kác cäl anyuc piiny këya.

16 Go ayuöp awën kadhiëc ku rec karou lööm ku dot nhial ku leec Nhialic. Ku bëny ayuöp yiic, ku gëm ke kacken ye buoath bik ke tek agut rec tënë kác.

17 Ku miëth abï miëth ke göök, ku jöl kacken ye buoath awuthueei ayuöp ku rec ci döñ kuany gäacdüt kathiäär ku rou.

*Pïter aci Jethu ñic
(Mt 16:13-19; Mk 8:27-29)*

18 Nayon akäl tók, tēwën rök Jethu e rot, ke kác ye buoath bö tënë ye. Go Jethu ke thiëc, “Lëkkë ya, ye jän tak, ye yen e ña?”

19 Gokë lueel, “Ayekë lueel lön ye yin Joon raan kác muöc nhïim. Ku lueel kuat dët lön ye yin Elija. Ku kác kók ayekë lueel, lön ye yin raan kam kác kák Nhialic tiñ theer ci ben pïr.”

20 Goke thiëc, “Na week yakë lueel lön ye yen ña?” Go Pïter bëer, “Yiin nhom guöp, yin e raan ci Nhialic loc ku döc.”

21 Kë ca lueel e yic Pïter. Ku thon ke apeï elä, “Duökkë lëk raan dët.”

*Jethu ee jam Arëemde ku Thuande
(Mt 16:20-28; Mk 8:30-9:1)*

22 Nawën ke lëk Jethu ke elä, “Manh Raan abï dhiël reem, ku abï kacdüt baai ku bäny kák Nhialic, ku jöl aa kác piöoc löñ kác Itharel jai, ku abik nöc, ku yeen abï nin kadiäk nöc piiny ran yic ku ben jat bi pïr.”

23 Ku lueel tënë ke ebën, “Na ye raan wïc bä buoath, ka dhil nhom määär kapuath bi yök piërde yic pinynhom e tën. Ku dhil puöu riel ku buoath ya akölaköl, cök alön wïc kác kók ye bik nöc e rienkië.

24 Rin raan wïc ye bi wëike kony abï muör. Ku na ye raan mär wëike e rienkië, ka bi wëike muk akölrüëc ebën.

25 Yenö bi raan kuany thïn bi jak apeï pinynhom ku mër wëike?

26 Na ye raan guöp yär e ya ku piöcdië, ke Manh Raan abï guöp yär ye aya, aköl dhuk yen diëckde yic ku diik Wun yic, ku diik atuuc Nhialic.

27 Ku le tuen ku lueel, wek alək yic ala kəc kək rëer ë tən, aaciı bı thou agut tē bı kek ya tıñ, kek riel ye nyuəəth lən ye yen bēny cı Nhialic ləc.”

Jethu aci guäpde rot waan
(Mt 17:1-8; Mk 9:2-8)

28 Nawēn nın kabēt cök cı yen kakkä lueel, ke Jethu cəl Pıter ku Jemith ku jəl a Joon, ku lek gət nhom bik la röök.

29 Tēwēn röök yen ke wañ yenyin, ku yer aläthke apeı bık la diardiar.

30 Kaam thiin awēn ke röör tul ku jıεεmkē kek ye. Ku keek aake ye yı Mothith ku Elija.

31 Keek aaci bēn ke la gup dhēēñ Nhialic ku jıεεmkē tēnē Jethu tē bı yen la thou thın Jeruthalem, rin bı yen kē wıç Nhialic jəl thöl.

32 Ku Pıter kek kəc awēn cath ke ye, aake ye nın muör puəth. Nawēn liepkē kenyın ke tıñ læc Jethu, ku röör karou ke kääc yeləöm.

33 Nawēn jiäl ë röörkä, ke lueel Pıter tēnē Jethu, “Bēny, apath buk rëer ë tən. Yok aabi duəl kadiäk looi tək tēnē yı, ku tək kek Mothith ku tōñ dēt kek Elija.”

(Kēnē jıεεm yen kēya, ee kuc kēnē bı lueel.)

34 Kaam wēn ñot jıεεm yen, go kecıt rur piny paat abi ciēn tē yekē tıñ. Gokē riöc wēn kum rur ke piny.

35 Ku piñkē Nhialic ke jam luäät yic elä, “Kēnē ë Wēndiē, yen aca ləc, piñkē wētde.”

36 Nawēn cik röl ben piñ, ke ye Jethu yen tıñkē ë rot. Go kəc Jethu buəəth kakkä muk kepuəth ku cik ke lək raan dēt.

Jethu aci dhəñ la guəp jəñrac kony
(Mt 17:14-18; Mk 9:14-27)

37 Nawēn dhukkē piny gət nhom aköl dēētē, ke lor kəc juēc apeı.

38 Kaam awēn ke raan tək thän awēn yic, cöt ke cie röl jət ku lueel, “Raan piöc, yın aləñ bä manhdiē tıñ, yen ë mänh tōñ tō yanhom.

39 Tē dəm ë jəñ ye, ka dhiau nyin yic, ku wit piny ku læth ku yık thok ayək. Jəñ kēnē aciı ye lac päl piny, ku aye cəl anäk rot apeı.

40 Yen aci kəcun yı buəəth ləñ bik cuəp wei yeguəp, ku akēckē lēu.”

41 Go Jethu lək ke, “Wek kəc cie lac gam, ba rëer ke we, ke ya cıı guəp la cut wəlkun?” Ku lək wun meth, “Bēēi manhdu tən.”

42 Kaam wēn le dhök tēnē Jethu, ke wit jək piny ku læth. Go Jethu jək yöck bı jäl yeguəp, ku kony dhök bı pial. Ku lək wun bı jäl kek ye.

43 Ku jəl raan ebēn gäi riel Nhialic.

Jethu aci ben jam ë Thuənde
(Mt 17:22-23; Mk 9:30-32)

Tēwēn ñot rëer kəc ke cı gäi kajuēc cı looi, ke lueel tēnē atuöccke,

44 “Piñkē wəlka apath ku calkē ke aa lööny wepuəth, rin Manh Raan abi thön kəc bı ye nöck.”

45 Ku kəcun ye buəəth aake kēc wēt kēnē deet yic, wēt ecı moony tēnē ke rin bık cıı det yic. Ku keek aake cı riöc bık thiēc kē cı lueel.

Kəc Jethu buəəth aaci wēt tεεr
(Mt 18:1-3; Mk 9:33-37)

46 Nawēn ke kəc ye buəəth teer wēt lən yeña kamken yen dıt apeı.

47 Ku Jethu ë ñic kē tō kepuəth. Ku dəm meth ku cəl akääc yeləöm.

48 Ku lək ke, “Raan manh koor cıt manh kēnē lor ë rienkiē, acä lor. Ku raan ya lor, acie yen ye lor, ee Wä Aciēñ ë toc ya. Rin raan koor kamkun ebēn, yen ë raandıt.”

Raan cıı yo man ë raanda
(Mk 9:38-40)

49 Nawēn ka atuny cəl Joon bö tēnē Jethu ku lək ye, “Bēny, yok aaci mony dēt tıñ keye jakrəc cuəp wei kəc gup ë rienku, ku acuk pēen rin acie raanda.”

50 Go Jethu lək ye kek atuuc kək aya, “Duöckē ye pēen, rin raan cıı we man ë raandun.”

Jethu akēc kəc Thamaria lor

51 Nawēn cı nın bı Jethu yäth nhial thiök, go tak bı dhiel la Jeruthalem.

52 Ku tooc kəc yenhom tuen bık tē bı kek la nyuc thın la guiir pan tō wun Thamaria.

53 Go kəc pan awēn kuc rin ñic kek ye lən Jethu ala Jeruthalem.*

54 Nawēn le kəc Jethu buəəth, Jemith ku Joon, ñic lən cı kəc baai kuc bık Jethu lor

ke luelkë, “Bëny, cuk mac cöl abö piny nhial bi pan kënë rac?”

⁵⁵ Go Jethu ke duöm thook piny,

⁵⁶ ku bærkë pan dët tö tuenj.

Raan buøth Jethu adhil puøu riel
(Mt 8:19-22)

⁵⁷ Tëwën kueny kek dhël yic, ke räm kek mony dët ci ye bën lëk Jethu ëlä, “Yin aba biaath kuat tã ler yin thïn.”

⁵⁸ Go Jethu bëër, “Luony aa la yöötken yekë ke wuut, ku diet pär aa la yöötken aya. Ku yen Manh Raan yen acin baai pinyhom tën.”

⁵⁹ Ku lueel Jethu tënë mony dët, “Buøth ya.” Go bëër, “Bëny, cöl yen akøn wä la thiök.”

⁶⁰ Go Jethu bëër, “Cöl kəc cit kəc ci thou aa thiäk kacken, ku yiin bäär ba Wët Puøth Yam bën la piöc.”

⁶¹ Ku lueel mony dët, “Yin aba buøth Bëny, ku cöl yen akøn kackië la töøn.”

⁶² Go Jethu lëk ye, “Yin acit raan dhie pur, na tijn raan dët cath, ke cuet pur piny ku keenj nom ku ruεc. Këya, raan ye käk kök nyaai luoi ca guiër ye yic, acin këpuøth lëu bi looi rin bäny Nhialic.”

10

Luoi kəc thiärdhorou ku rou

¹ Nawën ë kënë cök, ke Jethu kuany kəc kök kathiärdhorou ku rou kam kəc ye buøth, ku tooc ke tuenj bi kəc karou aa cath, bik la gæth ku bëëi ke bi yen la thïn yiic.

² Ku lëk ke, “Käk tem ajuéc ku kəc luoi aa lik. Röökkë Bëny la nom käk tem bi kəc luoi cöl aa juak röt.

³ Lak! Ku njæckë, wek atuöc cimen amël ë kam gal.

⁴ Duökkë wëëu ku jökgöö ku war kök muk. Ku duökkë ye köc dhöl yiic bäk kəc aa muöøth.

⁵ Të yeet wek baai ke kanjë lueel, ‘Kəc baai yakë döör.’

⁶ Ku na ye kəc rëër ë pan kəc nhiar döör, ke röökkun aabi ke döc. Ku na yekë kəc man döör, ke röökkun aacii ke bi kony.

⁷ Ku yakë rëër ë pan ku miëthkë ku dëkkë käk yekë yiék we, rin apath bi raan lui ariöpdë yök. Duökkë ye jäl pan ku lak pan.

⁸ Na lor kəc gen ci wek la thïn we, ke we cam kuat miëth cik gäm we.

⁹ Ku kuonykë kəc tuany ku lëkkë ke, ‘Bäny Nhialic aci thiök ke we.’

¹⁰ Ku na lak gen cii we ye lor thïn, ke we jjiel ku luelkë,

¹¹ ‘Yok aabi tər gendun tēj wei yocök bi döj kek we.’ Ku dhielkë deet apath, bäny Nhialic aci thiök.

¹² Awuöc bi Nhialic tēm kəc Thidon aköl lunđit abi kuur tënë awuöc bi tēm kəc ë gen.

Gæth kəc luoi käreεc puø thin
(Mt 11:20-24)

¹³ “Wek kəc gen Koradhin ku Bethaida, wek aa tiit käreεc apēi, rin kajuéc jāj gōi cäk tijn ci ke looi gæthkun yiic, ku ke ci looi Tire ku Thidon, gæth wäär cej kəc rac, juöt kəc ë gæthkã aaci kepuøth dhuök ciëen thæεr, ku pälkë luoi käreεc.

¹⁴ Ku Nhialic abi we tēm awuöcdit Aköl lunđit, awuöc bi dit apēi tënë awuöc bi tēm kəc Tire ku Thidon.

¹⁵ Ku wek kəc Kapernaum yakë tak lon bi we jat nhial? Wek aabi cuat pan mac.”

¹⁶ Ku lueel Jethu tënë kəc wën ci tooc, “Raan pinj wëtdun ë wëtdië pinj, ku raan we dhäl gup acä dhäl guöp, ku raan dhäl yaguöp ë raan toc ya dhäl guöp.”

Kəc wën ci tooc aaci dhuk

¹⁷ Go kəc thiärdhorou ku rou wën dhuk ke ci puøth miεt ku luelkë, “Bëny agut jakrεc aya aaci wëtda pinj ë rienku.”

¹⁸ Go Jethu lëk ke, “Riel jønrac aci riääk ku tijn ke lööny piny cimën many nhial.

¹⁹ Wek aca yiék riel bi wek aa cath käpieny ku kith nhiiim ë path. Ku wek aca yiék riel wër wek alεikun ku kəc man we. Ku acin kë kanj we näk.

²⁰ Ku duökkë puøth jöl miεt rin ci jakrεc wëtdun pinj, miεtkë puøth rin ci rienkun göt pan Nhialic.”

Jethu amit puøu
(Mt 11:25-27; 13:16-17)

²¹ Nawën ke Wëi Nhialic cäl Jethu amit puöu ku lueel, “Wä, Bëny nhial ku piny! Yin alεεc rin cī yīn kāk cī thiaan tēnē kōc ηic kāj cī piōc, nyuōth kōc kor kēc piōc. Ee tēde, Wä, yen ē kēn yī yuum puöu.

²² Kēriēēc ēbēn aaci Wä gām ya. Acīn raan ηic Wēnde ē Wun ē rot, ku acīn raan ηic Wun ē Wēnde ku kōc cī Wēnde lōc bī nyuōth ke.”

²³ Tēwēn rēer Jethu kek kōcken ye buōth ē rōt, ke wēl yēnom ke ku lueel, “Wek aala gup duaar bāk kāk tiēnkē tīη.

²⁴ Ku alēk we, ēcī kōc juēc kāk Nhialic tīη ku bānydīt wīc bīk kāk yakē tīηkē tīη, ku aa kēckē ke tīη. Ku ē cik wīc aya bīk kāk yakē piη, piη, ku aa kēckē ke piη.”

Kääη raan path pan Thamaria

²⁵ Raan piōōc ē lōη kōc Itharel, ēcī bēn ku wīc bī Jethu deep ē wēt ku thiēēc, “Raan piōōc, yeηō ba looi ba pīr akōlriēēc ēbēn pan Nhialic?”

²⁶ Go Jethu bēēr, “Ye Lōη Mothith lueel kēdē ē wēt kēnē? Yeηō ye deet yic thīn?”

²⁷ Go bēēr, “Yīn adhīl Nhialic Bānydu nhi-aar yīpuöu ēbēn, ku wēiku ēbēn, ku yīnhom ēbēn, ku nhiar raan dēt cīmēn nhiεer yīn rot.”

²⁸ Go Jethu lueel, “Aca ηiεc bēēr. Loi kākā, ku pīr pan Nhialic akōlriēēc ēbēn aba yōk.”

²⁹ Go monytui wīc bī wēt deet apath rin wīc yen ye bī rot kony, ku ben Jethu thiēēc, “Raandiēn ba nhiaar yeηa?”

³⁰ Go Jethu bēēr ku lueel, “Monytui, ke ye raan Itharel, ēcī jāl Jeruthalem bī la Jeriko. Go rōm ke cuēr dhēl yic ku rumkē alāthke ku wēēuke ēbēn, ku nākkē ku jōlkē nyāāη piny ke duēr thou.

³¹ Nawën ke raan kāk Nhialic, ke ye raan Itharel, bō ke kuany dhēl kēnē yic, go monytui tīη ku wεen thok piiny.

³² Nawën ke raan dhiēnh Lebī ben bēn, go mony kēnē tīη ku bēr.

³³ Go raan pan Thamaria bēn ke kuany ē dhēl kēnē yic. Nawën tīη mony kēnē piiny ke ηεer yic.

³⁴ Go rot cuēt ye, ku muōōc yōntōōk yīic miōk ku muōn abiēc ku der keyiic, ku jōt

akaja kōu ku yēth pan jōōl, ku rēer yelōōm ē wēēr wēn.

³⁵ Nayōn nhiäk, ke gēm wēēu tēnē raan lui pan jōōl ku lēk ye, ‘Lōk mony kēn tōōk apath, na la dhuk ku le wēēu ca lōk muōr ē rīenke tē lik wēēukiē, ka ba bēn cool.’ ”

³⁶ Ku wit Jethu wētde ku lueel ēlä, “Na ye yī, ke raan cī cuēr baη, yeηa kam kōc awēn kadiäk ē raande?”

³⁷ Go lueel, “Raan cī ye kony yen ē raande.” Go Jethu lueel, “Lōōr, ku ye luui kēya.”

Martha kek Maria

³⁸ Tēwēn cieth Jethu kek atuōōcke ke la Jeruthalem, gokē nyuc gen thiin tō dhēl yic. Go tīη cäl Martha ke yāth baai.

³⁹ Ku Martha a la nyankēn cäl Maria, cī bēn nyuc Jethu lōōm bī piōōcde piη.

⁴⁰ Go Martha puöu riāāk rin kēc Maria ye kony luai miēth tēnē jōōl. Go bēn tēnē Jethu ku lueel, “Bēny, ye kēpath yen looi nyankāi cī yen ya pāl luai ē rot tēthεer awēn? Lēk ye bā bēn kony.”

⁴¹ Go Bānyda bēēr ku lueel, “Yīn Martha, yīn adīεer rin awīc ba kājuēc tō yīpuöu looi ēbēn,

⁴² ku ē tōk yen aril, Maria acā abanη ηuēēn kuēny bei, ku acī bī nyaai tēnē ye.”

11

Jethu anyuth yō tē bī yōk aa rōōk thīn (Mt 6:9-13; 7:7-11)

¹ Yōn akāl tōk Jethu ē rōōk, nawën cī rōōkde jal thōk, ke lueel raan tōk kam kōcken ye buōth tēnē ye, “Bēny, piōōc yō tē bī yōk aa rōōk thīn, cīmēn wāār cī Joon raan kōc muōōc nhīim kōcken ye buōth piōōc.”

² Go Jethu lēk ke, “Yakē lueel kēlä tē rōōk wek,

‘Wādan tō nhial, bī rīenku aleec.

Bī bāānydu bēn yoyiic.

³ Muōc yōok miēth akōlakōl.

⁴ Ku pāl adumuōōmkua piny tēnē yōok, rin ye yōk wēt puōl tēnē kōc rεc yōok. Ku duk yōok cäl athem kērac.’ ”

⁵⁻⁶ Ku ben Jethu lēk kōcken ye buōth, “Tēdē, na yīn ala māthdu ku lōr tēnē ye wakōu wēēr ciel yic ku luel tēnē ye, ‘Māthdiē gām ya ayuōp kadiäk. Rin māthdiēn cī la

keny aci bën paandië, ku yen acin miëth gäm ye.'

⁷ Ku bëer yööt alon thin ku lueel, 'Duk ya rëem nom. Yöt aci gur thok, ku yok aaci təc yok miëthkië. Yen acii rot ben jot ba yi gäm ayuöp.'

⁸ Ku la Jethu tuen ku lueel, na cak alon cii monyë rot jot bi gäm ayuöp rin yen mäthdu, ka not bi rot jot bi gäm kuant kë wic, rin yin acii guöp bi riöc ë ye, ku lör tuen ke thiëc.

⁹ Këya alëk we, thiëc, ku abi Nhialic gäm yi, na wic këdän tënë Nhialic ka yök. Ku ë tède aya, na gut yöt thok, ka nany thok tënë yi.

¹⁰ Raan thiëc aye gäm ke wic, ku raan la kë wic aye yök. Ku yöt aye nany thok tënë raan wic ye.

¹¹ Yenja kamkun na le meth, ku thiëc manhde miëth ke gäm këpiiny tē wic yen rëc.

¹² Ku na wic tuon ajith, ke dam kieth ku gäm ye.

¹³ Na niëckë wek koc ë luui käreëc bäk miëthkun aa gäm käpath, ke cak lëu bäk njic lon bi Wuurdun tō nhial ye njic apeï bi Wëi Nhialic tuöc koc thiëc ye."

*Jethu aye yöök lon le yen guöp jönrac
(Mt 12:22-30; Mk 3:20-27)*

¹⁴ Nayan akal tök ke Jethu ë cop jönrac wei raan guöp, ku ëcie jam. Nawën ci jöñë jäl yeguöp ke mony awën jam. Go than awën tō thin gai apeï,

¹⁵ ku lueel koc kök, "Ee Beldhebul bëny jakrëc yen ë ye yiëk riël bi ke aa cuöp wei."

¹⁶ Ku ë wic koc kök bik deep wët, ku thiëckë bi këñë jän göi looi, bi nyüöth ke lon ye Nhialic kärke gam.

¹⁷ Ku Jethu ë njic kë yekë tak, go lëk ke, "Na tek koc paan tök keyiic ku thërkë ë kamken, ke pan këñë abi riääk. Ku na tuum dhiënh tök yenhom aya ku thërkë kamken ë röt, ke dhiënh këñë abi wëer aya.

¹⁸ Këya, na tek jakrëc keyiic ku thërkë ë kamken ke cii thök? Ayakë lueel lon ye yen jakrëc cuöp wei riël ye Beldhebul gäm ya.

¹⁹ Ku na ye riël Beldhebul yen ye yen jakrëc cuöp wei, ke ye riël na yen ye kocckun yakë buöth ke cuöp wei? Calkë ke aa lëk we yic.

²⁰ Ku na ye riël Nhialic yen ye yen jakrëc cuöp wei, ke niëckë lon ci bëany Nhialic bën tënë we.

²¹ "Na tit raan ril paande thok ë tuon ku köt, ke kärke aacii nyiëci.

²² Ku na mët raan dët ril, ka wer ye. Ku jöl käk muk bi yen rot tiit nyaai ëbën, ku tek käk ci rum.

²³ "Raan këc rot mät ya acie raandië, ku raan cii ya kony bi koc lëk wët Nhialic, ee koc thiöi.

²⁴ "Të ci jönrac jäl raan guöp, ee piny yööp tädët bi yen lon thin. Na cin tē yök, ka lueel, 'Yen abi dhuk tënë raan wäär jiël yen thin.'

²⁵ Ku dhuk ku yök raan wäär, ke cit yön ci guiir yic apath,

²⁶ ku dhuk ku le bën kek jakrëc apeï kök kadhorou wär ye, ku lek yeguöp. Ku pir ë raan këñë ë jäl rëëc apeï tënë pirde tuen."

²⁷ Kaam wën jiem yen këlä, ke tik jam rödit koc yiic ku lëk ye, "Tin ë dhiëth yi ku muk yi amit guöp apeï."

²⁸ Go Jethu bëer ku lueel, "Ee yic, ku koc mit gup alanden aa koc wët Nhialic pin ku loikë."

*Jethu akuec bi këñë jän göi looi
(Mt 12:38-42)*

²⁹ Tëwën ci koc juëc kenhüim kut Jethu lööm, ke lueel, "Yenö be riëc akölë rëëc këlä? Ee riëc ye wic bi këñë jän göi tin. Ku acin kë bi nyüöth ke. Ee këñë jän göi wäär ci rot looi tënë Jona yen abik tin.

³⁰ Cimën wäär ci Jona raan käk Nhialic tin jäl a kit tënë koc Ninibe, këya Manh Raan abi jäl a kit tënë koc akölë ëbën.

³¹ Tin bëny wäär jiël pan Athia abi rot jot aköl lundit ku gëk riëc akölë, rin ci yen jäl tēmec apeï bi wël puöth bënyaknhom Tholomon la pin, ku yen jam këñ, yen adit tënë Tholomon.

³² Aköl lundit koc gen Ninibe aabi we gök rin ci kek kepuöth waar, ku pälkë luoi käreëc wäär ci Jona ke lëk. Ku alëk we, yen jam këñë, yen adit tënë Jona.

*Koc ci gam aacit awai ku mermer
(Mt 5:10; 6:22-28)*

³³ “Acin raan ci mermer kaŋ ɣäth ɣöt ku kum nyin. Aye tööu tən ye yen ɣöt mer yic thün, bi piny amer tənē raan la ɣöt.

³⁴ Puön path acit nyin path. Raan path nyin ē daai apath, acii thöŋ kek raan ci cöör cie daai apath.

³⁵ Këya, luɔikē röt bāk puöth la cök, ku duökkē puöth cöör.

³⁶ Na yin aɣer puöu, ke yin acit raan kēc cöör ē daai apath cimen dhie ye mac piny riaal.”

Jethu ē kəc piöoc lööŋ ku Parathi lək lən nhiem kek

(Mt 23:1-36; Mk 12:38-40)

³⁷ Nawen ci Jethu thök ē jam, ke cööl raan töŋ akut Parathi paande bik la mith, go la ku nyuuc ku mith ke kēc yecin ku yecök lök cimen ciεŋ kəc Itharel.

³⁸ Kënë, aci raan akut Parathi wën la baai bën göi apēi.

³⁹ Go Jethu lueel tənē ye, “Wek kəc akut Parathi, aa wegup aɣeer kek yakē lök, ku piäthkun aaci thiäŋ käreεc apēi.

⁴⁰ Kəc cün kē njieckē! Kēc Nhialic yen cak guöp, puöu alon̄thin cak aya?

⁴¹ Biökrueel aye nyuöth puön ɣer tē muöc yin kəc, ku acie miöc ye yin biökrueel nyuöth ē path.

⁴² “Tē rεεc yen thün tənē we, kəc akut Parathi. Wek aa Nhialic juēr kälík, kāk cīt tök ē thiäär yic kakkun yakē ke puur ē dum yiic, ku kuat wël kök ebën. Ku wēt la cök ku nhiēr Nhialic akuöckē looi. Kakkä aa dhielkē looi, ku luɔikē kakkä aya.

⁴³ “Tē rεεc yen thün tənē we, kəc akut Parathi. Ayakē nhiaar bāk aa nyuc tueŋ thöc kəcdit nhüm tən amat, ku ye we muöth athëek ɣön ē ɣöc yiic.

⁴⁴ Tē rεεc yen thün tənē we, wek aa thöŋ kek rēŋ cün kē ye ke njic, ye kəc cath kenhüm ē path, ku käreεc cik thiaan keyiic piiny aacii njic.”

⁴⁵ Nawen, ke raan tök kəc piöoc ē lööŋ jöt rot ku lueel tənē ye, “Bëny, tē jiem yin kälä, ke yin ē ɣo lat aya.”

⁴⁶ Go Jethu bëër, “Wek kəc piöoc ē lööŋ, käreεc aa tit we aya. Wek aa kəc piöoc käril apēi cie lëu bi ke looi. Ku wek aacie kəc kony aya ē luɔiden.

⁴⁷ Tē rεεc yen thün tənē we. Awëëŋkui, wek aa rēŋ path buth tənē kəc kāk Nhialic tün, kəc wäär nək wärkun dīt.

⁴⁸ Acäk gam lən këwäär ci wärkun dīt looi apath, ku na we tö thün nuöt wek ci nāk aya. Rin aaci kəc kāk Nhialic tün nök ku buöthkē ränken.

⁴⁹ Ku rin ē wēt kënë yen aci Nhialic ye lək we elä, ‘Wek aaba tuöc kəc kakkie tün ku atuuc. Ku wek aabi kəc kök nök ku cuöpkē kəc kök wei.’

⁵⁰ Riëc akölē abi tēm awuöc rin ci yen kəc kāk Nhialic tün nök tēwäär cək piny ɣëēt emën,

⁵¹ jöök ē nääk Abel ɣet nääk Dhäkaria wäär nāk luan Nhialic. Ku ben Jethu lək ke, riëc akölē abi tēm awuöc rin ē kakkä ebën!

⁵² “Tē rεεc yen thün tənē we, wek aa yic moony tənē kəc ku acäk ye gam kek week ē röt. Ku wek aa kəc kök wïc yic bik gam gël!”

⁵³ Nawen wïc Jethu bi jäl, ke jieëm kəc akut Parathi ku kəc piöoc lööŋ guöp apēi, ku thiëckē wël juëc ku wickē bi ke dhiel dhuk nhüm,

⁵⁴ rin wïc kek ye bik deep wēt bik döm, tē le yen wēt rεεc lueel.

12

Duk riöc luel yic

(Mt 10:26-27)

¹ Wën ci kakkä röt looi, ke kəc juëc apēidit aake ci kenhüm kut Jethu lööm abi ciën tē ye cök cak la piny. Tēwën ke Jethu kəŋ jam tənē kacken ye buöth ku lək ke, “Tietkē röt, ku duökkē ye luui cimen kəc akut Parathi, kəc ē kəc ruëeny.

² Acin kē ye moony arék abi cii tiëc. Tëdë ke lëu bi kädäŋ thiaan abi cii njic.

³ Na cak a wēt luel waköu ka ŋot piŋ nhiäk aköl. Ku keriëc ebën cak njäai weyith ɣööt alon̄thin ke ɣöt ci thiöök thok aŋot ye kəc kök piŋ.

⁴ “Ku alək we wek mäthkië, duökkē riöc kəc guäpkun nök ē path. Aa we nök ku na lä ka cün kädët ben kē looi.

⁵ Ee Nhialic yen adhil kəc riöc, rin na ci nök ka la riël aya bi cuat pan mac. Alək we, ee Nhialic ē rot yen adhil kəc riöc.

6 Diæt thii kor kadhiëc cīt amuör, cii ke ye Ʒooc wëeu lik? Ku acin tök ë kamken cī Nhialic kañ muör nhom,

7 agut nhimkun tö yinhom anjic Nhialic akuenden. Duökkë riöc, wek aa awär amuör juëc.

8 “Alëk we, raan ye gam koc nhim lön ye yen raan Manh Raan, aba gam aya lön ye yen raandië atuuc Nhialic nhim.

9 Ku raan jei koc nhim lön cii yen ye raandië, abi Manh Raan kuc aya atuuc Nhialic nhim.”

10 Ku ben Jethu lëk ke, “Kuat raan wët rac lueel Manh Raan guöp abi päl piny tënë ye, ku raan lueel kërac Wëi Nhialic guöp, acii bi kañ päl piny tënë ye.

11 “Të Ʒëth yi tën amat luk yic, bäny dīt ku bäny kor nhim, duk diëer tē bi yin rot kuony thin ku wët ba lueel,

12 rin Wëi Nhialic abi cöl anjic kē ba lueel.”

Raan ajak kuc kån

13 Go mony dët rot jöt koc yiic ku lueel, “Bëny lëk wämäath bä yiëk abäkkië kāk cī wä nyän Ʒo yiic.”

14 Go Jethu bëer, “Mäthdië, yeña cā kuany ba ya bëny, ba kån tēk we?”

15 Ku lëk koc awën tö thin, “Tietkë röt, duökkë jiëek cöl arum wepuöth. Acin raan rëer piërde yecin cök alön le yen kajuëc.”

16 Ku lëk ke kääñ kënë, “Thëer raan ajak ë tö thin, ku duömde ëci luök rap juëc apei.

17 Go jal jam ku lueel, ‘Yeñö ba jal looi? Ʒen acin duël lääu yic bi Ʒen ke tōöu thin.’

18 Nawën ke tek ku lueel, ‘Kē ba looi akīn. Duël kënë aba ñaany, ku ben duëldīt apei looi bi Ʒen rap ku kāk kōk baai tääu thin.

19 Ku jal lëk rot Ʒatök. Mony mit guöp, yin ala müith juëc apei bi run juëc nōk, jöl pīr apath, miëthë ku dëkkë, ku jöl puöu miët!’

20 Go Nhialic lëk ye, ‘Raan kuc kån! Ee wëer kënë, yin abi thou ku kajuëc ca täu rot kē, bik lök aa kāk ë ña?’ ”

21 Ku wit Jethu wëtde ëlä, “Kënë, yen ë rot looi tënë koc kajuëc tōöu ë rienken, ku acin jiëek Nhialic tö kepuöth.”

Raan adhil Nhialic ñööth

(Mt 6:26-34)

22 Ku wël Jethu yenhom kacken ye buöth ku lueel, “Këya alëk we, bāk röt cii cöl anëk diëer kē bāk cam bāk pīr. Ku diëerkē aya kāk bāk ceñ.

23 Wëi anuëen tënë miëth, ku guöp raan anuëen tënë alëth.

24 Daaikë diët pār nhial, aacie pur rap ku temkë ke, ku tëükë ke atuök yic, ku aa ñot ke pīr rin ye Nhialic ke yiëk miëth. Ku wek aa nuëen apei tënë ke.

25 Yeña kamkun na diir ë wëike ke juak ruönke?

26 Na cāk kāk thiikā ye lëu, yeñö ye wek diëer kāk kōk?

27 Tiënkë Ʒök cil tē dhëëñ kek thin, aacie luui ku aacie luui alëth. Ku alëk we na cök a bënyñaknhom Tholomon cimenden wäär ë bäänyde yic, ëcii la alëth la kit dhëñ cimën Ʒän tök ë Ʒökkë yiic.

28 Ku na ye Nhialic wël cil ë path cöl adhëñ kēlä, wël tö thin akölë ku na nhiäk nin lik ke ril wei ku took ke mac, ke Nhialic cii we bi kuëc nhim, wek aa koc la gam thin koor.

29 “Duökkë wenhim ye yiëk kē bāk cam ku kē dëkkë akölaköl.

30 Aa koc kuc wët Nhialic pinynhom ë tën kek aa kepuöth yiëk kākä. Ku Nhialic Wuurdun anjic lön wic wek kākä.

31 Na ye këya, yakë ke wic kāk bääny Nhialic, ku aabi yiëk we aya.

Jiëek cie rop atö pan Nhialic (Mt 6:19-21)

32 “Duökkë riöc wek koc buöth Ʒa rin Wuurdun amit puöu bi we yiëk ë bäänyë.

33 Ʒaackë kakkun ku gämke wëeu koc ñöñ. Kënë abi jaakdun juak yic pan Nhialic. Ku jiëek pan Nhialic acie thök, ku acie riääk cimën jiëek pinynhom, rin acin cuër tö thin. Ku acii aruöp ye rac.

34 Ku piändu abi ya rëer akölaköl tē tōu jaakdu thin.

Rëer yi cī rot guiir

35 “Rëer yi cī rot guiir akölaköl, ku rëer yi muk mermer rin kuat kē bi rot looi bi Ʒök waköu,

36 cimën alony lui baai tit bänyden cī la yan thiëek yic ke bi dhuk baai. Na bi ke go Ʒöt guö ñaany thok tënë ye.

37 Aloony mit gup aa loony ye bányden yök ke tit tē dhuk yen baai. Alēk we alanden, bēny abā alanhdēn luoi ruōk, ku cōl ke aa nyuc bīk mīth ku luui tēnē ke.

38 Tēdē, ke bēny abī dhuk baai wēēr ciēl yic, tēdē ke dhuk bēēk ē piny. Ku aloony mit gup aa loony bī bāny yök ke tit.

39 Wek aa lēu kēnē bāk deet yic ē rōt. Na raan ye wēēr alōŋ bī cuār bēn ŋic, ka rēēr ke yiēn bī cuār kākke cīi kual.

40 Ke week aya rēērke we tit, rin wek aa kuc akōl bī Manh Raan bēn.”

41 Go Pīter lueel, “Bēny, ye yök lēk ē kāāŋ kēnē aye kōc ēbēn?”

42 Go Bēny dhuk nhom ku lueel, “Na ye kēya, yeŋa alony path ku ŋic kāŋ apēi? Yeen alony bī bēny nyāāŋ kākke yiic paande, bī kacke ya gām miēth akōlakōl.

43 Alony mit guōp alony bī bēny yök ke loi luōide apath tē dhuk yen.

44 Alēk we, abī alony kēnē tāāu kākke yiic ēbēn.

45 Ku na ye alony ye tak lōn cīi bānyde bī lac dhuk. Ku ye rēēr ke nāk aloony kōk, rōōr ku diāār. Ku ye cool ke mīth ku dēk abī wīēēt.

46 Ke bānyde abī la luāt yeguōp akōl cīi ye tak lōn yen akōl bī yen bēn. Ku yeen abī bēny tēm awuōcdit ku met tē rēēr kōc rēc thīn.

47 “Ku aluaŋ ŋic kē wīc bānyde bī looi, ku rēēr ke cīi rot guir bī kē wīc bēny looi, ka bī tēm awuōcdit apēi.

48 Ku aluaŋ kuc kē wīc bānyde ku looi awuōc bī yen that thīn, ka bī ya awuōc koor. Kājuēc aa wīc tēnē raan cī gām kājuēc, ku raan cī gām kājuēc apēi awīc kājuēc apēi tēnē ye.

49 Yēn acī bēn ba piny bēn cuōny. Ku anhihaar diēt cī dēp thēēr.

50 Yēn atiit kērac apēi, yēn abī gum ku rem ya apēi yet akōl bī kēnē thōk.

51 Yakē tak lōn cī yēn bēn ba dōōr bēn looi pinynhom? Alēk we acie ye. Ee lōn bī kōc keyiic tek.

52 Many la yic kōc kadhiēc abī yeyic tek. Kōc kadiäk aabā nhiaar ku man rou ya. Tēdē, kōc karou aabā nhiaar ku man kōc kadiäk ya.

53 Mīth rōōr kek wārken aabī kenhīim tuōōm ē rīenkiē. Ku yen ē lōn nyiir kek mārken. Ku man athiēēk kek tīŋ wēnde aabī rōt maan aya.”

54 Ku ben Jethu lēk thān awēn tō thīn, “Na tiēŋkē luāt nhial, ka guōkē lueel lōn deŋ abī tueny, ku tueny ayic.

55 Ku na dōm bī la dīl, ku ruel akōl apēi, ka luēlkē lōn bī piny tuōc, ku tuc ayic.

56 Yeŋa wiēckē bāk ruēēny! Awēēŋkui? Wek aa kē bī rot looi ŋic tē tīŋ wek kākka nhial. Ku cāk kē loi rot ēmēn ŋic ayic?

57 “Yēŋō cīi wek yic bāk looi ye ŋic?”

58 Cīmēn na yēth raan yī luk yic, ke yī lōc wēt waar yic, ku dōōrkē ke kēc yī guō yāth luk yic. Na cīi lōc looi kēlā, ka yēth yī luk yic tēnē bāny, ku bēny abī la thōn apuruuk, ku mac yī.

59 Alēk yī, yīn acīi bī kaŋ lony, yet tē bī yīn kēthiin kōny tēnē yī kaŋ cool.”

13

Na cīi luoi kārēc pāl ke yīn acīi pīr

1 Nawēn ke kōc bō tēnē Jethu, ku lēkkē ye lōn cī bānydit Pilato kōc Galilia cōl anāk, kōc ke cī kāk juērke Nhialic la nōk luaŋ Nhialic Jeruthalem.

2 Go Jethu bēēr. “Yakē tak lōn kōc Galilia cī nōk ēmēn aa kārēc apēi wēr kek kōc Galilia kōk looi?”

3 Acie yic! Ku cāk ŋic lōn wek aabī thou aya cīmēnden, tē cīi wek kārēc yakē looi pāl, ku wēlkē wepuōth Nhialic?

4 Ku na kōc wāār kathiāār ku bēt wīk yōn bāār apēi kenhīim Thiloam bīk thou ēbēn, ye kek kōc kārēc looi Jeruthalem kepēc?

5 Aacie ke! Ku alēk we, na cāk luoi kārēc pāl, ke wek aabī thou ēbēn cīmēnden.”

Kāāŋ tim cie luōk

6 Go Jethu ke lēk kāāŋ kēnē, “Monytui ēcī tim luōk com duōmde. Nawēn thōōŋ tē cī yen luōk, ke bō bī bēn bet. Go ciēn mīth yök yēnhom.

7 Go puōu riāāk apēi, ku lēk raan lui dom yic bī yēp wei, ku lēk ye, ‘Aca tiit run kadiäk ku acīn manh tōŋ ca yök yēnhom. Yēŋō pēl ye bī dom rooc ē path ke cie luōk?’

8 Go raan ē luoi bēēr, ‘Bēny, pāl ē ruōōn tōŋ kēnē ē path, aba guir ku tāāu dhiāāp yecōk.

⁹ Na lok ruööntui ka path, ku na cii lok, ka jal cal ayep.’ ”

Jethu aci tin tuany kony aköl cii koc ye luui

¹⁰ Tëwën aköl cii koc ye luui ke Jethu piöc tën amat koc Itharel,

¹¹ ke tik ë tö thïn ke la guöp jöhrac cï ye dhoj köu, bi yeköu cii ye jat ruöön thiäär ku bët.

¹² Nawën tin Jethu ke cöl ku lëk ye, “Tik, yin aci kony.”

¹³ Ku tëu yecin yeköu. Ku kaam thiin awën ke la köu cök. Go Nhialic leec.

¹⁴ Ku raandit tën amat ëcï puöu dak apëi rin cï Jethu ye kony aköl cii koc ye luui. Ku lëk koc awën tö thïn, “Yok aa la nin kadätem ye koc luui. Ke raan alëu bi bën akäl tök kam ë ninkä yiic bi bën kony, ku acie aköl cii koc ye luui.”

¹⁵ Go Bëny bëer ke tön guöp, “Aa wek koc la gup ruëny! Le raan tök ë kamkun cie yakke ye lony aköl cii koc ye luui bi ke la wiëc wal ku piu?”

¹⁶ Ku tin kënë, nyan many Abaram cï bëny jak dhoj köu, bi ya rëer ke duäl ë runkä kathiäär ku bët, cii path bi kony aköl cii koc ye luui bi la cök?”

¹⁷ Tëwën lueel yen ye këlä, ke koc awën man ye yär gup, ku mit thän diit awën tö thïn puöth käk koc göi cï Jethu looi.

Kääj käu koor nyin ye tiemde dit apëi
(Mt 13:31-32; Mk 4:30-32)

¹⁸ Ku la Jethu tuen ke jam ku lueel, “Bäany Nhialic cit nö? Yenö ba thöj ke ye?”

¹⁹ Aba thöj manh tim koor nyin cï raan com duemde. Go dit abi ya tim dittet ye diet götken yik kerke köth.”

²⁰ Ku ben lueel, “Yenö ba ben thöj bäany Nhialic?”

²¹ Acit lon cï tik puor ayumdit tet yic, na lä ke piäär ëbën.”

Kuany dhël la pan Nhialic yic
(Mt 7:13-14, 21-23)

²² Ku bër Jethu ke kuany gëeth ku bëi yiic ke la Jeruthalem.

²³ Go raan tök thiëc, “Bëny! Le koc lik bi poth bik la pan Nhialic?”

Go Jethu bëer,

²⁴ “Thamkë bak bak dhël ye koc gum thïn yic, rin alëk we lon wic koc juëc ye bik la alöthïn, ku acik bi lëu.

²⁵ Të jat wun baai rot ku riit yöt thok, wek aabi köc ayëer ku jalkë yöt tön thok ku luëlkë, ‘Bëny, nany yöt thok tënë yo,’ ku abi bëer tënë we, ‘Akuöc të bii wek thïn.’

²⁶ Ku abäk lëk ye, ‘Yok aaci mith ku dëkku kek yi, ku yin aci piöc ë gëethkua yiic!’

²⁷ Ku abi dhuk nhom ku lueel, ‘Alëk we bak pin, wek aaci bö yöt rin wek aacä njic. Jalkë, koc luui ë käreç!’

²⁸ Ku të cï yi cuöp wei, ke yin ariäak puöu ku dhiau aba yithok a kac të tin yin Abaram, ku Ithäk ku Jakob ku koc käk Nhialic tin, ke rëer bäany Nhialic yic pan Nhialic, ku gël yi wei thïn!

²⁹ Ku koc aabi bën pinynhom ëbën ku camkë yan bäany Nhialic.

³⁰ Ku koc tö ciëen ëmën aabi tö tuen. Ku koc tö tuen aabi dhuk ciëen.”

Jethu ku Antipäth Yërot
(Mt 23:37-39)

³¹ Tëen, ke koc akut Parathi bö tënë Jethu ku lëkkë ye, “Jäl ë tën rin bëny Antipäth Yërot awic bi yi nök.”

³² Go Jethu lueel, “Lak ku lëkkë raan la guöp awandit lon yen abi la tuen akölë ayi nhiäk ya cop jakreç wei koc gup, ku luoi käk jän göi ye yen koc kony. Ku na ye nin diäk ke yen abi luöidië thöl pinynhom.

³³ Ku akölë ku nhiäk ku aköl dëëtë, yen ala tuen ya lui rin aci path bi raan käk Nhialic tin nök tädët cie Jeruthalem.

³⁴ “Koc Jeruthalem! Koc Jeruthalem! Koc ë koc käk Nhialic tin nök, ku biökkë koc cï tuöc we aleel. Ye arakdë cï yen ye wic ba we kuöt yiic, ku kuony we cimën adhie ye ajith miëthke kuöm piny yewuök, ku wek aaci kuc.

³⁵ Nhialic abi we nyän pandun. Ku athön we bak njic, wek aaci ya bi ben tin yet aköl bi wek röt guiir, ku luorkë ya yai ke yakë lueel, ‘Lecku raan bö rin Bányda.’ ”

14

Jethu aci raan tuany kony

1 Nawën ke Jethu la pan raan akut Parathî aköl cïi kəc ye luui bî la mïth. Ku kəc ke tō thîn aake dõt Jethu apei.

2 Go raan cï but yōōm ku kōk ebën bën tēnē ye.

3 Go Jethu jam ku thiëc kəc piöoc ë löōŋ ku kəc akut Parathî, “Cï löŋ pēen bî raan tuany kony aköl cïi kəc ye luui tēdē ke kony?”

4 Gokē cïi bēer. Go Jethu mony awën cōl ku kony ku cōl ajiël.

5 Ku jōl lēk ke, “Yeŋa kamkun ë tēn, na cï manhde, ayî wēŋde löōny yiith aköl cïi kəc ye luui, ke pēl yiith ku cïi bïi bei nyin yic?”

6 Ku wēt kēnē acï ke nyōŋ nhïim kē bēer kek ye.

7 Wēn cï yen ye tîŋ aya ke jōl awën cï cōl aaye ŋek tēden nyuuc yen thîn lōc, ke luel kääŋ kēnē,

8 “Tē cï yî cōl yai yic, duk la ku nyuc tēn kōcdit, tēdē ke raan ben dît tēnē yî acï cōl aya.

9 Na bïi, ke raan awën cōl we wedhie abî yōōk ba rot jōt ba thōoc pāl ye. Ku yîn abî jāl dhuk thōc tō ciēen yiic ke yî cï guōp yār.

10 Tē cï yî cōl, ke yî la ku nyuc thōc tō ciēen yiic rin na la raan la baai bēn, ka bō tēnē yî ku luel, ‘Jōt rot, bāār tuen tēn mātthiē.’ Kēnē abî cōl athiek yic jōl nhïim ebën.

11 Kēya, kuaat raan dît puōu rot yāth tuen ē rot abî Nhialic dhuōk ciēen, ku raan lir puōu ē rot dhuōk ciēen abî Nhialic yāth tuen.”

12 Ku luel Jethu tēnē mony awën cï ye gōōŋ, “Na loi miēth bî yîn kəc gōōŋ, ke duk ke cōl mātthku ku paan moor, ku kəc ruāai kek yî ku kəc ajiēek thiēek bāaikun, rin aabî ben cōl. Ku na looi rot kēya, ke kēwāār ca luōi ke yen acolke tēnē yî.

13 Na loi miēth cōl yîn kəc, ke cōl ke kəc ŋōŋ, ku kəc cï duany, ku kəc cï ŋōl ku cōōr,

14 rin na la kəc rōt jōt thou yic aköldā, ke yîn abî Nhialic cuōōt rin wāār cï yîn ke cōl kəc cïi ye lēu bîk miēthku cool.”

*Jethu acï bāāny Nhialic thōŋ yan thiēek
(Mt 22:1-10)*

15 Go mony dēt mïth kek kəc luel tēnē Jethu wēn piŋ yen kēnē, “Kəc mit gup aa kəc bî cōl yai yic, bāāny Nhialic yic.”

16 Go Jethu lēk ye, “Monytui ēcï yandit apei looi ku cōl kəc juēc.

17 Nawën cï mïth yai guiir, ke toc aluonyde bî kəc wïc ke yai yic la cōl, ‘Bāk, kēriēc ebën acï thōk ē guiēr.’

18 Gokē wēl juēc luel kedhie bî kek ken-hïim kōl. Ku luel raan wēn cï alony kaŋ yōk ēlā, ‘Yēn acï piny yōoc, ku yēn adhîl la ba la tîŋ. Lōar ku lēk bēny lōn acïn kē maan yen cïi yēn la yai yic.’

19 Ku luel raandēt, ‘Yēn acï miōōr kathiāār ye kəc pur yōoc, yēn ala ba ke la them, lōar lēk bēny lōn acïn kē maan tēnē ye.’

20 Ku luel raan ye kəc diāk, ‘Yēn acï piac dōm nya, acā lēu ba la yai yic.’

21 “Go alony dhuk baai ku le wēlkā lēk bānyde. Go bānyde puōu riāāk ku lēk aluonyde, ‘Lōar dhōl yiic ku kam bēei geeu, ku cōl kəc lim dhōl yiic ku kəc cï duany, ku kəc cï ŋōl ku cōōr bîk bēn.’

22 Go alony luel, ‘Bēny, kē ca lēk ya aca looi ku piny aŋot lāāu.’

23 Go bēny ben lēk aluonyde, ‘Lōar kuany baai yic ku dhōl yiic geeu, ku lēk kəc ebën bîk dhîel bēn bî paandiē thiāŋ.

24 Alēk yî, kəc wāār ca kaŋ cōl acïn miēth yai bîk ben yōk paandiē!’ ”

*Kē dhil raan looi bî ya raan buōth Jethu
(Mt 10:37-38)*

25 Kəc juēc aake cath kek Jethu. Nawën ke wēl yēnhom kəc ku luel,

26 “Na ye raan bō tēnē ya, ku cïi wun ku man ku tēŋde ku miēthke, ku wāmāthakēn ku nyiērakēn, ku wēike man, ka cie raan buōth ya.

27 Ku raan cie gum ku buōth ya, acïi lēu bî ya raan buōth ya.

28 Na wïc raan bî yōndit bāār apei buōth, yēŋō bî kaŋ looi? Nadē ke cïi wēēu muk bî kaŋ kuēēn nyîn bî ŋic lōn le yen wēēu juēc bî yen yōt buōth bî thōl?

29 Na jōok cōk ku le ciēn wēēu juēc bî yen ye thōl, ka bî kəc yōt tîŋ ke kēc thōk aa bui, ku yekē luel,

30 ‘Mony kënë aci yöt jöök bi buth ku akęc thääp.’

31 “Na jät bėnyņaknhom tøj ke la apuruk tim thiäär bi la thör kek bėnyņaknhom dėt la apuruk tim thiär-rou, ke cii bi kaņ tak lön bi yen tøj lėu kek ě bėny kënë?”

32 Na yök ke cii tøj bi lėu, ka toc kęc ke bėnyņaknhom tui ęot mec kek apurušökke bik döör looi.”

33 Kělä aya, acin raan kamkun lėu ye bi ya raan buöth ęa agut tē bi yen kärke kaņ pušl.

34 “Awai, apath. Ku na thöök kōu alēi ke ben dhušk thın kędē?”

35 Awan cit kënë acie ben piath. Aye pušk wei. Pięnkē tē le wek yiith.”

15

Kääņ amēl cī määř

(Mt 18:12-14)

1-2 Kęc ajuēr kut ku kęc käreç looi aake cī ben tēnē Jethu bik pišöcde ben piņ. Ku kënë, ee kęc kęc akut Parathi ku kęc piöoc lööņ nhiaar, rin ye Jethu kęc ręc mēen jāņ lor, ku mīth ke ke aya.

3 Goke lěk kääņ kënë.

4 “Na la raan tők kamkun amääl bušot, ku mār amäl tők, ke cii thiärdhoņuan ku dhoņuan nyiēēņ piny roor, ku le amäl tøj cī määř kaņ wic ęet tē bi yen ye yök?”

5 Ku na yök ka mit pušu apei ku jät yekēt.

6 Ku na le ęet baai ka cöl mähke ku kōcken akeu nhom ku lěk ke, ‘ęen aci pušu mięt rin cī ęen amäldiēn wäär cī määř yök. Loiku yai.’

7 Kělä aya, mięt pušu dīt abi tō pan Nhialic, rin raan tøj kērac looi cī yepušu dhušk ciēen rin adumušömkē. Ku mięt pušu kęc tō pan Nhialic, rin ě raan tøj, acii bi thōņ kek mięt pušu rin kęc path kathiärdhoņuan ku dhoņuan cin awušc cik looi, bi kek kepuöth dhušk ciēen.”

8 “Tēdē, tik ala wēeth thiäär milāņ ęer, ku mār wēnh tők. Yenjö bi looi? Abi mac dēēp ku wic apei arěk bi yöt a weec yic agut tē bi yen ye yök.

9 Tē cī yen ye yök ka cöl mähke ku kęc akeu ěben ku lěk ke, ‘ęen amit pušu apei, wēuikiēn wäär cī määř aaca yök. Loiku yai.’

10 Kělä aya, atuuc Nhialic aa puöth mięt rin raan tøj käreç looi cī yepušu waar ku dhuk Nhialic.”

Kääņ manh cī määř

11 Ku la Jethu tuenę ku lueel, “Monytui ě tō thın ku ě la wät karou.

12 Go wēn koor lěk wun, ‘Gām ęa kāk ba těk ęa aköldä?’ Go wun kähn tek tēnē ke.

13 Nawēn nin lik cök ke wēn koor ęöc kärke ěben, ku jiēl bi la wun dėt, wun cī yen wēuuke ben la thöl thın dēņ ě määu ku wicwic adējök.

14 Wēn cī yen wēu thöl ke cōņdīt apei loi rot ye pan awēn, ku jöl rēer ke něk cök apei.

15 Nawēn le kärke dhal ke luęek rot pan raan tők ě kęc pan awēn. Go raan la baai cöl aye dir baai bišök. Ku gēm ke kē camkē.

16 Ku ě ye wic diēt cök yeyäc thišöņ kē ye dir cam, ku acin raan cii ye gām ye.

17 Nawēn jöl kēreç cī looi tak yic yepušu ke lueel, ‘Ye kęc luš kadē tō tēnē wä ě kueth abi miēth dōņ piny, ku ęen akın duēr thou ě tēn rin cök!’

18 ęen abi dhuk tēnē wä ku lěk ye, wä ęen acä awušc looi tēnē Nhialic ku tēnē yi.

19 ęen acii ben a cöl yi, loi ęa ke ęa cīt alony ye rišp.’

20 Ku jöl jäl pan awēn ku dhuk tēnē wun.

“Tēwēn ęoot yen tēmec ke baai, ke tiņ wun ke bö. Go pušu la yum ku riņ tēnē ye ku pęet yic ku cim gēm.

21 Go wēnde lueel, ‘Wä ęen aci kērac looi tēnē Nhialic ku tēnē yi. ęen acii ben piath nadē ke ęa cöl ě yi.’

22 Go wun alušonyke cöl ku lueel, ‘Rięnkē! Bēiikē alanh path ku tääukē yekšu. Ku cušthkē cin joth milāņ tšc ku tääukē war yecök.

23 Ku bēiikē mušer thiin cuai apei ku näkkē bi yok yai looi,

24 rin manhdiēn kënë ě cīt mäh cī thou ku aci ben pir. Yeen ěci määř ku aci yök.’ Ku jölkē yai cam.

25 “Tēwēn looi käckä röt, wēndit ěci la luui dom yic. Nawēn dhuk ku jöl bi baai dööt, ke piņ löör yic ku diēr.

26 Go alušny tők cöl ku thiēc kē diēr kęc baai.

27 Go alony awēn lěk ye, ‘Wāmuuth aci ben, ku wuur aci mušer wäär cuk muk apei

bī cuai nōk bī yai looi rin cī yen dhuk ke puol guōp.’

²⁸ “Go wëndit puōu riāāk apēi ku kueec bī cīi la baai. Go wun bēn tēnē ye ku lēŋ bī la baai.

²⁹ Go lēk wun, ‘Ÿen acī luui apēi ē runkā ēbēn tēnē yī, ku acīn tōŋ ca lēk Ÿa ba looi cī Ÿen kaŋ kuec ba cīi loi. Ku ē runkā ēbēn acīn mēn manh ē thōk ca kaŋ yīēk Ÿa bī Ÿen luui yai Ÿok māthkiē.

³⁰ Ku wēn dhuk wēndu ke cī wēūku la muōr adējōk kōth, ke yī loi yai ku nāk muōr tōŋ yen cuai apēi Ÿakkua yīic.’

³¹ Go wun bēēr, ‘Manhdiē, yīn arēēr kek Ÿa akōlakōl, ku kāk muōk ēbēn aa kākku.

³² Ku ē yic buk yai looi rin wāmuuth ē cit manh cī thou, ku ēmēn acī pīir, ee cī mār ku ēmēn acī Ÿōk.’ ”

16

Kāāŋ raan luai kony rot ruēēny

¹ Ku ben Jethu lueel tēnē kōcken ye buōōth ēlā, “Wāthēer raan ajak ē tō thīn, ku yeen ē la raan kākke guiir baai, ku raan kēnē ēcī luōm tēnē ye rin cī yen wēūku muōr.

² Go cōl ku lueel, ‘Yeŋō kē Ÿa piŋ keye lueel ē riēnku? Nyoth wēū ca dōm ku wēū cī mār thook ēbēn, rin yīn acīi bī ben ŋot yī lui tēnē Ÿa.’

³ Go mony wēn lueel yepuōu ēlā, ‘Ba ŋō looi tē cop bēny Ÿa luōidiē yic? Ÿen akuc puōr ē dom ku Ÿen abī guōp yār tē ye Ÿen lim.

⁴ Ēmēn, kē ba looi aca jāl ŋic, kē bī Ÿen cōl ala kōc juēc mārth ke Ÿa, bīk Ÿa aa lor bāāiken tē cop Ÿa wei luōidiē yic.’

⁵ “Go kōc la gup kāny bānyde cōl ku lueel tēnē raan cī kaŋ bēn, ‘Kāk bēny kōny tēnē yī yekē dē?’

⁶ Go lueel, ‘Ÿen akōny tōnydit miōk bian tōk.’ Go raan kaŋ guiir baai lēk ye, ‘Kēnē acī Ÿa akuēndu, nyuc ku gāt thiārdhiēc.’

⁷ Ku thiēc raan dēt, ‘Na yīin, kēny tō yīguōp ye dē?’ Go lueel, ‘Ee gāny rap tiem tōk.’ Go lēk raan wēn, ‘Gāt buōt kabēt.’

⁸ “Go wun baai raanden la guōp awan leec wēn cī yen rot kony. Rin tē ye riēc akōlē kākken luōi thīn kamken aŋuēēn tēnē mīth bāāny Nhialic.”

⁹ Go Jethu la tueŋ ku jīēm, “Kēya alēk we, luōikē jīēk pinynhom bī wek ke la mēth, rin na la jaakdun thōk ke wek aabi lor pīr akōlriēc ēbēn yic.

¹⁰ Raan ŋic kālīk muk apath ē kājuēc ŋīēc muk aya, ku raan kuc kālīk muk, acīe kājuēc ē ŋīēc muk.

¹¹ Na yīn acīe kāk ciēēŋ pinynhom ē tēn ŋīēc muk, ke yī bī deet puōu kēdē bī yī gām jīēk tō pan Nhialic?

¹² Na yīn acīe ŋōōth puōu lōn bī yīn kēn raandā ŋīēc muk, ke yeŋa bī gām kē cōk a kēdu?

¹³ “Acīn alony lēu ye bī luui tēnē bāny karou, ka man raan tueŋ ku nhiēer raan ye kōc rou. Tēdē ka thek raan tueŋ ku dhēl raan dēt guōp. Acīi raan lēu bī Nhialic ku jīēk nhiar kedhie.”

¹⁴ Go kōc akut Parathī, kōc nhiar wēū, kākka piŋ ēbēn ku dōlkē Jethu guōp.

¹⁵ Go Jethu lēk ke, “Wek aa rōt nyuōōth kōc nhīim ciēt wek kōc path ku Nhialic aŋic kē tō wepuōth. Rin kāk ye kōc juēc yīēk kepuōth apēi ciēt kek ril, aaye Nhialic tiŋ ke kor.

¹⁶ “Wāthēer agut tēwār tul Joon, kōc aake ye lōŋ Mothith ku wēl cī kōc kāk Nhialic tiŋ gōt, theek. Ku ēmēn, Wēt Puōth Yam rin bāāny Nhialic alēk kōc, ku awīc kuat raan ēbēn bī rot riēny thīn.

¹⁷ Ee kēya, apuol yic bī kāk tō nhial ku pinynhom riāāk, tēn tē bī wēt thīn koor tō Lōŋ yic cuat wei.

¹⁸ “Raan liōi tiēŋde ku thiēk tiŋ dēt, ka cā akōr looi. Ku mony thiak tiŋ cī muōnyde liōōi, ka cī akōr looi aya.”

Raan cī jak kok miēth ku Ladhāro

¹⁹ Go Jethu kāāŋ bēn thōōth ku lueel, “Raan tōk ē tō thīn ku ēcī jak apēi, ku ē ceŋ alēth dhēŋ ku ē ye yai looi paande akōlakōl.

²⁰ Ku raan laaŋ cōl Ladhāro la guōp tētōōk juēc apēi ē tō thīn aya. Ku ē ye nyuc Ÿōn raan ajak thok,

²¹ bī lim awuthueei ē lōōny piny. Ku jōk aake ye bēn aya ku nyankē tētōōk yīic.

²² “Nawēn ke laaŋ kēnē thou, go atuuc Nhialic wēike tāāu Abaram Ÿou nhial pan kōc path cī thou. Nawēn ke mony ajak lōk thou aya ku thiāk,

23 ku tēu wēike pan mac, ku rem thīn apēi. Nawēn nēēr yenyin nhial ke tīn Abaram tēmec, ku Ladhāro ke tō yeyou.

24 Go dhiau ku lueel, 'Wā Abaram liec ya, ku toc Ladhāro bī ciēn tōk luōt thok piū yiic, ku gōt yaliep bī liēmdiē liē, rin yen arem apēi ē tēn!'

25 "Go Abaram bēēr, 'Manhdiē, tak lōn cī yīn kāpath yōk wāār piūr yīn ku yōk Ladhāro kāreç. Ku yeen awac puōu ēmēn ku yīn arem apēi.

26 Ku dēt aya, tēthuth mec yic apēi atō kamkua bī ciēn raandan la lōntui, ku cīn raandun bō tēnē ya ē tēn.'

27 Go mony ajak wēn lueel, 'Wā Abaram yīn alān ba Ladhāro tuōc panda,

28 tēnē mīth wā kadhiēc bī ke la wēt bīk cī bō ē tēn bī ke reem aya.'

29 "Go Abaram lēk ye, 'Mothith ku kōc kāk Nhialic tīn aa tō thīn, cōl ke aa piñ wēlken.'

30 Go mony ajak bēn lueel, 'Kēnē aciī ye lēu, Wā Abaram! Ku na jōt raan rot kōc cī thou yiic ku le tēnē ke, ka pāl kāreç yekē ke looi.'

31 Go Abaram lueel, 'Na cīk wēl Mothith ku wēl kōc kāk Nhialic tīn piñ, ka cī wēt raan cī thou ku ben piñ aya.'

17

Ba raandēt thōc kērac yic (Mt 18:6-7, 21-22; Mk 9:42)

1 Nayōn akāl tōk ke lueel Jethu tēnē kōcken ye buōth, "Kāk kōc cōl aloi adumuōm aa rōt dhiel looi akōlakōl. Ku raan kākā cōl aloi rōt abī kērac apēi yōk.

2 Ee nūēn tēnē ye diēt cī ruōk yeth aleldīt tet, ku pik wīr bī mou, bī kōc thiikā cī cōl aloi adumuōm.

3 Tietkē rōt!

"Na loi mēnhkui adumuōm, ke nyieny, ku na dhuk yepuōu ciēn kēreç cī looi, ke yī pēl wēt piny tēnē ye.

4 Ku na looi kērac tēnē yī arak dhorou akāl tōk, ku bī tēnē yī arak dhorou aya, ku thiēc yī ba wēt pāl piny, ke yī pēl wēt piny tēnē ye."

5 Nayōn akōl dēt ke lueel atuuc tēnē Bēny Jethu, "Yōk aa wīc gamdīt, lēk yō tē bī yōk ye yōk thīn."

6 Go Bēny bēēr, "Na gamdun cōk kuur bī ciēt manh nāap, ka lēukē bāk tim diūt tui yōk ēlā, 'Nyuēn rot bei piiny agut mei, ku lōr pith rot wīr!' Ke wētdun aloi rot.

7 "Na thōōnku lōn raan tōk kamkun ala alony cī la pur, tēdē ke cī la biōōk amēl. Na le dhuk dom yic, ye lēk ye, 'Lōc bēn ba bēn mīth?'

8 Acī bī lēk ye kēya! Tēdē aba lueel tēnē ye, 'Guir miēth tēnē ya, ku tīt ba kañ mīth ku dēk, na lā ciēn ke yīn abī jāl mīth ku dēkē.'

9 Ku aloony aa cie leec tē looi kek luōiden.

10 Athōn kek we aya, na luōikē kē ca lēk we bāk looi, ka luēkē, 'Yōk aa loony ē path, ee luōida yen acuk looi ku acīn dēt.' "

Atuet thiāār aci kony

11 Nawēn la Jethu Jeruthalem, ke tēk kam Thamaria ku Galilia.

12 Nawēn yēet gen thiin tō dhēl yic ke rām kek atuet thiāār. Gokē kōc tēmec,

13 ku luēkē, "Jethu Bēny, liec yō."

14 Nawēn tīn ke ke lueel, "Lak ku nyūōthkē rōt kōc kāk Nhialic."*

Tēwēn nōot kek dhēl yic, ke tuet jiēl kegup.

15 Go raan tōk dhuk tēnē Jethu wēn cī yen ye tīn ke tuet cī jāl yeguōp, ku leec Nhialic apēi rōldīt,

16 ku cuēt rot piny Jethu nhom ku leec. Ku mony kēnē ē raan Thamaria.

17 Kēnē aci Jethu cōl athiēc ku lueel, "Cie raan thiāār yen cī kony bī tuet jāl kegup? Kōc kōk kadhoñuan aako?

18 Yenō yen raan wun dēt yen dhuk bī Nhialic bēn leec?"

19 Ku lēk ye, "Jōt rot ku jāl. Gamdu aci piūr."

Bāāny Nhialic

(Mt 24:23-38, 37-41)

20 Nayōn akāl tōk ke kōc akut Parathī thiēc Jethu, "Bī bāāny Nhialic yecōk jōk nēn?" Go Jethu bēēr ku lueel, "Bāāny Nhialic acie kēnē na bī ke tīn kōc nyīn?

21 Ku acīn raan lēu ye bī lueel, 'Daai tēn, yen akīn, tēdē ke lueel, yen akan.' Rin bāāny Nhialic atō wēpuōth."

22 Ku lueel Jethu tēnē kōcken ye buōth, "Tē bī wek ya, yen Manh Raan nhiaar diēt

17:3 Mt 18:5 * 17:14 Rin bī kōc kāk Nhialic ke tīn lōn cī kek pial bīk aa rēēr ke kōc. (Leb 14:1-32)

ya cək rëer ke we akäl tøk abö. Ku yen acii bi rëer tən.

²³ Abi kəc kək lək we lən ci yen dhuk yen atö tən, ke duökkë gam, ku duökkë ya cək wïc.

²⁴ Rin tē dhuk Manh Raan, ka guə kē njic. Abäk tiŋ cīmēn bir deŋ dhie yen nhial reet yic, ku tiŋ ləŋ ku ləŋē.

²⁵ Ku yen abi kaŋ gum apeɪ, ku riëec akölē acii wētdiē bi gam.

²⁶ Tē le Manh Raan bēn, ke kē bi rot looi abi ciēt kēwäär loi rot wäär piir Noa.

²⁷ Ee ninkä kəc aake rëer ke mit puŋth, keye mīth ku dëkkë ku loikë ruēi yet aköl le Noa riäi yic, ku bö aboor ku moukë ebēn.

²⁸ Ku bēndiē abi thōŋ aya kek kēwäär loi rot wäär piir mony cəl Lot. Ee ninkä kəc aake ye mīth ku dëkkë, ku ɣockë kəŋ ku ɣockë ke wei, ku purkë ku loikë ɣööt.

²⁹ Ku aköl wēn jiēl Lot Thodom, ke Nhialic cəl deŋ atueny ē mac ku nək kəc ebēn,

³⁰ yen abi ciēt aköl bi Manh Raan dhuk.

³¹ “Tē le akölē bēn, ke raan rëer ayeer acii ben la ɣöt bi la guik kē muk. Ku raan tō dom yic aci dhuk baai aya.

³² Takkë kēwäär ci rot looi tēnē tiŋ Lot.†

³³ Raan wïc ye bi wēike kony aabi muŋr, ku na ye raan mār wēike ē riēnkiē ka bi wēike muk akölriëec ebēn.

³⁴ Waköu ē ninkä kəc karou aabi tō ɣööt ke nin. Raan tøk kamken abi ləc ku nyēei ku dōŋ raan tøk.

³⁵ Kälä aya, diäär karou aabi luui ē tøk luɔiden baai, tiēŋ tøk abi ɣäth nhial ku nyiēēŋ tiēŋ tøk piny.

³⁶ Ku abi rot looi kälä aya tēnē kəc lui dom yic. Raan dēt abi ɣäth nhial ku nyiēēŋ raan dēt piny.”

³⁷ Go kacken ye buəth thiëec, “Bēny, bi ke ɣäth tēnēn?” Go Jethu bēer, “Tē rëer guöp kē ci thou thīn, aye cor yenhom mat thīn.”

18

Lëer ku bēny luök

17:26 Cäk 6:5-8 **17:27** Cäk 7:6-24 **17:29** Cäk 18:20-19:25 **17:31** Mt 24:17-18; Mk 13:15-16 † **17:32** Tiŋ Lot ɣon ci yenhom wel bi riäŋ Thodom tiŋ, nawēn ke yuəm abi ciēt ŋenh awai. (Cäk 19:26) **17:33** Mt 10:39; 16:25; Mk 8:35; Lk 9:24; Jn 12:25 **18:14** Mt 23:12; Lk 14:11

¹ Naɣon aköl dēt ke Jethu lək kacken ye buəth kääŋ bi ke pišöc bik dhiel aa rööc akölaköl ku cik dhör.

² Ku lueel, “Wäthēer bēny luök ē tō thīn ɣen tøk. Ku ēcie rišöc Nhialic ku ē dhäl kəc gup ebēn.

³ Ku tiŋ lëer ē tō ē gen kēnē aya. Ku ē ye lac bēn tēnē bēny, ku lēŋ bi luök yic tēnē mony luk kek.

⁴⁻⁵ Go bēny wētde cii kuëec nom. Nawēn le tak ke lueel, ‘Na cək alon cii ɣen ye rišöc ē Nhialic, ku cä kəc thek, ke rin ē tiŋ kēnē ɣa rääm nom ē bak, aba tiŋ ba dhiel luök yic, na cä loi kälä, ka bi ya cool ē bēn ku cut ɣaguöp.’ ”

⁶ Ku jəl Jethu lək ke, “Piēŋkë tē ye bēny kuc luk jiēm thīn.

⁷ Cii Nhialic lēu bi luk njic looi tēnē kacken ci ləc, kəc ye rööc aköl ku wēer? Bi ke cəl ke mec tēnē ye?

⁸ Alək we, abi luk njic looi tēnē ke. Ku na la dhuk, ɣen Manh Raan, ye kəc kadē ba yök ke la gam pinynhom?”

Kääŋ raan akut Parathī ku raan ajuēr kut

⁹ Ku lueel Jethu kääŋ kēnē aya tēnē kəc röt yök ciēt kek path kepēc, ku dhälkë raan ebēn guöp.

¹⁰ “Kəc karou aake ci la luaŋ Nhialic bik la rööc, raan akut Parathī nhiam apeɪ ku raan ē kut ajuēr kəc tušör nyin.

¹¹ Go mony nhiam akut Parathī bēn ku kēec ku rööc ē rot älä, ‘Yin alēec Nhialic, ɣen acii thōŋ kek kəc kək, kəc käk kəc kək tušör nyin, kəc ē luui käreec ē diäär kəc kək kəc. Yin alēec rin ɣen acii thōŋ kek raan ajuēr kut kēnē.

¹² ɣen ē thek ba cii mīth, arak rou nin kadhorou yiic, ku yin aya juēr tøk thiäär yic kākkiēn ya yök luɔi yic ebēn.’

¹³ “Ku raan ajuēr kut aci bēn ku kēec tēmec ku cii yenyin njēer nhial wēn rööc yen, ku gut yepuəu amääth bi nyuəth lən ē yen käreec looi ku lueel, ‘Nhialic liec ɣa, ɣen ē raan la guöp adumušömm.’ ”

¹⁴ Ku jəl Jethu lək ke, “Mony kēnē, ku acie raan akut Parathī, aci dhuk baai ka adumušömmke ci päl piny tēnē ye. Rin raan

nhiam rot yäth tuen abï dhuök ciëen, ku raan lir puöu rot tööu ciëen abï yäth tuen.”

Jethu adac mith

(Mt 19:13-15; Mk 10:13-16)

¹⁵ Kac käk aake mith bëïi tënë Jethu bi ke bën döc. Go kac Jethu buoath ke läät.

¹⁶ Go Jethu mith caal yelööm ku lueel, “Calkë mith aa bö tënë ya, duökkë ke pën. Rin raan wïc ye bi la bääny Nhialic yic adhil gam cimën ë mith thiikä.

¹⁷ Alëk we, raan wïc ye bi bääny Nhialic yök adhil wët Nhialic gam, cimën ye manh koor wët kac ke dhiëth ye gam.”

Raan ajak

(Mt 19:16-30; Mk 10:17-31)

¹⁸ Go raandit kac Itharel Jethu thiëc, “Raan piöc path, yenö ba looi ba pir akölrüëc ëbën yök?”

¹⁹ Go Jethu lëk ye, “Yenö ye yin ya cöl raan path? Acin raan path, ee Nhialic ë rot.

²⁰ “Ku na bëer wëtdu, ke yin anjic käk ye löön Nhialic lueel,

‘Duk tin raandä kor, duk raan näk, duk cuëer, duk kuëen wët lueth.

Thek wuur ku moor.’ ”

²¹ Go mony wën bëer, “Löönkä aaca muk nhüm ëbën tēwäär koor yen agut ëmën.”

²² Nawën pin Jethu kënë, ke lueel tënë ye, “Ala löñ not këc ë looi. Yaac käkku ëbën ku gam wëeu tënë kac nön, yin abï jiek la yök pan Nhialic ku bäär buoath ya.”

²³ Nawën pin mony kën ë wëlkä, ke mæn rin ë jak apai.

²⁴ Go Jethu tin ke ci puöu dak ku lueel, “Abï yic riel tënë kac ajiek bik la bääny Nhialic yic.

²⁵ Alëk we alanden, apuol yic bi thöröl bak with cök, tën tē bi raan ajak la bääny Nhialic yic.”

²⁶ Go kac awën pin ë wëlkä Jethu thiëc, “Na ye këya, yena bi la pan Nhialic?”

²⁷ Go Jethu bëer, “Käk ci raan ke lëu aaye Nhialic looi.”

²⁸ Go Piter lueel, “Na yook, yok aaci kakkua nyään wei ku buoathku yi!”

²⁹ Go Jethu lëk ke, “Wek alëk yic, raan nyiëen panden wei, ku tiende ku wämäthakën ku kac ke dhiëth ye, ayi miëthke rin bääny Nhialic,

³⁰ abï kajuëc yök ë riëc kënë yic, ku pir akölrüëc ëbën bi bën aköldä yic.”

Jethu ajam ë Thuände kën yic diäk

(Mt 20:17-19; Mk 10:32-34)

³¹ Nawën ke Jethu cöl kacken ye buoath kathiaär ku rou tēden röt ku lëk ke, “Emën yok aa la Jeruthalem, tē bi kawäär ci kac käk Nhialic tin göt rin Manh Raan kenhüm la tiëen thin.

³² Abï la thön kac cie kac Itharel bik bui ku lëtkë, ku nuutkë nyin,

³³ ku abik that ku näkkë, ku na ye aköl ye nin diäk, ke yeen abï piir ku jot rot ran yic.”

³⁴ Ku kac ye buoath aake këc kakkä deet yiic. Wëtde yic aci thiaan tënë ke, ku keek aaci kën jiem Jethu kuc.

Jethu aci cör kony bi daai

³⁵ Nawën dötkë Jeriko, ke mony ci cör ë rëer dhël you ke lim.

³⁶ Nawën pin kac cath röt, ke thiëc, “Yenö loi rot?”

³⁷ Go lëk ye lön ë Jethu raan Nadharet yen atëk dhël yic.

³⁸ Go cööt, “Jethu, wën Debit liec ya.”

³⁹ Go kac ke tö tuen läät ku lëkkë ye bi biet. Go not kiu apai, “Wën Debit kony ya.”

⁴⁰ Go Jethu köc ku lëk kac bik mony kënë thël tënë ye. Nawën ci yëet tēthiök, ke thiëc Jethu,

⁴¹ “Yenö wïc ba looi tënë yi?” Go bëer, “Bëny awiëc ba ben daai.”

⁴² Go Jethu lëk ye, “Daaië! Gamdu aci kony.”

⁴³ Go guo daai nyin yic, ku buoath Jethu ke lec Nhialic. Nawën tin kac juëc ke tö thin kë ci rot looi, ke lec Nhialic ëbën.

19

Jethu ku Dhäkeo

¹ Nawën ci Jethu yet Jeriko ku ber yic.

² Ke raan ajak cöl Dhäkeo ë tö thin ke ye raandit kam kac ajuer kut,

³ ku yeen ë wïc bi Jethu tin ku ë ciëk apai. Go ciën tē tin yen Jethu rin kac aake juëc.

⁴ Go rin tuen ku ler naap nhom, nam bi Jethu tëek yecök.

5 Nawën yëet Jethu ñam awën cök ke tñj Dhäkeo nhial, go cööl ku lueel, “Dhäkeo, löc bën piny, yaköl ñen abï cool paandu.”

6 Go Dhäkeo bën piny ku lor Jethu ke cï puşu miät apeï.

7 Nawën tñj kəc ke tö thïn ë kënë, ke la ñoomñoom ku luelkë, “Mony kënë aci la cool pan raan rac.”

8 Go Dhäkeo wëlken cïi kuëec nhïim ku jöt rot ku lëk Bänyda, “Bëny, ëmën thiin ñen abä abëk ë wëëukië yiëk kəc ñöñ, ku na ca kën raandä cam ruëeny, ka ba dhuk arak ñuan.”

9 Go Jethu lëk Dhäkeo, “Yaköl, yïin ku kacku wek aaci pïr akölrïëec ëbën yök, rin yïin aya yïn ë manh Abaram,

10 rin Manh Raan aci bën bi kəc cï määw wïc, ku kony ke.”

Kääñ aloony kathiäär

11 Tëwën pïñ kəc ë wëlkä, ke Jethu thöth kääñ rin ëci thiök ke Jeruthalem. Ku ë yekë tak lön bi bääny Nhialic rot guo la jöök thïn.

12 Ku jöl lueel, “Monytui, ke ye raan göl bëny, ëci la wun dët mec apeï bi la ruök bi ya bënyñakñhom. Ku jöl dhuk wuönden.

13 Ku wën kəc yen guo jäl, ke cöl aluöonyke kathiäär, ku ye ñek gäm wëëu ku lëk ke, ‘Lökkë luui ë wëëukä yet aköl bi ñen dhuk.’

14 Ku yeen ë mæen kacken mæc, gokë kəc tuöcc yecök bik la lueel, ‘Mony kënë acuk wïc bi ya bënyñakñhom.’

15 “Cök awën cïi kacke ye wïc ka ñot cï ya bënyñakñhom, ku dhuk ku cööl aloonyken wäär cï gäm wëëu, bi bën ñic ye wëëu kadë cï raan tök ya juak wëëu wäär cï yiëk ye yiic.

16 Go alony tueñ bën ku lueel, ‘Bëny, wëëu wäär ca gäm ya, ñen aci wëëu juëc tënë ke arak thiäär yök thïn.’

17 Go bëny lëk ye, ‘Aca ñiec looi, yïn alony path, ku rin cï yïn kälík ñiec muk apath, yïn abï ya bëny gæth kathiäär.’

18 Go alony ye kek rou bën ku lueel, ‘Bëny, ñen aci wëëu juëc arak dhiëc yök tën wëëu wäär ca gäm ya.’

19 Go bëny lëk alony kënë aya, ‘Yïn abï ya bëny gæth kadhiëc.’

20 “Ku ben alony dët bën ku lueel, ‘Bëny, wëenkun wäär aa kik. Aake ca der yiic alanhthiin ye kəc kenyin wuuny ku tääu ke.

21 Ñen ya cï riöcc yi, rin ye yïn raan cie këdu puöl. Yïn ë kë cie këdu lööm, ku yïn ë tem rap kəc ë puur.’

22 Go bëny lëk ye, ‘Yïn alony rac, dak rot. Wëlkun ca lueel kek aabi luök wei. Anic lön ye ñen kë cie këdië lööm, ku ñen ë rap tem rap kəc puur.

23 Yenjö këc yïn wëëukië gäm kəc ñic luui wëëu rin na la dhuk aköldä ke yök ke cï keyiic juak?’ ”

24 “Ku yöök bëny kəc wën kääc thïn, ‘Nyaaikë wëëu tënë ye ku gamkë ke tënë raan la wëëu juëc.’

25 Gokë lëk ye, ‘Bëny yeen ala wëëu juëc apeï.’

26 Go bëny lëk ke, ‘Raan la käh abï gäm käjuëc kök, ku raan cïn käh, abï këthiin tö tënë ye nyaai aya.

27 Ku kəc man ñen kä, kəc cïi ñen wïc ba ya bënyden, bëëikë ke ñanhom tën ku näkkë ke ya daai ë ke.’ ”

Jethu aci la Jeruthalem ke ciëm yai (Mt 21:1-11; Mk 11:1-11; Jn 12:12-19)

28 Wën cï Jethu kääkä lueel, ke jiël bi la Jeruthalem ke wat atuöocke nhïim.

29 Tëwën cï kek thiök ke Bethpeec ku Bethani, tëthiääk kek gön Olip, ke tooc kəc ye buöath karou tueñ

30 ku lëk ke, “Lak bëëi tö tueñ yiic. Të yeet wek, wek aabi manh akaja cïn raan cï kañ cath ye yök ke mac. Luönykë ku bëëikë tën.

31 Na le raan thiëc we, yenjö lony wek ye? Ke lëkkë ye, awïc Bänyda.”

32 Gokë la ku yökkë manh akaja cit tëwën cï Jethu ke than thïn.

33 Tëwën lony kek manh akaja, ke lëk raan la akaja ke, “Yenjö lony wek manh akaja?”

34 Gokë bëër, “Awïc Bänyda.”

35 Gokë manh akaja yäth tënë Jethu ku kumkë käu aläthken, ku nyuc Jethu yekäu.

36 Tëwën lööny yen dhöl, ke kəc juëc thiëth aläthken dhël yic.

37 Ku wën löör yen piny gön Olip ñhom, go kacken ye buöath puöth miät ëbën, ku leckë Nhialic rin käjuëcdit jäh göi cik tñj ku wekkë apeï ëlä,

38 “Bī Nhialic bēnyñaknhom cī bēn rin Bānyda dāc.

Dōōr pan nhial ku læc tēnē Nhialic.”

39 Go kōc akut Parathī kōk ke tō kōc yiic lueel tēnē Jethu, “Bēny cōl kōckun yī buōōth aa bit.”

40 Go Jethu bēēr, “Alēk we, na cōk kē biæt, ka aleel ē rōt, aa loi wuōōu.”

41 Nawēn lek Jeruthalem dōōt, ke dhiau wēn tīñ yen gēu nhom,

42 ku lueel, “Dōōr akōlriēēc ēbēn ēcī we dōōt kōc Jeruthalem, ku wek aacī jai ē ye. Ku ēmēn acāk bī bēn tīñ.

43 Ala akōl bī kōc atērdun bēn ku golkē we abī ciēn tēyōr bakkē.

44 Aabī we nōk ēbēn agut mīth rēēr ke we. Ku gen Jeruthalem abī thuōr piny ēbēn, abī ciēn alēl kāāc alēl dēt nhom, rin kēc wek akōl cī Nhialic bēn bī we kony ñic.”

Jethu acī la luanj Nhialic

(Mt 21:12-17; Mk 11:15-19; Jn 2:13-22)

45 Nawēn lek yet Jeruthalem ke Jethu la luanj Nhialic. Ku cop kōc kāñ yaac ayeer kal luanj Nhialic yic.

46 Ku lēk ke, “Acī gōt athōr thēer wēl Nhialic yic lōn cī Nhialic ye lueel ēlā, ‘Luanjdiē acī looi bī ya tēn ye kōc ēbēn rōōk thīn.’ Ku yeen acāk wel bī ya luanj cuēr.”

47 Ku jōl a piōōc luanj Nhialic akōlakōl. Go kōc kāk Nhialic ku kōc gēt lōōñ ku kōcdīt baai wīc bīk nōk.

48 Ku acīn dhēl cīk lēu bīk yōk bī kek ye looi, rin ye kōc ēbēn rēer yelōōm ke piñ wēlke, ku wīckē bī ciēn tōñ cīk piñ.

20

Bāny Itharel aa riel Jethu yōōñ yic

(Mt 23:27; Mk 4:27-33)

1 Nayōn akāl tōk, tēwēn piōōc Jethu kōc ē Wēt Puōth Yam luanj Nhialic, ke bēnydīt kāk Nhialic, ku kōc gāt lōōñ ku kōcdīt baai bō tēnē ye.

2 Ku thiēckē, “Ee yīn, lēk yo ye riel ñō tō yīguōp ye yīn luui kēlā? Ku yeña yīk yī ē riel kēnē?”

3 Go Jethu bēēr tēnē ke, “Wek aba thiēēc aya, lēkkē ya,

4 riel ye Joon kōc gām lōkwēi yōk tēnē Nhialic aye rielde ē rot?”

5 Gokē kanj guēēk yic kamken ē rōt ku luelkē, “Na luelku ka yōk tēnē Nhialic, ka lueel ēlā, yeñō kēc wek wētde gam?”

6 Ku na luelku ke rielde ē rot, ke yok aa nāk, rin cī raan ēbēn ye gam lōn Joon ē ye raan kāk Nhialic tīñ.”

7 Gokē dhuōk Jethu, “Yok aa kuc tē yōk yen rielde thīn.”

8 Go Jethu lēk ke, “Na ye kēya, ke wek aacā lēk riel ye yen kākā looi.”

Jethu ajam ē waal bī rēēc bāny nyuōōth

(Mt 21:33-46; Mk 12:1-12)

9 Ku ben Jethu jam ē waal tēnē kōc ku lueel, “Monytui ēcī dom looi ku cum yic tiim ē luōk, ku riōp yic kōc kōk. Ku keny wun dēt, ku le pēi juēc nōk wei.

10 Nawēn le tē cī tiim luōk thōōñ, ke tooc aluōnyde tēnē kōc wāār cī riōp dom yic bīk la gām abākke. Gokē alony dām ku thatkē ku copkē ciēn yecin.

11 Go alony dēt bēn tooc, gokē bēn dām ku thatkē ku banjē apei. Ku toockē ciēn ke cīn kē cīk gām ye.

12 Go alony dēt ye kek diāk bēn tooc, gokē yiēk tētōk aya ku copkē wei.

13 Go wun dom lueel, ‘Yeñō ba looi? Yen abī manhdiēn nhiaar tooc, tēdē ka bīk la theek.’

14 Nawēn tīñ kōc cī riōp dom yic manhde, ke luelkē, ‘Kēnē ē manh raan yen la dom, ku ē yen abī kāñ lōk thōn akōldā. Bāk nākku ku kākā aabī dōñ ke yo.’

15 Ku thelkē ayeer dom yic ku nākē.” Ku jōl Jethu ke thiēēc, “Yeñō bī raan la dom looi tēnē ke?”

16 “Abī bēn ku nēk kōc awēn cī riōp dom yic, ku riōp dom yic kōc kōk.” Nawēn piñkē ē wēt kēnē ke luelkē, “Diēt cī rot loi!”

17 Go Jethu ke dōt apei ku thiēēc ke, “Yeñō ye wēt kēnē cī gōt kēlā thēer teet yic, ‘Mēn wāār yen cī atēēt kuc, yen acī bēn a mēn ril.’ ”

18 Ku lēk Jethu ke, “Na deeny raan yecōk mēn ka duōny bī ruōth. Ku na wīk raan nhom ka niōn yic.”

Jethu awīc bī wēēñ wēt ajuēr

(Mt 22:15-22; Mk 12:13-17)

19 Go kōc piōōc lōōñ ku bāny kāk Nhialic wīc bīk Jethu dām nyin yic, rin cī kek ye ñic

lön aa kek ke jiëem Jethu gup ë waal. Ku keek aaci riöc kác awën tó thín.

²⁰ Gokë kác kák riöp thook bik röt looi ciët ke ye kác path tènë Jethu, bik aa la thiëc bik deep rin na le wët rëc lueel, ke dómkë ku yëthkë tènë bánydít mac baai.

²¹ Ku bik tènë Jethu ku thiëckë ëlä, “Raan piöc, anicku lön wët ye lueel ku kë ye piöc ee yic. Yín acie dít raan ye kuëc nom. Ku yín ë kác piöc bik kë wíc Nhialic looi dhël la cök.

²² Lëk yo, na ye táktäku buk ajuër dhiel aa gam, yok kác Itharel tènë bényjaknom Cithër kua cuk bí gam ye.”

²³ Ku Jethu ëci ruënyden njic, ku bëer,

²⁴ “Nyuöthkë ya wëü, ku thiëc ke, ye nom na ku ye rin na kákä cí giët ë wëeth kóu?” Gokë bëer, “Aa kák Cithër bényjaknom.”

²⁵ Go Jethu lëk ke, “Na njäckë këya, gámkë Cithër bényjaknom këde ku gámkë Nhialic këde.”

²⁶ Ku acín wët rëc cí Jethu lueel kác nhüim lëu bí ya awuöc bí kek ye dóm. Ku wët cí lueel ëci ke göi ku bitkë.

*Nhialic abi kác cí thou cöl aa ben pír
(Mt 22:23-33; Mk 12:18-27)*

²⁷ Go kác kák akut Thaduthi. Akut cüi yeen ye gam lön bí Nhialic kác cí thou ben cöl apír, bën tènë Jethu ku thiëckë ëlä,

²⁸ “Raan piöc, Mothith aci löñ gót ëlä tènë yo, ‘Na thou wämënh ë raan ku nyiëñ tik piny ke cín mïth, ke wämënh koor ala yót tik bí mïth dhiëeth yön mënhe.’

²⁹ Na thöönku lön tó mïth tik thín kadhorou, ku thiëc wën dít, ku thou ke cín mïth.

³⁰ Go wämënh buöth ye la yót tik, ku thou aya ke cín mïth cí dhiëeth.

³¹ Ku looi rot këya tènë mënhe ye kek diäk. Ku këya tènë ke ëbën kadhorou, aaci thou ke cín mïth cí nyään piny.

³² Nawën ke tik thou aya.

³³ Ku lek tuen ku thiëckë, tē le kác cí thou röt jät aköldä, bí ya tin na, rin cí yen rëer ke ke ëbën kadhorou?”

³⁴ Go Jethu bëer, “Thiëñ ye kác röt thiaak ë kën pinynom tën.

³⁵ Ku kác path bí röt jät thou yic, kác ye pan Nhialic këden, aacie thiëc ku aacie ë thiaak,

³⁶ ku aaci bí ben thou rin aa thöñ kek atuuc Nhialic. Ku aa mïth Nhialic rin cí kek röt jät thou yic.

³⁷ Ku Mothith guöp ë jam lön ye kác cí thou ben pír, wäär gët yen tē cí Nhialic rot nyuöth ye ë bun dëp yic, ku jiëem rin Bëny ëlä, ‘Ee Nhialic Abaram, ee Nhialic Ithäk ku ee Nhialic Jakop.’

³⁸ Wëtde yic ë lön ye yen Nhialic ë kác pír, ku acie Nhialic kác cí thou, rin kác ëbën aa pír tènë ye.”

³⁹ Go kác piöc löñ ke kääc thín jam ku luelkë, “Aca njec dhuk nom raan piöc.”

⁴⁰ Ku thök jamden rin ë cí wíc bik ben thiëc.

*Jethu aci kác piöc lön yen raan ë tooc
Nhialic
(Mt 22:41-46; Mk 12:35-37)*

⁴¹ Ku lueel Jethu tènë ke, “Yenö ë ye lueel lön raan cí löc ku dác ya raan dhiënh Debit?”

⁴² Rin aye Debit guöp luel athör waak yic ëlä,

‘Aci Nhialic lueel tènë Bánydië, “Nyuc ë tén köñdiën cuëc,

⁴³ yet tē bí yen kác aterdu dhuök ciëen yicök.”

⁴⁴ “Ye kädë ye yen manh Debit, ku yeen aye Debit cöl, ‘Bánydië?’ ”

*Jethu alëk kác bik röt tiit kác gät löñ
Itharel
(Mt 23:1-36; Mk 12:38-40)*

⁴⁵ Tëwën pin kác ëbën wëtde, ke Jethu wël yenhom kacken ye buöth ku lueel,

⁴⁶ “Tietkë röt ku duökkë kác piöc löñ Itharel ye kiët. Kác cath kek alëthken dít bär, röt teem yön yöc yic bí ke aa muöth athëc. Ayekë nhiaar bik nyuc tuen thöc kacdít tén amat, ku yön path aköl yai.

⁴⁷ Ku keek aa kák lëer tuöör nyin, ku röökkë apëi bik kác wëñ lön puöth kek. Käckä aabi tëm awuöc ril apëi.”

21

*Ajuër lëer
(Mk 12:41-44)*

¹ Kaam wën ke Jethu cī nyuc tē ye wëeu juaar thīn luan Nhalic, ku dōt kōc wëeu cuat kēn ajuēr yic. Ke kōc juēc ajiεek aake cī wëeu aa tāāu thīn.

² Nawën ke tīj lëer anääñ bö ku cuet wëeu reen lik thīn aya.

³ Go Jethu lueel, “Wek alēk yic, lëer kēnē aci Nhalic kēden cī juaar nhiaar tēnē kōc kōk ēbēn.

⁴ Rin aa cik juaar wëeuken juēc yiic, ku yen anāñē, aci kēn bī yen pīr dhuəl thīn ēbēn.”

*Luan Nhalic Jeruthalem abī thuör piny
(Mt 24:1-2; Mk 13:1-2)*

⁵ Tëwën jiël kek luan Nhalic, ka atuuc kōk jam tē dhëēñ luan Nhalic thīn ku aleel pēth cī ye buth, ku kadhēñ cī gām Nhalic bī ye door. Go Jethu bëēr,

⁶ “Käkkith yakē tīj ēmēn, ala akōl bī ke thuör piny ēbēn, ka cīn alēl tōñ bī kōöc alēl dēt nhom.”

*Acī Jethu lēk atuöccke lōn bī ke maan
(Mt 24:3-14; Mk 13:3-13)*

⁷ Go kē thiēc, “Raan piöc, ye nēn bī kēnē rot looi, ku yenō bī ye nyuöth lōn tē bī kēnē rot looi aci thiök?”

⁸ Go Jethu lēk ke, “Tiëerkē nhīm ku duökkē rōt cōl aduñ. Rin kōc juēc aabī bēn ē riēnkiē ku ye ñek lueel, ‘Ke yen raan cī lōc ku dōc, akōl bī yen bēn akīn.’ Duökkē ke buōth.

⁹ Ku duökkē riōc aköldä tē tīj wek tōñ, ku aliäap baai ke loi rōt. Käkkä abī rōt kañ dhiel looi tuēñ, ku acie lōn cīi thök piny guo thiök.”

¹⁰ Ku ben Jethu lueel ēlä tēnē ke, “Wuöt aabī kenhīm tuööm ku thërkē, ku bēēi mēc bānydīt abī thör kamken.

¹¹ Ayiēkyiēk piny dīt juēc aabī rōt looi, ku tuaany ku cōñdīt apēi aabī rōt looi yōn juēc yiic. Ku käreç kōk aabī rōt looi, ku kādīt kōc cōl ariōc aabī tīj nhial.

¹² Ku tuēñ bī käckä rōt looi, wek aabī gum apēi, ku wek aabī yāth tēn amat ku mēc we. Ku wek aabī yāth luk yic bāny nhīm ē riēnkiē.

¹³ Ku ē yen tēn bī wek kōc ēbēn lēk Wēt Puōth Yam thīn.

¹⁴ Ku duökkē diēer tē bī wek rōt kuony thīn,

¹⁵ rin wek aba kony ba we cōl anic wël puōth bāk lueel, kāk cīi kōc aterdun we bī jōöny, tēdē ke dhäl käckun yakē lueel.

¹⁶ Wek aabī kōc ke dhiēth we, ku wämāthakun, ku kōc ruāāi ke we ku māthkun gaany. Ku kōc kōk kamkun aabī nōk.

¹⁷ Ku raan ēbēn abī we maan ē riēnkiē,

¹⁸ Ku wek aabī kony na cōk a nhiēm tōñ nhom ka cīi bī mää.

¹⁹ Deet bī wek wepuōth dēet abī we cōl apīr.

*Jethu ajam wēt riāñ Jeruthalem
(Mt 24:15-21; Mk 13:14-19)*

²⁰ “Akōl tīj wek Jeruthalem ke cī apu-ruuk wuöt kōk gool, ke ñieckē lōn tē bī ye rac aci bēn.

²¹ Ke kōc rēēr Judia aa dhil riñ gat nhīm, ku kōc rēēr geeu Jeruthalem aa dhil jāl, ku kōc tō bēēi yiic ayeer aaci la geeu.

²² Rin tēnē, kek aa nīn bī kōc tēm awuöc bī kē cī gōt athör thēer wël Nhalic yic yēnhom tiēñ.

²³ Diäär liēc ku diäär muk mīth kor aabī gum apēidīt ē nīnkä. Kōc ē wunē, aabī gum apēi ku aabī Nhalic tēm awuöc.

²⁴ Kōc kōk aabī nōk tōñ yic, ku kōc kōk aabī dām ku la ke mac wuöt kōk yiic. Ku Jeruthalem abī wuöt kōk dām ku rēckē apēi, ku mackē yet akōl bī bāānyden thök.

*Akōl bī Manh Raan bēn
(Mt 24:29-31; Mk 13:24-27)*

²⁵ “Kāk kēc kañ tīj aabī rōt looi tēnē akōl ku pēi ku kuel. Ku kōc wuöt pinynhom ēbēn aabī puōth jīeth, ku riöcckē atiaktiak dīt loi rot wēr yiic.

²⁶ Ku kōc aabī riöc apēi rin kāk loi rōt pinynhom. Kāk tō nhial ēbēn, akōl ku pēi ku kuel aabī rōt yāäk.

²⁷ Ku Manh Raan abī tīj ke bö nhial pial yiic kek diik ku riēdīt apēi.

²⁸ Tē looi käckä rōt, ke we deet wepuōth ku rēērkē ē cōk rin tē bī we luök käreç yiic aci yēēt.”

²⁹⁻³⁰ Ku ben Jethu ke lēk kääñ kēnē, “Tē tīj wek tim cīt ñaap ayi tiim kōk ke loi yīth yam, ka ñieckē lōn cī kēr thiök.

31 Këya, na tiënkë kakkä ke loi röt, ke ñieckë lön cī bääny Nhialic thiäk.

32 Alëk we, wek aaciī bī mää rē cök kakkä röt looi.

33 Nhial ku piny aabi liu, ku wëtdië aciī bī kanj mää r.

Rëerkë we cī röt guiir

34 “Guierkë röt, ku rëerkë we tir nhüim. Duökkë aköl bī yën bën cäl ayök we ke we këc röt guiir. Duökkë röt cäl ayök we pīr pīr rac, bāk aa rëer we cī wiëet ë möu akölaköl, ku yakë rëer we tēk kāk pīr pinyhom. Aköl kë nē abī la ciel wegup ke cāk ñic,

35 cīmën län adhie wëi adëep. Ku kë nē abī bën tē nē kuat raan pīr pinyhom ëbën.

36 Rëerkë we tit ku rëökkë akölaköl bāk la rial bī wek kë bī rot looi göök, bāk kööc yanhom yën Manh Raan we cīi diëer.”

37 Ku jöl Jethu ë nīnkä nök ke ye piöoc luanj Nhialic, na bö thëi ke jiël bī la nin gōn Olip nhom.

38 Ku kōc aake ye guëer luanj Nhialic rial bīk piöocde bën piñ.

22

Amat nēk Jethu

(Mt 26:1-5; Mk 14:1-2; Jn 11:45-53)

1 Nawën la tē bī Yan Ayum cīn yic luou looi thiäk.

2 Ke kōcdit kāk Nhialic ku kōc piöoc löönj wic dhël path bī kek Jethu nök, rin riöoc kek ciët la aliäm bī rot looi.

3 Ku raan tök kam kōc ye buöoth kathiaär ku rou cäl Juda Ithkariöt, ëcī bëny jōhrac la yepuöu.

4 Go la tē nē kōcdit kāk Nhialic ku bāny apuruuk luanj Nhialic tiit, bī tē bī yën ke kuony thīn, bīk Jethu dōm la guëek yic.

5 Gokë puöth miët wën piñ kek ye lön bī yën ke kony, ku thōnkë lön bī kek ye riöp.

6 Go gam, ku wic tēpeth bī yën Jethu dōm thīn ke cīn kōc ñic ye.

Jethu aci miëth thëi cī guiir rin yai cam

(Mt 26:17-25; Mk 12:21; Jn 13:21-30)

7 Aköl bī Yan Ayum cīn yic luou looi ëcī bën, aköl ye amël nök rin yai.

8 Go Jethu Piter ku Joon tooc ku lëk ke, “Lak bāk miëth yai la guiir tē nē yō.”

9 Gokë thiëec, “Ye tēnen wic yīn yō buk miëth yai la guiir thīn?”

10 Go Jethu bëer, “Të le wek geeu Jeruthalem, ke wek aabi rōm kek mony yëec tōny ë piū. Biaathkë pan le yën thīn.

11 Ku lëkkë raan la baai, aye Raan piöoc lueel, “Ye yōn nēn bī yën miëth yai cam thīn yok kōckiën ya buöoth?”

12 Ku abī we nyuöth yōn nhial lääu yic cī guiir yic. Guierkë miëth ë tēen.”

13 Gokë la ku yökkë këriëec ëbën cit tēwën cī Jethu ye lëk ke thīn. Ku jōlkë miëth yai guiir.

Guirku röt apath buk guöp Bëny rōm

(Mt 26:26-30; Mk 14:22-26; 1Kor 11:23-25)

14 Tēwën bī kek jäl mīth ke Jethu nyuc tēde ku nyuc atuöocke aya,

15 ku lëk ke, “Aca wic apeī ba miëth Yan Ayum cīn yic luou kë nē cam kek we ku ba jäl gum.

16 Alëk we lön acā bī bën cam yet tē bī wët tō yeyic yök bääny Nhialic yic.”

17 Ku lööm aduj cī thiāñ muön abiëc, ku leec Nhialic ku lueel, “Lōmkë kë nē ku tēkkë ë kamkun.

18 Alëk we lön yën acīn muön abiëc dët ba bën dek yet aköl bī bääny Nhialic bën.”

19 Nawën ke lōm ayup ku leec Nhialic, ku bëny yic ku gēm ke ku lueel, “Kë nē ë guäpdië cī juaar riënkun. Yakë looi këlä bāk ya ya tak.”

20 Nawën miëth cök ke bën aduj la yic muön abiëc lööm aya ku lueel, “Kë nē ë döör yam ke Nhialic cī thany ë riëmdië bī kuër ë riënkun.”

21 “Ku yën kīn, raan bā luom arëer tēn, ku amīth kek ya!

22 Ku ë tēde, Manh Raan adhil thou cit tē cī Nhialic guiër ye. Ku raan bā luom abī gum apeī!”

23 Gokë röt thiëec tök, tök, yeña kamkua lëu bī ya yën loi kë nē.

Atuuc aaci wët tēer raan dit kamken

24 Kaam wën aya ke kōc ye buöoth teer wët lön nadë, “Yeña kamken yën bī ya raan dit apeī.”

25 Go Jethu lëk ke, “Pinynhom tēn bāny kəc cie kəc Itharel aa la riel tēnē kəcken mæckē, ku kəc mac baai aa röt cəol, ‘Kəc mäāth ke kəc baai.’

26 Ku acie tēde tēnē we, rin raandit kamkun adhil rot dhušk piny bī ciēt raan koor. Ku raan tō tuenj adhil rot dhušk ciēn bī luui tēnē kəc kək.”

27 Ku thiēc ke, “Yeŋa yen dīt, ye raan ye luōi aye raan ē luui? Cie raan ye luōi? Ku ŋen kamkun ŋen acit raan ē luui.

28 “Wek aaci kōc ke ŋa kārīl cā yök yiic,

29 ku cit mēnē cī Wā ŋa looi ba ya bēny, wek aba yiēk ē bāāny kēnē aya.

30 Wek aabi mīth ku dēkkē kek ŋa bāānydiē yic, ku nyuōckē thōc nhīim bāk luŋ thān Itharel yic thiāār ku rou looi.”

Jethu aci kē bī Pīter ye jai lueel
(Mt 26:31-35; Mk 14:27-31; Jn 13:36-38)

31 Ku ben Jethu lueel, “Thaimon, Thaimon piŋ wēt diēnē, bēny jakrɛc aci thiēc bī gām riel bī we them ēbēn, bī kəc path tek thook tēnē kəc rɛc, cimēn dhie ye rap kōm bī miel tek thok rap yiic.

32 Ku ŋen aci rōok rienku yīn Thaimon bī gamdu dhiel riel. Ku na ca jal dhuk tēnē ŋa, ke yī kony wāmāthakui kək.”

33 Go Pīter bēer, “Bēny acin kē bā gēl bī ŋa cīi mæc kek yī, ku thuōu kek yī aya.”

34 Go Jethu lueel tēnē ye, “Alək yī Pīter, nhiäk bēk piny ke thōn ajīth kēc kiu, yīn abā jai arak diäk lōn kuc yīn ŋa.”

35 Nawēn ke Jethu thiēc kəcken ye buōth, “Tē tooc ŋen we bāk Wēt Puōth Yam la lək kəc, ku wek aacin wēu ku jəkgə la keny ayī war, yakē yök lōn le yen kē liu tēnē we?” Gokē bēer, “Acin kēdārj.”

36 Go Jethu lueel, “Ēmēn, na la raan wēu ke muk ke, ku muk jəkgə aya. Ku na yīn acin pal, ke yī ŋəc alēth abək wei ku ŋəc.

37 Luōikē ē kēnē rin aye wēl cī gāt thēer ē rienkiē lueel, lōn ye ŋen raan tōk kam kəc kārɛc looi. Ku wēt kēnē abī yenhom tiēŋ emēn.”

38 Go kəc ye buōth lueel, “Bēny, paal karou aa kik.” Go bēer, “Aa juēc.”

Jethu arōk ke ŋic lōn bī ye nək
(Mt 26:36-46; Mk 14:32-42)

39 Nawēn ke Jethu jiēl ku ruɛc kəcken ye buōth, ku ler gən Olip nom cimēnden yen ye looi akōlakōl.

40 Nawēn lek yet tēden adhie, ke lək ke, “Rōkkē Nhialic bī we cīi them jakrɛc.”

41 Ku nyiēŋke piny ku le tuenj tēthin-nyōt, ku gut yenhiol piny ku rōok,

42 ku lueel, “Wā, na lēu rot ke kērɛc tit ŋa aci bō. Ku acie wēt diē ē wētdu.”

43 Go atuny nhial rot nyuōth ye ku deet puōu,

44 rin ē dhiau apei yepuōu. Ku ben rōok apei abī tuc kuēr yeguōp cimēn riem.

45 Ku jət rot tēwēn rōok yen thīn ku dhuk tēnē kəc ye buōth, ku yök ke ke nin rin cī riāäk ē puōu ke cəl agök.

46 Go lueel tēnē ke, “Yeŋō niin wek? Jatke röt ku rōkkē bī we cīi them jakrɛc.”

Jethu aci dəm
(Mt 26:47-56; Mk 14:43-50; Jn 18:3-11)

47 Jethu ē ŋot jam tēwēn bīi kəc juēc ke wet Juda nhīim, raan tōk kam kəc ye buōth kathiāār ku rou. Ku ler tēnē Jethu ku muōth ke ciim.

48 Go Jethu lueel, “Juda ca ŋa ciim ba Manh Raan nyuōth kəc dəm ye?”

49 Nawēn tiŋ kəc ye buōth ke rēer kek ye kē bī rot looi, ke luelkē, “Bēny, cuk thār? Ÿok aa muk paalkua.”

50 Go raan tōk kamken palde miēt bei, ku tōk alony lui pan raandit kək Nhialic ku teem yīnyden cuēc wei.

51 Go Jethu lueel, “Acie kēya.” Ku gəat mony awēn yic tēwēn cī tōk pal, ku kony bī dəm.

52 Ku jəl Jethu jam tēnē raandit kək Nhialic ku bāny apuruuk luŋ Nhialic tiit, ku kəcdit baai cī bēn bik ye dəm, ku lueel, “Cäk bēn we muk paal ku atuel ciēt ŋa ye raan kəc rum?”

53 Ÿen ē rēer kek we luŋ Nhialic akōlakōl, ku akēckē kaŋ them bāk ŋa dəm. Ku emēn wek aaci puōl bāk kē tō wepuōth looi. Ku tēnē jəŋrac abī la riel bī kērɛc wic looi.”

Pīter ajei Jethu
(Mt 26:57-58, 69-75; Mk 14:53-54, 66-72; Jn 18:12-18, 25-27)

⁵⁴ Gokë Jethu döm ku yëthkë pan raandit käk Nhialic. Ku Pïter ë biöth ke mec kəc cök ciëen.

⁵⁵ Ku apuruuk aake cï many yöckë took kal yic. Go Pïter rot mät ke ku nyuuc bi yoc.

⁵⁶ Nawën tïj nyan lui pan bëny Pïter ke nyuc mac lööm, ke döt apëi ku lueel, “Mony kënë ë ye rëer kek Jethu aya.”

⁵⁷ Go Pïter jai ku lueel, “Mony kënë acä cök ñic yïn nyënë!”

⁵⁸ Ku kaam thiin awën ke mony dët tïj Pïter ku lueel, “Yïn ë raanden aya.” Go Pïter bëër, “Acie yën mäthdië.”

⁵⁹ Ku kaam awën, ke wët yen raan Jethu, ben mony dët muök yeguöp apëi ku lueel, “Acin diu lön ye mony kënë rëer kek Jethu, rin ë raan Galilia.”

⁶⁰ Go Pïter bëër! “Mäthdië, kë ye lueel acä cak deet yic.” Ku kaam wën ñot jiem yen ke thön ajïth kiu.

⁶¹ Go Jethu yenhom wel ku döt Pïter. Go Pïter këwäär cï Bëny Jethu lëk ye ëlä, “Tuenj ke thön ajïth këc kiu ya aköl, aba lueel arak diäk lön kuc yïn ya.”

⁶² Ku ler ayeer ke cï guöp yär ku dhiëeu apëi.

Jethu acï bui ku that

(Mt 26:67-68; Mk 14:65)

⁶³ Tën awën ke kəc ke tit Jethu, ee yekë bui ku thatkë,

⁶⁴ ku derkë nyin ku guutkë kecin ku yöökkë, “Mëkkë! Yenja yï gut?”

⁶⁵ Ku lueelkë käreç apëi yeguöp.

Jethu acï yäth luñ bäny Itharel yic

(Mt 26:59-66; Mk 14:55-64; Jn 18:19-24)

⁶⁶ Nawën bak piny, ke kəcđit Itharel ku kəcđit käk Nhialic, ku kəc piöc lööñ mat kenhiim. Ku biï Jethu luñden yic.

⁶⁷ Ku lëkkë ye, “Na ye Raan cï ləc ku dəc, ke lëk yo.” Go Jethu bëër, “Na lëk we ke wek aaciï wëtdië bi gam,

⁶⁸ ku na thiëec we, ka cäk bi bëër.

⁶⁹ Ku ëmën ler tuenj, Manh Raan abi nyuc lönj cuëc Nhialic Madhəl.”

⁷⁰ Gokë rek yic ëbën, “Na ye këya, ye Wën Nhialic?” Go Jethu bëër, “Ee yën, cit të cäk luël ye.”

⁷¹ Gokë lueel, “Acin dët wïcku kəc kök bi bën jam käk ci looi. Yök aaci wël cï lueel ë thuñde piñ.”

23

Kəc Itharel aaci Jethu gaany tënë Pilato

(Mt 27:1-2, 11-14; Mk 15:1-5; Jn 18:28-38)

¹ Go kəc luk röt jät ëbën ku yëthkë Jethu Pilato nhom raan Roma.

² Ku gəonykë ku luelkë, “Yök aaci mony kënë yök ke rëç kackua nhüim, ke ye lëk ke bik ajuër cïi ye tääu piny tënë bënyñaknhom Roma. Ku aye lueel aya lön ye yen Raan cï ləc ku dəc, bënyñaknhom.”

³ Go Pilato thiëec, “Ye yïn bënyñaknhom kəc Itharel?” Go Jethu bëër, “Ee ya, cit të ca luël ye.”

⁴ Go Pilato yenhom wël kəcđit käk Nhialic ku thän awën ku lueel, “Acin awuöc ca yök ee raan kënë guöp.”

⁵ Gokë ñot ke jam apëi ku luelkë, “Tëden yen kəc piöc thïn ajök aliäap Judia yic ëbën. Acï jöck Galilia ku yen kin cï bën Jeruthalem ëmën.”

Jethu acï yäth Antipäth Yërot nhom

⁶ Nawën piñ Pilato ë wëlkä ke thiëec lön yen raan Galilia.

⁷ Nawën le ñic lön ye Jethu raan wun mëç Antipäth Yërot, ku yeen ë rëer Jeruthalem ë ninkä, ke cöl Jethu ayëth yenhom.

⁸ Go Antipäth Yërot puşu miët wën tïj yen Jethu, rin ëci käjuëc piñ ë rienke. Ku ëci Yërot wic apëi bi Jethu tïj, ku ñööth aya bi käk ye Jethu ke looi tïj.

⁹ Go Jethu jal thiëec wël juëc, go Jethu biët kecin wët tönj dhuk nhom.

¹⁰ Go kəcđit käk Nhialic ku kəc piöc lööñ röt cuot tuenj, ku lueelkë wël rëç apëi Jethu guöp.

¹¹ Go Antipäth Yërot kek apuruökke Jethu bui ku lëtkë. Ku rukkë alanh dhën apëi cit alanh bëny yeköu, ku toockë ciëen tënë Pilato.

¹² Ku jöl Antipäth Yërot kek Pilato, wäär man röt jal mäath akölë.

Jethu acï tëm thou

(Mt 27:15-26; Mk 15:6-15; Jn 18:39-19:16)

¹³ Go Pilato kəcđit käk Nhialic ku kəcđit baai, ku kəc kök cöl ëbën,

¹⁴ ku lëk ke, “Wek aaci mony kënë bëei yanhom, ku luelkë lön ë yen raan rëç kəc nhüim bik aliäap looi. Ku ëmën yën acï wët

wic yic wenhïim, ku akëc yök ke la guöp awuöc cök alon cï wek ye gaany käjuëc apeï.

15 Na cök a Antipäth Yërot ka këc yök ke la guöp awuöc, yen ale yen ye cöl adhuk yanhom. Acïn awuöc cï mony këne looi lëu bï ye nök.

16 Aba cöl athat ku luony.”

17 Ruöön ebën aköl Yan Ayum cïn yic luou, Pilato ë raan tök kam kəc cï mac lony tē wic kəc baai ye bï lony.

18 Go thän awën tō thïn wuöu looi, “Näk! Ku lony Barabath tēne yo.”

19 Barabath ëcï mac rin aliäm cï rot looi geeu, ku rin cï yen raan nök.

20 Ë wic Pilato bï Jethu lony, ku ben jam tēne ke.

21 Gokë bën kiu apeï, “Apiëet tim cï rïiu kōu.”

22 Go Pilato bën jam tēne ke, këne yen yic diäk ku lueel, “Yenö? Ye awäc nõ cï looi? Acïn awuöc ca yök ke cï looi lëu bï ye nök! Aba cöl athat ku cal ajiël.”

23 Gokë nõt ke kiu apeï röldit, lön dhil Jethu piäät tim cï rïiu kōu. Ku këden wën yekë lueel acï yenhom bën guöt.

24 Go Pilato wëtten gam ku tēm Jethu awuöc wën wickë.

25 Ku lony Barabath, raan wäär cï mac rin aliäap, ku rin cï yen raan nök. Ku yik ke Jethu bik la luöi tēden wickë kepuöth.

Jethu acï piäät tim cï rïiu kōu

(Mt 22:32-44; Mk 15:21-32; Jn 19:17-27)

26 Gokë Jethu kuaath ayeer. Ku wën kuëth kek ye, ke mony cöl Thaimon raan pan Thirene bö baai, nawën cï tim cï rïiu Jethu göök, gokë däm ku cölkë aket tim ke buöth Jethu cök.

27 Ku buöth kəc juëc apeï ku diäär dhiau rienke aya.

28 Go Jethu yenhom wël ke ku lueel, “Diäär Jeruthalem, duökkë dhiau ë rienkië, dhiaaukë ë rienkun ku rin miëthkun.

29 Rin nïn bï ye lueel ëlä aaci thiök, ‘Diäär mit gup aa diäär këc mïth kan thuëët!’

30 Ku ë yen tēn bï ye aa luëel thïn aya ëlä, ‘Anuëën buk ciët kəc cï thou, kəc cï wiëk nhïim, kəc cï kë cï wiik kenhïim kuöm piny.’

31 Na ye këcït këne rot looi ke tim tōc, ke yenö yakë tak ke bï rot looi tē le yen riël.”*

32 Ku kuath apuruuk kəc karou aya, kəc la gup awuöcdit tet bik ke la nök kek Jethu.

33 Nawën lek tē cöl Ithkal dööt, ke piëët Jethu tim cï rïiu kōu ku kəc awën karou, raan tök lön cuëc ku raan dēt lön cam.†

34 Go Jethu lueel, “Wä, päl piny tēne ke, keek aa kuc kë loikë.”

Ku cuët apuruuk gæk bik alëth Jethu tek kamken.

35 Ku jöl kəc juëc kōöc ë tēen ke daai ye. Ku tēn awën ë ye kəcđit Itharel bui ku luelkë, “Ee kəc kök kony, cöl akony rot tē ye yen Raan cï Nhialic ləc ku döc.”

36 Ku bui apuruuk aya. Ku bik tēne ye ku gëmkë muön abiëc cï wac,

37 ku luelkë, “Na ye bēny kəc Itharel ke yï kony rot.”

38 Ku piëtkë tim cï ye gät thïn kēlä nhial tim Jethu nhom, “KĒNĒ Ē BĒNYŃAKNHOM ITHAREL.”

39 Go raan tök kam kəc awën cï piäät kek ye lat ku lueel, “Cïi ye Raan cï Nhialic ləc ku döc? Kony rot ku kony yo aya.”

40 Go raan dëëtë puöu riääk ku nyieeny, “Cïi ye cak riöc Nhialic agut tē thou yïn aya? Yok aaci tēm thou cïmēnde.

41 Ku awäcda adhilkü jöt rin yok aa col kë cuk looi, ku mony këne acïn këreec cï looi.”

42 Ku lueel tēne Jethu, “Tak ya tē yeet yïn Bäänydu yic.”

43 Go Jethu lëk ye, “Yïn alëk yic, yaköl yïn abi rëer kek ya pan Nhialic.”

Jethu acï thou ayic

(Mt 27:45-56; Mk 15:33-41; Jn 19:28-30)

44 Nawën tēcït aköl ciël yic ke muöth loi rot pan awën, ku cïi aköl ruel yet tään aköl.

45 Ku tēwën ka alanh ye gëen bï luan Nhialic tek yic alön thïn rëet yic rou.

46 Ku cöt Jethu röldit ku lueel, “Wä, wëikië aaca than yicin.” Acï wëlkä lueel ku thou.

47 Nawën tïj bāny apuruuk kë cï rot looi, ke lec Nhialic ku lueel, “Mony këne ë ye raan path alanden.”

23:30 Yoth 10:8; Ny 6:16 * 23:31 Wëtde yic ee duër a kēlä, “Na ye kë cït këne rot looi tēne raan cïn awuöc cï looi, ke ye tak yenö bï rot looi tēne raan la guöp awuöc.” † 23:33 Tēn këne ee ye cöl kēlä rin thiëk yen kek gōndit la guen-ñen cït apen nhom raan. 23:34 Wk 22:18 23:35 Wk 22:7 23:36 Wk 69:21 23:45 B.bei 26:31-33 23:46 Wk 31:5

48 Nawën tñj kɔc ke cī kenhūim kut tēen bik daai kē cī rot looi, gokē dhuk baai ke gut kepuōth.

49 Kɔc ke ñiēc kek Jethu ēbēn, agut diäär ke buōth ye wäär jiēl yen Galilia, aake daai ē kakkā ēbēn.

Jethu aci thiək

(Mt 27:57-61; Mk 15:42-47; Jn 19:38-42)

50-51 Mony cɔl Jothep ē tō thñ. Ku yeen ē raan gen Arimatheo, pan Judia. Jothep ē ye raan path la cök, ku yeen ē ñōth bēn bääny Nhialic. Ku yeen ē ye raan akut luk kɔc Itharel.

52 Nawën le tñj lɔn cī Jethu thou, ke la tēnē Pilato ku thiēc guōp Jethu.

53 Ku bñi piny tim kōu ku der alath, ku tēēu rañ cī wec kuur yic, rañ cñn raan cī kañ thiək thñ.

54 Ee ya aköl nñn dhiēc, aköl ye kɔc röt guiir rin aköl cñi kɔc ye luui, ee bñi guo bēn.

55 Nawën cī guōp Jethu bēēi piny tim kōu, ke diäär wäär bö kek Jethu Galilia, buōth Jothep ku tñjkē tē cī guōp Jethu täau thñ rañ yic,

56 ku dhukkē baai ku lek miök ñir guiir bñi kek guōp Jethu bēn tɔc. Nawën aköl cñi kɔc ye luui, ke ke lōñ cñt tē ye lōñ Mothith luēl ye.

24

Jethu aci rot jət rañ yic

(Mt 28:1-10; Mk 16:1-8; Jn 20:1-10)

1 Nayon nhiäk rial aköl Nhialic, ke diäär la rañ nom kek miök ñir cñk guiir.

2 Ku yökkē alēl cī rañ kum nom ke cī laar wei.

3 Nawën lek rañ yic ke cñi guōp Jethu yök thñ.

4 Tēwēn kēēc kek ke cī gāi, ke rōör karou ceñ alēth yer apeī cī la toptop bö, ku kēēckē kelōm.

5 Go diäär riōc ku gutkē kenhūim piny. Go rōör wēn lueel tēnē ke, “Yenō ye wek raan pñr bēn wic tēn kɔc cī thou?”

6 Acñi tō tēnē, aci rot jət. Takkē kēwäär cī lēk we elā wäär ñoot yen Galilia,

7 lɔn Manh Raan abñ thñn kɔc rēc bik piäät tim cī rñu kōu, ku abñ bēn pñr aköl ye nñn diäk.”

8 Go diäär wēl wäär cī Jethu lēk ke tak.

9-10 Maria Magdalena, ku Joanan, ku Maria man Jemith ku diäär kök, kek aake cī la rañ nom. Nawën dhukkē ke la kɔc Jethu buōth kathiäär ku tök ku atuuc kök, lēk kē cī rot looi.

11 Go atuuc tak lɔn ē yen wēt lueth, ku cñk gam.

12 Go Pñter rot jət ku riñ rañ nom bñi la tñj. Nawën guñ yekōu piny ku tñj rañ yic, ke tñj alēth wäär cī guōp Jethu der kepēc. Go dhuk baai ke cī gāi aya kē cī rot looi.

Jethu aci rot nyuōth kacken ye buōth karou

(Mk 16:12-13)

13 Ya aköl tōñ awēn, ke kɔc Jethu buōth karou jət röt bik la pan cɔl Emauth, ku ē mec kek Jeruthalem tē cñt kilomēter thiäär ku tök.

14 Tēwēn cieth kek ke jam ku takkē kāk cī röt looi,

15 ke Jethu bö ku cieth ke kuany keyōth.

16 Ku mär kēdāñ kepuōth bik cñi ñic.

17 Go Jethu ke thiēc, “Yenō bakē lueel tēthēer awēn cieth wek?” Gokē kōc ku dōtkē piny ke cī kenyñn wel.

18 Go raan tök kamken cɔl Kliōpath wētde bēēr, “Adhil a yñn raan tōñ rēēr Jeruthalem kuc kāk cī röt looi thñ ye nñnkā yiic.”

19 Go Jethu thiēc, “Ye kāñō?” Gokē bēēr, “Aa kāk cī röt looi tēnē mony cɔl Jethu, raan Nadharet. Kāk cī looi ku wēl cī lueel aye nyuōth lɔn ye yen raan ril kāk Nhialic tñj. Ku aci Nhialic ku kɔc ēbēn gam lɔn ril yen kēriēc ēbēn yic ye lueel ku looi.

20 Acñi kōckuan dñt kāk Nhialic ku kɔc piōc lōōñ dñm ku gēm kē bāny mac baai bñi tēm thou, ku piētkē tim cī rñu kōu.

21 Ku ē yeku ñōōth lɔn ye yen raan bñi kɔc Itharel waar kārēc yiic. Ku ē nñn kadiäk emēn tēn looi kakkā röt.

22-23 Diäär kök akuōtda yic, aake cī riēel rañ nom wēn anhiäk, ku lek dhuk ke wēt cī yook bēn cɔl agēi lɔn liu guāpde rañ yic. Ku lɔn cī kek atuuc Nhialic cie lēk ke lɔn pñr Jethu tñj.

24 Go kɔc kök kamkua riñ bik la tñj. Ku yökkē ayic lɔn liu guōp Jethu rañ yic, cñt tē cī diäär ye luēl thñ.”

25 Go Jethu lëk ke, “Wek aa kəc cın kē njieckē! Wek aacie kāk cı kəc kāk Nhialic tıj lëk we ye lac gam!

26 Kęc kəc kāk Nhialic lueel wäär, lön bı Raan cı ləc ku dəc kajuëckä kan guum bı jal la Bäanyde yic.”

27 Ku tět Jethu ke kāk cı lueel rienke wël theer Nhialic yiic, jock athör Mothith agut kāk cı kəc kāk Nhialic tıj göt.

28 Nawën cık thiök kek pan awën le kek thın, ke Jethu loi rot ke cıt raan ber tuenj.

29 Gokë pëen ku luelkë, “Rëër ke ɣo, aköl acı cuəl.” Go la baai ke ke.

30 Tëwën cı kek nyuc bık mıth, ke Jethu löm ayup ku dəc ku bėny yic, ku gëm ke.

31 Nyın yic tēwën ke njickë ku mër bık cı ben tıj.

32 Gokë röt thiëc ë röt, “ɣo kęc puöth ayum tēwën jıem yen kek ɣo, ku teet wël cı göt theer tənë ɣo.”

33 Ku jatkë röt nyın yic ku dhukkë Jeruthalem. Ku yökkë kəc Jethu buöth kathiäär ku tök ku kəc kök ke cı kenhüim mat, ku lëkkë ke,

34 “Bėny acı rot jət ayic, ka cı rot nyuöth Pıter.”

35 Ku jəl kəc wën bö Emauth karou kē cı rot looi dhël yic teet, tē cı kek bėny njie thın wën bėny yen ayup yic.

*Jethu acı rot nyuöth atuöcke
(Mt 28:16-20; Mk 16:14-18; Jn 20:19-20;
Luai 1:6-8)*

36 Wën ɳot jıem kek, ke Bėny bö ku kęc kamken ku lueel, “Bı döör arëer ke we.”

37 Gokë pëk wei ku riöckë ebën ku takkë lön yen atiöp yen yekë tıj.

38 Goke thiëc, “Yenö riöc wek? Yenö ye wek diu lön cı yen ye ɣa?”

39 Tiękë ɣacin! Ku tiękë ɣacök, ee ɣen ayic. Gatkë ɣa, ku abäk tıj rin atiöp acie la adiöñ ku yom cımën ye wek ke tıj kek ɣa.”

40 Ku wën lueel yen kënë, ke nyuth yecin ku yecök ke.

41 Ku ɳot cık gam, rin miät diit cı kek puöth miät ku gäi diit cı kek gäi. Go Jethu ke thiëc, “Le mieth camkë tö thın?”

42 Gokë gäm ręc cı tuak

43 ku cuet ke dëei kek ebën.

44 Ku jəl lëk ke, “Käkkä gup aa kāk ca lëk we wäär ɳot rëer ɣen ke we, lön bı keriëc ebën cı göt Lönj Mothith yic, ku athör kəc kāk

Nhialic tıj ku diät Nhialic yic aya ë rienkië, aa dhil röt tiëñ tēden.”

45 Ku kony ke bık wël theer Nhialic deet yiic,

46 ku lëk ke, “Ayakë tıj tē cı ye gät thın lön Raan cı ləc ku dəc, ë bı gum ku jət rot ran yic aköl ye nın diäk.

47 Ku acı wël cı göt lueel aya lön dhil kəc pinynhom ebën, jock Jeruthalem lëk bık kepuöth wël Nhialic, bı kåracken päl piny.

48 Wek aacı kākä tıj ke cı kenhüim tiëñ.

49 Ku wek abı tuöc Wëi Nhialic wäär cı Wä lueel. Rëerkë geeu yet aköl bı riel nhial kënë bën tənë we.”

*Jethu acı yäth pan Nhialic
(Mt 16:19-20; Luai 1:9-11)*

50 Nawën ke Jethu jiël ke ke ku lek Bethani. Ku jət yecin nhial ku dəc ke.

51 Tëwën dəc yen ke, ke jiël tənë ke ku jət ë nhial.

52 Gokë door ku dhukkë Jeruthalem ke cı puöth miät.

53 Ku keek aake ye lac rëer Luanj Nhialic ke lec Nhialic.

Wël Jethu cï Joon göt Wët nhom

Wël cï Joon göt aa Jethu nyuöth ke ye Wët theer Nhialic tö thïn ë lanayon ku emën, ku abi tö thïn ë lanayon ku emën, ku abi tö thïn atheer, “Ku Wët aci bën a raan ku ciënj kek yo.” Cimën ye athöör nhom guöp ye lueel, Joon ë gät wëlkä rin bi kác kuen ye njic lon nadë ke Jethu yen Aluëk, Wën Nhialic wäär cï lëk kác. Ku kác bi wëtde gam aabi pïr. (20:31)

Jethu aye nyuöth aban tuenj yic, lon ë yen Wët Nhialic. Ku wël kák bö ciëen ë kënë cök, aa kák juëc jänj göi cï Jethu looi. Ku kakkä aa Jethu nyuöth aya lon ë yen Wën Nhialic, ku ë yen Aluäj wäär cï lueel. Kakkä cök, kák jänj göi cï röt tiënj aaci teet yiic. Aban athör kënë ë yo lëk tē cï kác kák wët Jethu gam thïn ku buöthkë. Ku dhäl kác kák wëlke ku cik wëtde gam.

Jök cökdit 13 yet 17 ala yic tē cï Jethu kek kacken ye buöth rëer thïn ë tök wëer aköl wäär däm ye. Ku ëci jam tēnë kacken ye buöth näakde nhom tuenj tē bi kek röt guieer thïn, ku deet kepuöth. Cök ciëen aa yo lëk dömdöm Jethu, ku luönde ku piëet cï ye piäät tim cï riüu käu, ku jön rotde. Ku jol a nyooth cï yen rot nyuöth tēnë kacken ye buöth jön rotde cök ciëen. Anyiköl tinj cï käär ye yök cökdit 8 yic, jök cök koor 1 yet 11 aci nyäänj wei kák cï göt theer yiic. Ku akëc kác tuenj kek ke war gëtgët wël Jethu yiic göt. Ku aye kác kák göt aya tädët.

Joon ë miöc pïr akölrüec ëbën bi gam kác tē gem wët Raan cï lác ku dác, deet kác puöth. Ku ë miöc bi rot jök emën ke bi gam kác bi Jethu gam, lon ye yen dhël ku yic ku pïr.

Käk tö thïn

Käk cï göt tuenj 1:1-18

Joon raan kác muöc nhüim ku kác cï Jethu kanj buöth 1:19-51

Piöoc ë Jethu 2:1-12:50

Nïn ciëen kadhrou thuände nhom tuenj 13:1-19:42

Jön rot ku nyooth rot Bëny 20:1-31

Käk cï göt ciëen nyooth rot dët Galilia 21:1-25

Wët Pïr

¹ Wätheer këc nhial ku piny cak, Wët ë tö thïn, ee rëer kek Nhialic, ku Wët ë ye Nhialic.

² Wët ë rëer kek Nhialic wäär cak kanj.

³ Käjuëc rëer nhial ku piny ëbën aake cak ë ye. Ku acin kák tö thïn këc ke cak ke yeen liu thïn.

⁴ Kuat kák tö thïn ëbën aa pïr yök tēnë ye. Ku piërde aci ruel gam raan ëbën.*

⁵ Piërde yen ë ruel dëp apei muöth yic, ku akëc lëu bi kuöm nyin piny.

⁶ Nhialic ëci atuönyde tooc, raan cöl Joon.

⁷ Aci bën bi kác bën lëk bik ruel njic. Aci bën bi lëk ke bi raan ëbën wët pinj ku gem.

⁸ Yeen ëcie yen ruel, aci bën bi kác bën lëk ruel.

⁹ Ku Wët yen ë ye ruel ayic, ruel cï bën pinynhom tēnë raan ëbën.

¹⁰ Wët ë tö pinynhom, ku Nhialic ë cak piny ë ye, ku akëc kác pinynhom njic.

¹¹ Yeen aci bën tēnë kák ke cï cak, ku akëc kacken cï cak lor.

¹² Ku aci kác abëk bën lor ku gamkë wëtde, goke gam riel bik aa mith Nhialic.

¹³ Keek aacie mith Nhialic cit tē ye kác dhiëeth thïn, cimën ye mith la wun dhiëth ke. Ee Nhialic guöp yen ë Wunden.

¹⁴ Wët aci bën a raan ku ciënj ke yo. Ku diekde acuk tinj, diik Wën tönj Nhialic. Ku ë yen bi yic, ku lier puöu Nhialic tēnë yo.

¹⁵ Ku Joon aci tuöl ku lëk kác ë rienke ëlä, “Kënë yen ë raan wäär ye yen jam ë rienke, raan wäär ya lueel ëlä, ‘Yen abi lök bën yacök, ku adit tēnë ya. Yeen ë rëer thïn wäär ke ya këc cak dhiëeth.’ ”

¹⁶ Rin käpuöth ë yen Wën Nhialic, yen aci yo döc ëbën, döc tök ë döc dët cök.

¹⁷ Wätheer lönj ëci Nhialic gam kác ë Mothith, ku emën Nhialic aci yic ku lier piände gam kác ë Jethu raan cï lác ku dác.

¹⁸ Acin raan cï Nhialic kanj tinj tējön. Ee Wën tönj thönj kek Nhialic, rëer Wun lööm yen aci yo cöl anjic Nhialic.

Athön Joon raan kác muöc nhüim

(Mt 21:12-13; Mk 1:1-8; Lk 3:1-18)

¹⁹ Kacdüt Itharel Jeruthalem aake cï kác kák Nhialic ku kác kuat Lebï tuöc tēnë Joon, bik la thiëc ëlä, “Ye yin ña?”

* 1:4 Wët yen aci bën aa pïr 1:6 Mt 3:1; Mk 1:4; Lk 3:1-2

20 Ku Joon akëc bën jai bi wëtden dhuk nhom. Acì bën bëër ë cök ku lueel ëlä, “Acie yën Raan cì lóc ku dác.”

21 Gokë thiëc, “Aye yïn ña? Ee yïn Elija?” Go bëër, “Acie ya.” Gokë bën thiëc, “Ye yïn raandit käk Nhialic tñj bi bën?”† Go dhuök ke, “Yei! Acie ya.”

22 Gokë lueel, “Lëk yo, ee yïn ña? Yok aa dhil wët dhuök kác ke toc yo. Ye rot yök ë yïn ña?”

23 Go Joon bëër, “Yën ë jam apeì roor tē cii ceñ, ‘Guiërkë dhël Bëny bi la cök cimen wäär cì Ithaya raan käk Nhialic tñj ye lueel.’ ”

24 Röörkä aake tooc kác akut Parathì,

25 ku jolkë Joon bën thiëc ëlä, “Yenjö ë yïn kác muöc nhïim tē cii yïn ye Raan cì lóc ku dác, ku yïn acie Elija ku cii ye raandit käk Nhialic tñj?”

26 Go Joon dhuök ke, “Yën ë kác muöc nhïim piü ë path, ku raan arëër kamkun ë tēn ku acäk ñic,

27 raan yen lök bën yacök ciëen, ku acä lëu ba warke dök.”

28 Kēn ë loi rot pan cöl Bethanì, wär Jordan kōu tēwäär ye Joon kác muöc nhïim thìn.

Amälthiin Nhialic

29 Nayon aköl dët ke Joon tñj Jethu ke bö tēnē ye, go lueel, “Tiënkë Amälthiin Nhialic yen bä adumuööm kác pinynhom nyaai, kan abö.

30 Yen ë raan ye yën jam ë rienke wäär ë yën ye lueel ëlä, ‘Yen abì lök bën yacök, ku adit tēnē ya. Yeen ë rëër thìn wäär ke ya kēc cak dhiëth.’

31 Aacä ñic bi ya yen ña, ku yën acì bën ku ya kác muöc nhïim piü rin bi yën ye cöl anjic kác Itharel.”

32 Ku ëcì Joon lueel aya ëlä, “Yën acì Wëi Nhialic tñj ke bö kecit kuur ë dit, ku nyuuc yenhom.

33 Ku ë not kēc ñic, ku ëcì Nhialic raan toc ya ba kác aa muöc nhïim piü, lëk ya ëlä, ‘Raan bi yïn Wëi Nhialic tñj ke bö ku nyuuc yenhom yen ë raan bi kác muöc nhïim Wëi Nhialic.’

34 Ee yic, aca tñj ku alëu ba lueel, wenhïim lön ë yen Wën Nhialic.”

Kác cì Jethu kan buöth

35 Yon aköl dët, Joon ë kääc kek kacken ye buöth karou tēwäär aköl.

36 Nawën tñj Jethu ke tēk tēthiök ke ke, go Joon döt apeì ku lueel, “Tiënkë, yen akan yen Amäl Nhialic.”

37 Ku jöl piñ kác ye buöth awën karou këya, gokë Jethu buöth.

38 Nawën wel Jethu yenhom, ke tñj ke ke buöth ye, go ke thiëc, “Yenjö wiëckë?” Gokë lueel, “Rabi, rëër tēnen?” (Ku wëtde yic, “Raan Piöc.”)

39 Go lëk ke, “Bäk, bäk bën tñj.” Gokë la ku tñjkë tē rëër yen thìn. Ku ë ye tään aköl, ku jolkë rëër kek ye abì piny cuöl.

40 Raan tök kam kác wën karou cì wët Joon piñ ku buöth Jethu, ee ye Andria wämēnh Thaimon Piter.

41 Nayon nhiäk rial, ke Andria räm ke mēnhē, go lëk ye, “Yok aaci Methaya yök.” (Ku wëtde yic Raan cì lóc ku dác.)

42 Ku yëth Thaimon tēnē Jethu. Go Jethu döt apeì ku lueel, “Yin ë Thaimon wën Joon, yin abì cöl Kepa.” (Ku yen Piter wëtde yic ee kuur.)

Jethu acì Pilipo ku Nathaniel cöl

43 Nawën aköl dët ke Jethu la Galilia, ke räm kek Pilipo, go lëk ye, “Buöth ya.”

44 Ku Pilipo ë raan Bethaida, ku ë gen yì Andria ku Piter aya.

45 Go Pilipo Nathaniel yök ku lëk ye, “Yok aaci raan wäär cì Mothith gät ë rienke athör löönj yic, raan yen cì kác käk Nhialic tñj gät ë rienke aya, acuk yök. Yen ë Jethu wën Jotheep raan Nadharet.”

46 Go Nathaniel lueel, “Ye këpiath nõ lëu bi tuöl Nadharet?” Go Pilipo bëër, “Bäär ba tñj.”

47 Nawën tñj Jethu Nathaniel ke bö, ke jam rin Nathaniel ku lueel, “Raan kēnē ë raan Itharel ayic guöp, kecìn guöp ruëeny.”

48 Go Nathaniel lueel, “Ca ñic kēdē?” Go Jethu bëër, “Yin guo ñic wën rëër yïn ñaap cök, tēwën kēc Pilipo la bi yì la cöl.”

49 Go Nathaniel bëër ku lueel, “Raan piöc, yïn ë Wën Nhialic, yïn ë Bëny Itharel.”

50 Go Jethu bëër, “Ca jäl gam rin cì yën ye lëk yì lön cì yën yì tñj wën rëër yïn ñaap cök? Yin abì kädit kök wär ë kakkä tñj!”

† 1:21 Raan käk Nhialic tñj bi tuöl, bi bën Raan cì lóc ku dác bën lueel. Tñj L.rou 18:15, 18; Mt 4:5 1:23 Ith 40:3

51 Ku ben mat thïn, “Wët yic alëk we, wek aabi nhial tïj ke liep rot, ku atuuc Nhialic aa bäk tïj ke bö piny tënë Manh Raan ku lek nhial.”

2

Yan thiëek pan Kana

1 Nïn kadiäk cök ciëen, ke ruäai loi gen Kana pan Galilia. Ku man Jethu ë tö thïn,

2 ku Jethu ëci cöl yai yic aya kek kacken ye buoath.

3 Nawën la möu thök, ke lëk man ye, “Möu aci liu tënë ke.”

4 Go Jethu lueel, “Tinjë, yïn aciï kë luöai dhil lëk ya. Akäldië anot këc yëët.”

5 Go man lëk kóc luöai, “Luöikë käk bi lëk we ëbën.”

6 Ku tonydit kadätem aake cöp kóc löm. Tönykä aake ye ke piü tääu thïn bi kóc kecök aa lök, cit tē ye löj ciëen kóc Itharel ye nyuoath thïn. Ku tööny tök ë jöt tē cit tēn aduök thiär-rou, tēdē aduök thiärdiäk.

7 Go Jethu lëk kóc luöai, “Thiäjkë tonykä piü.” Gokë tony thiöñ abik thook alic.

8 Ku jöl Jethu lëk ke, “Gëmkë ye tonykä yiic, ku gämke ke raan yen wun ruäai.” Gokë looi këya,

9 ku jöl raandit kóc athiëk awën piü thiëp, piü ci waar bi ya möu. Ku akuc tē biï möu thïn, aa kóc luöai wën thiöñ tony kek aa njic ye. Go raandit kóc athiëk wun nya cöl,

10 ku lëk ye, “Raan ëbën ë muön path kan gam tuen, ku na ci kóc jäl kueth ke muön lir ajöl lök gam. Ku yïn ci muön path waan ciëen agut ëmën.”

11 Kënë yen ë këdit jän göi ci Jethu kan looi gen Kana pan Galilia. Ku yen aci diëtde nyuoath, ku aaci kacken ye buoath jäl gam.

12 Nawën ë këne cök, ke Jethu la Kaper-naum kek man ku wëët wun ku kacken ye buoath, ku rëerkë thïn ë tēen nïn lik.

Jethu aci la luanj Nhialic

(Mt 21:12-13; Mk 11:15-17; Lk 19:45-46)

13 Yon ci Yan Ayum cin yic luöu jäl thiök, ke Jethu la Jeruthalem.

14 Ku jöl ler kal luanj Nhialic yic, ke yök kóc ke yoc wei thïn ë yök ku amël ku jöl aa kuör. Ku kóc wëeu waar yiic aake ci nyuc thïn aya.

15 Go waat nai ë wiën, ku cop kóc wei kal luanj Nhialic yic kek yäkken ku thäkken ku weer wëeu wei, ku wel agenken yiic.

16 Ku lëk kóc kuör yaac wei, “Nyaaikë kakkä ë tēn, ku duökkë yon Wä cöl aye yon yoc.”

17 Go kacken ye buoath wël ci göt athör theer wël Nhialic yic tak. Wël ye lueel ëlä, “Yin Nhialic, nhiër yöndu adëp yapuöu cimën mac.”

18 Go kōcdit Itharel bën ku thiëckë, “Ye këdit jän göi yindë ba looi ba nyuoath yo, lon le yin yic ba këcit këne looi?”

19 Go Jethu bëer ku lëk ke, “Rackë luanj Nhialic këne, ku aba ben looi nïn kadiäk.”

20 Gokë lueel, “Aci ruöön thiärñuan ku dätem nök bi jäl thök, ku luel ka ba looi nïn kadiäk yiic?”

21 Ku luanj Nhialic jiem Jethu ë guäpde.

22 Ku na wäär la jöt ran yic, ke kacken ye buoath tak këwäär ci lueel. Ku gamkë wël theer Nhialic ci göt, ku wël ci Jethu lëk kóc.

23 Tëwäär rëer yen Jeruthalem yai yic, ke kóc juëc gam wëtde wën tïj kek kækken jän göi ci looi.

24 Ku aake njic Jethu ëbën ku yen akëc rot nyuoath ke.

25 Ku acin kën nadë ke wic raan dët bi ye nyuoath kóc, rin anic käk tö raan puöu.

3

Jethu ku Nikodemo

1 Raan akut Parathi cöl Nikodemo, ku ë ye raandit kóc Itharel ë tö thïn,

2 nayon aköu wëer tök ke la tënë Jethu ku lueel, “Raan piöoc, anicku yïn ë raan piöoc ci Nhialic tooc. Rin acin raan loi käk jän göi cimën yïn, tē liu Nhialic kek ye.”

3 Go Jethu bëer, “Yin alëk yic, acin raan bi bäany Nhialic tïj, tē ciï ye ben dhiëeth dhiën dët.”

4 Go Nikodemo lueel, “Bi raan ben dhiëeth këdë? Lëu bi dhuk man yac bi jäl ben dhiëeth?”

5 Go Jethu bëer, “Wët yic alëk yi, raan këc ben dhiëeth ë piü ku Wëi Nhialic, aciï bäany Nhialic bi yök.

6 Raan aye dhiëeth kóc ë path, ku Wëi Nhialic ë pir yam ye Nhialic gam kóc.

⁷ Duk ye gäi tē lēk ɣen yī, lōn dhil we bēn dhiēēth.

⁸ Wēi Nhialic acit mēn dhie ye raan yom piŋ ke wuu, ku cii tē bii yen thīn ku tē le yen thīn ŋic. Yen ē tēn kōc bī bēn dhiēēth Wēi Nhialic.”

⁹ Go Nikodemo thiēc, “Bī kēnē rot lēu kēdē?”

¹⁰ Go Jethu lēk ye, “Yīn ē raan piöc kōc pan Itharel ku kuc kēnē!

¹¹ Wēt yic alēk yī, ɣok aa jam kāk ŋicku ku luelku kāk cuk tiŋ. Ku ŋot we jēi bāk wētda cii gam.

¹² Na cāk wētdiē gam tē jiēm ɣen kāk pinynhom, ke we bī wētdiē gam kēdē tē jiēm ɣen tēnē we kāk Nhialic?

¹³ Acin raan cii kaŋ la nhial bī kāk Nhialic bēi, ee raan bō nhial Manh Raan bō piny nhial.”

¹⁴ Cīmēn wäär cī Mothith luŋ wēēth cit kēpiiny jat nhial roor bī yen kōc cī kēpiiny cam aa dōc, ke Manh Raan adhil ɣāth nhial,

¹⁵ rin bī raan gam wētde ebēn pīr akōlriēc ebēn yōk.

¹⁶ Nhialic anhiar kōc pinynhom apei. Yen aɣem yen Wēnden juōl, bī raan ebēn wētde gam cii mār, ku piirkē akōlriēc ebēn.

¹⁷ Ku Nhialic akēc Wēnde tuōc piny bī kōc bēn luōk wei, ee rin bī thāi pinynhom pīr ē rienke.

¹⁸ Raan gam wētde acii bī luōk wei, ku raan cī jai bī wēt cii gam aci luōk wei, rin kēc yen wēt Wēn tōōŋ ē Nhialic gam.

¹⁹ Ku kēn bī ke luōk wei akīn, ruel aci bēn pinynhom ku kōc aa nhial muōōth tēn ruel rin aa luui kārēc.

²⁰ Raan ebēn kārēc looi ē ruel maan ku cii la ɣer yic, rin cii yen kārēc ye looi wic bī ke ŋic.

²¹ Ku raan luui kāpath ē bēn ɣer yic bī luōide nyuōōth, rin cī ke luōi Nhialic.

Joon aci bēn jam rin Jethu

²² Nawēn ke Jethu kek kōcken ye buōōth la pan Judia, ku rēer thīn ke ke, ku muōc kōc nhīim piū.

²³ Ku Joon ē ye kōc muōc nhīim aya tē cōl Aenon thiāāk kek Thalim la yic piū juēc. Ku kōc aake ye la bī ke la muōc nhīim.

²⁴ (Ku Joon ē ŋot kēc ɣuō mac.)

²⁵ Nawēn ke kōc Joon buōōth kōk jōl teer kek raan Itharel rin lōk ye kōc kegup lōk,

²⁶ gokē la tēnē Joon ku luelkē, “Raan piöc, lēu ba mony wäär rēer kek yī wār Jordan alōŋtui tak, raan ye yīn jam ē rienke? Yen amuōc kōc nhīim emēn, ku kōc juēc aala tēnē ye!”

²⁷ Go Joon bēer, “Acin tē bī raan kēdāŋ yōk tē kēc Nhialic ye gām ye.

²⁸ Week wepēc acāk piŋ ke lēk we elā, ‘ɣen acie Raan cī lōc ku dōc, ku ɣen aci tuōc tuenj ē path yenhom.’

²⁹ Raan thiēc yen ē raan bī gām nya, ku mātthde ē kōc ku ē puōu miēt tē piŋ yen rōlde. Yen ē miēt piāndiē aya emēn.

³⁰ Yen abi dhiel dit apei ku ɣen abi kuur.”

³¹ Raan bō nhial adit tēnē kōc ebēn, ku raan piiny ē kēn piny. Raan bō nhial atō kōc nhīim tuenj ebēn.

³² Ee kōc lēk kāk cī tiŋ ku kāk cī piŋ, ku acin raan wētde gam.

³³ Ku raan cī gam, aci gam lōn ye Nhialic yic lueel.

³⁴ Raan cī Nhialic tooc yen ē jam wēl Nhialic, rin aye Nhialic gām riel Wēike ebēn.

³⁵ Wun ē Wēnde nhiaar ku tēu kēriēc ebēn yecin.

³⁶ Raan gam wēt Wēn ē Nhialic abi pīr akōlriēc ebēn, ku raan cii wēt Wēn Nhialic bī gam acii pīr akōlriēc ebēn bī yōk, rin acin kē bī riāāk puōu ē Nhialic nyaai tēnē ye.

4

Jethu ku tiŋ pan Thamaría

¹ Nawēn ke ŋic Jethu lōn cī kōc akut Parathi ye piŋ, lōn nadē ke kōc aa bēn tēnē ye bī ke bēn muōc nhīim, ku lōn cī yen la kōc juēc ye buōōth wār kōc Joon buōōth.

² (Ku acie yen ye kōc muōc nhīim, aa kōcken ye buōōth.)

³ Nawēn piŋ wēt ye lueel, go jāl pan Judia ku dhuk Galilia.

⁴ Ku ē bī dhiel ɣet pan Thamaría rin yen ē dhēl tēek yen thīn.

⁵ Go ɣet pan Thamaría cōl Thikar thiāāk ke piny wäär cī Jakop gām wēnde Jothep.

⁶ Ku yinh cī Jakop cōl awec ē tō thīn. Nawēn cī Jethu dak ē cāth, go nyuc yith lōm. Ku ē ye akōl ciel yic.

7 Go tinj pan Thamaria bën yiith bi bën gem pïu, go Jethu lëk ye, “Muɔc ɣen pïu ba dek.”

8 (Ku kɔcken ye buɔth aake ci la geeu bik la ɣɔc miëth.)

9 Go tinj pan Thamaria lëk ye, “Këdë wën? Yin ë raan Itharel ku thiëc ɣa, ɣen raan Thamaria ba yi muɔc ë pïu?” (Kɔc Itharel aake cie dek kek kɔc Thamaria.)

10 Go Jethu bëër, “Na yi njic miëc Nhialic ku raan thiëc yi pïu nuɔt aca thiëc, ku nuɔt aci muɔc pïu pïr.”

11 Go tik lueel, “Bëny, yin acin kë gem yin pïu, ku yith amec yic, ba pïu pïr yök tënë?”

12 Ye yin dit tënë wädit Jakob raan ci ɣo gäm yinh kënë, ku dëk thïn yen ye nom kek miëthke ku ɣäkke?”

13 Go Jethu bëër, “Kuat raan dek pïukä abi rou ben nök,

14 ku raan bi dek pïu ba yiëk ye acii rou bi ben nök, ku pïu bi yiëk ye aabi ya dhama yeyic ye pïu pïr kuër thïn, ku yik ye pïr alanden.”

15 Go tik lëk ye, “Bëny, yiëk ɣen pïukä bi rou ɣa cii ben nök, ba cii ben bën tën ba bën gem pïu.”

16 Go Jethu lëk ye, “Lɔɔr cɔl muɔnydu bäk bën tën.”

17 Go tik lueel, “ɣen acin moc.” Go Jethu bëër, “Këdu ë yic, lɔn cïn yin moc.

18 Yin aci kanj rëër kek röör kadhiëc, ku mony rëër kek yi ëmën acie muɔnydu. Yin aci yic lueel.”

19 Go tik lueel, “Bëny aca njic, yin ë raan käk Nhialic tinj.

20 Wärkuan theër pan Thamaria aake ye Nhialic door ë gɔn kënë nom, ku ayakë lueel wek kɔc Itharel lɔn dhil ɣok Nhialic la door Jeruthalem.”

21 Go Jethu lueel, “Gam wëtdië, yin tinjë të bi wek Wä door aci thiök, ku acie gɔn kënë nom ku acie Jeruthalem.

22 Wek kɔc Thamaria wek kuc raan yakë door, ku ɣok kɔc Itharel ɣok aa njic raan yeku door rin pïr abö tënë Itharel.

23 Ku aköl ajal bën, ku aci guɔ bën ëmën guöp, të bi riel Wëi Nhialic kɔc cɔl aa dor Wä cimënde, kek aa kɔc wïc Wä bik ye door.

24 Nhialic ë Wëi, ku rin riel Wëike yen alëu ye bi door cimënde.”

25 Go tik ben lëk ye, “Anjic lɔn bi Raan ci lɔc ku dɔc bën. Na le bën ka bi ɣo nyuöth këriëc ëbën.”

26 Go Jethu bëër, “Yen ë ɣen, raan jam kek yi.”

27 Ku kaamthiin wën jiem kek, ke kɔcken ye buɔth bö ku gëikë apëi rin jiem yen kek tik. Ku acin raan tök kamken ci tik thiëc, “Yenjö wïc, ku yenjö jiem yen kek ye?”

28 Go tik tönyden pïu nyääj piny, ku ket ke dhuk geeu ku lëk kɔc.

29 “Bäk tiënkë mony cä lëk këriëc ëbën ca looi. Nadë ke ye Raan ci lɔc ku dɔc?”

30 Gökë bën bei geeu bik la tënë Jethu.

31 Ku kaamthiin wën, ke lëk kɔcken ye buɔth ye, “Raan piöc, jɔl mith.”

32 Go bëër, “ɣen ala miëth, cïn kë njieckë thïn.”

33 Go kɔcken ye buɔth röt jal aa thiëc kamken, “Tëdë le raan ci miëth bëëi tënë ye?”

34 Go Jethu lëk ke, “Miëthdië ee lɔn ba wët raan toc ɣen looi, ku thääp luoi ci gäm ɣa.

35 Cäk kääj ye lueel dhie ëlä, ‘Pëi kanjan aɣoot ku rap abi tem.’ Ku alëk we, jatke wenyin bäk dum tinj, yemën rap acii luok ku apath bi ke tem!

36 Raan rap tem aye riap ku ë köth pïr tem alanden, këya raan cumcum ku raan tëmtem aabi puöth miët kedhie.

37 Kääj aci ya yic. ‘Raan tök ë com ku tëm raan dët.’

38 Wek tuɔc bäk rap la tem dom yic ku ë dom këc wek luui thïn. Kɔc kök acii luui thïn ku wek aa röt kony luoiden.”

39 Go kɔc juëc Thamaria ë gen wën yic wët Jethu gam, rin ci tik wët lueel ëlä, “Këriëc ëbën ca looi aci lëk ɣa.”

40 Nawën bö kɔc Thamaria tënë ye ke läjkë bi rëër ke ke. Go Jethu nin karou nök thïn tëën.

41 Go kɔc kök juëc wëtde jäl gam rin wël ye lëk ke,

42 ku lëkkë tik, “Ëmën, ɣok acii wët jäl gam, ku akëcku gam rin wëlkun ca lueel, ku ë rin ci ɣok wëtde pinj ku njicku lɔn ë yen Aluäj kɔc pinynhom ëbën alanden.”

Jethu aci manh bëny kony

43 Nawën ci nin karou nök thïn tëën, ke Jethu jɔl jäl ku ler lɔj Galilia.

44 Rin yen Jethu guöp äci lueel lön, “Raan käk Nhialic tiñ acie theek wuönden.”

45 Nawën yeet Galilia ke lor apeï, rin wäär ci kek käk ci Jethu looi yai yic tiñ, wäär ci kek la Yan Ayum cïn yic luou yic Jeruthalem.

46 Go Jethu ben dhuk gen Kana tö Galilia, tewäär ci yen piu waar thin bi ya muön abiéc. Ku raandit kam koc mac baai ci manhde tuaany Kapernaum è tö thin.

47 Nawën piñ lön ci Jethu jal Judia ku ben dhuk Galilia, ke la tene ye ku len bi la Kapernaum bi manhden ci thiék ke thou kony bi pial.

48 Go Jethu lek ye, “Acin raan bi ye gam kamkun te kec wek kit ku kadit jan göi tiñ.”

49 Go raandit awen bëer ku lueel, “Bëny, baar lokku ba manhdië dööt.”

50 Go Jethu lek ye, “Lor, manhdu abi pir.” Go mony wen wet Jethu gam ku jiël.

51 Wen cieth yen dhel yic, ke ram kek kacken luoi ku luelkë, “Manhdu aci yor.”

52 Go ke thiëc aköl alon jal manhde nuëen. Gokë lueel, “Waraköl taan aköl yen è jiël juai yeguöp.”

53 Go wun njic lön è yen aköl alon wäär ci Jethu ye lek ye ëlä, “Manhdu abi pir.” Ku jal wet Jethu gam kek kacke ëben.

54 Kënë, yen aye kadit jan göi ci Jethu looi rou, wäär le yen dhuk Judia ku ler Galilia.

5

Raan tuany ruöön 38 aci kony

1 Nawën ke yan koc Itharel è tö thin, go Jethu la Jeruthalem yai yic.

2 Ku tethiääk kek te col Kal Amel Thok, pul è tö thin, pul col Bethaida thon koc Itharel.

3 Ku koc juéc tuany aake ye töc thin, koc ci cor ku koc ci njal ku koc ci duany. Ku keek aake ye piu tiit bik la tiaktiak,

4 rin atuny Nhialic è ye ben pul yic, ku col piu ala tiaktiak, ku raan ci kan la wiir te ci piu rot tiak, ke kony kuat tuany tö yeguöp.

5 Ku raan tuany ruöön thiardiäk ku bet è tö thin.

6 Nawën tiñ Jethu puök yic ke ci töc, ku anjic lön ci ye tuaany run juéc, go thiëc, “Wic ba pial?”

7 Go raan tuany bëer, “Bëny, acin raandiën tö ten bi ya yath wiir te tiak piu rot thin, rin na them ba la thin, ke raan det è kan wer thin.”

8 Go Jethu lek ye, “Jot rot ku lom biöñdu ku cathë.”

9 Go raan wen guo pial ku kueny biöñde ku cieth. Ku aköl looi ken rot è ye aköl ci koc Itharel ye luui,

10 go koc Itharel lek mony ci kony, “Yaköl, aköl ci koc ye luui, ku akéc puöl tene yi ba biöñdu ket.”

11 Go bëer, “Acin raan ca kony ba pial lek ya ëlä, ‘Lom biöñdu ku cathë.’ ”

12 Gokë thiëc, “Yen a yen raan ci lek, ‘Lom biöñdu ku cathë?’ ”

13 Ku raan ci kony è kuc raan kony ye, rin koc juéc aake tö è tewen ku Jethu äci la lieplän wei.

14 Nawën ke yök Jethu luan Nhialic, go lek ye, “Tiñ yin aci pial emen, pal adumuööm, tedet ke kedet rac apeï abi rot ben luoi yi.”

15 Go mony wen jal ku le lek bany Itharel lön è Jethu yen aci ye kony bi pial.

16 Gokë jök bik Jethu aa jöör rin ci yen raan kony aköl ci koc ye luui.

17 Go Jethu bëer tene ke ëlä, “Wä è luui akölaköl, ku yen adhil luui aya.”

18 Ku jam kene aci bany Itharel rac puöth apeï, ku wickë bik nöc, ku acie rin ci yen lon aköl ci koc ye luui thon rot, ee rin ci yen ye lueel lön ye Nhialic Wun, ku këya aci rot looi bi thon kek Nhialic.

19 Go Jethu jal bëer, “Wet yic alék we, acin kë ye Wat looi piände è rot, kë ye looi è tök, ee kë ci tiñ kë ye Wun looi. Ku kë ye Wun looi aye Wende looi aya.

20 Rin Wun è Wende nhiaar, ku nyuth këriëc ye looi. Ku kadit tene kewen aabi nyuöth ye, ku wek aabi jal gai ëben.

21 Cimën ye Wun koc ci thou jot ku yik ke pir, ke Wende aya è pir yiék koc wic ye.

22 Wun guöp acin raan ye luök wei. Ku aci Wende yiék riël bi looi tene ke ëben.

23 Rin bi koc ëben Wende theek cimën ye kek Wun theek. Kuat raan cie Wende ye theek, acie Wun ye theek raan toc ye.

24 “Wet yic alék we, raan piñ wetdië, ku gem wet raan toc ya pir aköriëc ëben atö

tënë ye. Acì bî lušk wei, yeen acì jâl thou yic ku yök pîr.

²⁵ Wek aa lëk yic, aköl bî bën, ku acì guo bën tē bî kəc cî thou röl Wën Nhialic piñ, ku kəc bî ye piñ aabî pîr.

²⁶ Cîmën ye pîr bën bei tēnē Wun, këya, yeen acì Wēnde looi bî ya tē ye pîr bën bei thîn aya.

²⁷ Ku yeen acì Wēnde yiëk riël bî luk looi tēnē kəc, rin ye yen Manh Raan.

²⁸ Duökkē gēi ē wēt kēnē, aköl bî kəc cî thou rölde piñ rēñ yiic abö,

²⁹ ku keek aabî bën bei ränken yiic, kəc cî ñiëc luui apath aabî röt jöt ku aabî pîr, ku kəc cî luui käreëc aabî röt jöt ku aabî lušk wei.

³⁰ “Acîn kë lëu ba looi piändië ē rot, yēn ē wēt teem kecît kë cî Nhialic lëk ya, këya wēt ca teem ala cök rin acie wēt piändië yen wiëc ba looi, ee wēt wïc raan toc ya ē rot.

³¹ “Na jaam ē rienkië ke kë luëel acie gam ciët ye yic.

³² Ku raan dët jam ē rienkië atö thîn, ku anjïëc lön kë ye lueel rienkië ē yic.

³³ Atuc aa cäk tuöc tēnē Joon ku yeen acì wēt yic lueel.

³⁴ Acie lön bî yēn la raan jam ē rienkië, aya lueel yen kēnē rin bî wek pîr.

³⁵ Joon ē ye këcît mermer dëp ku mer piny, ku week ē yakē wïc kaam thin-nyöot bäk puöth miët thîn ruelde.

³⁶ Ku raan jam ē rienkië atö thîn, ku wëtde aril tēnē wēt cî Joon lueel ē rienkië luai ya ke looi, luai cî Wä yiëk ya ba ke looi, keek aa jam ē rienkië ku nyoothkē lön cî Wä ya tooc.

³⁷ Ku Wä aya, raan toc ya, yen ajam ē rienkië aya. Wek aa këc rölde kañ piñ ku akëckē kañ tñ,

³⁸ ku wēt cî lueel acäk ye muk wepuöth, rin cii wek wēt raan cî tooc ye gam.

³⁹ “Athör Nhialic ayakē kueen, rin ye wek ye tak lön bäk pîr akölrïëëc yök thîn. Ku keek aya aa jam ē rienkië!

⁴⁰ Ku ñot cäk wïc bäk bën tēnē ya bäk pîr yök thîn.

⁴¹ “Acä wïc bî kəc ya leec.

⁴² Ku wek ñiëc, ku anjïëc lön tšu nhiër Nhialic wepuöth.

⁴³ Yēn acì bën kek riël ē Wä, ku kuëckē bäk ya lor, ku na bö raan dët kek riëlde ē rot ke yen abäk lor.

⁴⁴ Anhiarkē bäk lëc yök tēnē raan dët, ku acäk ye them bäk lëc yök tēnē Nhialic, ye këdē yen bî wek ya gam?

⁴⁵ Ku ëmën duökkē tak lön bî yēn we luom tēnē Wä. Mothith guöp yen abî we luom, ku ē Mothith yen acäk ñööth wepuöth.

⁴⁶ Na we cî Mothith gam alanden, ke wek ñot we gam ya aya, rin cî yen wël göt ē rienkië.

⁴⁷ Ku rin ye wek kuëc gäm wël cî göt, ke lëukē këdē bäk wël ca lëk we gam?”

6

Jethu acì miëth koor juak bî kəc juëc cam (Mt 14:13-21; Mk 6:30-44; Lk 9:10-17)

¹ Ye tēn ke Jethu tem wär Galilia cäl Tiberia aya.

² Go kəc juëc buöth rin cî kek kädît jän göi, cî yen kəc tuany kony tñ.

³ Go Jethu la göt nhom ku nyuuc kek kacken ye buöth.

⁴ Ku yan kəc Itharel, Yan Ayum cîn yic luou ëcî thiëk.

⁵ Nawën ciëeth Jethu piny ke tñ kəc juëc ke bö tēnē ye, go Pilipo thiëëc, “Ye tēno bî yok miëth kueth kəc ëbën yöoc thîn?”

⁶ Acì kēnē lueel ku bî Pilipo them, rin ñic yen kë bî looi.

⁷ Go Pilipo bëër, “Rin bî raan tök ayum thin-nyöot yök, ka wïc wëëu juëc apeî bî ayuöp yöoc.”

⁸ Go Andria, mënh Thaimon Pïter, ku ē ye raan tök kam kacken ye buöth lueel,

⁹ “Dhök atö thîn tēn ke muk ayuöp kadhiëc ku rec karou, ku aacii kockä ëbën bî lëu.”

¹⁰ Go Jethu lëk ke, “Calkē kəc anyuc piiny.” (Ku noon ē dît thîn ē tēn. Go kəc nyuc ëbën piiny.) Ku röör kepëc aake ye tēcît tēn tiim kadhiëc.

¹¹ Go Jethu ayuöp lööm ku leec Nhialic, ku tek ke tēnē kəc wën cî nyuc ëbën. Ku ben looi këya kek rec, bî raan ëbën kueth cît tē wïc.

¹² Wën cî kek kueth ëbën, ke lëk kacken ye buöth, “Kuanykē abëk cî döñ piny, bî ciën kë riäak.”

13 Gokë ke kuany ebën, ku thiñjkë gäc thiäär ku rou abëk ayuöp cï döñ piny, tënë ayuöp kadhiëc wën cï ke tëk kəc bik cam.

14 Nawën tiñ kəc wën luoi ril cï Jethu looi ke luelkë, “Kënë ë raan käk Nhialic tiñ yen bi dhiel bën pinynhom.”

15 Go Jethu jäl ñic lön bi kek bën bik ye bën döñ riel, ku loikë bi ya bënyñaknhom, go bën dhuk gat nhüim ë rot.

Jethu aci cath pïu nhüim
(Mt 14:22-33; Mk 6:45-52)

16 Nawën cï piny cuol, ke kacken ye buoath la piny wär thok,

17 ku lek riäi yic, ku dhukkë ciëen wär alontui lön Kapernaum. Nawën ke wëer jöl yic düt ke Jethu ñot këc bën tënë ke.

18 Kaam wën ke yomdüt jöt rot ku loi atiaktiak rot apëi.

19 Ku kacken ye buoath, aake ye təcit meel kadiäk ayi ñuan wën tiñ kek Jethu ke cath pïu nhüim, ke bö tethiäk kek riäi, gokë riöc apëi,

20 Go Jethu lëk ke, “Duökkë riöc, ee yen.”

21 Gokë jat riäi yic, ku go riäi guo yet wär thok tëwën le kek thïn.

Kəc aa wïc Jethu

22 Nayon nhiäk ke tiñ kəc ke cï döñ wär alontui, lön ë yen riän tökalin yen aci döñ. Ku anickë lön këc Jethu la riäi yic kek kacken ye buoath, ku aake cï jäl ë röt.

23 Go riëth kək ke bö Tiberia bën wär thok tethiääk ke tëwäär ciem kəc juëc ayup thïn, wën cï Bëny lëc gam.

24 Nawën tiñkë lön liu Jethu thïn, ku liu kacken ye buoath aya, gokë këc riäth yiic ku lek Kapernaum bik Jethu la wïc.

Jethu ayum ë pïr

25 Nawën lek Jethu yök wär alontui ke lëkkë ye, “Raan piöc, ye nen bi yin ë tën?”

26 Go Jethu bëer, “Wët yic alëk we, wek aa wïc ya rin cï wek ayup cam təcit të wiëckë, ku acie rin cï wek luöikiën ril deet yiic.

27 Duökkë lui rin miëth riääk, luöikë rin miëth rëer rin pïr akölrüëc ebën. Miëth këne abi Manh Raan yiëk we rin Wun, Nhialic aci rielde gäm ye ku tooc.”

28 Gokë thiëc, “Buk ñö looi buk luoi wïc Nhialic looi?”

29 Go Jethu bëer, “Luoi wïc Nhialic bäk looi akïn, ë lön bäk wët raan cï tuöc gam.”

30 Gokë lueel, “Ye kin riel ñö ba looi buk tiñ ku buk wëtdu gam? Yenö ba looi?”

31 Wärkuan thëer aacä ayum löny nhial cam roor, cïmën cï ye göt athör thëer wël Nhialic yiic ëlä, ‘Ayum nhial aci yiëk ke bik cam.’ ”

32 Go Jethu lueel, “Wët yic alëk we, kë cï Mothith yiëk we acie ayum pan nhial, ee Wä yen ë we yiëk ayum yic bö pan nhial.

33 Rin ayum ye Nhialic gam ë yen raan bö piny pan nhial, ku yik thäi pinynhom pïr.”

34 Gokë thiëc, “Bëny, muoc yo ayum këne akölaköl.”

35 Go Jethu lëk ke, “Yen ayum ë pïr,” Ku raan bö tënë ya aci cök bi kan nöc, “Ku raan gam wët dië aci rou bi nöc.

36 Ëmën, aca lëk we lön cï wek ya tiñ, ku anot këckë gam.

37 Raan ebën cï Wä yiëk ya, yen abi bën tënë ya. Ku raan bi bën tënë ya acä bi cuop wei,

38 rin cï yen bën pan nhial ba wët raan toc ya bën looi, ku acie wët piändië.

39 Kë wïc raan toc ya ba looi akïn, bi ciën kë mär kam käk cï yiëk ya, ku ba ke jöt ebën aköl ciëen.

40 Rin kë wïc Wä akïn, lön raan ebën tiñ Wënde ku gem wëtde, abi pïr akölrüëc ebën yök thïn, ku keek aaba jöt bik pïr ebën aköl ciëen.”

41 Go kəc Itharel luööp guöp rin cï yen ye lueel ëlä, “Yen ayum cï bën piny pan nhial.”

42 Ku luelkë, “Monyë cie Jethu wën Jothep? Wun ku man aa ñicku. Ku yenö ye yen ye lueel lön cï yen bën piny pan nhial?”

43 Go Jethu bëer, “Duökkë lum kamkun.

44 Acin raan lëu ye bi bën tënë ya të këc Wä ë toc ya ye thël yen, ku aba jöt bi pïr aköl ciëen.

45 Aci kəc käk Nhialic tiñ göt ëlä, ‘Kəc ebën aabi Nhialic ke piöc.’ Raan ebën piñ wët Wä ku piöc tënë ye ë bën tënë ya.

46 Ku acie rin nadë yen raan cï Wä kan tiñ, raan bö tënë Nhialic, yeen ë rot, yen ë raan cï Wä kan tiñ.

47 Wët yic alëk we, raan gam wët ala pïr alanden.

48 Yen ayum ë pïr.

49 Wärkun theer aacä ayum löny nhial cam roor ku aaci thou.

50 Ku ayum bö piny pan nhial, yen acit kën na ciem raan ka cie ben thou.

51 Yen ayum ë pïr cï bën piny pan nhial. Raan cam ayum kënë, ka pïr akölrïëc ëbën. Ayum yen ba yiëk ye ë riëndië ya gam bi koc ëbën pïr.”

52 Go koc Itharel teer apëi kamken, ku thiëckë, “Lëu mony kënë kädë, bi riëndë yiëk yo buk cuet?”

53 Go Jethu bëër, “Wët yic alëk we, të cï wek Manh Raan cuet ku dëkkë riemdië ka cïn pïr bäk yök wëikun yiic.

54 Raan cuet riëndië ku dek riemdië ala pïr alanden, ku abi jot aköl ciëen bi pïr.

55 Rin riëndië ë miëth alanden, ku riemdië ë këdek alanden.

56 Raan cuet riëndië ku dek riemdië abi pïr yayic, ku yen abi pïr yeyic.

57 Wä pïr acä tooc, ku ë rin rienke yen abi yen aya, ku këya raan cuet yen abi pïr ë rienkië.

58 Ku yen kïn ayum bö piny pan nhial, acii thön kek ayum cï wärkun theer cam ku lökkë thou. Raan cam ayum kënë abi pïr akölrïëc ëbën.”

59 Wëlkä aaci Jethu lueel wäär piöoc yen koc tën amat Kapernaum.

Wël pïr akölrïëc

60 Nawën piñ koc juëc ye buoath wëlkä, ke luelkë, “Piöoc kënë aril apëi. Yenä lëu bi ke piñ?”

61 Go Jethu ñic lön jïem kek wël wën, ku lëk ke, “Wiëckë bäk jäl rin ë wëlkä?”

62 Yenö bäk looi të tiñ wek Manh Raan ke dhuk nhial tëwën rëer yen thin?

63 Ee Wëi Nhialic yen ë pïr gam, ku riël raan acïn kë ye kony. Wël ca lëk we aa wëi ku aa pïr.

64 Ku këya acii koc kök kamkun ye gam.” (Rin ëcï Jethu guo ñic tuen lön ye yïña cii bi gam, ku yenä bi ye gaany.)

65 Ku ben lueel, “Ee rin wët kënë guöp yen alëk yen ye we, lön acïn raan lëu ye bi bën tënë ya, të këc Wä ye looi bi yic pial tënë ye.”

66 Ku rin ë wëlkä, ke koc juëc kam koc ye buoath dhuk ciëen, ku cik ben cath kek ye.

67 Go Jethu atuöocke thiäär ku rou thiëc, “Na week, wiëckë bäk jäl aya?”

68 Go Thaimon Pïter bëër tënë ye, “Bëny, buk la tënë ña? Yin ala wël pïr alanden.

69 Ku ëmën acuk gam ku acuk ñic lön ë yïn raan dhëñ bö tënë Nhialic.”

70 Go Jethu bëër, “Cie yen ya kuany we wathiäär ku rou? Ku raan tök kamkun añot ye jöñrac.”

71 Yeen ë jam rin Judath, wën Thaimon Ithkariöt. Rin Judath, na cök alön ë yen raan tök kam atuöocke kathiäär ku rou, ka wïc bi ye luom.

7

Jethu ku wämäthakën

1 Wën ë wëlkä cök ciëen, ke Jethu kueny bëëi Galilia yiic, ku ë këc wïc bi la keny Judia, rin wïc bäny Itharel tö Judia ye bïk nök.

2 Ku yan koc Itharel cöl Yan Duël ëcï thiök.

3 Go wämäthakën lëk ye, “Jäl ë tën ku löör Judia bi koc kun yi buoath luaidun ye looi tiñ.

4 Acïn raan kë looi thiaan të wïc yen ye bi ñic apath. Rin ye yïn kakkä looi, ke yi cöl koc pinynhom aa ñic yi.”

5 Agut wämäthakën aakëc wëtde gam, yen aa lueel kek ye këya.

6 Go Jethu lëk ke, “Akäldië guöp añot këc yëët. Ku na ye we, ke kuat aköl ëbën apath.

7 Acïn të bi koc pinynhom we maan, ku keek aa man ya rin aya lueel, lön rëc luaiken.

8 Lak yai yic, ku yen acii la ë yan kënë yic, rin aköldiën bi yen la akëc guo bën.”

9 Yeen acï jam këya ku jöl rëer pan Galilia.

Jethu ala Yan Duël yic

10 Nawën cï wämäthakën la yai yic, ke Jethu lök la aya, ku akëc la ke ñic, yeen acï la ke mony rot.

11 Ku bäny Itharel aake wïc Jethu yai yic, ku thiëckë, “Tö monyë tënëen?”

12 Ku aluop ë dit apëi ë rienke. Aye koc kök lueel, “Yeen ë raan path.” Ku lueel koc kök, “Acie këya, yeen ë raan koc duöñ.”

13 Ku acïn raan ye jam ë rienke koc nhüim, rin riöoc kek bäny Itharel.

14 Wën cī nīn abēk yai thök, ke Jethu la kal luanj Nhialic yic ku jol kəc piöc.

15 Go bāny Itharel gāi apei ku luelkē, “Ye raan kēnē kāj ŋic kēdē ku akēc kaŋ piöc.”

16 Go Jethu bēer, “Wël ya piöc acie wëlkiē aa wël bō bei tēnē Nhialic, Aciēŋ cī ya tooc.

17 Raan wïc ye bī kē wïc Nhialic looi, abī ŋic lōn nadē kē ya piöc abō tēnē Nhialic, ku acie riēldiē ē rot.

18 Raan jam riēlde ē rot ē lēc yen aye wïc, ku raan wïc lēc tēnē raan toc ye, yen ē raan path, ku acīn ruēeny tō yepuōu.

19 Kēc Mothith lōj Nhialic nyuōth we? Ku acīn raan lōj theek kamkun. Yenō ye wek ye wïc bāk ya nök?”

20 Go kəc juēc wën bēer, “Yīn ala guōp jōŋrac, yeŋa wïc ye bī yī nök?”

21 Go Jethu bēer, “Kēdit jāŋ gāi tōk aca looi guōkē gāi wedhie.

22 Mothith aci we thōn bāk miēthkun aa ŋoot, ku acie Mothith guōp yen cī wēt kēnē jōk, aa wārkun thēer, ku kēya wek a dhök ŋoot aköl cīi kəc ye luui.

23 Ku emēn na ŋot dhök aköl cīi kəc ye luui rin bī lōj Mothith cīi dhāl yic, yeŋō ye wek puōth riāāk tēnē ya, rin cī ŋen raan tōk kony bī pial aköl cīi kəc ye luui?”

24 Duōkkē raan ye guō tēm awuōc wēt kōu ayeer, yakē raan tēm awuōc wēt ē yic.”

Ye Jethu raan cī lōc ku dōc?

25 Go kəc kōk Jeruthalem lueel ēlā, “Cie raan kēnē yen wickē bīk nök.

26 Tiēŋkē! Yen kīn jam kəc nhīim, ku acīn kē luelkē ē riēnke. Tēdē, cīi bāny ŋic lōn ē yen Raan cī lōc ku dōc?”

27 Na la Raan cī lōc ku dōc bēn, ka cīn raan bī ye ŋic tē bī yen thīn, ku aŋicku ēbēn yen tē bīi mony kēnē thīn.”

28 Nawēn piöc Jethu luanj Nhialic ke lueel rōldit, “Ee tēdē, wek aa ŋic ya ku aŋiēckē yen tē bī ŋen thīn. Ku ŋen akēc bēn wētdiē ē rot, ku yeen raan toc ya ala yic ku yeen akuōckē,

29 Ku yeen aŋiēc rin bī ŋen tēnē ye, ku yen acā tooc.”

30 Gokē wïc bīk dōm, ku acīn raan cī yecin tāau yeguōp rin kēc akālde guō bēn.

31 Go kəc juēc thān wën yic wētde gam ku luelkē, “Tē bī Raan cī lōc ku dōc bī kādīt jāŋ gāi looi cīmēn ē raan kēnē?”

Apuruuk aaci tooc bīk Jethu la dōm

32 Nawēn piŋ kəc akut Parathī lōn ye kəc juēc wën wēlkā loop kamken rin Jethu, ke keek ku bāny kāk Nhialic toc apuruuk luanj Nhialic tiit bīk Jethu la dōm.

33 Go Jethu lueel, “Ÿen abī rēer kamkun tēthin-nyōot, ku ŋen abī la tēnē raan yen cā tooc.

34 Wek abā wïc, ku wek aaciī ya bī yōk, rin acīn tē bī wek la tē rēer ŋen thīn.”

35 Go bāny Itharel lueel kamken, “Bī la dā buk cīi ben yōk? Cī bī la gēeth Girik yiic tē ciēŋ kəc Itharel thīn, ku bī kəc Girik piöc?”

36 Aye lueel, wek abā wïc ku wek aaciī ŋen bī yōk, ku wek aaciī bī la tē rēer ŋen thīn, yeŋō wïc bī lueel?”

Kuēer piū ē pīr

37 Aköl ciēen yen aköl dīt nīn yai. Akölē, Jethu aci rot jōt ku lueel rōldit, “Kuat raan nēk rou abī bēn tēnē ya ku bī dek.

38 Cīmēn cī ye gōt athōr thēer wēl Nhialic yic ēlā, ‘Raan gam wētdiē, kuēer piū ē pīr abī rēer yepuōu.’ ”

39 Kēnē aci Jethu lueel rin Wēi Nhialic, bī kəc gam wētde lōk yōk. Ku tēnē, Wēi Nhialic a kēc guō gam tēnē kəc, rin kēc Jethu guō la diēekde yic.

Kəc aaci keyiic tek

40 Kəc kōk kam kəc wën aaci kēnē piŋ ku luelkē, “Raan kēnē ē raan kāk Nhialic tiŋ alanden!”

41 Go kəc kōk lueel, “Yen ē Raan cī lōc ku dōc!” Ku lueel kəc kōk, “Raan cī lōc ku dōc aaciī bī bēn pan Galilia!

42 Acī gōt athōr thēer wēl Nhialic yic lōn Raan cī lōc ku dōc abī ya raan dhiēnh Debit, ku abī dhiēeth Bethalem, gen wāar ciēŋ Debit thīn.”

43 Go kəc wën keyiic tek ē riēnke.

44 Ku wickē bīk dōm, ku acīn raan cī yecin tāau yeguōp.

45 Nawēn dhuk apuruuk ciēen tēnē bāny kāk Nhialic ku kəc akut Parathī, gokē ke thiēc, “Yeŋō kēc wek ye bēi?”

46 Go apuruuk bëër, “Acin raan cī kaṅ jam cīmēn ē mony kēnē!”

47 Go kɔc akut Parathī ke thiëc, “Cī we dušōṅ aya?”

48 Le raan tōk kam bāny, ayī kam kɔc akut Parathī cī wētde gam cāk kaṅ piṅ?

49 Kockä aa kuc löṅ Mothith, ku aa kɔc cī Nhialic lām kērac.”

50 Go raan tōk kam kɔc akut Parathī, raan cī kaṅ la bī Jethu la tiṅ, cəl Nikodemo lēk ke,

51 “Na ye löṅ ciēṅ panda, ka cīn tē bī yok raan luök wei ke kēcku kaṅ piṅ thok tuēṅ, ku ṅicku kē cī looi.”

52 Gokē bëër, “Yīn aya, ye raan Galilia? Kuen athör thēer wēl Nhialic, ku aba ṅic lōn acin raan kāk Nhialic bēn Galilia.”

[
53 Nawēn cī raan ēbēn dhuk paande,

8

Tiṅ cī käl piny ke kər

1 ke Jethu la gən Olip nom.

2 Naṅon nhiäk dur yic ke dhuk luanṅ Nhialic. Go kɔc ēbēn guëer yelšōm, ku nyuuc piiny ku jock piöoc cök tēnē ke.

3 Go kɔc piöoc lööṅ ku kɔc akut Parathī tik bēi, ku ē tiṅ cī käl piny ke kər. Ku cölkē akäac kɔc nhīm ēbēn,

4 ku luelkē tēnē Jethu, “Raan piöoc, tiṅ kēnē aci käl piny ke kər.

5 Mothith aci löṅ lēk yo athör yic lōn kuat tiṅ loi kēcīt kēnē, adhil bišök aleel bī thou. Na yīn emēn, ye lueel kēdē?”

6 Keek aake jam kēlä bik Jethu deep bik wēt yok bik la luəm. Go Jethu guṅ ku gēt piny yecin.

7 Nawēn ṅot ke kääc ku yekē thiëc, ke jət yekōu ku lēk ke, “Na le raan kamkun cīn adumušōm cīi kaṅ looi, ke biök alel tuēṅ yegušp.”

8 Ku ben guṅ ku gēt piny yecin.

9 Nawēn cīk wēt kēnē piṅ, ke jiēl ēbēn ke wath röt, ku kəṅ kəcdīt jäl tuēṅ, agut tē döṅ Jethu ē rot, ku tiṅ wēn ke ṅot kääc yēnom.

10 Go yekōu jət ku lēk ye, “Tökē tēno? Cīn raan cīi döṅ bī yī luök wei?”

11 Go bëër, “Acin raan Bēny.” Go Jethu lueel, “Apath, ke yīn acä bī luök wei aya. Lōar ku duk adumušōm ben looi.”]*

Jethu ee mermer pinyhom

12 Go Jethu ben jam tēnē kɔc ku lueel, “Yēn ē ruel pinyhom, kuat raan buoth ya abi ruel pīr yok, ku aci bī kaṅ cath mušōth yic.”

13 Go kɔc akut Parathī lēk ye, “Emēn, yīn ajam ē rienku, ku wēt ca lueel acin kē ye nyušōth.”

14 Go Jethu bëër, “Acie kēya, na cök alōn jiēm yēn ē rienkiē, ke wēt lueel ē yic, rin yēn aṅic tē bīi yēn thīn. Ku wek aa kuc tē bīi yēn thīn ayī tē ler yēn thīn.

15 Wek aa wēt teem cīmēn wēt raan, ku yēn acin raan ya gām awuöc.

16 Ku tē bī yēn wēt teem, ke wēt ba teem abi jal a yic, rin acie yēn tem wēt, Wä ē toc yēn arēer ke ya.

17 Wēt aci gēt löṅdun yic lōn tē lueel kɔc karou wēt tōk luk yic, ke wētde nē ē ya yic.

18 Yēn ajam ē rienkiē, ku Wä cä tooc ajam ē rienkiē aya.”

19 Gokē thiëc, “Tō Wuur tēno?” Go Jethu bëër, “Wek aaci ya ṅic, ku wek aaci Wä ṅic. Na we ṅic ya, ṅušt wek aa ṅic Wä aya.”

20 Wēlkä ēbēn aaci Jethu lueel wäär piöoc yēn luanṅ Nhialic, yōn cī kākken ajuēr tōu thīn. Ku acin raan cie dām rin kēc akälde guš bēn.

Wek aaci la tēdiēn ler yēn thīn

21 Go Jethu ben lēk ke, “Yēn abi jäl ku wek abä wīc, ku wek aabi thou awäckun yiic. Tē le yēn thīn, acie yēn tē bī wek la thīn.”

22 Tēwēn, ke lueel bāny Itharel, “Aye lueel lōn cīi yok bī la tē le yēn thīn. Ye ciēt bī rot nök?”

23 Go Jethu bëër, “Wek aa kɔc piny tēn, ku yēn ee raan bö nhial. Wek aa kɔc piny kēnē nom, ku yēn acie raan pinyhom tēn.

24 Ee rin kēnē yēn aci yēn ye lueel lōn bī wek thou adumušōmkun yiic. Ku wek aabi thou adumušōmkun yiic tē kēc wek ye gam, lōn ē Yēn tō thīn, yēn ē Yēn.”

25 Gokē thiëc, “Ye yīn ṅa?” Go Jethu bëër, “Wēt aca lēk we tēwēn jock yēn wēt cök.†

7:50 Jn 3:1-2 8:5 Leb 20:10; L.rou 22:22-24 * 8:11 Athör thēer juēc aacie (7:53-8:11) ye mat thīn. Ku athör kāk ee bēn Jn 21:24 cök, ku kāk ē Lk 21:38. Ku athör tōk ee lāk bēn Jn 7:36 cök. 8:12 Mt 5:14; Jn 9:5 8:13 Jn 5:31 † 8:25 Yēnō ben yēn jam tēnē we.

26 Υ en ala wël juëc ba ke lueel ë riënkun, ku wël juëc bî Υ en ke we luök wei. Ku raan cä tooc guöp ala yic, ku Υ en ë kəc lëk kuat kē ca piñ tēnē ye.”

27 Gokē kēc deet lön jiem Jethu wēt Wun.

28 Go Jethu bēn lueel tēnē ke, “Aköl bî wek Manh Raan jat nhial, ka bāk jāl ñic lön, ‘ Υ en tō thīn Yen ë Υ en.’ Ku abāk deet yic aya lön acīn kē ya looi ruōtdië, ku aa ya ke lueel wël cī Wā piöc tēnē ya.

29 Ku raan cä tooc arëër ke ya, ku akēc ya nyääh piny yatök, rin ye Υ en wēt nhiëer looi akölaköl.”

30 Go kəc juëc cī Jethu piñ ke jam ë wëlkä wētde jāl gam.

Kəc lääu nhūm ku kəc aloony

31 Go Jethu lëk kəc Itharel cī wētde gam, “Na piënkē wël ca piöc, ke wek aa kockiën buōth ya ayic,

32 ku wek aabi yic ñic, ku yic abi we wëër bei.”

33 Gokē bëër, “ Υ ok aa kəc dhiënh Abaram, ku acīn kəc kək cī Υ o kañ loony. Ku na luel, ‘Wek aabi wëër bei,’ ke yeñö wïc ba lueel?”

34 Go Jethu lëk ke, “Yic alëk we, raan ëbën cä adumuööm looi yen alony adumuööm.

35 Alony acie raan mac thok alanden, ku Wät yen ee raan thīn lanayön.

36 Na cī Wät we wëër bei, ke wek aabi rëer ke cīn loony alanden.

37 “Anjiec lön ye wek dhiënh Abaram. Ku anjot wiëckē bāk ya nök, rin piöcdië acäk ye gam.

38 Kē cī Wā nyuōth ya yen aya lueel, ku wek aa loi kē cī wärkun lëk we.”

39 Gokē bëër tēnē ye, “Abaram yen ë wāda.” Go Jethu wēt dhuk nhom ku lueel, “Na we mīth Abaram alanden, ñuōt wek aa loi kəcīt kē cī Abaram looi.

40 Keriëc ëbën ca looi ë rin ba we lëk yiny ca piñ tēnē Wā, ku anjot wiëckē bāk ya nök. Abaram acīn kē cī looi cīt kēnē!

41 Wek aa loi kē cī wärkun looi.” Gokē lueel, “Nhialic yetök yen ë Wāda, ku Υ ok aa miëthke guöp.”

42 Go Jethu bëër tēnē ke, “Të ye Nhialic wuurdun guöp, ñuōt wek nhīar ya, rin cī Υ en bēn tēnē Nhialic, ku ëmën Υ en atō tēn. Υ en akēc bēn wētdië ë rot, ee yen acä tooc.

43 Yenö cīi wek kē ya lueel ye deet yic? Ee rin cīi wek ye lēu bāk wētdië piñ.

44 Ee jōñrac yen ë wuurdun, ku ayakē nhīaar bī ya kēn wuurdun yen yakē looi. Yen ë raan ë tir tēthëer yön, ku akēc yic kañ lueel rin ye yen alueeth, ku ye wun lueth ëbën.

45 Υ en aluel yic, ku rin ë kēnē yen akēc wek ya gam.

46 Yenā kamkun lēu ye bī awuöc nyooth yaguöp rin adumuööm ca looi? Na luëel yic, ke ye rin ñö cīi wek ya ye gam?

47 Raan bō tēnē Nhialic ë wēt Nhialic piñ, wek aacīi bō tēnē Nhialic, ku yen ë kē cīi wek wēt bī piñ.”

Jethu ku Abaram

48 Go kəc Itharel bëër tēnē Jethu, “Këcku wēt yic lueel wën lön ë yīn raan pan Thamaria, ku jōñrac atō yīguöp?”

49 Go Jethu bëër, “Acīn jōñrac tō yaguöp, Υ en ë Wā theek ku wek aa ya dhäl guöp,

50 Υ en acīi lëcdië wïc. Raan wïc ye atō thīn, ku ë wēt teem bā kony.

51 Wēt yic alëk we, raan piñ wētdië acīi bī thou akölrīëc ëbën.”

52 Go kəc Itharel lëk yen. “Ëmën, anjicku alanden lön tō jōñrac yīguöp. Abaram acī thou, ku kəc kāk Nhialic tīñ aacī thou aya ku ñot ye lueel, ‘Raan piñ wētdië acīi bī thou akölrīëc ëbën.’

53 Abaram wāda acī thou, nadē ye lueel lön dīit yīn tēnē Abaram? Ku kəc kāk Nhialic tīñ aacī thou aya. Ye tak ye yīn ë ña?”

54 Go Jethu bëër, “Na ya cī rot leec, ñuōt lëc kēnē acie lëc acīn. Ee Wā yen ë raan ya leec, ku yeen guöp ayakē lueel ke Nhialicdun.

55 Yeen akëckē kañ ñic, ku yeen anjiec. Na luëel lön kuc Υ en ye, ke Υ en abi ya alueeth cīmëndun, ku yeen anjiec, ku Υ en ë wētde looi puöu ëbën.

56 Wuurdun Abaram acī puöu miët apēi lön bī yen aköl bēndië tīñ, acī tīñ ku acī puöu la yum.”

57 Go kəc Itharel lëk ye, “Yīn anjot yī kēc ruöön thiärdhiëc dööt, ku yīn ca Abaram tīñ?”

58 Go Jethu bëër, “Wēt yic alëk we, wäär kēc Abaram guö dhiëth, ‘Ke Υ en atō thīn.’ ”

59 Gokë aleel kuany bi kek ye biöök, go Jethu rot thiaan ku jiël yön Nhialic.

9

Jethu aci raan ci dhiëeth ke ci cöar kony

1 Tëwën cieth Jethu, ke tiñ raan ci dhiëeth ke ci cöar. Go kacken ye buöth thiëc,

2 “Raan piöoc, ye adumuööm ci ña looi cäl ye adhiëth ke ci cöar? Ye adumuöömde aye adumuööm kac ke dhiëth ye?”

3 Go Jethu bëër, “Kë ci yen cöar acie rin adumuööm ci looi, ayi rin adumuööm ci kac ke dhiëth ye looi, yeen aci cöar bi riël luai Nhialic tiñ yeguöp.”

4 Yok aa dhil la tueñ yo lui luai raan ca tooc yet tē ñot ruel aköl, wakou abö, ku acin raan bi ye lëu bi luui.

5 Yet aköl ñoot yen pinyhom, ke yen ë ruel tēnë kac.”

6 Tëwën ci yen jam kälä, ke ñuut piny ku nueen tiöp luëeth, ku röoth tiöp mony wën nyin,

7 ku lëk ye, “Löar lök yinyin wär Thiloam.” (Ku wëtde yic, “Ci tooc.”) Go mony wën la ku lök yenyin, ku le dhuk ke ye piny tiñ.

8 Go kac akeu nhom ku kac ci ye kañ tiñ ke lim thiëc, “Cie mony dhie cool nyuc piiny ke lim kënë?”

9 Go kac kök lueel, “Ee yeen guöp.” Ku lueel kac kök, “Acie ye ë raan thöñ kek ye.” Go mony wën nhom lueel, “Ee yen raan wën guöp.”

10 Gokë thiëc, “Ci rot lëu kädë ba ben daai?”

11 Go bëër, “Mony cäl Jethu aci tiöp nueen ku röoth yanyin ku lëk ya, ‘Löar wär Thiloam ku lök yinyin.’ Guo la, ku kaam wën lök yen yanyin, ke ya tiñ piny nyin yic.”

12 Gokë thiëc, “Yen ako?” Go bëër, “Akuöc.”

Akut Parathï awic wët tē ci cöar kuony thin

13 Gokë mony wën ci cöar thäl tēnë kac akut Parathï.

14 Aköl nueen Jethu tiöp ku röoth raan nyin bi daai, ee ya aköl ci kac ye luui.

15 Go kac akut Parathï mony wën ben thiëc tē ci ye liep nyin thin. Go lëk ke, “Yeen aci tiöp tääu yanyin, ku laak yanyin, ku emën alëu ba piny tiñ.”

16 Go kac kök akut Parathï lueel, “Raan ci kënë looi aci lëu bi ben tēnë Nhialic, rin aci löñ ci kac ye luui thek.”

Go kac kök lueel, “Lëu kädë bi raan la guöp adumuööm kädit jäñ göi, cit kakkä, looi?” Gokë keyiic tek kamken.

17 Go kac akut Parathï mony wën ben thiëc, “Yiin ye lueel lon ci yen yi liep nyin apath, ku yin ye lueel ye yen ña?” Go bëër, “Ee raan käk Nhialic tiñ.”

18 Ee këc bëny Itharel gam lon ci yen cöar ku ben nyin kuek, agut tē bi kek kac ke dhiëth ye cöl,

19 ku thiëckë ke, “Ye manhdun kënë? Ayakë lueel lon ci ye dhiëeth ke ye cöar, lëu kädë, bi piny tiñ?”

20 Go wun ku man bëër, “Anjicku lon ye yen manhda, ku lon ci ye dhiëeth ke ye cöar.

21 Ku akucku tē ci yen piny jäl tiñ thin, yok aa kuc raan ci ye liep nyin aya. Thiëckë, yeen aci dit ku alëu bi këde bëër ë rot.”

22 Wun ku man aaci jam kälä rin riöc kek bëny Itharel, rin ci kek ye mat lon kuat raan gam Jethu lon ë yen Raan ci löc ku döc, ka dhil cuöp wei tēn amat kac Itharel.

23 Rin kënë, yen ë lueel wun ku man ye ëlä, “Yeen aci dit, thiëckë!”

24 Gokë mony wën ci dhiëeth ke ci cöar ben cöl arak dët, ku lëkkë ye, “Kuëñ ë Nhialic nhom lon bi yin yic lueel. Anjicku lon mony kënë ë raan adumuööm.”

25 Go mony wën bëër, “Akuöc lon ye yen raan la guöp adumuööm, wët yen ñiëc, yen a ya ye cöar ku emën yen ë piny tiñ.”

26 Gokë thiëc, “Yenjö ci looi tēnë yin? Ci nyienku kuek kädë?”

27 Go bëër, “Aca lëk we wenthëer, ku acäk ye piñ. Ye rin ñö wic wek wët bäk ben piñ? Tëdët wiëckë aya bäk ya kacken ye buöth?”

28 Gokë lat ku luelkë, “Yin aci ya raanden ye buöth, yok aa kac Mothith.

29 Anjicku lon ci Nhialic jam tēnë Mothith, ku na ye monytui, ka cökku kuc aya tē bi yen thin!”

30 Go mony wën bëër, “Kë gëi kac akin! Akuöckë tē bi yen thin, ku yeen guöp aci nyienkië liep!”

31 Anjicku lon ci Nhialic wët kac adumuööm ye piñ, ku yeen ë wët kac thek ye ku loikë luaiden ci lëk ke piñ.

32 Ƴonthær cek pinyhom akëc kaŋ piŋ lön le yen raan cī dhiëeth ke ye cöör cī kuek nyin.

33 Na cie lön bī raan kënë tēnē Nhialic, ka cī lēu bī kēcīt kënë looi.”

34 Gokē bēēr, “Yin aci dhiëeth ku muk yī adumuööm yic, ku wic ba Ƴo piöc?” Ku copkē wei tēnē amat.

Cöör ë puöu

35 Go Jethu piŋ lön cī kek ye cuöp wei. Nawēn yök ke lueel, “Ye wēt Manh Raan gam?”

36 Go mony wēn bēēr, “Bēny, lëk Ƴa ye ŋa, rin ba lēu ba gam.”

37 Go Jethu lëk ye, “Yeen aca tiŋ, ku yen ë raan jam kek yī ëmēn.”

38 Go mony wēn lueel, “Bēny aca gam.” Ku gut yenhiäl piny Jethu nhom.

39 Go Jethu lueel, “Ƴen aci bēn pinyhom tēn ba wēt teem, rin bī cöör piny tiŋ, ku bī kōc piny tiŋ jäl cöör.”

40 Go kōc kōk akut Parathī rēēr kek ye wēl cī lueel piŋ ku thiëckē, “Ee ciët wic ba lueel lön ye Ƴok cöör aya?”

41 Go Jethu bēēr, “Na we ye cöör ke wek aa cīn gup awuöc, ku rin ye wek ye lueel lön ye wek piny tiŋ, ke wēt kënë aye nyooth lön le wek gup awuöc.”

10

Kääŋ abiöök

1 Go Jethu lueel, “Wēt yic alëk we, raan cie tēek kal amël thok, ku lir nhom tēdēt, yeen ë cuär, ku ë raan rum kãŋ.

2 Ku raan tēk kal thok yen abiöŋ amël.

3 Raan tit kal abi kal ŋaany thok tēnē ye, ku piŋ amël rölde tē cöl yen amälke ë rienken, ku thel ke ayeer.

4 Ku tē cī ke Ƴath ayeer, ka cath tuen ken-hiim ku buöth amël cök rin ŋic kek rölde.

5 Aacii raan dēt bī buöth cök, aabi kat ye rin kuc kek rölde.”

6 Kääŋ kënë aci Jethu thäth ke, ku wēt lueel tēnē ke akëckē deet yic.

Jethu abiöŋ path

7 Go Jethu bēn lueel, “Wēt yic alëk we, Ƴen ee kal thok tēnē amël.

8 Kōc kōk ëbēn cī kaŋ bēn Ƴanhom tuen, aa cuär ku aa kōc rum kãŋ, ku rölden akëc amël piŋ.

9 Ƴen ë kal thok. Raan bö thīn thuŋdië abi lušk, yeen abi bēn alŋthīn ku ler ayeer, ku yök wel path.

10 Cuär ë bēn rin bī cuëer, ku nēk kãŋ ku rēc ke. Ƴen aci bēn bik pīr yök, pīrdīt alanden.

11 “Ƴen abiöŋ path. Abiöŋ path aye wic bī thou rin amälke.

12 Raan lui ariöp ku cie raan abiöök ku cie wun amël, ku tiŋ gäl ke bö, ka päl amël ku ket, bī gäl thuëet amël yiic ku thiëi ke roor.

13 Raan lui ariöp ë kat rin ë raan lui ariöp ë path, ku aliu puöu kegup.

14-15 “Ƴen abiöŋ path. Cīmēn ŋic Wä Ƴen ku ŋic Wä, këya Ƴen aŋic amälkië ku amälkië aa ŋic Ƴa. Ku awiëc ba thou ë rienken.

16 Amël kōk aa tō thīn ku aa kãkkië ku aa liu thīn kal kënë yic. Keek aaba bēi aya, ku aabi röldië piŋ, ku keek aabi ya luöny tōkalin kek raan tōŋ biöök ke.

17 “Wä anhiar Ƴa rin awiëc ba piërdië puäl rin bī Ƴen ye bēn yök.

18 Acīn raan bī piërdië nyaai tēnē Ƴa. Yeen aya puäl wēt piändië ë rot. Ƴen ala riel ba päl wei, ku Ƴen ala riel ba bēn lööm.”

19 Go kōc Itharel keyiic bēn tek kamken rin ë wëlkä.

20 Kōc juëc kamken aa yekē lueel, “Yeen ala guöp jŋrac! Yeen amuöl! Yenö ye wek wëlke piŋ?”

21 Go kōc kōk lueel, “Lēu raan la guöp jŋrac bī jam cīmēn yen! Lēu jŋrac kēdē bī cöör cäl akuek yenyin?”

Kōc Itharel aa kuec Jethu

22 Aköl looi Yan Dōc luaŋ Nhialic Jeruthalem aci bēn, ku piny ë ye mēi.

23 Ku Jethu ë cath puök yic, cäl puök Tholomon tō luaŋ Nhialic.

24 Go kōc Itharel guëer yelööm ku luelkē, “Ƴet nen bī yin Ƴo cäl arëer Ƴo diu puöth? Lëk Ƴo yic la gei, ye yin Raan cī lōc ku dōc?”

25 Go Jethu bēēr, “Wēt aca lëk we ku wek aacie wētdië ye gam. Luöikiën ya looi ë riel Wä, kek ajam ë rienkië.

26 Ku wek aacie wētdië ye gam rin cīi wek ye amälkië.

27 Amälkië aa räldië piñ ku keek anjæc ku keek aa ya buoath cök.

28 Pír akölríëëc ëbën aya yiëk ke, ku keek aaciï bî kan thou athæer, ku acin raan lëu ye bî ke rum tënë ya.

29 Kë cî Wä yiëk yen awär këriëëc ëbën, ku acin raan lëu ye bî ke rum Wä cin.

30 Wä ku yen yok aa tök.”

31 Go kác Itharel aleel bën kuany bîk biöök.

32 Go Jethu lëk ke, “Luoi puoath juëc cî Wä yiëk yen ba ke looi, aa ca looi wenhüim, ye luoi tön nen kamken yen wïc wek ye bäk ya biöök aleel?”

33 Go kác Itharel bëër, “Yin acuk wïc buk yî biöök aleel rin luoi path, ku ë rin ye yin Nhialic däl guöp. Yin ë raan ë path, ku wïc ba rot looi ba ya Nhialic!”

34 Go Jethu bëër, “Acî göt löndun yic guöp lön cî Nhialic ye lueel, ‘Wek aa Nhialic.’”

35 Anjicku lön wët cî göt athör wël thæer Nhialic yic ë yic alanden, ku kackä acî Nhialic cäl, ‘Nhialic,’ kác cî Nhialic thön wëtde.

36 Ku na yen, ke Wä cä cäl ku tuuc ya pinynhom, ku ye kädë ye wek ye lueel lön cî yen Nhialic däl, ye rin cî yen ye lueel lön ye yen Wën Nhialic?

37 Duökkë wëtdië gam tē cii yen luoi Wä loi.

38 Ku na ya ke looi, ku cök alön cii wek wëtdië gam, ke we dhil luökië gam, bäk njic alanden lön Wä arëër kek ya ku yen atö Wä yic.”

39 Gokë wïc bîk däm, go ke käl nyin.

40 Go Jethu bën dhuk ciëen wär Jordan alontui tēwäär ye Joon kác muöac nhüim thün, ku rëer thün tēen.

41 Go kác juëc bën tënë ye ku luelkë, “Joon akëc kãril looi, ku këriëëc ëbën cî lueel rin ë mony kënë aaci ya yith.”

42 Ku gam kác juëc wëtde ë tënë.

11

Thon Ladhäro

1 Raan cäl Ladhäro, ku ë rëër Bethani, ëci tuaany. Bethani ë gen rëer Maria thün kek nyankën cäl Martha.

2 Maria kënë yen ë nyan wäär cî Bányda tãc cök miök njir, ku wuuny ke nhiëmke. Ku ë mënhe Ladhäro yen ëci tuaany.

3 Go nyiërakën wët tuöc Jethu, “Bëny, mähdun nhiar aci tuany.”

4 Nawën piñ Jethu ke lueel, “Tuëny kënë aciï Ladhäro bî nök, kënë aci rot looi bî Nhialic leec thün. Ku yen ë tē bî Wën Nhialic læc yök thün.”

5 Ku Jethu ë nhiar Martha kek nyankën ku Ladhäro.

6 Nawën cök piñ lön cî Ladhäro tuaany, ke näk nün karou tēwën rëer yen thün.

7 Ku jol lëk kác ye buoath, “Benku dhuk ciëen pan Judia.”

8 Go kác ye buoath lueel, “Raan piöoc, wäär ëmën thiöök, ee wïc kác Itharel bîk yî biöök aleel, ku ye wïc ëmën ba bën dhuk thün?”

9 Go Jethu bëër, “Akäl tök cî yic la aköl ku waköu? Tē cieth raan ke ruel düt ke yeen acie köth, rin ala ruel yen piny tiñ.

10 Ku na cieth waköu ka köth, rin liu ruel tënë ye.”

11 Jethu aci wëlkä lueel ku met dät thün, “Mäthda Ladhäro aci nün wit, ku yen ala ba la puöc.”

12 Go kác ye buoath lueel, “Bëny, na cî nün ka bî nuëën.”

13 Ku wët wïc Jethu bî lëk ke ë lön cî Ladhäro thou. Gokë tak lön jicem yen wët nün ë path.

14 Go Jethu gai yic tënë ke, “Ladhäro aci thou,

15 ku yen aci puöu miët ë rienkun ba këc rëer kek ye, rin bäk gam. Jolku la tënë ye.”

16 Go Thomath, cäl Acueek, lëk atuuc, “Lokku yodhie kek Raan piöoc, rin buk la thou kek ye.”

Jön rot ku pír aabö tënë Jethu

17 Nawën yet Jethu ke yök lön cî Ladhäro thiök ka la nün kanuan ran yic.

18 Bethani amec kek Jeruthalem tēcüt tēn meel karou,

19 ku kác juëc Itharel aake cî bën bîk Martha kek Maria bën dæet puöth, rin wämënnden cî thou.

20 Nawën piñ Martha lön büi Jethu, ke la ayeer bî la röm kek ye, ku döñ Maria bei.

21 Go Martha lëk Jethu, “Bëny, na yî tö thün, nuöt wämääth akëc thou.

22 Ku aɲiɛc lɔn na cɔk amɛn ke Nhialic abi kɛriɛc ɛbɛn ba thiɛc ye, gɔm yɪ.”

23 Go Jethu lɛk ye, “Wɔmuuth abi rot jɔt bi pɪr.”

24 Go Martha bɛɛr, “Aɲiɛc lɔn bi yen rot jɔt bi pɪr akɔl ciɛɛn.”

25 Go Jethu lɛk ye, “ʎɛn ɛ jɔn rot ku pɪr. Raan gam wɛtdiɛ, na cɔk alɔn thou yen ka bi pɪr.”

26 Ku kuat raan pɪr ku gɛm wɛtdiɛ acii bi kaɲ thou. Ca kɛnɛ gam?”

27 Go lueel, “Ee kɛya, Bɛny. Aca gam lɔn ye yɪn Raan ci lɔc ku dɔc, Wɛn Nhialic, bi dhial bɛn pinyhom.”

Jethu adhiu

28 Nawɛn ci Martha wɛlkɔ lueel, ke dhuk ciɛɛn ku cɔɔl nyanakɛn Maria amɔɔth ku lueel, “Raan piɔɔc atɔ tɛn ku awɪc yɪ.”

29 Nawɛn piɲ Maria wɛt kɛnɛ, ke jɔt rot ku lɔc la aɲɛr bi la rɔm kek ye.

30 Ku Jethu ɛ ɲɔt kɛc ɲɛt baai, a ɲɔt rɛɛr tɛwɛn rɛm yen thɪn kek Martha.

31 Go kɔc Itharel wɛn rɛɛr ɲɔɔt kek Maria rin bik dɛɛt puɔu, buɔɔth cɔk, wɛn tiɲ kek ye ke ci rot jɔt ku bɛn yekɔu aɲɛr. Ee cik tak lɔn ler yen raɲ nhom bi la dhiau thɪn.

32 Wɛn ɲɛt Maria tɛwɛn rɛɛr Jethu thɪn, ke cuɛt rot piny yecɔk ku lueel, “Bɛny, na yɪ tɔ thɪn tɛn ɲuɔt wɔmɔɔth akɛc thou.”

33 Nawɛn tiɲ Jethu ke dhiau, ku kɔc Itharel awɛn ruɛc ye ke dhiau aya, go keɲ yepuɔu ku ɲɛr yic aɲɛi.

34 Go ke thiɛc, “Cɔk thiɔk tɛno?” Gokɛ lueel, “Bɛny, bɔɔr ba tiɲ.”

35 Go Jethu dhiau.

36 Go kɔc Itharel lueel, “Tiɛɲkɛ tɛ nhiɛɛr yen ye thɪn.”

37 Go kɔc kɔk kamken lueel, “Acɪ raan ci cɔɔr liep nyin, kɛc looi? Ku yenɔ kɛc yen Ladhɔro kuɔny bei thou yic?”

Ladhɔro acɪ bɛn pɪr

38 Go Jethu yic bɛn ɲɛɛr aɲɛi ku ler raɲ nhom, ku raɲ ɛci wɛc kuur yic, ku kuurdit acɪ tɔɔu yethok.

39 Go Jethu ke ɲɔɔk, “Nyaaikɛ kuur.”

Go Martha, nyanakɛn raan ci thou bɛɛr, “Bɛny, acɪ nhiany. Nɪn ci ye thiɔk aa ɲuan.”

40 Go Jethu lɛk ye, “Kɛc lɛk yɪ lɔn bi yɪn lɛc Nhialic tiɲ tɛ gɛm yɪn?”

41 Gokɛ kuur laar wei. Go Jethu yenyin ɲɔɔr nhial ku lueel, “Wɔ yɪn alɛɛc rin ye yɪn ɲa piɲ,

42 ku aɲiɛc lɔn ye yɪn ɲa piɲ akɔlakɔl, ku aluɛɛl rin bi kɔc tɔ thɪn tɛn ye gam, lɔn ci yɪn ɲa tooc.”

43 Kaam wɛn ci yen wɛlkɔ lueel ke cɔt rɔldit, “Ladhɔro, bɔɔr aɲɛr.”

44 Go bɛn aɲɛr ke ci duut cɔk ku cin alanh thiɛkthiɛk, ku acɪ der nyin alath. Go Jethu lɛk ke, “Dɔkkɛ ku calkɛ acath.”

Amat nɛk Jethu

(Mt 26:1-5; Mk 14:1-2; Lk 22:1-2)

45 Go kɔc juɛc Itharel ci bɛn bik Maria bɛn neem, kɛ ci Jethu looi tiɲ, ku gamkɛ wɛtde.

46 Ku dhuk kɔc kɔk ciɛɛn kamken tɛnɛ kɔc akut Parathɪ, bik kɔk ci Jethu looi la lɛk ke.

47 Go kɔc akut Parathɪ ku kɔc kɔk Nhialic mat kek bɛny luk, ku luelkɛ, “Buk ɲɔ looi? Mony kɛnɛ ee luɔi ril aɲɛi looi!

48 Na pɔlku bi la tuɛɲ kɛlɔ, ke kɔc ɛbɛn abi wɛtde gam, ku bɔny Roma aabi bɛn bik luan Nhialic thuɔr piny ku rɛckɛ panda.”

49 Go Kaipa yen ye raandit kɔc kɔk Nhialic ɛ ruɔɔn kɛnɛ lueel, “Wɛt tɔk akuɔckɛ!

50 Cɔk ye tiɲ lɔn aɲuɛɛn tɛnɛ we bi raan tɔk thou rin kɔc, tɛn tɛ bi wuɔnda riɔɔk ɛbɛn?”

51 Ku akɛc wɛt kɛnɛ lueel piɔnde ɛ rot, ku ɛ rin ye yen raandit kɔc kɔk Nhialic ɛ ruɔɔn kɛnɛ. Ku ɛ luel kɔk tuɛɲ bi rɔt looi lɔn bi Jethu thou rin thɔn Itharel,

52 Ku acie rienken kepɛc, abi thou aya bi miɲh Nhialic ci thiɛi pinyhom kuɔɔt yiic bik aa tɔk.

53 Jɔɔk akɔl kɛnɛ ke bɔny aake guɪr bik Jethu nɔk.

54 Kɛya, go Jethu kɛc bɛn acath ɛ path kam kɔc pan Judia, ku jiɛl bi la gen cɔl Epraim tɛthiɔk ke ror, ku rɛɛr thɪn kek kɔc ye buɔɔth.

55 Ku Yan Ayum cɪn yic luɔi kɔc Itharel ɛci thiɔk, go kɔc juɛc jɔl bɔɔaiken yiic bik la Jeruthalem, bik kɔc wuuny kek kegup yandit nhom tuɛɲ la looi.

56 Gokɛ Jethu wɪc, ku thiɛckɛ rɔt kamken wɛn ci kek guɛɛr luan Nhialic, “Yenɔ yakɛ tak? Bi bɛn yai yic, kua ci bi bɛn?”

57 Ku kɔc kɔk Nhialic ku kɔc akut Parathɪ aake ci wɛt lueel, lɔn raan ɲic tɛ rɛɛr Jethu thɪn adhil wɛt lɛk ke, ku bi dɔm.

12

Maria aci tē theek yen Jethu thīn nyuəəth
(Mt 26:6-13; Mk 14:3-9)

¹ Nīn kadātem Yan Ayum cīn yic luəu nhom tuəŋ, ke Jethu la Bethanī, pan ciəŋ Ladhāro thīn, raan wāär cī jət bei thou yic.

² Gokē miēth guiir tēnē ye, miēth cī Martha bēn luui thīn apei. Ku Ladhāro atō kam kəc ke rēer thīn aya.

³ Go Maria karjac cī thiāŋ miök nīr cəl naar, ye ɣəc wēəu juēc lööm, ku puk Jethu cök ku wuuny nhīmken nhom. Go anīr miök ɣöt rum yic ēbēn.

⁴ Go raan tōk kam kəc Jethu buəəth, cəl Judath Ithkariöt, raan bī ye luəm lueel,

⁵ “Yeŋö kēc miök nīr kēnē ɣaac wēəu juēc wār wēəu ye dām raan tōk, ku yīk ke kəc nōŋ?”

⁶ Ku ēcie rin nhiēr kəc nōŋ yen lueel yen kēnē, ee rin ye yen cuär, ee ye wēəu akut muk, ku ē ye rot kony thīn.

⁷ Go Jethu lueel, “Pälkē, calkē amuk miök rin aköl bī ɣa thiök.

⁸ Kəc nōŋ aabī rēer thīn akölaköl kek we, ku ɣen aci bī rēer kek we akölaköl.”

⁹ Go kəc juēc Itharel jäl nīc lən tō Jethu Bethanī, gokē la thīn, ku acie rin Jethu yetök, ee rin bīk Ladhāro la tīŋ aya, raan wāär cī Jethu jət kam kəc cī thou.

¹⁰ Go kəc kək Nhialic wēt mat yic bīk Ladhāro nək aya,

¹¹ rin wēt Ladhāro yen aye kəc juēc Itharel bānyken puəl ku gamkē wēt Jethu.

Jethu aci la Jeruthalem ke ciēm yai
(Mt 21:1-11; Mk 11:1-11; Lk 19:28-40)

¹² Naɣon nhiääk dēt ke akutdīt kəc cī bēn Yan Ayum cīn yic luəu yic, piŋ wēt lən bīi Jethu Jeruthalem.

¹³ Gokē ayör agēp lööm, ku lek bīk la lor, ku ketkē elä,

“Lec tēnē Nhialic!
Nhialic dəc raan bö rin Bēny!
Nhialic dəc Bēny Itharel!”

¹⁴ Go Jethu akaja yök ku nyuuc yekəu, cīt tē cī gät ye athör theer wēl Nhialic yic,

¹⁵ “Duökkē riəc kəc Itharel! Yen kīn, Bānydun abö, ke cī nyuc akaja kəu.”

¹⁶ Ku kakkä aake kēc kəcken ye buəəth deet yiic, nawēn cī Jethu rot jət ke lec, ke jəlkē nīc lən cī kakkä gət athör theer wēl Nhialic yic, ku lən cī kek kakkä looi tēnē ye.

¹⁷ Ku kəc juēc ke rēer thīn wāär cī Jethu Ladhāro caal ayeer ran yic, ku jət kam kəc cī thou, aake kē cik tīŋ tēt kəc.

¹⁸ Ku rin wēt kēnē aya yen aa lor kəc juēc ye, rin cī kek luəidīt jāŋ gōi cī looi piŋ.

¹⁹ Go kəc akut Parathī lueel kamken, “Cäk ye tīŋ lən cīn yen kē yökku thīn. Tiēŋkē, aye thēi ēbēn buəəth cök.”

Kəc Gīrik kək aa wīc Jethu bīk tīŋ

²⁰ Kəc Gīrik kək aake tō kam kəc cī la Jeruthalem bīk Nhialic la door thīn.

²¹ Gokē bēn tēnē Pilipo, raan Galilia pan Bethaida ku luelkē, “Bēny, ɣok aa wīc Jethu buk tīŋ.”

²² Go Pilipo wēt lək Andria, ku lekkē karou tēnē Jethu bīk la lək ye.

²³ Go Jethu bēer, “Ēmēn, aköl bī Manh Raan ya leec apei aci guə ɣēet.

²⁴ Wēt yic alək we, nyin rap ē rēer ke ye tōk ē path, tē kēc ye tāäu tiəp yic bī ciēt kē cī thou. Na le yic pät bī ciēt kē cī thou, ka jəl luək mith juēc.

²⁵ Raan nhīar piērde, abī muör ku raan man piērde pinynhom tēn abī muk tēnē pīr akölriēc ēbēn.

²⁶ Kuat raan wīc ye bī ɣen luəöi ka dhil ɣa buəəth cök, rin tē rēer ɣen thīn, aluənydiē abī rēer thīn aya, ku Wä abī kuat raan luui ɣa leec.

Jethu ajam wēt Thuənde

²⁷ “Piändiē arem ēmēn, ku ba nō lueel? Ba lueel, ‘Wä, duk kēreec tit ɣa cəl abö?’ Ku kēnē ē yen cī ɣen bēn thīn, rin ba areem aköl kēnē thöl.

²⁸ Wä, cəl riēnku alec!”

Go röl jam nhial ku lueel, “Aca cəl alec ku aba bēn cəl alec.”

²⁹ Go kəc ke kääc thīn tēen röl piŋ ku luelkē, “Deŋ aci mār.” Go kəc kək lueel, “Atuny Nhialic aci jam tēnē ye.”

³⁰ Tēenē, go Jethu lək ke, “Ee cie tēnē ɣa yen jīeem röl kēnē, ee riēnkun.

³¹ Ēmēn, ē tē bī luk teem tēnē kəc tō pinynhom, ku bēny jakreec abī cuəp wei.

³² Të cī ɣa jat nhial, ke ɣen abī kəc ebən miëet tənë ɣa.”

³³ Ku wən lueel yen kənë, ke wīc bī nyuəth yen tē bī yen thou thīn.

³⁴ Go akut bēer tənë ye, “Wēt cī gāt athör yic ë ɣok lək lən bī Raan cī ləc ku dəc, pīr akölrīëc ebən. Na yīn lēu kədë ba lueel lən bī Manh Raan jat nhial? Ku yeɣa yen Manh Raan?”

³⁵ Go Jethu bēer, “Anjoot tēthin nyəot bī ruəl rēer kamkun. Lakkë tuen dhöldun yic emən tōu ruəl tənë we bī muəth we cīi döt, rin raan cath muəth yic akuc tē ler yen thīn.

³⁶ Gamkë ruəl emən njoot yen kek we, rin bāk aa kəc ruəl.” Tēwən cī Jethu wēlkā lueel ke la ayeer ku thiēn rot tənë ke.

Kəc Itharel aa kuc ë gam

³⁷ Na cək amən cī yen luəi rilkä ebən looi kenhīim guəp, ke keek aa kəc wētde gam,

³⁸ bī wēt cī Ithaya, raan kāk Nhialic tīŋ kaŋ lueel thēer yenhom tiēn, wētde wäär lueel ëlä,

“Bēny, yeɣa cī wēt cuk lək kəc gam? Yeɣa cī Bēny nyuəth riel?”

³⁹ Ku rin ë kənë acīn tē bī kek gam, rin wēt kənë aya, acī Ithaya lueel ëlä,

⁴⁰ “Aacī Nhialic dhöny nyīn, ku mēr kepuəth.

Bīk kəŋ cīi tīŋ kenyin, ku cik wēt det kepuəth.

Bīk röt wēl ɣen ku ba keek kony.”

⁴¹ Ithaya acī kənë lueel rin cī yen ləc Jethu tīŋ ku jīem rienke.

⁴² Ku emən aya, ke bāny kəc Itharel aake cī wēt Jethu gam, ku akēckë lueel kəc nhīim, rin riəc kek kəc akut Parathī bīk ke cīi cop wei tən amat.

⁴³ Aake ləc kəc nhiaar tənë ləc Nhialic.

Jethu abī luk looi tənë kəc ebən

⁴⁴ Go Jethu lueel röldīt kəc nhīim, “Raan gam wētde acie wētde rot yen ye gam, ee wēt raan toc ɣa gam aya.

⁴⁵ Ku raan tīŋ ɣa, ka tīŋ raan cā tooc aya.

⁴⁶ ɣen acī bən cimən ruəl pinynhom, bī raan ebən gam wētde cīi ben rēer muəth yic.

⁴⁷ Raan piŋ wētde ku cīi lək looi, ke ɣen acīn wēt ba tēm ye, rin kəc ɣen bən ba kəc

pinynhom bən luk, ɣen acī bən ba ke bən pīr.

⁴⁸ Raan kuc ë ɣa ku cīi wētde gam, raan bī ye tēm awuəc abī tō thīn, ku wētde ca lək kəc abī ye luk aköl ciēn.

⁴⁹ Ku ë këya, rin kəc ɣen jam wēt piändië rot, ku ë Wā Aciēn toc ɣa, yen acī ɣa thōn kë ba dhiel lueel ku jaam ë yic.

⁵⁰ Ku anjēc lən ye wētde pīr akölrīëc ebən bēi. Kāk ya lueel aa kāk cī Wā nyuəth ɣa ba ke lueel.”

13

Jethu acī kəcken ye buəth lək cök

¹ Ee ye aköl Yan Ayum cīn yic luəu nhom tuen. Go Jethu njic lən cī aköl jīel yen pinynhom tən jāl bən, ku bī la tənë Wun. Yeen acī kəcken rēer pinynhom nhiaar alanden, ku nhieer ke yet tē bī wēt thök.

² Jethu ku kəcken ye buəth aake cī nyuc bīk mieth thēi cam. Ku jəŋrac ëcī wēt tääu Judath, wən Thaimon Ithkariöt puəu, bī Jethu gaany.

³ Go Jethu njic lən cī Wun riel ebən tääu yecin, ku ë njic lən cī yen bən tənë Nhialic, ku ë ben dhuk tənë ye.

⁴ Go rot cuət wei tēwən mīth kek thīn ku dək alanh kəu, ku ruk alanh wuəny ye aŋum.

⁵ Ku jəl pīu puək aduək yic ku lək kəcken ye buəth cök, ku wuuny ke alanh wuəny wən cī ruək ye aŋum.

⁶ Ku jəl bən tənë Thaimon Pīter, go Pīter lək ye, “Ye yīn bā lək cök, Bēny?”

⁷ Go Jethu bēer tənë ye, “Ke luəi acīi ye deet yic emən, ku aba lək deet yic.”

⁸ Go Pīter lueel, “Yīn acīi ɣa bī kaŋ lək cök acīn.” Go Jethu bēer, “Na cā yī lək cök, ke yīn acīn tē bī yīn bən a raandië.”

⁹ Go Thaimon Pīter lueel, “Bēny, na ye këya ke yī duk ɣa lək cök ë rot, lək ɣacin ku ɣanhom aya.”

¹⁰ Go Jethu lueel, “Raan cī laak acīn guəp acuəl, ku abī yecök lək rot. Wek aa ɣer ebən, ke raan tək kamkun yen acīi ɣer.”

¹¹ Jethu ë njic raan bī ye gaany, yen ë lueel yen ye ëlä, “Wek aa ɣer wedhie, ke raan tək yen acīi ɣer.”

12 Nawën cî Jethu ke lək cök, ke ben alanhde ruök ku nyuuc tēden wēn rēer yen thīn, ku thiēc ke, “Cäk kāk ca looi tēnē we emēn deet yiic?”

13 Wek aa ɣa cəəl raan piöoc ku Bēny, ku yeen apath bāk looi kēya, rin ē ɣa.

14 ɣen ē Bēny ku Raan piöoc tēnē we, ku ɲot we laak cök. Ke week aya, wek aabi wecök lək kamkun, ɲek kek ɲek.

15 Wēt path aca nyuōth we, bāk looi cīmēn cî ɣen ye looi tēnē we.

16 Wēt yic alək we, acin alony dīt tēnē bānyde, ku acin atuny dīt tēnē raan toc ye.

17 Ēmēn ɲic wek wēt yic kēnē, tē looi wek ye, ke miət puū dīt abāk yök thīn.

18 “ɣen aciī jam ē rienkun ebēn, ɣen aɲic kək ca kuēny bei. Ku wēt cî gōt athōr thēer wēl Nhialic yic elä, ‘Raan mīth ɣok aduāɲ tōk yic acie nhom wēl ɣa,’ adhil yenhom tiēɲ.

19 Wek aa lək wēt kēnē emēn ke kēc rot guo looi, rin aköl bī yen rot looi ka bāk jāl gam lən, ‘Ye ɣen Yeen.’

20 Wēt yic alək we, raan lor raan ca tooc, acā lor aya, ku raan lor ɣen ka lor raan toc ɣen aya.”

Kē cīn Judath puū aci lueel

(Mt 26:20-25; Mk 14:17-21; Lk 22:21-23)

21 Nawën cî Jethu wēlkä lueel, ke ɲēer yic ku lueel, “Wēt yic alək we, raan tōk kamkun abī ɣa gaany.”

22 Go kək ye buōth kenyīn liäāth kamken ke cī nhīim la dīl apēi wēt ye lueel.

23 Ku raan tōɲ nhiēer Jethu kam kək ye buōth, ecī nyuc Jethu lōm,

24 go Pīter nieu nyīn ku lueel, “Thiēc, ye raan nēn yen jīem yen rienke.”

25 Go atuny kēnē rot cuōt Jethu ku thiēc, “Bēny, ye yen ē ɲa?”

26 Go Jethu bēer, “Ee raan bī ɣen ayup luōt kada yic ku yiək ye.” Ku lööm ayum ku lut kada yic ku yīk Judath, wēn Thaimon Ithkariōt.

27 Tēwēn lööm Judath ayup, ke jōɲrac go la yeguōp. Go Jethu lək ye, “Kē wīc ba looi, lək looi.”

28 Ku acin raan kam kək ke mīth kek ye cī wēt deet yic, ye rin ɲō yen jīem Jethu kēya tēnē ye.

29 Ku rin yen Judath yen wēūken muk, ke cī kōcken kōk tak lən cī Jethu ye lək ye bī la ɣōc kă wīckē rin yai, tēdē ke cī lueel bī kək ɲōɲ muōc.

30 Ku kaam wēn lööm Judath ayup, ke la ayeer. Ku ē ye wakōu.

Lōɲ Yam

31 Wēn cī Judath jāl, ke lueel Jethu, “Ēmēn lēc Manh Raan aci nyuōth kək, ku lēc Nhialic aci nyuōth kək ē ye.

32 Ku tē cī lēc Nhialic nyuōth kək ē ye, ke Nhialic abī lēc Manh Raan nyuōth yeguōp, ku abī lac looi nyin yic.

33 Miēthkiē, ɣen aciī bī rēer kek we apēi. Wek abā wīc, ku alək we emēn yen wēt ca lək kək Itharel, ‘Acin tē bī wek la tē ler ɣen thīn.’

34 Lōɲ yam ayiək we, nhiarkē rōt kamkun, cīmēn cī ɣen we nhiaar, kēya, ke wek aa dhil rōt nhiaar kamkun.

35 Na nhiarkē rōt kamkun ka bī ɲic kək ebēn lən ye wek kōckiēn ɣa buōth.”

Pīter ajei Jethu

(Mt 26:31-35; Mk 14:27-31; Lk 22:31-34)

36 Go Thaimon Pīter thiēc, “Na yīn lōrdē Bēny?” Go Jethu bēer, “Tē ler ɣen thīn acin tē buōth yīn ɣacök emēn, ku yīn abā buōth aköldä.”

37 Go Pīter thiēc, “Bēny, yeɲō cīi ɣen ye lēu ba yī buōth emēn? Atōu ɣapuū ba thou ē rienku.”

38 Go Jethu bēer, “Lēu ba thou alanden ē rienkiē? Wēt yic alək yī. Tē ɲot kēc thōn ajīth kiu, aba lueel arak diäk lən kuc yīn ɣa.”

14

Jethu ee dhēl la tēnē Wun

1 Go Jethu lək ke, “Duōkkē diēer ku rēer kē we rac puōth. Gamkē Nhialic ku gamkē ɣa aya.

2 Pan Wä ala yic ɣōōt juēc, ku ɣen ala ba piny la guiir tēnē we. Na cie yic wēt kēnē, ɲuōt akēc lək we.

³ Ku tē cī ɣen la ba piny la guuir tēnē we, ke ɣen abī dhuk ba we mat tēdiē rin bāk rēer tē tōu ɣen thīn.

⁴ Ku dhēl bī wek ɣet tē le ɣen thīn anjickē.”

⁵ Go Thomath lēk ye, “Bēny, ɣok aa kuc tē le yīn thīn, ku buk dhēl bī ɣok ɣet tē tō yīn thīn njic kēdē?”

⁶ Go Jethu bēer tēnē ye, “ɣen ee dhēl ku yic ku pīr, acīn raan la tēnē Wā tē cī yen rienkiē.”

⁷ Ku lēk ke, “Ēmēn cī wek ɣa njic, ke wek aabī Wā njic aya, ku ěmēn ɣet tuen, anjickē ku acāk tīn.”

⁸ Go Pilipo lueel, “Bēny, nyuōth ɣo Wuur, yen ee kē wīcku yetōk.”

⁹ Go Jethu bēer, “ɣen acī ceŋ apēi kek we, ku yīn anōt yī kēc ɣa njic, Pilipo? Raan cā tīn, acī Wā tīn aya. Yenō ē yīn ye lueel, ‘Nyuōth ɣo Wuur?’

¹⁰ Kēc gam yīn Pilipo, lōn rēer ɣen Wā yic ku Wā ɣayic?” Ku jāl Jethu lēk kōcken ye buōath, “Wēl ca lēk we aacie wēl bō bei tēnē ɣa. Wā rēer ɣayic, yen ē luōide looi.

¹¹ Gamkē wētdiē lōn rēer ɣen Wā yic ku lōn tō Wā ɣayic. Na liu gam ke gamkē rin luōikiē.

¹² Wēt yic alēk we, raan gam wētdiē abī luōi ya looi a looi, ku tēdēt abī luōidit tēnē luōidiē a looi, rin ler ɣen tēnē Wā.

¹³ Ku kēriēc ēbēn bāk thiēc ē rienkiē aba looi, rin bī lēc Wun nyuōth rin Wēnde.

¹⁴ Tē thiēc wek kēdān ē rienkiē, ka ba looi.

Athōn bī Wēi Nhialic bēn

¹⁵ “Na nhiarkē ɣa, ke we piŋ lōnkiē.

¹⁶ ɣen abī Wā thiēc ku abī we yiēk raan dēt kōc kony, ku ye Wēi ē yic bī rēer kek we akōlriēc ēbēn.

¹⁷ Acīn tē bī kōc pinynhom ye gam, rin acīk lēu bīk tīn ku cīk lēu bīk njic. Ku yeen anjickē rin yen adōn kek we ku aciēn kek we.

¹⁸ “Wek aacā bī puōl wepēc, ɣen abī dhuk tēnē we.

¹⁹ Anōot tēthin-nyōt ku kōc pinynhom aacī ɣa bī bēn tīn ku wek aabā tīn, ku rin pīir ɣen, ke wek aabī pīr aya.

²⁰ Tē ler akōltui bēn ka bāk njic lōn tō ɣen Wā yic ku lōn rēer ɣen weyiic.

²¹ “Raan gam lōnkiē ku looi ke, yen ē raan nhiar ɣa. Ku raan nhiar ɣa abī Wā

nhiar, ku yeen aba nhiar aya, ku ɣen abī rot nyuōth ye.”

²² Go Judath lueel, ku yeen acie Judath Ithkariōt, “Bēny, bī rot lēu kēdē ba rot nyuōth ɣo ku cī rot nyuth kōc pinynhom?”

²³ Go Jethu bēer tēnē ye, “Raan nhiar ɣa, ka piŋ wētdiē ku yeen abī Wā nhiar, ku ɣok aabī bēn tēnē ye ɣok Wā buk pīr kek ye.

²⁴ Raan cī ɣa nhiar acie wētdiē ye piŋ. Wēt cāk piŋ tēnē ɣa acie wētdiē, ee wēt bō tēnē Wā raan toc ɣa.

²⁵ “Wēlkā aaca lēk we ěmēn nōot ɣen kek we.

²⁶ Ku raan kōc kony, Wēi Nhialic bī Wā tuōc ē rienkiē yen abī we piōc kēriēc ēbēn ca lēk we.

²⁷ “Dōr aya nyāān piny ke we, ku dōrdiē guōp ayiēk we. Acā ye gām we cīmēn ye kōc piny ye yiēk kōc. Duōkkē yiic nēer ku duōkkē riōc.

²⁸ Acāk piŋ ke luēl tēnē we elā, ‘ɣen ajiēl ku ɣen abī la dhuk tēnē we.’ Na nhiarkē ɣa ke wek aabī puōth miēt rin ler ɣen tēnē Wā, rin adit tēnē ɣa.

²⁹ Kēnē aca lēk we ěmēn ke nōt kēc rot guō looi, na le rot looi ke bāk gam.

³⁰ Acā lēu ba jam apēi kek we ěmēn, rin jōn pinynhom abō. Ku yeen acīn riēl tēnē ɣa.

³¹ Ku adhil kōc pinynhom njic lōn nhiēer ɣen Wā, yen ē rin ye ɣen kēriēc ēbēn ye thōn ɣa looi.

“Bāk, jiēlku tēn.

15

Jethu yen abiēny yic

¹ “ɣen abiēny yic ku Wā ē raan dom,

² yen ee kuat kēr cie luōk tō ɣakōu tēem wei, ku teem kuat kēr luōk nhom, rin bī nyāc bī njic luōk apēi.

³ Wek aacī jāl piath rin piōc ca yiēk we.

⁴ Rēer kē akut yic kek ɣa, ku ɣen abī rēer akut yic kek we. Kēr acie luōk ē rot, alēu bī looi tē rēer yen abiēc yic. Kēya, acāk lēu bāk luōk tē cī wek rēer ɣayic.

⁵ “ɣen abiēc ku wek aa kēr. Raan rēer ɣayic ku ɣen yeyic abī luōk apēi, rin week acīn kē lēukē bāk looi tē liu ɣen tēnē we.

⁶ Raan cie rēer ɣayic ka ya cuat wei cīmēn kēr tim ku bī riēl, ku kuat kēr kē aabī kuōt yiic ku cuet ke mēc tē bī kek dēp thīn.

⁷ Na rëerkë γayic, ku rëer wëlkië wepuõth ke keriëc ebën bāk thiëc ku wiëckë, ka bāk yök.

⁸ Læc Wä aye nyuõth tē lok wek apēi, ku këya, ke wek aabi ya kockiën γa buõth.

⁹ Wek aa nhiaar cimën nhiær Wä γen, rëerkë nhiërdië yic.

¹⁰ Na thekkë löñkië ke wek aabi rëer nhiërdië yic cimën cī γen lööñ Wä buõth yic, ku rëer nhiërde yic.

¹¹ “Kënë aca læk we, bi miæt puõu tō tēnē γa tãu wepuõth aya, ku bi miæt piändu thääp ē dīt.

¹² Ku löñdië akīn, nhiarkë röt cimën cī γen we nhiaar.

¹³ Nhiërdit tet lëu raan bi yiëk mǎthke, ee gēm wëike ē rienken.

¹⁴ Ku wek aa mǎthkië tē looi wek kāk ca læk we.

¹⁵ Wek aacā bi bēn cōol aloony, rin alony akuc kāk ye wun baai looi. Ku wek aaya cōol mǎthkië, rin cī γen keriëc ebën ca piñ tēnē Wä nyuõth we.

¹⁶ Aacie wek cā lōc, ee γen aci we lōc, ku wek aaca tooc bāk la bāk la luui apēi, luoi bi döñ athær. Ku Wä abi keriëc ebën cāk thiëc ē rienkië yiëk we,

¹⁷ kē thōn we akīn, nhiarkë röt kamkun.

Mǎn kǎc pinynhom

¹⁸ “Na man kǎc pinynhom we, ke dhielkē tak lōn cī kek γa kañ maan.

¹⁹ Na we kǎc pinynhom, ke kǎc pinynhom aabi we nhiaar rin ye wek kacken, ku wën cī γen we kuëny bei pinynhom, ke wek aacie kǎc pinynhom, ku rin ē wēt kënë, kǎc pinynhom aa man we.

²⁰ Muõkkë wēt ca læk we nhom, ‘Acīn alony dīt tēnē bānyde.’ Na jörkë γa, ke keek aabi we jöör aya, na piñkë wëtdië, ke keek aabi wëtdun piñ aya.

²¹ Ku keek aabi kǎkkā looi ebën tēnē we rin ye wek kackië, rin kuc kek raan cā tooc.

²² Na γa këc bēn ku cā jam tēnē we, ñuõt aa këc gup la adumuõõm, ku cit emën kēlä, acīn tē bi ke bēn puõl rin adumuõõmken.

²³ Raan man γa, ee Wä maan.

²⁴ Na γa këc luoi kã kañ looi kamken, kāk cīn raan cī ke kañ looi, ñuõt aa cīn gup

adumuõõm, cit emën kēlä, aaci kāk ca looi tiñ, ku keek aa ñot ke man γa ku Wä aya.

²⁵ Ku kënë adhil rot looi këya bi wēt cī gõt löñden yic rot tiëñ, ‘Keek aa man γa ē path ke cīn wēt yic.’

²⁶ “Raan kuõony abi bēn, Wëi Nhialic abi yiny Nhialic nyooth, ku yeen abō tēnē Wä. Yeen aba tuõc we tēnē Wä, ku yeen abi jam ē rienkië.

²⁷ Ku week aya wek aabi jam ē rienkië rin cī wek rëer ke γa thær.

16

¹ “Kënë aca læk we bāk gamdun cīi päl.

² Wek aabi cuõp wei tēn amat. Ku kaam abi bēn, tē bi kuat raan nāk we ye tak lōn na looi kënë, ke yeen aluui Nhialic.

³ Keek aabi kǎkkā looi tēnē we, rin kuc kek Wä ku kuckë γa.

⁴ Kǎkkā aaca læk we, rin akōl bi kek kǎkkā looi, ka jǎlkë tak lōn cī γen ye kañ læk we.

Luoi Wëi Nhialic

“Wëlkā aa këc læk we wäär tuen rin rëer γen kek we.

⁵ Ku emën γen ala tēnē raan cā tooc, ku añot cīn raan kamkun γa thiëc, ‘Na yīin lōr dē?’

⁶ Ku emën cī γen ye læk we, wek aaci puõth jiëth.

⁷ Wēt yic alæk we, añuëñ tēnē we lōn jiël γen, rin na cā jiël ke raan kǎc kony acīi bi bēn tēnē we. Ku na jǎl ke yen aba la tuõc we.

⁸ Ku na bi, ka bi nyuõth kǎc pinynhom lōn ræc kek rin wēt adumuõõm, ku rin wēt ciëñ path ku wēt luñ Nhialic.

⁹ Keek aa ræc rin wēt adumuõõm, rin këc kek γa gam,

¹⁰ rin wēt ciëñ path cī ladië tēnē Wä nyuõth, ku kē cīi wek γen bi bēn tiñ.

¹¹ Ku keek aa ræc rin luk, rin cī bēny pinynhom tēn luõk wei.

¹² “γen ala kǎjuëc kōk ba læk we, ku emën aril yic bāk ke muk wenhīim.

¹³ Ku na bō Wëi Nhialic yen ē yic, ka bi we nyuõth wël yith ebën. Yeen acīi bi jam wëlke ē rot, ku kāk ye piñ aabi læk we.

¹⁴ Yeen aba leec, rin bi yen këdiën ba lueel lööm ku nyuth we.

15 Käk Wä ebën aa kääkië, ku ë yen aci ɣen ye lueel lön bi Wëi kää ba yiëk ye lööm, ku jol ke lëk we.

Rëec puöu ku miët puöu

16 “Anjoot kaam thin nyööt, ku wek aaciï ɣa bi tiŋ, ku na ben a kaam thin nyööt ke we abi ɣen ben tiŋ.”

17 Go kääc kääk kam kääcken ye buöoth lueel, “Kënë wëtde yic yeŋö? Aye lëk ɣo, kaam thin-nyööt ke week aaciï ɣa bi ben tiŋ, ku ben a kaam thin-nyööt ku wek aabi ɣa tiŋ? Ku lueel aya, ‘Ee rin ler ɣen tënë Wä.’ ”

18 Gokë thiëc, “Kam thin-nyööt këne wëtde yic ako? Kë wic bi lueel akucku!”

19 Go Jethu ɳic lön wic kek ye bik thiëc, ku lëk ke, “Aca lueel, ‘Kam thin nyööt ke wek aaciï ɣa bi tiŋ, ku na ben a kaam dët ke wek aabi ɣa tiŋ.’ Ye wët këne yen yakë thiëc kamkun?”

20 Wët yic alëk we, wek aabi dhiau ku dhuöörkë apëi, ku kääc pinynhom aabi puöth miët, ku wek aabi puöth rëec, ku rëec piändun abi wel tënë we bi ya miët puöu.

21 Na thiök tik kek dhiëth ka rac puöu rin ci aköl reem ye ɣëët, ku na ci meth jäl dhiëth ka arëem wën aciï ben tak rin ci yen puöu miët, rin ci yen meth dhiëth pinynhom.

22 Ku acit këne tënë we aya, wek aa rëc puöth ëmën, ku wek aabä ben tiŋ, ku wek aabi kuëth miët ë puöu, kuat miët puöu cïn raan bi ye ben nyaai tënë we.

23 “Na la aköl këne bën ke wek aaciï ɣa bi ben thiëc këdän. Wët yic alëk we, këriëc ebën bääk thiëc ë rienkië abi Wä yiëk we.

24 ɣet yaköl acin kë cääk thiëc ë rienkië, thiëckë ku abäk yök, bi miët puöu dit tënë we.

25 “Kääkä aake ya lëk we waal, ku tã cii ɣen bi ben jam waal aci thiök, ku ɣen abi ya jam tënë we wël la gei rin Wä.

26 Tã le aköl këne bën, ke wek aabi Wä thiëc ë rienkië. Ku acä bi lëk we lön bi ɣen ya röök ë rienkun tënë Wä,

27 rin Wä anhiar we rin nhiëer wek ɣa, ku rin ci wek ye gam lön ɣen a ɣa bö tënë Nhialic.

28 ɣen abö tënë Wä ba bën pinynhom, ku pinynhom aba puöl ku dhuök tënë Wä.”

29 Go kääcken ye buöoth lëk ye, “Tiŋ, yin ajam gei ëmën ke yi cii ben jam waal.

30 Acuk ɳic ëmën lön ɳic yin këriëc ebën, ku yin aaciï tit bi yi thiëc, rin wët këne acuk ɳic lön bii yin tënë Nhialic.”

31 Go Jethu bëer tënë ke, “Cääk jäl gam ëmën?”

32 Piëŋkë tädän abi bën, ku aci thiök ayic, tã bi wek wëer bi ɳek ala panden, ku wek aabä nyääŋ piny ɣatök. Ku acie ɣen ɣatök rot, rin Wä arëer kek ɣa.

33 Wek aaca lëk këne rin bääk aa tök kek ɣen, bääk döör yök. Kääc pinynhom aabi we jöör, ku dëetkë wëpuöth ɣen aciï kääc pinynhom lëu!”

17

Jethu aröök rin kääcken ye buöoth

1 Nawën ci Jethu wëlkä thöl luel, ke ɳëer yenyin nhial ku lueel, “Wä, aköl aci ɣëët. Yiëk lëc Wëndu ku bi Wëndu yi yiëk lëc.

2 Rin yin aci bääny yiëk ye kääc nhiiim ebën, bi pir akölrüëc ca gäm ye yiëk kääc ebën.

3 Ku pir akölrüëc akïn, bi kääc yi ɳic lön yin ë Nhialic la cök, ku ɳickë Jethu raan ci lác ku dác wäär ca tuöc pinynhom.

4 ɣen aci lëcdu nyuöoth pinynhom, ku luai ca yiëk ɣa ba looi aca thääp.

5 Wä, gäm ɣa lëcdu yin hom tën ëmën, lëc wäär rëer kamkua ɣok yi, wäthëer ke piny këc cak.

6 “Yin aca nyuöoth tënë kääc ca yiëk ɣa pinynhom. Keek aake ye kacku, ku ë yin aci ke gäm ɣa, ku keek aaci wëtdu gam.

7 Ke ëmën anjickë lön këriëc ebën ca yiëk ɣa abö tënë yi.

8 Wä ɣen aci wët ca lëk ɣa lëk ke, gokë gam, ku anjickë ayic yen lön bii ɣen tënë yi, ku acik gam lön ci yin ɣa tooc.

9 “ɣen ë röök ë rienken. ɣen acie röök rin kääc tö pinynhom, ee rin kääc ca yiëk ɣa rin ye kek kacku.

10 Kääkië ebën aa kääku, ku lëcdië aye nyuöoth keyiic.

11 Ku ëmën ɣen abö tënë yi, ɣen aciï ben a raan rëer pinynhom, ku keek aatö pinynhom. Wä dhëŋ, tit ke riel ë rienku, rin wäär ca yiëk ɣa, bik aa tök cimën ɣok ɣo yi.

12 Wäär rëer ɣen ke ke, aaca muk riel ë rienku, keek aaca ke tiit ku acin töŋ cii määk kamken. Arëk ke raan wäär yen bi dhiel

määr ë rot, rin bī wēt cī gāt athör theer wël Nhialic yenhom tiēŋ.

¹³ Ku ëmën ɣen abö tēnē yī, ku kakkä aa ya lueel ɣa ŋoot pinynhom bī miēt piändië rēer kepuōth ke dīt alanden.

¹⁴ ɣen acī wēt lēk ke, go kōc pinynhom ke maan, rin cīi kek ye kōc pinynhom tēn. Cīmēn cīi ɣen ye raan pinynhom tēn aya.

¹⁵ Yīn acā bī thiëc ba ke nyaai pinynhom, ku yīn aya thiëc ba ke tiit jōŋrac.

¹⁶ Keek aacie kōc piiny tēn cīmēn cīi ɣen raan piny tēn.

¹⁷ Mac ke wēt yic, rin wētdu ë yic.

¹⁸ Keek aca ke tuōc pinynhom cīmēn cī yīn ɣa tuōc pinynhom.

¹⁹ ɣen ë rot mac ë riēnku, ku bīk rōt mac aya wēt yic.

²⁰ “ɣen aciī rōök riēnken rōt, ɣen arōök aya rin kōc bī gam rin piōcden.

²¹ ɣen arōök rin bī kek aa tōk. Wä, cōl ke aaye tōk ɣoyiic cīmēn tō yīn kek ɣa ku ɣen kek yī. Cōl ke aaye tōk rin bī kōc pinynhom ye gam lōn cī yīn ɣa tooc.

²² ɣen aci lēc ca yiēk ɣa, aca yiēk ke bīk aa tōk cīmēn ye ɣok tōk.

²³ ɣen arēer keyiic cīmēn rēer yīn ɣayic bīk aa tōk ëbēn, bī kōc pinynhom ŋic lōn cī yīn ɣa tooc, ku lōn nhiēer yīn ke cīmēn nhiēer yīn ɣa.

²⁴ “Wä, keek aaca yiēk ɣa, ku awiēc bīk rēer tē rēer ɣen thīn, bīk lēcdië tiŋ, lēc ca yiēk ɣa, rin nhiēer yīn ɣa wäär kēc piny guō cak.

²⁵ Wä raan la cōk, kōc pinynhom aa kuc yī, ku yīn aŋiēc, ku kōckä aŋickē lōn cī yīn ɣa tooc.

²⁶ Yīn aca nyuōth tēnē ke, ku aba ŋot luōi kēya, rin bī nhiērdū tēnē ɣa tō keyiic, ku ba tōu keyiic aya.”

18

Jethu aci dām

(Mt 26:47-56; Mk 14:43-50; Lk 22:47-53)

¹ Tēwēn cī Jethu rōök kēya, ke jiēl kek kōcken ye buōth ku teem wār cōl Kidron. Ku gör ë tō thīn tēnē, go Jethu la thīn kek kōcken ye buōth.

² Ku Judath raan gōony ye ë ŋic tē cī yen la thīn, rin cī Jethu kaŋ rōm thīn kek kōcken ye buōth arak juēc.

³ Go Judath la gör yic kek akut apuruuk, ku kōc kōk luanj Nhialic tiit, cī kōc kāk Nhialic ku kōc akut Parathī tuōc thīn. Keek aake muk tōŋ ku mermer,

⁴ ku Jethu ë ŋic kēriëc ëbēn bī rot looi tēnē ye, go ke lor nhīim ku thiëc ke, “Yeŋa wiēckē?”

⁵ Gokē bēer, “Ee Jethu raan Nadharet.” Go lueel, “Ee ɣen.” Ku Judath, raan gōony ye ë tō thīn ke ke.

⁶ Kaam wēn lēk Jethu ye ke, “Ee ɣen,” Ke riŋ ciēen kekōth ku wīikkē piny.

⁷ Go Jethu ke bēn thiëc, “Yeŋa wiēckē?” Gokē lueel, “Ee Jethu raan Nadharet.”

⁸ Go Jethu lueel, “Aca lēk we wēnthēer lōn ye yen ɣa. Na wiēckē ɣa, ke we pāl kōckä bīk jāl.”

⁹ Yeen aci jam kēlä bī wēt cī kaŋ lueel ëlä rot tiēŋ tēdē, “Wä, na cōk a raan tōkalinj kam kōc ca yiēk ɣa, ka kēc muōr.”

¹⁰ Ku Thaimon Pīter ë muk pal. Go miēt bei ku tōk alony raandīt kāk Nhialic ku teem yīnyden cuēc wei. Ku alony ë cōl Malko.

¹¹ Go Jethu lēk Pīter, “Dhuōk paldu jōkgōde yic. Ye tak lōn cī ɣen arēem cī Wä yiēk ɣa bī guum.”

Jethu aci ɣāth Anath nhom

¹² Go akut apuruuk kek bānyden ku kōc Itharel ke tit, Jethu dām ku derkē,

¹³ ku kōŋkē ɣāth tēnē Anath. Ku Anath ë ye wun tiŋ Kaipa, raandīt kāk Nhialic ye ruōōn kēnē.

¹⁴ Ee Kaipa yen ëcī ye kaŋ lēk kōc Itharel lōn ŋuēn yen bī raan tōk thou rin kōc.

Pīter ajei Jethu

(Mt 26:69-70; Mk 14:66-68; Lk 22:55-57)

¹⁵ Go Thaimon Pīter kek raan dēt Jethu buōth, ku raan Jethu buōth kēnē ë ŋic raandīt kāk Nhialic guōp apei, go la kal pan raandīt kāk Nhialic yic kek Jethu.

¹⁶ Ku dōŋ Pīter ayeer kal thok. Go atuny wēn ŋiēc kek raandīt kāk Nhialic dhuk ayeer, ku jiēem kek nyen tit kal thok, ku bīi Pīter alōŋthīn.

¹⁷ Go nyen tit kal thok Pīter thiëc, “Cīi ye raan tōk kam kōc mony kēnē buōth?” Go Pīter bēer, “ɣei, ɣen acie raande.”

18 Ku wiir ë tã thïn, go aloony ku kãc tit many cool took, ku këëckë many wën lööm bik yõc. Go Pïter la ku këëc ke ke bi yõc aya.

Jethu aluk raandit kãk Nhialic nom
(Mt 26:59-66; Mk 14:55-64; Lk 22:66-71)

19 Go raandit kãk Nhialic Jethu thiëec rin wët kãcken ye buõth, ku rin wët piõcde.

20 Go Jethu bëer, “Yen ë cool jam akõlakõl tënë raan ëbën kãc nhïim, ku piõcdië ëbën aya looi tën amat ku luanj Nhialic tã ye kãc Itharel guëer thïn. Ku yen acin kë ca kanj lueel ke muõny.

21 Ku yenõ thiëec yin ya? Thiëc kãc ci wëikië pinj. Thiëc ke wël ca lëk ke, rin aa njic wël ca lueel.”

22 Tëwën ci Jethu jam këlä, go raan tøk kam kãc tit ke kãac thïn buõk nyin ku lueel, “Ciï riõc ba jam këlä tënë raandit kãk Nhialic?”

23 Go Jethu bëer tënë ye, “Na ca kuõc jam, ke lëk kãc tã ci yen kuõc jiem thïn. Ku na ye yic yen ca lueel, ke yenõ menj yin ya?”

24 Go Anath tuõc tënë Kaipa raandit kãk Nhialic, ke ñot der cin.

Pïter aci Jethu ben jai

(Mt 26:71-75; Mk 14:69-72; Lk 22:58-62)

25 Pïter ë ñot kãac tëwën ke yõc mac. Go kãc kãk lueel tënë ye, “Ciï ye raan tøk kam abiõth ë mony këne?” Go Pïter jai ku lueel, “Yei, yen acie raande.”

26 Go muõny tøk kam aloony raandit kãk Nhialic, ruääi kek raan wën ci Pïter tøk yic wei, jam ku thiëec, “Këc yi tñj kek ye gör yic?”

27 Go Pïter ben jai, ku kiu thõn ajith nyin yic.

Kãc Itharel aaci Jethu gaany tënë Pilato

(Mt 27:1-2, 11-14; Mk 15:1-5; Lk 23:1-5)

28 Gokë Jethu thël wei pan Kaipa ku yëthkë pan bënydit Roma, Pilato. Ku piny ë ye nhiãknhiaãk dur yic. Go kãc Itharel ciï la alõnthïn pan bënydit, ku bik rõt tiit ajuëec rin ci yai thiõk, ku bik miëth Yan Ayum cin yic luõu cam.

29 Go Pilato la ayeer tënë ke ku thiëec ke, “Ye awãc nõ cãk yõk ye mony këne guõp?”

30 Gokë bëer, “Na cin awuõc ci looi ñuõt akëcku bëëi tënë yi.”

31 Go Pilato lëk ke, “Week gup lömkë ku luõkë luk kë cit lõj ciëen pandun.”

Go kãc Itharel bëer, “Akëc puõl tënë yo buk raan tëm thou.”

32 Kënë aci rot looi bi wët ci Jethu lueel rot tiëen tãde, wën lueel yen kuat thon bi yen thou.

33 Go Pilato dhuk kal yic ku cõl Jethu ku thiëec, “Ye yin Bënyñaknhom kãc Itharel?”

34 Go Jethu bëer, “Wët këne ye wëtdu aye kãc kãk kek ci ye lëk yi ë rienkië?”

35 Go Pilato bëer, “Ye tak lõn ye yen raan Itharel? Aa kacku guõp kek kãcken dit kãk Nhialic, kek aa biï yi tënë ya. Yenõ ca looi?”

36 Go Jethu bëer, “Bäänydië acie bääny pinynhom. Na bäänydië ye kën pinynhom, ñuõt kackië aaci thõr bi yen ciï tãëu kãc Itharel cin. Acie këya, bäänydië acie kën pinynhom tën.”

37 Go Pilato ben thiëec, “Yiin, ye bënyñaknhom?” Go Jethu bëer, “Aye lueel lõn ye yen bënyñaknhom. Yen aci dhiëëth ku yen aci ben pinynhom rin wët tõj këne, ba jam wët yic. Ku kuat raan ci yic njic ë wëtidië pinj.”

38 Go Pilato thiëec, “Ku yic ye kën nõ?” Ku ben dhuk ayeer tënë kãc Itharel ku lëk ke, “Acin awuõc ca lëu ba yõk yeguõp bi ye luõk wei.”

39 Ku yeen ë wët piãndun ba raan tõj ci mac lony rin Yan Ayum cin yic luõu. Wiëckë ba Bënyñaknhom kãc Itharel luõny we?”

40 Gokë dhuõk ye ke loi kiëeu, “Acie këya! Acie yen wicku. Barabath yen awicku.” Ku Barabath ë ye cuär kãc rum.

19

Jethu aci tëm thou

(Mt 27:15-31; Mk 15:6-20; Lk 23:13-25)

1 Go Pilato Jethu dãm ku cõl athat.

2 Ku jõl apuruuk kër thii tim la kuõth riic yiic ku ñek kek yenhom, ku tãëukë alanh mathiãnj yekõu,

3 ku bikkë tënë ye ku luelkë, “Madho, Bënyñaknhom, Bëny kãc Itharel,” ku manjë nyin.

4 Go Pilato ben dhuk ayeer ku lëk kãc wën ci kenhïim kut, “Yeen aba thël ayeer tënë we tënë, ku bãk tñj lõn cin yen tã bi yen awuõc yõk yeguõp ba luõk wei.”

⁵ Këya, go Jethu bën ayeer ke ceŋ ɲakɲak cī looi kuəoth ku alanh mathiāŋ yekəu. Ku lueel Pilato tənē ke, “Yen kīn, yen raan!”

⁶ Nawēn tiŋkē, ke kəc kāk Nhialic ku kəc tīt kiu ku luelkē, “Piäät tim cī rīiu kəu.” Go Pilato lək ke, “Damkē kek we bāk piäät tim cī rīiu kəu, ɣen akēc awuəc yök yeguöp.”

⁷ Gokē wēt dhuk, “Yok aa la lōŋ ciεŋda ye lueel lōn dhil ye nək, rin aci lueel lōn ye yen Wēn Nhialic.”

⁸ Nawēn piŋ Pilato wēt kēnē, ke riəc apei.

⁹ Ku dhuk kal yic ku thiēc Jethu, “Yīin bäär tēnen?” Go Jethu biət ku cīi bēer thok acīn.

¹⁰ Go Pilato lək ye, “Cīi wīc ba jam kek ɣa? Tak yīnhom lōn nadē ke ɣen ala riel ba yī puəl, ku ɣen ala riel aya ba yī cəl apiēēt tim cī rīiu kəu.”

¹¹ Go Jethu bēer, “Yīn ala riel tēnē ɣa rin cī Nhialic ye yiək yī, ku ē yen ale raan cā tāau yīcin guöp awuəc rac apei.”

¹² Nawēn piŋ Pilato wēlkä, ke wīc apei bī dhēl yök bī yen Jethu puəl. Go kəc Itharel kiu tēnē ye ku luelkē, “Tē lony yīn ye ka ye nyooth lōn cīi yīn määth kek Bēnyŋaknhom. Kuat raan rot looi bī ya bēnyŋaknhom, ee raan ater Bēnydan ɲaknhom.”

¹³ Nawēn piŋ Pilato ē wēlkä, ke thel Jethu ayeer ku nyuuc thōny luk tō laar cəl, “Piny cī guir kuər,” Ku ē cəl Gabata thoŋ kəc Itharel.

¹⁴ Ku aköl kēnē yen aköl guir kəc röt rin Yan Ayum cīn yic luəu. Nawēn təcīt aköl ciəl yic, ke lək Pilato kəc Itharel, “Bēnydun ɲaknhom akīn!”

¹⁵ Gokē kiu tēnē ye, “Näk! Näk! Piäät tim cī rīiu kəu!” Go Pilato ke thiēc, “Wiēcckē ba Bēnydun ɲaknhom piäät tim cī rīiu kəu?”

Go kəc kāk Nhialic bēer, “Bānyda ē tök, ee bēnyŋaknhom Roma!”

¹⁶ Go Pilato ke yiək Jethu bīk la piäät tim cī rīiu kəu.

Jethu aci piäät tim cī rīiu kəu
(Mt 27:32-44; Mk 15:21-32; Lk 23:26-43)
Gokē Jethu dām.

¹⁷ Ku ler ayeer ke ket timden cī rīiu, ke jiəl geeu bī la tē cəl Golgotha. (Ku wētde yic, ɣən la guen-ŋen cīt apen nhom raan.)

¹⁸ Ku jolkē piäät tim cī rīiu kəu. Ku piēētckē kəc karou aya tiim cī rīiu kəoth, raan tök

lōŋ cuēc ku raan dēt lōŋ cam. Ku Jethu ciəl kamken.

¹⁹ Go Pilato awuəc gət bī tāau tim cī rīiu nhom. Ku kēn cī gət akīn, “JETHU RAAN NADHARET, BĒNYŋAKNHOM ITHAREL.”

²⁰ Ku kəc juēc aake cī kēnē kueen, rin tēn cī Jethu piäät tim cī rīiu kəu thīn, aci mec ke ɣeu. Ku wēt ēcī gət thoŋ kəc Itharel ku thoŋ kəc Roma ku thoŋ Girik.

²¹ Go kəcdīt kāk Nhialic Itharel lək Pilato, “Duk ye gət, ‘Bēnyŋaknhom kəc Itharel,’ aŋuēen ba gət, ‘Acī mony kēnē lueel, ɣen ē bēnyŋaknhom kəc Itharel.’ ”

²² Go Pilato bēer, “Kē ca gət arēer ke ca gət.”

²³ Nawēn cī apuruuk Jethu piäät tim cī rīiu kəu, ke lōm aläthke ku tekkē keyiic ɲuan, aban tōk tēnē apuruök tōk. Ku lömkē alanh kəu aya cī kəc kēdiēt tōk, jək yeyeth ɣet piny.

²⁴ Ku luelkē kamken, “Dukku tem kəu, cuetku ɣek buk tiŋ bī lööny tēnē ɲa.” Kēnē aci rot looi bī wēt cī gət athör thēer wēl Nhialic yic rot tiεŋ tēde, “Keek aci aläthkiē tek kamken, ku cuetkē ɣek rin alanhdiēn kəu.”

Kēnē yen aci apuruuk looi ayic.

²⁵ Ku tēthiök kek tim cī rīiu Jethu, diäär aake kääc thīn, man ku nyankēn ē man, Maria tiŋ Klopath ku Maria Magdalena.

²⁶ Nawēn tiŋ Jethu man ku raan ye buəoth nhiεer ke kääc aya ē tēen, ke lək man, “Tik manhdu akīn.”

²⁷ Ku ben lək raan ye buəoth wēn, “Moor akīn.” Ku yaköl guöp ke wīc raan ye buəoth awēn piny paande.

Jethu aci thou ayic

²⁸ Nawēn ɲic Jethu lōn cī kēriēc ēbēn thääp, ke lueel bī wēt cī gət athör thēer wēl Nhialic yic rot tiεŋ, “Yen anək rou.”

²⁹ Ku tōny cī thiāŋ muən wac ē tō thīn, gokē alath luət möu yic, ku tēukē wai thok, ku ɣəckkē yethok.

³⁰ Nawēn cī Jethu muən wac jooc ke lueel, “Wēt aci thääp.” Ku gut yenhom piny ku thou.

Jethu aci gut puəu

³¹ Go kəc Itharel Pilato thiēc bī ke puəl bīk kəc cī piäät tiim cī rīiu kəoth dhoŋ kuəl,

ku nyεikē guäpken tiim cī rīiu kōth. Ku ē loikē kēlä rin ye yen aköl niēn Dhiēc, ku acik ye wīc bī guäpken rēer tiim cī rīiu kōth aköl niēn Dātem, rin yen aköl yandīt apēi.

³² Go apuruuk la ku dhoŋkē kuöl raan tōk ku kuöl raan dēt, ē kōc cī piäät tiim cī rīiu kōth kek Jethu.

³³ Nawēn bikkē tēnē Jethu, ke tīŋkē lōn cī yen thou ku cik ben dhoŋ kuöl.

³⁴ Go apuruōŋ tōk Jethu gut puōu tōŋ, go riēm ku piū kuēr nyin yic.

³⁵ Ku raan cī kēnē tīŋ acī lueel rin bī wek ye gam aya. Wēt cī lueel ē yic, ku yeen aŋic lōn ye yen wēt yic yen lueel.

³⁶ Kēnē acī rot looi bī wēt cī gōt athör theer wēl Nhialic yic rot tiēer, “Acīn yuōmden bī dhoŋ.”

³⁷ Ku ben lueel tēdēt athör yic ēlä, “Ku aabī daai raan yen cik gut.”

Jethu acī thiäk

³⁸ Nawēn ē kēnē cōk ciēen, ke Jothep raan gen Arimatheo bō tēnē Pilato ku thiēec bī guōp Jethu nyaai. (Jothep ē ye raan Jethu buōth cī gam, ku aye moony rin riōc yen bāny Itharel.) Go Pilato lēk ye lōn cī guōp puōl tēnē ye. Go Jothep la ku le nyaai.

³⁹ Go Nikodemo, raan wäär cī kaŋ la tēnē Jethu wakōu, rot māt Jothep ku ē muk miök nīr cōl mira cī liäap wäl dēt cōl aloe.

⁴⁰ Go rōor wēn karou guōp Jethu lööm ku derkē kōu alath ke cī wäl nīr tāäu thīn, rin kēnē yen ē tē ye kōc Itharel guiēr guōp raan cī thou bī jāl thiäk.

⁴¹ Ku tēwēn cī Jethu nōk thīn gör ē tō thīn, ku raŋ yam ē tō gör yic, ku ē cīn raan cī kaŋ thiäk thīn.

⁴² Ku rin bī yen aköl yan kōc Itharel nhiäk, ku rin thiäk raŋ aya, gokē guōp Jethu tōōu thīn.

20

Raŋ acī yic lääu

¹ Riēl yic aköl Nhialic ke piny ŋot la durdur, ke Maria Magdalena la raŋ nom, go alēl tīŋ ke cī nyaai raŋ thok.

² Go riŋ tēnē Thaimon Pīter, ku tēnē raan dēt Jethu buōth nhiēer Jethu, ku lēk ke,

“Kōc aacī Bēny nyaai raŋ yic ku akucku tē cī kek ye tāäu thīn.”

³ Go Pīter ku raan Jethu buōth dēt wēn lööny dhöl, ku lekkē raŋ nom.

⁴ Ku keek aake la ke kat kedhie, go raan Jethu buōth dēt wēn kat apēi tēnē Pīter, ku ye yen kōŋ yet raŋ nom.

⁵ Go guŋ ku tīŋ alanh wäär cī Jethu der, ku akēc la alōŋthīn.

⁶ Go Thaimon Pīter guō bēn ku ler raŋ yic. Go alēth tīŋ ke rēer piiny,

⁷ ku alanh cī Jethu kum nom ēcī rēer kek alēth kōk, ēcī mat yic tēde rot.

⁸ Go raan Jethu buōth dēt wēn cī kaŋ yet raŋ nom jāl la alōŋthīn, ku gem.

⁹ (Ku keek aake ŋot ke kēc wēt athör theer wēl Nhialic deet yic, athör ye lueel lōn bī yen rot dhiēl jōt thou yic.)

¹⁰ Go kōc ye buōth jal dhuk bei.

Jethu acī rot nyuōth Maria Magdalena

¹¹ Kaam wēn Maria ē kāac ayeer tēthiäak kek raŋ ke dhiau. Ku tēwēn ŋot dhiēeu yen ke guōŋ ku luiit raŋ yic,

¹² Ku tīŋ atuuc nhial cī ruk alēth yer karou, ke rēer tēwäär cī guōp Jethu tōōu thīn, tōk tē la yenhom ku dēt tē la yecök.

¹³ Gokē thiēec, “Tik, ye rin ŋō dhiēeu yīn?” Go lueel, “Keek aacī Bānydiē nyaai, ku akuōc tē cī kek ye tāäu thīn.”

¹⁴ Kaam wēn lueel yen kēnē, ku jōl wel yenyin ke tīŋ Jethu ke kāac yelōm, ku akēc ŋic lōn ē yen Jethu.

¹⁵ Go Jethu thiēec, “Tik, ye rin ŋō dhiēeu yīn? Yeŋa wīc?” Go tak lōn ē yen raan lui dom yic, ku lēk ye, “Bēny, na ye yīn cī ye nyaai, ke lēk ya tē cī yīn ye tōōu thīn, ku yen abi la ba la lööm.”

¹⁶ Go Jethu lēk ye, “Maria.” Go yenhom wēl ye ku lueel thoŋ kōc Itharel, “Rabuni,” ku wētde yic, “Raan piōoc.”

¹⁷ Go Jethu lēk ye, “Duk ya gōt rin yen ŋot ya kēc yet nhial tēnē Wä. Ku yīn lōr tēnē wāmāthkiē ku lēk ke, ‘Yen adhuk ciēen tēnē ye, yen ē Wä, ku ye Wuurdun, Nhialicdiē ku ye Nhialicdun.’ ”

¹⁸ Go Maria Magdalena jāl ku le lēk kōc ye buōth lōn cī yen Bēny tīŋ, ku lēk ke wēl cī Jethu lēk ye.

Jethu aci rot nyuõth kacken ye buõath

19 Naʒon theëi ya akõl Nhialic wën, ke kac ye buõath aake ci rõt mat yõn ci riit thok, rin riõc kek bany Itharel. Go Jethu bën ku këec kamken ku lueel, “Bi döör rëer kek we.”

20 Wën ci yen jam këlä, ke nyuth ke yecin ku yelõm. Go kac ye buõath puõth miæt apai wën tiŋ kek Bëny.

21 Ku ben Jethu lëk ke, “Bi döör rëer kek we, cimën ci Wä ʒa tooc, ke wek aa ba tooc aya.”

22 Wën ci yen jam këlä, ke jøl wëei ken-hiim ku lueel, “Lõmkë Wëi Nhialic.

23 Na pälkë adumuõm kac piny, ka pël piny, na cäk ke pël piny, ka cii pël piny.”

Jethu ku Thomath

24 Ku Thomath, cõl Acueek, raan tõk kam kac kathiäär ku rou ye buõath, ee liu thiin wën bii Jethu.

25 Go abiõth kæk lëk ye, “Banyda acuk tiŋ.”

Go Thomath lëk ke, “Na cie tëtõok wäär ci ye piäat kek tiŋ yecin, ku tääu ʒacin è tëtõökä yiic, ku tääu ʒacin yeyõu aya, ka cä kõŋ gam.”

26 Nawën nin kabët cök, ka abiõth aake ci rõt ben mat yõt ku Thomath è rëer thiin ke ke, ku yõt èci riit thok. Go Jethu ben kõc kamken ku lueel, “Bi döör rëer kek we.”

27 Ku jøl lëk Thomath, “Tääu yicin tën, ku tiŋ cienkië ku jot yikõk ba yicin tääu ʒayõu. Päl kënë yin kãŋ dhõl yiic, ku gam!”

28 Go Thomath bëer, “Banydië ku Nhialicdië.”

29 Go Jethu lëk ye, “Ca gam rin ci yin ʒa tiŋ? Ye këpuõth bi yiëndë tënë kac bi gam ke kéc ʒa tiŋ!”

Wët wic athör kënë bi nyuõth kac

30 Jethu aci kädit jãŋ ʒõi looi kacken ye buõath nhiim, ku keek aa kéc gõt athör kënë yic.

31 Ku kakkä aaci gõt rin bæk gam lön ye Jethu Wën Nhialic ci lõc, ku bæk pür yök è rienke tẽ ci wek gam.

21

Jethu aci rot nyuõth kac ye buõath kadhorou

1 Nawën è kakkä cök ciëen ke Jethu ben rot nyuõth kacken ye buõath wär Tiberia ʒõu. Ku tẽ ci luõi ye akìn.

2 Thaimon Piter kek Thomath (cõl Acueek), ku Nathaniel (raan Kana pan Galilia), ku wëët Dhubedi, ku kac kæk karou Jethu buõath, aake rëer tëtõk èbën.

3 Go Thaimon Piter lëk kac wën, “ʒen ala mei.”

Gokë lëk ye, “ʒok aabi cath kek yi.” Gokë la ku lek riäi yic, ku acin kè cik dõm è wëer kënë yic èbën.

4 Tëwën bii akõl nyin, ke Jethu è kääc wär ʒõu, ku akéc kacken ye buõath ɲic lön è yen Jethu.

5 Go lëk ke, “Riënythii, cin kè cäk dõm?” Goke bëer, “Acin kädãŋ.”

6 Go lëk ke, “Cuatkë buõi lõŋ cuëny riäi, ku kãŋ aa bæk dõm thiin.” Gokë buõi cuat ku göök ke bik miit rin juëc rec apai.

7 Go raan Jethu buõath nhiëer Jethu lëk Piter, “Kën è Bëny.” Nawën piŋ Thaimon Piter lön ye yen Bëny, ke ruk alanhde yekõu (rin ci yen alãthke däk bei èbën) ku thuëet wiiir.

8 Go abiõth kæk læk bën ke cath riäi, ke thel buõi ke ci thiãŋ rec. Ku keek aake cii mec apai kek agör, aake cit akääth bian tõk.

9 Nawën këeckë piny ke tiŋ many è miim ke dëp ku rec ke ci tääu mæec kek ayup.

10 Go Jethu lëk ke, “Bëiikë rec abæk rec awën cäk dõm.”

11 Go Thaimon Piter la riäi yic ku miit buõi wär thok ke ci thiãŋ rec dit, ku rec èbën aa buõat ku thiãrdhiëc ku diäk. Tëwën cök rec juëc këlä, buõi akéc yic rëet.

12 Go Jethu lëk ke, “Bæk, miëthkë.” Ku acin raan tõk kam kac ye buõath ci ye cak thiëëc, “Ye yin ɲa?” Rin ɲic kek ye lön ye yen Bëny.

13 Go Jethu rot cuõt ku lööm ayup ku yik ke ku ben looi këya kek rec.

14 Këlä, Jethu aci rot nyuõth kac ye buõath kën yen yic diäk, tëwën ci yen rot jot kam kac ci thou.

Jethu ku Piter

15 Wën ci kek miith ke lëk Jethu Piter, “Thaimon wën Joon, nhiaŋ ʒa apai tën tẽ nhiëer kækä ʒa?”

Go bëer, “Ee këya Bëny, aŋic lön nhiëer ʒen yi.”

Go Jethu lëk ye, “Biöök amälkië apath.”

¹⁶ Ku ben Jethu lëk ye, “Thaimon, wën Joon nhiaŕ ɣa apei?”

Go bëer, “Ee këya Bëny aŕic lön nhieer ɣen yi.”

Go Jethu lëk ye, “Biöök amälkië apath.”

¹⁷ Ku ben Jethu thiëc arak dët ye kek diäk, “Thaimon, wën Joon nhiaŕ ɣa?”

Go Piter puşu dak rin cï Jethu ye thiëc arak dët ye kek diäk, “Nhiaŕ ɣa?” Ku lëk ye, “Bëny, yïn aŕic këriëc ëbën, ku yïn aŕic lön nhieer ɣen yi.”

Go Jethu lëk ye, “Biöök amälkië apath,

¹⁸ Wët yic alëk yi, wäär ɳot ye yïn riënythii ke yïn ye rot guiir ku lör të wïc piändu, ku të bi yïn dhiap ke yïn abi yicin ɣaak tueŕ, ku raan dët abi der ku thel yi të cïi wïc ba la thïn.”

¹⁹ Käkkä aaci Jethu lueel bi nyuöth Piter të bi yen thou thïn, ku bi kəc cöl aaye Nhialic leec thïn. Ku jöl Jethu lëk ye, “Buöth ɣa.”

Jethu ku raan dët ye buöth

²⁰ Go Piter yenhom wel ku tiŕ raan dët ye buöth nhieer Jethu ke buöth ke, raan wäär thiääk kek Jethu wäär miŕh kek, cï Jethu bën thiëc ëlä, “Bëny, yeŕa bi yi la gaany?”

²¹ Wën tiŕ Piter ye, ke lëk Jethu, “Bëny, na raan dëtë, bi yiëndë?”

²² Go Jethu bëer, tënë ye, “Na wiëc bi pïr ɣet aköl bi ɣen bën, ke yeŕö tënë yi? Yïin ëmën buöth ɣa.”

²³ Go wët thiëi piny kam kəc buöth Jethu lön raan Jethu buöth kënë acïi bi thou. Ku akëc Jethu lueel lön cïi yen bi thou. Acï lueel, “Na wiëc bi pïr ɣet aköl bi ɣen bën ke yeŕö tënë yi?”

²⁴ Raan kënë yen ë raan Jethu buöth jam käk cï tiŕ, ku yen ë gët ke aya, ku aŕic lön wët cï lueel ë wët yic.

²⁵ Ëmën käjuëc kök aatö thïn, käk cï Jethu looi. Na ke cï gät piny ëbën, tök ku tök, ke ɣen aya thöŕ lön piny ëbën acïi lëu bi athör gät jöt.

Luoi Atuuc Jethu

Wët nhom

Luoi Atuuc Jethu, athör buōth athör Wël Jethu cī Luka göt. Wët ril yen göt Luka athör kēnē, ee lōn bī nyuōth tē cī Wēi Nhialic kōc ke kōn Jethu buōth kuony thīn, ku bīk Wēt Puōth Yam rienke thiāi piny Jeruthalem ku Judia yic ēbēn, ku Thamaria ku jōl a pinynhom ēbēn aya. (1-8) Yeen, anyikōl ē cāth kōc cī gam, cīmēn wāār jōok yen rot kam kōc Itharel agut tē bī yen jāl a gam tēnē kōc pinynhom ēbēn. Ee wīc raan gāt athör bī kōc ye kueen nīc ku detkē yic aya, lōn kōc cī gam aacie kōc ke man kōc Roma mac baai, ku lōn nadē, gam kōc cī gam ē tē ye kōc Itharel yanhden thēek thīn yen ē jōl thāāp.

Alēu bī luoi Atuuc Jethu tek yic ē diāk, ku bī nyooth tē cī Wēt Puōth Yam ye lueel rin Jethu thiēi piny thīn, ku jōk akuut kōc cī gam kecōk. Luoi Atuuc acī tek yic kēlā, (1) Cāth kōc cī gam, jōok Jeruthalem la nhial Jethu cōk ciēen, (2) Wēt Puōth Yam acī yet wuōt kōk yiic pan Palethtinia, (3) Ku ler tuenj aya lōn wārdit Adēkdiēet agut bī yet Roma.

Kēdiit cī tic Luoi Atuuc Jethu yic, ee luoi Wēi Nhialic cī bēn kek riel kōc cī gam gup Jeruthalem akōl Yan Ayum cīn yic luou, ku ler tuenj ke tiit ke. Ku yīk akut kōc cī gam kek kōcken dīt riel, kājuēc cī rōt looi yiic cī lueel athör yic. Wēt kōc cī gam tuenj acī göt kāk cī lēk kōc yiic, ku kāk cī rōt looi cī göt athör Luoi Atuuc Jethu yic, aa riel ē wēt kēnē nyuōth pīr kōc cī gam yic, ku jōl amēt ē rot akut kōc cī gam yic aya.

Kāk tō thīn

Guiēr kōc nīc kāk cī rōt looi 1:1-26

Lōn cī Jethu lueel ciēen ku athōnde 1:1-14

Raan cī kuany nyin Judath 1:15-26

Kē cī nyooth Jeruthalem 2:1-8:3

Kē cī nyooth Judia ku Thamaria 8:4-12:25

Luoi Paulo 13:1-28:31

Atuc tuenj 13:1-14:28

Amat nhom gen Jeruthalem 15:1-35

Atuc ē rou 15:36-18:22

Atuc ē diāk 18:23-21:16

Paulo acī mac Jeruthalem ku Cetharia ku Roma 21:17-28:31

¹⁻² Tēnē Thiōpiluth athōrdiēn tuenj yic, yen acī gēt kāk cī Jethu looi, ku kāk cī pišōc tēwāār jōok yen luōide cōk, agut akōl jōt ye nhial. Tēwēn kēc Jethu guō yāth nhial, ēcī wēt than piny ē riel cī Wēi Nhialic yiēk ye, tēnē kōc cī lōc bīk atušōcke.

³ Nīn thiārņuan thuōnde cōk ciēen, Jethu ēcī rot nyuōth arak juēc tēnē atušōcke, ku bīk nīc, ke cīn diu, lōn nadē ke yeen aņot pīr. Yeen ēcī atušōcke tīn ku jīem ke ke kāk bāāny Nhialic.

⁴ Ku nawēn cā atušōcke kenhūim mat tētōk, ke thōn ēlā, “Duškkē jiēl Jeruthalem. Tietkē Wēi Nhialic cī Wā thōn bī tuōc we, wāār ca lēk we.”

⁵ Joon acī kōc muōac nhūim ē piū, ku nīn lik, Wēi Nhialic bī we muōac nhūim abī tuōc we.”

Jethu acī yāth nhial

⁶ Nawēn cī Jethu rōm kek atušōcke, ke thiēckē, “Bēny, ba kōc Itharel cōl aa ben mac emēn?”

⁷ Go Jethu bēer ēlā, “Akōl le yen kē bī looi, ku kāk bī looi, aaye Wā guiir rielde, ku acīn kēdun thīn bāk nīc ye nen bī kek rōt looi.

⁸ Ku na la Wēi Nhialic bēn, ka bī we yiēk riel, ku wek aabī jam rienkiē Jeruthalem ku Judia, ku Thamaria, ku jōl a pinynhom ēbēn.”

⁹ Wēn cī yen jam kēya, ke jōt nhial, ku ē dēei kek, ku kum luāt bīk cī ben tīn.

¹⁰ Ku jōlkē liith ke dōt nhial, ku Jethu ke jiēl. Tēēn nyin yic ke rōor karou cī ruk alēth yer bō, ku kēēckē atuuc lōm,

¹¹ ku luelkē, “Kōc Galilia, yenō ye wek kōōc ke we dōt nhial? Yen Jethu, cī nyaai tēnē we ku yēth nhial, abī la dhuk tēcīt tē cī wek ye tīn thīn ke la nhial.”

Mathayo acī kuany nyin Judath

¹² Kaam wēn, ka atuuc Jethu jiēl gōn Olip nhom thiāāk kek geu ke cīt kilomīter tōk, ku dhukkē geeu Jeruthalem.

¹³ Keek aacī jāl yet geeu ku lek yōn yen ciēn kek thīn. Atuuc Jethu, aake yī Pīter ku Joon, ku Jemith ku Andria, ku Pilipo, ku

Thomath, ku Bartholomeo, ku Matheo, ku Jemith wën Alpawuth, ku Thaimon, raan man kəc thäi bik panden mac, ku jəl a Judath wën Jemith.

¹⁴ Keek aake ye lac röm ku röökkē ke ya akut, kek diäär kək ku Maria man Jethu ku wämäthakēn.

¹⁵ Nin lik cök, ke kəc cī gam cīt raan buəɔt ku thiär-rou ebēn, aake cī kenhīim mat. Go Pīter rot jət ku jīem,

¹⁶ “Wämäthkiē, wēt cī gət athör Wël Nhialic yic abī rot dhiel tiēɛɲ. Wēi Nhialic ēcī wēt lək Debit kē bī rot looi aköldä tēnē Judath, raan bī Jethu nyuəth kəc dəm ye.

¹⁷ Judath ē ye raan akuətda, ku yeen ēcī Jethu kuany bī la aban luai bī looi luaide yic.”

¹⁸⁻¹⁹ (Wēü cī Judath riap luai rēc cī looi, aaci yen ke dom ɣəɔc, dom yen reet yen yeyic thīn ku thou. Kēnē, aaci kəc ke ciēɲ Jeruthalem piɲ ebēn, ku jəlkē dom kēnē aa cəɔl thuəɲden, rin cəl Akeldama, ku wētde yic “Ee Dom Riem.”)

²⁰ “Ku aci gət athör Waak Nhialic yic elä, ‘Bī yənde yic ciēn kē tō thīn, ku cīn raan ciēɲ thīn.’

“Ku ēcī gət aya kēlä, ‘Bī raan dēt nyiende löök yic luai yic.’

²¹⁻²² “Kēya, raan adhīl rot māt ɣo, ku bī ɲic cīmēnda lən cī Jethu Bānyda rot jət ran yic. Raan buk māt ɣoyiic adhīl a raan tōɲ akuətda. Ku ē raan ɲic kəɲ tēɣən jək Joon luaiden miəc nom cök, ku jəl a tēwäär ye ɣok cath kek Jethu agut aköl jiēl yen tēnē ɣo bī yäth nhial.”

²³ Ku jəlkē kəc karou gut rin, Jothep ku ē ɲic aya ke cəl Barthabath (ē cəl Juthuth aya), ku Mathayo.

²⁴ Ku röökkē elä, “Bēny, yīn aɲic kē tō raan ebēn puəu, kēya, nyuəth ɣo raan tōɲ nhīar kamken karou,

²⁵ ku bī luui ke ya atuuc nyin Judath wäär cī nyääh piny, ku ler tēnē yen ye tēde.”

²⁶ Ku jəlkē cuet gek, ku bik raan tək kuany kam ē kəcä karou. Ku raan yen cik bēn lac ē ye Mathayo, ku jəl met akut atuuc kathiäär ku tək yic.

2

Bēn Wēi Nhialic

¹ Na la aköl Yan Ayum cīn yic luəu bēn, ka atuuc Jethu kuut kenhīim ɣən tək.

² Kam wën ke pək wei arööl dēt piɲkē nhial, ku yen arööl kēnē ē cīt arööl yomdit ril. Ku jəl arööl ɣən awēn rēer kek thīn thiəɲ yic.

³ Ku tīɲkē lək mac cīt liep ke tek rot piny, ku raan tək kamken ē ye kē cīt liem mac nyuc yenhom.

⁴ Keek ebēn, aake cī Wēi Nhialic lööny kegup ku jīemkē thok kək, rin cī Wēi Nhialic ke yiək riel ku bik jam thok kək cie thuəkken.

⁵ Kəc juēc Itharel ke ciēɲ wuət kək yiic pinynhom, kəc ke ye Nhialic door aake rēer Jeruthalem ē nīnkä.

⁶ Wën cī kek arööl piɲ, go kəc juēc röt kuəɔt. Kəc ke cī röt kuəɔt aake cī gäi, kē ye atuuc Jethu jam thuəkken.

⁷ Wën cī kek gäi apēidit gokē jam ke cī keröt jət apēi, “Keek kəc jam kēlä aa kəc Galilia!

⁸ Ye kēdē, bik aa jam thuəkkua?

⁹ ɣook ebēn ɣok aa kəc wuət kək cīmēn Parthia, Mede ku Elam, ku jəl aa Methopotamia, Judia, ku Kapadokia, ku Pontuth ku Athia.

¹⁰ Ku jəl aa Prigia ku Pampilia. Ku jəl a Ijip ku bēi kək pan Libia thiäak kek Thirene. Ku kəc kək ɣoyiic aa kəc wun cəl Roma.

¹¹ Kəc kək aa kuat Itharel. Ku kəc cie kəc Itharel cī yäthken waar bik yanh Itharel gam. Ku kəc kək ɣoyiic aa kəc pan Kret ku pan Arab. Ku ē yen ɲot ye ɣok ke piɲ ke jam thuəkkua, ke luel kädit cī Nhialic looi.”

¹² Aake cī gäi, ku muumkē nhīim kē bik lueel, gokē röt aa thiēc kamken, “Yenö ye nyuəth yen kēnē?”

¹³ Go kəc kək atuuc Jethu bui, ku luelkē elä, “Kəcä aaci wiēet möu!”

Jam Pīter tēnē kəc Itharel

¹⁴ Tēnē, ke Pīter kam atuuc Jethu kathiäär ku tək jət rot, ku kēc ku jəl jam ke cī yeröl jət tēnē kəc Itharel awēn cī röt kuəɔt, “Wek wärkiē, wämäthkiē Itharel, ku jəl aa wek kəc

ciëŋ gen Jeruthalem, piëŋkë wëtdië apath, ku ba we lëk kē cī rot looi.

¹⁵ Kəc yakë lueel ka cī mušl mōu, aa kēc wiëet, tēcīt tē ye wek ye tak thīn, aköl akēc tōōŋ, aŋot ye riel.

¹⁶ Ku wët cī Juel raan kāk Nhialic tīŋ lueel wäär akīn,

¹⁷ ‘Acī Nhialic lueel, lən kē bī looi aköl le nīn thök akīn,

ʎen abī Wëikië tuōc kəc ëbën.

Wätkun ku nyiërkun aabī kē bī rot looi aköldä lëk kəc.

Riënythii kun aabī nyuōōth, ku rōörkun dīt aabī nyuääth arak juēc aya.

¹⁸ Ee yeen, agut aluakkië rōör ku diäär, nīnkui bī bën.

ʎen abī wëikië tuōc kəc ë nīnkä, ku keek aabī kāk bī röt looi aa lëk kəc.

¹⁹ ʎen abī kädīt jāŋ gōi looi nhial, ku kajuēc jāŋ gōi aaba looi pinyinhom.

Pinyinhom abī thiāŋ riem, ku mac, ku jəl a tol dīttet.

²⁰ Aköl abī nīip nyin, ku pëei abī thiëth cīmën riem

ee kaam kēc aköldīt puōth bën Bānyda guo ʎëët.

²¹ Ku raan bī Nhialic rōök ku bī ye kony abī poth bī cīi la pan mac.’

²² “Piëŋkë wëlkä, wek wämäthkiën cəl Itharel! Jethu raan pan Nadharet ë ye raan cī riel Bānyda nyuōōth ke cīn diu kākken dīt jāŋ gōi cī Nhialic looi riënke. Ee kē ŋiëckë kek we, rin aacī röt looi kamkun.

²³ Cīt tē cī Nhialic ye guiëer thīn, Jethu ë bī thōn we, ku bāk nök cīmën cī wek ye pušl ku bī kəc rēc la gup adumuōōm nök, ku piëëtkë tim cī riīu kōu.

²⁴ Ku yeen acī Nhialic cəl aben pīr thou yic, wën cī yen Jethu nyaai rielde thou yic, rin ëcīi rot kəŋ lēu yen lən bī Jethu teem thou yic.

²⁵ “Aŋicku lən ëcīi rot bī lēu rin ëcī Debit lueel ëlä,

‘ʎen ee Nhialic tīŋ ʎanhom akölriëëc ëbën, ku yen athiök kek ʎen, ku ʎen acīn kē bā diir.

²⁶ Rin ee wët kënë, ʎen amit puōu.

Ku wël ya lueel aa wël raan mit puōu.

Ku cək amën bī ʎen thou, ke ʎen abī thiök ke ʎa ŋōth kē bī Nhialic luōi ʎen,

²⁷ rin Nhialic acīi guäpdië bī pušl bī rëer kam kəc cī thou,

ku Nhialic acīi ʎa bī pušl ba dhiäth raŋ yic ʎen raande.

²⁸ Yin Nhialic, yīn acä nyuōōth dhël pīir akölriëëc ëbën,

ku jəl aa rëërdü kek ʎen, abä cəl amit puōu.’

²⁹ “Wämäthkië, wek aaba dhiël lëk kē ŋiëc rin wädan dīt cī wëlkä lueel. Yen Debit acī thou ku thiäk, ku ranje kīn aa dëei ʎok, agut cī ʎa aköl.

³⁰ Yen Bënyŋaknhom wäär pīir yen ë ye raan kəŋ tīŋ, kāk bī röt looi aköldä, ku lëk ke kəc, ku ë ŋic kē cī Nhialic lueel ke bī luōi ye. Nhialic ëcī yepuōu tōōŋ lən nadë ke bī raan tök kuatde yic, looi keye bëny cīmënde.

³¹ Debit ëcī kē bī Nhialic looi tīŋ, go jəl jam lən bī Raan cī ləc ku dəc rot jət raŋ yic wën cī yen ye lueel ëlä, ‘Yen ë kēc nyääŋ kam kəc cī thou, guäpde ë kēc dhiäth raŋ yic.’

³² “Nhialic ëcī Jethu jət bei raŋ yic bī ben pīr, ku ʎen ku atuuc kək Jethu acuk tīŋ yen yīny cī rot looi.

³³ Jethu acī jat nhial ku nyuuc kōŋ cuëc Wun, ku ë yen acī ʎok tuōc Wëi Nhialic, cīt tēwäär cī Nhialic ye lueel thīn. Ku kē cäk tīŋ ku piëŋkë ëmën ë ye kën cī Nhialic lueel ka bī tuōc yen acī lööny ʎogup.

³⁴ Acie Debit yen cī la nhial, ee cī lueel, ‘Ee cī Nhialic lëk Bānydië, “Nyuc ë tēn kōŋdiën cuëc,

³⁵ agut aköl bī ʎen kəc man yīin cəl aloi nhīim, ku bik yicök.”’

³⁶ “Wek kəc pan Itharel ëbën, dhiëlkë ŋic alanden lən nadë ke Jethu yen cäk piäät tim cī riīu kōu, yen acī Nhialic looi bī ʎa yen Bëny, ku ye Raan cī ləc ku dəc.”

³⁷ Wën cī kəc cī röt kuōōt wët Pīter piŋ, gokë ʎa tak yic ke diëer kē bik looi, ku thiëckë Pīter ku atuuc kək Jethu, “Buk ŋō looi wämäthakua?”

³⁸ Go Pīter bëër, “Dhuökkë wepuōth ciëen adumuōōmkun yīic, ku calkë röt aa muōc nhīim bāk aa kəc Jethu Krītho, ku bī Nhialic adumuōōmkun päl piny, ku wek aabī Nhialic muōc wëike, ku bī lööny wegup.

³⁹ Kënë yen cī Nhialic yepuōu tōōŋ, ka bī yiëk we ku miëthkun, ku kəc bëëi kək mec,

ku kəc ebən ye Bānyda Nhialic cəl bik aa kacke.”

⁴⁰ Pīter aci kəc lək ku jiëem kenhüim elä, “Kuonykë röt ku bāk liu awuöc yic, awuöc yen bi tēm kəc rəc akölë!”

⁴¹ Kəc juëc ë kəc awən yiic aaci kē cī Pīter lək ke gam, ku cəlkë röt amuöc nhüim, ku ë cīt tēnē raan tiim kadiäk kek aaci bən muöc nhüim aköl kēnē, ku metkë akuöt den yic.

⁴² Keek aaci rēer bi atuuc Jethu ke piöc, ku yekë atuuc Jethu kony kāk yekë looi yiic ku mīthkë tətök, ku yekë röm ku röökkë tətök.

Tē cī kəc cī wēt Jethu gam pūr thīn kamken

⁴³ Käjuëc jāṅ gōi aaci Nhialic cəl aa looi atuuc Jethu, ku yen aci kəc juëc cəl ariöc.

⁴⁴ Kəc cī gam ebən aaci rēer bik ceṅ tətök, ku yekë röt kony kedhie bik kāṅ aa wēer kamken.

⁴⁵ Aaci kāk tō ke ke bēi yiic aa yaac wei, ku yekë wēu tək röt, ku raan tōk ë ye yiëk wēu bi kākken wic lēu.

⁴⁶ Kek kəc cī wēt Jethu gam aake ye röm akölaköl luëk Nhialic kəc Itharel yic, ku yekë röm bāiken yiic ku mīthkë ke cī mīth bēth ku rēerkë ke mit puöth,

⁴⁷ ku yekë Nhialic leec ku lec kəc kək ke aya. Ku ye Nhialic akuöt den juak yic akölaköl kəc kek cī Nhialic cəl aa poth kërac yic.

3

Raan aduany aci kony

¹ Ḷon akäl tōk, tääṅ aköl, tē ye kəc rōök, Pīter ku jəl a Joon aake cī la kal luanṅ Nhialic ye kəc Itharel rōök thīn bik la rōök.

² Wən cī kek yet kal cəl Kal Dhēṅ thok, ke yök mony cī dhiëeth ke ye aduany. Yen mony kēnē ë ye cool tē jot ye kal thok, ku bi kəc la kal luanṅ Nhialic ya lim wēu.

³ Nawən tiṅ Pīter ku Joon ke la kal yic goke lim.

⁴ Gokë döt nyin ku lək Pīter ye, “Daai ë yook!”

⁵ Goke döt, ku ye yök yepuöu ciät la kē bi yök tēnē ke.

⁶ Go Pīter lək ye, “Ḷen acin wēu ba yiëk yi, ku yin aba yiëk kē tō kek ya, ‘Yin aya yök,

rin Jethu raan Nadharet, jot rot ku ba cath!’”

⁷ Ku dām köṅ cuëc, ku kony bi rot jot. Kaam wən ke cök ku kuiëc monytui go guö riel,

⁸ ku puur rot nhial ku kēëc cökke ku cieth. Ku ler kal luanṅ Nhialic ke keek ke cath ke thueet nhial, ke lec Nhialic.

⁹ Ku kəc tō luanṅ Nhialic ebən ë cīk tiṅ ke cath, ke lec Nhialic,

¹⁰ ku wən cī kek ye ṅic ke mony dhie nyuc kal cəl Kal Dhēṅ thok ku līm, gokë gāi apeidit ku nyamkë kethook, ku yekë röt thiëc kē cī rot looi tēnē ye.

Jam Pīter luanṅ Nhialic

¹¹ Wən cī mony aduany Pīter ku Joon kuak yiëth, go kəc ke tō kal luanṅ Nhialic yic gāi ebən, ku riṅkë tēwən rēer kek thīn kät cök, Kān Tholomon kal luanṅ Nhialic yic.

¹² Nawən tiṅ Pīter kəc, ke lueel, “Wek kəc Itharel, yeṅö ye wek gāi kē cī rot looi, ku yakë līth yo? Yakë tak lōn nadë ke ye riēlda ku piathda ḡopëc yen kony ḡok mony kēnē bi cath?”

¹³ Nhialic wärkuan dīt Abaram, ku Ithäk, ku Jakob yen aci riel yiëk aluonyde Jethu. Ku yen aa cäk gam tēnē kəc kek ke mac baai, ku wek aaci jai bi Pilato cī lony cək alōn wic yen ye bi lony.

¹⁴ Yen Jethu ë ye raan Nhialic ku ë ye raan path, ku wek aaci kuec ye, ku lëkkë Pilato bi wēt dun gam bi raan yen cī kəc nök lony, ku ye Jethu yen nək.

¹⁵ Ku ë këya, wek aaci raan nök raan yen dhel pīr nyooth, ku yeen aci Nhialic jot ranṅ yic bi pīr ku acuk tiṅ ke cī rot looi.

¹⁶ Ee rielde yen Jethu, yen aci mony aduany cəl acath. Kē cäk tiṅ, ku ṅiëckë ë loi ku wēt cī ḡok Jethu gam, ee wēt cī ḡok wēt Jethu gam yen aci ye cəl apuol, agut tē cieth yen wenhüim cīt emen.

¹⁷ “Ku emen wek wämäthkië, aṅiëckë yen kē cäk looi kek we ku bānykun cī wek Jethu nök, ee luöikë ke kuöckë.

¹⁸ Eci Nhialic lək kəc kāk Nhialic tiṅ thēer lōn bi raan luäk kəc gum, ku yen aci rot dhiëel thīn ke ye yic këya.

19 Ke yeen, pälkë luoi kärec, ku ye wët Nhialic yen gamkë, ku bi Nhialic adumuõm cäk looi päl piny,

20 ku na luoi kēya, ka aköldä ke Nhialic abi we yiëk riel Wëike, ku abi we tuõc Jethu yen ci lac tēnē we ku bi we kony.

21 Jethu abi rēer pan Nhialic agut aköl bi käng ebën ben waar piiny bik aa yam, cit tē ci Nhialic ye lueel thün thēr wäär tēnē kacken kärke tñ.

22 “Yeen eci Mothith lueel elä, ‘Nhialic-dun abi we tuõc raan käng tñ, cimēn ci yen ya tuõc we, ku yeen abi ya raan kuatdun.

23 Ku wek aadhil keriëec ebën bi lëk we gam. Ku raan ci wël raan käng tñ bi gam, aci bi mat koc Nhialic yiic.’

24 Ku koc käng tñ, la kē cik lueel agut ci Thamuel, ku koc ci lök ben yecök aci kē loi rot ē ninkä lueel.

25 Käk ci Nhialic lueel ka bi luoi we, kāk ci koc käng tñ lëk we aa kakkun. Ku week dhielkē röt mat thün, ku bāk kē ci Nhialic lëk wärkun dit ka bi yiëk ke tek wedhie. Cimēn yon ci yen ye lëk Abaram elä, ‘Ku kuatdu yic yen abi yon koc pinynhom döc.’

26 Ke yen Nhialic aci raan bi kēde ben looi lac, cäl Jethu ku tuuc tuen, ku bi we döc, ku bi we cäl awel wepuõth wei luoi kärec yiic.”

4

Piter ku Joon aaci yäth luk yic

1 Tēwēn jiem Piter tēnē koc ku Joon ke kääc yelõm, ke koc kök kāk Nhialic, ku bēny apuruuk yon Nhialic tiit, ku jöl aa kocdit kök, koc akut Thaduthi bö.

2 Keek aake ci puõth mit wët ye Piter ku Joon koc piõc lön nadē ke Jethu aci rot jät kam koc ci thou. Kēnē aye nyuõth lön nadē raan ci thou alēu bi ben pñ.

3 Gokē ke dām ku lek ke mac agut yon nhiäk, rin ci aköl cuäl.

4 Ku koc juëc ci wët Piter piñ aaci gam, ku juakkē röt bik ciët tiim kadhiëc.

5 Nawēn aköl dēëtē ke bāny Itharel ku kocdit baai, ku jöl aa koc piõc löön, kuut kenhim Jeruthalem.

6 Keek aacä amat jäl looi kek raandit kāk Nhialic cäl Anath, ku jöl aa Kaipa, ku Joon,

ku Alekdhändēr, ku koc kök many Anath thok.

7 Keek aaci Piter ku Joon cäl aabi kenhim, ku jölkē ke thiëc, “Ee luoi kēdē ku bi raan aduany cath? Ye riel nõ yen tō kek we ku ye rin ña yen looi wek ye?”

8 Go Piter ke ci guõp thiän riel Wēi Nhialic, dhuõk ke, “Wek bāny ku kocdit baai.

9 Na yakē yo thiëc yaköl kēpuõth ci looi tēnē raan aduany ku tē ci ye kuony thün,

10 ka dhielkē ñic, ku adhil koc Itharel ñic ebën, lön raan kääc wenhim ke ci pial, ee riel Jethu raan Nadharet wäär cäk piäat tim ci riü kou, ku jät Nhialic ran yic.

11 Jethu ē yen raan ci wētde gät athör thēr wël Nhialic yic elä, ‘Mēn yen ci wek kuc wek atëet loi yöt, yen aci ben yök ke ye mēn ril apēdit.’

12 “Ee yen Jethu yen abi koc cäl apoth la pan mac, ee yen raan töön yen ci Nhialic yiëk riel pinynhom ku bi yo kony.”

13 Go bāny luk jäl gäi wēn ci kek Piter ku Joon tñ tē ci kek puõth ril thün, ku keek aake ye koc ē path kēc piõc. Yeen acik ñic lön nadē ke keek aake ye cath kek Jethu.

14 Ku acin kē cik lueel, rin ci kek raan aduany wēn ci kony tñ ke kääc kek Piter ku Joon.

15 Go bāny Piter ku Joon yöök bik la ayeer yöt ku lökkē jām yic kepëc.

16 Ku jölkē röt jäl thiëc kamken, “Ye kēn nõ buk luoi ē köckä? Raan ebën Jeruthalem anic kē ci rot looi, kēdit jäng göi cit ē kēn cik looi, ku aci lēu buk jai.

17 Ku rin buk ci päl, bi kē ci rot looi thiēi baai yic, ke keek abuk yöök bik ci ben jam tēnē raan dät rin Jethu.”

18 Ku jölkē Piter ku Joon caal yöt ku lëkkē ke, cök alön ben nõ yiëndē, ke duökkē ben jam, duökkē koc ben piõc rin Jethu.

19 Go Piter ku Joon dhuõk ke, “Week nhim alëukē bāk guõ luk tē ye Nhialic tiän ye lön bi ya wētdun yen buk gam, ku lön ye yen wët Nhialic.

20 Yook acuk lēu buk köc, buk ci ben jam rin Jethu, rin ci yok kacken ci looi tñ, ku piñku wël ci lueel.”

21 Go bāny luk ke thön apei bik ci ben jam rin Jethu, ku lonykē ke bik jäl. Ee ci bāny luk

tiŋ lɔn ril yen yic, bik ke tɛm awuɔc, rin kɔc aake tɔ kelɔm ku aake ye kiu, ku aake lec Nhialic wɛt kɛpuɔth cɪ rot looi.

²² Mony aduany yen cik cɔl apuɔl ɛ ye raandit, ruɔnke aake ye thiarnuan ku tɛ kac.

Kɔc cɪ gam aaci rɔɔk bik cɪ riɔc

²³ Nyin yic tɛwɛn cɪ ke lony, ke Piter ku Joon dhuk tɛnɛ kɔc akuɔtɛn, ku lɛkkɛ ke kɔc cɪ kɔcɔdɪt kɔc Nhialic ku kɔcɔdɪt baai lɛk ke.

²⁴ Nawɛn pinjɛ ɛ wɛlkɔ, ke rɔɔk Nhialic puɔu ɛbɛn ɛlɔ, “Bɛny, yɪn Aciɛn nhial ku piny ku wɛr ku kɔc pɪr thɪn ɛbɛn!

²⁵ Yɪn aci Wɛiku tooc bi Wɔdan dit thɛɛr Debit, raan ye aluɔnydu wɛtɔdu lɛk kɔc, ku ɛcɪ lueel ɛlɔ,

‘Yɛnɔ cɪ kɔc cie kɔc Itharel puɔth riɔɔk apɛi kɛlɔ,

yɛnɔ cɪ kɔc kekɔɔth wel bik kɔc aa looi tɛnɛ Nhialic?’

²⁶ Bɔnydit ɛ pinynhom aake cɪ rɔt guiir, ku mat kɔc ke mɛc bɛi kɛnhɪim,

bik kɛrac luɔi Nhialic ku jɔl a Raan cɪ lɔc ku dɔc,

raan bi Nhialic tuɔɔc piny.’

²⁷ “Ku yɛn ɛ ye yic, Antipɔth Yɛrot ku Pilato aake cɪ mat kedhie Jeruthalem ɛ tɛn kek kɔc cie kɔc Itharel, ku jɔl aa kɔc Itharel rin Jethu aluɔndun cɪn guɔp acuɔl, ku yɛn ɛ yen ca looi ke ye Raan cɪ lɔc ku dɔc.

²⁸ Keek aake cɪ kɛnhɪim mat, ku bik kɔc ke ca tak riɛldu thɛɛr, ka bi rɔt looi, bik ke looi.

²⁹ Ku yɛn ɛmɛn bɛny, tiŋ ke aaci yɔk cuɛk thook, kony yɔk, yɔk aluakku, ku buk wɛtɔdu aa lɛk kɔc ke cɪn riɔɔc.

³⁰ Kony yɔ, tar yɪcin riɛl kɔndu, buk kɔc aa kony ku yɪɛk yɔ riɛl buk kɔdɪt kɔc gɔi aa looi rin aluɔndun cɪn guɔp acuɔl Jethu.”

³¹ Wɛn cɪ kek jɔl thɔk rɔɔk, ke la kɛ yɪɛk tɛn awɛn mɛt kek thɪn. Keek aake cɪ Wɛi Nhialic bɛn kegup, ku jɔlkɛ guɔ jɔɔk bik wɛt Nhialic piɔɔc tɛnɛ kɔc ke cɪn riɔɔc.

³² Akut kɔc cɪ gam ɛcɪ mat ɛ tɔk. Ee cɪn raan tɔɔn ye luel kamken lɔn nadɛ kɔc tɔ kek ye aa kɔc yɛtɔk, ku aake kɔc rɛɛr ke ke rɔm.

³³ Atuuc Jethu aake cɪ Nhialic yɪɛk riɛldɪt, ku bik aa lueel ke cɪ riɔc lɔn cɪ Jethu Bɔnyda rot jɔt ran yic. Ku keek aya, aake cɪ Nhialic dɔɔc apɛidɪt.

³⁴⁻³⁵ ɛ cɪn raan tɔn nɔn akuɔtɛn yic. Kɔc ke la dum kamken ku yɔt aake cik yaac, ku bɪikɛ wɛɛu cik kek kɔn yaac, ku yekɛ ke gɔm atuuc Jethu. Ku wɛɛu aake yekɛ tɛk rɔt cɪt kɛwɪc raan tɔk kamken.

³⁶⁻³⁷ Ku kɛya, Jothep raan dhiɛnh Lebɪ, dhiɛth pan Thaipruth, ku yɛn ɛ ye atuuc Jethu cɔl, ke cɔl Barnaba (ku wɛtɛde yic “Ee raan kɔc riɛl puɔth”) ɛcɪ duɔmde yaac wei aya, ku bɪi wɛɛu ɛbɛn ku gɛm ke atuuc Jethu.

5

Anyikɔl Ananiath kek Thapira

¹ Mony cɔl Ananiath ɛ tɔ thɪn ku jɔl a tiɛnde Thapira. Keek aake cɪ abɛk kɔc baai yaac wei.

² Ku yen Ananiath ɛcɪ wɛt mat yic kek tiɛnde ku bik wɛɛu abɛk thiaan, ku yɪkkɛ atuuc Jethu abɛk.

³ Go Piter Ananiath jɔl thiɛc ɛlɔ, “Yɪn Ananiath, ɛ rin nɔ cɔl yɪn rot alɛu jɔnrac, ku ba Wɛi Nhialic bɛn lɛk lueth, ku yɪn amuk abɛk wɛɛu kek cɪ yɪn ke kɔc yaac wei?”

⁴ Tɛwɔɔr kɛc yɪn kɔc paandu yaac, aake ye kɔc, ku wɛɛu cɪ yɪn ke yaac aa kɔc aya. Ye rin nɔ tɛk yɪn kɛ cɪt kɛnɛ ba looi? Yɪn aacie yɔk ca wɛɛn, ee Nhialic yen aca wɛɛn!”

⁵ Kaam wɛn pinj Ananiath ye, ke wiɛk piny ku thou. Ku kɔc ke cɪ ye pinj aaci bɛn riɔɔc.

⁶ Go riɛnythii ke rɛɛr yɔt guɔpde kuɔth ku jɔtkɛ, ku lek thiɔk.

⁷ Kaam wɛn looi kɛnɛ rot, ke tiŋ Ananiath bɔ yɔn wɛn tɔ Piter thɪn, ku ɛ kuc kɛ cɪ rot looi.

⁸ Go Piter thiɛc ɛlɔ, “Lɛk ya yic, ye kɔc kek wɛɛu ɛbɛn cɪ wek kɔn yaac wek muɔnydu?” Go Thapira bɛɛr, “Ee tɛden, aa kek wɛɛu ɛbɛn.”

⁹ Go Piter lɛk Thapira ɛlɔ, “Yɛnɔ tɛk wek ye wek muɔnydu bɔk Wɛi Nhialic them? Yɛnɔ looi wek kɛcɪt kɛnɛ, ca kɔc bɔ kɔ pinj cɔk? Aa kɔc ke cɪ muɔnydu la thiɔk, ku ɛmɛn aya aabi jɔt bik yɪ la thiɔk.”

¹⁰ Kaam wɛn, ke Thapira wiɛk piny ku thou nyin yic. Go riɛnythii bɛn yɔt, ku tiŋkɛ

ke cī thou, gokē jət ku lek thiök muonyde lööm.

¹¹ Kəc ke tō yōn Nhialic ku kəc kək cī kē cī rot looi piŋ, aaci bēn rišöc apeidit.

Käkdit jāŋ gōi cī röt looi

¹² Käkdit jāŋ gōi apei aake cī atuuc Jethu aa looi kam kəc. Kəc ke cī wēt Jethu gam aake ye mat ke ya akut Kān Tholomon cök.

¹³ Ee cīn raan tōk kam kəc cie kəc akuštden cī ye tak bī met keyiic, cək aa lən ye kəc juēc ke leec.

¹⁴ Ku kəc juēc apeidit, yōm rōör ku diäär ke cī wēt Jethu gam, aake ye röt mat akuštden yic.

¹⁵ Wēt kəpuəth ye kəc Jethu looi, aake cī kəc tuany cəl aaye kəc ruāai ke ke jat dhöl yiic, ke cī täac biök yiic, ku bī Pīter ke dəc tē cieth yen. Na cie kēya, ku cək a atiēmde ke kum ke piny ku bīk pial.

¹⁶ Ku kəc juēc bēi thiäak kek Jeruthalem yiic, aaci kəcken tuany ku kəcken kək la gup jakreç bēn aa bēi, ku aaci ke bēn aa kony.

Atuuc Jethu aaci gum

¹⁷ Tēwēn, ke raandit kək Nhialic, ku kəcken rēer ke ye, ku jəl aa kəc ye buəth tō akut Thaduthi yic, aake cī puəth mit tēnē atuuc Jethu. Gokē tak ku bīk kərac looi tēnē ke.

¹⁸ Ku dəmkē atuuc Jethu ku riitkē ke yōn ye kəc mac thīn.

¹⁹ Ku ē wēer kēnē, ka atuny Nhialic bō ku tuerkē ke bei yōöt, ku wēt kenhīim ayeer, ku lək ke elä,

²⁰ “Lakkē luanj Nhialic, ku bək kəc la pišöc wēt pīr yam cī Jethu lək we.”

²¹ Go atuuc Jethu wēt cī lək ke piŋ, ku lek luanj Nhialic durdur yic, ku jəkkē piöoc wēt Nhialic. Go raandit kək Nhialic kek kacke, kəcdit baai Itharel cəl ku bīk bēn luk yic, ku bīk mat. Ku jəlkē thok tuəc tēnē apuruuk tit yōn mēc, ku bīk atuuc Jethu kuēth luk yic.

²² Tēwēn yeet kəc wēn cī tooc, ke keek akēc atuuc Jethu la yök yöt, gokē dhuk ku lek thok lək bāny luk elä,

²³ “Wēn yeet yok, yok aaci yöt yok ke riēt thook ku kəc tit ke kääc yethok. Nawēn ŋanyku thok ka cīn raan tōöŋ cuk yök alənthīn.”

²⁴ Nawēn piŋ bēny apuruuk luanj Nhialic tiit ku jəl aa kəcdit kək Nhialic, gokē gāi kē cī rot luši atuuc Jethu.

²⁵ Kaam wēn, ke raan bō yöt ku lək ke elä, “Piēŋkē kēdiēn, kəc kek ke cək riēt yöt, aa rēer luanj Nhialic emēn, ku aa piöoc kəc wēt Jethu!”

²⁶ Tēēn, go bēny apuruuk la kek apuruuk bīk ke diēc, ku bīkē ke luk yic. Keek akēc atuuc Jethu kuaath, wēt rišöc kek ciēt ke bī kəc ke nhīar atuuc Jethu bišök aleel.

²⁷ Tēwēn cī apuruuk atuuc Jethu jəl bēi luk yic, go raandit kək Nhialic ke thiēc elä,

²⁸ “Wek aa we cī thən apeidit ku bək kəc cī ben piöoc wēt Jethu. Tiēŋkē kē cək looi! Cī wek kəc pišöc ebēn Jeruthalem, ku week awiēcckē ku bī aa yok ye gək lən nadē ka yok aa cəl Jethu anək.”

²⁹ Go Pīter kek atuuc Jethu wēt raandit kək Nhialic dhuk nhom elä, “Yook, ee Nhialic yetök yen alēuku buk theek, ku aacie kəc ē path.

³⁰ Wek aaci Jethu nök, ku piäatkē tim cī rīi kōu, ku yeen aci Nhialic wärkuan dīt jət thou yic.

³¹ Jethu aci Nhialic jət bei raŋ yic, ku le nyušöc kōnden cuēc ku looi ye bēny, ku ē raan bī kəc kušny bei kəreç yiic. Ku yeen abi kəc Itharel päl kaam, ku bīk kenhīim waar bīk cī ben luui kəreç, ku bī Nhialic adumušmken päl piny.

³² Yok aaci kək cī Nhialic looi tiŋ, ku Wēi Nhialic aya, yen cī Nhialic tušc kəcken wētde gam, ee kək cī Nhialic looi nyuəth kəc.”

³³ Tēwēn piŋ bāny luk wēt cī atuuc Jethu lək ke, gokē puəth riäak apeidit, ku wickē bīk ke nök.

³⁴ Go raan tōk kam bāny, Gamaliel, raan akut Parathi. Ku yeen ē ye raan piöoc lööŋ. Ku ē ye raan theek kəc Itharel apeidit, rot jət luk yic ku lək apuruuk ku bīk atuuc Jethu kuaath ayeer luk yic.

³⁵ Ku jəl bāny luk lək jāam nhīim elä, “Wek kəc wuōnda Itharel, takkē wenhīim apath kē wiēcckē bək luši ē kəckä.

³⁶ Wäär ē run thiökkä yiic raan cəl Theudath ēcī tuəl, ku nyooth rot ke ya aciēŋ dīt ril tōr, abi raan buət kaŋuan röt māt ye. Yen Theudath aci bēn nök, ku kəc ke

cī wētde gam aaci bēn thiāi, ku ē yen thök wētde.

³⁷ Raan cəl Judath ku ē ye raan wun cəl Galilia, ēcī bēn tuöl aya rušön yon kueen kəc, ku yeen ēcī kəc rac nhüim agut bī raan tēdit wētde gam, ku yekē buəəth cök. Yeen aya aci bēn nök, ku wēer kəccken wäär ye buəəth.

³⁸ Ku emēn alēk we, aṇuēēn bī ciēn kēreec luəikē tēnē ke. Aṇuēēn bāk ke puöl! Na yekē loikē, kē cī raan tak bī looi, ka ṇuat bī guo yāi.

³⁹ Ku na ye Nhialic yen cī ke yiēk riēl, ka cāk bī lēu. Rin wek aabi röt yök ke ye Nhialic yen thār kek we. Go bāny luk wēt Gamaliel gam.”

⁴⁰ Ku cöolkē atuuc Jethu yöt, ku tēmkē ke awuəc bī ke that, ku thönkē kenhüim bik cüi ben jam rin Jethu. Ku jəlkē ke lony.

⁴¹ Tēēn atuuc Jethu aaci jal jāl luk yic ke cī puəəth la yum wēt cī Nhialic ke cəl agum, rin cī ke that wēt Jethu.

⁴² Ku yekē kəc piöoc wēt Puəəth Yam Jethu Kritho akölaköl luanj Nhialic kəc Itharel, ku bääiken yiic aya.

6

Kəc kadhorou ē kəc kony luai aaci kuany

¹ Tēwēn cī akuēn kəc biöth rot juak, akēēk ēcī rot looi kamken, kəc Itharel kek ke ciēnj Jeruthalem, ku kəc Itharel jam thonj Girik. Kəc Itharel jam thonj Girik ē yekē lueel lön nadē ke lēerken aake cie kušēc nhüim, rin cüi ke ye muəoc tē tek wēēu ye tēk lēer akölaköl.

² Go atuuc Jethu kathiäär ku rou kəc cī gam ebēn cəl ku lēkkē ke elä, “Yeen acie yic tēnē yo buk luai piöoc wēt Nhialic puöl ku ye wēēu kek yeku tek.

³ Ke yen, wek wämāthkua, kuanykē kəc kadhorou weyiic, kəc path la gup riēl Wēi Nhialic ṇic kəṇj. Ku keek abuk cəl aaye wēēu muk, ku yekē ke tek.

⁴ Ku yok aabi yonhüim yiēk rök ku jəl a piöoc wēt Nhialic.”

⁵ Kəc ke cī gam aake cī puəəth miēt wēt cī atuuc Jethu lēk ke, ku kuanykē kəc. Kəc ke cik kuany aake yī Ithipin, raan la gam la guəp Wēi Nhialic, ku jəl aa Pilipo, ku Prokoruth, ku Nikanora, ku Timon, ku Parmena, ku Nikola, ku yeen ēcie raan Itharel, ee ye

raan pan cəl Antiök cī yanhde puöl ku gem yanh kəc Itharel.

⁶ Ku jəl kəc cī kuany yāth tēnē atuuc Jethu, gökē rök rēnken ku tēēukē kecin kenhüim bik ke dəoc.

⁷ Ku piöoc wēt Nhialic ēcī la tuēj ke juak rot. Akuēn kəc biöth Jeruthalem ē yic juak akölaköl, ku akuēndit apēi kəc kāk Nhialic aci bēn gam.

Bāny Itharel aaci Ithipin dəm

⁸ Ithipin ēcī Nhialic dəoc bī cəl aril apēi, go kəkdit jāṇ göi apēidit looi kam kəc.

⁹ Ku kəc abēk akut amat tēn kəc Itharel aake cie wētde ye gam, ku keek aake ṇic lön ye ke cəl kəc lāäu nhüim, wēt ye kek kəc aa loony cī puöl. Ku yen akut kēnē, ee la yic kəc wun cəl Thirene ku Alekdhāndria ku Cilicia ku Athia, ee cik jək bik aa teer kek Ithipin.

¹⁰ Ku yen Ithipin ēcī Wēi Nhialic yiēk riēl ṇic yen ke wēl apēi, na lueel wēt, ka cīn raan lēu ye bī wētde dhöl yic.

¹¹ Gökē kəc kək riəp, ku bik aa lēk kəc Itharel elä, “Yök aaci Ithipin piṇj ke jiēm Mothith ku Nhialic gup!”

¹² Tēwēn cī kəc cī riəp aa jam kēya, tēēn ke keek aaci kəc Itharel, ku kəccken dit, ku jəl aa kəc piöoc lööṇ rac nhüim. Ku dəm kəc Itharel Ithipin ku yēthkē luk yic.

¹³ Ku bükē kəc kək bik Ithipin bēn cāk thok ku luelkē elä, “Mony kēnē, cəl Ithipin ē luanḡan Itharel ku lööṇkuan Mothith dhöl yiic.

¹⁴ Acuk piṇj ke ye lueel lön nadē ke Jethu raan pan Nadharet abi luanḡan Itharel thuər piny, ku wēer ciēṇdan thēer Mothith yic.”

¹⁵ Go kəc ke cī nyuc luk yic ebēn Ithipin jāl döt apēi, ku tiṇkē ke cit nyin atuny Nhialic.

7

Jam Ithipin

¹ Ku jəl raandit kāk Nhialic Ithipin thiēec elä, “Yekē yith kek kāk cī kəkä yī gaany?”

² Go Ithipin dhuk ku lueel, “Wek wärkiē ku wämāthkiē, piēṇkē wētdiē! Nhialic Madhəl yen ye leec raan ebēn, ēcī rot nyuəth wādan dit Abaram yon ṇot ciēj yen pan Methopotamia, wäär kēc yen guə kək bī la ceṇ pan Yāran.

³ Ku yen Abaram eci Nhialic yöök elä, 'Nyään paandu ku kacku piny ku löör piny ba nyooth tēnē yi.'

⁴ Go Abaram wuōnden nyään piny ku ler bi la ceᅇ gen ᅆāran. Na wäär ci wun Abaram thou, go Nhialic Abaram yöök bi bēn ceᅇ ē wun yen ciēᅇ wek thīn emēn.

⁵ Acīn aban piny cīi Nhialic yiēk Abaram, ku eci thōn lōn bi yen Abaram gām ē piny kēnē bi ya piēnyde kek miēthken bi lök dhiēeth aköldä. Tēwäär yen lēk Nhialic Abaram ē wēt kēnē, ke Abaram ē cīn miēth cī dhiēeth.

⁶ Nhialic ē cā Abaram yöök elä, 'Miēthku aabi ceᅇ wun thāi kōk run buōt kaᅇuan. Ku keek aabi ya aloony kōc ē wun bi kek ceᅇ thīn, ku aabi ya jōör apēidit.

⁷ Ku ᅇen abi kōc kek bik aa luōi mac, ku na la run juēc thōk, ke keek aabi jāl ye wun kēnē. Ku aabi bēn bik ᅇen bēn door ē tēn.'

⁸ Ku ē tēēn aci Nhialic lēk Abaram bi miēthke aa ᅇoot, ku yen ē kīn ye nyuōth lōn cī kek döör. Ku Abaram aci wēnden Ithāk bēn ᅇoot nīn kadhorou cōk ciēēn wäär dhiēeth ye. Ku ᅇot Ithāk Jakop, ku ᅇot Jakop wātke kathiäär ku rou. Aa kek wārken dīt kuat Itharel emēn."

⁹ "Wēt Jakop aake man mēnhden cōl Jothep. Gokē yaac ku bi a lony pan Ijip. Ku Nhialic ē nhīar Jothep.

¹⁰ Go Jothep kony bi puut bei kārēc yiic. Na la Jothep ᅇāth bēnyᅇaknhom Ijip ᅇhom, ke yīk Nhialic riēl bi kāᅇ ᅇic ku ye raan path. Go bēnyᅇaknhom ruōk bi ya yen bēny pan Ijip. Ku looi aya bi a yen tō tūēᅇ kāk paande yiic.

¹¹ Ku cōk eci tuōl pan Ijip ebēn ku jōl a Kanaan. Ku yen cōᅇ kēnē eci kōc ban apēi. Ee ril yic ku bi wārkuān dīt miēth yōk.

¹² Nawēn le Jakop piᅇ lōn tō rap Ijip, go wātke kek wārkuān dīt emēn tooc ku bik la.

¹³ Na ben wārkuān dīt bēn dhuk cāth yic rou, go Jothep rot tēt ke lōn ē yen mēnhden ku jōl bēnyᅇaknhom Ijip manyde ᅇic aya.

¹⁴ Ku tuc thok wun Jakop, ku bi lēk wun kek manyden ebēn kathiārdhorou ku dhiēc bik bēn Ijip.

¹⁵ Go Jakop jāl la, ku ē yen tē cī Jakop ku wārkuān dīt bēn la thou thīn.

¹⁶ Gup wārkuān dīt aake cī bēn la thiōk tē cōl Cikem, ku tē cī ke thiōk thīn, ee ye piny ᅇōc Abaram wēēu tēnē thāi cōl ᅆāmor.

¹⁷ "Na la nīn thiōk, nīn kek ke cī Nhialic ke Abaram yöök lōn nadē ka la kēpuōth bi luōi ye, ke akuēn kōckuan ke tō Ijip eci ye yic juak apēi.

¹⁸ Ku eci rot looi bi bēny dēt kuc Jothep pan Ijip mac.

¹⁹ Ku yen bēny kēnē ē ye wārkuān dīt wēēᅇ ku kuc ke ciēēᅇ. Ku ye ke cōl acuet miēthken roor ku bi miēth thou.

²⁰ Ku tēēn ē yen ē dhiēeth Mothith, ku yen ē ye manh adhēᅇ tēnē Nhialic, ku muk baai pēi kadiāk.

²¹ Ku nawēn la cuat wūr, go nyēn bēnyᅇaknhom la kuany ku muk ku looi ye manhde.

²² Mothith aci piōc tēcīt tē ᅇic kōc Ijip kāᅇ thīn, agut abi ya raandīt tet ku ye raan ᅇic kāᅇ apēidīt jam yith, ku jōl a luoi aya.

²³ "Na la run Mothith ᅇet thiārᅇuan, go yēnhom tak ku bi wāmāthakēn Itharel la tīᅇ tē ciēᅇ kek thīn.

²⁴ Tēwēn cī yen wāmāthakēn la tīᅇ, go raan tōk keyiic yōk ke nēk raan Ijip, go mēnhden nāk kony, ku guur raande agut tē nēk yen raan awēn thār kek raande.

²⁵ (Ee cī Mothith tak lōn nadē ka bi kacke deet yic, lōn bi Nhialic ye looi bi ke wēēr bei loony yic. Ku akēckē deet.)

²⁶ Naᅇon nhiāk ke yōk kōc Itharel karou ke thār, go la ku dōk ke. Ku jōl ke yöök elä, 'Piēᅇkē kēdiē wek rōörkä. Wek aa kōc ruāi. Yēᅇo kuc wek ceᅇ kamkun?'

²⁷ "Go raan tōᅇ wēn cī raan tiaam Mothith piēk wei, ku thiēc elä, 'Yēᅇa cī looi ba ya bānyda. Ku ye bēny dēt lēu ba luōᅇda luk?'

²⁸ Wīc ba ᅇa nōk cīmēn wārakōl nēk yīn ke raan Ijip?'

²⁹ Tēwēn piᅇ Mothith ē wēt kēnē, go kat ku le ceᅇ Midian. Ku aci bēn la dhiēth dhāk karou ē tēēn.

³⁰ "Wēn cī Mothith ceᅇ ruōn thiārᅇuan Midian, go atuny Nhialic rot nyuōth ye. Ku

atuny nhial ëci Mothith tñj kecit bun dëp ror liëet tēthiääk kek gən Thinaï.

³¹ Go Mothith gäi kē cī tñj, ku cot rot but lööm ku bī tñj apath. Go röl Nhialic piñ ke ye lueel,

³² ‘Ee yen Nhialic ye wärkuön dit door. Nhialic Abaram, ku Ithäk, ku Jakop.’ Go Mothith riöc arëk bī lath ku cii kēwën ben döt.

³³ Go Nhialic Mothith yöök, ‘Dëk war bei, rin tē kēec yin thün, ee tē thek.

³⁴ Yen aci tēreec guum kackië thün pan Ijip tñj. Yen aci dhienden piñ. Ku yen aci bën ku ba ke bën kony. Bäär emën, ba yī tuöc Ijip.’

³⁵ Ithipin aci la tuen ke jam luk yic ëlä, “Mothith ëci kəc Itharel kuc bik wētde cii piñ. Ee cik thiëec ëlä, ‘Yenja looi yī ba ya bānyda ku ye luäkkua luk?’ Yen Mothith ë yen cī Nhialic tooc ku bī ya bēny, ku ye raan kony Itharel. Ku yen abī atuny Nhialic cī rot nyuöth ye bun dëp yic, kony luaside yic.

³⁶ Yen Mothith aci kəc Itharel wēt nhüim bei Ijip ke loi käk jāñ göi pan Ijip, ku wäär teem wär aruöör, ku jəl a wäär rēer kek ror liëet run kathiärñuan.

³⁷ Mothith ëci kəc Itharel yöök, ‘Nhialic abī we tuöc raan bī we bën piöc wētde, raan käk Nhialic tñj cīmën cī yen ya tuöc we. Ku yen raan bī tuöc we abī ya raan kuatdun.’

³⁸ Mothith ë yen rēer kek kəc Itharel ke ciëñ ror liëet. Ee rēer kek wärkuan dit. Ku jəl a atuny nhial yen cī jam tēnē ye gən Thinaï nhom. Ee yen ye Nhialic yöök ku bī wētden pīr akölrüec ebën bën lək kəc.

³⁹ “Ku wärkuan dit aake cī kuc ku bik wēt Mothith cii piñ, keek aakëc luui wētde. Ku wickë bik dhuk Ijip.

⁴⁰ Gokë Aron yöök, ‘Thäth yo jak bī ke aa ket tuen kəc wat yonhüim tē ciëth yok. Akucku yen kē cī rot looi tēnē Mothith yen wäär wēt yo bei Ijip.’

⁴¹ Keek aaci mīlāñ thööth ke ye jəñ cīt manh wen, ku loikë yai bī kek yanhden cik looi aa door. Ku yekë jal näk.

⁴² Tēñ Nhialic aci yeköu bën wël ke. Ku pël ke bik aa kuël tō nhial kek yekë door,

cīmën cī ye gət athör kəc käk Nhialic tñj yic ëlä,
‘Wek kəc Itharel! Ee cie yen, yen yakë näk yök.

Yon tō wek ror liëet run kathiärñuan.

⁴³ Ee ye duël jəñdun cəl Molok yakë ket.

Ku jəl atim ciëer, jəñdun cəl Repan cäk guan. Aa kek ke jakkun cäk ke looi, bäk keek aa door.

Ke wek aaba tuöc wei, bäk yet Babilon köu ciëen.’

⁴⁴ “Wärkuan dit aake la Duël yen ye nyuöth lön nadë ke Nhialic arëer ke ke ror liëet. Duël aci yik tēcīt tē cī Nhialic ye lək Mothith thün, cī looi tēcīt tē cī ye nyuöth Mothith thün.

⁴⁵ Ku yen duël kēnē ëci wärkuan dit aa thön miëthken wäthëer, agut tē bii Jocuä ye ë piny cuk bën rum tēnē kəc ke la ye. Wäär ye Nhialic ke cuöp wei tē bii yok. Ku jəl duël rēer agut wäär ye Debit bēnyñaknhom.

⁴⁶ Debit ë nhiëer Nhialic. Ku ëci Nhialic thiëec ku bī puöl bī luak yik, luan bī Nhialic Wundit Jakop ceñ thün.

⁴⁷ Ku ë Tholomon yen aci luak bën buth.

⁴⁸ “Ku yen Nhialic Madhöl acie ceñ yööt yüic yööt ke yik. Cīmën ye kəc käk Nhialic tñj ye luel ëlä,

⁴⁹ ‘Aci Nhialic luel, ke nhial yen tō thönydië thün,

ku piny yen aye yen yacök tääu thün.

Ye yön yindë yen bäk yik tēnē yen?

Ye tēnen yen lēu bī yen löñ thün!

⁵⁰ Cie yen ya looi käckä ebën!’

⁵¹ “Tēril wek nhüim thün! Wek aaci kuc bäk wēt Nhialic cii piñ, rin thöñ wek puöth kek kəc kəc Nhialic gam cīmën wärkun dit thëer. Wek aaci kuc bäk wēt cī Wēi Nhialic lək we cii gam.

⁵² “Le raan käk Nhialic tñj cī wärkuön dit puöl ke këckë nök? Wärkuön dit aaci kəc cī Nhialic tooc nök, kəc ke cie ya lueel lön raan bī kē wic Nhialic bī looi, abī bën. Ku emën yen acäk gaany ku acäk cəl anak.

⁵³ Aa wek cī lööñ Nhialic thön, lööñ kek ke cī atuny nhial thön wärkuön dit. Ku keek aa këckë ke gam!”

Ithipin aci biöök aleel

54 Tëwën piñ bány luk wël Ithipin, gokë puõth riääk apeidit ku kackë kethook tènë ye.

55 Ku yen Ithipin ëcï Wëi Nhialic thän guõp, go yenyin wël nhial ku dëei, ku tiñ riel diit Nhialic, ku tiñ Jethu aya ke kääc Nhialic lööm kõñ cuëc.

56 Go Ithipin bány luk yöök jalkë tiñ, “Yen aci nhial tiñ ke liep yethok, ku yen aci Manh Raan tiñ ke kääc Nhialic lööm kõñ cuëc.”

57 Go bány luk keyith kum ku reelkë apeï. Ku rinjë Ithipin guõp,

58 Ku yëthkë ayeer geeu ku lek biöök aleel agut të thou yen. Kac kek ke näk ye aake cä alëthken nyän riénythii cäl Thawul ku bi ke lök tiit.

59 Keek aaci Ithipin jäl biöök aleel, ku Ithipin ë ye Nhialic cäl, “Bánydië Jethu, lor wëikië!”

60 Ithipin ëcï yenhial guõt piny ku lueel ke cie röl jät apeidit, “Nhialic! Duk ke gäk kërëec cïk luäi ya!” Wët kënë aci lueel, ku thou nyin yic. Nääk cï Ithipin näk ëcï raan cäl Thawul gam. Ku mony cäl Thawul ë tã thïn. Ku yeen ëcï lön nek Ithipin gam.

8

Thawul aci kac cï gam cäl agum

1 Aköl nek Ithipin, yen aköl jöök yen rot bi kac ke cï wët Jethu gam Jeruthalem gum apeidit. Kac ke cï wët Jethu gam aake cï kat bik röt thiäi wuõt käk yiic, wuõt Judia ku Thamaria, ku atuuc Jethu kek aake cï döñ Jeruthalem kepëc.

2 Kac ke cï wët Nhialic gam piänden ëbën, aa kek cï Ithipin bën la thiök, ku jalkë dhiau apeï rienke.

3 Ku ëcï Thawul them bi kac cï wët Jethu gam cäl agum, rin yeen ë ye la panë ku panë, ke kuany bëei yiic ëbën, ku ë ye kac cï wët Jethu gam yoc bei yööt yiic, rööor ku diäär, ku kuëth ke bi ke la mac.

Wët Puõth Yam aci piöcc Thamaria

4 Kac ke cï wët Jethu gam, cï thiëi wuõt käk yiic aake cï la cath wuõt yiic ëbën, ku piöockë kac wët Nhialic.

5 Pilipo ëcï cath bi la gen Thamaria ku le kac piöcc thïn wët Jethu Kritho.

6 Kac ke cï kenhïim aa kuööt, aake cï kepuõth aa tääu piny ku bik kë lueel Pilipo aa piñ apath. Keek aaci wët Pilipo aa piñ ku tiñkë käk jän göi cï aa looi.

7 Kac juëc aaci jakrëc aa bën bei kegup ke dhiau apeï, ku kac cï ruai, ku kac käk cï ñäl aaci Pilipo cäl aa puäl.

8 Këya, kac Thamaria aaci puõth bën miët apeidit.

9-10 Ku mony cäl Thaimon ë ciëñ gen Thamaria, ku yeen ëcï kac cäl agëi käkken ye looi. Yeen ëcï rot looi ke ye raandit apeï, ku kuat kac ke ciëñ geeu ëbën aake cï kepuõth tääu piny ku piñkë wëtde. Ku ë cïk aa lueel ëlä, “Jän cäl Riëldit yen aci bën piny cimën Thaimon.”

11 Ku ë yic, Thaimon ëcï kac Thamaria cäl agëi tëwäär yen käkken kë looi jän tã yeguõp, ku kac aake ye wëtde buõth yic ku detkë yic.

12 Nawën la kac Thamaria wët Pilipo gam, wët piöoc yen kac Wët Puõth Yam rin bääny Nhialic, ku rin Jethu Kritho, go rööor ku diäär gam bik röt cäl aa muoc nhïim.

13 Yen Thaimon aya ëcï wët Nhialic gam, ku cäl rot amuoc nhom, ku jalkë rëer tök kek Pilipo, ku yeen ëcï bën gäi tëwën tiñ yen kädit jän göi ye Pilipo looi.

14 Go atuuc Jethu ke tã Jeruthalem piñ lön nadë ke kac Thamaria aake cï wët Nhialic yet tènë ke. Gokë Piter ku Joon tooc bik la tènë ke.

15 Nawën cï Piter ku Joon yet Thamaria, gokë rööok ku bi Wëi Nhialic lööny kac Thamaria gup.

16 Kac Thamaria aake cï muoc nhïim rin Jethu Kritho ku Wëi Nhialic ë ñuot këc lööny kegup.

17 Go Piter ku Joon kecin tääu kenhïim go Wëi Nhialic lööny kegup.

18 Tëwën cï Thaimon ye tiñ ke Wëi Nhialic cï lööny kegup, wën cï Piter ku Joon, atuuc Jethu, keek döcc, go wïc bi Piter ku Joon gäm wëü,

19 ku jäl ke yöök, “Yiëkkë ya riel kënë aya, rin na le raan daac, ke Wëi Nhialic lööny yeguõp.”

20 Go Piter wët Thaimon dhuk nhom ku lueel, “Anjüëñ diët yi ku wëëuku cuët pan

mac ebën, rin ë yin ye tak diët yï γac miöc Nhialic wëëu.

²¹ Yin acie raan akuötda ku acin kën yï mat ke γo, rin piändu aciï la cök tënë Nhialic.

²² Dhuök yïpuöu ciëen, ku päl luai käreç, ku rööc Nhialic ku bi käreç ye tak cimën ë kënë päl piny.

²³ Yen aye tiη yïguöp lon til yin γo apsidit, ku yïin aci käreç ye ke looi muör.”

²⁴ Go Thaimon Piter ku Joon yöök. “Röökkë tënë Nhialic rienkië, ku bi ciën këreç loi rot tënë γa käk cä lueel yiic.”

²⁵ Tëwën ci Piter ku Joon kəc Thamaria lëk lon ye wët Nhialic ye lëk ke yic, gokë dhuk Jeruthalem. Ku tëwën dhuk kek, aake ye kəc piöc Wët Puoth Yam Nhialic ë bëï juëc cik tëek yiic pan Thamaria.

Pilipo ku bëny wëëu Ithiöpia

²⁶ Atuny Nhialic ëci Pilipo lëk ëlä, “Guir rot ku kueny dhöl yic, dhöl jiël Jeruthalem bi la Gadha.” (Dhöl kën acie ben tëek ëmën.*)

²⁷ Go Pilipo rot guir ku lööny dhöl. Ku tëen, ke yök raan Ithiöpia, raan ci la Jeruthalem bi Nhialic la door. Ku yen mony kënë ëci roc. Ku ë ye bëny wëëu muk wëëu tiη cäl Kandake, tiη ye bëny Ithiöpia,

²⁸ ku yen ë dhuk Ithiöpia riän thel mathiän. Tëwën cieth yen dhöl yic, ee kuen athör Ithaya raan käk Nhialic tiη.

²⁹ Ku ëci Wëi Nhialic lëk Pilipo, “Löör ku cath keyi thiäk rot riän thel mathiän.”

³⁰ Go Pilipo jäl riη tethiääk kek ye ku piη ke kuën athör Ithaya yic. Go jal thiëc, “Ye deet yic yen kë kuen?”

³¹ Go bëny tööu wëëu dhuk nom, “Ba jal deet yic kädë, ke cin raan cie tët yic γa?” Ku yöök Pilipo bi la nhial riäi yic, bi cath kek ye.

³² Kënë yen kuen athör theer wël Nhialic yic akïn,

“Yen ee cit amäl thel ku bi la teem röl, acit manh amääl cie dhiau tã teem nhiemde wei, ee cin wët ye lueel.

³³ Yeen ee ci rac guöp, ku kəc aake ciï kuc bïk yienyde ciï gam.

Acin raan mïthken bi döη bi lök lueel,

bi käreç riëc akölë lök a lueel, rin ciï piërde pinyhom guo cäl athök.”

³⁴ Ku jal bëny tööu wëëu Pilipo yöök, “Lëk γa, Ithaya jiem rin ηa, jiem rienke aye rin raandä?”

³⁵ Go Pilipo jal jam, ku jök jamde këthiöök awën ci bëny tööu wëëu kuen athör theer wël Nhialic yic. Ku jal lëk Wël Puoth Yam rin Jethu.

³⁶ Tëwën cieth kek dhöl yic, ke yet tã töu piü thin, go bëny tööu wëëu Pilipo jal thiëc, “Piü akik, yenö bä pëen ke γa ci muoc nom?”

³⁷⁻³⁸ Bëny tööu wëëu pan Ithiöpia aci raan kuath riäi yöök bi riäi cäl akäac, ku jal Pilipo ku bëny wëëu la piny ku lek piü yiic, ku muoc Pilipo bëny wëëu Ithiöpia nom.

³⁹ Nawën cik jäl ben bei piü yiic, go Wëi Nhialic Pilipo diër piny. Ku bëny tööu wëëu akëc Pilipo ben tiη, go lööny dhöl ke dhuk panden, ku yeen ë mit puöu apëi.

⁴⁰ Pilipo aci rot yök ke ci yet gen cäl Adhotuth, ku ler ku piöc kəc Wël Puoth Nhialic geeth yiic ebën, gut tã yet yen gen cäl Cetharia.

9

Thawul aci wët Jethu gam (Luai 22:6-16; 26:12-18)

¹⁻² Thawul aci la tuen ke riëc ye yen kəc buoth Bëny riäac lon nek yen ke. Ee ci la tënë raandit käk Nhialic, ku bi ye la yiëk athöör tënë bäny akut yanh Itharel rëer gen Damathkuth, ku aye athörkä lëk kəc Itharel tã Damathkuth, lon na la Thawul kəc ci wët Jethu gam yök, diäär ku röör, ke bi döm, ku kueth ke Jeruthalem.

³ Tëwën cieth Thawul dhöl yic ke la Damathkuth, ku wën ci yen jal thiök kek geu, ke kam thin wën ke tiη mac la biliny nhial, ku yer piny ebën yelööm.

⁴ Ku wiik piny ku piη raan röl ke jam ku lëk ye, “Thawul, Thawul! Ye rin nö cäl yin γa agum?”

⁵ Go Thawul thiëc ëlä, “Ee yin ηa Bëny?” Go röl wën ci piη dhuök ye, “Ee yen Jethu, yen raan jör.

⁶ Ku yïin jöt rot ëmën ku löör geeu, ku yin abi lëk kë ba dhiel looi.”

* **8:26** Dhöl kënë acie ben tëek ëmën rin diit liët thin.

8:33 Ith 53:7-8

⁷ Rööor ke cath kek Thawul aake cī kööc, ke bit, ku keek ë cīn raan cik tīñ, ku aake cī röl raan jam piñ.

⁸ Go Thawul rot jət, nawën liep yenyin, ke cie piny ye tīñ. Go kəc ke cath kek ye dəm cin ku thelkë, ke la Damathkuth.

⁹ Ku jəl rëer nīn kadiäk ke cie daai, ku yeen ë nīnkä yiic kadiäk ëcie dek pīu ku ëcie mīth.

¹⁰ Raan cəl Ananiath cī wët Nhialic gam ë rëer Damathkuth. Ku ë la kën cī rot nyuöth ye, ku ë ye tēn cī Nhialic ye cəl thīn, “Ananiath.” Go Ananiath gam ku bëer, “Ÿen akīn Bëny.”

¹¹⁻¹² Go Bëny lëk ye, “Jət rot, ba la dhöl cəl, ‘Dhöl la cök,’ ku na Ÿeet pan raan cəl Judath ke yī thiëc raan cəl Thawul, raan wun Tarthuth. Yen Thawul aröök, ku yeen ala kē cī rot nyuöth ye lən cī yen ke raan kāk Nhialic cəl Ananiath tīñ ke bö yöt, bī ye bēn döc, rin bī yen ke piny bēn tīñ.”

¹³ Go Ananiath bëer, “Bëny, kəc juëc aacä lëk käreç apeī ye raan kënë luäi kəc cī wëtdu gam tō Jeruthalem.

¹⁴ Ku yeen acī bēn Damathkuth tēnë, ke cī raandīt kāk Nhialic yiëk riël, ku bī kəc yī door bēn dəm.”

¹⁵ Go Nhialic lëk Ananiath, “Löör yen aca ləc, ku bī ya aluanđië. Yen abī Ÿa cəl anic kəc cie kəc Itharel, ku jəl aa bānydīt pinynhom ëbēn, ku jəl aa kəc Itharel.

¹⁶ Ku aba nyuöth ye, yen Ÿen, yen tē bī yen guum thīn wëtđië.”

¹⁷ Go Ananiath lööny dhöl ku ler Ÿön wēn rëer Thawul thīn, ku jəl döc. Ku yöök Ananiath ëlä, “Yīn wämääth Thawul, Jethu yen Wēn Nhialic nhom, yen cī rot nyuöth yī dhöl yic wäär bīi yīn acä tooc. Acä tooc, ku ba yī bēn döc ku ba bēn daai, ku bī Wēi Nhialic lööny yīguöp.”

¹⁸ Kaam wēn, ke kacīt kuəc rēc lööny piny Thawul nyin ku ben piny tīñ. Ku jət rot bī kööc ku cəl rot amuəc nhom,

¹⁹ nawën cī jəl mīth, ke ben riël yök. Thawul acī jəl rëer nīn lik Damathkuth kek kəc cī gam.

Thawul acī kəc piöc Damathkuth

²⁰ Nawën ke la tēn amat kəc Itharel ku jīem rin Jethu. Ee cī kəc aa lëk ëlä, “Jethu ë ye Wēn Nhialic.”

²¹ Kəc ke cī wët lueel Thawul piñ aacī bēn gāi, ku yekë röt thiëc kamken, “Cie yen mony kënë wäär tō Jeruthalem, yen kəc cī wët Jethu gam nök? Ku cie yen bīi yen tēnë emēn, bī kəc cī wët Jethu gam bēn dəm ku kuəth ke tēnë raandīt kāk Nhialic?”

²² Ku yen Thawul ëcī riël piöc yic apeidīt, rin kāk ke ye lueel, aaye nyuöth lən nadë ke Jethu yen ë raan bī Nhialic tooc bī kəc bēn luök, aake ye yith kəc rac nhīm, ku ë cīn kën ye kəc Itharel tō Damathkuth bēn bëer.

²³ Nawën cī nīn juëc thök, ke kəc Itharel kuut kenhīm ku jəlkë tē bī kek Thawul nāk thīn cāt.

²⁴ Ku yen Thawul ëcī bēn lëk kē cī kəc Itharel mat yic, kē bik luäi ye. Aake cī dhöl la ayeer kal geeu yic bēn aa tiit thook aköl ku wëer, rin na tēek thīn ke nāk.

²⁵ Nayon akäl tök ke tēu kacken ye buöth alom yic, ku luëñkë tēyör pāny kōu, ku jəlkë luaac piny ë wiën.

Thawul acī dhuk Jeruthalem

²⁶ Thawul acī bēn dhuk Jeruthalem ku them bī rot mat akut yic, akut abiöth. Ku akēc kəc ke cī wët Jethu gam, gam lən cī Thawul rot wel ku bī ya raanden, ku keek aake ye riöc ë ye.

²⁷ Go Barnaba dəm cin ku Ÿeth tēnë atuuc Jethu. Ku jəl tēt yic atuuc Jethu yen tē cī Thawul Jethu tiēñ thīn dhöl yic ke la Damathkuth, ku lən cī Jethu jam tēnë ye. Ku yeen aya ëcī tēt yic atuuc Jethu, yen tē cī Thawul kəc piöc thīn ke cīi riöc Damathkuth rin Jethu.

²⁸ Ku këya Thawul acī bēn rëer ke ke. Ku jəl a cath gen Jeruthalem yic ke piöc kəc rin Jethu ke cie nyin ye riöc.

²⁹ Yeen aya acī ya jam ku teer wël kek kəc Itharel jam thon Girik, ku ëcī kockä duër bēn nök.

³⁰ Nawën le kəc akuötde yök lən wic ye bī nök, gokë nyaai ku Ÿethkë tē cəl Cetharia ku jəlkë la tuöc Tarthuth.

³¹ Ku tēen, yen ë tē cī kəc cī wët Nhialic gam nhīm bēn lääu, ku rëerkë ke cīn riöc geeth yiic ëbēn, Judia, ku Galilia ku jəl a Thamaria. Akut kəc ke cī wët Nhialic gam ëcī yeyic juak, ku ëcī dīt rin ye Wēi Nhialic ke kony, rin ë kek rëer ke thek bēny Jethu.

Piter aci la Lida ku Jopa

³² Piter aci bëei juëc tëëk yiic, na ye çon akäl tök ke la kəc cı wët Nhialic gam ciëñ pan cöl Lida neem.

³³ Go Piter mony cöl Ainieth yök Lida, ku yen mony kënë akëc cath run kabët rin cı yen ruai.

³⁴ Go Piter lëk Ainieth ëlä, “Ainieth, Jethu Kritho aci cöl apuəl. Jət rot ku löm bişñdu.” Go Ainieth rot jət nyin yic.

³⁵ Go kəc ke ciëñ Lida ku Caron Ainieth tiñ ke cath, gokë wët bëny Jethu gam.

³⁶ Ku tiñ cöl Tabitha cı gam ë ciëñ Jopa. (Ku rienke yen tiñ kën thoñ Girik ë cöl Dorkath, ku wëtde yic, “Ee löc.”) Ku ë ye kápath looi ku kony kəc nşñ.

³⁷ Ke tëën ëci tuany nawën ke thou. Go guápde lək ku tşu çon nhial.

³⁸ Pan cöl Jopa ëci mec apëi ke Lida. Nawën piñ kəc akut cı wët Jethu gam lön rëer Piter Lida, gokë kəc karou tooc bik la lək ye ëlä, “Ləc bën tənë ço.”

³⁹ Go Piter rot jal guiir ku lööny dhöl kek röör awën karou. Nawën le Jopa, ke çëth çon nhial. Ku guöp ëci diäär lëer gööm piny ke dhiau. Ku yekë alëth cı kəc yen Tabitha çon pïr yen jäl aa nyuöth Piter.

⁴⁰ Go Piter kəc cöl ala ayeer çööt, ku jöl yenhial guöt piny bi röök, ku wël yenhom guöp raan ku lueel, “Tabitha, jət rot!” Go Tabitha ye nyin jäl liep. Nawën tiñ Piter go yekşu jət piiny.

⁴¹ Go Piter döm kök ku kony bi rot jət. Ku jöl Piter kəc akut cı wët Jethu gam cöl, ku jöl aa diäär lëer, ku jöl ke nyuöth Tabitha ke cı pïr.

⁴² Thoñ cı Piter Tabitha cöl aben pïr aci jäl thiëi Jopa yic ëbën. Ku tëën kəc juëc aaci wët bëny Jethu bën gam.

⁴³ Ku jöl Piter ceñ nin juëc pan raan biök duny cöl Thaimon.

10

Kornelio aci Piter caal paande

¹ Mony cöl Kornelio ë tş gen Cetharia. Ku yen ë ye bëny mac apuruk buçat, “Ke ye cöl apuruuk Italia.”

² Ku yeen ë ye raan path rişöc Nhialic. Yeen ku kacke aake ye Nhialic door. Ee ye

kəc Itharel nşñ nyin kony, ku ë ye lac röök tənë Nhialic.

³ Nayon akäl tök, tşon aköl, ke kädän bö këcıt nyuöth, ku tiñ atuny nhial ke bö ku lueel tənë ye, “Kornelio!”

⁴ Go Kornelio atuny nhial döt ke cı rişöc ku lueel, “Ye kënë nş Bëny?” Go atuny nhial dhuök ye, “Nhialic aci röökku piñ, ku aci kuçony ye looi tənë kəc nşñ nyin tiñ aya. Ku awic bi ke dhuk nhim.

⁵ Tuçoc kəc Jopa ëmën bik mony cöl Thaimon Piter la cöl.

⁶ Yeen arëer pan raan duny biök cöl Thaimon, wär nhom.”

⁷ Tëwën cı atuny nhial awën lueel ë wëlkä jäl, ke Kornelio cöl kəc karou ken lui baai, ku cöl apurukden tiit baai ë Nhialic door,

⁸ ku lək ke wët cı atuny nhial lueel, ku tooc ke Jopa.

⁹ Nayon aköl dëët, ke röör awën şoot dhöl yic, ke cı thiök kek Jopa, ke Piter la çon nhial thok tëcıt aköl ciel yic bi la röök.

¹⁰ Ku jöl cək nək, ku wic bi mith. Tëwën guiir miëth ke këcıt nyuöth loi rot tənë ye,

¹¹ ku tiñ nhial ke cı rot liep, ku luççc kädän rot piny, këdiit la tşyëi, la guök kaşuan,

¹² la yic kuat läai ëbën, ku kək wuc keyöth piiny ku diet pär nhial.

¹³ Ku piñ röl ke lək ye, “Jət rot Piter, nək lëi ku cuet.”

¹⁴ Go Piter lueel, “Acie tşde Bëny! Çen akëc kañ mith kək cie cam cıt kakkä.”

¹⁵ Go röl ben jam tənë ye, “Duk tak lön le yen ke cıi path bi cam tş cı Nhialic ye lueel ka path.”

¹⁶ Kënë aci röl awën ber yic arak diäk, nawën ke wiën mit, ku dhuk nhial.

¹⁷ Ku çëi Piter kë wic Nhialic bi lək ye ë nyuöth kënë yic. Ku ë kaam awën ke kəc cı Kornelio tooc aaci tş rëer pan Thaimon thin şic, ka kääç çöl thok.

¹⁸ Ku cöotkë ku thiëckë, “Le jäl tş baai tən cöl Thaimon Piter?”

¹⁹ Tëwën şot wic Piter ye bi nyuöth deet yic, ke lək Wëi Nhialic ye, “Piter, piëñ yiyc, ala kəc kadiäk cı bën wic yi.

²⁰ Guir rot ku lör piny, ku duk wët ciëth kek çon yic ba cıi la ke ke, ee çen acöl ke aabö.”

²¹ Go Piter la piny ku lək ke, “Ee çen raan wiëckë. Yenö bi wëk?”

22 Gokë bēer, “Yok aaci bēny apuruuk Kornelio tooc. Yeen ē raan path Nhialic door, ku yeen atheek kōc Itharel ēbēn. Acī atuny Nhialic lēk ye bī yī caal paande, rin bī yen wēt ba la lēk ye piņ.”

23 Go Pīter ke cōl, “Bāk niēnkē ē wēer kēnē.”

Nawēn bak piny ke Pīter jiēl ke ke, ku cath kōc kōk cī gam Jopa kek ye aya.

24 Na akōl dēēt ke yet Cetharia tē tiit Kornelio ye thīn, kek kacke ku mātken cī cōl.

25 Tēwēn dōöt Pīter baai, ke lor Kornelio ku gut yenhiaal piny yenhom.

26 Go Pīter cōl ajōt rot bī kōc ku lueel, “Yēn guōp, yēn ē raan ē path.”

27 Ku jōl Pīter jam kek Kornelio agut tē yeet kek yōt, ku yōk kōc juēc ke cī kenhīim mat,

28 ku lueel tēnē ke, “Anjēckē lōn lōjdan Itharel ē raan pēen bī cīi la bēēi kuat dēt yiic, ku cīi mēt ke ke. Ku acī Nhialic nyuōth ya lōn acīn raan luēel ka la guōp kārēc.

29 Kēya, wēn cī yīn ya tuōc, yēn acī bēn ke cīn diu, ku awiēc ba njic aya, yējō tuc yīn ya.”

30 Go Kornelio lueel, “Wäär nīn kadiāk cōk yēn ya rōōk yōōt ē tēn, tēcīt mēnē tāānj akōl, kaam wēn ke raan ceņ alēth yer apēi bō ku kēēc yanhom,

31 ku lueel, ‘Kornelio! Nhialic acī rōōkku piņ, ku acī kuōny ye looi tēnē kōc njōnj nyīn tīj.

32 Tuōc raan Jopa bī mony cōl Thaimon Pīter la cōl. Yeen arēer pan raan duny biōk cōl Thaimon tō wār nhom.’

33 Guō yī tuōc nyin yic. Ku yīn acī kēpath looi ba bēn. Ēmēn, yok aa rēer tēn ēbēn yo dēei Nhialic, buk kē cī Nhialic lēk yī ba lueel, piņ.”

Lōj Pīter

34 Go Pīter jāl jam ēlā, “Aca deet yic ēmēn lōn ē yic, Nhialic acie kōc ē poc yiic.

35 Kuat raan ye door ku looi kāpath, aye gam. Acīn kēde kek kuat.

36 Yīn anjic wēt cī lēk kōc Itharel, Wēt Puōth Yam cī Jethu Bēny mac kōc ēbēn bēēi bī kōc dōōr ke Nhialic.

37 Yīn anjic kākdīt cī rōt looi pan Itharel ēbēn, jōk wun Galilia, lōk wēi wäär ye Joon lēk kōc cōk ciēn.

38 Yīn anjic Jethu raan Nadharet, raan cī Nhialic lōc ku cōl Wēike abō tēnē ye ku gēm riēl. Jethu ē ye la yōn juēc yiic, ku looi kāpath tēnē kōc. Ku kony kōc la gup jakrēc.

39 Yok aaci kājuēc cī looi gen Jeruthalem ku pan Itharel ēbēn tīj, ayī kē cī ye piāat tim cī rīiu kōu bī nōk.

40 Ku ben Nhialic cōl apīr ku jōt bei piiny ran yic akōl ye nīn diāk, ku cōl anyuth rot yō.

41 Ku acie kōc ēbēn aa yook kōc yok cī Nhialic lōc buk njic. Yok aaci mīth ku dēkku kek ye wäär jōn rotde cōk ciēn.

42 Ku lēk yō buk wētde lēk kōc, ku luelku lōn ē yēn acī Nhialic lōc bī luk looi tēnē raan ēbēn, kōc pīr ku kōc cī thou.

43 Kōc ēbēn, kōc kāk Nhialic tīj aaci jam riēnke, ku luelkē na gam raan wēt Jethu, ke Nhialic apēl kāracke piny riēnke.”

Kōc cie kōc Itharel aaci Wēi Nhialic lōōny kegup

44 Tēwēn njot jīēm Pīter, ke Wēi Nhialic lōōny kōc awēn piņ gup.

45 Ku kōc Itharel wäär bō Jopa kek Pīter aake cī gāi, rin cī kek Nhialic tīj ke cī miōcde gām kōc kuat dēt cie kōc Itharel aya.

46 Rin aa cik tīj ke jam thok kōk, ku luelkē, “Nhialic adīt.” Go Pīter jam,

47 “Kōckā aaci Wēi Nhialic bēn tēnē ke cīmēnda aya. Nadē, le raan bī ke pēen bī ke cīi muōc nhīim?”

48 Ku cōl ke aa muōc nhīim rin Jethu Krītho. Ku lēk Kornelio Pīter bī rēer ke ke nīn lik.

11

Pīter acā akut Jeruthalem lēk kē cī looi

1 Atuuc Jethu ku kōc kōk cī gam pan Judia yic ēbēn, ee cik piņ lōn nadē ke kōc cie kōc Itharel aake cī wēt Nhialic yet tēnē ke.

2 Tēwēn cī Pīter yet Jeruthalem, go kōc ke wīc ye ku bī kōc cie kuat Itharel aa njoot ye jāam guōp ēlā,

3 “Yīn yī ye jāl pan kōc cie njoot, ku yīn yī ye rōm ke ke!”

4 Go Pīter ke tēt kēriēc ēbēn cī rot looi,

5 “Wäär ē la kēn ca tīj ke ya rōōk gen Jopa. Ee la kēdīit la tēyēi, la guōk kaņuan, ca tīj ke luēc piny nhial, ku tēū piny yalōōm.

⁶ Ku jāl luiit yic, guo lääi baai ku lääi roor ku jol aa lääi wuc keyiic, ku diet roor tñj thñ.

⁷ Ku piɛŋ röl ke ye lək ɣa, ‘Jot rot Piter, näk lääi ku cuet!’

⁸ Guo lueel, ‘Acie yic, Bëny! Acin müith rɛc ca kaŋ cam cit kakkä.’

⁹ Guo röl bɛn piŋ nhial. ‘Duk tak lɔn le yen kē cii path bi cam tē ci Nhialic ye lueel ka path.’

¹⁰ Kēnē aci rot looi arak diäk, ku jol kēdiit la tɛɣɛi la guok kaŋuan awɛn tō lääi thñ, miit ku dhuk nhial.

¹¹ Kaam thiin awɛn ke rōor kadiäk ci tuoc ɣa tē cɔl Cetharia ɣēet pan awɛn rēer ɣɛn thñ.

¹² Ku ɛci Wēi Nhialic lək ɣa, ba nhom cii thiek ba cath ke ke. Ku jol kockä kadätem akutdan kɔc ci gam yic ɣa ruac, jāl Jopa agut Cetharia, ku lok pan Kornelio.

¹³ Ku lək Kornelio ɣo lɔn ci yen atuny nhial tñj ke kääc yenhom ɣönde ku lək ye, ‘Tuoc raan Jopa tēnē mony cɔl Thaimon Piter bi bɛn.

¹⁴ Yen abi lək wɛl bi yin ku miethku cɔl apoth kɛrac yic.’

¹⁵ Nawɛn jaam, ke Wēi Nhialic lööny kegup cimɛn ɣon tuenj kɔŋ yen lööny ɣogup.

¹⁶ Ku jal kēnē ci Bëny Jethu lueel ɣon tak, ‘Joon ɛ ye kɔc muoc nhiiim ɛ piu, ku wek aabi muoc nhiiim Wēi Nhialic.’

¹⁷ Acie kē lēu bi baai dhɔl lɔn ci Nhialic kēnē yen ci yiək ɣo, yiək kɔc cie kɔc Itharel aya, ku ɛ yik ɣo wɛt ci ɣok wɛt Bëny Jethu gam, ke ɣɛn ya ŋa, ba them ba Nhialic gɛl nhom!”

¹⁸ Nawɛn piŋkē wɛl ci Piter lueel, gokē cii ben jääm guop ku leckē Nhialic ɛlä, “Kēn yen ɛ wic Nhialic aya, ku bi kɔc cie kɔc Itharel käreɛc yekē looi puol, ku bik met pir akölrüec ɛbɛn yic!”

Kɔc ci gam pan cɔl Antiök

¹⁹ Kɔc ke ci gam aake ci wɛɛr rin ci kek riöc lɔn nɛk ke cimɛn wäär ci Ithipin nök. Kɔc kök ke yiic aaci ɣet pan cɔl Ponicia ku Thaipruth ku Antiök. Ku keek aake ye kɔc Itharel kepɛc kek aake ye lək wɛt yam Jethu.

²⁰ Ku kɔc kök ke ci gam, ku aake ye kɔc pan Thaipruth ku Thirene, aake ci la Antiök ku lek Wɛt Puoth Yam lək kɔc cie kɔc

Itharel aya. Aa cik aa lək thoŋ puoth yam rin Bëny Jethu.

²¹ Aake ci Nhialic yiək riɛl. Go kɔc juɛc gam ku yekē Nhialic door.

²² Thoŋ ci kɔc cie kɔc Itharel gam Antiök aci ɣet tēnē kɔc ci gam Jeruthalem. Gokē Barnaba tuoc Antiök.

²³ Wɛn ci yen ɣet ku tñj tē ci Nhialic kɔc Antiök daac thñ, ke jol puou miɛt ku jiëem kenhiiim ku bik aa kɔc path ɣer puoth, nhial Nhialic piänden ɛbɛn.

²⁴ Barnaba ɛ ye raan path ci Nhialic gam piände ɛbɛn, ku ɛ la guop Wēi Nhialic. Kɔc juɛc aaci wɛt Bëny bɛn gam.

²⁵ Ku jol Barnaba jāl ku ler pan cɔl TARTHUTH ku bi Thawul la wic.

²⁶ Nawɛn le yök, gokē bɛn Antiök. Ku jolkē rēer Antiök ɛ ruöŋ, ku keek aake ye röm kek kɔc ci gam, ku aaci akut dit apei bɛn piöc. Antiök yen ɛ tɛn kɔŋ kɔc ci gam aa cɔl thñ ka Krithiaan.

Barnaba ku Thawul aaci tuoc Jeruthalem

²⁷ Ruöŋ yen rēer Barnaba kek Thawul Antiök, yen ɛ tɛn jiɛl kɔc kök käk Nhialic tñj Jeruthalem ku lek Antiök.

²⁸ Raan tök ke yiic cɔl Agabuth ɛci Wēi Nhialic yiək riɛl, ku bi lək kɔc lɔn le yen cɔŋdiit bi bɛn pinynhom ɛbɛn. (Cɔŋ kēnē aci bɛn bɛn ɣon ye Klaudiöth bɛnyŋaknhom.)

²⁹ Ku abiöth aaci raan tök keyiic ɛbɛn la kēnē ci ya tuoc wämäthaken ci gam ciɛŋ wun Judia.

³⁰ Ku keek aaci wēu kuööt yiic, ku jolkē Barnaba ku Thawul tooc bik ke ɣäth tēnē kɔcdit akut kɔc ci gam.

12

Kɔc ci gam aaci ŋuöt ke gum apei

¹ ɛ runkä cök ɛci baai kööl agut Judia, go bɛny Judia cɔl ɣerot Agripa kɔc abök kɔc ci gam yiic cɔl aban.

² Yeen aci mɛnh Joon cɔl Jemith cɔl atök yeth pal.

³ Na le tñj ke kɔc Itharel mit puoth kē ci looi, go Piter cɔl adɔm ku mac, (yen kēnē ɛ loi rot ɣon ciɛm Yan Ayum cin yic luou.)

⁴ Nawɛn ci Piter dɔm ku mac, ke thön akuut apuruuk kaŋuan bik aa tiit. Ku akuöt tök ɛ la yic kɔc kaŋuan. Ee ci ɣerot Agripa

tak ku bi Piter yath luk yic akol Yan Ayum cin yic luou cok ciëen.

⁵ Ku Piter aci jal reer mec yic. Ku koc ci gam aake ye rook rienke ape tenë Nhialic.

Atuny Nhialic aci Piter luöny bei yön mec

⁶ Wëer yen bi Yërot Agripa ye col abiï luk yic rial, Piter ë nin kam apuruuk karou ke tit ye. Ee ci rek cin arek karou, ku yön mec ë tit thok apuruuk kek ke lui akölë.

⁷ Tëwën nyin yic ka atuny Nhialic bö ku këec yot thok ku mer yot yic. Ku men Piter ket ku puöc bi rot jat ku lek ye, “Lac rot jat! Ku ban yikou!” Nyin yic, ke luon awen ci ye rek loöny wei yecin.

⁸ Ku lueel atuny nhial, “Dut yiyic ku ruök warku.” Go Piter yeyic duut ku ruk war, ku lek atuny nhial ye, “Paat alanhdu yikou ku buath ya.”

⁹ Go Piter jal biaath cok ayeer, Piter ë kec ken loi rot deet yic, lon nadë ke kë looi atuny nhial ë yic. Eci tak ciët ye nyuöth.

¹⁰ Keek aaci jal teek akuot tok lööm, akut apuruuk ke tit, ku benke reet akut det ye kek rou lööm ku jolkë yet kal thok, kal ye gur thok weeth ci yethok wel geeu. Go kal yethok nany ë rot ku lek ayeer. Keek aaci jal la ke cath dhel yic, nawen ka atuny nhial mar.

¹¹ Ku jal Piter kë lui rot ye deet yic ku lueel, “Emen aca jal njic lon ye yen yic kenë awen ya tin këcit nyuöth! Nhialic acä tuoc atuönyde bä ben kuöny bei Yërot Agripa cin, ku jal aa kak ke ye koc Itharel tin ke bik luoi ya.”

¹² Nawen njic lon reer yen terac, go la pan Maria man Joon Marko. Ku koc juëc aake ci kenhiim kut thin ë ke roök.

¹³ Ku jal Piter yot ton thok ayeer, go nyan aluaak lui baai col Roda la bi raan yot gut thok la tin.

¹⁴ Ku eci Piter njic rol, go puou miët ape, ku go guo kat ke kec yot liep thok, ku le lek koc lon yen ke Piter yen akaac ayeer.

¹⁵ Go koc awen reer yot lek ye, “Yin aci muöl!” Go lek ke lon ë yic yen aci lek ke. Gokë lueel, “Ka atiemde yen aci ben.”

¹⁶ Ku la Piter tuen ke ton yot thok, gokë yot nany thok. Gokë tin ku geikë.

¹⁷ Go Piter lek ke bik biët, ku jal tet yic ke yen te ci Nhialic ye beei bei thin yoot ë mec

yic ku lek ke, “Lëkkë Jemith ku wamathkuan kok yen kë ci rot looi.” Ku jiël bi la tedët.

¹⁸ Na la piny bak, go apuruuk ke tit nhiim la cot, ku yekë rot thiëc kamken, “Yenö ci rot looi tenë Piter?”

¹⁹ Go Yërot Agripa apuruuk yök bik yöp. Ku akëc kë ben yok. Go apuruuk col adet thook, ku lek koc koc nok bi ke nok. Tëwën ci ë kenë rot looi go Yërot Agripa jal Judia, ku ben la cen Cetharia.

Antipäth Yërot aci thou

²⁰ Nawen ci Yërot Agripa puou riäak tenë bäny Tire ku Thidon, gokë la ke ya akut bik la tin. Ku ë cik kan lek Blatuth raan kak pan beny tiit bi wetden gam. Ku jolkë la tenë Yërot Agripa ku thiëckë bi döör ke ke, rin keek aake ye miith yok wun yen mec Yërot Agripa.

²¹ Nayon akol yen ci Yërot Agripa lueel bi yen mat ke ke, go ruk alëthken bäny ku nyuuc thönyde nhom ku jiem ke koc.

²² Ku jal koc duot aa looi elä, “Acie raan yen jam, Aciëk.”

²³ Ee tën, Yërot Agripa aci atuny Nhialic ben col atuany, rin ci yen rot looi bi a yen ye door ku cie Nhialic yen ye door. Nawen ke cuet kam tö yeyac yic, ku thou.

²⁴ Wët Nhialic aci ben la tuen ku koc juëc aaci ben gam.

²⁵ Ku Barnaba kek Thawul aaci luoiden ben thöl, ku dhukkë Jeruthalem ke cath kek Joon Marko.

13

Barnaba ku Thawul aaci lac ku toc ke

¹ Koc ke ci gam Antiök aake la yiic koc ke ye kak Nhialic tin, ku jal aa koc ë koc ci gam piöc, ku keek aake ye yi Barnaba ku Thaimon. (Raan col) ku Lukiöth (raan pan Thirene) ku Maneen (ku yen ë ye methë beny col Antipäth Yërot) ku Thawul.

² Tëwën ye kek roök thin tenë Bänyda, ku yekë miith theek ke ye dhel det döör kek Nhialic, go Wëi Nhialic lek ke elä, “Palkë Barnaba ku Thawul ku bik luoi ca löc ke aa looi.”

³ Ku jal koc ci gam mieth aa theek ku roökkë ku jolkë Barnaba ku Thawul döc ku jolkë ke col ajiël bik luoi ci Nhialic löc ke la luoi Nhialic.

Barnaba ku Thawul aaci keny Thaipruth

⁴ Barnaba ku Thawul aake ci Wëi Nhialic tooc bik la gen cöl Theleukia ku lek teem köu riäi ku lek gen tö gool nhom wär ciel yic cöl Thaipruth.

⁵ Na lek yet gen dët cöl Thalamith, gokë kəc aa piöcc wët Nhialic tən amat kəc Itharel. Ku Joon Marko ë cath ke ke rin bi keek aa kony luai.

⁶ Keek aaci cath ku temkë Thaipruth köu, ku lek gen Papoth yen le kek raan dët tiët cöl Bar-Jethu ke ye raan Itharel, yök thïn. Ku ëci rot a nyuöath ciët ye raan kəc lëk wët Nhialic.

⁷ Yen Bar-Jethu ë ye mëthë bënydüt cöl Therjiuth Pauluth, bëny wun tö gool nhom wär ciel yic. Ku yeen ë ye raan pel nyin apei. Bëny ëci Barnaba kek Thawul tuöc ku bik bën tënë ye, rin ë wïc bi piöcc wët Nhialic.

⁸ Ku yen luaiden bi kek bëny piöcc ëci tiët Elimath (aa kek rienke thonj Girik) duër rac, rin ci yen ye them bi bëny rac nhom bi wët Nhialic cii gam.

⁹ Ke Thawul, ku aņic aya lön cöl ye Paulo, ëci Wëi Nhialic la yeguöp, go tiët tñj ku döt apei,

¹⁰ ku lëk ye, “Yin mänh jöņrac. Yin raan la ater kek käpath ëbën. Yin athiän guöp käreç, ku aye them akölaköl ba yith Nhialic wel bik aa lueth!

¹¹ Yin abii Nhialic jak guöp ëmën. Yin abi cöer ku yin abi nin nöck ke yi cii piny ben tñj.” Nyin yic Elimath, ëci kën macär guo paat nyin piny, ku jöl cath ke wïc raan bi ye däm cin bi thel.

¹² Nawën tñj bënydüt kë ci rot looi, go wët Nhialic gam rin yeen ëci gai apeidit käk ci ke ye piöcc wët Nhialic.

Barnaba ku Paulo aaci la Antiök tö Pithidia

¹³ Paulo ku jöl aa kocken cath kek ye aaci wär teem riäi ke jiël Papoth ku lek Perga, wun cöl Pampilia. Tëwën, Joon Marko aaci bën puök ke ke ku dhuk Jeruthalem.

¹⁴ Ku ben kë jäl Perga ku yeetkë Antiök tö wun cöl Pithidia. Nawën aköl lön, aköl cii kəc ë luui, go Barnaba ku Paulo la tən amat ku nyuuckë thïn.

¹⁵ Nawën ci löönj Mothith, ku jöl aa wël kəc käk Nhialic tñj kween, go bäny tən amat wët lëk Barnaba ku Paulo ëlä, “Wämäthakua wek aa wicku bäk kəc jääm nhüm, tē le yen wët bi ke rieel puöth bäk lëk ke.”

¹⁶ Go Paulo rot jöt, ku nyooth yecin bi kəc biët. Ku jöl jam ëlä, “Wek mëthkië pan Itharel, ku jöl aa kəc cie kəc Itharel Nhialic door, pienkë wëtdië.

¹⁷ Nhialic kəc Itharel ëci wärkuan düt ləc ku looi ke ke ye kuatdüt ril tör tēwäär ciñj kek ke ye alai wun cöl Ijip. Keek aake ci Nhialic bëei bei Ijip rielde.

¹⁸ Ku aci käreç yekë luai ye guum roor ruöön thiärņuan.

¹⁹ Ku Nhialic aci wuöt kadhorou cuöp wei pan Kanaan. Ku looi kacke bi aa kek la piny,

²⁰ təcit run buöt kaņuan ku thiärdhiëc.

“Wën ci kën rot looi, go Nhialic ke yiëk kəc mac ke agut tē tul raan käk Nhialic tñj cöl Thamuel.

²¹ Nawën thiëckë Nhialic bi ke yiëk bënyñaknhom, go Nhialic ke yiëk Thawul raan many Kic, kuat Benjamin yic, ku bi ya bëny ruöön thiärņuan.

²² “Nawën ci Thawul nyaai bääny yic, go Nhialic Debit looi ke ye bënyñaknhomden. Ku kën ci Nhialic lueel rienke akïn, ‘Aca yök lön Debit, wën Jethe yen ë raan yen wiëc. Ku ë yen raan bi käk wiëckë bik röt looi, aa looi.’

²³ “Ë ye Jethu raan kuat Debit, yen ci Nhialic looi ke ye raan bi kəc Itharel luök, təcit tē ci yen ye luëel thïn wäär.

²⁴ Wäär këc Jethu luaide jöck, ke Joon ëci kəc Itharel kaņ lëk wët Nhialic. Ku ye ke yöök bik muöl luai käreç, ku cölkë röt aa muoc nhüm pü.

²⁵ Na wäär ci luai Joon thiök kek thök, go kəc thiëc ëlä, ‘Yakë tak ya ŋa? Acie ŋen raan tietkë. Raan tietkë abi lök bën ŋacök. Ku acie ŋen raan lëu ye ba warke däk bei yecök.’

²⁶ “Wek wämäthkië Itharel, mïth Abaram, ku jöl aa wek kəc cie kəc Itharel rëër tən Nhialic door. Wët bi kəc kony bi kəc cii la pan mac aci lëk ŋo.

27 Ku yeen akëc kəc ke ciëŋ Jeruthalem ku bányken ŋic, lən nadë ke yen raan bi kəc bën kony. Ku keek akëc wël deet yiic aya, wël ke ye kəc kək Nhialic tiŋ lëk ke wäär ye kueen akölaköl, aköl löŋ. Ku keek aaci wël kəc kək Nhialic tiŋ cəl aa tiŋ kenhüim, rin ci kek Jethu cəl anäk.

28 Cək alən cın yen yiny cik yök bi ke ye tēm thou, gokë nuöt ke thiëc Pilato bi dhiel nök.

29 Ku wën ci kek keriëec ëbën looi, kək ke ci göt athör theer wël Nhialic yic rienke, gokë jat piny tim ci riü kəu ku lek thiök raŋ yic.

30 Ku yeen aci Nhialic cəl aben pir.

31 Ku aaci rot nyuöth kəc ke ye cath kek ye kam Galilia ku Jeruthalem nin juëc yiic. Kek kəkä, kek aaci kək ci röt looi tiŋ, ku lëkkë ke kəc Itharel.

32-33 “Ku yok aaci bën buk we bën lëk thoŋ path ci Nhialic yepuöu təŋ ke bi luöi wärkuan dit. Aci luöi yo ëmën yok miëthken, rin ci yen Jethu cəl aben pir ke ci thou. Cimën ci ye göt ëlä waak rou athör theer wël Nhialic yic,

‘Yin ee wëndië, yen aci ya Wuur akölë.’

34 “Ku yen kënë yen ë kë ci Nhialic lueel, lən bi yen ye cəl aben rot jət thou yic, ku bi ci cii kəŋ dhiäth raŋ yic,

‘Yin aba yiëk yath, ku yin aba döc cit tēwäär,

ci yen yapuöu taan thün tənë Debit.’

35 “Ku ë yic alanden, ëci lueel kälä wët dët ci göt yic,

‘Yin acä aluonydu bi puäl bi dhiäth raŋ yic.’

36 “Ku yen Debit ë ye kək Nhialic looi wäär piir yen, ku jəl thou ku thiäk tē ci wärken dit thiök thün. Ku guäpde aci bën dhiäth raŋ yic.

37 Ku kën akëc rot looi tənë raan ci Nhialic jət bei raŋ yic.

38-39 “Awiëc bäk ŋic wek wämäthkië Itharel, lən nadë ke rin Jethu yen abi käreç päl piny tənë kəc. Raan bi wëtde gam abi adumuöömke päl piny tənë ye. Ku kënë ë kęc löŋ Mothith looi wäär tənë we.

40 Tääukë wenyin piny apath bi kë ci kəc kək Nhialic tiŋ, cik lëk kəc ëlä rot cii lui we,

41 ‘Tiëŋkë wek kəc kəc dəl gup! Gäikë ku wek aabi liu, rin kë luöi akölë! Aci kë bäk gam, cək alən bi raandä ye teet yic tənë we!’ ”

42 Wën jiël Paulo ku Barnaba tən amat, goke yök ku bik bën bën aköl dëët amat bik wët lööŋ Nhialic bën ber yic.

43 Wën ci kəc jäl amat yic, ke Paulo ku Barnaba ruëc kəc juëc Itharel, ku kəc juëc cie kəc Itharel ci ciëŋ kəc Itharel gam. Ku jəl Paulo kek Barnaba lëk ke bik kepuöth dëët, ku bik pir ke nōth piath Nhialic.

44 Nawën aköl dët amat, ke kəc juëc apeï bö amat yic aabi ciët kəc ëbën geeu kek ci guëer bik bën piŋ wët Nhialic.

45 Nawën tiŋ kəc Itharel akut diit kënë ke döm tiëel ke. Ku yekë wët lueel Paulo dhöl yic ku yekë lat.

46 Ku Paulo kek Barnaba aaci bën jam apeï kälä ke cii riöc, “Kën yen bi rot kaŋ looi tueŋ, ee lən bi we lëk wët Nhialic. Ku na cäk kuec bäk wët Nhialic cii gam, ku yakë röt yök ke we cie kəc wic pir akölrüëc ëbën, ke wek aa buk nyään piny ku lok tənë kəc kək cie kəc Itharel.

47 Rin yok aaci Nhialic yök ëlä, ‘Wek aaca looi ke we cit mermer tənë kəc cie kəc Itharel, rin bi raan ëbën pinynhom poth la pan mac.’ ”

48 Nawën piŋ kəc cie kəc Itharel wët kënë, gokë puöth miët ku leckë wët Nhialic cik piŋ. Ku kəc ke ci löc bik aa kəc pir akölrüëc ëbën aake ci bën gam.

49 Wët Nhialic aci bën yet bëikë yiic ëbën.

50 Go kəc Itharel, kəc dit baai geu yic ëbën bën rac nhüim agut diäär kəc dit cie kəc Itharel Nhialic door. Ku aaci Paulo ku Barnaba bën cuöp wei panden.

51 Go atuuc Jethu mël kuëëŋ ku tenkë kecök rin ci kek puöth riääk tənë ke. Ku jiël kë ku lek pan cəl Ikonía.

52 Kəc ke ci gam Antiök aake ci Wëi Nhialic la kegup, ku keek aake mit puöth apeï.

14

Paulo ku Barnaba aa kəc Ikonía lëk Wët Puöth Yam

13:28 Mt 27:22-23; Mk 15:13-14; Lk 23:21-23; Jn 19:15

13:31 Luai 1:3 13:32-33 Wk 2:7 13:34 Ith 55:3

13:51 Mt 10:14; Mk 6:11; Lk 9:5; 10:11

13:29 Mt 27:57-61; Mk 15:42-47; Lk 23:50-56; Jn 19:38-42

13:35 Wk 16:10 13:41 Yab 1:5 13:47 Ith 42:6; 49:6

¹ Kēcīt kēwäär cī rot looi tēnē Paulo ku Barnaba Antiök acie yic bēn ber aya tēnē ke Ikonia. Paulo ku Barnaba aake cī la yōn ye kōc Itharel mat thīn, ku jīēmķē arēk bī kōc juēc Itharel ku kōc cie kōc Itharel wēt Jethu gam.

² Ku kōc kōk Itharel cī kuc bīk wēt cīi gam, aaci kōc Ikonia luōm thook bīk kenhīim wēl Paulo ku Barnaba.

³ Ku Paulo kek Barnaba aaci rēer Ikonia nīn juēc. Ku jīēmķē apēi rin Jethu ke cīi riōc, ku wēt yekē lueel ēbēn ē yic, rin cī Jethu ke yiēk riēl bīk kāk jān gōi aa looi.

⁴ Ku kōc juēc tō geeu aake cī keyiic tek, kōc kōk aake wēl kōc Itharel piñ ku gam kōc kōk wēt atuuc Jethu.

⁵ Nawēn ke mēt kōc Itharel yic kek kōcken dīt ku kōc Konya bīk agaac jōak, ku wīckē bīk ke nōk.

⁶ Nawēn la kōc piōōc wēt cī mat yōk cōk, gokē riñ tē cōl Likonia tō gēeth Lithtra ku Derbe thīn.

⁷ Ku piōōckē Wēt Puōth Yam Bāny Jethu ē gēethkā yiic.

Paulo aci duēr nāk Lithtra

⁸ Mōny cī ruai, cie cath, yecōk yōc piiny tēwäär dhiēeth ye ē tō gen Lithtra.

⁹ Ku ē ye wēl Paulo piñ. Go Paulo tiñ ke cī gam ku peth bī kony. Go dōt,

¹⁰ ku lueel, “Jōt rot ba kōōc!” Go rot wuōl nhial ku cieth.

¹¹ Nawēn tiñ kōc juēc kē cī Paulo looi, gokē jam apēi thonēden Likonia, “Aciēek cīt kōc aaci bēn piny nhial tēnē yō!”

¹² Ku ciēkkē Barnaba ke cōl Deuth ku ciēkkē Paulo ke cōl Yērmith rin ē yen raan ye wēlken lueel.*

¹³ Go raandīt jōñ cōl Deuth door, jōñ rēer yiēñde kal thok miōōr la yiēth adir cī cuēec yōōk bēēi. Ku wīc kek kōcken juēc rēer ke ye bīk atuuc door ē ke.

¹⁴ Nawēn piñ Barnaba ku Paulo ke wīckē bīk looi, gokē alāthken rēt yiic kekōth bīk nyuōth lōn cīi kek kēcīt kēnē wīc, ku riñkē ciēl thān awēn yic ku lueelkē,

¹⁵ “Yēñō looi wek kēnē? Yōk aa kōc ē path cīmēndun. Yōk aaci bēn buk Wēt Puōth Yam Jethu bēn lueel, ku buk we nyaai kāk yakē doorkā yiic rin cīn kek wētden yic, ku bāk

aa door Nhialic tōñ pīr, cī nhial ku piny ku wēr kek kākith tō thīn ēbēn cak.

¹⁶ Wāthēer Nhialic ēcī kōc puōl bīk kākken cīk tak aa door.

¹⁷ Ku Nhialic ē rot nyuōth akōlakōl kāpuōth ye looi yiic tēnē kōc. Ee deñ cōl atueny ku lok kāñ ēbēn cīt tēden ye kek luak, ku mitkē puōth.”

¹⁸ Cōk awēn kēc kōckā wēlken lac gam, ka cīk bēn lēu bīk kōc dōk bīk miōōr cīi nāk.

¹⁹ Nawēn ke kōc Itharel kōk bō Antiök gen tō Pithidia, ku bō kōc kōk Ikonia, ku rēckē kōc nhīim ku biōōkkē Paulo ku yōckē ayeer geeu, ku takkē lōn cī yen thou.

²⁰ Nawēn la kōc cī gam kenhīim kut yelōōm, ke jōt rot ku dhuk geeu. Nayōn nhiāk ke la Derbe kek Barnaba.

Paulo ku Barnaba aaci dhuk gen Antiök tō Thiria

²¹ Paulo ku Barnaba aaci Wēt Puōth Yam lēk kōc Derbe ku gam kōc juēc wēt Jethu. Nawēn ke dhuk Lithtra. Ku lek Ikonia ku jōl a Antiök tō Pithidia.

²² Ku lēkkē kōc cī gam bīk gamden muk apath, ku lek tuēñ ke nhial Jethu. Ku lēkkē ke piōōcden yic ēlā, “Kōc cī gam ēbēn aa dhil gum ē pīr kēnē yic rin bī kek mēt bāāny Nhialic yic akōldā.”

²³ Ku kuanykē kōcdīt akuut kōc cī gam yiic ēbēn, ke cī kan rōōk tēnē Nhialic. Ku thekkē miēth rin bī kek Nhialic kan door. Ku jōlkē ke than Bēny Jethu cin, raan cī kek wēlke gam.

²⁴ Tēwēn kuēny kek Pithidia yic, gokē bēn Pampilia.

²⁵ Ku piōōckē Wēt Puōth Yam tēnē kōc gen Perga ku lek Atalia.

²⁶ Ku tēēn ke gēr, ku dhukkē Antiök, tēwäär cī kōc cī gam ke thōn Nhialic thīn rin luōiden cīk thōl.

²⁷ Wēn cī kek yēēt Antiök, ke kuut kōc cī gam nhīim ku lēkkē ke kājuēc cīk looi riēl Nhialic, ku nyooth Nhialic lōn alēu bī kōc cie kōc Itharel gam aya.

²⁸ Ku rēerķē Antiök pēi juēc kek kōc cī gam.

15

Lōñ Mothith

* 14:12 Aa rin jakken. 14:15 B.bei 20:11; Wk 146:6 15:1 Leb 12:3

1 Kac kək pan Judia aaci bən Antiök, ku piööckē kac cī gam elä, “Wek aaci Nhalic bi kony tē cī we dhil ɲoot, cit tē cī löŋ Mothith luəl ye.”

2 Go Paulo kek Barnaba jam apei rin ē wēt kēnē kek kac awēn bö Judia. Nawēn ke mat yic, bi Paulo ku Barnaba ku kac kək Antiök la Jeruthalem bik wēt kēnē la jääm yic kek atuuc Jethu ku kacdit kək.

3 Go akut kac cī gam ke jal tooc, ku wēn tēek kek Ponicia ku Thamaria, ee cik lək kac lön cī kac kək cie kac Itharel wēt Nhalic gam. Wēt kēnē aci kac cī gam ebēn cəl amit puöth.

4 Nawēn yēetkē Jeruthalem ē ke lor akut kac cī gam, ku atuuc Jethu ku kacdit, kac cik bēn lək käjuéc cī Nhalic ke kony bik ke looi.

5 Go kac kək akut Parathi cī gam röt jat nhal ku luelkē, “Keek aa dhil ɲoot ku lək ke bik löŋ Mothith dhiel theek.”

6 Go atuuc Jethu ku kacdit kenhüim mat bik wēt kēnē tak yic.

7 Wēn cī kek wēt jääm yic apei, ke Piter jot rot ku lueel, “Wek kackiē anjickē lön yēn aci Nhalic lóc wäär kamkun, ba Wēt Puöth Yam lək kac cie kuat Itharel, rin bi kek wēt Bēny piŋ ku gamkē.

8 Ku Nhalic anjic kē tō raan ebēn puöu, aci nyuöth lön yēn alēu kac kək cie kac Itharel bik gam aya cimēn cī yēn Wēike cəl abō tēnē ke, cimēn wäär cī yēn ye luai yo aya.

9 Aci nyuöth lön yok kac Itharel ku thāi kək, yok aa thöŋ ebēn, ku nyēi käreç kepuöth rin cī kek gam.

10 “Na ye këya, ke yēŋo looi wek kē cī Nhalic nyuöth we bāk cī loi, rin wic wek ye ē path bāk tē bi yēn puöu riēek thīn tīŋ. Tē jot yok kac cī gam nhüim kēril kēc wärkuan dit ku yo aya, kaŋ lēu buk yäac?”

11 Acie tēde! Ayeku gam lön bi yo kony rin piath Bēny Jethu, ku abi ya tēde aya tēnē ke.”

12 Go akut ebēn biet ku piŋkē kək jāŋ göi cī Nhalic cəl aa looi Barnaba ku Paulo ke, kam kac kək cie kac Itharel.

13 Wēn cī kek thök jam, ke Jemith jot rot ku bēer elä, “Pieŋkē wētdiē wek kac akuötda!

14 Aci Thaimon tēt yo tē cī Nhalic ye nyuöth thīn lön ye kac cie kuat Itharel kacke aya, rin cī yēn kac kək nyaai keyiic bik aa kacke.

15 Ku wēl kac kək Nhalic tīŋ aaci röm kek ē wēlkä alanden. Cimēn cī ye göt athör thēer wēl Nhalic yic elä,

16 ‘Ku lueel Bēny, yēn abi dhuk, ku yēn abi many Debit cī riäak ben jot nhom.

Ku ben kākken cī riäak cök piny bik riel.

17 Ku këya, kac ebēn aabi Bēny wic, kac cie kac Itharel ca cəl bik aa kackiē.

18 Yēn ee wēt cī Bēny lueel akan, Bēny yēn cī wēt kēnē cəl anjic thēer.’

19 “Ku la Jemith tueŋ ku lueel, na ye yēn, ke yok aaci kac cie kac Itharel cī Nhalic dhuök rēem nhüim.

20 Anjēen buk ke gät athör ku lēkku ke, bik cī mīth kuat miēth cī ke jakrēc door, ku titkē röt bik gup cī la akor. Ku cik riem cam ku cik cuēt riŋ län kēc teem röl bi riem kuēr.

21 Rin löŋ Mothith aci kueen run juéc yiic, yōn ye kac Itharel mat thīn akööl cī kek ē luui yiic, ku wēlkä aaye piöcc gēeth yiic ebēn.”

Athör cī gät kac cie kac Itharel cī gam

22 Nawēn ke atuuc Jethu, ku kacdit kek kac akut kac cī gam ebēn, mat wēt yic bik röör abək akut yic kuany, ku bik ke tuöcc Antiök kek Paulo ku Barnaba. Gokē Judath cəl Barthabath aya, ku Thilath kac theek akut rin luöiden, kuany.

23 Ku gēmkē ke athör kēnē tēnē kac cī gam Antiök,

“Yok atuuc Jethu ku kacdit, miēthakun, yok aaci miäthda tuöc miēthakua cie kuat Itharel ciēŋ gen Antiök, ku pan Thiria ku Cilicia.

24 Acuk piŋ lön cī kac kək akuötda yic la ku rēckē wepuöth kək yekē lueel, ku keek aa kēcku ke tooc bik kākka aala lueel.

25 Kēya, yok aaci yonhüim mat ku gamku buk kac kuany ku tucku ke we. Ku aabi la kek wämäthkuan nhiarku Barnaba ku Paulo,

26 cī wēiken gam bik luui rin Jethu Kritho.

27 Wek aa tucku Judath ku Thilath, bik we lək wēl cī göt athör kēn yic aya.

28 Acī Wēi Nhialic tāau yopuōth bī ciēn lōŋ ril dēt mētku ē lōōŋ cī gāt we kā yiic.

29 Ku wek aa cīi kākā dhil loi, duōkkē ye mīth miēth yeke jakrɛc door, duōkkē riēm cam, duōkkē cuēt riŋ lān kēc teem rōl bī riēm kuēr, ku tietkē rōt bāk gup cīi la akər. Na luōikē kākā cīt ēmēn cī yok ke lēk we, ke luōidun abī piath. Yenakan.”

30 Ku toockē atuuc Antiōk. Nawēn cīk yet, ke mat kəc cī gam ēbēn nhīim ku gēm kē ke athōōr.

31 Wēn cī kek athōōr kuen ē ke mit puōth rin cī wēl cī gāt athōōr yic ke dēt puōth.

32 Judath ku Thilath, kəc ke jam nyin Nhialic aya, aaci jam apēi kek kəc cī gam bik ke dēt puōth ku ril kē puōth.

33 Tēwēn cī kek nīn nōk ke ke lony wāmāthakua dhōl bik dhuk ke puōl gup tēnē kəc ke toc ke. [

34 Ku Thilath acie nom bēn waar ku dōŋ.]

35 Paulo ku Barnaba aake cī pēi nōk Antiōk, ke piōōc wēt Bēny kek kəc juēc kōk tēnē kəc Antiōk.

Paulo ku Barnaba aaci puōk

36 Nawēn cīk pēi nōk Antiōk, ke Paulo yōōk Barnaba, “Dhukku ciēn gēeth wār yiic cī yok Wēt Puōth Yam piōōc thīn, buk wāmāthakua la neem, ku buk tiŋ lōn le kek tuēŋ apath kek gamden.”

37 Ku ē wīc Barnaba bī Joon Marko cath ke ke,

38 ku akēc Paulo tak lōn puōth yen bī cath ke ke rin aci bēn dhuk Pampilia, ku cīi rēēr ke ke bik luōiden thāāp kedhie.

39 Wēt kēnē acīk tēer apēi nawēn ke puōk. Ku jiēl Barnaba kek Joon Marko ku geerkē Thaipruth.

40 Ku cōl Paulo Thilath bī cath kek ye, ku pēl miēthakēn ke dhōl bī Nhialic ke cōl aa cath ke puōl gup.

41 Ku jōlkē la Thiria ku Cilicia kek Thilath, ke deet kəc cī gam puōth bik gamden muk apath.

16

Timothī aci cath kek Paulo ku Thilath

1 Paulo aci cath bī la Derbe ku Lithtra tē ciēŋ Krīthian cōl Timothī thīn. Man Timothī

ēcī gam aya, ku yeen ē ye nyan kuat Itharel, ku wun ē ye Girik.

2 Kəc le yok gam tōk ēbēn Lithtra ku Ikonīa, aake ye ŋiēc jam rin Timothī.

3 Go Paulo Timothī cōl aŋot rin wīc yen ye bik cath. Ee looi kēya rin aŋic kəc Itharel ke ciēŋ Derbe ku Lithtra ēbēn lōn ye wun Timothī Girik, kuat cie ŋoot.

4 Tēwēn ye kek jāl gen ku lek gen, aake lōōŋ cī atuuc Jethu ku kōcdīt tō Jeruthalem guiir tēt kəc cī gam, ku lēkkē ke bik aa luui cīt tē wīc atuuc Jethu ku kōcdīt tō Jeruthalem ye thīn.

5 Kēya, kəc akut kəc cī gam aaci cōk puōth bik gamden cīi war, ku kəc cī gam aaci rōt aa juak akōlakōl.

Paulo ku Thilath aaci la Troath

6 Paulo ku Thilath aaci Prigia ku Galatia bar yic, rin cī Wēi Nhialic ye nyuōth ke bik Wēt Puōth Yam cīi piōōc ē bēxi Athia kā yiic.

7 Tēwēn cī kek aken Mithia dōōt, ke wīckē bik la pan cōl Bithinia, ku keek aaci Wēi Nhialic nyuāāth bik cīi tēk thīn.

8 Gokē Mithia bar yic ku lek Troath.

9 Ku ē wēēr kēnē Paulo aci kēdāŋ tiŋ kēcīt raan Mathedonia ke kāac yenhom ku lēŋ. “Bāār yīn Paulo Mathedonia ba yo bēn kony.”

10 Wēn cī Paulo nyuōth ē kēnē, goku rōt guiir buk la Mathedonia, rin acuk ŋic lōn cī Nhialic yo cōl buk Wēt Puōth Yam la piōōc tēnē kəc Mathedonia.

Paulo ku Thilath aaci la Pilipi

11 Goku jāl Troath ē riāi ku gērku buk teem Thamodhraki, naŋon nhiāk dēt yo la Nipolith.

12 Ku jiēlku Nipolith ku lok Pilipi gen tuēŋ ye kaŋ thiōk tē le kəc Mathedonia, ku yen ē ye gen rēēr kəc Roma thīn. Ku nākku nīn juēc geeu.

13 Nawēn akōl cīi kəc Itharel ē luui ke yo jiēl geeu, ku lok wāryōu tē yeku tak lōn ye kəc Itharel kenhīim mat thīn bik rōōk. Ku nyuucku piiny ku jīēmku tēnē diāār ke cī kenhīim mat thīn aya.

14 Kam kəc cī wēlkua piŋ ē kəc ke tō thīn yiic, ee tiŋ gen Thiatira cōl Lidia, ku ē ye yōac wei alēth mīthiōōŋ ril yōnyden yic apēi.

Lidia ë ye Nhialic door, ku ëci Nhialic cök puöu bi wët lueel Paulo piñ.

15 Wën ci ye gam lökwëi kek kác ciëñ baai kek ye, ke cöl yo ku lëk yo, “Bäk, rëërkë paandië, tã ci wek ye gam lön ci yen gam ayic.” Ku lëñ yo buk la baai.

Paulo ku Thilath aaci mac Pilipi

16 Naçon akäl tök, tãwën le yok tã ye kác la röök thïn, ke yo rãm kek nyan alony la guöp jöñ ye cöl alëk kác kã bi rot looi. Ku yeen ëci wëu juëc apëi bëi tënë kacken ci ye loony.

17 Nawën ke buöth Paulo ku yo ëbën ke loi duöat, “Käckä aa lui rin Nhialic Madhöl. Aa yïn lëk tã bi Nhialic yi kuöny thïn.”

18 Ku looi këya nïn juëc, agut bi Paulo puöu riääk, ku wel yenhom ku lëk jöñ tö nya guöp, “Rin Jethu Kritho bäär bei ë nya guöp!” Ee kaam wën, ke jöñrac jiël yeguöp.

19 Nawën le kác ci yeen loony tiñ, ke nyan alony cïn wëu ye bën bëi tënë ke, gokë Paulo döm ku Thilath ku thelkë ke luk yic.

20 Ku yëthkë ke bány nhüim ku luelkë, “Röörkä aa kác Itharel, ku keek aa loi aliääp genda.

21 Aa yook piöcc buk käk liu ciëñda ku löñkua yiic, aa looi. Yok aa kuat Roma. Këya, yok aaci dhil luui käk yekë lëk yo buk ke looi.”

22 Ku met thän awën kääc luk köu wëden yic ku biëkkë ke, ku ret bány alëth Paulo ku Thilath yiic keköth, ku cölkë ke aa that.

23 Wën ci apuruuk Paulo ku Thilath that ku biëkkë ke apëi, ku riitkë ke yön mëc, ku yöök bëny apuruuk ë tüt kác ci mac, bi ke der rin bi kek cii kat.

24 Nawën piñ apuruuk ë wët kënë, ke riitkë yön tö ciëñ ku rekkë kecök, ku meckë ke gurgurdit thiek köu.

25 Nawën tãcit wëer ciël yic, ke Paulo ku Thilath aake röök ku ketkë waak door kek Nhialic, ku kác kök ke ci mac kek keek aake piñ.

26 Kaam awën ke piny yiëk rot apëi, ku yiëk tãwën ci yön mëc buth thïn aya. Nyin yic tãwën ke yööt nany kethook, ku däk luöñ werwer kecök.

27 Go bëny apuruuk wën tit yöt thok rot puur ku tiñ yööt ke nany thook, ku tek lön ci kác ci mac röt kual, go palde miëet bei, ku wic bi rot näk.

28 Go Paulo rël apëi, “Duk rot näk! Yok aatö tën ëbën!”

29 Go bëny apuruuk mac cöl, ku riñ yöt ku wiik Paulo ku Thilath cök ke lëth.

30 Nawën ke wët nhüim ayeer ku thiëc ke, “Wek bány, yenjö ba looi bi ya kony?”

31 Gokë lueel, “Gam wët Bëny Jethu, ke yïn akony wek kacku.”

32 Nawën ke jöl wët Bëny Jethu piöcc tënë ye ku tënë kác kök tö paande ëbën.

33 Ku ë wëer kënë, ke Paulo ku Thilath nyëi bëny apuruuk wën ke bi tëtöckken la lök yiic ku dër keyiic, ku muoc nhom nyin yic kek kacke ëbën.

34 Ku yëth Paulo ku Thilath paande ku gëm ke miëth. Ku jöl puöu miët kek kacke rin ci yen wët Nhialic jal gam.

35 Naçon nhiäk ke bány geeu toc bány apuruuk, “Lak, lëkkë bëny apuruuk tit yön mëc bi Paulo ku Thilath lony.”

36 Go bëny apuruuk tit lëk Paulo, “Bány aaci wët tooc rienkun bi we lony. Këya, wek aaci puöl bäk jäl ke cïn awuöc yik we.”

37 Go Paulo lueel tënë bëny apuruuk, “Yok aa këc yäth luk yic, ku yok aaci bány cöl athat thëi nhom ku mac yo, ku yok aa kác Roma! Ku ëmën, awickë buk jäl yo cii njic? Acie tãde! Kek bány nhüim, aa dhil bën tën bik yo bën luöny bei.”

38 Go bány apuruuk wët ci Paulo ku Thilath lëk ke la kuany yic tënë bány geeu. Nawën piñkë lön ye Paulo ku Thilath kác Roma, gokë riöcc.

39 Ku lek bik ke la löñ, bik wët päl piny tënë ke, ku biikë ke bei yön mëc ku lëkkë ke bik jäl geeu.

40 Go Paulo ku Thilath jäl ku lek pan Lidia. Ku matkë kenhiim thïn kek kác ci gam, ku jiemkë tënë ke wël deet kek kepuöth ku jiëlkë.

17

Kác Thethalonika aaci wët Paulo maan

1 Paulo ku Thilath aaci tëek gëeth karou yiic, gen Ampipoli ku Apolonia, ku jölkë bën Thethalonika tã rëer tën ye kác Itharel kenhiim mat thïn bik röök.

2 Go Paulo, cimënden thëer, la tã ye kác Itharel kenhiim mat thïn, ku akööl yiic kadiäk, akööl cii kác Itharel ye luui, ke

Paulo jəl kək cī gət athör theer wël Nhialic yic aa t̄er kek kəc.

³ Ku nyuth ke kē cī gət athör theer wël Nhialic yic, ee lən bī Jethu Kritho raan cī Nhialic tooc abī dhiel gum, ku jət rot thou yic. Ku lueel Paulo ëlä, “Jethu jiem yen rienke tēnē we emēn, yen acī Nhialic ləc ku dəc.”

⁴ Go kəc kək kək cī Paulo lueel yök ke ye yith, ku mētkē röt Paulo ku Thilath, ku yen lan kəc juēc Girik Nhialic door aya, ku diäär kək kəcđit.

⁵ Ku kəc Itharel aake cī tiēl dəm rin cī kəc juēc wēt Paulo gam, ku kuutkē kəc aliääp dhäl yiic, ku matkē keyiic ku loikē duəət, ku mēkkē pan Jathon ku wickē Paulo ku Thilath yōöt yiic bik ke bēēi ayeer tēnē kəc.

⁶ Nawēn cik ke yök, gokē Jathon ku kəc kək cī gam thēl tēnē kəcđit geeu ke loi duəət ëlä, “Röörkă aacä liääp looi gēeth juēc yiic, ku emēn aacī bēn gēnda.

⁷ Ku aacī Jathon nyuöc paande. Keek aacī lööŋ bēnyaknhom Roma dhäl yiic, ku luelkē ka la bēnyaknhom dēt yam cəl Jethu.”

⁸ Ku wēlken kă, aacī thändit gēu ku bāny liääp nhīm.

⁹ Ku jəl bāny Jathon ku wämāth kək awēn cəl aa t̄ēu wēēu piny bik röt waar, ku pälkē ke bik jəl.

Paulo ku Thilath aacī la Beria

¹⁰ Tēwēn cī piny cuəl, ke kəc cī gam cəl Paulo ku Thilath aa la Beria. Nawēn cik yet, ke la tē ye kəc Itharel mat thīn.

¹¹ Aye kəc Itharel tō Beria nhiaar bik wēt Paulo piŋ tēnē kəc Thethalonika. Ku aake wël Nhialic kueen akōlaköl, bik tiŋ lən ye kək ye Paulo lueel yith.

¹² Kəc juēc aacī wēt Jethu ye Paulo lək kəc bēn gam. Ku diäär juēc kəcđit Girik, ku röör juēc Girik aacī wēt ye Paulo lueel bēn gam aya.

¹³ Nawēn le kəc Itharel tō Thethalonika piŋ lən cī Paulo wēt Nhialic la piöc Beria aya, gokē bēn ku kuutkē kəc thook bik aliääp looi.

¹⁴ Tēwēn nyin yic, ke kəc cī gam cəl Paulo ajiel kek kəc kək bik la wath thok, ku dōŋ Thilath ku Timothī Beria.

¹⁵ Ku kəc awēn ruēc Paulo aacī bēn ger kek ye, bik yet Athen. Ku dhukkē Beria kek athōn Paulo tēnē Thilath ku Timothī, bik röt lac māt ye.

Paulo acī la Athen

¹⁶ Tēwēn tiit Paulo Thilath ku Timothī Athen, ee kēc puöu la yum wēn tiŋ yen gēu ke cī thiäŋ yīk ye kek jakken door thīn.

¹⁷ Go jəl a teer kek kəc Itharel, ku kəc wuöt kək Nhialic door tē ye kəc Itharel mat thīn kek thān dēt guēer tē ye kəc kenhīm mat thīn geeu, bik wēlkă bēn piŋ.

¹⁸ Go kəc kək piöc Epikuria ku Ithtək jam kek ye aya. Ku lueel kəc kək, “Yenö wic raan kēnē kēc piöc, bī lueel?” Ku ben kəc kək lueel, “Yen ē ciēt jam rin jak kucku.” Ee luelkē këya rin Paulo ē piöc rin Jethu, ku lən ye kəc röt jət thou yic.*

¹⁹ Gokē Paulo cəl amat yic, amat ē rəm gən cəl Ariöpakuth nhom ku luelkē, “Awicku buk piöcdun yam ye lueel kēnē ŋic.

²⁰ Kək yeku piŋ ke ye lueel, aacī thōŋ kek kək cuk kaŋ piŋ, ku awicku buk wēt den yic, ŋic.”

²¹ (Rin anhiēer kəc ke dhiēth Athen, ku thāi kək la rēer thīn, bik kəc aa lək wël yam cik piŋ, ku piŋkē kək yam tēnē kəc kək aya.)

²² Go Paulo rot jət ku kēēc amat Ariöpakuth nhom ku lueel. “Kəc Athen! Aya tiŋ kajuēc yiic lən ye wek jak juēc theek.

²³ Rin tē ciēth yen gēndun yic, ku daai kakkun yakē door, yen ē yik yök aya ke cī gət nhom kēlä, “Tēnē Nhialic kuc.” Yen kē yakē door kēnē, yen ē kēnē ya lək we, ku acäk ye ŋic.

²⁴ Nhialic cī piny cak ku kək tō thīn ebēn, yen ē Bēny nhial ku piny. Ku acie ceŋ luək cī buth yiic bī ye aa door thīn.

²⁵ Ku yeen aya, acie wic kək bī luōi ye, rin ē yen atō piir yecin, ku ē yen kēriēc ebēn wic raan, gām raan.

²⁶ Nhialic acī raan tōk kaŋ cak tuēŋ, ku raan tōŋ kēnē yen abīi thāi bei thīn ebēn, ku jəl ke aa thiēi pinynhom ebēn bī kek ceŋ thīn. Ku tuēŋ kēc yen ke cak, ēcī guiir, ye nēn, ku ye tēnēn bī kek ciēŋ thīn.

²⁷ Acī cak rin bī kek ye wic bik ŋic, tēdē abik yök tē wic kek ye. Ku ē yic Nhialic acī mec kek yo.

* **17:18** Aa kəc akut ē kēŋ lueel pan Girik. **17:25** 1Bŋ 8:27; Ith 42:5; Luai 7:48

²⁸ Cïmën cï raan dët ye lueel ëlä thæεr, ‘Yen acəl yo aa pïür, ku ciëŋku cïmën kënë!’ Ku acï kockun wak lueel aya ëlä, ‘Yok aa miëthke aya.’

²⁹ “Cïmën ye yok mïth Nhialic, acuk dhil tak lön Nhialic acit milän, ayï ael cï atët guan bï thöŋ Nhialic.

³⁰ Akëc Nhialic kuëc nom, bï kəc tëm awuöc wäär këc ye ŋic, ku ëmën ë kəc lëk pinynhom ëbën, bik käreç yekë looi puöl.

³¹ Rin acï guiir bï la aköl töŋ bï raan cï ləc luk looi tënë kuat raan ëbën pinynhom. Ku yen acï nyuöth raan ëbën lön bï yen kënë looi, jön cï yen raan bï luk looi jət ran yic!”

³² Tëwën piŋ kek Paulo ke jam jön rot thou yic, ke bui kəc kək, ku lueel kəc kək ëlä, “Awïcku, ba kënë ben ber yic, buk piŋ.”

³³ Go Paulo jal amat yic.

³⁴ Ku mët röör kək röt ye, ku gamkë wët cï lueel, kam ë röörkä ë ye raan kəc amat cəl Diönithiöth, ku tiŋ cəl Damarith, ku kəc kək ke cï gam aake tō thïn aya.

18

Paulo acï la Korinth

¹ Wën cï Paulo jam amat yic, ke jiël Athen ku ler Korinth.

² Ku rëm thïn kek mony Itharel cəl Akuila, dhiëth Pontuth, ke puçc bën Italia kek Prithkila tiëŋde, rin cï Klaudiöth, Bënyŋaknom kəc Itharel cuap wei Roma. Go Paulo la bï ke la neem.

³ Ku rëer ku luui ke ke, wën cï yen ke yok ke ye cuëc alëth dhil ye guöt piny cit duël, ku yooçkë ke cïmën yen aya.

⁴ Ku ë ye jam apeï tē ye kəc Itharel mat thïn akööl cïi kəc ye luui yiic, bï ke lëk yith, rin bï kəc Itharel ku kəc Girik wët Nhialic gam aya.

⁵ Nawën la Thilath ku Timothï bën Mathedonia, ke Paulo päl kəkken ke ye looi ku yik yenhom piöoc wët Jethu, ku tët kəc Itharel lön Jethu yen aluan bï Nhialic tuöc pinynhom.

⁶ Nawën ke jönykë ku luelkë käreç riënke, go yecök teŋ ku lëk ke, “Na cäk määär bäk Nhialic kuc, ka wek aabi röt gök ë röt! Acïn raan bäk gök. Ëmën wek aba puöl ku la wët Jethu piöc tënë kəc cie kəc Itharel.”

⁷ Goke jal nyään piny, ku ler pan raan cie raan Itharel Nhialic door cəl Titiöth Juthtuth bï la rëer thïn. Ku pan Titiöth ë thiääk kek tën amat kəc Itharel.

⁸ Raandit tën amat cəl Krithputh ëcï wët Nhialic gam, yeen ku kacke ëbën ku kəc kək Korinth aake cï wët Jethu piŋ ku gamkë, ku muç Paulo kenhïim.

⁹ Nayon wëer tök, ke Paulo tiŋ kädän këcit nyuöth, ku lëk Nhialic ye ëlä, “Duk riöc ë kockä, lör tuëŋ yï jam tënë ke, ku duk dhör kë loi yic,

¹⁰ rin yën arëer kek yï. Acïn raan bï ye lëu bï yiek tëtök, rin kəc juëc rëer ë tën aa kackë.”

¹¹ Go Paulo rëer geeu ruöön tök ku abak, ke piöoc kəc wët bö tënë Nhialic.

¹² Nawën cï Galio bënyŋaknom Roma, jal looi bï ya bënydit pan Girik, ke kəc Itharel mat keyiic ku dämkkë Paulo ku yëthkë luk yic tënë Galio.

¹³ Ku luelkë tënë ye, “Mony kënë, awic kəc bik Nhialic aa door dhöl cïi thääny kek löŋda.”

¹⁴ Tëwën wïc Paulo ye bï jam, ke luel Galio tënë kəc Itharel ëlä, “Na ye awuöc yen cï looi, ŋuöt yën acä yic päl piny ku piëŋ wëtdun.

¹⁵ Ku ëmën nëk ater we ë path wët rin ku wël ku löŋkun, wek aa dhil këdun lueel wepëc. Yën acie bëny kək cit kakkä.”

¹⁶ Ku cəl ke aa nyëei luk yic.

¹⁷ Gokë Thotheneth, raandit tën amat däm ku biëkkë luk yic. Ku kënë akëc Galio kuëc nom.

Paulo acï dhuk Antiök

¹⁸ Paulo ëcï nïn juëc nök Korinth kek kəc cï gam, nawën ë ke tööŋ ke, ku ler riäi yic kek Prithkila ku Akuila, riän la Thiria. Ku wën këc kek guo la wïr bik ger, ee cï kuëŋ Kankëria tënë Nhialic, ku cəl rot amut nom.

¹⁹ Nawën ë ke yet Epethuth, tē cï Paulo Prithkila ku Akuila bën nyään thïn. Ku ler tën amat kəc Itharel, ku jïëem apeï ke ke.

²⁰ Ku pëen kəc amat bï lök rëer kek ke, go cïi gam.

²¹ Ku lëk ke ëlä wën jiël yen, “Na ye yen kë wïc Nhialic, ke yën abi dhuk tënë we.” Ku ler riäi yic ku jïëkkë Epethuth.

²² Wën le yen yëet Cetharia, ke la Jeruthalem ku muöth akut kəc cı gam, ku jəl la Antiök.

²³ Nawën cı nın nök Antiök ke jiël ku ler wuöt Galatia ku Prigia ku deet kəc cı gam thın ebën puöth.

Apolo ë kəc Epethuth ku Korinth piöc

²⁴ Go raan Itharel cəl Apolo, dhiëth Alekdhändria pan Ijip, bën Epethuth. Yen ë njic wël theer cı göt athör theer wël Nhialic yic, ku ë njic jam apai.

²⁵ Ku eci piöc dhël Bëny ku nhiëer ke ku jiëem ku piöc kəc yith rin Jethu. Ku kakkä aake pëk thook miöc nom wäär ye Joon looi.

²⁶ Ee ye këriëc ebën njic teet yiic apath tën amat ke cı riöc. Tëwën piñ Prithkila ku Akuila wëlkä, gokë yäth panden ku tëtke dhöl cı Nhialic nyooth tënë kəc.

²⁷ Ku jəl Apolo tak bi la pan Girik, go kəc cı gam Epethuth kony ku gëtkë athöör tënë kəc cı gam tö pan Girik, ku lëkkë ke bik njic lor apath tē yeet yen. Ku yeen aci bën aa raan cı kəc cı Nhialic kuony dhëende bik gam, bën kony apai wën yeet yen.

²⁸ Rin wëlken ril cı lueel aaci yen kəc Itharel thöl nhüim amat yic, ku nyuth ke yith wël theer Nhialic cı göt yiic lön Jethu yen ë raan cı ləc ku dəc.

19

Paulo aci la Epethuth

¹ Tëwën rëer Apolo Korinth, ke Paulo jəl cath bi wuöt kuany yiic ku yeet Epethuth. Tëën, aci kəc kək abiöth yök thın

² ku thiëc ke, “Cı Wëi Nhialic lööny wegup wën cı wek gam?” Gokë dhuşk ye, “Akëcku cak piñ lön tö Wëi Nhialic thın.”

³ Go Paulo ke thiëc, “Na ye këya, ye miöc nom njö cak yök?” Gokë bëer, “Ee miöc nom ye Joon gam kəc.”

⁴ Go Paulo lëk ke, “Miöc ye Joon kəc muöc nhüim aye looi tënë kəc cı kepuöth wël wei käreç yiic. Ku lëk kəc Itharel wek aa dhil Jethu raan bi lök bën yacök gam.”

⁵ Wën piñ kek ë wët këne, ke muöc nhüim bik jäl aa kəc buöth Jethu.

⁶ Ku tëu Paulo yecin kenhüim, ku bö Wëi Nhialic kegup, ku jiëmkë thok kək, ku jölkë wët cı bën tënë Nhialic aa luëel.

⁷ Ku röör aake cit thiäär ku rou ebën.

⁸ Ku tën pëi kadiäk, Paulo ë ye la tē ye kəc Itharel mat thın, ku jiëem ke ke apai lön ye wët ye lueel rin bäany Nhialic yic.

⁹ Go kəc kək nhüim riel keyiic ku cik gëm, ku luelkë käreç apai kəc nhüim rin dhël pir cı Bëny nyooth. Go Paulo ke nyään piñ ku jiël kek kəc cı gam, ku jölkë wët aa jaam yic akölaköl, yöndit ye mony cəl Tiranuth jam thın tënë kəc juëc.

¹⁰ Ku la Paulo tuen run karou ke loi këne, abi kəc ke rëer wun Athia, kəc Itharel ku kəc cie kəc Itharel, wët Bëny piñ.

Aye wëet Ithkiba them bik jakreç cuap wei

¹¹ Nhialic eci Paulo cəl aloi kək kəc göi këc röt kan looi.

¹² Alanh yen tuc wuony, ku alanh ye ceñ tën luoi, aake ye yäth tënë kəc tuany. Ku tē cı ke yäth, aa tuaany cəl ajiël ku jiël jakreç kegup aya.

¹³ Eci kəc kək Itharel këc gam baai kuany yic ke ye jakreç cuap wei kəc gup, aa them aya bik rin Bëny Jethu aa lueel, ku yekë jam tënë jakreç ëlä, “Yin ayöök rin Jethu, ye Paulo jam rienke.”

¹⁴ Wëet raandit kək Nhialic cəl Ithkiba kadhorou kek aake ye këne looi.

¹⁵ Go jönrac lueel tënë ke, “Yen anjic Jethu, ku yen aci wët Paulo piñ ku week yakë tak ye wek yi ña?”

¹⁶ Go raan tö jönrac yeguöp thuëet kegup ku yik ke tëtök, ku ret aläthken yiic keköth. Nawën ke kat paande kecın köth alëth, ke kuër gup aya.

¹⁷ Kəc Itharel ebën ku kəc cie kəc Itharel ke ciëñ Epethuth, aake cı kë cı raan la guöp jönrac looi piñ, gokë riöc apai, ku jəl rin Bëny Jethu aa leec apai.

¹⁸ Go kəc juëc cı gam bën ku lekkë kækken rëc cik looi kəc nhüim.

¹⁹ Go acör juëc luui ë kakkä athörken bëei ku cuänykë ke ke dëi raan ebën. Ku matkë wëu ke yacök athör yiic gokë aa wëu juëc apai.

20 Käjuéc ril cī röt looikā aaci kác cök puəth apēi, ku jəl wēt Bēny la tuen̄ ke thiēi piny, ku gēm kác juéc.

Kác Epethuth aacā aliäap looi

21 Wēn cī kākā röt looi, ke bō Paulo pušu bī la Jeruthalem ke tēk Mathedonia ku Gīrik, ku lueel, “Tē cī ɣen la ē bēēikā yiic ke ɣen abī dhiel la Roma aya.”

22 Go Timothī ku Eratuth kacken ye kony tuəc Mathedonia, ku lōk rēēr Athia.

23 Tēwēn rēēr yen Athia yen ēcī aliāmdit rot looi Epethuth rin dhēl pūr cī Bēny nyooth.

24 Mony thōth milōōj cəl Demetriōth ē tō thīn. Ku yeen ē ye kāj thōōth milāj kēcīt luək kor ye ke jōj tik cəl Artemith door thīn. Ku kacken luoi aake wēū juéc yōk ē luoiden kēnē yic.

25 Go kacken luoi cəl ēbēn, ku cəl kác kōk milōōj thōōth kēcīt luək Artemith cīmēnden aya, ku lēk ke, “Week, aɲieckē lōn ye ɣok wēūkuan pūr ɣok yōk ē luoi kēnē yic.

26 Ayakē piŋ ku tiējkē yen kē looi raan cəl Paulo. Aye lueel lōn kāk ye thōōth aacie Nhialic acīn, ku yeen acī kác juéc wel nhīm Epethuth ē tēn, ku jəl a Athia ēbēn.

27 Kērac abī rot looi rin kác aacī bī njiec aa jam ē luoidan kēnē. Ku acie kēya rot, acīn kác bī ye bēn aa tak lōn ye luan̄ jōndan cəl Artemith kē thiek yic. Ku acīn kác bī jōndan cəl Artemith bēn aa theek, jōndan ye raan ēbēn Athia ku pinynhom, door!”

28 Wēn piŋ thān awēn cī kenhīm mat kē cī Demetriōth lueel, ke tuuc kegup ku riēēkkē puəth apēi, ku loikē wuəu ku yekē lueel ēlā, “Artemith Epethuth adit apēi alanden!”

29 Ku jəl kác juéc ɣeu yic ēbēn, duəc looi. Ku dām thān awēn Gaiōth ku Arithtarkuth, kác pan Mathedonia ke cath kek Paulo, ku riin̄kē ke tē ye kác ɣeu kenhīm mat thīn.

30 Go Paulo wic bī la jam kek kác wēn cī kenhīm mat. Go kác cī gam pēen bī cī la.

31 Ku kác kōk njiec kek ye kacdīt ɣeu yiic aake cī wēt tooc aya bīk lēk, bī cī bō bī bēn jam kác nhīm.

32 Tēwēn kác ke cī bēn amat yic aake loi duəc. Ku ye kác kōk jam wēl cī thōj kek wēl kác kōk, rin kác juéc keyiic aake cək kēnē met kác kenhīm kuc.

33 Go kác kōk tak lōn ē yen Alekdhändēr yen cī kēnē looi, rin cī kác Itharel ye cəl ala kác nhīm tuen̄. Go Alekdhändēr yecin jōt bī kác cəl abit, ku bī tēt ke lōn cī kek cök tō ē wēt kēnē yic.

34 Nawēn lek Alekdhändēr njic lōn ē yen raan Itharel, ē ke ɲot ke loi duəc ku ɲuət yekē kiit yic, “Artemith Epethuth aril apēi alanden.”

35 Nawēn ke jəl raandit bēny ɣeu lēu bī kác duəm thook piny ku lueel, “Kác Epethuth aɲic raan ēbēn, lōn yen gen Epethuth yen ala riel bī luan̄ Artemith tiit, ku jəl a kuər yath cī löny nhial.

36 Acīn raan dhāl ē kākā. Kēya, pälkē röt piny, ku duōkkē lui luoi mīth.

37 Wek aaci rōrkā bēi ē tēn, cək alōn cīn yen kē yaath cī nyaai luek, ku lōn cīn yen kārēc cik lueel jaŋda ɣuəp aya.

38 Na la Dimitriōth kek kacken luoi raan yekē gaany, ka akōol ye kác luk aatō thīn ku bāny aa rēēr thīn, alēukē bīk raan wickē la gaany akölē.

39 Ku na le kēdēt ɲuət wiēckē, ka bī luk amatdīt yic.

40 Rin alēu bāny Roma kuan mac ɣo bīk lueel lōn cī ɣok aliäap looi rin kē cī rot looi akölē, rin acīn raan lēu ye bī lueel, lōn ala wēt puəth looi aliäap, ku acīn wēt yic lēuku buk lueel aya rin aliām kēnē.”

41 Wēn cī yen wēt kēnē lueel, ke dāk amat nhom.

20

Paulo acī la keny Mathedonia ku pan Gīrik

1 Tēwēn cī kác ke wic Paulo bīk nōk röt päl piny, go Paulo kác cī gam cəl ku mēt ke ke, ku lēk ke wēl deet yen kepuəth ku jəl ke tōōj, ku jiēl bī la Mathedonia.

2 Ku jəl cath wušt juéc yiic ku lēk kác cī gam wēl juéc deet yen kepuəth bēi cī ke tēk yiic. Ku jəl la wun Gīrik.

3 Ku rēēr thīn pēi kadiäk. Tēwēn guiir yen rot bī la Thiria, go njic lōn cī kác Itharel ye thiēn dhēl yic bīk nōk. Go tak ku dhuk ciēn bī la tēk Mathedonia bī jāl la Thiria.

4 Kác cī yen bēn ruac aayī Thopater, wēn Piruth, raan pan Beria, ku Arithtarkuth, ku Thekunduth kác Thethalonika, ku Gaiōth,

raan Derbe, ku Tikikuth ku Tropimuth, kəc wun Athia, ku jəl aa Timothī.

⁵ Keek aaci la tueŋ ku lek ɣa tiit ɣok kəc kək ke cath kek ɣa Troath.

⁶ Ku ɣok aaci cath riäi jəl Pilipi ke ɣo cī Yan Ayum cin yic luəu kaŋ cam. Nawən nīn kadhiēc cök, goku ke jal la dööt Troath, ku ē yen tē cī ɣok nīn kadhorou bēn nək thīn.

Paulo aci dhuk Troath

⁷ Naɣon thēēi aköl nin dātem, ke ɣok aa ɣo cī ɣonhūim kut ku buk ayup bany yic ku camku ɣok kəc cī gam. Ku jəl Paulo jam, ku le tueŋ ke jiēm kəc nhūim ɣet wēer ciel yic, rin ē bī jəl ɣon nhiäk.

⁸ Ku mēc juēc aake dēp ɣon nhial tēwən mēt ɣok thīn.

⁹ Ku mony riēnythii cəl Eyutikuth ēcī nyuc aluūt nyin. Nawən cī jam Paulo kəu bər apei, go nīn nək abī nin, ku lööny piny aluūt nyin aɣeer. Ku ɣöt ēcī buth ke cöoc nom arak diäk. Nawən lek jət ke yökkē ke cī thou.

¹⁰ Go Paulo bēn ku cuet rot yekəu ku pəet yic. Ku lək kəc, “Duökkē riēc, aŋot pūr!”

¹¹ Ku dhuk nhial, ku le röök ku banykē ayup ku camkē. Nawən cī jam ke ke apei agut bī piny bak, ke jiəl.

¹² Ku ɣəthkē riēnythii wən baai ke pūr, ke cī puəth miət apei.

Paulo aci jəl Troath ku ler Miletuth

¹³ ɣok aaci la tueŋ buk la riäi yic, ku ger ɣo buk la Athoth tēn yen bī Paulo la mət riäi yic thīn. Ku ēcī lək ɣo ku buk looi kəya, rin ē wic bī la Athoth yecök.

¹⁴ Nawən le rəm ke ɣo Athoth, go cath kek ɣo riäi ku lokku Mitilene.

¹⁵ Ku tēmku ē riäi ku ɣeetku Kayoth ɣon nhiäk dēt. Na aköl dēēt ke ɣo la Thamoth, nawən ben bak goku ɣet Miletuth.

¹⁶ Ku ēcī Paulo tak ku bī Epethuth waan thok, rin cī yen ye wic bī gāau wun Athia. Ku ē ban yekəu rin ē wic bī them apei bī ɣet Jeruthalem aköl looi Yan Ayum cin yic luəu.

Paulo aci kəcdit Epethuth tōöŋ

¹⁷ Tēwən cī Paulo ɣet Miletuth go thok tuəc tēnē kəc Epethuth, ku bī kəcdit kek bāny kəc cī gam rəm kek ye.

¹⁸ Tēwən cī kek ɣēēt go lək ke, “Wek aa ŋic luəidiē, ku tē cī ɣen cien thīn kek we aköl tōöŋ ɣon ɣēēt ɣen wun Athia.

¹⁹ ɣen akēc rot looi ke ɣa ye raan nhiam. Ku ɣen ɣa loi luəi ɣa ya aluaŋ Nhialic. Ku ɣen ɣa ye rēer ke ɣa dhiau puəu wēt pīr ril yic ye kəc Itharel ye wic bīk ɣen nək.

²⁰ ɣen acin kē ca muəny we, kēn yen bī we kony tēwäär ye ɣen kəc lək, ku ya kəc piöc wēt Nhialic agut bāaikun yiic.

²¹ Kəc Itharel ku kəc cie kəc Itharel, aa ca ke aa lək alanden ku bīk kepuəth dhuök ciēn ku gamkē wēt Bānyda Jethu.

²² Ku emēn, rin theek ɣen wēt cī Wēi Nhialic lək ɣa, ke ɣen adhuk Jeruthalem, ku akuöc yenjö bī rot la looi tēnē ɣa tətui.

²³ Kēn yen ŋiec ē kē cī Wēi Nhialic thōn ɣen ɣeeth ca tēek yiic ē lən bī ɣa mac, ku kārəc bī luəi ɣa ɣeeth yiic ebēn aatit ɣa.

²⁴ Ku piərdiē acā ye kuēc nom lən ye yen kēpath tēnē ɣen, ku ē rin wic ɣen ye ku ba luəi yen cī Bēny Jethu yiək ɣa ba thöl, yen lən bī ɣen ye aa lək kəc, yen thon path tēnhieer Nhialic kəc thīn.

²⁵ “ɣen aci cath kamkun, ke ɣa jam wēt bāany Nhialic. Ku aŋiec emēn lən cin yen raan dēt kamkun bā ben tīŋ.

²⁶ Kēn yen alək we ku bāk muk wenhūim akölē, tē le yen raan bī dhəl ca nyooth lək puəl bī mār, ka cīi ɣen bī gök.

²⁷ Rin acin kēdēt ca moony kēc lək we ye kē wic Nhialic ebēn ku bī looi.

²⁸ Tietkē röt apath ku tietkē kəc cī Wēi Nhialic we looi bāk aa kəc məc ke. Calkē röt aaye abiök kəc cī wēt Nhialic gam, kəc cī looi bīk aa kacke thon Wēnde.

²⁹ Aŋiec na la jəl ke kəc ater Nhialic, cīt gal cī wāth aabi bēn kamkun, ku keek acin raan tək kam kəc cī gam bīk puəl.

³⁰ Nīnkui bī bēn kəc kək akuötdun yic aabi lueth aa lueel na lēukē ka wēŋ kəc cī gam.

³¹ Tietkē wenhūim, ku duökkē nhūim mār, aŋiec wek aca piöc pīu nyin aköl ku wēer tēn run kadiäk.

³² “Ku emēn wek aca päl Nhialic bī we tiit dhēēnden nhieer yen we. Yen ala riəl bī we döc bāk kəpath yök, kəpuəth kek ye yiək kacken cī ləc.

³³ Acin kəpuəth raan dēt cimēn luŋ thith, ku milāj təc, ku alēth ca tuöör nyin.

³⁴ Anjæckë wepæc lön ke lusai ca looi, cï yæn ke wëu juëc yök thïn aa kek cï yæn kækkië ku kæk kœc rëer kek yæn yœc.

³⁵ Aca nyuæth we kajuëc yiic ëbën, lön nadë raan luui apæi yen ë kœc niœp kony, ku wël cï Bëny Jethu lueel aake muæk yanhom yæn cï yen ye lueel ëlä, ‘Raan kœc muœc ë yen puœu miæt apæi tën lön bi raan dët ye muœc!’ ”

³⁶ Tëwën cï Paulo thök jam, gokë kenhial guæt piny ku röökkë Nhialic.

³⁷ Keek aaci dhiau tëwën ye kek Paulo paat yic, ku yekë ciem ke tœnkë.

³⁸ Keek aake ræc puæth wët cï yen ye lueel ëlä, wek aaci ya bi bën tïj. Ku jœlkë ruac riäi yic.

21

Paulo aci la Jeruthalem

¹ Yök aaci kœc cï gam ke bö Epethuth tœnj ku jiëlku. Tëwën cï yök wär teem riäi, goku yet tæ cöl Koth. Nayæn aköl dëëtë ke yo yet pan cöl Rodeth, ku jiëlku thïn ku lokku tæ cöl Patara.

² Ee tæen yök aaci riän la Ponicia bën yök thïn, goku keec thïn ku ger yo.

³ Yök aaci bën yet tæ ye yök Thaipruth tïj thïn, ku jœl riäi cath ke Thaipruth tœ kœj cam ke yo la Thiria. Yök aaci bën la piny riäi yic Tire, ku ë yen tën bi kæk ke tœ riäi yic la jat piny thïn.

⁴ Yök aaci kœc kœk cï gam bën yök Tire, goku rëer ke ke nin kadhorou. Keek kœc Tire aake cï Wëi Nhialic yœk ku bik Paulo læk ku bi cïi la Jeruthalem.

⁵ Na la ninkuan ke buk nœk ke ke Tire thök, goku jæl. Keek ëbën agut diäär ku miæthken aaci yo bën ruac. Nawën yeetku wath thok ke yo gut yonhiæl piny agör thok ku röökku Nhialic.

⁶ Ku tœjku ke ku lok riäi yic ku dhukkë baai.

⁷ Yök aaci ger jæl Tire agut Ptolimiath, tæ yen cï yök kœckuan cï gam bën la muœth thïn ku rëerku ke ke niæn tœk.

⁸ Na aköl dëëtë ke yo jiël ku yeetku Cetharia. Tæenë, yök aaci bën la pan Pilipo raan kœc piœc Wët Puæth Yam Nhialic, ku rëerku kek ye. Yeen ë ye raan tœj kœc kadhorou ke cï kuany Jeruthalem.

⁹ Yeen ë la nyiir kanuan kœc thiaak ku keek aake cit kœc kæk Nhialic tïj.

¹⁰ Tëwën cï yök nin nœk paande ke raan kæk Nhialic tïj cöl Agabuth bö wun Judia,

¹¹ bi yo bën tïj. Ku lööm gœm ye Paulo yeyic duut, ku duut yecök ku yecin ku lueel, kœ cï Wëi Nhialic læk ya akin, raan la gœm kënë abi kœc Itharel la der Jeruthalem cit ëmën cï yæn ye nyuæth, ku abik thôn kœc cie kœc Itharel.

¹² Tëwën piñ yök ë wët kënë, yook ku jœl aa kœc ë pan wën, goku Paulo lœj bi cïi la Jeruthalem.

¹³ Go dhuök yo ëlä, “Yenjö luæikë ëmën dhiæu wek këlä, bæk ya cöl akœc puœu? Acie lön bi yæn la der Jeruthalem yetök yen ca gam, awiëc aya ku ba la thou thïn rin Bëny Jethu.”

¹⁴ Ee këcku lëu buk dœk, goku puæl, ku jœlku lueel, “Pëlku Nhialic ku bi kœ cï tak looi.”

¹⁵ Tëwën cï yök nin ë tæen, ke yo jœl röt guiir ku jiëlku buk la Jeruthalem.

¹⁶ Kœc kœk kam abiœth Cetharia aaci yo bën ruac, ku yæthkë yo pan raan bi yök la rëer thïn cöl Menthon, raan Thaipruth, ku ë ye raan tœnj kam kœc tuenj ke kœj wët Jethu gam.

Paulo aci Jemith la tïj

¹⁷ Nawën yeetku Jeruthalem go kœc cï gam yo lor ke mit puæth.

¹⁸ Na la aköl dëëtë bën, goku la yök Paulo buk la jam kek Jemith, ku kœcdit kæk Nhialic aake tœ thïn.

¹⁹ Keek aaci Paulo jæl muœth ku jœlke kuëny yic kæk cï looi ëbën tënë kœc cie kœc Itharel riæl cï Nhialic yiæk ye.

²⁰ Nawën cik kæk cï Paulo kuany yiic piñ, gokë Nhialic leec. Ku jœlkë læk ye, “Alëu ba tïj ëmën yïn wämääthda. Kœc juëc apæidit ke ye kœc Itharel aaci gam, ku keek aa thek lœj Mothith apæidit.

²¹ Ku acik piñ lön ye yïn kœc Itharel tœ wuæt kœk yiic piœc ku bik Lœj Mothith puæl. Ku aca aa læk ke bik miæthken cïi ye nœot ku pælkë tæcit tæ ye kœc Itharel cienj thïn.

²² Abik dhiæl piñ yen lön cï yïn yëët. Yenjö buk looi ëmën?

23 Anjuëen ba kë buk lëk yī looi. Ala kəc kaŋuan ë tən cī kuëëŋ.

24 Cath ke ke, ku mät rot kəc bī kegup wuöŋny wei, bāk röt kəc ë tək ku tääu wëëuken piny, wëëu kāk kek bī kek röt kəc, ku keek aabī kenhüim muut. Këya, abik jal ŋic ëbën lən wël cī lëk ke rienu aa lueth, ku yīnhom yīn adhil ceŋ təcit tē ye löŋ Mothith ye lueel thīn.

25 Ku kəc cie kəc Itharel cī gam, aa cuk tuöc athöör buk lëk ke bik miith cī ke jakreec door cī ben ya cam, ku jəl aa riem ku län dët cī dec, ku titkë röt bik gup cī la akər.”

26 Go Paulo rot mät röör wën, naŋən nhiäk ke kəc rot ke ke. Ku jəl la luanŋ Nhialic, ku lëk kəc tē bī nin kəc thök, tən yen bī kəc jəl a looi tənë raan tək keyiic ëbën.

Paulo aci thel ayeer luanŋ Nhialic

27 Nawën cī nin kadhrou thišk ke thök, go kəc kək Itharel ke bö wun Athia Paulo tiŋ luanŋ Nhialic. Gokë kəc rac nhüim ëbën ku dəm kē Paulo.

28 Ku luelkë ke cī keröt jət, “Kəc Itharel! Kuonykë yo! Yen raan kën, ee yen piny kuany yic ke piöoc kəc ku ye lueel kəc Itharel aa kəc reec, ku ë löŋ Mothith, ku jəl a luanŋ Nhialic kënë yöŋŋ yiic. Ku ëmën aci kəc cie kəc Itharel bëëi luanŋ Nhialic aya, ku bik bën yiëk yic buööl yen tən athëek Nhialic!”

29 (Ee luelkë yen kën, wët cī kek Tropimuth raan Epethuth tiŋ ke cath kek Paulo geeu, gokë tak lən cī Paulo bën kek ye luanŋ Nhialic.)

30 Go aliäap thiëi kal yic ëbën, ku jəl kəc kat ku lek Paulo dəm, ku thelkë ayeer luanŋ Nhialic. Ku thiökkë kal thok nyin yic.

31 Tëwën wïc kek ye bik Paulo nök, ke thok ëcī tuöc tənë bëny apuruuk Roma lən nadë ke kəc ëbën Jeruthalem aa loi ariëer.

32 Go bëny apuruuk lööny dhöl nyin yic kek bëny kək apuruuk ku apuruuk, ku riŋkë tən tō yööm thīn. Nawën tiŋ thän awën wïc Paulo bik nök apuruuk, gokë puöl.

33 Go bëny apuruuk la tənë Paulo ku dəm kē, ku yöökkë apuruuk bik der cīn arëk karou. Ku jölkë thiëc, “Yenə yen monyë, ku yenö cī looi?”

34 Go kəc ke tō yööm yic wël cīi thöŋ aa lueel. Ku jəl aliäap rot looi agut bī bëny apuruuk ciën kē detkë, kē cī rot looi yic. Gokë apuruuk yöök bik Paulo kuaath tēden rëer kek thīn.

35 Nawën cīk jəl cath ku rëetkë tēthöny, ke yööm juak rot apeï, go apuruuk Paulo jət.

36 Gokë buöoth ku yekë kiu ëlä, “Bāk, dhilku nök.”

Paulo aci rot kony

37 Tëwën dööt kek tē ye apuruuk rëer thīn, go Paulo lëk bëny apuruuk, “Cī ya päl ku ba yī lëk wët diëëne?”

Go bëny apuruuk jəl thiëec, “Ye jam thonŋirik?”

38 Ku yīn, cīi ye raan Ijip wäär cī raan tim kaŋuan muk dhëŋ wat nhüim roor, ku wïc ba thör kek kəc mac baai?”

39 Go Paulo dhuk nhom, “Yen ë raan Itharel, dhiëth pan cəl Tarthuth wun Cilicia, yen ë raan gen diit ŋic. Päl ya ku ba jam tənë kəc.”

40 Ke yeen aci bëny apuruuk bën puöl ku bī kəc jääm nhüim, ku jəl Paulo keec nhial tēthöny ku nyooth yecin bī kəc biët. Nawën cīk biët, go Paulo jam tənë ke thuəŋden.

22

1 “Kockiën dīt ku wek wämäthkië ku wek wärkua, piëŋkë apath yen acīn kërëec ca looi nək ya.”

2 Nawën piŋkë ke jam thuəŋden, gokë biët, abī piny la dīl ku jəl Paulo la tuenŋ ke jam,

3 “Yen ë raan Itharel, dhiëth Tarthuth wun Cilicia, ku yen ya dīt Jeruthalem tən ku ë Gamaliel yen acä piöoc. Yen aci piöoc tē bī yen lööŋ wärkuan dīt theek thīn, cīmëndun wek kəc tō tən akölë.

4 Yen aci kəc ke buöth dhël kën yic cəl agum. Yen aci röör ku diäär cəl amac.

5 Raandit kāk Nhialic ku kəc akut luk ëbën alëukë ku bik lueel lən nadë ke yic yen kē ya lueel. Keek aacä yiëk athör ku ba ke la yiëk kockuan Itharel tō Damathkuth. Ke yen aci kəc cī gam bën la dəm ku rek kecin, ku kuëëth ke ciëen Jeruthalem rin bī ke bën tēm awuöc.”

Paulo aci tē cī yen a raan cī gam teet yic

6 “Ÿan aköl ciel yic ke ya cath, ya cï thiäk kek Damathkuth, ke kécit mac la biliny nhial ku go ya guo gööl piny.

7 Ku wiëk piny ku piëŋ röl raan ke jam ku lëk ya, ‘Thawul! Thawul! È rin nõ cöl yin ya agum?’

8 Guo thiëc, ‘Ye yin ŋa Bëny?’ Go lëk ya, ‘Ee yen Jethu raan Nadharet, è rin nõ cöl yin ya agum.’

9 Kac ke cath kek ya aake cï mac tiŋ, ku aa kéc röl jam tènè ya piŋ.

10 Guo thiëc, ‘Yenõ ba looi, Bëny?’ Ku aci Bëny bën lëk ya, ‘Jot rot ku lœr Damathkuth, ku yin abi la lëk keriëc ebën yen cï Nhialic tak ku ba looi tènè ye.’

11 Ÿen ya cï many cã bir nyin cœr, go kac ke cath kek yen ya thel ku yëthkë ya Damathkuth.

12 “Ku mony cöl Ananiath è tœ Damathkuth, ku è ye raan Nhialic door ku è thek lõŋ kac Itharel, ku yeen è thekkë apeï.

13 Yeen ëcï bën tènè ya, ku këc yalööm ku lueel, ‘Wämäath Paulo, ba pial ba bën daai!’ Nyin yic nyiëndië aci rot bën liep ku tiëŋ piny.

14 Ku lueel, ‘Nhialic ye wärkuan dit door aci loc ku ba kë wic ba looi tènè ye ŋic, ku tiŋ Aluandeen puath kakkä looi, ku piŋ rölde ke jam.

15 Ku yin abi ya raan ŋic è wët kënë, ku ba raan ebën lëk kë ca tiŋ ku kæk ca piŋ.

16 Ku ëmën, yenõ nuät tit? Jot rot ku bi yi muœc nhom, ku cöl adumuöömku aa lök wei, ku ba Nhialic ya röök.’

Nhialic aci Paulo yök bi kac cie kac Itharel piöc

17 “Ku jal dhuk Jeruthalem, ku wën cï yen la ba la röök luan Nhialic, ke ya tiŋ kecit nyuöth,

18 ku tiëŋ Jethu ke lëk ya, ‘Jäl ëmën Jeruthalem ku ban yiköu, rin kac tö tën, aaci wëlkun ba ya lueel rienkië bi gam.’

19 Guo dhuk nhom, ‘Bëny, anickë apath lõn cï yen a la yön amat Itharel yiic, ku dam kac cï gam ku cal ke aa that.

20 Ku è ca gam wäär ku bi Ithipin nõk raan ye kac piöc wëtdu, ku è yen ya cã alëth kac ke nek ye lök tiit.’

21 Go Jethu lëk ya, ‘Lœr, rin yin aba tuœc tēmec tènè kac cie kac Itharel.’ ”

22 Go kac wën wël Paulo piŋ, agut lõn lueel yen wët bi ye tuœc tènè kac cie kac Itharel. Gokë duœt bën looi, “Nyaaikë raan cit kën è pinynhom! Näkkë! Acie raan path bi pïr!”

23 Ku jolkë aa kiu, ke ya alëthken piëer nhial ku yekë liëet wëer nhial.

24 Go bëny apuruuk Roma apuruuk yök bik Paulo yäth yöt tē ye apuruuk tiit thïn, ku lëkkë ke ku bik that, rin bi Paulo wët ye kac Itharel ye jääm guöp lek.

25 Ku wën cï kek ye der ku bik that, go Paulo lëk bëny apuruuk wën kääc kelöm ëlä, “Ye lõŋ lueel lõn nadë ke raan Roma that è path ke këc yäth luk yic, bi la awuöc yök yeguöp?”

26 Nawën piŋ bëny apuruuk wët cï Paulo lëk ye, go la tènè bënydit apuruuk ku thiëc, “Yenõ loi? Yen monyë è raan kac pan Roma.”

27 Go bënydit apuruuk la tènè Paulo ku thiëc, “Lëk ya, ye raan Roma?” Go Paulo bëer, “Ee yic.”

28 Go bënydit apuruuk lueel, “Ÿen è raan kac pan Roma rin cï yen wëu juëc tääu piny tènè kac mac baai.” Go Paulo bëer, “Ÿen è raan pan Roma rin ye kac ke dhiëth ya kac pan Roma.”

29 Go kac kök ke bi Paulo bën thiëc, dhuk ciëen ku nyiëëŋkë thïn, ku bënydit apuruuk ëcï riöc wën cï yen ye ŋic lõn ye Paulo raan kac Roma, ku rin cï yen ye cöl ader aya.

Paulo aci yäth luk yic

30 Na aköl dëët, wën wic bëny apuruuk Roma ye bi awuöc ye kac Itharel Paulo gaany ŋic, go Paulo cöl adëk apuruuk cin, tēwën cï ye rek ku yök kacdit kæk Nhialic ku kac amat ebën bik röm. Ku bi Paulo kenhim.

23

1 Go Paulo kac amat dot ku lueel, “Kackië, acin kæk tö yapuöu, ba ke thiëc rin piërdië, ya dëei Nhialic agut cit akölë.”

2 Ee tēën, ke raandit kæk Nhialic cöl Ananiath yök kac wën kääc tēthiök kek Paulo bik buök thok.

³ Go Paulo lək ye, “Nhialic abī dhiel buōök aya, yin kē cie guōp ye yār! Yin acī nyuc ba luk looi tēnē ya cīt tē ye lōŋ ye luēel thīn, ku yin aŋot yī cī lōŋ dhoŋ kōu rin cī yin kōc yōök bik ya biäk!”

⁴ Go kōc thiäak kek Paulo lək ye, “Yin alat raandit kāk Nhialic!”

⁵ Go Paulo bēēr, “Acā ŋic, kackiē lōn ye yen raandit kāk Nhialic. Aye athōr thēer wēl Nhialic lueel, ‘Yin acī kērac dhil luēel bēny mac kacku guōp.’”

⁶ Nawēn tīŋ Paulo, ke kōc kōk aa kōc akut Thaduthi ku kōc kōk ke ye kōc akut Parathi, ke jam apēi rōldit tēnē kōc luk, “Kackiē! Yēn ē raan akut Parathi, kōc ke dhiēth ya aake kōc akut Parathi. Yēn acī bēēi luk yic rin ye yēn ye ŋōōth lōn bī kōc cī thou rōt jōt akōldā!”

⁷ Nyin yic tēwēn lueel yen wēt kēnē, ka agōth la nhial kam Parathi ku Thaduthi ku tekkē keyiic.

⁸ Rin aye Thaduthi lueel lōn cī kōc rōt bī jōt thou yic, ku acīn atuuc nhial ayī atūip kōc cī thou. Ku Parathi aa kākā gam ēbēn kadiäk.

⁹ Ku juak jam rot apēi kam Parathi ku Thaduthi. Go kōc kōk piōoc lōōŋ, ke ye kōc akut Parathi, rōt jōt ke cī puōth riäak apēi ku luelkē, “Acīn kēreec cī yōk ke cī looi! Tēdē, ke atuny nhial, yen acī diēt jam tēnē ye!”

¹⁰ Ku la agōth nhial apēi, nawēn ke bēny apuruuk riōc ciēt ke bī Paulo cak nōk. Go apuruōökke tooc bik Paulo la nyaai luk yic, ku yēthkē tēden ye kek rēer thīn.

¹¹ Nayōn akōu ke Bēny kääc Paulo lōōm ku lueel, “Dēet yīpuōu! Aca nyuōōth Jeruthalem, lōn ē yin raandiē, ku yin adhil kēcīt ē kēnē looi Roma aya.”

Ee wic kōc Itharel bik Paulo nōk

¹² Nayōn nhiäk ke kōc kōk Itharel mat kenhiim, ku kuēēŋkē lōn cīi kek kuat miēth bī kaŋ cam ku dēkkē tē kēc kek Paulo kaŋ nōk.

¹³ Kōc ke mat kēnē yic, aake thiārŋuan ku tē kac.

¹⁴ Ku lek tēnē kōc kāk Nhialic ku kōcdit baai ku luelkē, “Yok aacī kuēēŋ apēi yōdhie buk cīi mīth, yet tē bī yok Paulo kaŋ nōk.

¹⁵ Ku emēn, week ku kōc kōk akut, tuōōckē wēt tēnē bēnydit apuruuk raan Roma bī

Paulo bēēi tēnē we, ku luelkē lōn wic wek ye bāk kē cī looi bēn deet, ku yok aabī rōt guiir buk nōk kē kēc yēēt wenhiim.”

¹⁶ Ku wēn nyankēn ē Paulo ēci wēt nēk nēr piŋ, go riŋ tē rēer apuruuk thīn ku le wēt lək Paulo.

¹⁷ Go Paulo raan tōk kam bāny apuruuk cōl ku lək ye, “Yāth riēnythii kēnē tēnē bēnydit apuruuk, ala wēt wic bī lək ye.”

¹⁸ Go bēny apuruuk riēnythii wēn yāth tēnē bēnydit apuruuk ku lueel, “Yēn acī Paulo, raan mac, cōl ku lək ya ba riēnythii kēnē bēēi tēnē yī, rin ala wēt bī bēn lək yī.”

¹⁹ Go bēnydit apuruuk dōm cin ku yēth tēden rōt ku thiēc, “Yējō wic ba lək ya?”

²⁰ Go lueel, “Acī kōcdit Itharel mat yic bik yī thiēc bī Paulo yāth luk yic nhiäk, rin wic kōc luk ye bik kāk juēc cī Paulo looi la deet.

²¹ Ku duk wēden piŋ, rin abī la raan thiārŋuan ku tē kac bī ye thiēn bik nōk. Aacī kuēēŋ bik cīi mīth ku dēkkē yet tē bī kek ye nōk. Ku emēn aacī rōt guiir bik looi, ku aa tit wētdu bik piŋ.”

²² Go bēnydit apuruuk lək ye, “Duk ben lək raan dēt lōn cī yin ya lək wēt kēnē.” Ku cōl riēnythii ajiel.

Paulo acī yāth tēnē bēnydit Pelik

²³ Nawēn ke bēnydit apuruuk cōl bānyken apuruuk karou ku lueel, “Kuanykē apuruuk buōt karou ku jōl aa raan thiārđhorou cath mathiāŋ, ku raan buōt karou ke muk tōōŋ bik la Cetharia, ku rēer kē ke cī rōt guiir bik lōōny dhōl emēn akāu.

²⁴ Ku wiēc kē mīthiōōŋ bī Paulo ke cath, ku yāthkē tēnē bēnydit Pelik ke cīn kēreec yōk ye dhēl yic.”

²⁵ Ku jōl bēnydit apuruuk athōr gōt ēlā,

²⁶ “Yēn, Klaudiōth Lithiath yēn agēt athōr kēnē tēnē yī bēnydit Pelik path apēi. Yin aca muōth.

²⁷ Kōc Itharel aake cī mony kēnē dōm ku duēr kē nōk. Ku aca piŋ lōn ye yen raan Roma, guō la kek apuruōōkkiē bik la kony.

²⁸ E wiēc ba awuōc ye kek ye gaany ŋic, guō yāth amat yic tēnē ke.

²⁹ Aca yōk lōn acīn awuōc cīi looi bī yok ye nōk, nadē ke macku. Ayekē gaany kāk la thiäak kek lōōŋken.

³⁰ Nawën la lëk ya lön cī kəc kək Itharel wët mat yic bik mony kënë nək, guo tak ba tuoc tënë yī. Ku lëk kəc awën gəony ye, week lak tënë Bënydan dīt bāk awuoc cī monyë looi la lueel yenhom.”

³¹ Go apuruuk kəwën cī lëk ke looi. Ku nyεεikē Paulo ē wëēr kən bik γεετ Antipatrith.

³² Nawën bak piny, ka apuruuk ke cath kecök dhuk Jeruthalem, ku nyiënkē Paulo apuruuk cath mīthiöñ bik la kek ye.

³³ Ku γēthkē Cetharia, ku γεmkē athöör tënë bëny Pelik ku thönkē Paulo.

³⁴ Nawën cī bënydīt Pelik athöör kueen, ke thiēc Paulo, “Ye raan wun nən?” Nawën yök lön ē yen raan wun Cilicia

³⁵ ke lueel, “Yen abī wëtdu piñ tē le kəc gəony yī γēēt.” Ku yöök apuruuk bik Paulo la muk ku titkē pan wäär buth Antipäth Yërot.

24

Kəc Itharel aaci Paulo gaany

¹ Nawën nin kadhięc cök ciëen, ka Ananiath raandīt kək Nhialic la Cetharia kek kəcdīt kək ē baai, ku jəl a raan bī wëtten ηיע la kuany yic luk yic cəl Tertuluth. Ku lek bënydīt Pelik nhom ku lëkkē wëlken gəony kek Paulo.

² Go Tertuluth cəl ku jəl Paulo gaany ëlä, “Yin bënydīt! Wët ye yin raan ηic kəc mac ē yen aci yok rëer run juęc döör yic ke cīn aliäap. Ku kajuęc peth ca looi kek aaci wuönda γäth tuen.

³ Käpuöthkə aa nhiarku ke ëbën akölaköl. Ku yin acuk leec γopuöth apeī.

⁴ Acä wic ku ba jam apeī, ku yin aläj ba wël kuënkü yī piñ.

⁵ Yok aaci mony kënë yök ke ye raan rac. Yen acä aliäap a looi kam kəc Itharel pinynhom ëbën. Ku yeen ē bëny kəc akut Nadharet.

⁶ Yeen awic bī luanη Nhialic yiëk yic buööl. Ku yeen acuk däm. Acuk them buk tēm awuoc təcīt tē ye lööñ panda ye lueel thīn.

⁷ Ke yeen aci bënydīt apuruuk Lithiath bën däm bei yocin riel ku nyiεεi.

⁸ Ku yöök kəc cī Paulo gaany ku bik bën luk yic yinhom. Tē thiëc yin ye, ka ba guo ηic kek kək cī yok ye gaany.”

⁹ Ku mət kəc Itharel thīn aya ku luelkē lön kək cī Paulo gaany aa yith.

Paulo aci rot kony Pelik nhom

¹⁰ Go bënydīt baai Paulo jəl yöök bī jam, ku jəl Paulo lueel ëlä, “Anיע lön ye yin raan cī luk luök run juęc ē wundaan. Ke yen amit puöu ku ba rot kony yinhom.

¹¹ Tē lëu yin ye ba yic ηic, ke wäär təcīt nin kathiäär ku rou ëmën, yen ē le yen Jeruthalem ba la röök thīn.

¹² Ku kəc Itharel acin raan cik yök ke göth ke yen luanη Nhialic. Ku keek aakęc ya yök ke ya ye kəc rac nhīim tən amat Itharel. Ku jəl aa yön kək yiic aya.

¹³ Ku keek acik bī lëu bik yī lëk kən ye nyuöth lön ye kək cik kuεen γaguöp yith.

¹⁴ Wët lëu ba gam akīn. Yen ē Nhialic ye wärkuan dīt door, door aya dhël yen yekē lueel ka cie yic. Ku yen ē këriëc ëbën cī göt lööñ Mothith ku athör kəc kək Nhialic tiñ yiic gam.

¹⁵ Yen ala ηöth cīt ηäthden aya tënë Nhialic lön bī kəc ëbën, kəc path ku kəc rac röt jət thou yic aköldä.

¹⁶ Ke yeen aya them ku ba kë la cök looi tënë Nhialic ku kəc ëbën.

¹⁷ “Yen aci run nək wei Jeruthalem, ke yen ya cī la wëeu ba γäth tënë kackië ku la rot kəc.

¹⁸ Ee wën looi yen ē kënë yen ē yök kek ya luanη Nhialic ke ya cä guöp wuöñny wei käreε. Ee cīn yööm rëer kek ya, ku ē cīn aliäm cī rot looi.

¹⁹ Ku kəc Itharel ke bö wun Athia aake rëer thīn. Ku keek nhīim, ηuöt aaci dhiel bën yinhom ku bik kë ca wuöc bën lueel.

²⁰ Na cie këya, ke ē röör rëer ē tən, ka luel awuoc cik yök ca looi wäär cī ya γäth luk yic.

²¹ Kë ηיע ē kë töñ ca lueel ëlä ke ya kääc kenhīim, ‘Yen aci bëei luk yic aköl wët cī yen ye gam lön nadë ke kəc cī thou aabi röt jət bik pīr.’ ”

²² Ku ē ηic Pelik apath yen tē ye dhël pīr kəc Itharel theεk thīn. Go luk puöl ku lëk ke ëlä, “Na la bënydīt apuruuk Lithiath γēēt ke luöñdun aba tiñ.”

²³ Ku lëk bëny apuruuk rëer apuruuk Paulo tiit nhīim ku bī Paulo cī tiit apil yic,

ku yekë kəc mäath kek ye puöl bik kəkken wïc aa bëëi tənë ye.

Paulo aci jam tənë Pelik ku Druthila

24 Na la nïn lik thök, ke Pelik bö kek tienje Druthila, ku ë nyan kəc Itharel. Ku tuc Paulo bi bëëi bi wët ye Paulo gam rin Jethu Kritho bën pinj.

25 Nawën la Paulo tuenj ke jam wët path ku lön bi raan rot tiit käreç, ku jöl a bën aköl lunđit, go Pelik riöç ku lueel, “Yiin alëu ba jäl ëmën. Yin aba bën cööl tē cī yēn nhom bēn lääu.”

26 Ku ye njoth lön bi Paulo ye riöp wëëu. Ku rin ë wët kënë aci bën a tuöç akölaköl ku jiem kek ye.

27 Na la run karou thök, ke Porkiöth Pethtuth wëer nyin bënydit Pelik ke ye bëny. Pelik ë wïc ku bi kəc Itharel nhiaar, go Paulo nyääj məc yic.

25

Paulo aci thiëc ku bi tuöç tənë Bënyjaknhom

1 Nin kadiäk cök ciëen wën cī Pethtuth yëët Cetharia, ke jiël thïn bi la Jeruthalem.

2 Tëwën ke kəcđit kək Nhialic ku jöl aa bāny Itharel ke gəony Paulo la tənë ye, ku lëkkë wətden. Ku lānkë Pethtuth,

3 ku bi ke luši kē wickë kepuöth ku bi Paulo bëëi Jeruthalem, rin ë cik mat yic ku bik Paulo nök dhël yic.

4 Go Pethtuth bëër, “Paulo abi rëer ke mac Cetharia, rin yēn adhuk ë ninkä.

5 Calkë bānykun aa la Cetharia kek ya, ku bik jäl la kuēn guöp tē le yēn awuöç cī looi.”

6 Go Pethtuth nïn kabët aduërkë aa thiäär kanj nök ke ke, ku jöl la Cetharia. Na aköl dëëtë ke la luk yic, ku jöl apuruuk yöök ku bik Paulo kuëeth yēnhom.

7 Na la Paulo yëët, go kəc Itharel ke bö Jeruthalem ke kääc, ke cik gəöm piny, jök bik käreç apēi luēl yeguöp, ku acin kē cie nyuöth lön ye kakkä yith.

8 Go Paulo rot kony ëlä, “Yēn acin kē ca wuöç löönj kəc Itharel yiic, ku acin aliäm ca looi luanj Nhialic, agut Bënyjaknhom Roma acin wët rēç ca luēl yeguöp.”

9 Ku wën wïc Pethtuth ye bi nyuöth kəc Itharel lön nhiēr yēn ke, go Paulo thiëc, “Cī lëu ba la Jeruthalem ku ba luöndu la luk thïn lön ye kək cī kuēn yiguöp yith?”

10 Go Paulo lueel, “Tē kēç yēn thïn ë lunj bëny yic, ku ë yēn tē lëu ye bi luöndiē tij thïn. Acin kē rēç ca looi tənë kəc Itharel, cimēn njic yin ye apath.

11 Na ca lönj dhonj köu, ku le kē rēç ca looi lëu bi ya tēm awuöç bi ya nök, ka cā lëu ku ba thiëc bi yēn puöl. Ku na cīn yiny tō thïn kək cī kuēn yaguöp, ka cīn raan lëu ye bā thön ke bik ya nök. Ke yēn awiëc ku bi ya bëny yēn bi luöndiē la luk.”

12 Go Pethtuth wët cī Paulo lueel kanj guëek yic kek kəc akutden luk, ku jöl dhuk nhom, “Wët cī yin ye lueel ke Bëny Agripa yēn abi luöndu luk, ke yin abuk tuöç ye.”

Pethtuth aci lunj Paulo tēt yic Bëny Agripa

13 Nin lik cök ciëen ke Bëny Agripa kek Bernike bö Cetharia bik Pethtuth këny, bik la lək ye lön mit kek puöth wët cī yēn yëët.

14 Tëwën cī kek rëer nïn juëc, ke Pethtuth jöl wët Paulo kuēny yic bëny, “Ala raan rëer ë tēn cī Pelik nyääj piny ke mac.

15 Na wäär lar Jeruthalem, go raandit kək Nhialic kəc Itharel ku bānyken, gaany tənë ya ku wickë ba tēm awuöç.

16 Guö lək ke lön nadë kəc pan Roma aacie raan cī gaany ye gam, wët kē rēç cī looi ke kēc kanj tuöçm nhom kek kəc cī ye gaany, ku bi rot kony awuöç cī ye gaany.

17 Na wäär ca bën ë tēn, ke yēn akēc bën gāäu. Yēn aci bën la luk yic aköl bi niēnkië aa rou ë tēn, ku yöök apuruuk ku bik ë mony kënë bëëi ba luönde tij.

18 Kəc aterde aaci röt bën jöt, ku acin kē rēç dīit cik bën kuēn yeguöp tēcīt tēn ye yēn ye tij thïn.

19 Kē ca bën yök ë lön ye kek teer kek ye tē ye yēn Nhialic duöar thïn, ku jöl aa mony dëët cal Jethu cī thou, ku yēn ë mony kënë aye Paulo lueel ka pīr.

20 Ee cā dhal ba yic yök rin ë wëlkä, guö Paulo thiëc bi la Jeruthalem ku ba luönde la looi thïn.

21 Go Paulo lueel ka wïc bi puöl ke tiit apuruuk agut tē bi bënyjaknhom luönde tij. Guö apuruuk yöök ku bik tiit agut tē bi yēn ye tuöç tənë bënyjaknhom.”

22 Go Agripa lək Pethtuth, “Lunj ë mony kënë aba luk yēn ya nhom.” Go Pethtuth dhuk nhom ëlä, “Abi bëëi yinhom nhiäk.”

²³ Nawën bak piny ke Agrîpa ku Bernike bō ku lor ke yaï, ku luënkë yōn luk kek bānydīt apuruuk ku jōl aa bāny ë γεu. Ku yōök Pethtuth apuruuk bik Paulo kuëëth luk yic alōn thīn.

²⁴ Ku lueel, “Yīn bēny Agrîpa, ku jōl aa wek kōc rēēr tēn kek γo. Mony yen dεei wek kēnē ē yen raan cī kōc Itharel rēēr ē tēn ku jōl aa Jeruthalem gaany tēnē γa. Ayekē lueel ke loi duōt lōn nadē ka cīi pāl ke pīr.

²⁵ Ku yeen acīn awuōc ca yōk cī looi lēu bī ye tēm awuōc bī nōk. Ku yeen nhom acī wīc bī ya bēny yen luk luōnde, guō gam ku ba tuōc tēnē ye.

²⁶ Ku γen acīn yīny puōth ca yōk ba gōt ē rīenke tēnē bēny. Ke yeen aca bēēi yīnhom, ku ē yīn bēny Agrîpa, rin ba wētde wīc yic, rin ku bī la kē jāl gōt.

²⁷ Aya tīn lōn cīi yen path ku bī raan cī mac tooc ke cīn kēn wēn cī rot deet ye nyuōth, kek kāk cī ye gaany.”

26

Paulo acī rot kony Agrîpa nhom

¹ Go Agrîpa Paulo yōök, “Yīn aca puōl ku ba jam ba rot kony.” Go Paulo yecin nyuōth bī kōc biēt ku jōl jam ēlā bī rot kony.

² “Bēny Agrîpa! γen ē rot yōk akōl kēnē ke γa mit guōp rin bī γen rot kony yīnhom kāk cī kōc Itharel γa gaany ēbēn.

³ Kēnē adhīl a yic alanden rin yīin anīc apath, yen tē ye kōc Itharel cien thīn, ku kāk ye kek wāac thīn. Yīn aba lōn emēn ku ba yīguōp pāl piny ku ba wēlkiē pīn.

⁴ “Kōc Itharel ēbēn anīckē yen tēn pīir γen thīn tēγon koor γen. Anīckē tē cī γen piērdiē jaak thīn γon tuen panda ku jōl a Jeruthalem.

⁵ Anīckē akōlakōl, ku acīk bī dhāl lōn nadē ke γen acī kan cien ke γa ye raan akut Parathī kōc ke muk lōōn Nhialic cōk apēi.

⁶ Ku emēn γen a kāac luk yic ē tēn rin ye γen wēt cī Nhialic lēk wārkuān dīt nōōth,

⁷ kēn yen ye kuat kackua kathiāār ku rou nōōth ka bīk yōk, tē ye kek Nhialic door akōl ku wēēr. Ku ē rin nōōth kēnē, yīn Bēnydīt, yen acī kōc Itharel γa gaany!

⁸ Yenō ye wek ye yōk wek kōc Itharel ke ril yic bāk gam lōn ye Nhialic raan cī thou jōt bei thou yic?

⁹ “Aca them yen γen ku ba kēriēc ēbēn looi, kāk bī rin Jethu raan Nadharet rac guōp.

¹⁰ Yen ē kēn aca looi Jeruthalem. γen γa ye bēnydīt kāk Nhialic yīek riel ku ba kōc juēc cī wēt Jethu gam aa dōm ku mac ke. Ku aca ya gam aya, yen lōn nēk kōc cī tēm awuōc bī ke tēm thou.

¹¹ Aaca cōl aaye tēm awuōc arak juēc yōn amat kōc Itharel yīic, ku aca them ba ke cōl aban bik wēt Jethu puōl, ku riāak puōu apēi tēnē ke, agut ba ke aa luōp wuōt kōk yīic ku cal ke agum apēi.

Paulo acī tē cī yen a raan cī gam teet yic (Luai 9:1-19; 22:6-16)

¹² “Ee rin ē wēt kēnē yen ē ler γen Damathkuth ke γa cī raandīt kāk Nhialic yīek riel.

¹³ Nawën akōl ciel yic, Bēnydīt, ke γa nōot dhēl yic, ke γa tīn many γer apēi, wār akōl, ke ruel nhial ke cā gōōm piny kek kōc ke cath kek γa.

¹⁴ Ku wīikku piny ēbēn, ku piēn rōl ke ye lēk γa thuōndiē, ‘Thawul, Thawul! Yenō cōl yīn γa agum? Yīn acī rot ban, rin ye yīn ye wīc ku ba kēcīt kēdhie ye akaja looi, kē ye yen wai ye raan la ye ye yup ke kuēeth, wεc ciēēn.’

¹⁵ Guō thiēc, ‘Ye yīn ηa Bēny?’ Go Bēny lueel, ‘Ee γen Jethu, raan ca cōl agum.

¹⁶ Ke yeen jōt rot ku kāac cōkku. γen acī rot nyuōth yī, rin yīn aca lōc ku ba ya aluāndiē, yīn abī kōc kōk lēk kē ca tīn tēnē γa akōlē, ku kē ba nyuōth yī akōldā.

¹⁷ Yīn aba tiit bī ciēn kēreεc yī yōk kōc Itharel ku kōc cie kōc Itharel cin, kōc bī γen yī tuōc thīn.

¹⁸ Keek aaba piōc bik kān ηic, ku bik luai kāreεc puōl, ku jīēlkē riel jōnrac yic ku lek tēnē Nhialic, rin gām bī kek wēt diē gam, yen aabī kāreεc cīk looi pāl piny ku tēēu ke kam kōc cī Nhialic lōc.’

Paulo acī tē cī yen kōc piōc thīn teet yic

¹⁹ “Kēya, Bēny Agrîpa, γen akēc wēt kē ca tīn nhial cīt nyuōth dhāl yic.

²⁰ Wäär tuenḡ Damathkuth ku Jeruthalem, ku jol aa wuöt kōc Itharel yiic ēbēn, ku kam kōc cie kōc Itharel, aake ya lēk lōn bīk luoi kārēc puöl ku dhukkē Nhialic, ku yekē luui kāpath ye nyooth lōn cī kek muöl kārēc.

²¹ Ee rin ē wēt kēnē, yen aa dōm kōc Itharel ya ke ya tō kal luanḡ Nhialic, ku wīckē bīk ya nōk.

²² Ku agut cī akōl kēnē Nhialic acā kony, ku ē wēt kēn, yen akēēc ḡen ē tēn ku ba kē ḡiēc lēk raan ēbēn, kōckor ku kōcdīt. Kāk ya lueel ka bī rōt looi aa thōḡ kek kāk ye kōc kāk Nhialic tīḡ ku Mothith lueel,

²³ lōn nadē Raan cī lōc ku dōc abī gum, ku ē yen bī rot kanḡ jōt thou yic, ku ē yen abī kōc Itharel ku kōc cie kōc Itharel lēk wēt bī kōc kuōny bei kārēc yiic.”

²⁴ Tēwēn jīēem Paulo ke kony rot ē wēlkā, go Pethtuth rēl, “Paulo! Yīn acī muöl. Piōc cī yīn piōc acī cōl amuöl!”

²⁵ Go Paulo bēēr, “Bēnydīt! ḡen akēc muöl. Wēl ya lueel aa yith cīn yic muöl.

²⁶ Bēny Agrīpa! Alēu ku ba jam tēnē yī ke ya cīi riōc, rin yīn aḡic kākā ēbēn. Aḡiēc alanden lōn nadē ke keek aaca lēk yī ēbēn rin kēnē acie kē cīi thiaan, aa kāk ḡic jāḡ ēbēn.

²⁷ Bēny Agrīpa! Cī wēl kōc kāk Nhialic tīḡ ye gam? Aḡiēc lōn ye yīn ke gam!”

²⁸ Go Agrīpa lēk Paulo, “Ye yōk yīpuōu ē kaam thīn lōn bī yīn ya wel ba ya Krīthian?”

²⁹ Go Paulo bēēr, “Na cōk aa kaamkoor ku kaamdīt, rōōkdīē tēnē Nhialic ē lōn bī yīn ku kōc kōk piḡ kāk luēel ke akōl rōt wel bīk ciēt ya, ku acie rin bī ke mac.”

³⁰ Go bēny ku Pethtuth ku Bernike, ku kōc kōk ke cī nyuc luk yic rōt jōt,

³¹ ku wēn cī kek jāl aacī jal aa jam kamken, ēlā, “Acīn kē cī ē mony kēnē looi, kē lēu bī ye cōl anāk ku mac aya.”

³² Ku jol Agrīpa lēk Pethtuth, “Yen ē mony kēnē ḡuōt acī lony, ke rin cī yen ye wīc ku bī ya Bēnyḡaknhom yen bī luōḡde la tīḡ.”

27

Paulo ayēth Roma

¹ Tēwēn cī ye mat ku buk cath riāi buk la Italia, gokē Paulo ku jol aa kōc kōk cī

mac thōn Juliōth, bēny akut apuruuk Roma, akut cōl, “Akut Bēnyḡaknhom.”

² Ku lok riān bō Adramitiōm, riān cī guir bī jāl wath thok wun Athia. Arīhtarkuth raan pan Mathedonia wun cōl Thethalonika ē cath kek ḡo.

³ Na akōl dēētē ke ḡo ḡet Thidon. Juliōth ē ye raan path, ee cī Paulo puöl ku bī kōc määth kek ye la tīḡ, rin bīk la yiēk kāk wīc.

⁴ ḡok acī bar, ku rin cī ḡok ḡonhīim wēl yom, goku riāi ḡēer tē bī yen cath thīn apath, ku ē ye alōḡ ye akōl bēn thīn rial pan tō gool nhom wār ciēl yic cōl Thaipruth.

⁵ Ku jolku wār teem buk la Cilicia ku Pampilia ku lok Mira pan tō wun cōl Likia.

⁶ Tēnē, ke bēny apuruuk yōk riān jāl Alekdhāndria ke la Italia, go ḡo ḡāth thīn.

⁷ Ku riāi ē cath amääth rin yom ē dīt apēi. Ku ḡok aacī nīn juēc bēn nōk dhēl yic buk jāl ḡet gen cōl Kniduth. Yom ē kēc ḡo puöl ku buk la dhēldan yen buōthku yic, goku ret wanh cōl Thalmone tēn yen bī pan thīn tō gool nhom cōl Kret ḡook kōl ē yom.

⁸ Ku ciēthku ke ḡo göök yom ke ḡo kuany agōr ḡou, ku ḡok aacī bēn ḡet tē cōl Wanh Path ē riēl, ku ē tēn cīi mec kek gen cōl Lathia.

⁹ Ku ciēḡku thīn nīn juēc, ku ril yic buk la tuenḡ ḡo cath wīir, rin ē nīnkā akōl Yan lōk kōc kegup wīir ēcī bar, tēn yen ye yom rut rot jōt apēi. Go Paulo ke lēk ēlā,

¹⁰ “Kackiē, aya tīḡ lōn cāthda jāl ē tēn abī yic riēl, riāi abī riāāk ku kāk tō thīn aabī puk wīir, ku kōc aabī mou aya.”

¹¹ Ku bēny apuruuk ē wēt raan kuath riāi ku raan la riāi yen aye piḡ, ku kueec wēt cī Paulo lueel.

¹² Ku wath thok tē ye riāi mac thīn ēcī path bī kōc māi thīn. Go kōc juēc keyiic wīc ku bīk la tuenḡ bīk ḡet Ponik tē lēu yen rot. Yen ē wanh tō Kret, ku ēcie yethok wēl lōḡ bēr tē ye akōl lōōny piny thīn.

Yomdīt acī rot jōt wīir

¹³ Yom thōōḡ rot ēcī jōt ke bō ciēem tē cī raan yenhom wēl tē ye akōl lōōny piny thīn, go kōc ke cath riāi tak lōn nadē ka lēukē bīk la tuenḡ ke cath, gokē riāi lony ku gerke ke kuēnykē agōr Kret ḡou.

14 Ku kaam thiin awën ke yomdüt ril apëi bö cuëc tē cī raan yenhom wël tē ler aköl thīn, ben bën ke ye pīu apëi.

15 Ku yiëk riäi bī la bēēḅbēēḅ, ku ril yic apëi bī gēr tuen tē bī yom thīn, goku puöl buk cöl akuεeth yom.

16 Ḃok aaci bën lōḅ wën tēek ḅok lōḅ ye yom rut yenhom wël thīn, pan thiin tō gool nhom cöl Kauda. Tēēn, acuk bën lēu buk riän koor duōt riändit cök.

17 Ku rin dūt yom apëi, gokë duōt riändit kōu rin bī yom tiim cī ke riäi looi cīi piir wei, ku jōlku duōt piny wīin. Keek aake riōc ciēt riänden bī la dōt liēet yic wanh Libia thok, gokë alēth ye yom ke riäi kuaath dāk bei, ku cōlkë riäi ajol yom kuaath.

18 Yomdüt ril awën aci la tuen ke pīu apëi, nawën aköl dēētē ke jōkkë bīk kāk tō riäi yic cuat wīir.

19 Nawën aköl ye nīn diäk ke cuet abēk kāk gēr wīir cienken.

20 Ku cuk aköl ku kuēl tīḅ nīn juēc, ku yom aci la tuen ke pīu apëi. Akēcku bën bën ḅōth lōn bī ḅok piir.

21 Nawën cī kōc nīn juēc nōk ke cīn miēth cīk cam, go Paulo rot jōt ku kēēc kenhiim ku lueel, “Kackiē, na we cī wētdiē piḅ wäär bāk riäi cīi geer wei Kret ḅuōt ḅok aa kēc mam kēlä.

22 Ku ē mēnē wek aa lōḅ, dēetkë wepuōth! Acīn raan tōḅ bī thou weyiic, ē riäi yetōk yen abī riääk.

23 Ku wën akōu atuny Nhialic yen ye ḅen raande, ku yen ya door aci bën tēnē ya,

24 ku lueel, ‘Duk riōc, Paulo! Yīn abī yet Bēnyḅaknhom nhom, ku rin ē wēt kēnē Nhialic aci yī pēl wei, ku kōc cath kek yī riäi yic aabi piir.’

25 Kēya, kackiē, dēetkë wepuōth! Nhialic aca deet puōu, abī kēpath looi tēcīt tē cī ye lēk ya thīn wēnakōu.

26 Ku yom abī riäi kuaath bī cöl ala gool nhom cōk alōn bī yen la riääk thīn.”

27 Ku nīn aake cī ya thiäär ku ḅuan, ku yomdüt apëi ē kuath riända wārdit Adēkdiet yic. Na ye tēcīt wēēr ciel yic, ke ye kōc ger riäi ḅok kepuōth ciēt ḅo cī thiōk buk yet agōr thok.

28 Gokë wīn cī duōt thok kēthiek luaac piny pīu yiic, ku wën ye kek ye luaac piny ēmēn ku mēn, ke yōkkë lōn thiōk wār yic.

29 Gokë riōc ciēt riäi bī rot dēeny kuōr tō pīu yiic, gokë wīin cī duōt thok aleeldit ye riäi dōm luaac piny riäi thar ciēēn, ku jōlkë bak piny ḅōth.

30 Eci agēr kōk them ku bīk rōt kuēl bei riäi yic. Ku jōtkë riän thiin koor tō riändit yic bei, ku tēēukë wīir ke ye kōc ciēt ke la wīin cī duōt thok aleel luaac piny riäi nhom tuen.

31 Go Paulo lēk bēny apuruuk kek apuruōkke, “Na cā agēr rēer riäi yic, ke kōc tō riäi yic aaci bī piir.”

32 Go apuruuk wīin cī riäi mac piny teem kōth ku cōlkë ke aa buōk kuēer.

33 Nawën bak piny, go Paulo ke lōḅ bīk mīth ku lēk ke, “Wek aaci tūt nīn thiäär ku ḅuan ēmēn, ku keek ē nīnkā yiic acīn kē cāk cam.

34 Wek ya lōḅ, ku bāk la miēth camkë, wek aa wīc miēth rin ku bāk piir. Acīn raan tōk weyiic la kē bī ye gōt.”

35 Tēwën cī yen wēt kēnē lueel, go Paulo ayup lōōm, ku rōōk ke lec Nhialic kenhiim ēbēn, ku bēny ayup yic, ku kōḅ jōōk bī mīth.

36 Keek aaci kepuōth bën dēet, ku mīthkë ēbēn.

37 Ḃok kōc ḅo tō riäi yic, ḅok aa ḅo ye buōt karou ku thiārdhorou ku dātem.

38 Nawën cī raan ēbēn mīth, gokë rap ke tō riäi yic dhēeth wīir rin bī riäi pial.

Riäi aci atiaktiak rac

39 Nawën cī piny bak, ke kōc ger riäi aake kēc tē cī kek yēēt thīn ḅic, keek aaci tē cī wār yekōu tot thīn, la yic liēet tīḅ, gokë tak bīk riäi gēr thīn bīk la mac.

40 Gokë wīin yeke riäi mac piny teem wei bīk dīir piny, ku dākë wīin cī ke alau duōt piny. Ku jōtkë alēth nhial ku bī yom riäi kuaath tuen, bī la agōr thok.

41 Ku riäi aci bën la tē cāal ku dōōt liēet yic bī ciēn tē ben yen rot nyoōḅ, ku cī aban ciēēn dhōḅ atiaktiak abī dōḅ ke ya apēt.

42 Eci apuruuk tak bīk kōc cī mac ēbēn nōk, bī ciēn raan tōōḅ kuεēḅ aḅeer bī kat.

43 Ku ē wīc bēny apuruuk bī Paulo kony bī cīi nāk, go apuruuk yōōk bīk ciēn kē loikē tēnē kōc mac. Ku yōōk kōc ḅic kuanḅ bīk kanḅ thuεet wīir tuen ku bīk kuεēḅ aḅeer,

44 ku kōc kōk aake bī jal lōk kuanḅ, ke cī tiim riäi cī duōny kuōk bīk ke ḅāth aḅeer. Ku ē yen tē cī ḅok bën kuεēḅ aḅeer thīn akan ke ḅo puöl gup.

28

Kë cī rot looi tēnē Paulo Malta

¹ Wēn cī yok yet wār aləntui yo puəl gup, ke jəlku njic lən cəl pan tō gool nhom Malta

² ku kəc ke ciēj thīn aaci yo lor, ku nyu-uckē yo apath. Tēwēn ke deŋ tueny ku lir piny apēi, gokē mac took ku cəlkē yo buk yōc.

³ Go Paulo tiim kuar piiny ku tēu ke mεεc, tēwēn ke kēpiiny bō bei tiim yiic, ku kεc cin abī nuet thīn.

⁴ Ku tiŋ kəc awēn tō thīn kēpiiny ke cī nuet Paulo cin, ku jiεmkē kamken, “Mony kēnē ala cin rim. Ku kēnē aci yēn bi pīr, cək alən cī yēn poth wīr ke kēc mou.”

⁵ Ku tēn awēn ke Paulo yīr kēpiiny mεεc, ke cīn kēreεc cīi rot looi tēnē ye acīn.

⁶ Ku ē titkē bīk tiŋ ke cī but cin, nadē ke wiēk piny nyin yic ke cī thou. Ku tēwēn cī kek tiit apēi ku cīn kē tiŋkē ke cī rot looi tēnē Paulo, ke war kenhīim ku luelkē, “Yēn ala guōp jəŋril apēi.”

⁷ Dum raandit baai cəl Publiōth, aake cī mec kek tēwēn looi kēnē rot thīn tēnē Paulo. Ku yēn aci yo njic lor aya, ku rēerku yo ye jāälke nīn kadiäk.

⁸ Wun Publiōth ē rēer biōök yic ke cī juäi dəm ku yiāny riem. Go Paulo la yōt tēnē ye, ku rōök ku dəoc, go pial.

⁹ Wēn cī kēnē rot looi, go kəc juēc ke tuany bēn, go Paulo ke dəoc bīk pial.

¹⁰ Ku gēmke yo kajuēc, ku wēn jiēl yok, gokē kək bi yok dhəl tēek tāau riäi yic.

Paulo aci jäl Malta bi la Roma

¹¹ Nawēn pēi kadiäk cök, ke yo jiēl riän cəl, “Jak Acuek,” bō wanh cəl Alekdhändria ku yēn aci pēi bēn nök ke kääc Malta rin yom ē dit apēi.

¹² Ku yeetku gen cəl Thirakuthe, ku näkku nīn kadiäk thīn.

¹³ Ku jiēlku thīn, ku lok gen cəl Regium. Nawēn bak piny ke wel yom nhom, ku yeetku gen cəl Putöli nīn karou cök.

¹⁴ Ku yökku kəc cī gam thīn, ku thiēckē yo buk rēer ke ke nīn kadhrou. Ku jəlku jäl tēn ku lok Roma yocök.

¹⁵ Wämäthkuan tō Roma aake cī yo piŋ lən bi yōk, go kəc kək bēn gen yəoc cəl Apiōth ye

jööl nīn thīn bīk yo lor. Wēn tiŋ Paulo ke, ke lec Nhialic, ku riil kēnē puōu.

Paulo aci yēet Roma

¹⁶ Wēn cī yok yēet Roma, Paulo aci bēny mac Roma puöl bi rēer ē rot kek apuruk tōŋ tit ye.

¹⁷ Nawēn nīn kadiäk cök, ke Paulo cəl kəcđit Itharel rēer Roma bīk rəm kek ye. Nawēn cīk kenhīim mat, ke luel tēnē ke, “Wämäthkiē! Wēn cək yēn ciēn kēreεc ca looi tēnē kackua, ayi lən kēc yēn ciεeŋ wärkuandit dhəl yic, yēn aci mac Jeruthalem ku thōn ya apuruuk Roma.

¹⁸ Gokē yēn thiēc awuōc ca looi, ku wickē bīk ya lony, rin acik yök ke cīn kē ca looi lēu ye bi ya nök.

¹⁹ Nawēn la kəc Itharel kuc wēt bi ya lony, guo luōŋdiē cəl ayēth tēnē bēnyaknhom Roma mac wuōnda aya, cək a lən cīn yēn kē gəony yēn ē kackua.

²⁰ Yēn ē kē wic yēn we buk rəm, ku jaam kek we, rin yēn acath ya mac rin wēt raan yēn njōth kəc Itharel.”

²¹ Gokē luel tēnē ye, “Acīn athör cī yēet tēnē yo Judia riēnku, ku acīn wämäthdan cī bēn kek wēt, lən le yēn kēreεc ca looi.

²² Anhiarku buk wēlku piŋ rin aŋicku lən ye kəc juēc akut tō yīn thīn, jāäm guōp.”

²³ Kēya, gokē aköl bi kek rəm kek Paulo mat yic, ku kəc juēc aaci bēn aköl kēnē tē rēer Paulo thīn. Ku jəl Paulo wēt bāāny Nhialic teet yic tēnē ke, jək riel yet thēi. Ēci them bi nyooth tēnē ke lən kē ye luel rin Jethu ē yic, ku nyooth lən thōŋ lōŋ Mothith ku kək kək cī gōt kəc kək Nhialic tiŋ, kek wēt ye luel.

²⁴ Go kəc kək wēt ye luel gam, ku kuc kəc kək.

²⁵ Gokē jäl ke tεer kamken, wēn cī Paulo ye lək ke elä, “Ee yic apēi, yēn tē cī Wēi Nhialic raan kək Nhialic tiŋ cəl Ithaya lək thīn bi luel elä tēnē wärkuan dit.

²⁶ Rin aci luel elä,
‘Ləor luel tēnē kəc Itharel,
Wek aabi weyith diel piny apēi ku acäk bi deet,
wek aabi wenyin päl piny apath, ku acäk bi tiŋ.

²⁷ Rin kəckä aa ril nhīim,
keek aaci keyith cuök,

ku keek aaci kenyin niεn.

Nuot keek aa daai, ku nuot keek aa pin, ku
detke kan yiic, ku lueel Nhialic.

Na ci rot looi keya,

nuot aaci kepuoth wel yen ku kuony ke.' ”

²⁸ Ku wit Paulo wetde ela, “Aleuke bak
dhiel nic, lon wet bi koc kony bi koc pir, bo
tene Nhialic, aci lek koc cie koc Itharel. Ku
abik pin.”

[
²⁹ Wen ci Paulo e wet kene lueel, ke koc
Itharel jiel ke ter apedit kamken.]

³⁰ Ku jal Paulo reer run karou pan ye riap
yic, ku e ye koc ben bik ye ben tin lor ku
nyuuc ke.

³¹ Ee ye piooc wet baany Nhialic, rin Bény
Jethu Kritho, ku jiem tene kuat raan eben
ke ci rioc, ku acin kene ye gel bi ci ye piooc.

Athör ci Paulo gät koc Roma Wët nhom

Athör Paulo tēnē koc Roma ē gēt rin bī ke lēk lōn cī yen ye guiir bī akut koc cī gam Roma la neem. Ee cī Paulo guiir bī lōk la rēer bī luui kam koc cī gam tētui, ku bīk jāl kuony dhōl bī la Ithpania. Acī gōt bī koc cī gam Roma tēt kē njic rin gam, ku tē ye gam pīr koc cī gam luōi thīn. Athör kēnē ala yic wēt ril yen gēt Paulo athōor rin Wēt Puōth Yam.

Wēn cī yen akuut koc cī gam Roma muōth ku lēk ke lōn ē yen rōok rienken, ku jōl gōc wēt lēk ke ēlā, “Wēt Puōth Yam aye nyuōth tē ye Nhialic koc kuony thīn bīk la cōk yenhom.” Ku kēnē aye Nhialic jōk ku rēer thīn kēya rin gam ē raan, cīmēn ye athör thēer wēl Nhialic ye lueel ēlā, “Ku raan la cōk Nhialic nhom abī pīr ē gam.” (1:17)

Ku jōl Paulo ē gōc kēnē teet. Raan ēbēn, koc Itharel ku koc cie koc Itharel, aa dhil la cōk tēnē Nhialic rin keek ēbēn aatō adumuōm yic. Koc aa la cōk tēnē Nhialic tē gem kek Jethu Krītho. Ku ben Paulo mān rot kek Jethu raan cī lōc ku dōc, yen pīr ē yam teet, lōn raan cī gam ala dōor ke Nhialic. Ku aye Wēi Nhialic bēēi bei riel adumuōm yic ku thou. Cōkdīt ē 5 yet 8; Paulo acī jam aya rin lōj Nhialic, ku riel Wēi Nhialic rot nyuōth pīr raan cī gam yic. Ku gēt Paulo lōn ye koc Itharel ku koc cie koc Itharel nhīm thōj kē cī Nhialic guiir tēnē raan ēbēn yic.

Ku wit wētde lōn kuc cī koc Itharel kuc Jethu ē luoi Nhialic, rin yen ē tē bī raan ēbēn cōl ayōk dhēej Nhialic dhēl Jethu raan cī lōc ku dōc. Ku aye Paulo njic lōn cī koc Itharel bī la tuenj ke kuc Jethu akōlakōl. Ku jōl Paulo gōt ciēn tē dhil raan cī gam pīr thīn, ku nhiēr bī raan koc kōk nhiaar. Paulo acī kārīl gōt ke ye luōide tēnē Nhialic, ku luoi raan cī gam tēnē baai ku tēnē raan dēt, ku puōn la cōk njic kēpath ku kērac. Ku thīk athōr cī gōt cōk muōth ku wēl lēc tēnē Nhialic.

Kāk tō thīn
Wēt nhom ku gōc 1:1-17

Kē wīc raan bī pīr 1:18–3:20
Dhēl Nhialic rin pīr 3:21–4:25
Pīr yam rin Raan cī lōc ku dōc 5:1–8:39
Koc Itharel ē guiēr Nhialic yic 9:1–11:36
Njic ciēn raan cī gam 12:1–15:13
Thōk ē wēt ku muōth 15:14–16:27

¹ Ee yen Paulo alony Jethu Krītho. Yen raan cī Nhialic cōl ba ya atuuc ba Wēt Puōth Yam lueel.

² Wēt Puōth Yam, ee wēt cī Nhialic thōn thēer, ku ēcī koc kākke tīj lueel tēcīt tē cī gāt ye wēl thēer Nhialic yiic.

³ Wēt yam kēnē ē wēt Wēn Nhialic cī bēn a raan kuat Bēnyaknhom Debit.

⁴ Ku Jethu acī nyuōth ē Wēi Nhialic ke ye Bānyda, Wēn ril Nhialic, wāar jōt ye bei ranj yic.

⁵ Ku ē rienke yen acī Nhialic yen yiēk dhēejde ku cōl yen aye atuny Jethu, ku ba koc pinynhom ēbēn cie koc Itharel cōl bīk gam ku thekkē Nhialic.

⁶ Ku wek koc cī gam tō Roma aya, wek acī Nhialic cōl bāk aa koc Jethu raan cī lōc ku dōc.

⁷ Kēya, yen agēt tēnē we ēbēn, wek koc nhiēer Nhialic, cī ke cōl bāk aa kacke, Bī Nhialic Wāda ku Bēny Jethu we tuōc dhēej ku dōor.

Anjōth Paulo lōn bī yen la Roma

⁸ Tuenj, yen alec Nhialicdiē rin Jethu raan cī lōc ku dōc ē rienkun, rin koc ēbēn pinynhom aaci gamdun njic ēbēn.

⁹ Nhialic yen luōi piāndiē ye yen koc lēk Wēt Puōth Yam cī Wēnde lēk koc, anjic tē ye yen we

¹⁰ tak thīn akōlakōl ē rōokkiē yiic. Yen ē rōok lōn bī Nhialic ya puōl tē wīc yen ye ba we la neem.

¹¹ Rin awiēc apēidit ba we la tīj ku ba we gām athiēi Wēi Nhialic bāk riel ē gamdun yic.

¹² Ku kē lueel akīn, rin bī gamda we ku yen yo dēet puōth yodhie.

¹³ Awiēc bāk njic miēthakāi lōn ē ca guiir arak juēc ba la tēnē we, ku ala kēn ye yen gēl ba cī la. Ee wiēc ba la tēnē we ba koc kōk lēk bīk gam kamkun aya, cīmēn le yen koc kōk pinynhom cī gam cie koc Itharel.

14 Rin ala kë cī yiëk ya ba dhiel looi tēnē kəc ebēn, kəc peth ciεη ku kəc rεεc ciεηden, ku tēnē kəc cī piōc ku kəc kēc piōc.

15 Ku ē wēt kēnē yen awīc γεν ye apeī ba we dhiel lək Wēt Puōth Yam wek kəc rēēr Roma aya.

Riel Wēt Puōth Yam

16 γεν acie guōp ē yār Wēt Puōth Yam, rin ē yen riel Nhialic kəc cī ye gam kony, kəc Itharel ku kəc pinynhom cie kəc kək Itharel aya.

17 Ku Wēt Puōth Yam aye nyuōth tē ye Nhialic kəc kuōny thīn bīk la cök yenhom. Ku kēnē aye Nhialic jək ku rēēr thīn këya rin gam ē raan, cīmēn ye athör theēr wēl Nhialic ye lueel elä, “Ku raan la cök Nhialic nhom abī pīr ē gam.”

Awuōc ē raan

18 Rēēc puōu ē Nhialic ē rot nyuōth pan Nhialic tēnē kəc man Nhialic. Ku käreç yekē ke looi aa yic gēl bī cī cəl aņic.

19 Nhialic ē puōu rēēc tēnē ke rin kë lēu raan bī ηic rin Nhialic ala gēi apeī, acī Nhialic tääu raan ebēn puōu bī ηic.

20 Tēthēer γən cək Nhialic nhial ku piny, alēu raan ebēn bī ηic ē gai lən riel Nhialic ē rēēr thīn akölriēec ebēn, ku yeen ē Nhialic alanden. Käjuēcä aacie tīη ku aaye ηic rin käjuēc cī Nhialic cak. Kēya, acīn kë kəη kek röt kony.

21 Keek aake ηic Nhialic ku ηot ke kuec bīk cī dor. Ku kueeckē bīk cī gēm alεcden ē yen Nhialic. Ku jəl kəkken yekē tak ciēnkē konykē ku la piāthken bīth.

22 Na cək alən ye kek ye lueel lən ηic kek kəη, ku acīn kë ηickē.

23 Ku lən bī kek ye aa door ē Nhialic pīr akölriēec ebēn, ka yekē ke door kək cī pīr ku raan ē thou. Ku kək cī kiēt ke cīt diēt ku läai. Ku kəkək wuc piiny keyōth cīmēn kapieny.

24 Ku rin ē kēnē, aaci Nhialic ke puōl bīk aa luui käreç wīc piāthken, kək la bīth. Ku wīcwīc ē diäär ku kəkək yekē ke looi kamken kək kəc cəl ayār gup.

25 Ku lən bī kek kēn yic ηickē rin Nhialic gam, ka yekē gam ē lueth ku yekē ke door kək ke cək Nhialic, ku kueeckē Aciēη yen

cak kəkək yen dhil ya door akölriēec ebēn. Yenakan.

26 Ku ē yen aci Nhialic ke puōl bīk aa luui käreç kəc yōr gup. Ayī diäärken aya aaci tē cī kəc cak thīn puōl, ku aa röt lööm ē röt.

27 Kēlä aya, rōör aaci tōc ye kek tōc kek diäär, cīt tē cī kəc cak thīn puōl, ku rum bal kepuōth bīk ke aa lööm rōör kək cīt ke. Rōör tuīl rōör kək, ku yekē käreç cīt kəkək looi, aaye tēm awuōc thōη kek käreç yekē ke looi. Kək kēc puōl bī ke aa looi këya.

28 Ku yeen aya rin cī kek kuec bīk yiny Nhialic cī ηic, aaci Nhialic puōl aya bīk aa tak käreç ku yekē luui käreç cī ke lēu bī raan ke looi.

29 Ku aaci puōth thiāη kuat käreç apeī, adumuōm, kook ku kōr. Ku aaci puōth thiāη aya ē tiēl, nääk, thör, ruēeny ku kuith, ku aa luum.

30 Ku aa kegup tör lueth ku aa man Nhialic. Aa kək nhiam, kək dhäl kək gup cīn gup athēk. Kək tak dhöl juēc bī kek käreç looi. Kək cie kək ke dhiēth ke ē theek.

31 Kək cīn gup nhīm, kək kēdāη gam ku cīk loi. Kək cīn puōth cie yiic ē ηεer raandä.

32 Cək alən ηic kek ye lən käreç yekē ke looi, alēu ke bī Nhialic ke tēm thou, ke keek aacie kəkək ē looi kepec, aa kək kək ke looi lεc nhīm aya.

2

Lun Nhialic

1 Yīn acīn tē bī yīn rot kony tē luk yīn kək kək wei. Rin tē ye yīn kək kək luōk wei, ku loi kəwēn yekē ke looi aya, ke yīn ē rot dām ē rot.

2 Ku emēn aņicku lən Nhialic ala yic tē luk yen kək wei, kək kəkək looi.

3 Ku na ye kək luōk wei, yīn raan ē path, ku ηot yī loi ē kəkək, ke ye tak lən bī yīn lun Nhialic ban?

4 Tēdēt aya, yīn ē käjuēc rēēr piath Nhialic yiic cīmēn piathden dīt, gum, ku lääu ē puōu yōōη yiic, rin akuc lən aye piath Nhialic nyooth ba yīpuōu dhuōk ciēn.

5 Ku riel ē nhom, ku rin cī yīn kuec ba yīpuōu cī dhuk ciēn abā awäcdu juak yic aköl bī riäk puōu Nhialic, ku tē bī yen ηiēc luk thīn abī rot nyuōth.

⁶ Rin Nhialic abī ŋek a gām kē thōŋ kek tē cī yen luui thīn.

⁷ Koc bī kepuōth dæet ku luuikē kāpath ku wickē duaar, læc ku pīr akōlakōl, aabī Nhialic gām pīr akōlriēec ēbēn.

⁸ Ku koc ke looi kāk wic piāthken ku kueckē yic ku buōthkē käreec jōŋrac, aabī Nhialic puōu riāäk tēnē ke.

⁹ Koc ēbēn ē luui käreec aaba aræem ku gum rac apēi yök. Ku abī rot kaŋ looi tēnē koc Itharel, ku tēnē koc cie koc Itharel aya.

¹⁰ Ku Nhialic abī duaar ku læc ku döör gām koc luui kāpath, tuenŋ tēnē koc Itharel ku jəl aa koc kōk cie koc Itharel,

¹¹ rin Nhialic ē luk ŋiæc looi tēnē koc ēbēn.

¹² Ku koc cie koc Itharel kuc lōŋ Mothith, ku aa käreec looi luk abī looi tēnē ke cək alōn kuc kek lōŋ. Ku koc Itharel aa ŋic lōŋ Mothith, aa käreec looi ku luk aye looi tēnē ke tēcīt tē ye lōŋ ye luæel thīn.

¹³ Rin acie pīŋ ē lōŋ yen koc cəl aye koc path tēnē Nhialic, aa koc ye looi kē ye lōŋ lueel kek aabī ya koc la cök Nhialic nhom.

¹⁴ Ku ē yic, koc kōk cie koc Itharel cīn lōŋ, tē looi kek kēdāŋ tēcīt tē ye lōŋ tō kepuōth ē path ye luæel thīn, ke keek aa cīt koc la lōŋ cək alōn cīn kek lōŋ Mothith.

¹⁵ Tē ye kek luui thīn aye nyuōōth lōn kāk wic lōŋ aaci gāt kepuōth, aa kāpath ku käreec yekē ke looi ŋic rin aaye piāthken nyuōōth ke.

¹⁶ Ku kēlä aya, cīmēn Wēt Puōth Yam ya læk we, yen ē kē bī rot looi akōl luk tē bī Jethu Krītho luk looi rin Nhialic tēnē koc ēbēn, ŋek kek kēden cī thiaan yeyic.

Koc Itharel aacie lōŋ ye theek

¹⁷ Ku yīin emēn, yīn ē rot cəl aye raan Itharel, ku yīn ē rot cəl aye raan muk lōŋ, ku ye jam nhiaam lōn ye yīn raan Nhialic.

¹⁸ Yīn aŋic kē wic Nhialic ba looi ku yīn aŋic yic rin cī lōŋ ye læk yī.

¹⁹ Aca gam lōn yīn awat koc cī cōar nhīim, ku yīn ē ruel tēnē koc tō muōōth yic,

²⁰ ku yīn ē koc piōōc, koc kuc kāŋ, ku yīn ē raan piōōc mīth. Ku rin le yīn lōŋ aye tak lōn ŋic yīn kāŋ ēbēn.

²¹ Yīn ē koc kōk piōōc yeŋō cīi yīn rot ye piōōc? Yīn ē koc wēt ēlä, “Duōkkē ye cuēr.” Ku yīn cīi ē cuär ē yienhdu?

²² Aye lueel, “Duōkkē ye kōör.” Cīi akar ye looi? Yīn aman jak cī kiēt, cīi kăpuōth tō yīik jak cī kiēt yiic ye rum?

²³ Yīn ē jam nhiaam lōn ŋic yīn lōŋ Nhialic, cīi Nhialic ye dhəl guōp tē cīi yīn lōŋde loi?

²⁴ Aye athör thæer wël Nhialic lueel ēlä, “Koc cie koc Itharel aa käreec luæel Nhialic guōp ē rienkun.”

²⁵ Ciæŋ koc Itharel ye ke ŋoot ē piath tē theek kek lōŋ, ku na cīi lōŋ thek ke yīn acīt raan kēc ŋoot.

²⁶ Na raan cie raan Itharel kēc ŋoot, raan cīi kē wic lōŋ ē dhəl yic, cīi bī ciēt koc cī ŋoot?

²⁷ Ke wek koc Itharel wek aabī koc kēc ē ŋoot, ku aa lōŋ theek ya yōök lōn acīn raan bāk gōk, tē le we tēm awuōc rin wek aacie lōŋ ye theek, cək alōn ŋic wek kē cī gāt ku ŋot we.

²⁸ Yeŋa yen raan Itharel ayic, yen cī ŋoot? Acie raan yeke ŋuōt tīŋ yeguōp ē path yen ya raan Itharel.

²⁹ Raan Itharel guōp, ee ya raan yepuōu alōŋthīn cī piānde ŋoot Wēi Nhialic, ku acie lōŋ cī gāt. Ku raan kēnē acie læc yök tēnē koc, aye yök tēnē Nhialic.

3

Nhialic acie athōnde ye waar yic

¹ Ye kēpuōth nen wër koc Itharel koc cie koc Itharel? Tēdēt ye kēpiath ŋō ye yök ŋuōt yic?

² Kājuec aaye yök ayic! Tuenŋ, koc Itharel aaci Nhialic thōn wētde bīk muk apath.

³ Ku yeŋō bī yiēndē tē cīn koc kōk Itharel gam? Bī kē cīn kek gam Nhialic cəl awar athōnde yic?

⁴ Acīi bī waar yic! Yiny Nhialic adhīl tō thīn akōlakōl cək alōn ye koc alueth. Cīmēn ye athör thæer wël Nhialic ye lueel ēlä, “Kēya, bī ŋic lōn le yīn yic, wël ye lueel yiic, ku luk yīin yic.”

⁵ Ku na käreec yeku ke looi ye Nhialic nyuōōth lōn le yen cök alanden, ke yeŋō buk lueel? Buk lueel Nhialic acīn yic tē tēm yen ŋo awuōc? (Ee tē ye koc jīæem thīn yen aluæel.)

⁶ Acie tēde! Na Nhialic cīi la cök ke lēu bī luk looi tēnē koc pinyinhom?

7 Alëu raan dët bi lueel ëlä, “Na ye lueth ya ke lueel yic Nhialic nyuöth thün alanden ku juék duarde yic, ke yenö not ye ya cäl aye raan ci kërác looi ku tëm ya awuöc?”

8 Yenö cii ye luel, cimën ye kac kök ya cäk thok ku luelkë lön ci yen ye lueel ëlä, “Loiku kërác bi këpath bën.” Ee yic bi köckä tëm awuöc.

Acin raan la cök

9 Këya, ye yok nuëën tënë kac cie kac ë kuatda yok kac Itharel?

Acie yic! Aca nyooth wënthëer lön yok kac Itharel ku kac cie kuatda yok arëër adumuööm yic yodhie,

10 cimën ye athör thëer wël Nhialic ye lueel ëlä,

“Acin raan töng la cök,

11 acin raan këng deet yiic, acin raan wïc yeen bi Nhialic njic.

12 Kac aaci kekäth wël Nhialic, keek aaci rëëc ëbën ka ci la biñh, acin raan këpath looi, acin mën raan tök.”

13 “Wël yekë keek lueel aa nhiany, aa cit ran ci njaany nom, liëpken aaci luel lueth njic.”

“Wël yekë keek lueel aa cit wäl këpiiny kac luaañ.”

14 “Aa wël ye kac lam ku wël rem apëi kek aatö kethook.”

15 “Aa kac lac näk path,

16 riääk ku mam aa döng tē ci kek tēek thün,

17 ku keek aaci dhël döör njic.”

18 “Ku riöc, riöc kek Nhialic aliu käk yekë looi yiic.”

19 Ku anjicku kuat kë ye löng lueel, aye lueel tënë kac la ye rin bi ciën raan la kë kony yen rot, ku bi raan ëbën köc Nhialic nom.

20 Këya, acin raan bi la cök Nhialic nom tē cak yen ye them bi kë wïc löng looi. Kë ye löng looi ë lön bi nyuöth raan lön ci yen kërác looi.

Të ye Nhialic kac cök thün

21 Ku ëmën tē ye Nhialic kac cök thün yen-hom aci nyooth. Aci löng ku kac käk Nhialic tñg lueel thëer.

22 Nhialic ë kac cök tē le kek gam tënë Jethu Kritho. Ee kënë looi tënë kuat raan

ëbën ci Raan ci lac ku dac gam, kac Itharel ku kac cie kac Itharel aa thöng ëbën.

23 Ku rin ci kek ëbën kërác looi, ee keek cäl amec tënë duaar Nhialic.

24 Ku keek aaci Nhialic muöc dhëënde piände ëbën bik la cök tënë ye. Ku dhëëng ye yok tënë Raan ci lac ku dac Jethu yen ë kac kony bik kërác cii loi.

25 Jethu aci Nhialic gam rin bi thuönde a kë ye adumuööm päl piny tē le raan gam tënë ye. Kënë aci Nhialic looi bi nyuöth thün lön le yen cök. Ku wäthëer Nhialic ë lir puöu, ëcie kac ye tëm awuöc rin kërác cik looi.

26 Ku ëmën aci adumuööm ci looi ëbën päl piny bi nyuöth lön le yen cök. Nhialic aci kënë looi rin le yen cök. Ku tē looi yen kënë ë raan ëbën ci Jethu gam cäl ala cök.

27 Na ye këya, yenö ye yok jam nhiaam ë path? Acin këdän! Ku ye wët nen ye yok nhiam? Ye rin ci yok löng theek? Acie tēde, ee tē ci yok gam.

28 Rin anjicku raan ë la cök tënë Nhialic rin gam ku acie thëk löng ë rot.

29 Ye Nhialic, Nhialic kac Itharel kepëc? Yeen cii ye Nhialic kac cie kac Itharel aya? Ee yic ë Nhialic kac cie kac Itharel aya,

30 rin yen Nhialic töng bi kac Itharel cäl ala cök ë gamden, ku cäl kac cie kac Itharel aala cök rin gamden aya.

31 Yeku löng dhöl yic tē le yok gam kënë? Acie tēde acin, yok aa löng juak bi riël.

4

Gam Abaram

1 Yenö buk jäl lueel rin Abaram wundit thëer kac Itharel? Yenö ci rot looi tënë ye?

2 Na Abaram la kënë ci looi bi yen la cök tënë Nhialic, nuöt ala kënë ye yen nhiam. Ku aci loi këlä tënë Nhialic.

3 Cimën ye wël ci göt athör thëer wël Nhialic yic ye lueel ëlä, “Abaram aci Nhialic gam ku rin gamde aci Nhialic cäl ala cök tënë ye.”

4 Raan luui aye riöp, ku wëu ye ye riöp aacie miöc, ariöpden ci yen luui.

⁵ Ku raan cie luui la gam tēnē Nhialic, Nhialic yen kōc cī kāreç looi cōl aala cōk, ke gamde yen ē ye cōl ala cōk tēnē Nhialic.

⁶ Ku Debit aci wēt thōŋ kek ē wēt kēnē lueel wäär yen jam rin raan mit puōu cī Nhialic gam ke la cōk tēnē ye, ke cie luoi puōth ye looi,

⁷ “Kōc mit puōth aa kōc cī Nhialic awācken pāl piny,

ku wuuny adumuōōmken wei.

⁸ Raan mit puōu ee raan cī Bēny bī kuēn guōp kāreç cī looi.”

⁹ Ye miēt puōu cī Debit jam kēn kōc Itharel ē rōt? Acie kēden kepēc. Ee kēn kōc cie kōc Itharel aya, ku wek aa we yeku lēk kē cuk yōk athōr wēl Nhialic yic, rin aci wēt cī gōt thēer lueel lōn, “Abaram aci Nhialic gam, ku gamde aci yen a raan la cōk tēnē Nhialic.”

¹⁰ Ye nēn yen looi kēnē rot? Loi rot tuen wäär kēc Abaram ŋoot aye wäär cī ye ŋoot? Ee tuen, acie ŋuōt cōk ciēen.

¹¹ Ku ŋuōt den jōl ye lōk ŋoot ciēen, aye nyuōth lōn gam Abaram aci Nhialic ye gam ke ye raan la cōk tēnē ye tuen wäär kēc ye cak ŋoot. Ku kēlā, Abaram ē wundit kōc cī Nhialic gam, ku aaye gam ke ye kōc la cōk tēnē ye cak aln kēc ke ŋoot.

¹² Ku yen ē wundit kōc cī ŋoot aya. Ku acie rin cī ke ŋoot, ee rin cī kek dhēl pīr gam thōŋ ke pīr wāda Abaram buōth yic wäär kēc ye cak ŋoot.

Athōn ku lōŋ

¹³ Nhialic acā Abaram thōn ku mīth bī lōk dhiēeth lōn bī pinyhom a kēden. Nhialic akēc athōn kēnē looi rin theek Abaram lōŋ, ee rin cī yen gam, ku gam yen aci yen a raan la cōk tēnē Nhialic.

¹⁴ Rin na ye kē ye Nhialic thōn kōc gām kōc lōŋ theek, ke gam acin wētde yic, ku cīn kēpuōth tō athōn Nhialic yic.

¹⁵ Lōŋ ē rēēc puōu Nhialic bēēi, ku tē cīn yic lōŋ, acin lōŋ ye dhōl yic.

¹⁶ Nhialic ē loi athōnde rin gam ku rin dhēēŋde, bī athōnde a kēn yic tēnē mīth bī lōk dhiēeth tēnē Abaram ēbēn. Ku acie tēnē kōc la lōŋ ē rōt, ee tēnē kōc cī gam aya cīmēn

Abaram. Rin Abaram yen ē wādan wēikua yodhie,

¹⁷ cīmēn cī ye gōt athōr thēer wēl Nhialic yiic ēlā, “Yīn aca looi ba ya wun kōc wuōt juēc.” Abaram aci ya Wāda Nhialic nhom, Nhialic cī gam, Nhialic yen kōc cī thou cōl aben pīr, ku wēt ye lueel ke liu thīn cōl aloi rot.

¹⁸ Abaram aci gam ku ŋēēth kē cīn kē ŋōth thīn, ku yen aci yen bēn a wun kōc wuōt juēc cīmēn cī Nhialic ye lēk ye ēlā, “Kōckun bī lōk dhiēeth aabī juēc ka bī ciēt kuēl.”

¹⁹ Wēn cī Abaram cak dhiōp ē ruōnke aa cīt buōt, ku ŋic lōn tiēŋde Thara ke cī dhiōp ke kēc dhiēth, ke ŋot kēc dhōr gamde yic.

²⁰ Ku rēer ke ŋōth ku cī diu athōn Nhialic, ku gamde aci ye bēn yiēk riēl ku leec Nhialic.

²¹ Ee ŋic, ke cīn diu lōn bī Nhialic la riēl bī kē cī thōn dhiēl looi.

²² Ku ē yen aci Nhialic Abaram gam ke ye raan la cōk tēnē ye.

²³ Ku wēlkā, “Yen aci gam ke ye raan la cōk,” aa kēc gōt riēnke ē rot.

²⁴ Aake gēt riēnkua yok kōc bī Nhialic gam aya ke yo la cōk, yok kōc ye gam lōn yen Nhialic yen cī Jethu Bānyda jōt thou yic.

²⁵ Yen aci cōl athou rin adumuōōmkua, ku jōt bī pīr bī yo cōl aala cōk tēnē Nhialic.

5

Gam yen abī yo luōk

¹ Kēya rin gamda Nhialic aci yo cōl ala cōk tēnē ye, ku yok aala dōōr kek ye rin Bānyda Jethu raan cī lōc ku dōc.

² Yok aaci gamda cōl abīi Jethu dhēēŋ Nhialic yic, dhēēŋ yen rēer yok thīn ēmēn. Ku ayeku ŋōōth yo mit puōth lōn yok aa duaar Nhialic rōm kek ye.

³ Ku acie kēlā rot, yok aa puōth miēt aya tē guum yok, rin gum ē deet puōu bēēi,

⁴ ku gum ku deet ē puōu aye Nhialic gam. Ku gem ye Nhialic ye gam yen ē ŋōth bēēi.

⁵ Ku ŋōth acie yo cōl ayār gup rin cī Nhialic nhiērde cōl athiōŋ yōpuōth, Wēiken cī gām yo.

⁶ Rin wäär ŋot cīn yen tē ye yok rōt kuōny thīn, ke Raan cī lōc ku dōc thou rin kōc kuc Nhialic akōl cī Nhialic lōc.

⁷ Aril yic bi raan thou rin raan la cök, cak alon leu yen rot bi raan det thou rin raan path.

⁸ Ku Nhialic aci nhiër nhiëer yen yo nyuəoth ë kënë yic, rin tēwäär ɲot ye yok kac la gup adumuššm, Raan ci lac ku dac aci thou riënkua.

⁹ Ku emën thuənde aci yo cal ala cök tənë Nhialic. Ku na ci kënë looi, ke cii yo bi wëër bei ayic riän pušu Nhialic yic aköl ciëen?

¹⁰ Ku wäär ye yok kac ater tənë Nhialic, yok aaci thon Wënde cal aben döör kek ye. Ku na ye këya, ke pir Raan ci lac ku dac cii yo bi kony?

¹¹ Ku acie kënë ë rot, yok amit puöth aya tənë Nhialic rin Bännya Jethu raan ci lac ku dac aci yo döör ke Nhialic.

Adam ku Jethu

¹² Adumuššm aci bën pinynhom rin raan tök, ku adumuššm ci looi yen aci bën ke thou. Ku këlä, thou aci bën tənë raan ebën rin ci kek adumuššm looi ebën.

¹³ Adumuššm ë tö pinynhom wäär këc löŋ Mothith gam kac, ku tē cin yic löŋ tö thün, adumuššm acie kuëc nhom.

¹⁴ Ku jök Adam bi bën Mothith, thou ë ɲot ye tēm kac agut kac këc löŋ Nhialic dhöl yic, cimën wäär ci Adam wët ci Nhialic lëk ye dhöl yic.

Adam yen ë ye kin raan yen bi bën.

¹⁵ Ku keek karou aacii thöŋ, rin miöc Nhialic ci gam kac ë path acii thöŋ kek adumuššm Adam. Raan tök, Adam, acä adumuššm looi, ku aci thou bëëi tənë kac juëc. Ku këdit apëi aya, raan tök, Jethu raan ci lac ku dac aci miöcdit dhëëŋ Nhialic bëëi tənë kac juëc.

¹⁶ Ku miöc Nhialic aci thöŋ kek adumuššm ë raan kënë. Ku adumuššm töŋ kënë cök kac juëc aaci tēm awuöc, ku adumuššm juëckä cök, miöc töŋ Raan ci lac ku dac Nhialic aci bën ku cal kac aa ben la cök yenhom.

¹⁷ Rin adumuššm raan tök thou aci bën pinynhom. Ku këdit apëi kac ci miöcdit Nhialic yök ci jal la cök, aabi mac ku püürkë akölrüëc rin Raan ci lac ku dac.

¹⁸ Këya, cimën ye adumuššm tök kac cal aa tēm awuöc ebën, ke këlä aya, luoi töŋ la cök

ë kac ebën cal aala cök Nhialic nhom, ku bii pir akölrüëc tənë raan ebën.

¹⁹ Ku cimën ci raan tök wët Nhialic dhöl yic, ku bi kac juëc cal aala gup adumuššm, ke këlä aya, rin ci raan tök wët Nhialic theek, kac juëc aabi la cök.

²⁰ Löŋ ë gem ë rin bi luoi käreç rot juak, ku tē ye käreç röt juak thün, dhëëŋ Nhialic ë rot jal juak apëi.

²¹ Ku cit lon ye adumuššm kac mac ku bii thou tənë raan ebën, ke yeen aya awic Nhialic bi dhëëŋde kac mac ku looi ke bik la cök tənë ye. Ku gem ke pir akölrüëc ebën rin Jethu raan ci lac ku dac, Bännya.

6

Pir rin Jethu

¹ Yenö buk lueel emën? Buk la tuen ke yo loi adumuššm rin bi dhëëŋ Nhialic yeyic juak?

² Acie tädë! Acit kë ci thou tənë yo, aacii yo bi ben mac. Ye këdë bi yok la tuen yo pir këlä?

³ Rin anjäckë ayic lon riel adumuššm aci dhoŋ köu wäär muöc yonhiim buk aa kac Jethu raan ci lac ku dac, ku yok aaci muöc nhiim ë thuənde.

⁴ Ku yeen aya, wäär muöc yonhiim, yok aa yo cit kac ci la ran tök yic kek ye thuənde yic. Ku cimën wäär ci Raan ci lac ku dac jät thou yic duaar Wun, ke yok aabi pir ë pir yam aya.

⁵ Na cuk röt mat kek ye thuənde yic, ke yok aabi röt dhiel jät thou yic kek ye aya.

⁶ Rin yok aa yo ye kac adumuššm, pirdan theer ëci thou tim ci riüu köu kek Raan ci lac ku dac, bi tē ye yok kac adumuššm ciën kë ben leu tənë yo. Ku buk cii ben aa kac tö adumuššm yic,

⁷ rin raan ci thou acii ben reër riel adumuššm yic.

⁸ Na yo ci thou kek Raan ci lac ku dac, ka yeku gam aya lon bi yok pir kek ye.

⁹ Rin anjicku lon na ci Raan ci lac ku dac jät thou yic, ka cii ben thou, rin thou acii ben la riel tənë ye.

¹⁰ Aci thou arak tök rin kac ebën bi riel adumuššm nyaai, ku piërde emën ë pir mit Nhialic pušu tənë ye.

11 Këlä aya, yakë röt cəl aacit kɔc cī thou tēnē adumuššm, ku wek aaci pīr tēnē Nhialic rin Raan cī lɔc ku dɔc Jethu.

12 Duökkē adumuššm cəl amɛc piërdun bāk ke aa theek käreɛc wïc guäpkun.

13 Ku duökkē guäpkun pël adumuššm bi ya käreɛc kek yakë ke looi. Wek aa dhil röt thön Nhialic, ciët we kɔc cī thou cī bən pīr. Wek aa dhil guäpkun thön Nhialic ku bāk aa kɔcken ye looi kē la cök.

14 Adumuššm acii we dhil mac rin wek aacii ɲoot löŋ theer yic, wek aatö dhëëŋ Nhialic yic.

15 Ye kē pīr yok ë dhëëŋ Nhialic ke cie löŋ, yook pušl buk adumuššm aa looi ë path? Acie tēde!

16 Anjickē alanden lɔn na thönkē röt raan dēt ku yakë theek we cīt aloony, ke wek aa loony ë raan kēnē cək bən adumuššm we yäth thou yic, ku këya, thekkē Nhialic bāk la cök tēnē ye.

17 Lecku Nhialic, rin wek aa we ye aloony adumuššm, ke wek aaci yith yakë yök kāk ye pišc tēnē we yiic, gam piäthkun ëbën.

18 Wek aaci wëër bei adumuššm yic, ku wek aaci ya aloony luoi kāk la cök.

19 Yɛn ajam këlä ë path cimën tēdun ye wek jiem thīn, rin bi wek kē lueel deet yic. Cimën wek aa we ye guäpkun ëbën thön luoi käreɛc rin cī luoiden we rum pušth. Ëmën, wek aa dhil röt cəl aaye aloony kāk la cök rin luoi kēpath.

20 Wäär ye wek aloony adumuššm, wek aa we cie diɛɛr luoi la cök.

21 Yenö kēn cāk yök luoi ë kakkä yiic, kāk ye wek gup yār thīn ëmën? Kakkä, ee thou yen ë yakë yök thīn.

22 Ku ëmën, wek aaci wëër bei adumuššm yic, ku wek aaci ya aloony Nhialic. Ku piërdun ëbën ë këde, ku kē yakë yök thīn ë pīr akölrüëc ëbën.

23 Rin kē ye yök luoi adumuššm yic, ee thou. Ku mišc Nhialic ë pīr akölrüëc ëbën rin Raan cī lɔc ku dɔc, Jethu Bányda.

7

1 Anjic, wek aa kē lueel deet yic miëthakäi cī gam rin wek aa ɲic löŋ. Löŋ ë la riel bi raan dɔm tē ɲot pīir yen.

2 Tē thöön yok ye, ke tiŋ cī thiaak acii löŋ ye pušl bi wïc mony dēt. Ku na thou muonyde ka cīn löŋ ben ye gël.

3 Na wïc mony dēt ke muonyde pīr, ka cī ya tiŋ cī kɔɔr. Ku na cī moc thou, ke löŋ gël yeen aliu. Na thiɛk mony dēt ka cīn akɔr.

4 Ku ë yen tēde aya tēnē we miëthakäi cī gam. Tē thöön yok ye löŋ, ke wek aa cīt kɔc cī thou tēnē löŋ rin wek aban guöp Raan cī lɔc ku dɔc. Ku ëmën wek aa kacke yen raan cī jɔt thou yic, rin bi wek aa kɔc puəth loi wët Nhialic.

5 Wäär ɲot pīir yok ciɛɛɲdan theer cī yo cak thīn, käreɛc ke cī löŋ tääu yopuəth aake lui apeɪ yogup. Ku aa kāk thou kek aake yeku ke looi ëbën.

6 Ku ëmën yok aaci bën bei löŋ theer yic rin cī yok thou tēnē löŋ wäär yen mɛc yo. Ku yok aa jəl luui dhël yam Wëi Nhialic, ku acie löŋ theer cī gët.

Löŋ ku adumuššm

7 Yenö buk jäl lueel ëmën? Ye löŋ yen adumuššm? Acie tēde! Na ye këya ayic, ɲuət yɛn akëc adumuššm ɲic tēn cii yen ye löŋ. Rin ɲuət akëc ɲic yen käreɛc wīny kēnē raandä yīpuəu tēn kéc löŋ ye lək yɛn ëlä, “Duk kēn raandä wïc yapuəu.”

8 Ku adumuššm aci löŋ wel bi yen yɛn a duššŋ ba puəu ayiëk kakkök. Ku na cie löŋ ɲuət acin adumuššm.

9 Wäthɛɛr, yɛn a ya ciɛŋ ke ya kuc kē ye löŋ lueel. Ku wäär le yɛn löŋ ɲic, aca bën yök yapuəu lɔn cī yɛn löŋ dhoŋ kəu ku ya raan ë thou.

10 Aca bën yök lɔn löŋ puəth wën ɲic ke yen bi pīr bëëi, aci bën a kēn thou bëëi.

11 Ku adumuššm aci löŋ wel bi yen ke yɛn a duššŋ, ku rin löŋ, yɛn aci adumuššm cəl athou.

12 Ku ë cīn käreɛc tō löŋ yic, ee ye löŋ Nhialic la cök ku pəth.

13 Ye këlä, lɔn nadë ke kēpath yen aci thou bëëi tēnē ya? Acie këya! Adumuššm yen ë looi ye. Acī kēpath lööm bi yen thou bëëi tēnē ya rin bi tēɛɛc yen thīn, yen adumuššm tic. Ku këlä, rin ë löŋ, adumuššm aye nyuəth ke ye kēɛc apeidit.

14 Anjicku löŋ ë bën tēnē Wëi Nhialic, ku yɛn ë raan ë path, alony adumuššm.

15 Үен асие кә яа лоои ye deet yic, rin Үен асие кә więc ba лоои ye лоои, ku aya лоои ӗ кә маан ба лоои.

16 Ku na луәи кә сә wic ba лоои, ka ya gam лон лон аpath.

17 Кәя, асие Үен ӗ кәнә лоои аyic, ku adumuššm рӗӗr ke Үа.

18 Аҗиєc, acin кәпуәth рӗӗr ke Үа, rin cит тә cи Үа cak thün kek adumuššm. Rin na cak alon wic Үен ye ba кәpath лоои, ka сә ӗ ләu ba лоои.

19 Rin кә яа лоои асие кәпуәth ya wic ba лоои, ku кәя кә cи path сә ӗ wic ba лоои, yen aya лоои.

20 Ӕмән na ya лоои кә сә wic ba лоои, ka cie Үен ye лоои, adumuššm рӗӗr ke Үен yen ӗ ye лоои.

21 Кәя, аya yök лон луui лон кәнә. Тә wic Үен ye ba кәpath лоои, ke кә cи path yen ӗ rot тӗӗm thün.

22 Ku piändiє gušp anhiar лон Nhialic,

23 ku Үен ӗ лон дӗт тӗҗ ke lui Үагуәp, лон cie la piny kek лон cи piändiє gam. Ku yen ӗ Үа cәl аye alony adumuššm yen лон lui Үагуәp кәнә.

24 Yeҗö be кӗrac Үа yök кәлә! Yeҗa бә kony gušp Үа Үәth thou yic?

25 Lecku Nhialic rin cи yen Bänyda Jethu raan cи ләc ku дәc, cәl akony Үа.

Кәя, кәнә yen ӗ тәdiє, Үен nhom piändiє yic alony лон Nhialic, ku cит тә cи Үа cak thün alony adumuššm.

8

Pir Wëi Nhialic yic

1 Ku кәя, acin awušc ye тӗm kac cи ya тök kek Raan cи ләc ku дәc Jethu,

2 rin лон yam, Wëi Nhialic ӗ pир бӗӗi rin Jethu raan cи ләc ku дәc, acä wӗӗr bei лон adumuššm yic, лон thou.

3 Kән кӗc лон ләu бi лоои rin тә cи Үо cak thün ke Үо cи ril rin adumuššm, aci Nhialic лоои ӗ tuuc cи yen Wände nhom tušc ke ye raan cimēnda, ku бi нök бә adumuššm nyaai. Ku тә лоои yen кәнә, acä adumuššm тö kac gup cәl acin riel.

4 Kәнә aci Nhialic лоои rin бi луәи wic лон dhiel la cök Үогup Үок kac pир Wëi Nhialic, ku асие тә cи Үо cak thün.

5 Kac pир cит тә cи ke cak thün kek adumuššm, aake nhüim yiєk käk ye тә cи cäk ke wic, ku kac pир cит тә wic лон Wëi, aake nhüim тәäu käk wic лон Wëi yiic.

6 Тә yik raan yenhom луәи käk adumuššm, ka thou. Ku na yik raan yenhom кә wic лон Wëi, ka yök pир ku дӗӗr.

7 Ku raan ӗ la ater kek Nhialic тә yik yen yenhom käk луәи adumuššm rin асие лон Nhialic ye theek, ku aci lәu бi лон Nhialic theek.

8 Ku kac ye theek тә cи Үо cak thün аacie Nhialic cәl amit puәu.

9 Ku кәя wek аaci ciєҗ cит тә cи we cak thün, wek aa ciєҗ cит тәнә лон Wëi тә рӗӗr Wëi Nhialic ke we аyic. Ku na ye raan cи рӗӗr kek Wëi Jethu raan cи ләc ku дәc, ka cie raande.

10 Ku na рӗӗr Raan cи ләc ku дәc kek we, ke guәpkun аaci thou rin adumuššm ku wëikun аҗot ke pир rin cи ke лоои бik la cök тәнә Nhialic.

11 Na Wëi Nhialic yen җot Jethu thou yic рӗӗr kek we, ke raan җot Raan cи ләc ku дәc thou yic, ka бi guәpkun thou cәl aa pир rin рӗӗr Wëike wegup.

12 Кәя, miєthakäi Үок аala кә dhilku лоои, ku асие лон бi Үок рӗӗr pirdan thӗr cи Үо cak thün yic.

13 Rin na piєrkө cит тә cи we cak thün, ke wek аabi thou, ku na pälkө kәrєc yakө ke лоои rin Wëi Nhialic, ke wek аabi pир yök.

14 Kac ye Wëi Nhialic nyuššth, aa mith Nhialic.

15 Rin Wëi cи Nhialic гәм we асие we cәl аye бen ya aloony adumuššm, ku лоои we бäk rišc. Ku Wëi Nhialic ӗ Үо cәl аye mith Nhialic, ku wek аaci Wëi Nhialic cи we лоои бäk aa miєthke yök. Ku Wëi aci Үо cәl аye Nhialic лон, “Wä! Wä!”

16 Aye Wëi Nhialic gušp kek wëikua lueel лон ye Үок mith Nhialic.

17 Ӕмән ye Үок miєthke, Үок аabi kәkken muk тәнә kacke thөн. Ku kәpuәth muk rin Raan cи ләc ku дәc аya rin тә guum Үок cimēnde, ke duaarde аbi ya кәda аya.

Duaar aköldä

18 Aya tak lön käk yeku guum piërda yic emën, aaciï kəŋ thöŋ kek duaar bi Nhialic nyuöth ɣo, duaar bi rëer kek ɣo aköldä.

19 Käk ci Nhialic cak pinynhom ebën aa rëer ke nŋth apɛi, ke tit aköl bi Nhialic miëthke nyuöth.

20 Ku käk ci cak, koc pinynhom aake bi rëer ke ci puöth mum, ku aacie kek ke ciï yen tak, ee Nhialic yen loi ye këya. Ku nŋth kënë ë ɳot tŋ thin.

21 Ku käk ci cak aabi waar aköldä rin bik ciï riääk, ku bik lääu nhomdit miëth Nhialic rom ke ke.

22 Rin anjicku agut cit emën, käk ci cak aa rëer ke dhiau ke rem, arɛem cit arɛem tin röp.

23 Ku aacie käk ci cak ë röt, ɣok koc ci Wëi ɣok ke ye miöc tueŋ ë Nhialic, ɣok aa rëer ɣo dhiau ɣo rem puöth aya, ke ɣo tit apɛi tɛ bi Nhialic ɣo luöi thin buk aa miëthke, ku cöl guäpkua aa waar röt bik aa yam.

24 Rin ë nŋth yen ë cöl ɣo apoth, ku na yeku kë nŋthku tin, ka cie nŋth acin. Rin ye ɳa kë tŋ kek ye nŋöth?

25 Ku na yeku nŋöth kë ciï tŋ ke ɣo, ka yeku tiit ke ɣo lir puöth.

26 Ku cit mën aya, Wëi Nhialic ë bën aya ku kony ɣo rin ye ɣok ciï ril, rin kuc ɣok tɛ dhil ɣok Nhialic röök thin, ke yeen ë Nhialic löŋ rienkua, ku löŋ ke dhiau dhiën cin wël ye teet.

27 Ku Nhialic yen kë rëer raan puöu tin, anjic kë lueel Wëike, rin Wëike ë röök rin kacke cit tɛ wic Nhialic ye thin.

28 Ku anjicku këriëc ebën yic, Nhialic ë luui käpath rin koc nhar ye, koc ci cöl bik këden wic looi.

29 Koc kek ci Nhialic koc thɛɛr, aaci looi aya bik ciët Wënde, ku bi Wënde a kaai wämäthakën juëc yiic.

30 Këya, Nhialic aci koc ci koc cöl ku looi ke bik la cök tënë ye, ku koc ci cöl aala cök tënë ye aaci la duarde aya.

31 Këya, yeŋö buk lueel rin ë kënë? Na Nhialic akääc kek ɣo, ke yeŋa bi ɣo maan?

32 Na Nhialic akëc Wënde nhom guöp ɳuään wäär ku cöl athou rienkua ebën. Na ci ɣo gäm Wënde, ke ciï ɣo bi gäm kəŋ ebën ë path aya?

33 Yeŋa bi la wët bi lueel koc ci Nhialic koc gup? Ee Nhialic nhom guöp yen aci ye lueel lön le kek cök tënë ye.

34 Le raan dët lëu ye bi ke tëm awuöc? Acin raan agut Jethu aya raan ci koc ku koc ci thou, ku jöt ran yic bi ben pir, ku arëer kəŋ cuëc Nhialic, ee Nhialic löŋ rienkua.

35 Yeŋa bi ɣo tək bei nhiër Raan ci koc ku koc yic? Lëu aliäap, tädë ba gum rin ye yin raan ci gam, ayi nŋöŋ, ayi riöc rin käreɛ, ayi lön bi yi nök ba thou?

36 Cimen ci ye göt athör thɛɛr wël Nhialic yic ëlä,

“Rin wëtdu ɣok aa rëer käk näk ɣook yiic aköl thok ebën, ɣok aaye looi cimen amël la teem röt.”

37 Acie tädë, kakkä yiic ebën ɣok aala riël dit ye ɣok kəŋ tiaam rin raan yen nhar ɣo.

38 Rin anjic alanden lön acin ke tək ɣo bei nhiërde yic. Cök athou ayi pir, cök atuuc nhial ayi jakreɛ, cök aa käk loi röt emën, ayi käk bi röt looi aköldä, ayi kakkök ril.

39 Ayi nhial, tädët wërdit cök piiny, acin kë lëu ye kuat kakkä yiic ebën bi ɣo tək bei nhiër Nhialic yic, yeen ë këda rin Raan ci koc ku koc, Jethu Bányda.

9

Nhialic ku kacke

1 Kë ya lueel ë yic. ɳen acie jam lueth rin ɳen ë raan, Raan ci koc ku koc. Aye puöndiën mɛc Wëi Nhialic lək ɳa apɛi lön ɳen aciï lueth luel.

2 Rin dak piändië adit apɛi, ku tɛ reem piändië thin rin kackië acie yop. ɳen ajam rin koc kuatdië, koc Itharel.

3 Ku na lëu rot ba ke kony, ɳuöt awiëc bi Nhialic ɳa tëm awuöc ku cä ben a raan Raan ci koc ku koc.

4 Keek aa koc ci Nhialic koc ku cöl ke aaye kacke, ku nyuth ke duarde ku looi döör ke ke ku gëm ke löŋ. Ku nyuth ke tɛ bi kek ye aa duöör thin apath. Ku yökkë käk ci Nhialic thŋn ke.

5 Keek aa ke ye kuat koc ɳic thɛɛr. Ku Raan ci koc ku koc, wäär ci yen jäl a raan cimenä ë ye raan kuatden. Raan ebën adhil Nhialic yen mɛc kəŋ ebën a leec akölrüëc ebën. Yenakan.

⁶ Acä ye lueel lön kē cī Nhialic thōn akēc rot looi. Kē cī Nhialic thōn acī rot dhiel looi, rin acie kəc Itharel kek ke cī Nhialic ləc ebēn.

⁷ Acī Nhialic lueel tēnē Abaram, “Aacie mīth ebēn bī dhiēeth tēnē yī kek bī ya mīth Nhialic, aa mīth bī dhiēeth many Itharel kek aabī ya miēthku kek ca thōn yī.”

⁸ Kēya, aye kēnē nyooth lön aacie mīth bī dhiēeth Abaram ebēn kek ke bī ya mīth Nhialic, aa mīth ke cī Nhialic thōn ye kek aake bī ya miēthke.

⁹ Kēnē cī Nhialic lueel akīn wäär thōn yen wēt tēnē Abaram, “Tē le akälde bēn, ke ɣen abī dhuk ku Thara abī manh moc yök.”

¹⁰ Kē cīt ē wēt kēnē aya, mīth Rabeka karou, wunden ē ye tők, wäditda Ithäk.

¹¹⁻¹² Acī Nhialic lueel tēnē Rabeka, “Wëndun dīt yen abī ya luui tēnē wëndun koor.” Acī kēnē lueel rin bī nyooth lön kē cī yen raan tők ləc keyiic ku pəl raan dēt, ee wïc piānde ē rot bī looi kēya. Nhialic ē luel wēt kēnē tēnē Rabeka, ke Rabeka kēc mīth cak dhiēeth, ke cīn kēpath ku kēɾɾɾ cī ɳek looi. Kēnē cī rot looi ē kē cī Nhialic raan tők cəl ku pəl raan dēt. Ku acie kēnē cī ɳek looi kamken.

¹³ Cīmēn ye athör thēer wël Nhialic ye lueel elä, “Jakop aca ləc ku kuɾɾɾ Ethau.”

¹⁴ Abī kəc kək aa lueel lön Nhialic acīn yic, ku acie tēde.

¹⁵ Rin acī Nhialic lueel tēnē Mothith elä, “Na wiēc ba raan dēt ɳuään, ka luɔɔi, na wiēc ba pušu löny tēnē raan dēt, ka luɔɔi aya.”

¹⁶ Kēya, acie kē wïc raan, tēde kē ye looi, ee lier pušu ē Nhialic.

¹⁷ Rin acī Nhialic lueel wël thēer cī gət yiic tēnē bēny Ijip elä, “Yīn aca looi ba ya bēny rin bī riēldiē yī nyuɔth, rin bī kəc pinynhom ebēn ɳa piɳ.”

¹⁸ Kēya, na wïc Nhialic bī raan ɳuään, ka looi. Ku na wïc raan dēt bī cəl aril nhom, ka looi aya.

Nhialic ē kəc ɳuään ku tēm kəc awuɔc

¹⁹ Tēdēt ɳen abī raan dēt thiēc elä, “Na ye yen tē ye Nhialic luui thīn akan, ke yeɳö ye

yen raan tēm awuɔc? Ku yeɳa lēu ye ku bī kē wïc Nhialic jööny?”

²⁰ Ye tak ye yīn ē ɳa ba yīnhom jääm kē cī Nhialic looi? Tōny acie tiɳ cuēc ye ye thiēc, “Yeɳö cuēc yīn ɳa kēlä?”

²¹ Tiɳ cuēc tōny ala yic bī tiɔp cuēc tēden wïc yepušu, ee tōny karou cuēc ē tiom tōɳ yic, amuc yen jööl muɔc ku tōöny ye yen luui baai ē path.

²² Kē cī Nhialic looi athōɳ kek ē kēnē. Awïc bī riääk piānde nyuɔth ku cəl rielde aɳic. Ku ɳot pəl yepušu piny tēnē kəc ɾɾɾ yen pušu thīn, kəc ɾɾɾ ke bī tēm awuɔcdīt apei.

²³ Ku ee wïc aya bī duaarden dīt nyuɔth ɳo, duaarden dīt cī yen ɳo mat thīn yok kəccken cī ɳuään. ɳok kəccken cī guiir thēer buk duaarde yök.

²⁴ Ku yok kəc cī cəl yok aa ɳo la yiic kəc Itharel ku kəc cie kəc Itharel aya.

²⁵ Ku kēnē cī Nhialic lueel akīn, kē cī gət athör ɳocia yic raan käk Nhialic tiɳ,

“Aba cəl kackiē, tē jiem ɳen kəc cie kackiē ayic.

Aba cəl kəcckien nhiaar, tē jiem ɳen rin kəc cä ke nhiaar.”

²⁶ Ku tēnē yen acī Nhialic ye lueel thīn elä, “Wek aacie kackiē,

tēn aabī cəl ka wēt Nhialic tō pīr yecin.”

²⁷⁻²⁸ Ku Ithaya raan käk Nhialic tiɳ acī jam apei thēer rin kəc Itharel elä,

“Na cak kəc Itharel juēc abik ciēt liēet agör, ka kəc lik keyiic kek aabī poth,

rin Nhialic abī luk lac looi luɳ cī yeyic dhuk tēnē kəc pinynhom ebēn.”

²⁹ Acīt wēt cī Ithaya raan käk Nhialic tiɳ lueel wäthēer elä,

“Na Nhialic Madhəl kēc ɳook nyāɳ kəc ē kuatda yic,

ɳuöt yok aaci ciēt kəc gen Thodom ku Gomora.”*

Wēt Puɔth Yam ee luel tēnē kəc Itharel aya

³⁰ Kēnē yen ē luɾɾɾ, “Ee kēc kəc cie kəc Itharel them bik la cök tēnē Nhialic. Ku aaci Nhialic bēn cəl aa la cök rin cī kek ye gam.

31 Ku ecī koc Itharel them bik la cök Nhialic nom rin thek e löŋ, ku acin ke cik bēn yök.”

32 Ku raan dēt abī thiēc elä, “Yenö cın yen ke cik yök?” Acin ke cik yök rin acik them bik looi e röt ku cik Nhialic gam. Kēya, aa cīt koc cī kecök deeny alēl,

33 alēl yen ye athör theer wēl Nhialic jam ye elä,

“Piēnkē apath, yen abā alēl bī koc cōl aaye kecök deeny.

Tösu Jeruthalem, alēl bī koc cōl awiēēk. Ku raan bī wētde gam acīi bī rac puöu.”

10

1 Miēthakāi, ke wic piändiē ku rōckkiē tēnē Nhialic rienken, ee lōn bī kocckiēn Itharel ŋic tē bī Nhialic ke kuony thīn.

2 Alēu ba ya raan ŋic ye lōn awickē bik luui apēi bik Nhialic cōl amit puöu tēnē ke. Ku dhēl ye kek ye wic bik Nhialic cōl amit puöu, acik ye deet yic apath.

3 Ku rin kēc kek dhēl ye Nhialic koc cōl aala cök tēnē ye deet, acik them bik dhēl yök e röt, dhēl bī ke cōl aala cök tēnē Nhialic. Ku aa kēc dhēl ye Nhialic koc cōl aala cök tēnē ye gam.

4 Ku Raan cī lōc ku dōc yen aye löŋ thök thīn. Ku kēya, Nhialic e kuat raan cī gam ebēn cōl ala cök tēnē ye.

Acin raan cū Nhialic ye kony

5 Mothith acī tē ye koc la cök thīn tēnē Nhialic tē theek e löŋ gōt elä, “Na loi raan kē ye löŋ lueel, ke yeen abī löŋ cōl apir.”

6 Kē ye wēl Nhialic cī gōt theer lueel rin bī raan la cök tēnē Nhialic rin gam akīn, “Duk rot ye thiēc, yeŋa bī la pan Nhialic.” Rin bī yen Raan cī lōc ku dōc la thiēc bī bēn piny tēnē yo.

7 “Duk rot ye thiēc aya, yeŋa bī la piny.” Ku wētde yic bī Raan cī lōc ku dōc la bēi bei kam koc cī thou.

8 Kē ye wēl Nhialic cī gōt theer lueel akīn, “Wēt Nhialic athišk kek yī, arēer yithok ku yīpuöu.” Ku kēnē yen e wēt tōŋ yeku lēk we.

9 Na ye lueel koc nhīm elä, “Jethu e Bēny ku gam yīpuöu lōn cī Nhialic ye jōt thou yic, ke Nhialic abī kony.

10 Gam e bēn bei yopuöth ku cōl yo aala cök tēnē Nhialic, ku luel ye yok gam lueel yothook koc nhīm aye Nhialic yo kony.”

11 Cīmēn cī ye gōt athör theer wēl Nhialic yic elä, “Ku raan bī wētde gam acīi bī rac puöu.”

12 Kēnē atō raan ebēn thīn, rin Nhialic Bēny athōŋ tēnē koc ebēn, koc Itharel ku cie koc Itharel aya. Ku e koc rōök tēnē ye ebēn gām kajuēc path apēi.

13 Cīmēn ye wēl Nhialic cī gōt theer ye lueel elä, “Na le raan Bēny cōl ke yen akony Bēny.”

14 Ku yeen acik bī cōl ayic tē kēc kek gam. Ku keek acīi bī gam tē kēc kek wēt piŋ. Ku wēt acik bī piŋ tē kēc ye lēk ke.

15 Ku bik wēt piŋ kēdē tē cın yen raan cī tuōc ke. Cīmēn cī ye gōt athör theer wēl Nhialic yic elä, “Ee kēpath apēi, koc bīi wēt puöth yam aa bö.”

16 Ku acie raan ebēn yen cī Wēt Puöth Yam gam. Acī Ithaya nom guöp lueel elä, “Bēny yeŋa cī wētde gam?”

17 Kēya, keek aa wēt kaŋ piŋ tuēŋ ku jōlkē gam. Ku wēt kēnē aye piŋ tē piöc koc rin Raan cī lōc ku dōc.

18 Ku e yic alanden, keek acī wēt piŋ. Cīmēn cī ye gōt athör theer wēl Nhialic yic elä,

“Wēl cik lueel apēi acī thiēi piny.

Wēl thuōŋden acī yet pinynhom ebēn.”

19 Ku koc Itharel guöp e ŋickē. Mothith nom ke jam nyin Nhialic, yen abī ye kaŋ lueel,

“Wek wundiēn Itharel, wek aaba cōl adōm tiēl.

Rin koc cīi cōk a wut, wek aaba cōl ariäak puöth

rin koc wun cın kē cik deet.”

20 Ku jam Ithaya nyin Nhialic, ku gēi yic elä,

“Yen acī koc ke cīi yen wic yök.

Yen acī rot nyuöth koc ke cie yen e thiēc.”

21 Ku acī lēk yo lōn cī Nhialic ye lueel rin koc Itharel elä,

“Yen acā cin taar akōl thok ebēn tēnē koc dhēl yen, koc cie wētde ye piŋ.”

11

Nhialic ë nuäände nyuöth kac Itharel

¹ Kë thiëc, cii Nhialic kuc kacke? Acie tède. Yen nom guöp, yen ë raan Itharel, yen ë raan kuat Abaram, raan many Benjamin.

² Nhialic akëc kuc kacke, kac yen lac ke theer. Wek aa ñic käk ci göt athör theer wël Nhialic yic, käwäär ye Elija Nhialic cöl rin kärec ci kac Itharel looi,

³ “Bëny, keek aaci kac käkku tñj nõk ku thurkë ariäku piny, ee yen raan töj käkku tñj ci döj, ku keek awickë bik ya nõk.”

⁴ Ku tẽ ci Nhialic ye bëer thñn tènë ye akìn, “Ku yen aci röör tiim kadhorou cöl arëer kek ya, röör këc jəj cöl Baal ye kac kök cöl aye Nhialicden kañ door.”

⁵ Ëmën kë thöj kek ë kënë aci rot looi, Nhialic aci kac lik lac rin dhëñde.

⁶ Nhialic acie kac ë lac rin käk cik looi. Rin na Nhialic ë kac lac rin käk cik ke looi, ke nuöt aci dhëñde ye nyuöth acin.

⁷ Ku ë yic kac Itharel aa këc kënë yen wickë apëi yök, ku aa kac ke ci Nhialic lac kek aaci ye yök. Ku Nhialic aci kac kök looi bik kë ye lueel cii piñ.

⁸ Cimën ci ye göt athör theer wël Nhialic yic ëlä,

“Keek aaci Nhialic looi bik kañ cii ye deet yiic agut cit akölë, aacit kac cie piñ ku cöörkë.”

⁹ Ku aye Debit lueel, “Yen ee röök tènë Nhialic lön bi yen ke deep ku döm keek yäiken yiic. Bik wiik bi keek tēm awuöc.

¹⁰ Ku cöl Nhialic keek aa la nyin dum bik ciën kë yekë tñj.

Bi kākken rēc yekë keek looi ciēt kāthiek kekōth.”

¹¹ Aluëel piändië ëbën lön na cək alön ci kac Itharel kecök dëny bik wiik, ke keek aa këc gëek piny. Ku rin ci kek adumuööm looi, ke kuöny Nhialic aci bën tènë kac cie kac Itharel. Kënë aci rot looi rin bi tiël kac Itharel nõk ë riēken.

¹² Ku rin ci kac Itharel adumuööm looi, ke kac kök pinyhom aaci döc. Ku rin këc kac

Itharel kepuöth yiëc dhël pñr, döcdit aci gam tènë kac cie kac Itharel. Ku bi döc jäl dit këdë tẽ jöl kac Itharel mēt thñn.

Kac cie kac Itharel aabi kony

¹³ Kë luëel ëmën ë kë lëk kac cie kac Itharel. Cimën ye yen atuny kac cie kac Itharel, yen abi nhiam luoi ci Nhialic yiëc ya ba looi.

¹⁴ Tède, ke yen abi kac kuatdië cöl adöm tiël, ku rin luöidiën ca looi, Nhialic abi kac kök kony keyiic.

¹⁵ Tëwën ci Nhialic kuc ke, go kac kök pinyhom cöl aala döör kek ye. Ku tẽ le kac Itharel gam aya, ka bi ciēt kac ci thou ci bën pñr.

¹⁶ Na gem raan abañ ayup tènë Nhialic, ka ayup ëbën ë kënë Nhialic aya. Ku na ye mei tim käk Nhialic ke kër aa kākke aya.*

¹⁷ Kër kök tim ye com cöl Olip aaci yep wei, ku nuet kër Olip cil roor ë rot tēden wën, ku jöl dit apëi abi ciēt Olip ye com baai, ye ñic muk apath. Këya, wek kac cie kac Itharel kök bën tènë kac Itharel, wek aa kăpath yök thñn aya cimën ye kër Olip piērden yök tènë Olip dēt ci ye nuet yeköu.†

¹⁸ Këya, duökkë kac ci Nhialic yep wei cimën kër tim ye bui. Acin kënë yi cöl anhiam, acie yin meei looi bi riël, ee meei yen ë yi looi ba riël.

¹⁹ Abi raan dēt kamkun lueel ëlä, “Kër aaci yep wei rin bi yo nuet nyiēnken yiic.”

²⁰ Kënë ë yic. Aaci yep wei rin këc kek gam, ku döñkë nyiēnken yiic alanden rin ci wek gam. Ku duökkë nhiam ë kënë, riääckë kë bi bën.

²¹ Na këc Nhialic kac Itharel puöl bi ke ci tēm awuöc, kac cit kër tim ci com baai ka cii we bi puöl aya.

²² Ayeku tñj ëmën yen tẽ pēth Nhialic thñn, ku tẽ yen kac tēm awuöc thñn. Ee kac ca adumuööm looi tēm awuöc. Ku ë piath tènë yi tẽ ye yin rëer ke yi nõth piathde ku looi käk ye cöl apath puöu tènë yi. Ku na cii kënë loi, ke Nhialic abi yi yep wei aya.

²³ Ku na dhuk kac Itharel kepuöth ciēn ku gamkë wēt Nhialic, ka dhuk tēden theer wäär yep ke wei thñn, rin alëu Nhialic bi ke bën dhuök thñn.

11:1 Pili 3:5 11:3 1Bñ 19:10, 14 11:4 1Bñ 19:18 11:8 L.rou 29:4; Ith 29:10 11:10 Wk 69:22-23 * 11:16

Paulo aluel kënë bi nyuöth lön kac Itharel aa not ke ye kac Nhialic, cək alön ci kuöny gam kac cie kac Itharel ëmën.

† 11:17 Kac cie kac Itharel aa kăpath yök tènë kac Itharel cimën ye kuël ayi aciëk piērden yök tènë tim ci yen cil yeköu.

²⁴ Këya, wek koc cie koc Itharel wek aa cit ker tim Olip ci yep bei Olip cil roor kou, ku nuëet ke kek tim Olip ye com. Koc Itharel aa cit tim ci com kënë, ku abi yic pial tene Nhialic bi ker ci yep wei ben nuëet kek tim yep ke bei thin.

Koc Itharel ebën aabi kony

²⁵ Ala yic këckë kanj njic wämäthkië wiëc ku bak njic. Na njieckë ë yiny kënë, ka cak bi ya tak piäthkun ku luelkë, “Yok aa njic kanj.” Ku yiny kënë akin. Wët ci koc kök Itharel kuc bik cii gem aciï bi tö thin akölaköl, abi reer thin yet aköl bi akuën koc cie koc Itharel wic Nhialic ben bäanyde yic tene ye.

²⁶ Ku ë yen tã bi Nhialic koc Itharel ebën kuony thin, cimën ye athör thëer wël Nhialic ye lueel ëlä,

“Raan luäk koc abi ben Jeruthalem ku nyεεi adumuööm koc Itharel gup.

²⁷ Ku lueel Nhialic, yen abi döör kënë looi ke keek, tã le yen adumuöömken nyaai.”

²⁸ Rin ci kek kuc Wët Puöth Yam, aaci ya koc ater tene Nhialic, ku kënë aci rot wel ke ye kuöony tene we, wek koc cie koc Itharel. Ku rin ci Nhialic ke koc, aci wärken dit thon lon kuatden aabi ya mäthke akölaköl.

²⁹ Rin Nhialic acie yenhom ë waar tene koc ci koc ku döc ke.

³⁰ Ku wek koc cie koc Itharel, wek aa we ci kuc Nhialic wäthëer, ku emën wek aaci Nhialic nuään rin ci koc Itharel Nhialic dhäl.

³¹ Këlä aya, rin nuëën cak yok, ke koc Itharel aa dhäl Nhialic emën, rin bi kek nuëën yok emën aya.

³² Nhialic aci koc ebën col aa cit koc ci mac rin ci kek ye dhäl guöp, ku bi nuäände nyuöth ke ebën.

Yok aa dhil Nhialic leec

³³ Käpuöth Nhialic aa juëc apëi. Ku yeen acin kënë ye wuööh, anjic kanj ebën. Yenä lëu ye bi tã yen tek thin teet yic? Acin raan lëu ye bi tã yen kärke luöoi thin deet yic.

³⁴ Cimën ye athör thëer wël Nhialic ye lueel ëlä,

“Acin raan njic tã ye Bëny tek thin, acin raan lëu yeen bi Bëny wëët?”

³⁵ “Acin raan lëu yeen bi Nhialic gam këdän, rin bi Nhialic yeen kööny.”

³⁶ Rin ë Nhialic yen ë cak këriëc ebën, ku ë yen amuk këriëc ebën, ku këriëc ebën aa tö thin ë rienke. Yok aa dhil Nhialic leec akölrüëc ebën! Yenakan.

12

Yok aa pir rin bi yok Nhialic luöoi

¹ Këya miëthakäi, rin ci Nhialic yo nyuöth lier ë piände, alëk we piändië ebën, tã juër wek röt Nhialic bak ciët kë nek ye, ku week ke we piir, ke we loi ë kënë bak aa kärke alanden. Kënë yen ë dhël dhil wek Nhialic door wepuöth.

² Duökkë tã ye koc pinynhom ë tën luui thin ye buöth yic, calkë Nhialic awar wepuöth papot, bi we gam nhom yam ku bak kë wic Nhialic njic, ku kë wic Nhialic ë këpeth ye col amit puöu, ku le cök.

³ Ku rin dhëënj puöth ci Nhialic yiëk ya, alëk we ebën. Duökkë ye tak lon ye wek kocdit wër koc kök njiny kanj, tën tã reer wek thin emën wek koc ë path, ku ye njek rot tööu teden thöhj kek gam ci Nhialic yiëk ye.

⁴ Yok aa le njek ke guöp, ku guöp ala käjuëc, ku kakkä aa ye tök la këden ye looi.

⁵ Këlä aya, yok aa juëc, ku yok aa cit guöp tök rin yok aa tök kek Raan ci koc ku döc, yok aaci mat ë tök cimën käk cii thöhj tö guöp tök yic.

⁶ Këya, njek kamkua adhil kë ci gam ye luöoi tãcit tã ci Nhialic ye gam ye bi looi. Na ye kë ci Nhialic gam yo lon bi yok wëtde lëk koc, ka dhilku looi tãcit tã diit gamdan ci Nhialic yiëk yo thin.

⁷ Na ci Nhialic yo col aye koc luöoi, ka dhilku kony. Na ci yo col aye piöoc, ke yok aa piöoc.

⁸ Na ci yo looi buk koc kök aa dëet puöth, ka dhil looi këya. Raan kë töu kek ye tek kek koc kök, adhil looi puön biökruëel. Raan ci Nhialic yiëk riël bi yen koc mac adhil looi puöu ebën, ku raan lier puöu nyuöth tene koc kök, adhil looi ke dal, ke mit puöu.

⁹ Duökkë röt ye nyuöth ciët we nhiaar koc, dhilkë koc nhiaar puöu ebën. Mankë kërac ku muökkë këpath riël.

¹⁰ Nhiarkë röt piäthkun ebën cimen ñek ke wämënh, ku nyuöth të ye yin raan dët theek thïn, ku duk të bi yi theek thïn yik yinhom.

¹¹ Duökkë röt dak, luöökë ape. Luöökë Bëny piän tök.

¹² Rëerkë we mit puöth të cak kac kök we jöör rin le wek ñöth, ku röökkë Nhialic akölaköl.

¹³ Gämke kac ci gam kë wickë muökkë liu tënë ke. Ku luöökë jööl bö bäaikun yiic.

¹⁴ Röökkë Nhialic rin bi yen kac jör we döc, ku duökkë röök tënë ye rin bi yen ke tëm awuöc.

¹⁵ Miet puöu kek kac kök mit puöth, ku dhiaaukë kek kac dhiau.

¹⁶ Calkë yer piändun athöñ tënë kac ebën. Duökkë nhiam, dhuökkë röt piny ku luöökë tënë kac kor tënë we. Ku duökkë ye tak lon ë wek ñic kån.

¹⁷ Na loi raan dët kërac tënë we, ke duökkë col kërac dët. Loi kë ye raan ebën tak ke path.

¹⁸ Luöikë kapuöth lëukë ke bak ke looi rin bi wek ñic ceñ kek kac.

¹⁹ Duökkë këdån guur mäthkië, calkë aguur Nhialic. Rin aye Bëny lueel athör wël theer yic ëlä, “Yen abi kërac ci kac kök looi guöör.”

²⁰ Duökkë këne kån looi, luöikë kë ye athör theer wël Nhialic lueel, “Na raan aterdu anëc cak, ke gam miëth, na nëc rou, ke gam kë dek, rin të looi yin kakkä ka ba col ayär guöp.”

²¹ Duökkë kërac col arum wepuöth, luöikë këpath bi wek kërac gël wei.

13

Raan adhil kac mac baai theek

¹ Week ebën wek aa dhil bëny mec baai theek rin acin raan kac mac të këc Nhialic ye gam bi kac mac. Ee Nhialic yen ë kac yiëk bëäny.

² Këya, raan cie wët bëny mec baai ë gam, ee bëäny ci Nhialic gam dhöl yic, ku raan loi kë cit këne abi tëm awuöc.

³ Rin bëny aacii kac këpath looi ye riöc, aa kac kërac looi kek aa riöc ke. Ye looi këpath yen abi bëny yi aleec.

⁴ Rin yen aluui Nhialic këpath kony yen yi, ku na loi kërac, ke yi riöc ye rin riël tö kek ye acii muk ë path. Rin bëny ë Nhialic luöi ku nyooth riäak puöu Nhialic, ku tëm kac kërac looi awuöc. Ee kac awuöc looi col agum.

⁵ Këya, wek aa dhil bëny theek ku acie rin ë wët këne rot, ku yeen aya anjäckë wepuöth lon ë kë dhielkë looi.

⁶ Kënë yen ë wët dhil wek ajuër tääu piny aya, rin bëny aa luui tënë Nhialic të looi kek luöiden ë cök bik kac mac.

⁷ Tääu ajuër piny ajuër yen ba juaar tënë ke, ku nyuöthkë athëkdun ebën tënë bëny.

Kac aa dhil röt nhiaar ë kamken

⁸ Duökkë röt col aköony raan dët, kë tö thïn ë tök yen adhil looi, ku ë kë bi wek röt nhiaar kamkun, ku raan nhiaar kac ebën ë kë wic löñ yen aye looi.

⁹ Löönkä, “Duk akör loi, duk raan näk, duk cuëer, duk këne raandä wic yipuöu,” löönkä ku löön kök aa met löñ töñ ye lueel ëlä, “Yin adhil kac ebën nhiaar cimen nhiaer yin rot.”

¹⁰ Raan nhiaar raan dët ka cin kërac ye raan këne looi tënë ye. Këya raan nhiaar kac kök, ee kë wic löñ yen aye looi.

¹¹ Wek aa dhil këne looi rin anjäckë lon aköl dhil wek nhüim tir aci bën. Rin aköl bi Nhialic yo kony aci thiök emën tën tewardär tueñ gem yok wët.

¹² Acit lon nadë ke waköu athök ku aköl abö, päku kërac yeke looi muöth yic waköu, ku këya lömkë käk bi yo col apir apath aköl bi Jethu dhuk.

¹³ Yok aa dhil röt mac apath cimen kac ë rëer yer yic aköl cin kë yekë thiaan. Wek aacii röt met akut luui kërac yic, kërac cimen wiët ë määu ku winy ë diäär. Ku duökkë ater ye looi ku tielkë röt kamkun.

¹⁴ Lömkë Bëny Jethu Kritho, bi thiäak ke we. Duökkë wepuöth ye yiëk käk we col aloi adumuööm, bak këne yen wic piändun looi.

14

Duk kac kök ci gam luk wei

¹ Gamkë raan koor gamde bi rëer ke we, ku duökkë ye teer ke ke käk yekë tak, käk cii ril.

² Gam raan dët, ee ye cöl acam kuat miëth ë path, ku raan koor gamde acin kuat rin ye cuet.

³ Ku raan cin kën ye yen ke kuc bi cam, acii raan kuc miith käk dhäl guöp. Ku raan kuc miith käk acii raan cin kën ë yen kuc bi cam ye yöök lön ë yen kërac looi, rin kë ye raan cin kën ye yen kuc looi aci Nhialic gam.

⁴ Ye yin ë na, ba kë ci alony raan dët looi, lueel ke yic, tädë ke cie yic? Ee wun alony yen alëu ye bi lueel lön le aluonyde cök ku lön cii yen la cök. Ku yen abi la cök rin abi Bëny cöl ala cök.

⁵ Aye kac kök tak lön ala aköl dit tënë aakööl kök, ku aye kac kök tak lön akööl aa thöŋ ebën. Njek adhil kë ye yen ye tak këya njic apath.

⁶ Raan kën looi aye looi rin wic yen Bëny bi theek. Ku raan cin kënë ë yen ke kuc bi cam, aye looi rin wic yen ye bi athëäk nyuöth tënë Bëny, rin ë Nhialic leec rin miëth. Ku raan kuc bi miith kök cii cam aye looi këya rin athëäk tënë Bëny, ku athëäk gam Nhialic.

⁷ Acin raan tök kamkua pir rienke ë rot, ku na thou raan acie thou rienke ë rot.

⁸ Na piirku ke rin Bëny, ku na thouku, ke rin Bëny aya. Të piir yok ayi të thou yok, ke yok aa kac ë Bëny.

⁹ Rin Raan ci lön ku dök aci thou ku jot rot bi pir rin bi yen a Bëny kac pir ku kac ci thou.

¹⁰ Ku këya, yenö ye wek miëthakun luök wei, tädë ke dhälkë gup, rin yook yodhie yok aabi kööc Nhialic nom luk yic aköldä.

¹¹ Cimën ye athör theer wël Bëny ci göt ye lueel ëlä,

“Cimën piir yen ayic, aluεel alanden lön raan ebën abä door.

Ku abi raan ebën lueel lön ye yen Nhialic.”

¹² Këya, njek yoyiic abi Nhialic ya tët këden ci looi, ku ye rin nö yen looi yen ye.

Duk kac ci gam thöoc adumuööm yic

¹³ Yok aacii röt dhil tëm awuöc kamkua, ku duk kë bi raan dët cöl aloi awuöc loi.

¹⁴ Ku rin ye yen raan buöth Bëny Jethu anjic alanden lön acin miëth rëec yetök ë

rot. Ku na gam raan lön miëth arac, ka rac tënë ye.

¹⁵ Na cöl wämuuth arac puöu rin ciem yin miëth ye tak lön rëec yen, ka ye kë loi nyuöth lön yeen acii nhar. Ku duk wämuuth ci Raan ci lön ku dök thou rienke rëc miëth ye cam.

¹⁶ Duk të ye yin kakkun path luöoi thin cöl aye kac kök tak lön rëec yen.

¹⁷ Rin bäany Nhialic acie cam ku dök, ee la cök ku döör ku miët puöu ye Wëi Nhialic gam.

¹⁸ Ku kuat raan, Raan ci lön ku dök luöoi këlä ë Nhialic cöl amit puöu, ku cöl raan ebën agam këden ye looi.

¹⁹ Këya, adhilkun them buk käk kac këäk nyaai ku loiku käk kac kök kony bik riël gamden yic.

²⁰ Na ye këya, duk kë ci Nhialic looi rëc rin miëth, miith aa path ebën. Ku na ye raan dët cöl aloi adumuööm rin kë ye cam, ka cii path.

²¹ Këpath akin, duk rin cuet ku duk möu dek, ku duk kuat kë bi wämuuth cöl aloi adumuööm loi.

²² Këya, kë ye tak ke path ë kakkä, muk kamkun wek Nhialic. Na cii raan ye lueel lön kë ci looi awuöc, të looi yen kë ye tak ke ye yic, ke yeen amit puöu.

²³ Ku na ye raan puöu rou të cem yen kuat miith kök, ka ye Nhialic cöl aye kërac yen looi të cem yen ye, rin acie gam yen cöl ye aloi ë këne. Ku na yeku këdän looi ebën ke cin gam, ke yeen adumuööm.

15

¹ Yok kac ril ë gamda yic, yok aadhil kac cii ril kony bik la tuen kek gamden apath, ku acie këne yo cöl amit puöth yen dhilku aa looi.

² Njek yoyiic adhil wämäätndan ci gam luöi këpath, kë bi yeen cöl amit puöu. Yok aa dhil këne looi rin bi yok gamde cöl adhil riël.

³ Rin Raan ci lön ku dök akëc kë ci looi looi rin bi yen ke puöu miët, cimën ye athör theer wël Nhialic ye lueel ëlä, “Wäär let yi, læt aaci bën aa kakkie.”

⁴ Këriëc ebën ci göt athör theer wël Nhialic yic ë yo piöc, rin wël theer Nhialic aa yo cöl anöth, ku aa yo dëet puöth.

⁵ Bī Nhialic yen koc cəl agum, ku deet kepuəth we yiək döör kamkun, cīmēn ye wek koc buəth Raan cī ləc ku dəc Jethu.

⁶ Rin week ebēn bāk Nhialic wun Bānyda Jethu Krītho aa leec.

Wēt Puəth Yam aci lək koc cie koc Itharel

⁷ Nhiarkē röt kamkun rin bī koc ebēn Nhialic leec, luəikē kēnē cīmēn tē cī Jethu we nhiaar thīn.

⁸ Rin alək we lən cī Raan cī ləc ku dəc a raan luui koc Itharel, ku nyuth ke lən kē cī Nhialic lueel ē yic, rin bī kāk cī thōn wärkuan dīt aa yith.

⁹ Ku dēt aya, bī koc cie koc Itharel cəl aa lec Nhialic rin lier piānde, cīmēn cī ye gət athör thēer wəl Nhialic yic elä, aci Bēny Debit lueel,

“Kēya, tē rēer yen kam koc cie koc Itharel ke wek ba gām ləc.

Ku waak aləec aba ket tēnē yīin.”

¹⁰ Ku ben athör thēer wəl Nhialic lueel elä,

“Miətke puəth wek koc cie koc Itharel kek koc cī Nhialic ləc.”

¹¹ Ku ben athör thēer wəl Nhialic lueel aya,

“Wuöt ebēn aa dhil Bēny leec, ku koc ebēn aa dhil ye leec apēi.”

¹² Ku ben Ithaya lueel athör thēer wəl Nhialic yic elä,

“Ala raan many Jethe wun Debit bī bēn.

Abi Nhialic looi bī ya Bēny koc cie koc Itharel.

Ku nāthden abi tō tēnē yeen.”

¹³ Bī Nhialic nōth bēi ku cəl we athiān miət puəu dīt apēi ku döör, cīmēn ye wek ye gam bī Wēi Nhialic we cəl aala nōth dīt apēi.

Luoi Paulo kam koc cie koc Itharel

¹⁴ Wāmāthkiēn cī gam, yen nhom, anjiec alanden lən week nhīm wek aa path apēi, wek aa njic kē bāk dhiel looi ku alēukē bāk röt piöc kamkun.

¹⁵ Wek aca gät athöör puəu ebēn ke cīn kē muəony rin kāk wiēc ba ke bēn lək we, rin dhēej cī Nhialic gām ya,

¹⁶ ba ya raan luui Jethu Krītho, ba luui rin koc cie koc Itharel. Yen ē luoi kāk raan Nhialic looi tē lək yen koc Wēt Puəth Yam. Rin bī koc cie koc Itharel ciēt kē cī Nhialic

door, kē cī Nhialic gam apēi. Ku bī Wēi Nhialic ke cəl aye kacke.

¹⁷ Yen anhiam luəidiēn ya luoi Nhialic, rin cī yen mat kek Raan cī ləc ku dəc Jethu.

¹⁸ Yen abi jam kāk cī Raan cī ləc ku dəc cəl aluəi ē röt, kāk ya lueel ku kāk ya looi aaci koc cie koc Itharel cəl athek Nhialic,

¹⁹ rin kārīl ku kāk koc göi, cī Wēi looi dhēl ril. Kēya, yōn ca ke tēek ebēn jāl Jeruthalem ku wun cəl Dalmatia, yen aci koc lək Wēt Puəth Yam rin Raan cī ləc ku dəc.

²⁰ Kēn yen tō yapuəu ē tōk ē path, ee lən ku ba koc lək Wēt Puəth Yam tē kēc rin Raan cī ləc ku dəc kaŋ piŋ thīn, rin bī ye cīi luel lən ye yen luoi cī koc kək jək yen luoi.

²¹ Cīmēn cī ye gət athör thēer wəl Nhialic yic elä,

“Koc kēc kaŋ lək wētde abik tiŋ.

Ku koc kēc ye piŋ abik deet yic.”

Awic Paulo bī la kenya Roma

²² Ku rin ē wēt kēnē, aca them ku yen aci pēen arak juēc ba la tēnē we.

²³ Ku emēn cī yen kē luoi thōl tē rēer yen thīn tēn, ku tēyon wic yen ye run juēc ba we la tiŋ,

²⁴ anjāath ba jāl looi emēn. Ku emēn le yen Ithpeen, wek aa bar ba we tiŋ. Ku awiēc bāk ya kony ba yet thīn, tē cī yen kaŋ rēer ke we tēthin-nyəot.

²⁵ Emēn thiin yen ala Jeruthalem ba kuəony la gam tēnē koc Nhialic rēer thīn.

²⁶ Ku akuut koc cī gam tō Mathedonia ku Girik aaci puəth miət, ku matkē bik wēu juaar tēnē koc nōŋ kam koc Nhialic tō Jeruthalem.

²⁷ Kek aa mat yeyic ē röt bik looi kēya, ku ē yic keek aa dhil koc nōŋkə kony. Koc Itharel aa kāpuəth yekē yök tēnē Nhialic rin wēiken rəm kek koc cie koc Itharel. Kēya, koc cie koc Itharel cī gam aa dhil koc Itharel cī gam kony bik ke yiək kāk yekē wic akōlaköl rin piērdēn.

²⁸ Tē cī yen kēnē thōl, ba ke gām wēu ke cī kuööt yiic rienken, ke yen abi la Ithpeen, ku wek aaba kaŋ neem ba jāl la Ithpeen.

²⁹ Te yeet yen tēnē we, anjiec yen abi dəc dīt Raan cī ləc ku dəc la rəm ke we.

³⁰ Rin gamda tēnē Bēny Jethu raan cī kōc ku dōc, ku rin nhiēr cī Wēi Nhialic gām ʒo, wek aa lāḡ mātkē rōt ʒen aterdiē yic bāk rōök kek ʒen apei tēnē Nhialic rienkiē.

³¹ ʒen arōök bī kōc Judia kēc wēt Jethu Krītho gam ʒen cīi baḡ, ku bī kōc Nhialic tō Jeruthalem puōth miēt bik kē ca looi bī ʒen ke kony gam.

³² Ku kēya, na wīc Nhialic, ke ʒen abī bēn tēnē we ke miēt puōu, ku mitku puōth nēm bī ʒo bēn puōc.

³³ ʒen arōök bī Nhialic yen ye ʒok dōr ʒök thīn, rēer kek we ēbēn. Yenakan.

16

Paulo ē kōc Roma muōth

¹ Awiēc ba lēk we, lōn nyankāida Pobi luui akut kōc cī gam Kankēria ē raan path.

² Luōrkē cīmēn raan Bānyda, ku cīt tē ye kōc Nhialic rōt luōr thīn kamken, ku yiēkkē kuat kuōny bī thiēc tēnē we. Yeen ē path tēnē kōc juēc, ayī ʒen aya.

³ ʒen ē Prithkila ku Akuila, kōc cī rōt māt ʒa buk luui rin Jethu raan cī lōc ku dōc, muōth apei,

⁴ kōc kēc diēer kē bī ke nōk rienkiē. ʒen amit puōu tēnē ke apei. Ku acie ʒen ē rot, akuut kōc cie kōc Itharel cī gam aa mit puōth aya.

⁵ ʒen akut kōc cī gam, yenhom mat panden, muōth aya.

ʒen ē mātthdiē Epanetuth, raan cī Raan cī lōc ku dōc kaḡ gam wun Athia,

⁶ ku Maria raan cī luui apei rienkun, aaca muōth aya.

⁷ Andronikuth ku Junieth, kōc Itharel cīmēndiē, wāār cī mac ke ʒa aaca muōth aya. Keek aa ḡic apei rin ye kek atuuc aya, ku kek aake kōḡ gam tēnē ʒa.

⁸ Miātthdiē tēnē Ampliatuth, yeen ē mātthdiē apei, ku yeen aci rot māt Bēny.

⁹ Muōth tēnē Urbano, raandan lui rin Raan cī lōc ku dōc. Ku muōth aya tēnē mātthdiē apei, Ithakith.

¹⁰ Muōth tēnē Apeleth, raan cī tē kēec yen thīn kek Raan cī lōc ku dōc nyuōth kārīl yiic. Ku muōth tēnē kōc many Arithtobuluth.

¹¹ Muōth tēnē ʒērodiōn raandan Itharel ku wāmāthakua, kōc cī gam many Narkithuth.

¹² Miātthdiē tēnē Tripina ku Tripotha, diāār cī luui rin Bēny ku tēnē mātthdiē apei Perthith raan cī luōidīt looi rin Bēny.

¹³ ʒen ē muōth tuōc Ruputh raan ḡic luōide apei rin Bēny ku tēnē man, raan ʒen kony akōlakōl ciēt ʒa ye manhde.

¹⁴ Miātthdiē tēnē Athinkrituth, Plegon, ʒermath, Patrobath, ʒermath ku wāmāthakua ēbēn cī gam rēer ke ke.

¹⁵ Muōth tēnē Pilologuth ku Julia ku tēnē Nerioth kek nyankēn, ku tēnē Olimbath ku tēnē kōc cī gam rēer kek ē tōk.

¹⁶ Miātthkē rōt kamkun puōu ēbēn. Akuut kōc cī gam ēbēn aa we tuōc miātthden wek akut kōc cī gam Roma.

Paulo ē kōc tō Roma lēk kē dhilkē looi

¹⁷ Wek aa lēk apei wāmāthkiē bāk nhīim tīr kōc ē kōc tek yiic, ku rēckē kōc nhīim bik gamden cīi muk apath, kōc cīi piōcōden ē thōḡ kek tē cī we piōcōc thīn, duōkkē rōt ye thiāk ke.

¹⁸ Rin kōc kākka looi aacie luui rin Raan cī lōc ku dōc Bānyda, aa lui rienken ē rōt. Aa wēl mit apei lueel, ku aa kōc cīn kāreec yekē ke looi wēēḡ.

¹⁹ Acī raan ēbēn piḡ yen tē muk wek wēt yam cāk gam thīn. Kēya wek aa ʒa cōl amit puōu apei. Awiēc bāk kāpath ku kāreec kaḡ ḡic, ku bāk kāpath aa ḡic ku duōkkē rōt cōl aaye tōu luōi kērac yic.

²⁰ Ku Nhialic yen ye ʒok dōr ʒök thīn abī riēl jōḡrac rac, ku cōl adhuk wecōk ciēen.

ʒen arōök bī Bānyda Jethu raan cī lōc ku dōc la tuēḡ ke nyuth we dhēēḡde.

²¹ Timothī, raandiēn luui ʒok ē tōk, ee we tuōc miātthde, ku yen lan Lukiōth, Jathon ku Thothipater kōckiēn Itharel.

²² ʒen Tertiath, ʒen raan ʒa gāt wēl cī Paulo lueel athōr kēnē yic, wek aa ʒa tuōc miātthdiē ke ʒa ye raan cī gam aya.

²³ Gaiōth, raan rēer ʒen paande, ku yen ye akut kōc cī gam rōm thīn, ee we tuōc miātthde. Eratuth, raan wēēu mir (akuma) mēc ʒeu muk ku wāmāāthda Kuartuth, aa week tuōc miātthden.

[

²⁴ Bī dhēēŋ Bānyda Jethu raan cī lɔc ku dɔc rēer kek week ēbēn. Yenakan.]

Paulo ē lɛc gam tēnē Nhialic

²⁵ Lecku Nhialic bī we looi bī gamdun riɛl. Yen ē kē ya lueel tē lēk yēn kɔc Wēt Yam rin Jethu raan cī lɔc ku dɔc, ku ē yen aci yic cī moony run juēc apɛi nyuɔɔth.

²⁶ Ku ēmēn kāk cī kɔc kāk Nhialic tīŋ gōt aaci yiny kēnē cɔl aŋic kɔc juēc, aci Nhialic tō thīn tēyɔn ku abī rēer thīn athɛɛr lueel bī wušt pinynhom ēbēn yic kēnē dhiɛl ŋic. Kēya, rin bī kɔc ēbēn Nhialic gam ku thekkē.

²⁷ Tēnē Nhialic tōk, Nhialic kēriēc ēbēn yic, yen ŋic kǎŋ, aa leec. Kēnē adhīl rot looi akōlriēc ēbēn rin kē cī Jethu raan cī lɔc ku dɔc looi. Yenakan.

Athör tuej cī Paulo gät kɔc gen Korinth Wēt nom

Athör tuej cī Paulo gät tēnē kɔc cī gam gen Korinth, ee gēt rin aliām cī rot lək jat nhial, cī pīr ku gam lək wāac apei akut kɔc cī gam yic, akut wäär cī Paulo jɔc cök gen Korinth.

Pan Gīrik yen tō gen Korinth thīn ē mɛc bēnydīt kɔc Roma. Ku Korinth, tēwäär gēt Paulo athör ē ye gendīt wun cɔl Akaya, ku ē ciēj kɔc juēc thīn. Gen kēnē ēcī njic apei ē wēt γɔc ye looi thīn, ku ciēj ē nhiaam ku luoi kārɛc cīmēn luoi kāk ē bal ku thək yiēth juēc.

Kē cī akut kɔc cī gam yeyic tek, ku wīny ē diäär ku ciēj rɛɛc tō kam rōör ku diäär, ku wēt ē thiēk, ku wēt ciēj path, ku tēpeth ye Nhialic duɔr thīn, ku miśc ē Wēi Nhialic ku jōn ē rot thou yic. Käkä ebēn, kek aa wəl ril kek gät Paulo athöör tēnē kɔc cī gam Korinth. Acī them piānde yic ebēn bī nyuɔth yen kē ye Wēt Puoth Yam lək kɔc rin ē kākä ebēn.

Käk tō thīn

Muōth tuej 1:1-9

Tē cī kɔc cī gam keyiic tek thīn akuut 1:10-4:21

Wīny ē diäär ku pīr baai 5:1-7:40

Kɔc cī gam rēer kam kɔc kēc gam 8:1-11:1

Tē dhil kɔc aa rōök thīn ebēn 11:2-14:40

Jōn e rot Jethu ku kɔc cī gam 15:1-58

Ajuēr tēnē kɔc cī gam Jeruthalem 16:1-4

Wəl ciēn ē Paulo 16:5-24

¹ Athör kēnē abō tēnē Paulo, raan cī cɔl ē wēt Nhialic bī ya atuny Jethu Krītho, ku tēnē wāmāathdan cī gam Thothēneth.

² γen agēt tēnē Krīthiaan rēer gen Korinth, kɔc cī Nhialic cɔl bik aa kacke, rin cī kek mat kek Jethu Krītho, cīmēn kɔc kōk cī gam, kɔc ē Jethu door, Bānyden ku Bānyda aya.

³ Bī Nhialic Wāda ku Bēny Jethu Krītho, we yiēk dhēēj ku dōör.

Nhialic acī γo dɔc rin Jethu

⁴ γen ē Nhialic ya door leec ē riēnkun akōlakōl, rin kē cī looi tēnē we. Acī we

nyuōth piathde, ku gēm we kajuēc yakē yök rin Jethu Krītho.

⁵ Rin rēer wek ke we ye tōk kek Raan cī lɔc ku dɔc, Nhialic acī we muɔc bāk kajuēc njic aa looi cīmēn ye wek kɔc lək wētde, ku njieckē kajuēc.

⁶ Nhialic acī wēt Raan cī lɔc ku dɔc cɔl awēi wepuōth apei,

⁷ ku kēya acīn miśc tōj Nhialic liu tēnē we emēn rēer wek ke we tit akōl bī Nhialic Bānyda Jethu Krītho cɔl aben dhuk.

⁸ Ku Jethu abī we kony bī gamdun riēl bī Nhialic we tij ke we cīn gup awuōc akōl le Bānyda Jethu Krītho dhuk.

⁹ Anjiekē kecīn diu, lōn Nhialic akōlakōl ē kē cī thōn ke bī looi, looi. Ee yen acī we cɔl bāk aa tōk kek Wēnde Jethu Krītho Bānyda.

Kɔc cī gam Korinth aaci keyiic tek

¹⁰ Wek aa lāj wāmāthakua rin riēl Jethu Krītho, bī ya wēt tōk yen yakē lueel, ku bāk weyiic cī ye tek. Matkē rōt ebēn ku calkē tāktakdun aye tōk.

¹¹ Acī kɔc kōk ē many Kulowi lək γa lōn wek aa göth ē kamkun.

¹² Kē wiēc ba lueel akīn, aye kɔc kōk ē kamkun lueel ēlä, “γok buōth Paulo.” Ku lueel kɔc kōk, “γok aa buōth Apolo.” Ku lueel kɔc kōk, “γok aa buōth Pīter.” Ku kɔc kōk, “γok aa buōth Raan cī lɔc ku dɔc.”

¹³ Ye tēde bī Raan cī lɔc ku dɔc ya tek yic akuut? Ye γen Paulo γen cī thou tim cī riūu kōu ē riēnkun? Nadē le raan cī we muɔc nhīim rin bī wek aa kɔc buōth γen Paulo?

¹⁴ γen Alec Nhialic rin acīn raan ca muɔc nom ē kamkun, ee Krīthputh ku Gaiōth kepēc.

¹⁵ Kēya, acī raan luel ye lōn cī we muɔc nhīim bāk aa kɔc buōth γa.

¹⁶ (Aca ben tak, γen acī Ithipanath kek kacke muɔc nhīim. Ku acā ye tak lōn le yen raan dēt ca muɔc nom.)

¹⁷ Raan cī lɔc ku dɔc akēc γa tooc ba kɔc aa muɔc nhīim. Acā tooc ba kɔc aa lək Wēt Puōth ē Yam. Ku lək ke ē cök ke cie wəl raan njic kāj ē path, rin ba nyuōth lōn thōn cī Krītho thou tim cī riūu kōu, ala riēldīt apei.

Jethu ē njiny kāj ku riēl Nhialic nyuōth

¹⁸ Aye kɔc mār, kɔc kuc tē bī ke kuōny thīn tak lōn thōn cī Raan cī lɔc ku dɔc thou tim cī

rīiu kōu, acīn kē ye kony tēnē ke. Ku ɣook, kəc cī luək thon cī Raan cī ləc ku dəc thou tim cī rīiu kōu, ee Nhialic nyuəəth tē ril yen thīn.

¹⁹ Ku yeen acī gət athör theer wël Nhialic yiic ëlä, “ɣen abī kəŋ gël bīk röt cīi loi tēnē kəc ŋic kəŋ ku kəc cī piöc apei.”

²⁰ Na ye kēlä, yenö buk lueel rin kəc ŋic kəŋ ku kəc cī piöc apei, ku kəc ŋic teer wël ë riëc aköl yic? Acī Nhialic nyuəəth lön ŋiny ë kəŋ ë kockä acīn wëtde yic!

²¹ Rin ŋiëc ë kəŋ tōu kek Nhialic, akēc kəc pinynhom ye lēu ku bīk ye ŋic cək alön ŋic kek kəŋ. Ku Nhialic acī wët yeku lək kəc, wët yen ye yöŋ yic, looi bī yen kəc ye gam kony.

²² Ku awic kəc Itharel bīk kārīl ë kəc göi tīŋ, kək bī ye nyuəəth lön Nhialic alui. Ku kəc cie kəc Itharel ë wickē bīk kəŋ aa ŋic.

²³ Ku ɣook wët yeku luɛɛl, ee Raan cī ləc ku dəc cī thou tim cī rīiu kōu cīi kəc Itharel ye lēu bīk gam. Ku yöŋ kəc cie kəc Itharel yic lön cīn yen wëtde yic.

²⁴ Ku tēnē kəc cī Nhialic cəɔl, kəc Itharel ku kəc cie kəc Itharel, wët cī Raan cī ləc ku dəc thou, ee riel Nhialic ku ŋiëc kəŋ Nhialic nyuəəth.

²⁵ Rin kē ye tīŋ ciët Nhialic cīn kē ŋic, aŋic kəŋ apei ka wär raan ŋic kəŋ. Ku kē ye tīŋ ciët Nhialic cīi ril, aril apei ka wär riel ë raan.

²⁶ Takkē ëmən miëthakäi, we ye kəc yīndē wäär kəc Nhialic we cəɔl bāk aa kəc buəth Jethu. Cīt tē cī raan cak thīn, aa kəc lik ë kamkun kek aake ŋic kəŋ, tēdē ke kek la riel, tēdē ke ye kəc ke dhiëeth kəc cī jak.

²⁷ Nhialic acī kəc ye tīŋ kecīn kēpəth tō ke ke ləc, rin bī yen kəc röt cəɔl ka kəc ŋic kəŋ cəl ayär gup. Ku ləc kəc ye yök ciët ke niəp, rin bī yen kəc röt yök ke ril cəl ayär gup.

²⁸ Ku Nhialic acī kəc cīi ke ye kuëc nhīim ləc, rin bī yen riel kəc röt yök ke kek ye kəc ril rac.

²⁹ Ku aye kēnē nyuəəth lön acīn raan lēu ye bī nhiam Nhialic nhom.

³⁰ Ku ë rin Nhialic yen acī wek ya kəc Jethu Krītho. Ku ŋiëc ë kəŋ tōu kek Nhialic, ayeku yök tēnē Jethu. Ee rienke yen aye ɣok la cök tēnē Nhialic ku yeku kocken path, ku wēer ɣo bei adumuəəmkua yiic.

³¹ Kēya, acī gət athör theer wël Nhialic yic ëlä, “Na ye raan wic ye bī nhiam rin kē cī ye cəl amit puəu, ka dhil nhiam rin kē cī Bēny looi.”

2

Tē cī Paulo kəc Korinth lək thīn

¹ Wäär cī ɣen bēn tēnē we miëthakäi, ba we bēn lək wët ë Nhialic cī moony, wek aa kəc bēn aa jāam wël ril ye nyooth ciët ɣa ye raan cī piöc apei tēnē we.

² Rin wäär rēer ɣen kek we, aca bēn tak bī ciēn dət lək we, ee wët rin Jethu Krītho, wët cī yen thou tim cī rīiu kōu.

³ Kēya, wäär bīi ɣen tēnē we, ɣen ë ɣa bö ke ɣa cī riöc rin cīi ɣen ril. ɣen ë ɣa ye lath.

⁴ Ku ɣen akēc piöc ku lək kəc Wët Puəth ë Yam wël puəth ŋiɛc. Ee Nhialic yen acī ye looi bī piöc dië ku tē ye ɣen kəc lək thīn la cök ë riel Wēi Nhialic.

⁵ Kēya, acie wël puəth yakē ke piŋ kek cəl we aa gam Raan cī ləc ku dəc, ee riel Nhialic.

Nīny ë kəŋ bö tēnē Wēi Nhialic

⁶ Kē ya piöc ë wët ŋiëc tēnē kəc dīt cī gam. Ku acie ŋiëc tōu kek kəc pinynhom. Tēdē ke ŋiëc ë kəŋ tōu kek kəc mēc ëmən, kəc la riel bī rielden guə liukä.

⁷ ŋiëc ë kəŋ ya lueel, ee ŋiëc tōu kek Nhialic kəc cəl aləc tic tēnē kəc. Ku acī Nhialic guiir theer kəc piny cak lön ŋiëc ë kəŋ kēnē yen abī duaar bēi tēnē ɣo.

⁸ Ku ŋiëc kək Nhialic kēnē ë kəc kəc mēc ëmən ŋic. Na cik ŋic nuəst aa kəc Bēny rəm duaar kek Nhialic piäat tim cī rīiu kōu.

⁹ Ku ë yen kē ye athör theer wël Nhialic lueel ëlä, “Acīn raan cī ye kəŋ tīŋ, acīn raan cī ye kəŋ piŋ, lön bī yen rot looi, yen kē cī Nhialic guiir tēnē kəc nhīar ye.”

¹⁰ Ku aa ɣok acī Nhialic bēn cəl aŋic kəkken kəc cəl aləc tic riel ë Wēike. Wēi Nhialic aŋic kēriëc ëbēn agut kək cī Nhialic moony.

¹¹ Ee puən raan rot yen ë kək ye raan tak ŋic. Kēlä aya, ee Wēi Nhialic yen aŋic tēktək ë Nhialic ëbēn.

¹² ɣok kəc cī gam, ɣok aacie kəŋ ye tak tēcīt tē ye kəc pinynhom, kəc cie kəc cī gam ke tak thīn. ɣok acī Wēi cī Nhialic tuəc ɣo

yök. Ku aci yook kony buk käk ci Nhialic yiék yo ya deet yiic apath.

¹³ Këya, tē jiem yok, yok aacie jam wël ci yo piöoc tēcīt tē njic kãñ thïn pinynhom. Yok aa jam ē wël ye gãm yo ē Wëi Nhialic, tē jiem yok käk Nhialic tēnē kɔc rēer Wëi Nhialic ke ke.

¹⁴ Raan liiu Wëi Nhialic tēnē ye, acie käk ye Wëi Nhialic piöoc ye gam, aa cïn wētde yic tēnē ye. Ku aaci ke ye deet yiic, rin alëu raan bi piath ē kãkkã njic tē rēer Wëi Nhialic kek ye.

¹⁵ Raan rēer Wëi Nhialic kek ye, alëu bi kërac ku kēpath deet yic, ku acin raan lëu bi ye jöony.

¹⁶ Cimën ci ye gõt athör thëer wël Nhialic yic ëlä,

“Yenja njic kē tək Bëny? Yenja lëu bi yeen wëët?”

Ku yok aa tak cimën Raan ci lɔc ku dɔc.

3

Yok aa lui rin Nhialic

¹ Miëthakäi le yok gam tök, akëc lëu ba jam tēnē we tēcīt tēn bi yen jiem thïn tēnē kɔc rēer Wëi Nhialic ke ke. Yen a ya ye jam tēnē we ciët ye käk pinynhom kek yaké ke tak kepëc. Ku ciët we ye kɔc cit mïth ē tēdun ye wek piöoc kɔc ci gam dæet yic thïn.

² Wek aa we cã gãm käk bäk ke dek ku acie miëth ril kãu, rin wek aa we këc guo cam miëth ril kãu. Agut cit ëmën, acäk lëu bäk liek,

³ rin wek anjot we ciëñ cimën kɔc pinynhom kepuöth yiék käk ye piäthken wïc. Tē rēer tiëel ē kamkun, ku yaké rēer ke njek göth ke njek cïi ye nyuöoth lɔn ciëñ wek cimën kɔc pinynhom?

⁴ Yen anjic ē kënë tē ye njek kamkun ye lueel, “Yen abuöth Paulo.” Ku raan dët. “Yen abuöth Apolo,” Ke wek aa tak cimën kɔc këc gam.

⁵ Yenö Apolo ku Paulo cɔl aaye kɔc ril apeï? Nhialic aci yo luöoi buk we kony bäk gam. Njek ē kamkua ē luoi ci Bëny tək ye looi.

⁶ Yen aci kãu com ku yor Apolo, ku ē Nhialic yen acɔl ye acil.

⁷ Raan ci kädãñ com ku raan ci ye yor aacie kek ril. Ee Nhialic yen aril apeï, rin ē yen aci kãu cɔl acil.

⁸ Raan ci kãu com ku raan ci ye yor aa thöñ rin yok aa loi luoi tök yodhie rin ē Nhialic. Ku Nhialic abi njek ya gãm ariöp thöñ kek luoiden ci looi.

⁹ Rin yok aa cit dom luui Nhialic thïn. Wek aa cit yön buth Nhialic.

¹⁰ Yen aci Nhialic gãm tēet ye yen njec buth. Ku ē yen aye yen atën käk buth njec jöok cök, käk ye raan dët buth thïn aya. Ku njek adhil yenhom täau piny apath tē buth yen thïn.

¹¹ Rin Nhialic aci Jethu Krïtho yetök looi bi a yen ē jök ē cök. Këya, acin raan dët ben jök ē cök dët ben yam.

¹² Kɔc aabi aleel ril apeï lööm ku bi kek kē ci jöok cök buth, ku kɔc kök aabi luui ē tiim ku bel.

¹³ Ku kɔc aabi kē yen puöth luoi ē njek tññ aköl le Raan ci lɔc ku dɔc dhuk. Rin aköl kënë, mac abi luoi ci looikã them ëbën, ku luoi bi mac göök abi tññ.

¹⁴ Nhialic abi raan buth kē ci jöok cök ē käk cïi mac ye rac, yiék ariöp.

¹⁵ Ku na le raan rɛc mac luode, ka cïn ariöp yok. Ku yeen nhom abi poth cimën raan yööt rot bei mac yic.

¹⁶ Cäk njic lɔn wek aa cit luanj ē Nhialic, ku Wëi arëer kek we?

¹⁷ Na ye raan loi luanj ē Nhialic bi yic la buööl, ke raan kënë arɛc Nhialic. Rin luanj Nhialic ē kēde ē rot. Ku aa wek aa ye njek ke luanj ē Nhialic.

¹⁸ Acin raan mæth rot. Na ye raan ye tak ka wär we njiny ē kãñ, ka dhil rot cɔl acit raan cïi kãñ njic ē riëec akölë yic, rin bi yen a raan njic kãñ.

¹⁹ Kē ye kɔc akölë pinynhom tēn tak kepuöth ciët ke njic kãñ, acin njiny ē kãñ tōu thïn cit tē ye Nhialic tiëñ ye. Cimën ci ye gõt athör thëer wël Nhialic yic ëlä, “Nhialic ē kɔc deep njinyden ē kãñ yic.”

²⁰ Ku aci gõt alɔñ dët yic ëlä, “Anjic Bëny lɔn tēktək kɔc njic kãñ acin kepuöth tō thïn.”

²¹ Duökkë ye nhiam lɔn buöoth wek njek ku njek. Käk piöoc ëbën aa kãkkun.

²² Paulo, Apolo ku Piter, keriëc ebën pinynhom, pîr ku thou, kâk tōu thîn emën ku kâk aköldä, kâkkä ebën, aa kâkkun bî wek kâpath yök thîn.

²³ Ku week ku yook aatō Raan cî lōc ku dōc cōk. Ku Raan cî lōc ku dōc atō Nhialic cōk.

4

Yok atuuc Raan cî lōc ku dōc

¹ Wek aadhil yo ya tiŋ ke yok kōc lui rin Raan cî lōc ku dōc, kōc cî Nhialic looi buk yithken cî moony luεel.

² Kē tōŋ ye wïc tēnē raan lui, ee lōn bî kâk wïc bānyde ebën bî ke looi, looi.

³ Yēn acie diēer rin acie wek la yic pinynhom tēn, tē looi wek luk tēnē yēn tēdē ke ye kōc kōk ku bāk ŋic lōn puōth luōidiē tēdē ke rac. Ku yēn acie rot ye luōk yic ē rot.

⁴ Acin kē ya tak ke ca kuōc looi. Ku kēnē acie yēn cōl acin guōp awuōc. Ee Bēny ē rot yen abî luk looi tēnē ya.

⁵ Kēya, duk raan dēt luk wei ke tē bî ye luōk wei kēc bēn. Luŋ ciēen adhîl Bēny tiit bî dhuk, yen abî kārēc ye thiaan cōl atiēc ku nyooth kārēc ye puōn ŋek tak. Ku tēnē, ŋek abî lēc a yök tēnē Nhialic rin kâpuōth cî looi.

⁶ Emën miēthakāi, kâk ca ke lueel ebën, ee ciēt ya jam riēnkiē ku Apolo, rin bî wek kâk cî gōt ēlā deet yiic, “Duk kâk cî gōt thēer lîr nhîim yîpuōu.” Acin raan kamkun loi rot bî nhiam rin ē yen raan buōth ŋek ku dhēl raan cîi buōth guōp.

⁷ Yeŋa cōl yî aye raan ŋic kâŋ tēnē kōc kōk? Cie Nhialic yen gēm yî keriëc ebën tō kek yî? Na ye kēya, yeŋō yî cōl anhiam ciēt kâk tō ke yî cie kâk ke gēm yî.

⁸ Cāk kâjuēc wiēckē ke yök ebën? Cî Wēi Nhialic we yiēk miōc wiēckē ke ebën? Cāk aa bāny mac kōc, cōk alōn cîi yok mēc? Ee tēde, aya wïc bāk aa bāny mēc ayic, rin ku buk aa bāny yodhie ke we.

⁹ Aya yök yapuōu lōn cî Nhialic yo tōōu ciēen yok atuuc, cimēn kōc cî tēm awuōc bî yo nōk bî kâk cî cak ebën, kōc ku atuuc nhial aa daai ē yo.

¹⁰ Rin ye yok kōc Raan cî lōc ku dōc, yok aa cîn kē ŋicku, ku wek aa ŋic kâŋ tē ye wek tōk kek Raan cî lōc ku dōc. Yok aacîi ril ku wek aa ril! Yok aaye bui ku wek aaye leec.

¹¹ Agut cît akölē, yok aa rēer ke yo nēk cōk ku yok aa rēer ke yo nēk rou. Yok aa ciēŋ alēth cî riāak cî la yueryuεr, yok aa ye biāk, yok aa cîn nhîim tē cenju, yok aa rēer yo kuany baai yic.

¹² Yok aa luui apēi yocin. Tē wēi kōc yo kārēc, yok aa Nhialic thiēc bî ke dōc. Tē beŋ yo ka yeku guum,

¹³ tē bui yo, yok aa kōc jāam ē wēl path. Yok aa cît kâdhie cîn kēpuōth tōu kegup ye cuat wei.

¹⁴ Yēn acîi kâkkä gēt rin bî yēn we cōl ayār gup, ē rin bî yēn we lēk cimēn mîthkiēn nhiaar.

¹⁵ Rin na cōk alōn le wek kōc juēc apēi kony we pîrdun kōc cî gam yic, ke wek aa cîn wurkun juēc. Rin pîrdun ye wek tōk kek Raan cî lōc ku dōc, Jethu, yēn acîi wuurdun rin cî yēn Wēt Puōth Yam bēi tēnē we.

¹⁶ Wek aa yōk bāk ya aa kiēt.

¹⁷ Ku rin ē wēt kēnē yen atooc yēn Timothî tēnē we. Rin ē manhdiē apēi, ku aca deet puōu. Abî we cōl aa tak yith rin tē pîir yēn thîn, ke ya ye tōk kek Raan cî lōc ku dōc, Jethu. Yithkâ, kek aa ya piōc tēnē akuut kōc cî gam yōn juēc yiic.

¹⁸ Kōc kōk kamkun aa tak lōn cîi yēn we bî la neem, ku kēya, aacî nhiam.

¹⁹ Na wïc Bēny, ke yēn abî lac la ba we la neem, ku ba riēl cî kōckâ nhiam la yök, ke cie wēt yekē lueel ē path.

²⁰ Nhialic ē määcde nyuōth tē ye kōc luui thîn ē piērden yic, ku acie tē ye kek jîem thîn

²¹ Yeŋō wiēckē ba looi tē le yēn ba we la neem, bî dhîel a yic ba we tēm awuōc, kua ba nhiērdiē nyuōth we ku ŋiec we aa jāam.

5

Cuōpkē raan kâk bal looi akut yic

¹ Emën, yic acî kōc kōk lēk yēn lōn raan tōk akuōtdun yic, aloi adumuōōm rac apēi, rin ē yen tōc kek tiŋ ruēi kek. Na cōk aa kōc cie Nhialic la cōk ē door, ka cîi adumuōōm cît kēnē nhiaar.

² Yeŋō ye wek nhiam? Kēnē adhielkē maan, ku wek aa dhil raan adumuōōm cît kēnē looi cuōp wei akuōtdun yic.

³ Na cök alon cii yen rëer kek we ke piändië arëer ke we, ku yen aci raan ci kënë looi tēm awuoc ciët ya rëer ke we.

⁴ Të rēm wek rin Bānyda Jethu ke piändië arëer kek we, ku riel Bānyda Jethu arëer thīn.

⁵ Cuəpkē raan kënë wei bi la rëer jənrac cin, na cök alon rəc yen guäpde, ke wēike abi kony aköl bi Bānyda dhuk.

⁶ Acii rot lēu bāk nhiam. Wek aaci kē ci lueel elā theer pin, “Lon thin koor ayup cəl apiäär ebēn.”

⁷ Kēya, nyaaikē adumušōm cit luəu ku bāk bēn aa kəc ē gam. Ku wek aabi jāl ciët ayum ē yam cīn yic luəu, cīmēn nīc yen ye lən wek aa cit kënë alanden. Rin Raan ci ləc ku dəc, amiöcđan Yan ayum cīn yic luəu aci nök.

⁸ Të cəm yok ayumdan Yan ayum cīn yic luəu, ka cuk cam ke ɣo la puəth luəi kərəc ku adumušōm, kāk cit ayum kēc yiək yic luəu. Apath buk ciēn ruēeny ku loiku yic, kāk cit ayum kēc yiək yic luəu.*

⁹ Aca lək we athör wäär ca gät we yic bāk ciēn buro kek kəc ē rëer ke wic diäär.

¹⁰ Ku aacie kəc cii Nhialic la cök ye door, ayi kəc dīt puəth nhīar kajuēc ku cuēr, kek luēl. Na ye kat tēnē kəc cit ē kəckä, ke yīn acii cit raan pinynhom tēn ceŋ.

¹¹ Kēn yen luēl ē lən bāk ciēn buro kek wāmuuth ci gam wic ē diäär, ku nhīer kajuēc ku ye jak ci kiēt door, ku ye kəc jāam gup ē lueth, ku ye wiēt ē māäu ku ye cuär. Duk cök mith ke wāmuuth cit ē kënë.

¹²⁻¹³ Yic akīn, acie luəidiē ba luk looi tēnē kəc kēc gam. Ee Nhialic yen abi luk looi tēnē ke. Ku cii ye luəidun bāk luk looi tēnē kəckun ci gam? Cīmēn ci ye gət athör theer yic elā, “Nyaaikē raan rac akuətdun yic.”

6

Kəc ci gam aa kəcken kək ɣəth luk yic

¹ Na ci raan göth ē kamkun kek wāmēnhē dēt ci gam, ke ye yic nō tō kek ye bi yen raan la gaany tēnē kəc cie Nhialic la cök ē door, ku cii ɣəth tēnē kəc ci gam bik luk looi?

² Cäk nīc lən bi kəc ci gam la riel bi kek luk looi tēnē kəc ē pinynhom? Ku na luəikē luk tēnē kəc pinynhom, ke cäk lēu bāk kəthii tō kamkun luk?

³ Cäk nīc lən bi yok luk looi tēnē atuuc jənrac? Na ye kēya, alēuku aya buk kək röt looi piərda yic akölē aa luk.

⁴ Na yakē la luək cit kəkä, ke yenō ye wek ke ɣəth tēnē kəc kēc gam bi ya kek luəkkun la looi?

⁵ Calkē röt aa thiēc löŋ bi we rac gup. Cīn raan nīc kəŋ tō weyiic bi kək ci wāac kam kəc ci gam ya luk?

⁶ Ku Krīthian ē wāmēnh dēt ē Krīthian ɣəth tēnē kəc kēc gam, bi ya kek la luk looi.

⁷ Ku rin ye wek röt ɣəth luk yic ē röt bāk kək we kək la luk, aye nyooth lən ci ciēŋ path we göök. Ee bi nūēn tēnē we bāk kərəc ci luəi we ya guum. Ku ē bi nūēn tēnē we bāk kək cəl aa lōm kəkun.

⁸ Alēuku buk nīc aya lən ye yok kərəc looi tēnē kəc kək, agut tēnē miəthakāi kuan ci gam.

⁹ Aya dhīl tak lən nīc wek ye lən Nhialic acii kəc rəc bi puəl bik bānyde rəm kek ye. Wek aa dhīl ē kënë nīc. Kəc luui kək bal, tēdē kəc diäär kəŋ, tēdē kəc jak ci kiēt door, ku kəc lōm rōor kək cit ke.

¹⁰ Cuēr ku kəc kepuəth yiək kajuēc. Kəc wiēt ē māäu, ku kəc kək kək jāam gup ku kəc kəŋ tušör nyīn. Kəckä ebēn aacii Nhialic bi puəl bik bānyde rəm ke ye.

¹¹ Kəc kək ē kamkun aake cit ē kəkä. Bēny Jethu Krītho ku Wēi Nhialic acā adumušōm nyaai wegup, ku wek aaci jāl aa kəc ē Nhialic, ku cəl we aala cök kek Nhialic.

Luəi kək bal

¹² Abi raan dēt lueel elā, “Acin löŋ ya gəl ba kē wiēc cii loi.” Ee tēde, ku kəriēc ebēn acii path tēnē yi. Alēu ba lueel lən ci ɣa puəl ba kuat kē wiēc looi, ku yen acii rot loi ba ya alony kək ya ke looi.

¹³ Abi raan dēt lueel, “Mieth ē kēn yāc ku yāc ē kēn mieth.” Ee tēde, ku keek aabi Nhialic rac kedhie. Guəp acie luəi wēt bal ē path, aye luəi kē wic Bēny rin guəp ē kēde.

¹⁴ Nhialic aci Bēny jət thou yic ē rielde, ku abi ɣook jət aya ē rielde.

¹⁵ Anjäckē lən ye guəpkun tək kek Raan ci ləc ku dəc. Lēu ba guəp aban Raan ci ləc ku dəc looi bi ya guəp aban a dējök? Acii rot lēu.

16 Cäk lëu bäk ñic, mony guäpde cöl aye kën adëjök lön guäpken aabi ya tök? Acï göt athör thæer wël Nhialic yic ëlä, “Ku keek karou aabi ya guäp tök.”

17 Ku raan rot mat kek Bëny, ee ya tök kek ye wëike yiic.

18 Nyaaï yïpuðu käk bal yiic. Adumuööm kök ye raan ke looi aaciï guäpde ye rac, ku raan yepuðu yiëk bal, adumuööm guäpde rac yen aye looi.

19 Anjæc lön ye ñek ye ñic lön guöp acit luanj ye Wëi Nhialic rëer thïn. Acie wek we cak röt wepæc. Wek aa käk Nhialic.

20 Nhialic acä ariöp dit apeï tössu piiny bi yen yï yæc. Këya, calkë guäpkun aaye wek Nhialic leec.

7

Thiëëk

1 Ëmën, yen abi jäl jam wël wäär ci wek ya gät athöör. Ee yic, apath bi raan ciï thiëk.

2 Ku rin bi ciæen ræc käk bal puöl, apath bi moc ala tienje ku ye tik la muonyde.

3 Moc ku tik aa dhil rëer apath ë rëer moc kek tienje ku rëer ë tik kek muonyde, ke cin raan kuc ë ñek.

4 Guöp rëer ke tik acie këde ë rot, ee kënë muonyde. Ku guöp rëer ke moc acie këde ë rot, ee kënë tienje aya.

5 Cii ñek kuc bi cii töc ke ñek. Apath bäk kanj mat lön bi ñek atöc ë rot, rin bäk la nin lik bi wek ke röök. Kanjë mat yic ku gamkë wedhie. Na la ninkä thök ke we rom biöök cimëndun thæer. Të looi wek ye këlä, ke jönrac acii we bi piëk adumuööm yic. Rin acäk bi lëu bäk bal göök.

6 Wek aa cä yöök bäk rëer ë röt këlä, wek aa päl bäk looi cit tã wïc wek ye thïn.

7 Ee ba nhiaar apeï tæcit wek ya. Ku ñek ë la këden ci Nhialic gam ye. Raan ë la miöcde ë rot ku raan dët kek miöcde ë rot.

8 Ëmën, awiëc ba lëk rööc këc thiëëk ku diäär ci rörken thou rëer ë röt, lön apath bik rëer ke cii ben thiaak, ku cii rööc thiëk aya cimën yen.

9 Ku na cäk lëu bäk rëer ë röt, ke we thiëk ku thiak diäär rin anjæen bak thiëëk tën tã bi wek aa tuil akölaköl.

10 Alëk kæc ci röt thiaak ë riæl bányda ku acie riældië, tik acii muonyde päl.

11 Ku na pël moc, ka dhil rëer ke cii mony dët wïc, tädë ke dhuk tënë muonyde. Ku moc acii tienje liäi.

12 Yen acie Bëny, ku yen aluel wët kënë ke ya ye raan ë path. Na le wämääth ci gam la tinj këc gam, ku wïc tik kënë bi rëer ke ye, ka cii tik dhil liäi.

13 Ku na ci tinj ci gam thiaak ë mony këc gam, ku wïc mony kënë bi rëer ke ye, ke tik acii moc päl.

14 Rin Nhialic ë mony kënë gam rin ci yen tinj ci gam thiaak. Ku yeen ë tinj këc gam cöl aye raande rin ci ye thiaak mony ci gam. Na cii cit kënë, nuöt miëthken aa cit mith kæc cie Nhialic la cök ë door. Ku rin cit yen kënë, mith aaye Nhialic mat ë kacke yiic.

15 Ku na wïc raan këc gam bi raan ci gam rëer kek puöl, ka dhil raan kënë looi këya. Acin kënë ñek duut ë kamken kedhie, moc ku tik, bi rëer ke ñek. Rin yok aaci Nhialic puöl buk rëer apath.

16 Tinj ci gam, ye ñic këdë lön cii yin muonydu bi kony bi gam? Ku yin mony ci gam, ye ñic këdë lön cii yin tienje du bi kony bi gam?

17 Wët ya lëk akuut kæc ci gam, ee lön bi raan a pir dhël ci Bëny nyuöth ye. Ku ñek adhil pir tæcit tæwäär piir yen thïn yon cöl Nhialic ye bi wëtde gam.

18 Kë luæel akïn, na raan ci noot ci cõt Nhialic gam, ka cii nuöt man, ku ye wïc diët këc ë noot. Na raan këc ë noot ci cõt Nhialic gam, ka cii rot cöl anot.

19 Athönj ëbën tënë Nhialic tã ci raan noot ayi tã këc ye noot. Kën yen ril ë lön bi yin löönje gam.

20 Raan ëbën adhil rëer cit tæden wäär rëer yen thïn yon cöl Nhialic ye.

21 Na yï alony wäär cöl Nhialic yï, ke yï duk ye diæer. Ku na le kë kony yï ba nom lääu, ke loi.

22 Raan alony ci Bëny cöl bi ya tök kek Raan ci læc ku dæc, ke ye alony ci Raan ci læc ku dæc looi bi nom lääu. Ku yeen aya, raan ci Nhialic cöl bi ya tök kek Raan ci læc ku dæc, ee ya alony Raan ci læc ku dæc.

²³ Nhialic acä ariöpdit tääu piny ë rienkun. Duökkë röt loi bäk ya alony ë kɔc.

²⁴ Miëthakäi cï gam, ɣɔn cɔɔl Nhialic we, ɳɛk ë la tēden ciēɳ yen thīn. Cīmēn wäär ciēɳ wek ɳɔn cɔɔl Nhialic we. Rēērķē ķēya we ɳic Nhialic. Ciēɳķē ķēya.

²⁵ Awiēc ba wēt cāk thiēēc ë ɳen rin kɔc ķec thiēēc dhuk nhom. Bēny akēc ɳa lēk ķē ba looi. Ku wek aa ba lēk wēt ë piāndiē, ke ɳa cīt raan cï Nhialic ɳjōth pušu bī la ķeden luɔɔi.

²⁶ Tē tīɳ ɳok ķārīl bī röt looi, ka ɳuēēn bī raan rēēr ë rot ke cïi thiēk.

²⁷ Na yīn ala tik, ke duk liōi. Na ķec thiēēc, ke yī duk thiēk.

²⁸ Na wīc bī yī thiaak, ka cīn adumuōm tō thīn. Ku kɔc cï thiēēc aabi gum apei piērden yic, ku awiēc bāk cïi gum.

²⁹ Kē luēel akīn miëthakäi cï gam, tē cï dōɳ piērda yic aciek. Ku ēmēn le tueɳ rōör cï thiēēc aa dhil ciēɳ ciēt ke ķec thiēēc.

³⁰ Kɔc dhiau ku yekē nyuōth ciēt ke cïi dhiau. Kɔc dal ku yekē nyuōth ciēt ke cïi puōth mit, kɔc ë ɳɔɔc, ku yekē nyuōth ciēt kāk cik ke ɳɔɔc cie kākken.

³¹ Ku kɔc kāk pinynhom luōi, apath bik cïi ye diēer apei ciēt cīn kaam dīt cik nōk ke lui. Piny ķēnē kek kākken tō thīn ēbēn, acīi bī ciēɳ apei.

³² Anhiaar bāk rēēr ke we cie diēer. Kam kɔc cï gam, raan ķec thiēēc ë yenhom yiēk luoi kāk Bēny, rin bī yen Bēny cɔl amit pušu.

³³ Ku raan cï thiēēc ë yepušu yiēk kāk pinynhom, rin bī yen tiēɳde cɔl amit pušu.

³⁴ Ku ķēya, piānde ë nhom rou. Ku tīɳ ķec ben thiaak, tēdē nyan ķec kaɳ thiaak, ee yepušu yiēk luoi kāk Bēny, bī guāpde ku wēike aa kāk Bēny kedhie. Ku tīɳ la moc ë yenhom yiēk kāk pinynhom, rin bī yen muōnyde cɔl amit pušu.

³⁵ Kākķā ēbēn aa ca lēk we rin wīc ɳen ye ba we kony, ku cā we gēl bāk kāk wiēckē ke cïi ye looi. Awiēc bāk ķēn yic aa looi ku piēērķē dhēl la cōk, ku bāk Bēny luōi pušu ēbēn.

³⁶ Na ye moc tak, lōn ķē cï yen thiēēc gōšu tēnē nyan cï meek acīi path, ku yeen ala pušu thiēēc, ka thiēēc tēcīt tē wīc yen ye thīn. Acīn adumuōm tō thīn.

³⁷ Ku mony cï ye guiir piānde ë rot, ke cīn kɔc thōoc ye thīn, ku ɳic aya apei lōn bī yen

ye lēu bī rēēr apath ke cïi thiēēc, ke ķepath yen alooi bī nya cïi thiak.

³⁸ Kēya, mony thiak nya ë ķepath looi, ku mony cïi nya thiak ë ķē ɳuēēn apei looi.

³⁹ Acīi path bī tik mony dēt wīc ke muōnyde pīr, ku na cī moc thou, ka lēu bī mony dēt nhiēr thiaak, ku yeen adhil a raan cī gem.

⁴⁰ Ku na ye wētdiē, ke yeen abi pušu miēt tē rēēr yen ke cïi ben thiaak. Aya tak lōn ye Wēi Nhialic ɳa kony taktākdiē yic aya.

8

Müth ye gām jak cï kiēt

¹ Ēmēn ɳen abi jāl jam müth ye ke gām jak. Ee yic, ɳok aɳic ķājuēc rin ë wēt ķēnē. Ku ɳiēēc ķājuēc ë raan cɔl anhiam, ku nhiēr ë raan juak bī riel.

² Na ye raan tak lōn cī yen kāɳ ɳic, ka ɳot ķec tē bī yen kāɳ jāl ɳic dōöt.

³ Ku raan nhiar Nhialic aye Nhialic ɳic.

⁴ Ku dēt rin ye ke müth cï gām jakɳec cam, aɳicku lōn nhialic ye kiēt ë kāɳ, acīi tō thīn. Acīn Nhialic dēt, Nhialic ë tōk.

⁵ Ee yic, kɔc aa jam lōn tō jak cīt kākķā thīn nhial ku piny. Ku na cɔk alōn tō jak juēc cīt kākķā thīn,

⁶ ke tēnē ɳo ë Nhialic tōk yen atō thīn. Yen acī ķēriēēc ēbēn cak, ku ë rienke yen aye ɳok pīr. Ku Bēny ë tōk, Jethu Krītho, ku ë rienke yen acī ķēriēēc ēbēn cak, ku ë yen pīir ɳok.

⁷ Ku acie raan ēbēn yen ɳic ë yic ķēnē. Kɔc kōk aa ɳoot nhīim kāk cī kiēt yīc, na camķē müth cï gām jak cī kiēt, ka yekē tak ciēt ke cī müth cik cam yiēk gup ajuēc.

⁸ Miēth yeku cam acie ɳo ë looi buk la cōk tēnē Nhialic. Acīn ķē ye nyaai tē cem ɳok ye, ku acīn ķē ye juak thīn tē cem ɳok ye aya.

⁹ Wek kɔc cï gam, duökkē ķē cīn yen müth ya ke theek loi bī wek kɔc koor gamden muōr, bik tak lōn ë yen adumuōm yen cik looi cem kek ë müthķā, tē cī kek we tīɳ ke camķē ke.

¹⁰ Na tīɳ raan koor gamde yī raan ɳic kāɳ, yī mīth kāk yai cī gām jak cī kiēt, ke cī ķēnē bī riēel nyin abi miēth cī gām jak cī kiēt cam?

¹¹ Kēya raan koor gamde, wāmuuth cī gam cī Raan cī lōc ku dɔc thou ë rienke, abi tēdun ɳic yīn kāɳ thīn rac.

12 Tē looi yin adumuõõm tēnē wāmāthkun cī gam, ba gamden koor rac kēlä, ke yin adumuõõm looi tēnē Raan cī lōc ku dōc alanden.

13 Kēya, na ye miēth ya cam wāmāāth cī gam cōl aloi adumuõõm, ke yēn aciī miēth kēnē ben cam rin ba wāmāāth cī cōl aloi adumuõõm.

9

Yic ku luoi atuuc

1 Yēn ala yic ba kāk piērdiē wic. Yēn aci Jethu Bānyda tīŋ ku yēn atuōnyde. Ee gamdun yen ē luoi ca looi tēnē Bēny.

2 Na cōk alōn cīi kōc kōk ye ye gam lōn ye yēn atuuc, ka ŋiēc lōn ŋic wek ye lōn ye yēn atuuc, rin aye kē piir wek, ke we ye tōk kek Bēny nyuōth lōn ye yēn atuuc.

3 Yen ē tē ye yēn rot kuōny thīn tē jōōny kōc kōk yēn.

4 Yēn ala yic bī yēn yiēk miēth ku kē dēk rin luōidiē,

5 cīmēn ye atuuc kōk ku wāmāthakēn ē Bēny, ku Pīter la keny kek diāārken, cā la yic ba thiēēk tīŋ cī gam ba ya keny kek ye?

6 Nadē ke ye Barnaba ku yēn yōpēc, yōk aa tuuc dhil luui yōcin rin piērda?

7 Apuruk acie rot riōp ē rot. Raan tim ē luōk com aye ŋōōth lōn bī yen mīth abēk cam. Aye abiōōk ŋōōth lōn bī yen dek cēk ye yōk tēnē amālke.

8 Acie kāk yakē tīŋ ke loi rōt akōlakōl kek luēel kepēc, rin kā cīt kākkā aaci gōt lōŋ Mothith yic.

9 Acī gōt lōŋ Mothith yic ēlä, “Duk muōor der thok tē luui yin ye bī rap kōōm. Ye miōōr kek ye Nhialic yiēk yēnhom?”*

10 Cie yōk ye luēel yen wēt kēnē? Ee gāt riēnkua, rin raan pur ku raan tēm ayekē ŋōōth rin le yen kē bik yōk rap cīk looi yiic.

11 Yōk aaci luui buk kāk wēi tiēēŋ wepuōth, ke yakē tak lōn cī yōk puōth dīt tē ŋēēth yōk ye lōn le yen ariōp bāk gām yō?

12 Ku na le kōc kōk la yic bik kākkā yōk tēnē we, ke yō cīi la yic wār yiēnyden? Ku akēcku kaŋ them buk la kē yōkku, tē cōk alōn ē yen ke yiēnyda. Ku kēriēēc ēbēn acuk guum rin buk kōc cōl aa gam Wēt Puōth Yam rin Raan cī lōc ku dōc.

13 Anjēc lōn ŋic wek ye lōn rōōr ē luui luan Nhialic aa miēthden yōk ē luoi luan Nhialic yic. Ku kōc kāk cī bēēi luan Nhialic juaar ariāk nhom aa bēk lōōm kāk cī juaar yiic.

14 Kēlä aya, aci Bēny looi bī kōc ē kōc lēk Wēt Puōth Yam, kē piir kek aa yōk thīn.

15 Yēn akēc luui ē yithkā. Ku yēn aciī athōr kēnē gāt ēmēn rin bī yēn ē yithkā wic ē riēnkiē. Anjēēn ba thou tēn tē looi yēn ē kēnē. Acīn raan bī wēt diēn ŋhiēem yēn kēnē nyaai tēnē ya.

16 Acie rin ye yēn kōc lēk Wēt Puōth Yam yen ya cōl anhiām. Ku yic ē rin cī Nhialic ya yōōk ba kōc lēk, ku abi rēēc apei akōldā tēnē ya tē cīi yēn kōc ē lēk Wēt Puōth Yam.

17 Na luōoi ē luoi kēnē tē cī yēn ye tak ba looi, ke yēn adhīl ariōp wic. Ku na cie yēn tak ye, ku ye Nhialic yen lēk ye ya ba looi, ke ya bā ariōp wic kēdē?

18 Yēnō yen ariōpdiē? Ariōpdiē ē kē bī yēn kōc lēk Wēt Puōth Yam ke ya cīi thiēc ariōp, ku cā yinydiēn bī akut kōc cī gam yiēk ya wic.

19 Yēn raan ē rot. Yēn acie alony raan dēt. Ku ēmēn yēn ē rot cōl aye alony raan ēbēn, rin bī yēn kōc juēc lēu bik gam.

20 Tē luui yēn kek kōc Itharel, yēn ē ciēŋ cīmēn raan Itharel rin bī yēn ke lēu, cōk alōn cīi yen ē kēdit tēnē ya ba ciēŋ ciēēŋden. Yēn ē ciēŋ cīmēn raan wic ye bī lōōŋ cī Mothith gōt theek, tē luui yēn kek kōc ē lōōŋkā, rin ba ke lēu bik aa buōth Raan cī lōc ku dōc.

21 Kēlä aya, tē luui yēn kek kōc cie kōc Itharel, yēn ē ciēŋ cīmēnden ke ya cīi lōōŋ kōc Itharel thek. Kēnē aya looi rin bī yēn kōc cie kōc Itharel cōl aa buōth Raan cī lōc ku dōc. Ku acie lōn ciēŋ yēn ke ya kuc lōŋ Nhialic, yēn abuōth lōŋ Raan cī lōc ku dōc yic.

22 Tē rēēr yēn kek kōc ē gam, yēn ē ciēt raan tōk kamken, rin bī yēn ke lēu. Kēya, yēn ē rot looi ba thōŋ ke kōc ēbēn rin ba kōc kōk kony keyiic bik gam, kuat dhēl bī yēn ye lēu thīn.

23 Yēn ē kākkā looi ēbēn rin bī yēn Wēt Puōth Yam ē rin Jethu yāth tuēŋ. Ku rin bī yēn dōc ye yōk tē yēth Wēt Puōth Yam tuēŋ yōk aya.

24 Anjēckē, tē wēēr kōc, ee raan tōŋ cī kōc

* 9:9 Aliu ciēēŋ ē Jiēēŋ yic, L.rou 25:4; 1Tim 5:18 9:11 Rom 15:27 9:13 L.rou 18:1 9:14 Mt 10:10; Lk 10:7

wuör yen ë kën wëer kɔc nyaai. Wek aa dhil kat cïmën kɔc wëer bæk ë kënë lööm.

²⁵ Raan tuk, ee lööŋ ë tuk dhiel theek apɛi, rin bï yen kë ye gäm raan tō tuen, kën bën yäi aköldä, nyaai.

²⁶ Yen ë kënë ye γεν kat ke γa cök γanhom ba tē rin kɔc thïn thap thok piny. Ku γen acie pëer ë gut yic ë path.

²⁷ γen ë rot looi ba riɛl, ba Jethu buoath, rin na ca kɔc juëc piösc ke Nhialic cïi γa reec aköldä.

10

Paulo ë kɔc cï gam piösc rin jak ye kiëet

¹ Miëthakäi cï gam, awiëc bæk këwäär cï rot looi tēnē wärkuan dīt wäär buoath Mothith ror liëet tak. Keek aake tiit luët, nawën ke tem Wär Lual ë path.

² Tëwäär buoath kek luët, ku wäär teem kek wär, keek aake cīt kɔc cï muöc nhïim bïk aa kɔc buoath Mothith.

³ Keek ëbën aaci miëth tōŋ thōŋ cam, miëth yik Nhialic ke ë rielde,

⁴ ku dëkkë ë pïu ke looi Nhialic bïk kuër kuur yic, kuur cath ke ke. Kuur ë ye Raan cï lɔc ku dɔc guöp.

⁵ Cɔk alɔn cï kăpuathkă röt looi ëbën, ke Nhialic ëcïi puöu mit kek wärkuan dīt juëc. Go Nhialic ke nök ku weer guäpken roor tē cïi cien.

⁶ Ëmën, Nhialic aci wärkuan dīt wäär cïi yen puöu mit tēnē ke tēm awuöc, bï γo wëet buk γopuöth cïi ye yiëk käreç cïmën wäär cï kek ye looi,

⁷ tädë ke γo dor jak cï kiëet cïmën cï kɔc kök keyiic ye looi γon. Rin aci gôt athör theer wël Nhialic yic ëlä, “Kɔc aaci nyuc bïk mïth ku dëkkë ku jolkë dier.”

⁸ Dukku γopuöth ye yiëk bal cïmën wäär cï kɔc kök keyiic ye looi, nawën ke raan tim thiär-rou ku ŋuan thou akäl tök.

⁹ Acuk lëu buk Bëny them cïmën γon cï kɔc kök keyiic ye looi, nawën ke thöön kăpieny ke.

¹⁰ Duökkë ye rëer we jïëm wenhïim cïmën wäär ye kɔc kök keyiic ye looi, ku aaci Nhialic bën tuöc atuönyde bï ke nök.

¹¹ Käckä ëbën aaci röt looi tēnē kɔc Itharel bï ke γo lëk. Ku käckä aaci gät piny rin bï γo lëk thïn aya. Rin γok aa pir tē bï thök piny guo bën thïn.

¹² Raan cï gam ye tak lɔn atiit gamde, adhil yenhom täau piny bï ciën këreç ye.

¹³ Na them yï ba adumuööm looi ke ŋic lɔn cï kɔc kök kaŋ them këlä aya. Nhialic ë kë cï thən dhiel looi. Acïn raan bï Nhialic puöl bï them arëk aba athëmde cïi gök. Ku tē them yï ka la dhël kony Nhialic yï ba athëm göök.

¹⁴ Këya, miëthakäi nhiaar, duökkë jak cï kiëet kaŋ door acïn.

¹⁵ γen ajam tēnē we rin anjɛc lɔn ye wek kɔc cï nhïim bak, takkë wët luɛel kënë yic wepuöth ë röt.

¹⁶ Tē dëk γok biny ye γok dek muön abiëc miëth Bëny yic ye γok Nhialic leec thïn, ke γok aa rəm riem Raan cï lɔc ku dɔc. Ku tē bëny γok ayup ku camku, ke γok aa rəm guöp Raan cï lɔc ku dɔc.

¹⁷ Rin ayuöm tök yen atö thïn, ke γo ëbën cɔk alɔn juëc γok, γok aa guäp tök rin γok ayuöm tök rəm.

¹⁸ Takkë kɔc Itharel tē ciem kek käk cï juër Nhialic, ke keek aa ya tök kek Nhialic.

¹⁹ Yenö wiëc ba lueel tē jïëm γen këlä? Ye nadë ke jak cï kiëet, ayï miëth cï juër ke aa la wëtten yic?

²⁰ Acie këya! Kë luɛel ë lɔn käk ye kɔc cïn gam la cök juaar, ee tēnē jakreç acie tēnē Nhialic. Ku acä wïc bæk röt aa mat käk jakreç yïic.

²¹ Yïn acïi dëk biny muön abiëc ë Bëny, ku bën dek biny käk jakreç. Yïn acïi röm kek Bëny ku bën rəm kek jakreç.

²² Na loiku ë kënë, ke rin wïc γok ye buk Bëny rac puöu. Yeku tak lɔn ril γok apɛi buk Bëny dhäl ku cïi γo tēm awuöc?

²³ “Ayeku lueel γok aaci puöl buk käk wïcku ke looi.” Ee yic, ku acie këriëc ëbën yen path. “Këriëc ëbën aci puöl buk looi.” Ku acie këriëc ëbën yen γo kony.

²⁴ Yïn adhil luui käk kɔc kök cɔl amit puöth, tēn lɔn ye yïn luui käk yï cɔl amit puöu ë rot.

²⁵ Apath tēnē yī ba kuat riñ ye ke yaac tē ye riñ ɣəɔc thīn cuet, ke yī cīi puʂu diu.

²⁶ Rin aci ɣət athər thɛɛr wəl Nhialic yic əlä, “Piny ku kəriëec əbən tō thīn aa kāk ē Bēny.”

²⁷ Na cī yī cəɔl ba la mīth pan raan cīn gam ku ca gam ba la, ke yī cam kuat miēth cī bēi tēnē yī ke yī cīi thiēc.

²⁸ Ku na lək raan dēt yī, “Miēth kēnē aci juər jak cī kiēt,” Ke yī duk ē miēth kēnē cam, ku acie rin diu tō yīpuʂu, ee rin wēt rēer raan cī ye lək yī puʂu.

²⁹ Kēya, acie kē tō piāndu yic, ē kē tō puʂn raan dēt yic. Raan dēt abī thiēc əlä, “Yeñō ye kē rēer puʂn raan dēt yic ɣa ɣəl ba kēdiən tō ɣapuʂu cīi loi?”

³⁰ Na lɛɛc Nhialic rin miēth, ke yeñō bī raan dēt ɣa nyieeny miēth cī ɣen Nhialic leec?”

³¹ Kēya, kuat kē loi, tē mīth yīn ayī tē dək yīn, loi ke əbən dhəl ye ke Nhialic leec thīn.

³² Duk kē ye kəc kək yök ke rac loi cīmən kəc Judia, tēdē kəc cie kəc Judia, ayī kəc akut kəc cī gam.

³³ Luʂiikē cīmēndiē, aya looi ba raan əbən cəl amit puʂu kāk ya ke looi yiic, ke cā loi kəpath tēnē ɣen ē rot, ke ye kəpath tēnē kəc əbən rin bī raan əbən luʂk.

11

Dhəl puʂh ē rōök

¹ Luʂiikē cīmēndiē, cīmən ye ɣen luui cīmən Raan cī ləc ku dəc.

² Wek aa ya leec rin ye wek luʂidiē ku kāk ya piʂoc muk nhīm akōlaköl. Ku wek aa kāk cī piʂoc tēnē kəc cī gam, kāk ca ke njic tēnē kəc kək ku nyuəth ke we, buəth yiic.

³ Ku awiēc bək njic lən Raan cī ləc ku dəc atō moc nhom ku moc atō tik nhom, ku Nhialic atō Raan cī ləc ku dəc nhom.

⁴ Kēya, mony ē rōök, tēdē ke lək kəc wēt Nhialic ke cī yenhom kum, ee Raan cī ləc ku dəc rac ɣəp.

⁵ Ku tiñ ē rōök tēdē ke lək kəc wēt Nhialic ke kəc yenhom kum ē muənyde rac ɣəp, athōñ ke tiñ cī muut nhom bī rac ɣəp.

⁶ Na cīi tik yenhom ye kum, tē rōök kəc, ke ye rac ɣəp cīmən tiñ cī muut nhom. Kēya, adhil yenhom kum.

⁷ Moc aci yenhom kum rin aci Nhialic looi bī ciēt ye, ku ɣəm kēnē ye cəl athōñ kek ye. Ku athēk tik tēnē moc aye nyuəth lən cī ye looi ke cīt moc.

⁸ Rin acin kē cīi Nhialic lööm tēnē tik bī yen moc cak, ee tik yen aci cak kē cī lööm tēnē moc.

⁹ Ku moc akəc cak rin ē tik, ē tik yen ē cak rin ē moc.

¹⁰ Kēya, rin ē wēt kēnē ku rin atuuc nhial, tik adhil yenhom kum bī nyuəth lən tō yen moc cök.

¹¹ Ku cīt lən ye ɣok kəc cī mat kek Bēny, tik acie kē puəl yic tēnē moc cīmən ye moc kē cīi yic puəl tēnē tik.

¹² Ee yic, ee ləm ē moc yen aci lööm bī ke tik cak ku ē yic aya, lən ē tik yen ē moc dhiēth ku keek kedhie aabō tēnē Nhialic raan cī kəriëec əbən cak.

¹³ Takkē yic, kek we ē röt lən puəth yen bī tik rōök tēnē Nhialic ke kəc yenhom kum tē rōök kəc juēc thīn.

¹⁴ Aye ciɛɛñ nyooth lən bər nhīm nhom apei aaci path ke moc.

¹⁵ Ku tən tik ē kən dhēñ. Nhiəm bäär aci Nhialic ɣəm ye bī ya kən yen yenhom kum.

¹⁶ Ku na le raan ye tak lən wēt luɛel acie yic, ke ɣen ku akuut kəc cī wēt Nhialic gam, ɣok aa cīn tēdēt ye ɣok Nhialic duəɔr thīn.

Guirku röt apath buk ɣəp Bēny rəm

¹⁷ Wek aa cā bī leec wəl lək we kə yiic, rin tē rəm wek bək Nhialic door, kərəc yakē ke looi kek aa juēc tən kəpuəth yakē ke looi.

¹⁸ Tueñ, aci kəc kək lək ɣa lən tē rəm wek, wek aa weyiic tek. Ku acie wēt tək yen yakē lueel. Ku kēnē aləu bī ya yic.

¹⁹ Ee tēde, aləukē bək weyiic tek ē kamkun rin bī kəc luel yic njic.

²⁰ Tē rəm wek əbən ke we ye akut, ku cək alən ye wek ye tak lən ē yen kē cī Bēny dōr looi kam kəc yen camkē, ka cie yic.

²¹ Rin tē mīth wek, wek aye njek mīth ē rot ke we cīi röt tit. Kəc kək aa rēer ke nək cək ku wiɛt kək kək.

²² Ciēnkē nhīm bēi ye wek mīth thīn ku dēkkē thīn? Aye akut kəc cī gam yen yakē bən rac ɣəp, ku ɣətkē kəc cīn kəjuēc nyīn? Yakē tak yeñō ba lueel tēnē we rin luai cīt kēnē? Ba we leec? Acā kəñ looi acin.

²³ Rin ɣen aci piöoc yök tənë Bëny. Ku ë yen aca bën gäm we aya, lön Bëny Jethu, ee wëer wäär bi ye luom, ee cä ayup lööm,

²⁴ nawën ci Nhialic leec, ke bëny ayup yic ku lueel, “Kënë ë guäpdië ci looi rienkun. Camkë ayum kënë bi wek ɣen aa tak.”

²⁵ Kälä aya, wën ci miëth thök ke löm aduɣ ci thiän muön abiëc ku lueel, “Aduɣ muön abiëc kënë ë döör yam kek Nhialic ci thany riemdië. Të dek wek ye, luäikë këya bi wek ɣen aa tak.”

²⁶ Wek aa thon ë Bëny lueel, yet aköl bi yen ben dhuk të cem wek ayum kënë ku dëkkë muön abiëc aduök yic.

²⁷ Këya, na cam raan ayum Bëny ku dëk aduɣ muön abiëc yic, dhël yen ye dhöl guöp, ke yeen ala guöp awuöc, rin ci yen adumuööm looi tənë guöp ku riem ë Bëny.

²⁸ Raan adhil yepuöu kaɣ caath kärec ci ke looi bi jäl mïth ayup ku dëk aduök yic.

²⁹ Na cam raan ayup ku dëk aduök yic, ku cii teden ye kek tök thin kek guöp ë Bëny yik yenhom bi ɳic, ka bi Nhialic tëm awuöc të cem yen ayup ku dëk aduök yic.

³⁰ Yen ë kë ci kəc juëc weyiic gup riaam ku tuany ke ku thou kəc juëc.

³¹ Na kəɳku ɣopuöth wïc kärec cuk ke looi, ka cïn kë tëm Bëny ɣo awuöc.

³² Ku luk aye Bëny looi ku tëm ɣo awuöc, rin na nhiäk la piny thök ke Nhialic cii ɣo tëm awuöc kek kəc pinyhom ëbën.

³³ Këya, miëthakäi ci gam, të met wek wenhüim bäk mïth, ke we ye röt tiit.

³⁴ Ku na le raan nek cək, ka dhil mïth baai rin bi Nhialic we cii tëm awuöc, rin cii wek röt ye tiit të röm wek. Ku wël kək aa ba la lueel të yeet ɣen tənë we.

12

Miöc Wëi Nhialic

¹ Ëmën, awiëc ba jam miöc ye yök tənë Wëi Nhialic. Awiëc bäk yith ɳic rin ë kəkəkä miëthakäi ci gam.

² Anjäckë, wäär ye wek kəc cie Nhialic ë door, wek aa we ci muör dhöl juëc bäk ke aa door jak ci kiëët.

³ Awiëc bäk ɳic lön acïn raan ye Wëi Nhialic cök puöu, lëu ye bi Jethu lëk guöp wël rec. Ku acïn raan la riel bi lueel lön

ye Jethu Bëny të këc Wëi Nhialic ye tääu yepuöu.

⁴ Miöc juëc cii thön aatö thin, ku ee Wëi Nhialic töɳë yen ë ke gam.

⁵ Kəc aa luui dhöl juëc, ku ë Bänny tök yen aye kë luöüi.

⁶ Miöc juëc cii thön ye kəc luui aatö thin, ku ë Nhialic töɳ yen ë ke gäm raan ëbën rin luöiden wïc.

⁷ Nhialic ë raan gäm kë ye raan ye ɳic lön rëer Wëi Nhialic kek ye, ku bi luöüi bi yen akut kəc ci gam kony.

⁸ Wëi Nhialic ë raan tök gäm ɳiëëc kəɳ. Ku Wëi Nhialic töɳ kënë, ee raan dët looi bi kəc aa lëk käjuëc ɳic bö tənë Nhialic.

⁹ Wëi Nhialic töɳë, ee raan yiëk riel bi yen Raan ci ləc ku dəc gam apei. Ku yik raan dët riel ë yen kəc tuany kony.

¹⁰ Wëi Nhialic ë raan gäm riel bi yen kək jän göi aa looi. Ku gëm raan dët riel ë yen wët Nhialic lëk kəc. Ku raan dët ke riel ë yen miöc bö tənë Wëi Nhialic, ku kək cie bën tənë ye tek thook. Ee raan yiëk riel bi jam thok kək, ku gëm raan dët riel bi kək ci lueel thok kək teet yiic.

¹¹ Ku ë Wëi Nhialic töɳ kënë yen ë kəkəkä gam ëbën təcit të wïc yen ye thin. Ee ɳek gäm miöc cii thön kek miöc ë ɳek.

Guöp ala yic käjuëc

¹² Guöp Raan ci ləc ku dəc ë guäp tök la yic käjuëc, cimën guöp raan la yic käjuëc.

¹³ Kälä aya, ɣook ëbën ke ɣo ye kəc Judeo, tädë ke ɣo ye kəc cie kəc Judeo. Tädë ke ɣo ye kəc lääu nhüim, tädë ke ɣo ye aloony. Wëi Nhialic aci ɳek kamkua a muöc nhom ku arëer kek ɣo, ku aci ɣo looi buk aa ban guöp Raan ci ləc ku dəc.

¹⁴ Ku guöp acie aban tök, ala yic abëk juëc.

¹⁵ Tädë na lueel cök ëlä, “Rin cii ɣen ye cïn, ɣen acie aban ë guöp.” Ka cii kënë ye looi, bi cii ye aban ë guöp.

¹⁶ Tädë ke lueel yic ëlä, “Rin cii ɣen ye nyin, ɣen acie aban ë guöp.” Ka cii kënë ye looi aya bi cii ye aban ë guöp.

¹⁷ Na guöp ëbën ye nyin, ke ye piɳ kädë? Ku na guöp ye yic yetök, ke ye ɳör kädë?

¹⁸ Ku yic akïn, Nhialic aci abëk cii thön tääu guäp tök yic təcit të wïc yen ye thin.

19 Na ye aban̄ tōk yen tō thīn ē rot, n̄uōt acīn guōp.

20 Ku yic akīn, abēk juēc aatō thīn ku guōp ee tōk.

21 Kēya, acīi nyin lēu bī lueel tēnē cīn ēlä, “Yīn acā wīc.” Ku acīi n̄hom luel tēnē cōk, “Wek aacā wīc!”

22 Ku yic akīn, abēk guōp ye tak ciēt ke cīi ril, aacīi dhil liu thīn.

23 Ku abēk guōp ye yōk ke cīn luai ye ke kuēc n̄hūim, kek aa yeku n̄iēc muk apath. Ku guōp aln̄ cie nyuōth ē path, aye n̄iēc kum.

24 Ku guōp aln̄ cie thiaan, acie kum. Ku Nhialic acā abēk ē guōp cīi ke looi bīk aa guāp tōk ēbēn, ku acā abēk ē guōp cīi ke ē kuēc n̄hūim looi bī ya kek kādīt apēi.

25 Kēya, guōp ē tōk acīi yeyic ē tek, ku abēkken cīi thōn̄ aa rōt kuōny kamken.

26 Na rem guōp aban̄ tōk, ka abēk kōk ē guōp aacīi la lēn̄ aya. Na lec aban̄ tōk, ka abēk kōk aa mit puōth kek ye ē tōk.

27 Week ēbēn wek aa guōp Raan cī lōc ku dōc, ku n̄ek kamkun aban̄ guāpde.

28 Akut kōc cī gam yic, Nhialic acā atuuc tōōu tuen̄. Ku bō kōc wēl Nhialic luēel kecōk. Ku bō kōc ē piōōc. Ku kōc la riel ē luui kāk jān̄ gōi. Ku bō kōc la riel ye kek kōc tuany kony bīk pial. Ku kōc ē kōc kony, ku kōc mac kōc, ku kōc jam thok kōk.

29 Keek acie atuuc ēbēn, ku aacie kōc lēk wēt Nhialic ēbēn, ku aacie kōc ē piōōc ēbēn. Acie raan ēbēn yen la riel ē yen luui kāk kōc gōi,

30 tēdē acie raan ēbēn yen la riel ye yen kōc tuany kony bīk bēn pial, tēdē acie raan ēbēn yen jam thok kōk, tēdē acie raan ēbēn yen la riel bī kāk cī lueel thok kōk teet yiic.

31 Wēlkē wepuōth miōc kek dīt apēi. Ku miōc path kamken ēbēn akīn.

13

Nhiēr

1 Alēu ba jam thok kōk, ayī thok ye atuuc nhial jam, ku na liu nhiēr tēnē ya, ke yen acīt raan loi duōt, tēdē ke yen athōn̄ kek lōnh guōt ē path.

2 Na ba la riel ye yen kōc n̄iēc lēk wēt Nhialic. Ayī n̄iēc ye yen kāk ye moony deet yiic. Ayī lōn ba la gam ril apēi tēnē Nhialic,

lēu yen ye ba gat yōōk bīk rōt nyooŋ tē rēer kek thīn. Ku na ciēn nhiēr ke yen ē raan cīn kē ya lēu acīn.

3 Na gam ba kāk tō ke yen ēbēn tek tēnē kōc n̄jōn̄, ku gam rot bī yen cuat mēēc, ku na ciēn nhiēr ka cīn kē kony tēnē ya.

4 Nhiēr ē lōn bī raan kērac guum ku lir puōu, acie tiēel ku nhiaam.

5 Nhiēr acie kuōōc ē wēl ku acie cōōk ku acie thōōk ē puōu. Raan la nhiēr acie kēēc cī luai ye ē muk n̄hom.

6 Kōc la nhiēr cīt nhiēr kōc cī gam, aacīi puōth dhil miēt tē looi kārēc, ku aa ye yic cōl aa mit puōth.

7 Nhiēr ē yo cōl agum kēriēc ēbēn, ku ē yo cōl amuk gamda kuat kāk loi rōt yiic, ku cōl yo an̄ōth Nhialic ku cuk yit.

8 Nhiēr ē rēer thīn akōlakōl, ku miōc kōk cīmēn luel wēt Nhialic, ku jam thok kōk ku n̄iēc ē kān̄, kākā ēbēn aa rēer ku bīk liu.

9 Rin miōcdan ye yok kān̄ n̄ic arēer ke ye abak, ku riel ye yok wēt Nhialic luēel a bak aya.

10 Ku na la kē cie abak bēn, ke kēnē abak acīi ben wīc.

11 Yōn̄ ye yen meth, yen a ya ye jam cīmēn meth ku tāk cīmēn meth, ku emēn ye yen raandīt, yen acie bēn luui cīmēn meth.

12 Kē yeku tīn̄ emēn acīt mēn dhie ye raan rot tīn̄ macar la nyin durdur yic. Ku akōl dēt yok aabi kēriēc ēbēn tīn̄ apath. Ku emēn yen acīi kēriēc ēbēn n̄ic, ku aa ba n̄ic ēbēn cīmēn tē n̄ic Nhialic ya thīn.

13 Ku emēn gam ku n̄ōth ku nhiēr aatō thīn, ku kēdīt ke ēbēn ē nhiēr.

14

Wēl juēc rin miōc Wēi Nhialic

1 Ee nhiēr yen adhiēlkē yiēk wepuōth apēi, ku tääukē wepuōth miōc ye yōk tēnē Wēi Nhialic, cīmēn miōcdīt kōc yiēk riel bīk wēt Nhialic luēel.

2 Raan jam thōn̄ cīi kōc kōk n̄ic ē Nhialic yen aye yen jam tēnē ye, acie kōc kōk rin acīn raan wētde deet yic. Ee riel Nhialic yen aye yen jam yith cīi ke n̄ic.

3 Ku raan wēt Nhialic luēel ē jam tēnē kōc, ku wēlke aa kōc kony ku deetkē kōc puōth bīk rēer apath.

⁴ Raan jam thok cîn kəc ke piŋ ë yen rot kony yetök. Ku raan wët Nhialic lueel, akut kəc cî gam kony ëbën.

⁵ Alëu ba nhiaar tē ye wek ëbën jam thok cîn kəc ŋic ke. Ku anhiaar apei bāk la miöc ye wek wët bö tēnē Nhialic lueel. Rin raan wët ë Nhialic lueel aloi këpath apei tēnē raan ë jam thok cîn kəc ŋic ke, na cie këya, ka dhil la raan tet wël ye lueel yiic rin bî akut kəc cî gam kony.

⁶ Këya, tē le ŋen bën tēnē we miëthakäi cî gam, yeŋö ba kuşny we tē ye ŋen jam thok cî ke ye piŋ? Acîn kädän. Ku ë bî piath tē lëk ŋen we wët cî Nhialic nyuöth ya, ku tē piöc ŋen ŋiëc ë käh cî Nhialic gam ya.

⁷ Ku kälä aya, käk cîn yiic wël ye ke piŋ tē gut ke cimen löör ku thom, na cî raan ke gut təcit tē wïc bî rölden nyooth, ke kəc piŋ bî kën yen wïc bî looi ŋic kädē?

⁸ Ku na cî raan löör ë tən gut təcit tē ye ŋiëc ye, ke kəc bî röt guir kädē bik la tən?

⁹ Ku kälä aya, bî raan dët wët lëk kəc ë thok kök deet yic kädē tē cî yen la gei? Yîn abî ciët raan jam alir yic ë path.

¹⁰ Thok juëc cî thön aatö pinynhom, ku acîn thon tön cî kede ye deet yic.

¹¹ Ku na cä thon jiem raan ye deet yic, ke raan jam ë thon kënë ë raan kuat dët tēnē ŋen, ku ŋen ë raan kuat dët tēnē ye.

¹² Ku cît lön wïc wek ye apei bāk riel ye Wëi Nhialic gäm kəc yök, dhielkë them kam kakkäk yiic ëbën bāk riel ye ke kəc cî gam kony, kuany.

¹³ Këya, raan jam thon cî kəc kök ye deet yic, adhil röök bî la riel teet yen wël ye lueel yiic.

¹⁴ Rin na röök kälä aya thon cä ŋic, ke Wëi Nhialic aröök aya ŋapuöu, ku nhiamdië acîn këpuöth looi.

¹⁵ Na ye tēde kan, ke yeŋö ba dhiel looi? ŋen abî röök ku wak ŋapuöu ku nhiamdië kedhie.

¹⁶ Tē leec yîn Nhialic yipuöu ë rot, thon kuc raan dët bî röök ya gam kädē, “Yenakan.” Rin kuc yen kë ye lueel?

¹⁷ Na cäk læcdun tēnē Nhialic piath apei, ke yîn acie raan dët ë kony acîn.

¹⁸ ŋen Alec Nhialic rin ye ŋen jam thok juëc cî ŋic wär ŋen we ëbën.

¹⁹ Ku tēn amat kəc cî gam, aya wïc apei ba jam wël lik lëu bî ke deet yiic rin bî ŋen kəc kök piöc, tēn tē bî ŋen jam wël juëc cîn kəc ë ke piŋ.

²⁰ Miëthakäi, kəc cî gam, pälkë kë ye wek tak cimen mïth. Yakë tak cimen kəc cî nhïim bak ku bāk gup ciën awuöc cimen mïthkor cîn awuöc yekë looi.

²¹ Acî güt athör thæer wël Nhialic yic ëlä, “ŋen abî kəc ë jam thok cîn kəc ŋic keek

cäl ajam tēnē kackië,

ku na cakkë looi këya,

ke keek aa ŋot ke cî wët dië bî piŋ.”

Acî Bëny lueel.

²² Këya, miöc ye kəc jam thok kök, acie kîn kəc cî gam, ee kîn riel Nhialic nyuöth tēnē kəc këc gam. Ku miöc ye wët Nhialic lueel, ee kë ye kəc cî gam kony, acie kë ye kəc këc gam kony.

²³ Na mat kəc cî gam kenhïim ëbën ku rekkë jam yic thok cî thön, ku bö kəc këc käh deet ku kəc këc gam, ke cik bî lueel lön cî jöŋrac ke däm?

²⁴ Ku na bö kəc këc käh deet ku kəc këc gam, tē lëk wek kəc wët Nhialic, ka bî raan yök ë rot lön le yen guöp adumuööm tē piŋ yen ë wëlkä. Abî wël cî piŋ cäl anjic kë cî wuöc.

²⁵ Ku wët Nhialic abî kækken ye tak yepuöu cäl anjic kəc kök. Ku abî yenhom guöt piny ku door Nhialic ku lueel, “Nhialic arëer kek we ayic!”

Käpuöth ye looi tē röök kəc

²⁶ Yeŋö ba jäl lueel miëthakäi cî gam? Tē met wek wenhïim bāk Nhialic door, raan tök ee waak ket ku piöc ŋek. Ku luel raan dët käk cî nyuöth ye, ku war raan dët wët cî lueel ë thon dët yic. Kakkä aaye looi ëbën bik akut kəc cî gam kony.

²⁷ Kəc jam weyiic ë thok kök cî ŋic tē met wek wenhïim, acî kəc karou ayi kəc kadiäk wan thook. Wek aa dhil ŋek ajam ë ŋek cök, ku raan war wëtdun lëkkë kəc yic, adhil tō thïn.

²⁸ Ku na liu raan war thok yic, ke raan jam thon cie piŋ kəc kök abit ku jiem yepuöu ë rot tēnē Nhialic.

²⁹ Calkë kəc karou, tädë kəc kadiäk cî Nhialic gäm wëtde, aa lëk kəc. Ku kəc kök

akut, kəc cī gam aa bit bik kē luel döt yic kepuöth.

³⁰ Ku na bīi Nhialic wēt raan cī nyuc amat yic puöu, ke raan jam akääc.

³¹ Calkē raan tök aye jam ku ben ηek la yecök, rin bī raan ebēn piöcc ku deet ē puöu.

³² Raan jam, lək kəc wēt Nhialic adhil ηic yenhom bī köcc ku ben raan dēt päl jam,

³³ rin awic Nhialic buk aa jam ke ηek ē ηek cök, ku cuk ye tēer ē kamkua.

Tē met akut kəc cī gam yenhom tēden ye kek röök thīn,

³⁴ ke diäär aacīi päl bik jam. Keek aa dhil biēt ku pīnkē. Aa dhil tō rōör cök cīt tē yeku yök ye ke cī gät löη kəc Judeo yic.

³⁵ Na le kē wickē bik deet yic, ka dhil rōörken thiēc tē cī kek dhuk baai. Rin acīi path bī tik jam amat akut kəc cī gam yic.

³⁶ Nadē ke ye wek we bīi wēt ē Nhialic thīn? Nadē ke ye we wepēc yen bīi yen?

³⁷ Na ye raan tak lön ye yen raan kək Nhialic tīη, tēdē ke ye Wēi Nhialic nyuöth, ka dhil ηic lön kək gät ke aa kək bö tēnē Bēny.

³⁸ Na ye kakkä dhöl yiic, ke duökkē ye kuēc nhom.

³⁹ Kēya, miēthakāi cī gam, tääukē wepuöth kək bī Nhialic nyuöth we yiic bāk ke aa lək kəc, ku duökkē kəc kək cī gam jam thok kək, ye gēl bik cīi jam.

⁴⁰ Wek aa dhil kēriēc ebēn looi dhēl la cök.

15

Jethu acīi jət ran yic

¹ Ēmēn miēthakāi cī gam, wek aa ba ben lək rin Wēt Puöth Yam ya lək we, wēt cäk yök ku yen cäk gam wepuöth ebēn.

² Wēt ya lək we, ku yen bī we luök aya tē muk wek ye cīt tē cī yen ye lək we thīn, ka bī ciēn wēt puöth cäk gam, tē cīi yen ye yic.

³ Yen acī wēt thiek yic apēi yök ku lək we. Wēt cī Raan cī ləc ku dəc thou rin adumuömkua. Cīt tē cī gät ye athör thēer wēl Nhialic yic.

⁴ Acik thiök ku yeen acī Nhialic jət thou yic nīn kadiäk cök bī ben pīr, cīt tē cī gät ye athör thēer wēl Nhialic yic.

⁵ Ku nyuth rot Pīter ku jəl atuuc kathiäär ku rou.

⁶ Ku ben rot nyuöth tēnē kəc juēc wär kəc buöt kadhiēc, kacken ye buöth cök, kəc ηot ke pīir kəc juēc, cäk alön cī kəc kək thou.

⁷ Ku ben rot nyuöth Jemith ku jəl rot ben nyuöth atuuc ebēn.

⁸ Ku jəl rot nyuöth yen ciēn cīmēn raan lök dhiēeth ciēn.

⁹ Rin ē yen akoor tēnē atuuc ebēn, aya yök acīi path bī yen a cöl yen atuuc rin yen acī kəc akut, kəc cī gam jöör, ku cal ke aa gum apēi.

¹⁰ Ku dhēēη ē Nhialic acā cöl acīt kēnē akölē. Ku dhēēη cī gām yen akēc nhom dēer piny. Yen acī luui apēi luoi wär yen atuuc kək, ku acie riēldiē ē rot, ee miöc cī Nhialic gām ya yen alēu yen ē luoi kēnē.

¹¹ Kēya, na ye wēt kēnē yen ya lək kəc, tēdē ke ye yen lək atuuc kək kəc aya, ke yen ē wēt tōη le yök tuēη ke lēkku kəc, ku ē yen acäk gam.

Kəc cī gam aabi röt jət rēη yiic

¹² Na ye lək kəc lön cī Nhialic Raan cī ləc ku dəc jət thou yic, ke yenjö ye kəc kək ē kamkun ye lueel lön cīi kəc cī thou bī jət bik ben pīr?

¹³ Na ye wēt yekē lueel yic, lön cīn yen raan cīi jət ē thou yic, ke Nhialic akēc Raan cī ləc ku dəc jət ē thou yic aya.

¹⁴ Ku na Raan cī ləc ku dəc kēc jət ran yic, ke wēt yeku lək kəc ku gamdun tēnē Raan cī ləc ku dəc acīn wētde yic.

¹⁵ Ku dēt aya abī nyooth lön lueel yök lueth rin Nhialic, rin acuk lueel lön cī yen Raan cī ləc ku dəc jət thou yic. Ku na ye yic lön kēc kəc cī thou jət bik ben pīr, ke Nhialic akēc Raan cī ləc ku dəc jət thou yic.

¹⁶ Rin na kēc kəc cī thou jət, ke Raan cī ləc ku dəc akēc jət aya.

¹⁷ Na Nhialic kēc Raan cī ləc ku dəc jət thou yic, ka cīn kē kuny gamdun we tēnē Raan cī ləc ku dəc, ku adumuömkun aa ηot ke kēc päl piny.

¹⁸ Na Raan cī ləc ku dəc kēc jət thou yic, ke wētde yic aya, abī ciēt lön cī kəc cī gam ku aaci thou, aa kəc ηot ke rēer adumuömkun yic.

¹⁹ Na yeku ηööth lön bī Raan cī ləc ku dəc yo kony pīr akölē yic ē rot, ku acie pīr

akölrüec ebën, ke yok aabi kuat raan tö pinyinhom ebën yic ηεεr ë rienkua.

²⁰ Ku yic ë kë cï Nhialic Raan cï löc ku dác jót thou yic bi nyuæth lön bi yen kác cï thou jót aya.

²¹ Cïmën ye kác thou rin këwäär cï raan tök looi, ke kác aabi röt jót thou yic aya rin kë cï raan dët looi.

²² Cïmën wäthεεr ye kác thou rin ye kác tök kek Adam, ke yeen aya kác aabi jót bik pïr rin cï kek mat kek Raan cï löc ku dác.

²³ Ku ηεk abï la akölden bi ye jót thou yic. Raan cï löc ku dác yen acï kan jót thou yic, ku kacke aabi jót aköl le yen dhuk.

²⁴ Ku thök ë piny abï jäl bën, ku Raan cï löc ku dác, abï jak ril pinyinhom kek kacken rac ebën, ku gem Bäány tënë Wun Nhialic.

²⁵ Rin Raan cï löc ku dác adhil mac yet aköl bi Nhialic kác ater ebën göök ku bi ke yecök.

²⁶ Raan ater bi jäl göök ciëen ee thou.

²⁷ Acï göt athör thεεr wël Nhialic yic ëlä, “Nhialic acï këriëec ebën tääu yecök.” Alëu bi deet yic lön, këriëec ebën, ye lueelkä, Nhialic guöp aliu ë kakkä yiic rin ee yen Raan cï löc ku dác looi bi kan mac ebën.

²⁸ Ku na cï këriëec ebën tääu Raan cï löc ku dác cök, ke yeen nom yen Raan cï löc ku dác abï rot tääu Nhialic cök, yen raan këriëec ebën looi bik tö yecök, ku Nhialic yen abï këriëec ebën jäl mac.

²⁹ Takku emën kác ye muæc nhïim rin kác cï thou. Yenö yakë ηöth? Ye këpiath ηö ye kác ye muæc nhïim rin kác cï thou looi tē cï Nhialic kác cï thou ë jót bik ben pïr?

³⁰ Na cï kác cï thou röt ë ben jót, ke yenö ye yok yonhïim rääm akölaköl kë ye yok thou yok thïn.

³¹ Miëthakäi cï gam, thou ë ya tiεεt piny akölaköl. Yen akuëη, yen aluel yic rin ee këne ë nhiaamdië ë rienkun, lön cï yok röt mat kek Raan cï löc ku dác Jethu Kritho Bänyda, ee piërda yic.

³² Yenö ca yok thïn wäär thër yen kek kác cit lääi Epethuth? Na kác cï thou cie jót bik ben pïr, ke yo mïthku ku dëkku, nhiäk yok aabi thou.

³³ Duk rot cöl amär, “Na ye cath ke kác rεc, ka rεc yi ba ciët ke.”

³⁴ Yakë ηiëc tak ku pälkë dhölkun adumuööm. Ee yär guöp rin kác kök weyiic aa kuc Nhialic.

Guöp cï rot jót ran yic

³⁵ Raan dët abï thiëc ëlä, “Bi Nhialic kác cï thou jót këdë bik ben pïr? Ye guöp yindë bi tö ke ke?”

³⁶ Yenö thiëc wek këlä! Të com yïn käu, ku cïi yic kan pät bi ciët kë cï thou ka cïi cil.

³⁷ Ku kë ye com ë käu ë path cïmën käu ë rap ku käk kök, acie kool rap yen ye com bi ben düt.

³⁸ Nhialic ë käu gam guöp cï löc ye. Ee kuat käu gam guöpden path ke ye.

³⁹ Gup käk pïr ebën aacï thön. Kác aa la guäpden ë röt, lääi aa la guäpden ë röt, diet aa la guäpden ë röt, ku rec aa la guäpden ë röt aya.

⁴⁰ Ala gup tö nhial ku gup tö pinyinhom, ku dhëη rëer kek gup tö nhial acïi rëer ke gup tö pinyinhom.

⁴¹ Aköl ala dhëηde ë rot, pεei ala dhëηde ë rot ku kuεl aa la dhëηden ë röt. Ku kam ë kuεl, kuεl kök aa la dhëηden ë röt aya.

⁴² Abï ciët ë këne tē le Nhialic kác cï thou jót bik pïr. Tē cï guöp thiök ka dhiäth bi ya tiöp, ku tē jót ye, ka cïi ben thou ku cïi ben dhiäth.

⁴³ Tē cï guöp thiök, ka cï riäak ku cïn dhëη ku riel. Tē jót Nhialic ye, ka bi dhëη ku ril.

⁴⁴ Tē cï ye thiök, ke ye guöp pinyinhom tēn, tē jót ye, ka bi ya guöp ye Wëi Nhialic gam pïr. Cit lön tö guöp pinyinhom thïn, guöp pan Nhialic atö thïn aya.

⁴⁵ Rin acï göt athör thεεr wël Nhialic yic ëlä, “Raan tueη Adam ëci cak ku bi pïr, ku Adam ciëen ë pïr wëi gam.”

⁴⁶ Acie guöp pan Nhialic yen kan ben ë guöp pinyinhom.

⁴⁷ Adam tueη ë cak ë tiöp, ku Adam dëätë ë bö nhial.

⁴⁸ Kác pinyinhom aa thön kek raan wäär cak tiöp, ku kác ë kác nhial aa thön kek raan bö nhial.

⁴⁹ Emën yok aa thön kek raan cï looi ë tiöp, ku aköldä yok aabi thön kek raan bö nhial.

⁵⁰ Miëthakäi cï gam, awiëc bäk ηic lön gupkuan la yiic adiön ku riεm aabi riäak piiny ran yic. Aacïi röt bi mat ë bäány Nhialic yic, bäány rëer thïn akölrüec.

51 Wek aa ba lëk kë cäk ñic theer ku bæk deet yic emën. Acie yo ebën yok bi thou, yook ebën yok aabi yiek guöp ë yam.

52 Abi rot looi kaam thïn koor ë path. Të piñ këcīt kañ yic aköldä thöök piny, Nhialic abi kəc cī thou jot bik pīr. Yok aabi waar ebën buk cīi ben thou.

53 Gupkuan cī thou ku riëkkë ë rañ yic, aabi waar gup cie thou, gup cie riääk rañ yic. Ku yok kəc pīr yok aabi gām gup cie thou.

54 Të le kënë rot looi, gupkuan ë thou ku riëkkë aabi waar bik cīi ben aa thou, ke wël Nhialic cī gõt theer aabi kenhīim jāl tiεεñ,

“Riel ë thou acī liu, thou acī göök papot!”

55 “Yīn thou, rieldu ako? Yīn thou, rieldun yīn yo göök ë yīn kəc nök ako?”

56 Thou ee rielden yen kəc nök yök tēnē adumuööm, ku adumuööm ee rielde yök tēnē löñ.

57 Yok aa dhil Nhialic leec, rin cī yen yo cəl ayök riel ye yok adumuööm ku thuöu tiaam, rin kë cī Bānyda Jethu Krītho looi.

58 Kēya, miēthakāi cī gam, muökkë gamdun apath guösmkë. Yakë luui akölaköl rin Bēny, rin anjεckë acīn kuat luoi yakë looi rin Bēny bi ñhom kañ dεer piny ë path.

16

Wēëu ye juaar rin kəc cī gam Judia

1 Awiēc ba jam rin wēëu wiēcckë bæk ke juaar rin bi wek kəc cī gam Judia kony. Wek aa dhil kë ca lëk akuut kəc cī gam Galatia looi.

2 Ñək ë kamkun adhīl wēëu atösu tēcīt tēn akuēnden bi lēu aköl Nhialic thok ebën, rin bi ciēn wēëu ben kuööt yiic aköl bi yen bēn.

3 Na la bēn ke yen abā athöör gām kəcckun cäk kuany, ku lëk kəc Jeruthalem lön kəcckä aa kəc yēth wēëu cik juaar tēnē we.

4 Na pēth tēnē ya ba la Jeruthalem, ke kek aabi cath ke ya.

Të cī Paulo guiēr kēnyde

5 Yen abi jāl bēn tēnē we tē cī yen kañ tēek Mathedonia, rin aca guiir ba tēek thīn.

6 Aya yök yen abi lök ya la rēer kek we, tēdē yen abi rut thöl, ku wek aa bā kuony la kēnydiē yic kuat tē le yen thīn.

7 Acā wīc ba we tīñ ë path emën ku bar tuēñ. Aya ñösth ciēt ya bi rēer apēi kek we tē pēl Bēny ye bi rot looi.

8 Yen abi rēer Epethuth ë tēn yet aköl Yan Ayup cīn yic luou,

9 rin yen ala kë luoi ke dīt tēn apēi, cək alon cīi kəc juēc kë luoi wīc.

10 Na bö Timothī, ke nyuöthkë ye lön acīn kë bi ye cəl ariəc tē rēer yen kek we, rin alui rin Bēny cīmēn luui yen rin Bēny aya.

11 Acīn raan ë kamkun yōñ Timothī guöp. Kuonykë bi dhölde tēek apath bi dhuk tēnē ya ke puəl guöp, rin anjāath bi dhuk kek miēthakāi cī gam luui yok ke ë tök.

12 Emën, rin wāmāāth Apolo, aca ya yöök bi la tēnē we kek miēthakāi kək cī gam. Ku acīi wīc bi la tēnē we emën, anjot bi la tē lēu yen rot.

Wël ciēn

13 Tiēerkë ñhīim, kääckë ë cök gamdun yic, duäkkë riəc, rielkë puöth.

14 Wek aa dhil kēriēc ebën looi kek ñhiēr wepuöth.

15 Wek aa ñic Ithipanath kek kacke, kek aa kəc ke kəñ wēt Nhialic gam pandun Akaya ku yekë luui apēi rin kəc ë Nhialic. Wek aa lāñ, miēthakāi,

16 bæk kəc cīt käckä theek ku raan dēt rot māt thīn bi luui kek ke.

17 Yen amit puou rin cī Ithipanath ku Portunato ku Akaikuth bēn, keek aaci bēn luui nyiendun wäär liiu wek.

18 Rin aacā bēn cök puou ku we aya. Dhielkë wēt ye kəcckä lueel piñ.

Muöth ciēn

19 Akuut kəc cī gam wun Athia aa we tuöc miäthden, Akuila ku Prithkila ku akuut kəc cī gam mat panden, aa we tuöc miäthden apēi rin Bēny.

20 Miēthakāi cī gam tō ë tēn aa we muösth. Miäthkë röt ë kamkun muöth kəc cī gam.

21 Ee yen Paulo yen agät ë muöth kënë ë ciεēndiē.

22 Kuat raan cīi Bēny ñhiar abi kērac yök. Bānyda, bäär!

²³ Bï dhëen Bányda Jethu rëer ke we.

²⁴ Nhiërdië arëer kek we ëbën rin Jethu
Kritho.

Athör ë rou cì Paulo gät kɔc gen Korinth Wët nhom

Athör ë rou tēnē kɔc cì gam gen Korinth, ee gēt Paulo wäär cì wël wääc kam akut kɔc cì gam kek ye. Kɔc kɔk kam akut kɔc cì gam yic aake ye Paulo lëk guöp wël rɛc apɛi. Ku acì Paulo nyuöth ke lɔn wïc yen ye bī ben döör ke ke, ku acì puöu miɛt apɛi wën cì yen rot looi.

Aban tuen athöör yic, Paulo ë jam ciεηde kek akut kɔc cì gam gen Korinth. Ku tēt ke kēn gēt yen athöör wäär ke tuc puöu apɛi. Ku lëk ke miɛt ë piände rin pël ë wët piny, ku döör kamken cì wël cì lëk ke athör kēnē yic cɔl aloi rot. Ku jɔl lëk akut kɔc cì gam bīk kɔc ηəŋ cì gam pan Judia aa kony ë puöu ëbēn. Ku wën jɔl wël wicke bī ke lueel thök, Paulo acì rot bēn kony tēnē kɔc kɔk Korinth ye lueel lɔn kek atuuc ayic, ku lɔn cīi Paulo ye atuny la cök.

Käk tō thīn

Wët Nhom 1:1-11

Paulo ku akuut kɔc cì gam gen Korinth
1:12-7:16

Kuəny rin kɔc cì gam Judia 8:1-9:15

Paulo ë rot kony lɔn ë yen atuuc ayic
10:1-13:10

Thök ë wël 13:11-13

¹ Athör kēnē abö tēnē Paulo, atuny Jethu Krītho ë wët wïc Nhialic, ku wämäähda Timothī ku tēnē akut kɔc cì gam gen Korinth, ku tēnē kɔc kɔk ë Nhialic ëbēn rēər pan Akaya.

² Bī Nhialic Wāda ku Bēny Jethu Krītho we yiək dhēəŋ ku döör.

Paulo ee Nhialic leec

³ Lecku Nhialic Wun Bānyda Jethu Krītho. Yen ë Wādan lir puöu tēnē yo ku yen ë yo dɛɛt puöth käreɛc yiic akölaköl.

⁴ Ee yo dɛɛt puöth käreɛc yo yök yiic, rin buk lēu aya buk kɔc kɔk aa dɛɛt puöth kāracken yiic. Aayeku ke dɛɛt puöth cīt tē ye Nhialic yo dɛɛt puöth thīn.

⁵ Ku cīt lɔn ye yok gum aya rin wët Raan cī lɔc ku dɔc, yen ë tēde aya, Nhialic ë yo dɛɛt puöth kajuɛc ril yiic apɛi akölaköl.

⁶ Na guumku, ke rin bī we dɛɛt puöth ku luäk we, na deet yopuöth ke rin bī we dɛɛt puöth, ku gēm we riel ye wek gum cīmēn tē ye yok kəŋ guööm thīn aya.

⁷ Wek aa ηöthku apɛi, rin anjicku lɔn guum wek cīmēnda, këya yok aabī deet puöu rəm yodhie.

⁸ Miëthakāi, awīcku bāk käreɛc cī yo yök wäär rēər yok pan Athia ηic. Käreɛc ke cuk yök aake dīt apɛi ciɛt ke cuk bī lēu buk ke guum, yok aa yo cī yonhīim ηiɛc wei ë piərda.

⁹ Acuk yök lɔn cīt yok kɔc cì tēm thou. Ku kēnē acì rot looi bī nyuöth yo lɔn acie rielda yen ηöthku, ee riel Nhialic raan kɔc cì thou jɔt.

¹⁰ Acì yo puööt bei kāk ke duər yo nök yiic, ku abī yo kony. Ku anöthku lɔn bī yen yo ben kuöny bei,

¹¹ cīmēn cī wek yo kony ë röökkun. Këya, röök juɛc bī looi ë rienkua aabī Nhialic dhuk nhīim ku dɔc yo, ku kɔc juɛc aabī Nhialic leec rin këpuöth cì looi tēnē yo.

Paulo acì kənyde waar yic

¹² Anjicku yopuöth kuat kāk yeku ke looi pinynhom ë tēn aa yeku ke looi puön yer cī Nhialic gām yo. Ku ë yen kēnē yo cɔl anjic rēər kek we. Ku yen aloiku dhēəŋ ë Nhialic, acie ηiɛc kan tō ke raan.

¹³⁻¹⁴ Wek aa ya gät kāk lëukē bāk ke kueen ku dɛtkē keyiic. Ku na cɔk amēn cīi wek wëlkä ye deet ëbēn, ka ya nōöth lɔn ηot bī wek ke deet yiic ëbēn, rin na ye aköl le Bānyda Jethu dhuk ke wek aabī nhiam rienkua cīmēn bī yok nhiam ë we.

¹⁵ Rin ηic yen ye lɔn bī wek wëlkiɛ deet, aca guiir tuen ba la tēnē we bāk dēt ben yök.

¹⁶ Rin ë ca guiir ba tēek tēnē we tē le yen Mathedonia, ku tē le yen dhuk aya, ku bāk ya cɔl ala Judia.

¹⁷ Wäär guiir yen kənydiɛ këya, ye nyooth lɔn cīi yen ye wïc ba dhiel looi? Tē guiir yen kë wiɛc ba looi cā ye yiək yanhom? Tēdē ya ke guiir cīmēn kɔc pinynhom ë tēn, kɔc ye

lueel, “Yëë,” Ku gokë lueel, “Yei, yei,” Nyin yic kedhie?

¹⁸ Cïmën ñic yok ye alanden lön Nhialic ë wëtde tiëññ nom, kë ca thön we ëcie “Yëë,” tädë ke ye “Yei.”

¹⁹ Rin Wën Nhialic Jethu Kritho ye yok wëtde lëk we yok Thilath ku Timothï, ë këc bën ke ye puşu rou, ëcï bën ke ye puşu tök.

²⁰ Na cök la käjuëc cï Nhialic thön ka tök rin Raan cï lóc ku dác, rin yen ë käk cï Nhialic ke thön tiëññ nhïim. Ku ayeku lueel ë rienke, “Yenakan,” të leec yok Nhialic.

²¹ Ee Nhialic yen ë yo looi yodhie buk aa tök kek Raan cï lóc ku dác. Acï yo dác,

²² ku yik yo kïnden ye yok kacke, ku tëü Wëike yopuõth bï nyooth lön ye yok kacken bï käk cï töşu yök.

²³ Na ye lueth yen luëel, ke Nhialic abä tëm awuöc. Wët këc yen bën la Korinth ë rin cïi yen ye wïc ba we cöl aben gum.

²⁴ Acuk wïc buk we mác kë bák gam. Anjicku lön wek aa ril ë gamdun yic. Wek aa konyku ke rin miët ë piändun.

2

¹ Këya, aca bën tak ba cïi bö tënë we rin bï ciën këreëc dët ben rot looi.

² Rin na cal we aa riääk puõth, ka cïn raan dët cï döñ bï yen cöl amit puşu, rin aa wek aca rac puõth.

³ Ku cït lön yen tënë cï yen we gät athöör thïn, yen acïi bï bën, rin aya yök ke ya bï riääk ë puşu yök, të ya tak ke ya bï kë cöl ya amit puşu yök thïn. Ee ñieëc alanden, kë bā cöl amit puşu abï we cöl amit puõth aya.

⁴ Wäär gët yen we athöör, yen a ya rem puşu apëi aba ya dhiau, ku këñ luöoi acie lön bï yen we rac puõth, ee rin bák të nhieër yen we thïn apëi ñic.

Pël wët piny tënë raan cä awuöc looi

⁵ Na cï raan awuöc looi tënë raan dët, ka këc looi tënë yen ë rot, ee tënë we rin acit kë cï looi tënë we cök cïi ye we ëbën. (Aluëel këlä rin acä wïc ba jam ë wët këñ yic apëi.)

⁶ Ee tède yen të cï kác juëc kamkun raan këñ wëët thïn.

⁷ Ëmën këya, wek aa dhil wët päl piny tënë ye ku deëtkë puşu rin bï puşu cïi pëk wei bï jäl ë gam yic.

⁸ Këya, wek aa yöök bák cöl anjic lön nhieër wek ye.

⁹ Wek aaca gät athör këñ rin ë wiëc ba ñic lön ye wek wëlkiën ca lëk we gam ëbën.

¹⁰ Na le raan töñ pël wek wët piny tënë ye, ke yen apël wët piny tënë ye aya, të le yen awuöc cï looi dhiël päl piny tënë ye ayic. Aya looi ë rienkun ke Raan cï lóc ku dác daai kë tö yapuşu.

¹¹ Yen ë këñ looi rin bï Bëny jakreëc riël cïi yök bï luöida rac, rin täden yen luui thïn anjicku apëi.

Diëer ë Paulo gen Troath

¹² Wäär yëët yen gen Troath ba Wët Puõth Yam ë Raan cï lóc ku dác bën lëk kác, ke yök lön cï Bëny Jethu dhël ë luöi ñaany thok.

¹³ Ku yen ë ya cï diëer apëi rin këc yen wämääth Tito yök. Guö kác töññ ku bar Mathedonia.

Riël ye yök tënë Raan cï lóc ku dác

¹⁴ Lecku Nhialic! Ee yook wat nhïim akölaköl buk tiam rin Raan cï lóc ku dác. Nhialic ë yo luöi bï ñieëc rin Raan cï lóc ku dác piny thöñ yic ëbën cïmën miök ñir apëi.

¹⁵ Rin yok aa cït adöñ ñir mit ye Raan cï lóc ku dác gam Nhialic, adöñ ñir ë thiëi piny kam kác luëk Nhialic, ku kác mär.

¹⁶ Tënë kác kök ë ñuäc reëc ë thou bëëi, ku tënë kác kök ë ñuäc mit ë pïr bëëi. Yenā lëk ye bï këñ looi?

¹⁷ Yok aacïi cït kác juëc kök wët ë Nhialic looi bï kek aa la lim. Yok aa wët ë yic lueel ë Nhialic nom, rin yok aa kác Raan cï lóc ku dác, ku ë Nhialic yen acï yo tooc.

3

Kác lui ë Döör Yam

¹ Yakë tak lön yok aa ben röt lëk we? Acie tède. Kác kök athör lööm tënë we bï kek röt la nyuõth kác kök, ku kác kök aa athör bëëi tënë kác kök bï kek röt bën nyuõth we. Ku yok acie wïc athör cït kakkä.

² Aa wek athördan yeku muk, cï gät yopuõth bï raan ëbën ñic ku kueen.

³ Wek aa cït athör bö tënë Raan cï lóc ku dác. Akëc Raan cï lóc ku dác göt galam, acï göt Wëi ë Nhialic pïr. Akëc göt aleel pat yiic kõth, acï göt yopuõth.

⁴ Alëuku buk kakkä lueel ke yo ñic Raan cī lōc ku dōc ē Nhialic nhom.

⁵ Acā lëu ba lueel lōn yok aa la riēda ē rōt ye yok Nhialic luōōi. Riēl ye yok ye luōōi ayeku yok tēnē ye.

⁶ Yen acī yo yiēk riēl ye yok kōc lui rin dōōr ē yam kek ye, dōōr ē Wēi cīi cīt lōñ cī gōt. Lōñ cī gōt ee thou bēēi tēnē kōc, ku Wēi ē pīr bēēi.

⁷ Lōñ ēcī gōt aleel pat yiic kōth, ku diik Nhialic ēcī rot nyuōōth wāār gēm ye. Na cōk a wāār cī ruēl Nhialic yen cī Mothith paat piny bēn jāl amāāth, ke ñot ril apēi bī kōc Itharel cīi lēu bīk Mothith dōt. Kēya, na ye lōñ thou bēēi, tēnē kōc yen luui kōc yen bēn kek diikdīt cīt kēnē,

⁸ ke diik luōi Wēi cīi bī dīt apēi!

⁹ Na ye lōñ dōōr thēer kōc cōl atēm awuōc la diik, ke ye diikdīt yīndē bī lōñ dōōr yam kōc cōl aala cōk tēnē Nhialic bēēi!

¹⁰ Ee yic, lōñ dōōr thēer acīn kēpuōth bī ye thōōñ kek lōñ dōōr yam.

¹¹ Na ye lōñ dōōr thēer cī guō bēn liu la diik, ke ye diikdīt yīndē bī dōōr yam cīi bī kañ liu bēēi!

¹² Yok aa cie riōōc tē jīēm yok rin le yok ñōth lōñ dōōr yam la diikdīt akōlriēēc ēbēn

¹³ Yok aacīi cīt Mothith wāār yenyin kum bī kōc Itharel diik Nhialic cīi ñic tē jīēl yen thīn amāāth.

¹⁴ Keek aake cī muōr puōth. Agut cīt ēmēn kēn ke cōl aacīi kāñ ñic añoot tē kueen kek athōr lōñ thēer, kēn ke muōr puōth añot tō thīn. Ku aye nyaai tē mēt raan rot Raan cī lōc ku dōc.

¹⁵ Agut cīt ēmēn gēt yēn athōr, tē kueen kek lōñ Mothith, kēn ke muōr puōth bīk kāñ cīi ñic añoot thīn.

¹⁶ Ku kēnē aye nyaai tē mēt raan rot Bēny.

¹⁷ Ku Bēny ye lueel ē wēlkā yiic ē Wēi. Ku tē rēer Wēi Bēny thīn, lāāu nhom ē tō thīn.

¹⁸ Diik Nhialic ayeku nyuōōth rin cīn yen kēn yo muōr puōth. Ku Wēi Bēny ē yo looi ēbēn buk ciēt ye, ku diēkde ē rot juak, kēnē ē luōi Wēi ē Bēny.

4

Riēl Nhialic gupkuan cīt tōny cī cuēēc tiōp

¹ Kēya, yok aacie dhōr ē luōi kēnē rin ē Nhialic yen agēm ye yo ē lier piānde.

² Yok aacī kuc buk kāk ye moony ku kāk kōc rac gup cīi ye lueel. Ee yic yen ayeku lueel kōc nhīim. Ku yen aye kek ye ñic kepuōth ēbēn, yeku kōc yīndē ē Nhialic nhom.

³ Na cīi kōc kōk Wēt Puōth Yam yeku lēk kōc ye deet yic, ka kōc cī puōth māār kek aacie ye ye deet yic.

⁴ Jōñrac mac kōc piny kēnē ya akōl acī kōc kēc gam muōr puōth, ku bīk ruēl ē bēn tēnē Wēt Puōth Yam cīi ye tiñ, wēt yam diik Raan cī lōc ku dōc yen cīt Nhialic guōp.

⁵ Yok aacīi kōc ye lēk rin bī yok rōt lueel, yok aa kōc lēk rin Jethu Krītho ke ye Bēny. Ku yook ke yo ye aloony tēnē we rin Jethu.

⁶ Nhialic yen luel ye athōr thēer yic ēlā, “Cōl ruēl aruel muōōth yic.” Yen ē Nhialic tōōñ cōl ruēl ñiēēc kañ aruel yopuōth bī yo nyuōōth diik Nhialic ē ruēl Raan cī lōc ku dōc nyin.

⁷ Ku yok kōc la kēpuōth diīt kēnē, yok aa cīt tōōny cī cuēēc ē tiōp. Ku ē rot looi kēya bī nyuōōth lōn riēldīt apēi ē bēn tēnē Nhialic, acie yo.

⁸ Yok aa kāk jōr yo yōk ku aacie yo ye rac. Na cōkku kē loiku kuc, ke yok aacie dhōr.

⁹ Yok aaye cōl agum, ku yok aa kēc Nhialic pāl wei. Yok aacī nōk buk la nañ piiny, ku yok aa kēc thou.

¹⁰ Kuat tē yeku tēēk ēbēn yok aa ciēt kōc bī nōk cīmēn Jethu. Kēya alēu kōc kōk bīk pīr Jethu tiñ yōgup.

¹¹ Rin yok kōc pīr, yok aa rēer akōlakōl yo cīt kōc bī thou rin Jethu, rin bī piērde tiñ guōpdan bī thou yic.

¹² Kēya, yok thou rin bī wek pīr.

¹³ Acī gōt athōr thēer wēl Nhialic yic ēlā, “Yēn ē jam rin cī yēn gam.” Ku rin le yok gam tōñ thōñ, yok aa jam aya rin cī yok gam.

¹⁴ Rin añicku Nhialic yen jōt Bēny Jethu bī bēn pīr, abī yo jōt kek Jethu aya, ku nyēēi yo ku we bī yo yāth tē rēer yen thīn.

¹⁵ Kēnē aloi rot ēbēn ē riēnkun. Aloī rot rin bī dhēēñ ē Nhialic yet tēnē kōc juēc, rin bī kōc juēckā piath ē Nhialic ñic, ku bīk aa leec ku dorkē.

Pīr rin ē gam

16 Ku rin ë wët kënë yok aacie puöth ë bath cak alon thöök rielda amääth-amääth, ke piäthkua aa ber piny akölaköl.

17 Aterthii yeku ke yök emën, aa guir yook rin pïr akölrïëc bï aterthii kuankä looi bik cïi ye kãj acïn.

18 Rin yok aacie yopuöth ë tääu kãk ye tïj yiic, yok aa yopuöth tääu kãk cïi ke ye tïj yiic. Rin kãk ye tïj aa guo jãl, ku kãk cïi ke ye tïj aa rëer thïn athεεr.

5

1 Rin anïcku lon guäpkua pinynhom ë tën aa cit duël ye yok rëer thïn kaam koor. Ku na la duël kënë riääk ke Nhialic abï yo yiëk yöt tēden rëer yen thïn, yon kēc raan looi yecin. Yon ë looi Nhialic nhom guöp, cïi bï kan riääk.

2 Cit emën rëer yok yo dhiau, ayeku wïc lon bï Nhialic yo gãm gupkuan yam bö nhial.

3 Ku rin cïi yok bï nōj ë guöp, yok aabï gãm guöp yam.

4 Gupkuan rëer ke yo pinynhom aacïi bï rëer thïn athεεr. Yok aa dhiau rin kãjuëc buk guum. Ku acie lon wïc yok ye buk thou ayic, kë wïcku ë lon bï Nhialic yo waar bï yo gãm guöp ë yam bï pïr akölrïëc ëbën. Këya, yok aa wïc gupkuan pinynhom bï ke waar guöp bï rëer thïn athεεr.

5 Ee Nhialic yen acï yo guir rin awër kënë. Ku gëm yo Wëike buk njic lon bï yen ye looi.

6 Këya, yok aa rëer yo deet yopuöth akölaköl. Ku anïcku tē rëer yok ë guöpdan kënë yic ë pinynhom tën, yok aa rëer ke yo mec kek tën bï yok rëer thïn kek Bëny.

7 Yok aa pïr ë gam, acie kë yeku tïj.

8 Yok aa rëer yo deet yopuöth ku guirku röt apëi buk guöpdan pinynhom puöl rin bï yok la tē rëer Bëny thïn.

9 Adhilku looi buk Bëny col amit puöu piërda yic pinynhom ë tën, ku pïrdan aköldä aya.

10 Rin yok aabï dhiel kööc Raan cï löc ku döc nhom aköl ë luk, bï njek atëm awuöc, tēdë ke döc rin kãkken cï looi wäär pïir yen pinynhom.

Nhialic ë kãc col amääth kek ye rin Jethu

5:10 Rom 14:10

11 Cit lon njic yok ye apëi yen tē dhil yok riöc thïn ë Bëny, yen aye yok kãc kök lëk bïk kepuöth wël Bëny. Bëny anjic yo apëi, ku aya njöth lon piäthkun yiic wek aa njic yo aya.

12 Acie lon wïc yok ye buk röt ben lëk we, wek aa wïcku buk we nyuöth kë bï wek aa nhiam ë yo, tē rëer wek kek kãc nhiam kãk ye tïj ku aa liu kepuöth.

13 Na ye kãc kök yo tïj ke yo cï nhïim liäap, ke këda ë röt kek Nhialic, na lok nhïim cök, ke këpiathdun.

14 Kãk yeku ke looi, aa yeku looi rin nhiër Raan cï löc ku döc. Ku emën anïcku lon cï raan tök thou rin kãc ëbën. Ku këya, kãc ëbën aa rom thuönde.

15 Acï thou rin kãc ëbën. Këya, kãc pïr aacïi dhil pïr rin bï kek puöth miët ë röt, ku aabï pïr rienke yen raan cï thou ku ben jöt pïr ë rienken.

16 Ku emën le tuen yok aacïi raan lëu buk njic cit tē ye tiën ye. Ku na le kãc ke njic Raan cï löc ku döc ke ye raan wäär rëer pinynhom, ka cie tēde këya emën.

17 Tē cï raan rot mët Raan cï löc ku döc, ke yeen acï ya raan cï ben cak. Këthεεr acï jãl ku kën yam acï bën.

18 Kënë ee Nhialic yen aloi ye ëbën. Acï yo döör kek ye rin Raan cï löc ku döc. Ku yik yo luoi buk kãc kök döör kek ye.

19 Kë yeku lëk kãc, ee lon looi Nhialic kãc ëbën bïk döör kek ye rin Raan cï löc ku döc. Nhialic akēc awuöc yekë ke looi kuëc nhïim, ku acï yo gãm luoi ye lueel tē bï yok kãc ya döör thïn.

20 Këya, yok aa tuc jam nyin Raan cï löc ku döc. Acit Nhialic guöp yen luel wëtde ë thuönda. Yok aa jam rin Raan cï löc ku döc, ku yok aa thiëc raan ëbën. “Döörkë kek Nhialic.”

21 Raan cï löc ku döc ë cïn guöp adumuööm. Ku acï Nhialic looi bï Jethu thou rin adumuöömku, rin tē mët yok röt kek ye, ke yok aabï ya kãc la cök ë Nhialic.

6

1 Luoida yic yodhie ke Nhialic, wek aa yöökku, wek kãc cï dhëen Nhialic yök bäk cïi col adεεr nhom piny ë path.

2 Rin acï Nhialic lueel, “Aköl wäär wïc yen ye ba we kony, yen acï röökkun bën pïj.

Ku aköl wäär wïc yen we ba we luök, wek aaca bën kony.” Piɛŋkë, kënë yen aköl bi wek kuɔny Nhialic yök, aköl yen aköl bi we luök.

³ Acuk wïc bi la raan luiku kë jör ye këriëc ëbën yic, rin bi ciën raan luel ye lön cii luaida path.

⁴ Këya, ayeku nyuɔth këriëc ëbën yeku looi yic lön ye yok kəc lui rin ë Nhialic, rin ye yok käreç ku kãril yo jöör guum ë path ke yo cii gup tuc.

⁵ Yok aaci that, yok aaci mac ku jət kəc juëc man luaida aliäap nhial, ku yok aa yo ye luui apei ku cuk nin waköu ku nek cək yo.

⁶ Ku yok aaci rëer ke yo cïn gup ajuëc yo lir gup, ke yo yer puöth, ku detku kãŋ yiic. Ku Wëi Nhialic aci rëer kek yo ku nhiërda acin tē diu thïn,

⁷ ee wët yic yen ayeku lək kəc ë riël Nhialic. Ku kë le yok cök Nhialic nhom yen ë tɔŋ ye yok thör ku kony yok röt.

⁸ Kəc kək aa yo leec ku kəc kək aa yo bui. Kəc aa yo jääm gup ku kəc kək aa yo ñiëc jääm. Yok aaye yök lön ye yo alueth ku ë yic yen ayeku lueel akölaköl.

⁹ Yok aaye ciëñ ciët yo cii ñic ku yok aa ñic apei, ayekë lueel lön thou yok, ku tiëŋkë, yok aa ñot yo pïr. Aa yo baŋ apei ku aacie yo ye yeet wei,

¹⁰ Yok aa rëer ke yo mit puöth akölaköl agut aköl guum yok thïn. Na cək alön ñöñ yok ke yok aa kəc juëc looi bik jak, na cək alön cïn yok kãŋ, ke yok aa ñot yo la këriëc ëbën.

¹¹ Mäthkien gen Korinth! Wek aa cuk lək alanden yo lääu puöth.

¹² Nhiërda tënë we akëc yit, aa wek aaci nhiërdun tënë yo yit.

¹³ Cït ëmën lëüu yok puöth tënë we, wek ayök ciët we ye miëthkië, bäk puöth lääu aya.

Duk mët kek kəc kuc Nhialic

¹⁴ Duökkë röt mat kek kəc këc wët Jethu gam. Yenö kəc la cök Nhialic nhom kek kəc cii la cök mat? Yenö ruël ku muöth cəl aaye tök?

¹⁵ Le mänh tö kam Raan ci ləc ku dəc kek jɔŋrac? Yenö rəm kəc Krithiaan kek kəc cie Krithiaan?

¹⁶ Yenö luan rëer Nhialic thïn cəl aräm kek luan kəc ye ke jak ci kiëet door thïn? Yok aa luan rëer Nhialic thïn. Cïmën ci Nhialic ye lueel ëlä,

“Yen abi paandië looi ke kackië ku rëer ke keek yen abi ya Nhialicden ku wek aabi ya kackië.”

¹⁷ Ku lueel Bëny aya, “Wek aa dhil jäl kam kəc këc gam ku tekkë we thook tënë keek. Duökkë kë la guöp acuəl rin adumuööm ye gɔt, ku wek aaba gam.”

¹⁸ “Yen abi ya wuurdun, ku wek aabi ya wätkië ku nyiërkië,” lueel Bëny Madhəl.

7

¹ Mäthkië, Nhialic aci kakkä thøn ëbën. Këya wuunyku yogup wei käreç yeku looi, bi guäpkua ku wëikua yiic ciën ajuëc. Yok aa dhil Nhialic theek ku themku buk pïr ë pïr la cök Nhialic nhom.

Akut kəc ci gam ee Paulo cəl amit puöu

² Lääukë puöth tënë yo. Acin raan tönj cuk luü awuöc, acin raan tönj cuk kum thok, ku acin raan tönj ci yok këde nyaai dhël ruëeny.

³ Të jiiem yen këlä ka cie wek nyiëeny, rin aca lueel wäthëer lön nhiërda tënë we aacie yit yopuöth. Alëuku buk pïr ku thouku kek we.

⁴ Aya yök alëu ba jam tënë we kecïn kë muɔny, yen anhiam ë we, wek aa yen dëet puöu apei, cək alön le yen käreç ya yök, ke yen amit puöu apeidit.

⁵ Agut wäär cək yok yëet Mathedonia yok këc gup kaŋ la läŋ. Yok aa yo ci röm kek ater juëc ku agöth ke kəc kək, ku riöc yopuöth.

⁶ Ku Nhialic yen kəc ci puöth mum dëet puöth, aci yo bën dëet puöth rin ci yen Tito bën cəl abö tënë yo.

⁷ Acië bëndë yen ci yo bën cəl amit puöth ë rot, tē ci wek ye dëet puöu thïn aci yo yuum puöth aya. Acï lək yen lön wïc wek ye apei ba we la neem, ku tē ci wek puöth riëek thïn rin käk ci röt looi tënë ya, ku lön wïc wek ye

apɛi bāk ɣa kony. Këya, ɛmɛn ɣɛn acɪ puʂu miɛt apɛidit.

⁸ ɣɛn acɪi rot gāk cək alɔn cɪ athör wäär ca gät we we cəl arem puʂth, ɣɛn aa ɣa cɪ rot gök tuɛŋ, rin cɪ athördiɛ we reem puʂth, rin aŋiɛc rɛm ɛ puʂu rin athör ca göt acɪ guɔ bɛn jäl wepuʂth.

⁹ Ku ɛmɛn ɣɛn amit puʂu, ku acie rin cɪ ɣɛn we cəl arem puʂth, ee rin cɪ arɛɛm ɛ puʂu we cəl adhuk wepuʂth ciɛɛn. Arem ɛ puʂu acɪ rot looi ke cit kɛ wɪc Nhialic. Ku këya, acɪn kɛrɛɛc cuk looi tɛnɛ we.

¹⁰ Rin arɛɛm puʂu ye Nhialic bɛɛi tɛnɛ we, ee we cəl adhuk wepuʂth ciɛɛn bi we luɔk, ku acɪn agääk rot ɛ tɛɛn. Ku na ye we reem puʂth rin wɪc wek ye bāk ke ya looi kāk pinynhom, ke arɛɛm puʂu kɛnɛ ɛ we cəl aloi adumuɔɔm ku mɛr wɛikun.

¹¹ Tiɛŋkɛ kɛnɛ wɪc Nhialic arɛɛm ɛ piändun yic. Wek acɪ puʂth tir. Acäk wɪc bāk kãŋ cök piny. Wek aacɪ puʂth riääk rin kɛrɛɛc cɪ kuɔc looi. Wek aacɪ ya riɔɔc ɛ Nhialic ku yakɛ wɪc apɛi ba la tɛnɛ we. Ku dhiɛlkɛ looi bāk raan cɪ kɛriɛɛc ɛbɛn looi tɛm awuɔc. Acäk nyuɔɔth lɔn kɛnɛ cäk looi kɛriɛɛc ɛbɛn yic ɛ ye tɛde.

¹² Këya, na cək a wäär cɪ ɣɛn ke athör kɛnɛ göt, ka cie rin raan wäär cã awuɔc looi ku acie rin akut cɪ luɔi kɛrac, ee rin bāk tɛ ye wek diir thɪn ɛ ɣɛn nyuɔɔth Nhialic nhom.

¹³ Kɛnɛ, yen acəl ɣo adeet ɣopuʂth.

Ku dɛt aya, deet ɛ piända, ɣok aacɪ puʂth bɛn miɛt apɛi wäär piŋ ɣok tɛ cɪ Tito puʂu mit thɪn, ku tɛ cɪ wek ɛbɛn ye bɛn dhuɔk puʂu piny thɪn.

¹⁴ Wek aa we ca leec tɛnɛ ye, ku wek aa kɛc ɣɛn cəl ayär guɔp. Wek aa yeku lɛk yith akölaköl, ku ɣɛn amit puʂu rin lɛc wäär ɣɛn we leec acɪ ya yic.

¹⁵ Këya, nhiɛrden nhiɛɛr yen we, ee rot juak apɛi tɛ tɛk yen we tɛ ye wek ye thɛɛk thɪn ku piɛŋkɛ wɛtde, ku tɛ cɪ wek ye luɔr thɪn abi we aa lath.

¹⁶ ɣɛn amit puʂu rin nɔɔth ɣɛn we.

8

Ajuɛr rin akut kɔc cɪ gam Judia

¹ Miɛthakäi, awɪcku bāk tɛ cɪ Nhialic dhɛɛŋde nyuɔɔth thɪn tɛnɛ akuut kɔc cɪ gam Mathedonia ŋic.

² Cək alɔn cɪ kãrɛc apɛi ke yök, ku wɛn cək kek aa kɔc nɔŋ aya, aake ye puʂth miɛt apɛi tɛ miöoc kek.

³ Alɛu ba lɛk we ayic lɔn kek aake ye miöoc bɪk kãkken lik mukkɛ aa dhuɔl wei. Ku ayekɛ looi piänden ɛ röt.

⁴ Ku keek aake ye ɣo lac thiɛɛc lɔn anhiarkɛ aya bɪk la kāk yekɛ ke gam tɛnɛ kɔc ɛ Nhialic Judia.

⁵ Aacɪ röt kan gãm Bɛny Jethu tuɛŋ, ku jəl Nhialic ke cəl aa gɛm röt ɣo tɛcit tɛ wɪc ye. Ee cuk ye tak lɔn bi kek kāk cit kãkkã gam.

⁶ Këya, ku jəlku Tito raan wäär jök ɛ luɔi kɛnɛ thiɛɛc bi la tuɛŋ kek ye, ku kony we bāk luɔidun path kɛnɛ thääp.

⁷ Wek aa la gamdit. Anjɛckɛ apath yen tɛ ye wek ye lɛk kɔc thɪn. Wek aa la ŋiɛɛcdit cɪ wek röt gam puʂu ɛbɛn, ku nhiarkɛ ɣo. Wek aa kãriɛɛc ɛbɛn ŋiɛc looi apath. Ku këya, wek aa wɪcku bāk miɔcdun muk thɪn.

⁸ Acã ye lueel lɔn dhil wek ye looi, ku awiɛc ba nyooth tɛ nhiɛɛr kɔc kāk ye thɪn bɪk kony. Këya, awiɛc ba ŋic tɛ ye nhiɛrdun yic thɪn.

⁹ Wek aa ŋic dhɛɛŋ Bãnyda Jethu Kritho cək alɔn yen ajak, ka cɪ bɛn a raan nɔŋ ɛ riɛnkun, ku bi ŋääŋde ya kɛ yök wek jɛɛk.

¹⁰ Wɛtdiɛ, apath bāk kɛwäär cäk jɔok runwäär thääp. Aa wek kɔc tuɛŋ cɪ luɔi kɛnɛ jɔok, ku acie jök ɛ rot ɛ tɔ wepuʂth bāk luui këya.

¹¹ ɛmɛn, thääpkɛ luɔi wäär cäk jɔok. Luɔikɛ kɛ nhiarkɛ wepuʂth cit tɛwäär cäk guiɛr ye kāk muɔkkɛ ke ɛmɛn.

¹² Na wɪc ba miöoc, ke Nhialic agam kɛdun ba gam kɛdun tɔ thɪn yic wɪc ba gam, ku acie kɛ liu thɪn.

¹³ Acã ye lueel lɔn ye we jöt yiɛth kãthiek rin bi kɔc kök kãpuɔl muk.

¹⁴ Kɛ luɛɛl ɛ lɔn na lak kãjuɛc ɛmɛn, ke we kony kɔc cɪn kãŋ rin na lek kãjuɛc aköldã, ke ke kony we aya. Kɛlä, ke wek aabi röt kony wedhie ɛbɛn.

¹⁵ Cimɛn ye athör thɛɛr wɛl Nhialic ye lueel ɛlä rin miɛth cɪ Nhialic gãm kɔc Itharel wäär ror liɛɛt, “Raan cɪ kãjuɛc kuany acɪn kāk cɪi bɛn dɔŋ piny, ku raan cɪ kãklik kuany acɪ bɛn la kāk wɪc.”

Tito ku kɔc kāk aacɪ tuɔɔc Korinth

16 Үен алец Nhialic rin cī yen Tito cəl anhiar we bī we kony, nhiēr thōᅇ ke nhiēr nhiēer Үен we.

17 Rin Үок аaci Tito thiēec bī la tēnē we, go gam. Ku ē wīc bī cak la aya ē rot.

18 Ku Үок aa toc wāmāāth cī gam kek ye, raan theek akuut kəc cī gam ēbēn, rin ē yen Wēt Puəth Yam lək kəc.

19 Ku yeen aya ē raan cī akuut kəc cī gam kuany bī cath kek Үо tē Үēth Үок kuənydan yeku looi bī Bēny nom guəp leec, ku nyoothku tē nhiērku luəi buk aa kony.

20 Acuk wīc bī la kəc jiēm Үogup tē ye Үок kək cī juaarkə ᅇiec luəi thīn.

21 Awīcku bī ya kē la cək yen yeku looi, ku acie Bēny nom ē rot ee raan nom ēbēn.

22 Kēya, Үок aa toc wāmāāth dēt ke ke, wāmāāth cuk them arak juēc dhəl juēc ku acuk Үок ke ye raan nhiar kuəny. Ku cīt ēmēn ᅇic yen we apei, anhiēer bī we kony aya apei.

23 Tito ē raan ye Үок rəm ku alui kek Үен bī we kony, ku miēthakāi cath ke ye, aa kəc tō nyīn akuut kək, ku aa ləc Raan cī ləc ku dəc.

24 Nyuəthkē ke nhiērdun rin bī akuut kəc cī gam tiᅇ ku ᅇickē, kē ye Үок nhiam ē we.

9

Guiēr kuəny tēnē kəc cī gam Judia

1 Acā wīc ba gēt tēnē we rin kuəny bək looi tēnē kəc cī gam Judia.

2 Rin aᅇiec atō wepuəth bək kony, ku wek aaca ləec tēnē kəc Mathedonia. “Aca lək ke, Miēthakāi cī gam pan Akaya ē wīckē bīk kuəny guə jək runwäär.” Ku luəidun nhiēer wek ye bək kony, aci kəc juēc apei kamken wəl puəth thīn bīk kony aya.

3 Ēmēn Үен atoc miēthakāi cī gamkə rin bī ləcdan ye Үок we leec cī ye lueth. Ku cīt lən cī Үен ye lueel, wek aabi Үок ke we cī kuənydun guir.

4 Rin na le kəc Mathedonia la kek Үен Korinth, ku yökkē we ke we kēc röt guir, ke Үок aabi gup yār apei tē Үок kek kē ye Үок we leec ke kēc rot looi, ku pāl yār ē guəpdun ᅇic Үок we apei.

5 Kēya, aca tak lən puəth yen ba wāmāthakua cəl aala tēnē we Үанhom tuēᅇ,

bīk wēeu cək lueel kaᅇ kuət yiic. Na jəl la ke Үок keek ke cək mat yiic, ku abi rot nyooth lən ē wiēckē bək looi piəthkun ke cī lək we.

6 Aᅇieckē apei lən raan pur domdīt ē rap juēc tem, ku raan pur domkoor acīn rap juēc ye tem.

7 ᅇek adhīl kēden bī gam cī guir yepuəu ēbēn gam, ke cī nom thiek tēdē ke mēc ye, rin Nhialic anhiar raan kēde gam puəu ēbēn.

8 Ku alēu Nhialic bī gām kajuēc apei, ku yīn abi la kajuēc path ye yīn kəc kony akōlakōl.

9 Cīmēn ye athōr thēer wəl Nhialic ye lueel ēlā,

“Acī kəc ᅇōᅇ kony puəu ēbēn, ku yeen abi rēer ke la cək akōlriēec.”

10 Ku Nhialic ē kəth cəl alok bīk ya miēth ye cam abi kəkun juak yiic, ku abi we cəl aala cək apei, bək kajuēc ya gam tēnē kəc wīc kuəny.

11 Abī Nhialic looi bək jak apei kēriēec ēbēn bək aa abiōkrueel akōlakōl. Ku kəc juēc aabi Nhialic leec tē le Үок kuənydun cək wīc puəu ēbēn gām ke.

12 Tē luui wek kēlā, ka cie kək wīc kəc cī gam kek yakē ke lēu ē röt, wek aa kəc juēc cəl alec Nhialic.

13 Ku rin luəidun puəth cī wek röt nyuəth, kəc juēc aabi Nhialic leec rin looi wek kə wīc Wēt Puəth Yam Raan cī ləc ku dəc wäär cək gam, ku ramkē ke ke ku raan ēbēn.

14 Ku rōckken yiic ē riēnkun aabi kepuəth wəl rin dhēēᅇdīt cī Nhialic gām we.

15 Lecku Nhialic rin miəcdīt cīn kē thōᅇ kek cī gām Үо.

10

Paulo ē luəide kony lən puəth yen

1 Wek alāᅇ ē puəu ēbēn Үен Paulo rin lier puəu Raan cī ləc ku dəc, cək alən ye kəc kək kamkun ye lueel lən ye Үен riəc tē rēm Үен ke we, ku ya wəl tuc lueel tē mec Үен.

2 Wek alāᅇ na la bēn tēnē we ke Үен acīi bī bēn jam wəl tuc apei tēnē kəc kək kamkun, cīt tē ya tək ye lən dhīl yen ya tēde, rin ye kəc kək ye lueel lən pīr Үок pīr pinynhom tēn.

³ Ee yic yok aa kəc pır pinyhom tən, ku yok aacie thör cıt tē ye kəc ē pinyhom thör thın.

⁴ Riel ye yok thör acie riəldan pinyhom, ee riəldıt ye Nhialic yiək yo yen aye yok kək bääny Nhialic gəl nom göök. Yok aa luethken yekē ke lueel rac ebən.

⁵ Yok aa tēktək kanhiaam cı wēt Nhialic thany piny rac. Ku dəmku kuat tēktək kənē cımən raan ater dhie ye dəm tən yic, ku loiku bı Raan cı ləc ku dəc theek.

⁶ Ku tē tıj yok ye ka athēkdun cın yic diu, ke yok aabı kuat raan yeku yok ke dhäl wēt Nhialic ē yic tēm awuöc.

⁷ Wek aa kəj tıj köth ayeer. Na le raan ye gam alanden lön ē yen raan ē Raan cı ləc ku dəc, ke cəl atak kē looi yic apath, rin yok aa kəc Raan cı ləc ku dəc aya cımēnde.

⁸ Yen acı guöp ye yär tē cək yen jıεem kanhiaam riel cı Bēny gām yo. Riel cı gām yo ee riel bı yok gam cək piny ku cıı we rεc.

⁹ Awiēc bāk cıı tak lön wıc yen ye ba we riäac athör ya gät we.

¹⁰ Aye raan dēt lueel, “Athör Paulo aaye göt ke thiek yiic, ku tē rēer yen ke yo ē kəc ku wēlke aacie riel!”

¹¹ Adhil raan kənē deet yic lön acın kē wäac athör ya ke göt tē mec yen, kek kē ba looi tē ben yen dhuk tənē we.

¹² Acuk wıc buk röt thöşj kek kəc röt leec kamken ē röt. Acın kē njickē. Keek aa lεc den thöşj kamken ē röt ke cie lεc Nhialic.

¹³ Kēya, yok aacı bı nhiam ku jıεemku kək liu luoi cı gām yo yic buk looi. Nhiaamda abı nom pək luoi cı Nhialic yiək yo yic. Ku ala yic luoida yen loiku kamkun.

¹⁴ Yok aacı bı nhiam apeı cıt tən bı yen ke rot luoi thın tən kēc yok bən tənē we, rin cı yok Wēt Puöth Yam rin Raan cı ləc ku dəc bēi tənē we.

¹⁵ Ku yok aacie nhiam luoi cı kəc kək looi. Kē yeku njöth ē lön bı gamdun rot juak rin bı luoida ē kamkun rot juak apeı ku thiēi piny.

¹⁶ Ku buk lēu buk Wēt Puöth Yam la lək kəc bēi mec ke we, rin acuk wıc buk nhiam luoi cı Nhialic gām kəc kək bık looi bēi kək yiic.

¹⁷ Ku cıt lön ye wēl cı göt athör thēer wēl Nhialic yic ye lueel elä, “Raan wıc ye bı

nhiam adhil nhiam rin Bēny.”

¹⁸ Rin raan rot leec ē rot acie yen ye gam, ee raan ye Bēny leec.

11

Paulo ku kəc röt cəl aaye atuuc

¹ Awiēc bāk kē ca wuöc guum, tē cı yen kəj duēr kuc. Wek aa ləj bāk looi kēya.

² Yen aye tiel dəm tē tıj yen kəc kək ke wickē bık we muör, ku ē yen lön ē Nhialic aya. Wek aa cıt nyen bım ca ləc muony tök bı thiaak, yen Raan cı ləc ku dəc.

³ Wek aa njic anyiköl wäär duöşj kēpiiny Eba ē pəl nyinde. Yen ariöc lön bı wek ciēt kənē. Wek aabı duöşj ku pälkē nhierdun nhiεer wek Raan cı ləc ku dəc.

⁴ Ayakē guo nhiaar ku gamkē tē bıı raan dēt bı we bən lək Jethu dēt cie yen Jethu cuk lək we. Ku wek aa puöth miεt ku täaukē wenhiim piny ku gamkē wēi ku wēt, kək cie Wēi ku Wēt Puöth Yam wäär cuk lək we.

⁵ Aya tak lön kockä yakē ke tıj ciēt kek aa tuucdıt, aacı dıt tənē ya acın, ku acä ye tak lön aa tuuckun kə aa loi luoi path wēr kek ya.

⁶ Tēdē, yen akēc piöc ba njic ajam apath kəc nhıim, ku yen anjic kəj. Kənē aca nyuöth we kajuēc yiic ē dhöl juēc yiic.

⁷ Wek aa kēc kəj thiēc bāk ya riöp wäär lək yen we Wēt Puöth Yam ē Nhialic. Yen acı rot dhuök piny ku luoi ē path rin bı wek aa kəcdıt. Ye kεrac yen ca looi?

⁸ Tēwäär luui yen ē kamkun, yen a ya ye kəc akuut kəc kək cı gam riöp. Aake ya rum bı yen we bən kony.

⁹ Ku wäär rēer yen kek we, acın raan ca rääm nom bı ya kony. Miεthakäi cı gam wäär bö Mathedonia aacı kēriēc ebən wiēc ke bēi tənē ya. Acın kē ca kəj thiēc tənē we, ku yen acıı rot bı kəj dər weyiēth acın.

¹⁰ Ku cıt emən rēer yiny Raan cı ləc ku dəc kek ya, acın raan pan Akaya bā pēen ba cıı jam kanhiaam kēlä.

¹¹ Tē lueel yen ye lön yen acıı rot bı kəj dər weyiēth, ke ye rin cıı yen we nhıar? Anjic Nhialic lön nhiεer yen we!

¹² Yen abı la tuen ke ya loi kē luoi emən, rin bı kockä ciēn kē ye kek nhiam, lön ye kek luui cımēnda aya.

13 Kockä aacie atuuc acin. Aa koc wën luaiden yic, ku loikë röt ciët ke ya atuuc Raan cï lóc ku dác.

14 Acin kë gëi kóc thïn! Na cök a Bëny jakréc ka loi rot bï ciët atuny nhial ë yer bëëi.

15 Këya, acin kërill tō thïn tē ye atuöccke röt cöl aaye atuuc luoi la cök. Ku keek aabi awuöc thōŋ kek kākken loikë ke yök aköldä.

Tē cï Paulo guum thïn ke ye atuuc

16 Aca lueel wäär ku aben ber yic, acä wïc bï la raan ye tak lön cïn yen kë ñiéc. Ku na yakë tak lön cïn yen nhom, ke we päl ya ba nhiam kākkiën ya lëk we.

17 Tē ye yen rot leec kälä, ke yen ajam cïmën raan cïi käh ñic. Ku acie tē wïc Bëny ye thïn.

18 Ku emën ye kóc kök jam ë nhiam cït tē ye kóc pinyhom jiem thïn, aba looi kälä aya.

19 Wek aa ñic käh apei ku aŋot nhiarkë bāk wël kóc kuc käh buöth yic.

20 Wek aa wël raan we loony gam, raan kākkun cam, raan rot cöl aril ë we, raan nhiam rot tääu tuenŋ raan na cök we ŋuöt nyin, ka ŋot cïn kë mankë thïn.

21 Yen aci guöp yär ba gam lön yen akëc kākka looi.

Kë ye raan dët wïc bï yenhom læc ye, ke yen alec yanhom ye aya. Yen ajam emën ciët ya kuc käh.

22 Na yekë kuat Ibru, ke yen ë Ibru. Na yekë kóc Itharel, ke yen ë raan Itharel. Ku na yekë dhiënh Abaram, ke yen ë raan Abaram aya.

23 Ye kë kóc lui rin Raan cï lóc ku dác? Yen ajam jam raan cï muöl, ku yen ë raan ë luoi ŋuëñ tënë ke! Yen aci luui luaidit apei tënë ke. Ku yen aci mac arak juëc tënë ke. Ku yen aci that thändit apei tënë ke, ku duër thou arak juëc.

24 Yen aci that waat thiärdiäk ku dhoŋuan arak dhiëc kóc Judeo.

25 Ku kóc Roma aaci ya that arak diäk atuel. Ku biöök ya aleel arak tök. Ku riäi ëcï riääk wïir arak diäk ke ya wëër thïn. Ku arak tök, yen aca aköl ku wëër thöl wïir.

26 Ku akööl kök cäthdië yic, yen aci röm kek kākjuëc kóc nök. Ku duër mou wër yic, ku duër cuër ya rum. Ku duër kockiën

Judeo ya nök. Ku duër kóc cie kackië ya nök. Ku yök kāk kóc nök gæth ku bëëi yic ku Adëkdiëet yic. Ku tënë kóc röt looi ke cït kóc cï gam.

27 Yen ë ya ye luui apei ba guöp thiai ku cä ye nin aköldët, yen ya ye cök nök ku rou. Ku yen ë lac rëer ke cïn miëth ku tē niin yen thïn. Ku yen ya ye rëer ya nök wiir rin cïn yen alëth juëc ya kony ë wiir.

28 Ku kājuëc kök acä luel, yen ë rëer ya tæk akölaköl rin akuut kóc cï gam ëbën.

29 Tē niöop raan gam yic, ke yen ë rot yök ya niöp aya. Ku tē cöl raan raan dët aloi adumuööm, ke yen ë rëer ya rem puöu apei.

30 Na le kë cöl yen ajam ë nhiaam, ka kāk ye nyooth lön yen acï ril.

31 Aŋic Nhialic, Wun Bëny Jethu lön cïi yen lueth yen luæl. Bï rienke aleec athëer.

32 Wäär tō yen Damathkuth, bëny rëer ë Bënyŋaknhom Aretath cök ë cä apuruuk ë geu tiit tööu kal thok bïk ya däm.

33 Ku yen aci bën tääu alom yic, ku luëñ yen tēyör päny köu ku kual rot.

12

Paulo acie nhiam kāk cï nyuöth ye

1 Yen abi dhiel la tuenŋ ya jam ë nhiaam cök alön cïn yen këpuöth ye yök thïn. Ku emën yen abi jam kāk ca tih cï nyuöth ë Bëny.

2 Aŋiéc ruöön thiäär ku ŋuan cï bar, raan cï gam ëcï jöt ku yëth tēmec apei pan Nhialic. Acä ñic ayic lön ë yen guäpde ku lön ye kek wëike kek cï la nhial, ee Nhialic yen aŋic ye.

3-4 Cïmën awën cï yen ye lueel, aŋiéc yen raan kënë aci jat pan Nhialic. Ku aber yic, acä ñic lön ë yen guöp ëbën, tädë ke ya abanŋ guöp yen cï yäth pan Nhialic, ee Nhialic yen aŋic ye. Ku tēñ aci kāk cïi raan lëu bï ke kuany yic yethok piŋ, kāk cïi pëen bï ke cïi luel.

5 Alëu ba jam ë nhiaam rin raan cït kënë, ku yen acïi nhiam ë rienkië, rin na luöoi këya, ke pial yic dië.

6 Na wiëc ba nhiam kälä, ka cie lön kuc yen käh rin ë yic yen aba lueel. Ku yen acïi bï nhiam rin acä wïc bï la raan ye tak lön

ɲic ʁen kəriëec ëbën, ke cie kē cāk tiŋ ke luɔɔi tɛdɛ ke luɛɛl.

⁷ ʁen aci nyuɔth kajuëc, këya yen aci ʁen kërill ʁa tuɔm cīt kou bën yök. Acit lɔn cī atuny Bëny jakrɛc bën bā bën that ku gël ʁen ba cīi nhiam.

⁸ ʁen aci Bëny lɔŋ arak diäk bi kē baŋ ʁen nyaai.

⁹ Ku aci bën bëër, “Ee dhëëŋdië yen awiëc, rin riëldië aye jal gam apɛi tɛ ɲic raan ye lɔn cīi yen ril.” Këya ʁen amit puɔu ba nhiam wët cī ʁen ril rin bi ʁen riël Raan cī lɔc ku dɔc ʁa tiit lööny ʁaguɔp.

¹⁰ ʁen ë puɔu miët tɛ cīi ʁen ril, ku tɛ lëët ʁen, ku tɛ le yen kërɛɛc cā yök, ku tɛ guum ʁen, ku yök kārill kök rin Raan cī lɔc ku dɔc. Rin tɛ niɔp ʁen ke yen ë riëldië.

Paulo ë diëer kɔc cī gam gen Korinth

¹¹ ʁen ë ʁa cīt raan cīn kē ɲic wäär ë ʁen ʁanhom lɛc. Ku aa wek cā cɔl alui cīmën raan cīn kē ɲic. Ku ɲuɔt aa wek aa cā lɛc ke. Cɔk alɔn ye ʁen raan cie kuëc nhom, ke ʁen acīi tɔ ciëën tənë atuuckun yakë yök ciët kek ɲic kaŋ.

¹² Käk raan nyuɔth lɔn ë yen atuuc cīmën kāk kɔc göi, ku kāk riël Nhialic nyuɔth, aaci röt looi ë kamkun amääth-amääth.

¹³ Yenjö ca looi rin akuut kök kɔc cī gam kɛc looi ë rienkun, cie kē kɛc ʁen kuɔony wïc tənë we? Pälkë awuɔc ca looi piny tənë ʁa.

¹⁴ Kënë yen abī nɛm dië yic a diäk tənë we ku acīn kē ba wïc bi wek ʁa kony. Aa we nhīim wek aa wiëc ke, aacie wëëukun. Aacie mīth kek dhil kɔc ke dhiëth ke muɔɔc, aa kɔc ke dhiëth kek aadhil mīth muɔɔc.

¹⁵ ʁen abī puɔu miët ba we gām kãŋ ëbën ayī piërdië. Na nhiaar we apɛidit këlä, ke nhiërdun tənë ʁa bi kuur?

¹⁶ Abäk gam lɔn kɛc ʁen rot tääu weyiëth. Ku abī raan dët lueel lɔn cī ʁen wët puɔk kɔu piny ku dɛɛp we ë lueth.

¹⁷ Ye kädë, le raan ca tuɔc we, le raan cī we la ruëëny ë rienkië?

¹⁸ ʁen aci Tito lɔŋ bi la, ku cal wämääth dët cī gam ala kek ye. Cī Tito we ruëëny. Cīi Tito ku ʁen kē tɔ ʁopuɔth ye looi ë dhël tɔŋ thöŋ?

¹⁹ Tɛdë ayakë tak tɛthɛɛr wäär lɔn wïc ʁok ye ku buk röt kony wenhīim. Acie tɛde! ʁok aa jam cīt tɛ wïc Raan cī lɔc ku dɔc ye buk

jiëem thīn ke ʁo dɛɛi Nhialic. Ku kāk yeku ke looi ëbën māthkuan nhiarku ke, aaye looi rin bi we kony.

²⁰ ʁen ariɔc puɔu ciët ba yök ke tɛ ye wek ke luui thīn cīi ʁen bi yuum puɔu tɛ le ʁen bën, ku tɛ ye ʁen ke luui thīn acīi we bi yuum puɔth aya. ʁen ë diëer ciët ye agöth, ku tuɔc ë puɔu, ku nhiër ë rot ku tiël ku lëët ku luɔɔm ku nhiaam ku aliääp kek ba yök.

²¹ ʁen ë puɔu riɔc ciët Nhialic ʁa luɔɔi bā cɔl ayär guɔp tɛ ben ʁen we la neem. Ku ʁen abī puɔu löny rin kɔc juëc aa ɲot ke kɛc adumuɔmken thɛɛr puɔl, kāk bal cīi path.

13

Lëk ciëën

¹ Kënë, yen abī nɛm dië yic ʁa diäk tənë we, “Ku kuat awuɔc ye luɛɛl raan guɔp adhil a kën cī kɔc karou, tɛde ke ye kɔc juëc kaŋ tiŋ.” Cīt tɛ ye wël cī gõt athör thɛɛr wël Nhialic ye luɛɛl thīn.

² Wäär le ʁen we neem kën ye nɛm yic rou, ʁen aci kɔc kārɛc looi ku kuat raan dët lëk bik cīi ben la tuen ke loi kāk kāk. Ku wek aa ben lëk ëmën mec ʁen ke we. Tɛ ben ʁen la ka cīn raan kārɛc looi ba puɔl ke cā tɛm awuɔc.

³ Abī kënë dhiël nyooth tənë we lɔn ʁen ë jam rin Raan cī lɔc ku dɔc. Tɛ cök yen we ka cīi bi niɔp, abī riël apɛi.

⁴ Ee yic, ee cīn riël wäär piëët ye tim cī riūu kɔu, ku ëmën apir riël Nhialic yic. ʁok aa cīn riël ë röt cīmën wäär cīn Raan cī lɔc ku dɔc riël. Ku ëmën cī ʁok ʁa tök kek Raan cī lɔc ku dɔc, ʁok aabi la riël Nhialic tɛ luui ʁok kek we.

⁵ Wiëckë bāk ʁen them, dhiël kē röt them ë röt ku abäk yök lɔn Raan cī lɔc ku dɔc arëër kek we. Na cie këya, ke wek aaci mää.

⁶ Ku abäk yök aya lɔn acie kërɛc yen cuk looi wäär bi ʁok Wët Puɔth Yam tənë we.

⁷ ʁok aa rök rin cīn yen kërɛc bāk looi, ku acie lɔn wïc ʁok ye buk röt nyuɔth ke ʁo ye atuuc path, ʁok aa rök bi ʁa këpath yen yakë looi cɔk alɔn ye ʁo tiŋ ke ʁo cī kuɔc luui.

⁸ ʁok aa kɛc Nhialic yiëk riël bi ʁok wët ë yic rac, ʁok aaci yiëk riël bi ʁok yic ʁath tuen.

⁹ Cək alən kəc γok, ke γok aa puöth miət tē ril wek, ku γok aa röök lən bī wek röt ben cök.

¹⁰ Kēya, γen agēt athör kënë ke γa mec tēnē we, rin na la yet ke γa cī ben jam wēl rēc tēnē we ē riel cī Bēny gām γa, riel bī γen we cəl aala cök gamdun yic, acie riel rēc γen we.

Muöth ciëen

¹¹ Ku emēn miēthakāi, mietskē puöth. Yiëkkē wenhīim luoi la cök, piēnkē wēlkiē, yakē röt piēn wēl ku rēerkē ke dōör ē kamkun. Ku Nhialic ē nhiēr ku dōör gam abī rēer ke we.

¹² Miäthkē röt ē kamkun muöth kəc cī gam. Kəc Nhialic ebēn rēer ē tēn aa we muöth.

¹³ Bī dhēen Bānyda Jethu Krītho ku nhiēr Nhialic ku Wēike rēer ke we ebēn.

Athör cī Paulo gät kɔc pan Galatia Wēt nhom

Tēwēn cī ke wēt puōth yam ye kɔc jam wēt Jethu jɔk bī piöc, acī kɔc cie kɔc Itharel bēn nhiaar. Ku wēt yen cī bēn bēn nhial ē lɔn nadē ke lōj Mothith yen bī dhiel theek rin bī raan jal a Krīthian. Ku ē yen kē cī Paulo bēn a jam wēt cī yen ē yic, rin wēt tōj ē yic, ee pīr la yic gam Jethu, yen bī kɔc rēer thīn ēbēn ke Nhialic. Ku kam kɔc cī gam pan Galatia, pan mɛc kɔc Roma Athia cōk ciēn, kɔc kōk ke cī bēn thīn aaci Paulo bēn aa jōōny. Ku yekē lueel lɔn dhil raan Lōj Mothith theek bī jal a raan path ke Nhialic.

Paulo aca athör kēnē gät bī gam la cōk dhuōk ciēn bī kɔc cī wēl nhīm cī piöc ē lueth cɔl aloi yic. Acī kaŋ nyuōth ke lɔn le yen yic, bī ya cɔl atuny Jethu Krītho. Acī dēt yic ke lɔn wēt ye yen cɔl atuuc abō tēnē Nhialic, acie riel ē raan, ku luōnde tēnē kɔc cie kɔc Itharel ē röt. Tēēn, yen aci yen wētde dɛet yic, lɔn ee gam ē rot yen ē kɔc cɔl aala cōk tēnē Nhialic. Acī nyuōth wēlke cōk ciēn, lɔn ciēŋ path kɔc cī gam ē cāth bī kɔc cath athɛr kek nhiēr, ku gam bēn bei tēnē Raan cī lɔc ku dɔc.

Käk tō thīn

Muōth tuenj 1:1-10

Riel Paulo ye yen ke atuuc 1:11-2:21

Athör dhēēŋ ē Nhialic 3:1-4:31

Lääu nhom ku luoi kɔc cī gam 5:1-6:10

Thök ē wēl 6:11-18

1 Ÿen Paulo, wäär kuēny Jethu kek Nhialic ba ya atuny Jethu wäär cī Wun Nhialic jöt bei raŋ yic. Acie raan ē path yen kuany ya ba ya atuny Jethu.

2 Ÿen yok miēthakāi cī gam rēer kek ya ē tēn, yok aa gēt we athör kēnē buk wek akuut kɔc cī gam pan Galatia muōōth ēbēn.

3 Bī Nhialic Wāda kek Bānyda Jethu Krītho we gām dōōr ku athiēiden.

4 Rin bī yen yo luōny bei lɛŋ kēnē yic, Raan cī lɔc ku dɔc aci thou rin adumuōōmkua rin theek yen Wāda Nhialic.

5 Bī Nhialic aleec akōlriēec ēbēn. Yenakan.

Wēt Puōth Yam

6 Kē cāk looi acā gōi apeidit. Kam thiin yen cī wek guō jal raan wäär cɔl we aa ril cōk, Bānyda Jethu. Ku yakē gam piöc dēt yakē cɔl aye Wēt Puōth Yam wēl athör kōk.*

7 Ku yeen acie Wēt Puōth Yam acīn. Ku wēt lueel Ÿen ye kēlā, ē rin ala kɔc kōk wic ye bik kɔc la liāap nhīm, ku wickē bik athör wēl Jethu waar yiic.

8 Na cɔk atuny Nhialic, nadē ke ye yo, yok piöc kē cī thōj kek athör wēl Jethu wäär cuk piöc tēnē we, ke diēt Nhialic nāk raan kē cit kēnē looi ku cuet mɛec.

9 Acuk kaŋ lueel, ku abuk bēn ber yic emēn, na le raan piöc we wēl cī thōj kek wēl cāk gam thɛr, ke diēt Nhialic cɔl anak raan kēnē ku cuet mɛec.

10 Ye ciēt alɛec ē raan yen wiēc emēn? Acie ye, kē wiēc alɛec Nhialic. Ye lɔn bī ya piŋ raan ēbēn? Na ya ŋoot ke ya them ba looi kēya, ŋuōt Ÿen acie alony ē Jethu.

Paulo aci Nhialic cɔl

11 Calkē alɛk we miēthakāi cī gam, wēt Jethu ya piöc tēnē we acie wēt raan ē path.

12 Acā yök tēnē raan ē path, ku acie raan ē path yen piöc Ÿen ē wēlkā. Ee Jethu nhom yen aa nyuth ke ya.

13 Acī lɛk we yen tē ciēŋ Ÿen thīn wäär rēer Ÿen kam kɔc Itharel ē lōjden yic, ku tē ye Ÿen kɔc cī wēt Jethu gam nāk thīn. Ku aca them ba akut kɔc cī gam rac.

14 Acīn raan wār ya thēk lōj Mothith, lōj kɔc Itharel, ee kɔc riēec kek ya yiic ēbēn. Lōj wārkuan dīt athɛk apeī dīt.

15 Nhialic ē dhēēŋde yic, yen ago Ÿen guō kuany ke ya kēc cak dhiēēth, ku cɔl Ÿen ba ya aluōnyde,

16 bī Wēnde cɔl anyuth rot ya, ku ba wētde la piöc tēnē kɔc cie kɔc Itharel. Acīn raan cī Ÿen la tēnē ye bī ya la wēēt,

17 nadē ke ya cī la Jeruthalem ba atuuc wäär kek kōŋ la wēt Nhialic yic tēnē ya, la tiŋ bik Ÿen la lɛk kē luōi. Ÿen aci la Arebia nyin yic, ku dhuōk Damathkuth.

18 Ÿen aci run kadiāk bēn la thöl, ku jal dhuk Jeruthalem ba wēl la deet tēnē Pīter.

* 1:6 Rin diik Raan cī lɔc ku dɔc. 1:13 Luoi 8:3; 22:4-5; 26:9-11 1:14 Luoi 22:3 1:16 Luoi 9:3-6; 22:6-10; 26:13-18 1:18 Luoi 9:26-30

Ku la rëer kek Pïter təcüt tən nïn kathiäär ku ŋuan.

¹⁹ Acïn atuuc kők juęc ca bën yök, ee Jemith mënň ě Bányda Jethu ě rot yen aca bën yök.

²⁰ Kě gät we ě yic. Aňic Nhialic acie lueth yen luęel.

²¹ Nawën ke ęen acĭ bën la bęęi kők yiic pan Thiria ku pan Cilicia.

²² Ye nĭnkä kąc akut kąc cĭ gam pan Judia aake kuc ęa.

²³ Kĕnĕ ŋickĕ ě kĕnĕ ye kąc kők lueel ělä, “Mony wäär ęo nők ęok kąc cĭ gam, yen apiöoc wĕt wäär wĭc bĭ rac ěmĕn.”

²⁴ Ku yen aacĭ kek Nhialic bĕn leec rin cĭ yen ęa wel puöu ba ya raande.

2

Paulo ku atuuc kők

¹ Na la ruşön thiäär ku ŋuan thök ke ęa ben la Jeruthalem ęok Barnaba, ku luath Tito kek ęa.

² ęen a ęa la Jeruthalem rin cĭ Nhialic ye nyuöth ęa ba dhiel la. Na la röm ě rot kek kąc wat akut ě kąc cĭ gam nom Jeruthalem, ke jal lĕk ke yen Wĕt Puöth Yam Jethu ya pişöc tĕnĕ kąc cie kąc Itharel. Rin acä wĭc bĭ kĕ ca looi thęer ku kĕ luöoi ya aköl ciĕn kĕpuöth yök thin.

³ Raandiĕn wĕn cath kek ęa cöl Tito, tĕwĕn cök yen a raan pan Girĭk acĭn raan cie mac thĭn bĭ cöl aňot,

⁴ cök a wäär wĭc kąc kők ye bĭk looi kĕya. Kąc kők aake ye röt looi bĭk aa kąc cĭ gam, ku keek aake ye röt kuĕl akut yic ke ye luum, aa wĭckĕ bĭk ŋic ye nom lääu ŋö yen rĕer kek ęok, kąc cĭ mat kek Jethu. ě wĭckĕ bĭ ya löŋ Mothith yen yeku theek.

⁵ Ku rin wĭc ęok ye buk Wĕt Puöth Yam ŋic muk tĕnĕ we bäk yic ŋic, wĕtĕn akĕcku bĕn gam.

⁶ Ku kąc wäär kek ye ke cöl kąc wat akut nom, kĕnĕ a luęel rin acĭn kĕ ye waar tĕnĕ ęa, ye kek yiŋa. Nhialic acĭn raan ye luşk wĕi, acĭi kąc ye tek yiic, kąc röt cöl kek wat akut nom, acĭn kők yam cĭk nyuöth ęa.

⁷ Acie kĕya, acĭk tĭŋ lön ě Nhialic yen acä gäm ě luoi kĕnĕ, ba Wĕt Puöth Yam nyuöth kąc cie kąc Itharel, cimĕn wäär cĭ

Pïter kuany bĭ Wĕt Puöth Yam la nyuöth kąc Itharel.

⁸ Ee riel Nhialic yen acĭ ęa looi ba ya atuuc rin kąc cie kąc Itharel, cimĕn wäär cĭ Pïter looi ke ya atuuc tĕnĕ kąc Itharel.

⁹ Jemith, ke Pïter ku Joon wäär cĭt kek kąc wat akut nom, acĭk bĕn ŋic lön ě Nhialic yen acĭ ęa gäm luoi kĕnĕ. Aacĭ ęo bĕn dĕm cin ęen ku Barnaba, ku bĭ nyooth lön ęok aa loi tök ke ke. Ku jölku gam lön ęen ku Barnaba, ęok aabĭ luui kek kąc cie kąc Itharel, ku keek aabĭ aluui kek kąc Itharel.

¹⁰ Kĕ cĭk bĕn thiĕęc tĕnĕ ęo ě lön buk kąc ŋöŋ nyĭn akuştden yic aa kony, ku kĕnĕ yen ě kĕ nhiaar ba looi.

Paulo acĭ kĕ looi Pïter maan

¹¹ Tĕwĕn rĕet Pïter Antiök, ęen acĭ bĕn jai wĕtĕde kąc nhĭim ěbĕn rin cĭ yen awuşc looi awuşc dęei kąc ěbĕn.

¹² Wäär kĕc kąc cĭ Jemith ke tooc guş ęĕet, Pïter aye mĭth kek wämăthakua ke ye kąc cie kąc Itharel, na la kockä ęĕet, ke Pïter tem yethok bĭ cĭi bĕn mĭth ke ke, rin cĭ yen guşp rişöc kąc ye lueel lön kąc cie kąc Itharel aadhil ŋoot.

¹³ Kąc Itharel wäär rĕer thĭn aacĭ bĕn met Pïter cök agut cĭ Barnaba acĭ met thĭn aya, ee luoi karişöc kĕnĕ yic.

¹⁴ Na wäär la tĭŋ lön keek aacĭi cath dhĕl la cök dhĕl Wĕt Puöth Yam yic, guş lĕk Pïter kąc nhĭim ěbĕn, “Yĭn ě raan Itharel ku yĭn rĕer kek kąc cie kąc Itharel ke yĭ cĭt ke, yeŋö ye yĭn kąc cie kąc Itharel lĕk bĭk pĭr, pĭr kąc Itharel?”

Kąc Itharel ku kąc cie kąc Itharel aaye gam kony ěbĕn

¹⁵ Ee yic, ęok acĭ dhiĕĕth ęo ye kąc Itharel, ku ęok acie kąc thĕi kąc la gup adumuşm, cĭt tĕ ye ke caal thĭn.

¹⁶ Ee kĕya, aňicku lön ě ŋöth Jethu, yen ě raan cöl ala cök Nhialic nom, gam cĭ raan wĕt Jethu gam yen ě raan cöl apĭr Nhialic nom. Ku acie thĕk löŋ thęer yen kąc cök piny Nhialic nom. ęook aya, acuk gam yen wĕt Jethu, ku bĭ Nhialic ęo kony buk la cök yĕnom. Ku acie thĕk löŋ thęer yen bĭ ęo kony, rin acĭn raan la cök Nhialic nom rin ye yen ke löŋ thęer theek.

17 Na yeku them buk la cök Nhialic nom rin cı yok mat kek Jethu, ku yeku gup la adumuşm cımın kıc cie kıc Itharel, ye kënë nyuıath lın ye Jethu ye nhiaar bı raan adumuşm looi? Acie yic.

18 Na więc ba lõŋ ca rac ben cök, ka ye nyuıath lın Ʒen ë lõõŋ dhoŋ köth.

19 Ʒen a Ʒa pır aya wätheer təcıt tē wıc lõŋ ye thın. Ku wäär cı Ʒen wëer bei ë lõŋ kënë yic, acı rot bën lëu ba pır tēnē Nhialic, ciët Ʒa cı nök kek Jethu tim cı rııu köu.

20 Rin acie Ʒen, Ʒen ben wëikië muk. Ee Jethu yen ajöl pır Ʒaguöp. Pır pır Ʒen emën, Ʒen apır, pır rin gam cı Ʒen wët Jethu gam, raan nhiaar Ʒen arëk abı wëike gam riencië.

21 Ʒen acıı Ʒei dhëen ę Nhialic. Ku na raan ye la cök Nhialic nom rin lõŋ theer, ka nyooth lın Raan cı lıc ku dıc acı thou ë path.

3

Lõŋ, tädë ke ye gam

1 Kıc cın puıth pan Galatia! Yeŋa cı we wel puıth? Ku thon Jethu Krıtho tim cı rııu köu acäk piŋ.

2 Lëkkë Ʒa töön kënë, we yök Wëi Nhialic rin cı wek lõŋ theer theek, aye rin cı wek Wët Puıth Yam gam?

3 Yeŋö jöl wek ciën puıth këlä, bäk jök Wëi Nhialic, wiëckë emën bäk thöl nom riöldun ë röt?

4 Cın kē cı kuat kārıl cāk ke yök waar wegup? Ee yic aala kē cı dhiel looi.

5 Ye Nhialic kē dıt kıc Ʒöi looi kamkun, ku Ʒem we wëike rin theek lõŋ Mothith, ku aye rin cı wek ke Wët Puıth Yam piŋ ku gamkë?

6 Tięnkë wädıt Abaram, acı lueel athör theer wël Nhialic yic, “Lın cı yen Nhialic gam, ku rin cı yen wët Nhialic gam acı Nhialic bën looi bı la cök yenhom.”

7 Alëukë bäk deet yic lın mıth Abaram ayic, aa kıc cı wët Nhialic gam cımın wäär cı Abaram ye gam.

8 Acı Ʒöt athör theer wël Nhialic yic lın Nhialic abı kıc cie kıc Itharel looi bık la cök yenhom, rin gam cı kek wëtde gam. Ke yen athör theer acı Wët Puıth Yam nyuıth

Abaram ëlä, “Rienci, Nhialic abı raan wut ëbën dıc.”

9 Abaram acı wët Nhialic gam, go Nhialic dıc. Ku yen tēde ëbën, kuat raan cı Nhialic gam aye dıc cımın Abaram.

10 Kıc lui lõŋ theer, acııen rac aŋoot panden. Rin acı lueel athör theer wël Nhialic yic ëlä, “Kuat raan cie kē cı lueel lõŋ yic theek ëbën, atö acııen rac yic.”

11 Emën acı rot nyuıath lın acın raan bı la cök Nhialic nom rin lõŋ theer, rin acı athör theer wël Nhialic lueel ëlä, “Ee raan cı Nhialic gam ë rot yen abı pır la cök yök Nhialic nom.”

12 Ku lõŋ theer acın yic gam, təcıt tē cı athör theer wël Nhialic ye lueel thın ëlä, “Raan ye looi kē cı lõŋ lueel ëbën yen abı pır.”

13 Rin cı Jethu thou rienciua, acı yok wëer bei thou yic, thon yen ye lõŋ lueel, rin aye athör theer wël Nhialic lueel, “Raan cı nök ku nök tim nom ę raan cı Nhialic tēm awuıc.”

14 Acı Jethu looi këya, ku bı dıc Nhialic wäär cı lueel ka bı Ʒam Abaram, bı Ʒam kıc cie kıc Itharel aya rin Jethu. Ku rin gamda yen abı Ʒo cöl aa yök Wëi Nhialic wäär cı thon yen Nhialic.

Lõŋ ku wët cı thon

15 Miëthakäi cı gam, ee kën rot looi akölaköl yen aba thöön, tē cı kıc karou nyuc ku gamkë wët tük ku Ʒätkë athör ku thenykë yic, ka cın raan ben kē wën dhoŋ köu, nadë ke juık thok dët kęc ë mat.

16 Nhialic acı athönde lëk Abaram ku tēnē manhde. Acıı athör theer wël Nhialic ye lueel, “Ka miëthke,” Ku wëtde yic kıc juęc, aye lueel, “Manh tük,” Ku manh kënë yen ę Raan cı lıc ku dıc.

17 Kē więc ba lueel ę kënë yic, ee lın nadë ke Nhialic acı mat kek Abaram, ku yeen acı bën muk nom apath. Lõŋ wäär Ʒem ruşşon buot kaŋuan ku thiardıäk cök, acıı kē cı Nhialic gam kek Abaram bı bën dhoŋ köu.

18 Na mişc Nhialic ye gam rin lõŋ, ka cıı ben a kē cı thon yen lui. Këya, ee rin wët wäär cı Nhialic thön wädıt Abaram yen aƷem Nhialic kënë tēnē ye.

19 Ke yeen, yenjö kë looi löŋ? Löŋ aa met Nhialic thïn, rin bï kärɛc röt looi aa nyuɔ̃th. Ku bï reër thïn yet tē bï manh bï lök dhiëeth kuat Abaram yic bën, raan wäär cï Nhialic wēt thön Abaram ë rienke. Löŋ atuuc ë Nhialic kek aake bïi ye piny, ku gëmkë raan cï jal bën.

20 Ku na ye akut tök, ke raan tö kam kɔc acii ben wïc, Nhialic ë tök.

Wēt looi ë löŋ

21 Cï löŋ kāk cï Nhialic thön dhäl yiic? Acie këya rin na kɔc pinyhom cï löŋ yök, löŋ bï pïr akölrïëc ëbën bëëi, diët raan ëbën acï la cök Nhialic nhom rin theek yen löŋ kënë.

22 Ku acï göt athör thëer wël Nhialic yic lön pinyhom ëbën arëër riel jəŋrac yic, ke yen wēt wäär cï Nhialic lueel ka bï gäm kɔc rin Jethu, acï gäm kɔc cï wēt Jethu raan cï löc ku dɔc, gam.

23 Ke gam kënë këc yëët, löŋ acï yo looi buk ciët kɔc cï mac, yet tēwäär jəl wēt puøth yam rin gam war kɔc nyuɔ̃th.

24 Ku ë löŋ yen ë muk kɔc yet tē bï Raan cï löc ku dɔc bën bï yo bën cök piny Nhialic nhom, rin cï yok wētde gam.

25 Ëmën cï wēt Jethu bën ku gamku, löŋ acie yen ben yo mac.

26 Ee gam yen ë we cəl aaye mïth Nhialic ë tök kek Jethu raan cï löc ku dɔc.

27 Wek cï muɔ̃c nhïim bāk aa tök kek Jethu. Wek aa cienj alanh pïr kek Jethu guöp.

28 Këya kɔc Itharel ku kɔc cie kɔc Itharel, alony ku raan cie alony, tik ku moc aa thöŋ ëbën, week ëbën wek aa tök, wek cï mat kek Jethu raan cï löc ku dɔc.

29 Na yakë kɔc Raan cï löc ku dɔc, ke wek aa mïth Abaram, ku wek aabi këwäär cï Nhialic thön Abaram yök.

4

1 Kë lueel akïn, manh koor yen bï kāk wun lök thön aye jöör cimën alony cək alön ë yen ala kəŋ ëbën.

2 Tē ŋot koor yen ala kɔc kək ye muk, ku loikë bï kë cik lueel dhiël apiŋ, yet aköl bï wun ye lueel meth acï dit alëu bï kärke jal thön.

3 Ee këya, wäär aya yok aa yo ye alony jak la riel pinyhom, wäär këc yok yic guö ŋic.

4 Na wäär la nïn thök, go Nhialic Wënde tuöc pinyhom. Acï bën kecït raan bï dhiëeth tik ë path. Ku muk löŋ kɔc Itharel,

5 bï kɔc bën kuöny bei löŋ kënë yic, ku bï nadë ke yo ye mïth Nhialic.

6 Rin ye wek mïth Nhialic, Nhialic acï wëi Wënde tuöc yopuøth, ku wëi ë yo cəl adhiaw ëlä, “Wä, Wädië.”

7 Këya yïn acï ben alony, yïn ë manhde. Rin ye yïn manh Nhialic, Nhialic abi yï gäm kāk ke cï tau miëthke.

Paulo anhiar kɔc pan Galatia

8 Thëer wek aa we kuc Nhialic, ku këya wek aa we ye loony jakrɛc cie Nhialic.

9 Ku ëmën ŋic wek Nhialic tädë alëu ba lueel aya lön Nhialic anic we, ye kädë wïc wek ye bāk dhuk tënë jakrɛc niöp wäär mac piny? Yenjö wïc wek ye bāk bën aa loony cimën thëer wäär?

10 Bï ya nïn kök kek yakë ke muk nhïim, ke pëi ku run aya.

11 Yen acï yic ŋëer we! Lëu bï ya luoi ëbën ca looi tënë we yen cïn wētde yic?

12 Wek aa liem miëthakäi cï gam, calkë röt aa cit ya. Ee yic yen aya, yen acit we. Acïn kärɛc cäk luoi ya.

13 Adhielkë muk wenhïim lön wäär piöoc yen wēt Jethu tënë we tuen, ee rin wäär tuëny ya.

14 Ku na cək a wäär cï tuaanydië we jət puøth, wek aa këc ya bën jai ku cuöpkë ya wei. Ee këya, wek aaci yen bën lor cit ya atuny nhial bö pan Nhialic, wek cä bën lor, lur bï wek Jethu raan cï löc ku dɔc lor.

15 Wek aa we cï puøth miët! Yenjö cï rot looi? Alëu ba lueel lön lëu wek ye bāk nyiënkun ŋuët bei, ku gämke ke ya, tē lëu yen rot.

16 Ca ya raan aterdun ëmën rin cï yen we lək yic?

17 Kek kɔc kökkä röt nyuɔ̃th bik aa kɔc nhïar we, acie këpath, ee ku bik yen tek yic kek we, ku bāk ke nhïar cimën nhïëer kek ya.

18 Ëmën apath akölaköl bāk la nhïer path ke ye yen nhïer la cök, ku kënë ë yic, ku acie tē reër yen ke we ë röt.

19 Miëthkië, kəc cī gam, aben lək we, kē dēt cimën tiŋ rem yic dhiëth, aya yök yen ë tē rēm ya, yet tē bī wēt Jethu la cök wepuöth.

20 Anhiaar ba rëer ke we ëmën, ku ba tē ye yen tək thin ë riënkun waar yic. Yen aci yic ηεεr wëtdun apëi.

Yagär ku Thara

21 Calkë röt athiëc ëmën, wek kəc wic ye bī ya löŋ yen yakë theek, kē ye löŋ lueel cäk ye piŋ?

22 Aye lueel Abaram aa la dhäk karou, dhäj tök aye manh tiŋ alony, ku tök ke ye manh tiŋden cī thiaak cie alony tēnē ye.

23 Dhöŋ tiŋden alony ëcī dhiëth ë path. Ku dhäjde kek tiŋden cī thiaak cie alony, ee Nhialic yen aci ye lueel këya.

24 Käkka aa lëu bī ke deet kecīt kē thöŋ kek dēt ril, diäär karou aatö nyin löŋ döör karou yiic. Kē tueŋ acit löŋ cī Nhialic looi gən Thinaï nom, ku keek aa mīth tiŋ alony yen cöl Yagär.

25 Tiŋ cöl Yagär yen arëer nyin gən Thinaï pan Arebia. Alëu bī thöŋ aya kek gen Jeruthalem ya aköl, ku kəc rëer thin aa cit aloony rin löŋ.

26 Gen Jeruthalem rëer pan Nhialic yen ë gen path la duk ku acit mada.

27 Aye athör theer wël Nhialic lueel ëlä,
 “Miet puöu, yin tiŋ cīn meth!
 Loi lala ku loi kiεεu miet ë puöu, yin raan
 këc
 arεεm röm ë dhiëth kaŋ yök!
 Rin tiŋ cī moc puöl yen abī mīth juëc
 dhiëth
 tēnē tiŋ rëer kek moc.”

28 Ëmën, ke wek miëthakäi kəc cī gam, wek aa mīth Nhialic təcīt tē wäär cī ye luεεl thin cimën Ithäk wäär.

29 Yen theer manh wäär dhiëth ë path aci manh wäär dhiëth riεl Nhialic bën baŋ, ke yeen athöŋ kek ya aköl.

30 Ye athör theer wël Nhialic lueel kädë? Aye lueel, “Cuap tiŋ alony wei kek wënde, rin manh tiŋ alony acii kək wun bī röm kek manh tiŋ cie alony.”

31 Ee këya miëthakäi cī gam, yok aacie mīth tiŋ alony, yok aa mīth tiŋ cie alony.

5

Muökkë lääu nomdun apath

1 Nom lääu yen ë këda. Ee Jethu raan cī löc ku döc yen aci yo gäm nom lääu! Kääckë apath ke we ye kəc lääu nhim, duökkë röt cöl aben aa loony ë löŋ cimën theer.

2 Piεŋkë! Ee yen Paulo, alək we na calkë röt aŋot, ke wëtde yic ë lön tēnē we kē cī Jethu looi, acin kē cī kuöny we.

3 Wek aa bën lək wët dēt, acin raan cöl rot aŋot rin theek yen löŋ ëbën.

4 Kəc kök tō kamkun ye them bīk la cök Nhialic nom rin theek kek löŋ, aa röt tεεm wei tēnē Raan cī löc ku döc. Aaliu dhëŋ Nhialic yic.

5 Rin yok kē nōthku ë lön bī Nhialic yo cöl aala cök tēnē ye, ku ë yen kē tiit yok riεl Wëi Nhialic lui gamda yic.

6 Rin tē cī yok mat kek Raan cī löc ku döc Jethu, ka cie ηuöt, nadë ke yo këc ηoot yen kony yo, kē ril ë gam ye nhiër bëëi.

7 Wek aa we lui apath! Yenja cī we bën pën thëk ë yic? Cī we rac nhim kädë?

8 Acie Nhialic raan cī we cöl yen lui këya.

9 “Ee lon koor yen ayumdit cöl apiäär,” təcīt tē ye ye lueel thin.

10 Ee këya wek ηot we ηääth apëi. Wët piërda ke yo cī röt mat kek Bëny, ee we cöl aŋääth yapuöu lön wek acii wenhüm bī waar. Ku yeen, raan yen rεc wenhüm, tē cök yen a raan yindë ka ηot bī Nhialic gäm awuöc.

11 Ku tēnē yen, miëthakäi cī gam, na la tueŋ ke ya lueel ηuöt apath, ke yenö yen ben näk yen? Na ye yic, diët kē ya piöc rin tim cī riü Raan cī löc ku döc, diët akëc ya maan.

12 Awiëc bī kəc we liäp nhim, röt rac ë röt.

13 Ku tēnē we miëthakäi cī gam, wek aa we cöl bei bäk cii ben ciët aloony löŋ theer yic. Ku duökkë këwäär cī wek wëer bei löŋ theer yic, cöl amär we bäk aa luui käreç. Calkë aye nhiër kamkun yen mac we.

14 Rin lööŋ theer ëbën aaci ke mat tök yic ëlä, “Nhiar raan dēt cimën nhiër yin rot.”

15 Ku na yakë luui cïmën lääi rëer roor, bäk röt aa nök kamkun ë röt, ke ñieckë wenhïim wek aabi röt thöl ë röt.

Wëi Nhialic ë kəc cök puəth

16 Aye lueel, calkë aye Wëi Nhialic yen we cök nhïim. Ku acie kë wïc guöp yen bäk aa looi.

17 Rin kë wïc guöp raan acie yen kë wïc Wëi Nhialic, ku kë wïc Wëi Nhialic acie yen ke wïc guöp raan. Käkë karou aman röt kamken, ku wëtde yic ë lön kë wïc ba looi yïpuəu aciï lëu ba looi.

18 Na ye Wëi Nhialic yen thel yï, ke yïn aciï löŋ theer ben mac.

19 Kë ye raan liiu Wëi Nhialic yepuəu looi aye tiŋ gëi. Ee rot nyuəəth ke rac apei, ku acin yic athëëk,

20 tē ye Jəŋ cï kiëet door ku tit, kəc aa röt maan ku aa thör, aa röt til ku diitkë puəth. Aake yiic tēëk akuut.

21 Kəc aa röt maan, ku aa wiëet määu ku bal, kuat käreckä aayekë ke looi. Wek alëk ëmën, cïmën wäär cï yen we kaŋ lëk, kəc käk cït käkë looi aaciï bi kaŋ la bääny Nhialic yic.

22 Ku Wëi Nhialic ë kəc gäm nhiër ku miët puəu, ku döör ku pël röt piny, ku lier puəu ku piath ku gam,

23 ku athëëk, ku duut puəu. Acin löŋ man käk cït käkë.

24 Kəc ë Raan cï ləc ku dəc Jethu, aaci käreec ye guäpken wïc, ku käreec yekë ke nhi-aar kepuəth puəl ëbën bik liu kegup.

25 Wëi Nhialic aci yo gäm pïr akölrïëc ëbën, ku adhïl wëikua tiit aya.

26 Yok aciï dhil nhiam nadë ke yo man röt kamkua, tädë ke yo til röt.

6

Kony raan dët këräc yic

1 Mïth ma cï gam, na le raan yök kamkun ke loi këräc, ke kəc la gam ril kamkun la thïn bik cök puəu piny, ku adhïl looi ë dhël path. Ku tietkë röt apath bäk cïi mër dhëlde yic aya.

2 Yakë röt kony kamkun, na luökë këya, ke wek cï löŋ Raan cï ləc ku dəc theek.

3 Na le raan ye tak kamkun lön yen adit kəc ëbën, ke yen rot math yetök.

4 Raan ëbën adhïl rot jööny ë rot. Na ye këpath yen cï looi ke jəl many ye, ku cïi thööŋ kek kë cï raan dët kaŋ looi theer.

5 Raan ëbën abi ya thiëc këden cï looi.

6 Kuat raan ye piöc wët Jethu adhïl kăpuəth tō kek ye rəm kek raan piöc ye.

7 Duökkë röt ye math ë röt. Duk ye tak lön cïi Nhialic yï bi tēm awuöc tē kuc yïn ye. Kăpath ku käreec ye raan ke looi aa ye atiit tuen.

8 Na ye raan luui këräc, ke thou yen ayök, ku na looi kë wïc Nhialic, ke Wëi Nhialic abi pïr akölrïëc ëbën gäm ye.

9 Këya, dukku go dhör luoi kăpath, rin na cuk go dhör, ka aköl aləŋ kăpath aci thiök, buk kăpath yök thïn.

10 Ku këlä tē lëu yok ye, ke yok aadhïl kăpath looi tēnë kəc ëbën, ku jəl aa kəc rëer yok ke gam tök yic apei.

Muəth ciëen

11 Tiënkë kit dit nyïn ya ke göt tē gät yen we athör ë ciëendië.

12 Kəc ye wïc riël bik we cəl aŋot, kek aa kəc ye wïc bik röt aa nyuəəth ku yekë nhiam käk ye tiŋ guöp yic ë path. Ayekë looi këya rin cïi ke bi nök, rin ye kek ye piöc lön thon Jethu tim cï riïu kəu yen abi kəc kony ë rot.

13 Ayï kəc ye cak ŋoot aaciï löŋ ye theek, awïckë bik we ŋoot bik nyuəəth lön wek aaci wëtden gam.

14 Ku na ye yen, ke thon Bännya Jethu Krïtho tim cï riïu kəu yen aye yen nhiam ë rot. Ku rin cï Jethu thou rienkië tim cï riïu kəu, acä ben wïc ba käk ye looi pinynhom buəəth yiic, ku kəc ë luui käk pinynhom aaciï ya nhïar.

15 Acin kë ye looi tē cï raan ŋoot nadë ke këc ŋoot, kën rot looi ë lön nadë ke yïn aci cak cəŋ ë yam.

16 Ku rin kəc pïr wët Jethu bi döör Nhialic ku pël wët piny rëer ke ke, ku kəc Nhialic ëbën aya.

17 Thök ë wël, cïn raan ben yen luoi aliäap, rin piär rëer yaguöp ëbën, aa piër ye nyuəəth lön yen alony Jethu.

18 Bi dhëen Bännya Jethu raan cï ləc ku dəc rëer ke week ëbën, miëthakäi cï gam.

Athör cī Paulo gät kəc Epethuth Wēt nom

Wēt tuen kam keriëc ebën yen gēt Paulo athör kënë tēnē kəc Epethuth ē wēt kënë, “Kē cī Nhialic guiir, ke bī jal thöl akölden cī tak. Ee lön bī yen kāk cī cak ebën nhial ku piny mat yiic, ku tēu Raan cī ləc ku dəc kenhīim tuen.” (1:10) Kəc cī gam aya awic ke bik deet yic, ku bik ya pīr kēdiit cī Nhialic guiir kënë yic. Ku bī kəc aa tők ebën kek Jethu Kritho.

Abaŋ athöör yic tuen, acī Paulo nyuōth tē bī kəc keyiic mat thīn, ke lək kəc dhël cī Nhialic kacke kuany thīn. Ku ye kēdē cī ke adumuōm pāl piny thīn, ku yīk kəc lāau nom ē Wēnde Jethu Kritho. Ku aye Wēi Nhialic nyuōth yo lön bī athön Nhialic yenhom tiēn. Paulo ē kəc ba athöör kueen lək abaŋ ē rou yic, lön nadē ke kəc bī ya tők kek Raan cī ləc ku dəc adhil ayic ē piērden yic kedhie. Acī jam ē waal juēc tē bī kəc ē Nhialic luai tők aa nyuōth thīn, ke cī röt mat kek Raan cī ləc ku dəc. Akut kəc cī gam acit guōp, ku ye Raan cī ləc ku dəc yen nom, tēdē ke cit luak ku ye Raan cī ləc ku dəc mēen, tēdē ke ye tik, ku ye Raan cī ləc ku dəc muonyde. Athör kënë ē jam wēl thiek yiic apēi, rin raan ē gät ye agēt ē guiēr cī dhēēŋ Nhialic rēer kek Raan cī ləc ku dəc bēi yenhom ku yepuōu. Ku kuat keriëc ebën aye tiŋ nhiēr Raan cī ləc ku dəc yic, nāak, ku pēl piny adumuōm, ku dhēēŋ la cök.

Käk tō thīn

Muōth tuen 1:1-2

Raan cī ləc ku dəc ku luāŋ ē Nhialic 1:3-3:21

Pīr ē yam rēer ke Jethu 4:1-6:20

Muōth ciēen 6:21-24

¹ Ee yen Paulo cī Nhialic kuany ba ya atuny Jethu Kritho. Tēnē kəc Nhialic rēer Epethuth, kəc cī Jethu Kritho gam piērden yic.

² Bī Nhialic Wāda kek Bānyda Jethu Kritho we gām dōr ku athiēi.

Raan cī ləc ku dəc ē dəc wēi bēi

³ Lecku Nhialic Wun Bānyda Jethu Kritho! Rin cī yok röt mat kek Jethu Kritho, acī yen yo yiēc dəc wēi ē riēl nhial.

⁴ Thēer ke piny kēc cak, Nhialic acī yo kuēny bei buk aa miēthke, wēt cī yok mat kek Jethu, acī yo cəl aye kacke, kəc cīn gup awuōc.

⁵ Rin nhiēer yen yo, acī Nhialic looi thēer lön bī Jethu Kritho yo cəl aye miēthke, ku kēnē yen ē miēt puōu Nhialic yen wic.

⁶ Lecku Nhialic rin kāpuōth juēc apēi cī gām yo ē path, rin cī yen Wēnden nhiēer juaar rienkua.

⁷ Rin thon Raan cī ləc ku dəc acī yok jāl riēl jōŋrac yic, rin cī adumuōmkua pāl piny. Ku kēya, aye Nhialic nyuōth yo lön diit dhēēnde apēi.

⁸ Dhēēŋ cī gām yo ke dit apēi, rin ŋiēc ku dēt yic kāŋ.

⁹ Acī Nhialic nyuōth yo yen kēden cī guiir bī looi, ku acuk yök tēnē Raan cī ləc ku dəc, cak a lön wāar cī yen ye thiaan.

¹⁰ Kē cī Nhialic guiir ke bī jal thöl akölden cī tak, ee lön bī yen kāk cī cak ebën nhial ku piny mat yiic, ku tēu Raan cī ləc ku dəc kenhīim tuen.

¹¹ Ee rienke yen aye yo cəl aye mīth Nhialic. Keriëc ebën aaci Nhialic guiir kēya wāthēer, ku ē yen ke biōk tēcit tē wic ye.

¹² Kēya lecku Nhialic yok kəc tuen wāar cī la ŋōth tēnē Raan cī ləc ku dəc.

¹³ Ku emēn aya, wek aaci yic piŋ, yiny yen wēt puōth yam ye Nhialic we luōk. Ku wāar cī wek Raan cī ləc ku dəc gam, acī yen we yiēc Wēi Nhialic wāar cī thon ka bī yiēc kacke. Wēi yen ē ye nyuōth lön ye wek kacke.

¹⁴ Ku Wēi Nhialic yen ē ye nyuōth lön bī yok kāwāar cī Nhialic thon ka bī yiēc yo yök. Ku aye kēnē nyooth lön cī Nhialic yo wēer bei riēl jōŋrac yic buk aa kacke. Kēya, buk Nhialic aa leec akōlaköl.

Rōök ē Paulo

¹⁵ Ku wēt kēnē, tēyōn piŋ yen gām cī wek wēt Bēny Jethu gam, ku nhiēr nhiēer wek kacke,

¹⁶ yen akēc yen nom kaŋ mār ba we atak, tē rōök yen Nhialic aya leec rienkun.

17 ʎen ë rëer ʎa thiëc Nhialic Wädan la diik, ku yen Wun Jethu Kritho, bi we gäm Wëike bi we cəl aŋic kən, ku nyuth we Nhialic bäk ŋic apath.

18 ʎen ë rööc aya bäk yic ŋic. Këya bäk ŋic lən ë yen yic lən bi wek käjuëc puoth ci tössu tənë we yök, rin ci yen we cəl. Ku abäk ŋic aya lən käjuëc puoth ci thən bi ke gäm kacke aa thiek yiic apëi.

19 Ku këya, abäk ŋic aya lən rielde adit kən ëbën. Ku yeen alui ʎogup rin ci ʎok wëtde gam. Riel lui ʎogup kënë athöŋ ke rieldit,

20 wäär jöt yen Raan ci ləc ku dəc bei raŋ yic, kam kəc ci thou ku jöt nhial, ku nyuuc köŋ cuëc Nhialic.

21 Raan ci ləc ku dəc amac wëi ril tö nhial ëbën, cək alən le kek rieldit. Rienke aa thiek yiic tənë rin bänydit mëc. Ku aacie bänny mëc ëmën ë röt, aabi yiic thiek tənë rin bänny bi mac aköldä.

22 Ku Nhialic aci këriëëc ëbën tääu yecök, ku looi bi a yen wat akut kəc ci gam pinynhom.

23 Ku akut kəc ci gam yen ë guöp Raan ci ləc ku dəc, yen thiän wëi Raan ci ləc ku dəc. Ku ë yen pír gäm këriëëc ëbën tëriëëc ëbën.

2

Thon ci ya pír

1 Thëer, Nhialic aci we tëm thou rin awuöcdit rëer wegup.

2 Wäthëer wek aa we ye jəŋrac, jəŋ yen mac jakrëc ëbën buöth cök, jəŋ yen ye kəc cii Nhialic thek wëtde gam ëmën.

3 ʎok aa ʎo thöŋ ke ke, ke ʎo pír pír rac. Ayeku looi kuat käk wic guäpkua ku piäthkua. Ku pirdan rac aye Nhialic ʎo tëm awuöc cümën kəc kək ë luui käreëc.

4 Nhialic ayer puöu, ku nhiër nhiëer yen ʎo adit apëi.

5 Nawën cək atiëëpkua thou rin adumuööm juëc rëer ʎogup, ʎok aaci Nhialic cəl aben pír kek Raan ci ləc ku dəc. Ku ee dhëëŋ Nhialic yen aci ʎo luök.

6 Ku rin ci ʎok aa tök kek Raan ci ləc ku dəc Jethu, Nhialic aci ʎo jöt ë thou yic ku buk rëer bäännyde yic nhial kek Jethu Kritho.

7 Ee looi Nhialic këya rin bi kəc aköldä piathden cïn kë thöŋ kek tñ, rin nhiëer yen ʎo, rin Raan ci ləc ku dəc Jethu.

8 Rin ë piath Nhialic yen aci we kony bäk pír rin ci wek wët Jethu gam. Ee miöc Nhialic yen acəl we agam Jethu.

9 Pír cuk yök acie rin ë luöida ë röt nadë ke ʎo nhiam ye.

10 Ee Nhialic guöp yen aci ye looi këya. Ku rin ye ʎok tök kek Raan ci ləc ku dəc Jethu, aci ʎo cak buk këpath aa looi, ku ë yen kë ci guiir buk aa looi.

ʎok aa tök kek Raan ci ləc ku dəc

11 Këya, wek aa we cie kəc Itharel. Ku këya, wek aa we ye kəc Itharel cəl wäthëer kəc këc ŋoot. Ku kəc Itharel aake ye röt cəl aaye kəc ci ŋoot. Ku ŋuöt den ye ke ŋoot, ee yekë ye looi kegup ë path.

12 Ku wäär wek aa we cie kəc Raan ci ləc ku dəc. Wek aa we ye thäi, wek aa we cie kəc Itharel, kəc ci Nhialic ləc. Wek aa we liu löŋ döör Nhialic yic, löŋ kəc ke tit bën Jethu Bännyda. Wek aa we rëer we kuc Nhialic.

13 Ëmën, rin ci wek aa tök kek Jethu Kritho, wek wäär cək mëc wek aaci bëëi tëthiök rin thon Raan ci ləc ku dəc.

14 Rin Raan ci ləc ku dəc aci döör looi kam kəc Itharel ku kəc cie kəc Itharel rin ci ʎok aa kac tök. Riemde aci këwäär ke tek yiic, ku cəl ke aaye kəc man röt nyaai.

15 Aci löŋ kəc Itharel teem köu ë thuönde, rin bi yen kəc Itharel ku kəc cie kəc Itharel cəl aaye kac tök rin ci kek röt mat kek ye, ku këlä, aci döör bëëi.

16 Ku thon ci Raan ci ləc ku dəc thou tim ci riü köu, acä kuëth rëer kamkun nyaai. Ku thuönde aci yen ke cəl aaye kəc Nhialic kedhie.

17 Këya, Raan ci ləc ku dəc aci bën ku lëc kəc Wët Puöth Yam ë döör bëëi tənë kəc ëbën, wek kəc cie kəc Itharel wäär mec ke Nhialic ku kəc Itharel wäär thiök ke ye.

18 Ku ë rin Raan ci ləc ku dəc yen ë ʎo ëbën, kəc Itharel ku kəc cie kəc Itharel cəl aala të rëer Nhialic thïn ë Wëi Nhialic tööŋ.

19 Këya, wek kəc cie kəc Itharel, wek aaci ben aa læi ëmën, wek aa tök kek kəc ci Nhialic ləc. Wek aa many töŋ ë Nhialic.

²⁰ Ku week aya, wek aacit yon ci atuuc ku kac kak Nhialic tin jock cok, ku Jethu Kritho yen e men.

²¹ Raan ci lac ku dac yen e ke ci buth cal akaac ke ye tok ku bi ya yon Bëny.

²² Ku rin ye wek tok kek ye, week aya wek kac kok, wek aacit ke buth bi Nhialic a reer thin e Wëike.

3

Luoi Paulo rin kac cie kac Itharel

¹ Rin ci Nhialic ye looi bi kac Itharel ku kac cie kac Itharel mat bik aa tok, rin dhëende tenë kac cie kac Itharel ke yen Paulo, raan ci mac rin wet Jethu Kritho e rienkun, yen e rook tenë Nhialic.

² Acak pin lon ci Nhialic ya lac e dhëende ba luoi kenë looi.

³ Nhialic acä nyuoth keden ci guir, cin raan njic ye theer, athor waar ca got ke ciek.

⁴ Ku na kuenkë kak ca got, ke wek aabi kak njic ke rin Raan ci lac ku dac deet yiic.

⁵ Kak cin raan njic ke theer, cimën ci Wëi Nhialic ye nyuoth atuuc ku kac kak Nhialic tin emën.

⁶ Këya, ke ci moony akën, rin wet puoth yam, kac cie kac Itharel aabi dac Nhialic yok kek kac Itharel ci gam. Keek aabi ya kac tok ku romkë ke ci Nhialic thon kac Itharel rin Raan ci lac ku dac.

⁷ Kenë, yen e Wet Puoth Yam ya lek kac. Nhialic acä gam luoi ye yen Wet Puoth Yam luel riel e dhëende.

⁸ Yen atö ciëen kac e Nhialic cok ebën, ku Nhialic arot ca yiëk e luoi kenë, ba kac cie kac Itharel lek kapuoth juëc cin thook akeu ye Raan ci lac ku dac gam. Kapuothka aa dit tenë kak ye deet yiic.

⁹ Acä yiëk luoi ba tet kac ebën te bi yen keden ci guir ci njic, thaap thin. Ku Nhialic yen cak kerieëc ebën, eci kenë moony tenë kac theer waar.

¹⁰ Acï looi kelä emën dhël akut kac ci gam nyuoth atuuc nhial, kek banyken la riel nhial, bik nieëc kanje ci nyuoth rin ke ci looi tenë ke njic.

¹¹ Acï Nhialic tak ku looi këya theer kec yen piny ku nhial cak. Ku e looi e rin Jethu Kritho Banya.

¹² Rin ci yok ye gam ku yok aa tok ke ye, aabi yok la tenë Nhialic yo ci rioc.

¹³ Këya, wek aa lek bak puoth ci bath cak amën guum yen e rienkun, guömdië yen abi ya rieldun.

Nhiër Raan ci lac ku dac

¹⁴ Rin e wet kenë, yen e yanhial guot piny Nhialic Wada nom ku rook e rienkun.

¹⁵ Kocken tö nhial ku kac tö piiny aa mac thok rin yen e Wada yodhie.

¹⁶ Yen ala riel ku dac juëc ye gam kacke. Këya, aya thiëc bi we yiëk riel e Wëike bak puoth ci kac.

¹⁷ Ku yen e rook bi Raan ci lac ku dac reer wepuoth theer rin ci wek ye gam. Yen e rook aya bi te nieer wek Nhialic thin, ku te nieer wek rot thin e kamkun we cal aril. Na luoi kelä ke wek aa cit tim ci meike yet piny, ku yon buth ci njic jock cok.

¹⁸ Ku dhël kenë, week ku kac e Nhialic abak jal njic yen te nieer Raan ci lac ku dac we thin. Anhiar yo apei nhiër cin thok akeu.

¹⁹ Na cak ciën raan njic ye ayic yen te nieer Raan ci lac ku dac yo thin, yen e Nhialic thiëc bak njic. Ku bi te ye wek luoi thin ciët te ye Nhialic luoi thin.

²⁰ Nhialic ala riel yen kan looi war kak yeku ke thiëc ku kak yeku ke tak, ku aaye ke looi rielden lui yopuoth.

²¹ Lecku Nhialic rin kapuoth ci looi rin akut kac ci gam ku rin Jethu Kritho. Lecku aköriëc ebën! Yenakan.

4

Mën yic kac ci gam tenë guöp Jethu

¹ Rin ke wic Nhialic bi looi, yen raan ci mac rin looi yen wet Bëny, wek alän bak njic luoi dhël path, dhël yen ci Nhialic we cal.

² Yakë kak yakë ke looi ebën looi dhël athëek ku lier e puöu, ku yakë kac njic ciëen. Nhiarkë rot ku yakë karec pal piny e kamkun.

³ Wëi Nhialic acï we mat yiic, themkë bak la döör e kamkun bak aa kac tok.

⁴ Yook ebën, yok aa thon kek kak tö guöp tok yic, ku yok aa la Wëi Nhialic thon ciën ke yo. Yok aa nth dac ci Nhialic thon ke bi gam kacke, rin Nhialic acï yo cal ebën buk aa kacke.

⁵ ʏok aa la Bänny tök ku gam tök, ku ʏok aaci lök ë wëi tök ʏök ëbën.

⁶ ʏook ëbën ʏok aa Nhialic tööŋ door, ku yen ë Wäda ʏodhie. Yen amεc ʏo ku ë luui ʏopuöth ëbën, ku aciëŋ kek ʏo ëbën.

⁷ Raan cï löc ku dəc aci raan ëbën ë kamkua yiëk rielden bi yen aluui. Nεk aci yiëk rielde cit tē cï Raan cï löc ku dəc ke tek thïn.

⁸ Aci göt athör thεer wël Nhialic yic ëlä, “Aci la nhial, ku looi jakrεc bik yeen buöth cök, cïmën raan cï dəm ë təŋ yic, ku tek käpath tēnē kuat raan ëbën.”

⁹ Tē lueel ye ëlä, “Aci la nhial.” Wētde yic yenö? Wētde yic aye lueel lən cï Raan cï löc ku dəc kaŋ bën pinynhom ë tēn.

¹⁰ Raan cï bën pinynhom ë tēn yen ee raan tööŋ cï bën dhuk nhial, pan Nhialic, ku bi rēer kek kəriëc ëbën pinynhom.

¹¹ Ee yen Raan cï löc ku dəc yen ë gem miöc tēnē kəc. Aci kəc kök looi bik aa tuöcke, ku kəc kök aaci looi bik aa kəc kək Nhialic tŋ, ku ye kəc kək wël ë Nhialic lək kəc, ku ye kəc kök abiök kəc cï gam ku piöckē ke.

¹² Aci kënë looi rin bi käckä, kəc ë Nhialic, guir bik luui tēnē ye ku bik aakuut kəc cï gam, yen guöp Raan cï löc ku dəc la tuen ke ril.

¹³ Ku kälä, ʏok aabi mat yiic buk aa tök ë gam bi ʏok Nhialic ku Wēnde ŋic. Ku jalku aa kəc cï gam cï nhïim bak, ku ʏok aabi jäl la cök cïmën Raan cï löc ku dəc.

¹⁴ Ku ʏok aacie kəc bi bën ciët mith. Ku ʏok aaci kəc kək lueth piöc bi bën duöŋ buk luethken gam, ʏok aaci bi ya wel nhïim cïmën riäi, wël lueth ë path.

¹⁵ ʏok aa dhil yic aa lueel ke ʏo la nhiër. Ku kälä ʏok aabi la tuen ke ʏo cit Raan cï löc ku dəc yen wat akut kəc cï gam nom.

¹⁶ Raan cï löc ku dəc, ee kacke mat yiic cïmën ye rël yom thook guöp ë raan nuët yic bi ya tök. Na loi guöp abak luide cit tē dhil yen luui thïn, ke guöp ëbën ala tuen ke cil ke ril. Yen ë tēn akut kəc cï gam. Na nhiar kəc akut röt ku loikē luiden, ka akut ala tuen apath ë riël Raan cï löc ku dəc.

ʏok aa dhil piërda waar yic

¹⁷ Rin ë wēt kënë, alək we rin Bänny duökkē ben aa luui cïmën kəc kuc Nhialic. Käk yekē ke looi aacie kək ke kony.

¹⁸ Aacie yic ye deet. Acin pïr yam ye Nhialic gäm kəc, rin keek aa ril nhïim, ku këya aa kuc dhël ë Nhialic.

¹⁹ Aacie gup ë yär tē cak kek käreεc looi, rin aa kepuöth yiëk kək wïc guäpken. Käk yekē ke looi ëbën aa kək ë bal ku aacie köc luoi ë käckä yiic.

²⁰ Yen ë tē wiëc bi wek cïi la thïn, rin acie yen tēwäär cï we piöc thïn rin Raan cï löc ku dəc.

²¹ Ee yic, wek aaci wētde piŋ, ku wek aa we cï piöc rienke, tē cit tēn yiny rēer kek Jethu.

²² Wek aaci piöc bak tēdun ye wek luui thïn thεer puöl. Käckun ke yakē ke looi aake cï we muör ku rεckē we.

²³ Ëmën, calkē röt aa wεer Nhialic puöth ku bäk ya tak tēŋ ë yam.

²⁴ Nhialic aci we gäm ciëŋ ë yam cit këde. Këya, yakē ciëŋ ë ciëŋ kënë. Ciëŋ kënë ala cök cit tē ye yic rin Nhialic piöc thïn.

²⁵ Këya, duökkē lueth ben aa lueel. Nεk adhil yic alək mätlden cï gam, rin ʏok aa cit kək cïi thön rēer ë guäp tök yic.

²⁶ Na cak alən cï yin puöu riääk, ke yi duk adumuööm loi. Duk rēer kek riääk ë puöu abä aköl lööny piny.

²⁷ Rin bi jəŋrac yi cïi thel adumuööm yic.

²⁸ Na le raan ye cuär thεer kamkun ka cïi ben cuëer, adhil luui ë kəŋde bi rot muk ku kony kəc ŋöŋ aya.

²⁹ Pälkē kuöc jam. Yakē ke lueel wël kəc col aril puöth gamden yic. Yakē ke lueel wël nhiar ke bi ke piŋ, rin bi yin kəc la kë lək ke, kony.

³⁰ Muk yinhom bi ciën kë lueel bi Wëi Nhialic col arem puöu, Wëi cï Nhialic gäm yi. Nhialic aci gäm Wëi ye nyooth lən ë yin këde, ku Wëi Nhialic abi rēer kek yi yet aköl luŋdit bi Nhialic yi kony tēnē jəŋrac.

³¹ Duökkē kəc kök ye maan ku duökkē puöth ye riääk. Duökkē ye göth ku läatkē kəc, tēdē ke we loi kək cïi path.

³² Rēerkē apath ë kamkun. Ku yakē käreεc päl piny tēnē kəc kök cïmën ye Nhialic ke päl piny tēnē we rin Raan cï löc ku dəc.

5

Pir rëer ruel yic

¹ Këya, wek aa dhil luui cïmën Nhialic rin ye wek mïthken nhiëer apëi.

² Nhiarkë kəc kək cïmën nhiëer Raan cï ləc ku dəc ɣo. Cïmën cï Jethu ye nyuəəth lən nhiëer yen ɣo, rin cï yen thou bï ɣo luək. Kë cï looi, acï Nhialic cəl amit puəu rin cï yen rot juër Nhialic.

³ Wët ye wek kəc ë Nhialic acïi path bï wïc wïc ë diäär, ku kək kəc cəl ayär gup, ayï kook aa piëŋ wegup.

⁴ Jam la bïth ku buro rac aacïi path. Anuëën bək Nhialic aleec rin kək ye ke looi tënë we.

⁵ Dhielkë ɲic lən acïn raan wïc ë diäär ayï raan ë luui kək kəc cəl ayär gup, ku raan dët kok lëu ye bï la bääny Raan cï ləc ku dəc kek Nhialic ë yic, ku yök kəpuəth cï Nhialic thön kəc. Raan kok acit raan ë jak cï kiëët door.

⁶ Duökkë röt cəl ameth ë nyïn wël cïi path ye kəc kək lueel. Nhialic abï kəc cïi wëtde ye piŋ, kəc luui ë käreckä tëm awuəc.

⁷ Këya duk ye mat kek kəc luui ë käreckä.

⁸ Rin wek aa we rëer ë muəəth yic. Ku ëmën wek aacï röt mat kek Bëny, wek aacï la ë ruel yic. Këya, yekë luui cïmën kəc tō ë ruel yic.

⁹ ɣen aluel kënë rin kəc tō ruel yic, kəc ɲic Nhialic, aaye ruel cəl alir puəth ku loikë kënë ë yic.

¹⁰ Themkë bək kək Bëny cəl amit puəu ɲic ku luikë ke.

¹¹ Duökkë ye luui kək ye kəc tō muəəth yic looi, kəc kuc Nhialic. Nyuəthkë ke lən kəkä aacïi path.

¹² Kək ye ke looi ke cie tiŋ, aa rəc apëi ka ye jamden kəc rac gup

¹³ Të bïi kəŋ tëyer, ke kəc aa tiŋ të rəc kəkä thïn,

¹⁴ rin ë ruel yen ë këriëec ëbën cəl atïŋ. Yen acï ye lueel ëlä, “Pääckë nïn yic, jatkë röt rëŋ yiic ku Raan cï ləc ku dəc abï ruel wegup.”

¹⁵ Tiëŋkë piërdun apath. Duökkë pir ë pir kəc kuc Nhialic, calkë röt aaye kəc ɲic kəŋ.

¹⁶ Kuat tē bï yïn ye yök ba këpath looi thïn, ke loi, rin kəc aa loi kək cïi path ëmën.

¹⁷ Duökkë lui ë luai kəc cïnkë ɲickë, ɲieckë kë wïc Bëny ku yen luikë.

¹⁸ Duökkë ye dek ë məu, məu ë kəc rac. Calkë Wëi Nhialic piërdun yic akölaköl.

¹⁹ Këtkë waak ë Nhialic cï gət athör waak yic ë kamkun. Këtkë wak wëi bək Bëny leec ë piäthkun ëbën.

²⁰ Yeku Nhialic Wäda leec akölaköl rin Bänyda Jethu Kritho, kuat kəjuëc yeku ke looi yiic.

²¹ Yakë röt theek ë kamkun rin riöc wek Raan cï ləc ku dəc.

Diäär ku Röö

²² Wek diäär, thekkë röörkun cit tē ye wek Bëny theek thïn.

²³ Rin moc yen ë tik wat nhom, cïmën ye Raan cï ləc ku dəc akut kəc cï gam wat nhom. Raan cï ləc ku dəc yen aluəŋ akut kəc cï gam, yen guäpde aya.

²⁴ Këya, diäär aa dhil röörken theek cïmën ye akut kəc cï gam Raan cï ləc ku dəc theek.

²⁵ Wek röö wek aa dhil diäärkun nhiaar cïmën nhiëer Raan cï ləc ku dəc akut kəc cï gam arək abï thou rienke.

²⁶ Acï thou rin akut kəc cï gam bï rëer ke dhëëŋ Nhialic. Ku lək kegup piü ë Nhialic piü ë lək wëi ku wëtde.

²⁷ Acï kënë looi rin bï yen kacke kəc cï gam, wuəəny gup wei käreç ku bïi ke yelööm. Ku akëc wïc bïk gup la adumuəəm.

²⁸ Cit ë kënë aya, röö aa dhil diäärken nhiaar cïmën nhiëer kek röt. Na nhiaar moc tiëŋde, ka thöŋ kek lən nhiëer yen rot.

²⁹ Acïn raan man guäpde, raan ë mïth ku tiit guäpde, cïmën ye Raan cï ləc ku dəc akut kəc cï gam tiit,

³⁰ rin ɣok akut kəc cï gam, ɣok aa guäpde.

³¹ Cïmën cï ye gət athör theer wël Nhialic yic ëlä, “Moc abï wun ku man nyäəŋ piny ku met rot kek tiëŋde, ku keek karou aabï ya tök.”

³² Wëlkä aa la yiic yinydüt apëi, ku aa jam tē ye Raan cï ləc ku dəc tök thïn kek akut kəc cï gam.

³³ Ku wëlkä aa jam rienkun aya, moc adhil tiëŋde nhiaar cïmën nhiëer yen rot, ku tik aya adhil muənyde theek.

6

Mith ku kɔc ke dhiëth ke

¹Wek mith, wek aadhil kɔc ke dhiëth we theek, rin yen ë këpath lëu bï raan looi rin Bëny.

²“Thek wuur ku moor,” Kënë yen ë lõn tuenj cï bën kek athön,

³athön akïn, “Na loi kënë, ke yïn abï käjuëc path ya yök, ku thiei yï ba nïn juëc nõk pinynhom.”

⁴Kɔc ke dhiëth duökkë miëthkun ye luöi käk bï ke rac puöth. Muökkë ke ku piööckë ke dhël cï Bëny gam.

Aloony ku Bány

⁵Aloony, thekkë bánykun muk we pinynhom ë tən, riääckë ë ke ku thekkë ke piändun ëbën ciët we luui Raan cï lɔc ku dɔc.

⁶Yakë luui ë puön yer tã cɔk kek cïi daai we. Loi luöidu puöu ëbën cït tã wïc Nhialic ye thïn, rin yïn alony Raan cï lɔc ku dɔc.

⁷Na cɔk alon ye yïn alony, lui puön yer bï ciët Nhialic yen luöi.

⁸Nic yïnhom lõn bï Nhialic raan ëbën yiëk këde, alony ku raan cie alony, rin käpuöth ye looi pinynhom.

⁹Wek kɔc mac aloony, wek aadhil luui ë dhël tööñ yic, ku duökkë ke ye riäac ë nääk, muökkë wenhïim lõn week ëbën, aloony ku week, bënydun ë tøk nhial, raan bï luk looi kamkun ëbën ke cïn raan ñuëñ.

Təñ tənë Jəñrac

¹⁰Wët jäl lëk we ciëen akïn, lõmkë riel tənë Bëny bäk riel ë ye, rin rielde adit apëi.

¹¹Lõmkë käk cï Nhialic gäm we bï wek röt kony, bäk käjuëc ye jəñrac we ruëeny göök.

¹²Rin yök aacïi thär kek kɔc cït yo, yök aa thär kek jakrɛc rëer ë muöth yic kek bányken, ku riel ë jəñrac tã nhial.

¹³Këya, rin ë wët kënë lõmkë käk cï Nhialic gäm we bï wek təñ thör. Na aköl le jəñrac bën, ke we tit röt ye akölrïëc ëbën. Ku na cäk təñ jəñrac göök këriëc ëbën yic, ke wek aabï döñ we ril.

¹⁴Lõmkë yic bï wek röt guiir ë təñ. Ku luöikë kë la cök ke cït alanh dhie ye raan yeyic duut tã le ye təñ.

¹⁵Rëärkë ke we ye kɔc lëk Wët Puöth Yam ë döör bëi tənë kɔc. Ku yen abï ciët lõn cienj wek war ril apëi wecök.

¹⁶Dët akïn, gamkë Jethu Krïtho. Gamdun abï ciët kôn ye wek wiëth dëp ye jəñrac we moc jɔc yiic.

¹⁷Niëckë alanden lõn cï Nhialic we luök, acït lõn dhie cienj raan akuäma yenhom təñ yic, bï cïi yup nhom. Lõmkë wët ë Nhialic ë bën tənë Wëi ke cït təñ ye muk.

¹⁸Yakë lac röök cït tã ye Wëi Nhialic we cök puöth thïn. Ku thiëckë Nhialic bï we kony këriëc ëbën yiic. Yakë wepuöth cök tã röök wek ku duökkë thör. Yakë röök akölaköl rin kɔc ë Nhialic.

¹⁹Röökkë ë rienkië, ku lõn bï Nhialic ya gäm wël la cök ba lueel tã le yen wët ë Nhialic lëk kɔc ke ya cïi riöc.

²⁰Jethu Krïtho acä lɔc ba ya atuönyde ba kɔc lëk Wët Puöth ë Yam, ku ë yen wët cï ya mac. Këya, röökkë ku thiëckë Nhialic bã gäm riel ba wëtde lëk kɔc ke cït yiny dhiel looi ke cïn riöc.

Muöth ciëen

²¹Tikuth, wämäätndan cï gam nhiarku, ku yeen alui apath rin Bëny, abï we lëk wël ë yam rienkië ku bäk kë luöi ñic.

²²Yen atuöc we ku bï we la lëk kë loi rot tənë yo, ku deet wepuöth aya.

²³Bï Nhialic Wäda ku Bányda Jethu Krïtho we yiëk döör, wek kɔc cï gam. Ku bïk we cäl anhiar röt ë kamkun ku muökkë gamdun.

²⁴Bï Nhialic dhëñde nyuöth kɔc nhial Bányda Jethu Krïtho kek nhiërden cïn thok akeu.

Athör cī Paulo gät kəc gen Pilipi Wět nom

Athör cī Paulo gät kəc gen Pilipi ë gät kəc cī gam pan mec kəc pan Roma cəl Mathe-donia. Ee gät ɣən ɳot mec yen. Ku ë rem puşu piöc ë lueth kəc kək cī gam gen Pilipi. Athör kënë ë gam ril ë Paulo tənë Jethu raan cī ləc ku dəc nyuəth.

Kënë yen gät athöör ë wět bī yen kəc cī gam gen Pilipi leec kəkken cīk tuşc ye ɣən cī kəkke yiic riəl. Aake gät keek athöör aya bī ben lək ke bīk puşth riəl, ku thəən kepuşth kuat aliämde yic, ku aliäm cī ke yök aya. Ku yöök ke bīk röt aa dhuşk piny bīk ciət Jethu, tən lən bī nhiaam ku nhiër rot ke thəl wei. Acī lək ke lən pīr ë tək kek Raan cī ləc ku dəc, ee dhëen cī Nhialic yiək kəc ë dhöl gam, acie dhöl athëek lön kəc Itharel. Acī gät rin miət puşu ku däär ye Nhialic yiək kəc cī röt mat kek Raan cī ləc ku dəc.

Athör kënë, ee miət ku thön ë puşu ku ɳiec rëer, ku bī gam ku pīr tō kek kəc cī gam muk nom. Ku ë nhiër nhiër Paulo kəc cī gam tō gen Pilipi nyuəth aya.

Käk tō thīn

Muşth tuen 1:1-11

Käk cī röt looi tənë Paulo 1:12-26

Pīr rëer ke Jethu 1:27-2:18

Käk cī guiir tənë Timothī ku Eaprodi-tuth 2:19-30

Lək rin käreec ku kəc ater 3:1-4:9

Paulo ku mähke gen Pilipi 4:10-20

Muşth ciëen 4:21-23

¹ ɣən Paulo ku Timothī ɣok kəc lui rin Jethu raan cī ləc ku dəc, ɣən agät we athöör, wek kəc ë tək kek Jethu gen Pilipi, ku kəcđit akut ku kuat kəc ke kony rëer thīn ëbën.

² Bī Nhialic Wäda kek Bëny Jethu raan cī ləc ku dəc we gäm athiëei ku däär.

Röök Paulo rin kəc kuen athörde

³ ɣən ë Nhialic wäda leec tē tak ɣən we akölaköl.

⁴ ɣən ë puşu miət apēi rökdië yic rienkun ëbën,

⁵ rin cī wek ɣən kony bāk Wět Puəth Yam nyuəth kəc ya aköl tön wäär ɳic wek ye agut ëmën.

⁶ Aɳiëc ɣapuşu lən Nhialic, raan wäär loi ë kënë tənë we, abī dhiel muşk thīn këya ɣet aköl bī Raan cī ləc ku dəc Jethu dhuk pinynhom.

⁷ Wek aa kəkkiën nhiaar apēi, wek aaya tak akölaköl. Ku ë yic, ba we aa tak wět nhiër ɣən we. Rin wek aa lui ku kuşnykë ɣən ë luoi ril cī Nhialic yiək ɣən ëmën. Ku ëmën mec ɣən ku wäär kəc ɣən mac, ɣən acī bën ɳiëc la jam rin Wět Puəth Yam, ku acī bën riəl apēi ɣet tē cī ye gam kəc juëc apēi.

⁸ Aɳic Nhialic lən kë luëel ë yic lən nhiërdië tənë we acit nhiër Bányda Jethu nhiër yen ɣo.

⁹ ɣən ë rök bī nhiërdun rot ajuak akölaköl, ku bāk yic ɳic, ku yakë ke looi käk la cök Nhialic nom,

¹⁰ bī we kony bāk aa looi këpath. Këya, ke wek aabi gup ciën awuşc aköl le Raan cī ləc ku dəc dhuk pinynhom.

¹¹ Piërdun abī yic thiän këpath ë Jethu yen ye ke yök thīn, rin bī Nhialic aleec ku dor.

Raan cī ləc ku dəc yen ee pīr

¹² Awiëc bāk ɳic miëthakäi cī gam, lən kuat käk cī röt luoi ɣən aaci Wět Puəth Yam cəl ala tuen.

¹³ Kuat raan rëer tən ëbën agut kəc tit pan bëndit thok, aɳickë lən cī ɣən dəm rin ye ɣən raan lui rin Jethu.

¹⁴ Ku rin cī ɣən mac, acī miëthakäi cī gam cəl aa ril puşth bīk Wět Puəth Yam aa lək kəc ke cīn rişc.

¹⁵ Ee yic, kəc kək aa wět Raan cī ləc ku dəc pişc ë tiël ku rin cīi kek luoidië nhiaar. Ku kəc kək ayekë pişc piänden ëbën.

¹⁶ Aye kəkä looi rin nhiër ku rin ɳic kek ye aya lən cī Nhialic ɣa luşsi ba wëtde tiit bī cīi riäk.

¹⁷ Kəc kək kamken aya, aacie piöc ë cök, aa piöc rin nhiaam ë path, ku yekë tak lən bī kek ɣa luoi aliäap tē ɳot mec ɣa.

¹⁸ Acin kë ye looi, ɣən amit puşu tē ɳot ye wět Raan cī ləc ku dəc pişc kuat dhël cī yök, cək alən le yen kë tō kepuşth. ɣən abī rëer ɣa mit puşu.

19 Rin anjiec lön röökkun ku kuəony bö tənë Wëi ë Jethu raan cī ləc ku dəc, aa bā cəl alony.

20 Aya njoəth ɣapuəu lön bī yen a kəpath yen luəoi akōlakōl agut əmən thiin, ɣen abī la riel ë puəu kek guəpdië ebən, bī ya kəpath yen luəoi rin bī ɣen lac bəëi tənë Jethu tē pīr ɣen, tēdē ke ɣa thou.

21 Pīr ë wēt Raan cī ləc ku dəc juak tuen, ku na thuəu rin wētde ka path aya tənë ɣa.

22 Ku na ye kē bī ɣen ɳot ɣa pīr yen bī ɣen luəoi juēc path looi, ka cā ɳic yenö ba kuany.

23 Akōl dēt aya nhiaar ba cīi thou, ku akōl dēt awiēc ba thou rin anhiaar ba la rēer kek Raan cī ləc ku dəc, ku kənë yen aya yök ke path.

24 Ku rienkun, apath apēi ba pīr ë tən pinynhom.

25 Kənë anjiec apēi, kē yen ɳiec ɣen abī rēer. ɣen abī rēer ë tən kek we ebən ba miət puəu gamdun juak yic.

26 Kēya, tē ben ɣen la dhuk ba rēer kek we, ke wek aabi nhiam rienkië piərdun yic, ke we ye tək kek Jethu Raan cī ləc ku dəc.

27 Kuat kē bī rot looi tənë ɣa, muəkkē wenhūim lön dhil wek pīr, pīr kəc cī gam, cək alən cīi ɣen week bī bən tīn aköldä. Aba ya piŋ lön wek aa ril wēt Nhialic yic, ku week aa lui tək apēi rin Wēt Puəth Yam.

28 Duəkkē ye rišəc kəc aterkun, yen abī ye nyuəth keek lön cīi kek we bī lēu, rin yeen Nhialic yen we gām riel bī wek ke göök.

29 Rin wek aaci gām yic bāk Raan cī ləc ku dəc aa luəoi ku acie gam ë rot, ee ku bāk gum cīmēnde aya.

30 Əmən aləukē bāk ɣen kony ye luəoi kənë. Yen luəoi tōn wäär cək tīn thēer ke luəoi, ku cīt tē yakē piēn ye, ɣen anot ɣa lui apēi.

2

Jethu ë rot dhuək piny cək alən ril yen apēi

1 Piərdun ke we ye kəc Raan cī ləc ku dəc, ee we cəl aril ku nhiərde ë we liər puəth. Wek aa rēer ke Wëi Nhialic, wek aa la piath ku nhiər nhiēer wek röt kamkun.

2 Matkē weyiic bāk aa looi ë tək, ku nhiarkē röt, yen abī miət ë puəu bəëi tənë ɣa.

3 Duəkkē puəth ë dit bāk kəŋ aa wic ë rienkië ku yakē nhiam, yakē röt dhuək piny kəc kək nhūim. Yakē kəc kək tīn ciēt kek path tənë we.

4 Acin raan ben a lui kənë nhiamde, yakē jal looi kē kony we ebən.

5 Wek aadhil thōŋ kek Jethu raan cī ləc ku dəc ë taktəkdun yic.

6 Wən cək Bənyda Jethu aa Nhialic guəp akēc rot thōŋ ke Nhialic.

7 Ku aci tēden dīit yen thīn puəl, ku cəl rot aye alony cīmən raan ë path.

8 Acī rot bən dhuək piny, ku gəm bī gum ku thou, cīmən raan la guəp awuəc, arək abī piäat ë tim cī rīiu kōu.

9 Rin ë wēt kənë yen aci Nhialic ye bən jət bei raŋ yic kam kəc cī thou, ku ɣəth nhial ku ler ku yik riel kəriēec ebən nhom.

10 Ku kēya rin athēk rin Jethu, kək nhial ku pinynhom,

ku piny tən kəc cī thou aa dhil kenhial guət piny.

11 Ku keek ebən abik lueel lön ye Jethu raan cī ləc ku dəc Bəny, rin duaar ë Nhialic Wun.

Piərden ë Jethu nyuəth

12 Kēya, wäär rēer ɣen kek we miəthakāi cī gam, wek aa we ɣa theek, ku əmən awiēc bāk ɳot we thek ɣen ke ɣa cīi rēer kek we. Lak tuen ke we thek Nhialic rin cī we wēer bei.

13 Rin Nhialic alui weyiic, ee we kony bī we cək puəth ku bāk kē wic looi.

14 Luəikē kəriēec ke cīn ater kamkun ku agəth,

15 rin bī wek aa mīth Nhialic cīn gup awuəc ë piny cī thiän kəc rəc la gup ad-umušəm. Calkē röt aa la gei kamken cīmən pēei nhial,

16 cīmən ye wek ke lək wēt pīr. Na luəikē kēya, ke ɣen abī nhiam rienkun akōl le Raan cī ləc ku dəc dhuk pinynhom, rin bī ye nyuəth lön kēc luəidiēn ca looi nhom dēer piny ë path.

17 Na cək aa lön guum ɣen rin bī gamdun riel tənë Nhialic, ke ɣen abī puəu miət apēidit ke we ebən.

18 Ku kälä aya, wek aabī puōth miēt kek ya.

Timothī ku Epaprodituth

19 Na wīc Bēny ke wek aba tuōc Timothī ē nīnkā, rin bī tē luui wek thīn ya dæet puōu.

20 Ee yen raan tōŋ ē tak cīmēndiē, kē tō yapuōu looi, ku acīn raan nħiar we apēi cīmēnde.

21 Raan ēbēn ē yenhom yiēk kēden looi, ku cīi yepuōu yīk kē wīc Jethu raan cī lōc ku dōc.

22 Ku anjēckē kek we ē rōt yen tē cī Timothī rot nyuōōth thīn cīmēn meth ke wun. Yok aaci luui ē tōk rin Wēt Puōth Yam.

23 Kēya aba tuōc we, tē le yen ye ŋic yenō bī rot looi tēnē yen ēmēn cī ya mac.

24 Ku yen anōth Bēny lōn bī yen rot lēu ba bēn tēnē we ē nīnkā.

25 Aca tak ba wāmāāth cī gam, Epaprodituth cōl adhuk. Yeen ē raan ē luoi apēi buōth Bēny cīmēndiē. Ee cāk tuōc yen bā bēn a kony,

26 ku ēmēn awīc apēi bī we tīŋ. Adiēer rin cī wek ye piŋ lōn cī ye tuaany.

27 Ee cī tuaany abī duēr thou. Ku yeen aci Nħialic bēn cōl apuōl, ku acie yen ē rot, pial guōpde aci kēnē bī yen cōl anjēer yic bēn wel yic aya.

28 Awiēc aya ba cōl adhuk tēnē we rin tē ben wek ye tīŋ ke wek aabī puōth miēt, ku acīn dēt bī yen ben diēer.

29 Luōrkē ē puōn path apēi ke cīt mēnhkui Jethu nhom. Nyuōthkē kuat raan cīt ye ēbēn athēēk,

30 rin ēcī duēr thou rin luoi tēnē Raan cī lōc ku dōc, ku akēc diēer ē wēike ku gēm ya kuōny cīn tē bāk lēu ye.

3

Yiny la cōk

1 Ku wēt dēt ba lēk we miēthakāi cī gam ē ku bāk puōth miēt rin cī wek mat kek Bēny. Acīi rac ba kāk ca gāt we thēer ben dhuōk yiic, ku ē yen abī we kuōny tē looi yen ye kēya.

2 Tietkē rōt kōc rēc, kōc luui cīmēn jōk. Acie ŋuōt ē rot yen wīckē, wek aa wīc kājuēc kōk bāk ke looi.

3 Aa yook, aacie kek cī ŋuōt yic yōk, rin yok aa Nħialic door riel ē Wēike. Ku yok aa mit puōth piērda yic rin cī yok aa kōc Raan cī lōc ku dōc Jethu. Acie kāk ye raan ē path looi ye tīŋ kek yeku ke ŋōōth.

4 Na le raan ye tak lōn bī yen pīr Nħialic nhom rin kāk ye looi kōc gup, ka cīn raan wār yen mukmuk nhom lōŋ thēer. Na ye kōc pīr, ŋuōt yen aci pīr.

5 Yen a ya ŋot ke ya la nīn kadhorou tēn dhiēēth ya. Yen ē raan Itharel, raan dhiēnh Benjamin, kuat Itharel ē gēi. Rin muŋ lōŋ nhom, yen ē raan akut Parathī.

6 Rin ye yen raan akut Parathī yen aye yen kōc cī gam cōl aa nēk, ku rin ye raan la cōk tē theek yen lōŋ, ke yen a ya cīn guōp awuōc.

7 Kuat kāwāār ya ŋōōth kecīt kāpath, aaci bēn cīi ye kāpath.

8 Acīn kēpuōth wār ŋiny bī yen Bānydiē Raan cī lōc ku dōc Jethu ŋic. Yen aci kēriēēc ēbēn puōl rin bī yen a raande,

9 ku ba ya tōk ke ye. Rin acā lēu ba la cōk ē Nħialic nhom tē theek yen lōŋ. Ku yen aci jal la cōk rin cī yen Jethu gam, la cōk tēnē Nħialic rin ē gam.

10 Kē wiēc ē lōn ba Raan cī lōc ku dōc, ku riel wāār jōt ye kam kōc cī thou ŋic. Awiēc ba ya tōk ke ye ē gum ku thuōnde yic.

11 Ku ŋāāth lōn bī yen jōt thou yic ba pīr.

12 Acā ye lueel lōn cī yen jal a raan la cōk, anjōt wiēc apēi ba ya raan la cōk cīt tē wīc Jethu raan cī lōc ku dōc ye thīn.

13 Wēt lēk we akīn miēthakāi cī gam, acā ŋic lōn le yen kē ca lēu, yen acie dēei ciēen, yen ē daai tuen bī ya wēt akōldā yen thuuth yen ku pāl kāthēer.

14 Yen abuōth dhēl yic apath rin bī yen ariōp yōk. Ee yen ariōp bī Nħialic gām ya rin kē cī Raan cī lōc ku dōc looi.

15 Yok kōc la gam ril yok aa dhil luui ē dhēl kēnē. Ku na le kōc kōk kamkun cīi lui ē dhēl kēnē, ke Nħialic yen abī ye dēt yic we.

16 Lokku tuenj kek lōŋ Nħialic cīmēn wāār ŋic yok ye.

17 Miēthakāi cī gam biathkē yacōk, ku piōckē tēnē kōc kāwāār ca piōc tēnē ke buōth yiic.

18 Wek aaca lēk ē kēnē arak juēc, ku ēmēn aben ber yic piū ē nyin guōp, kōc kōk aacie

thon Jethu tim cī riīu kōu rin bī yen ke waar adumušōmken yiic ē gam.

¹⁹ Aabī la pan mac rin ye kek kepuōth yiēk kāk wīc guāpken. Aa nhiam kāk ke bī ke cōl ayār gup, ku aa kāk pinynhom kek aa yekē tak kepēc.

²⁰ Ku yook pan Nhialic yen kēda. Yōk aa tit Aluāṅdan bī bēn nhial, Bēny Jethu Raan cī lōc ku dōc,

²¹ yen la riēl ē yen kēriēēc ēbēn cōl aa bō yecōk, abī gupkuan cī thiāṅ adumušōm looi bīk yēr cīmēn guāpde.

4

Lēk

¹ Miēthakāi cī gam wek aa nhiaar apēi, dēetkē wepuōth ku thekkē Bāny. Wek aaca dak, wek aa yēn cōl amit puōu, wek aa yēn cōl anhiām.

² Yīn Yuodia ku yīn Thintike wek lāṅ, dōōrkē, wek aa kōc tōṅ ē Bēny.

³ Ku tēnē yī raandiēn nhiaar lui kek ya, awiēc ba diāārkā kony rin aaci luui kek yēn apēi buk Wēt Puōth Yam tēk piny, keek ēbēn kek raan cōl Klemen ku kōckuan kōk lui ke yō tō riēnken athōr Nhialic yic, athōr pīr.

⁴ Yakē puōth miēt rin ye wek tōk ke Bēny. Aber yic, yakē puōth miēt.

⁵ Yakē rōt piēṅ wēl ē kamkun. Bēny aci thiōk.

⁶ Acīn kē rišōc wek, ku yakē Nhialic thiēēc rōōkdun yic kāk wiēc kē, yakē thiēc ē puōn path akōlakōl.

⁷ Ku dōōr Nhialic cie deet yic raan ē path, abī we kony bāk cī ye diēer ku cāk rišōc kārīl we yōk yiic, ke we ē tōk kek Raan cī lōc ku dōc Jethu.

⁸ Wēt cī jal dōṅ ba lueel miēthakāi, yakē ke tak kāpath, kāk ye raan ēbēn nhiaar, kāk ye we leec thīn, kāk yith thiek yiic, kāk la cōk ku lek gēi, kāk nhiaar ke raan ēbēn.

⁹ Wek aa ṅic kāwāār ca pišōc tēnē we, ku kāk cāk piṅ ke ya lueel ku tiēṅkē yēn ke luōoi ke. Kēya, biathkē luōidiē yic, ku Nhialic yen dōōr gam abī rēer ke we.

Paulo acā alēc gam rin kāk cī gām ye

¹⁰ Piērdiē yic kek Bēny, yēn aci puōu miēt rin tēdiit cāk nōk ku bēnkē yēn bēn nyuōth tēduun muk wek ya thīn. Ku acie rin cī wek

kōōc we cī wenhīim yīk yēn, ee rin cīn wek riēl.

¹¹ Yēn aaci kēnē luel rin cī wek ya pāl wei, aa kāk rēer kek yēn kek aaca ṅiēc rot.

¹² Alēu ba pīr ē path tē cōk yēn la kālīk, kuēth ku cōk aa thōṅ tēnē ya, jīēk ku ṅōōṅ aya, aa thōṅ.

¹³ Kuat kē ya looi ēbēn, aya looi riēl ye Raan cī lōc ku dōc gām yēn.

¹⁴ Ku apath apēi yen wēt cī wek ya kony aterkiē yiic.

¹⁵ Wek kōc gen Pilipi aṅiēc kē apath, lōn wāār jiēl yēn Mathedonia nīn tuēṅ wāār piōōc Wēt Puōth Yam, wek aa we kōc cī gam ya kony. Wek aa we ye kōōc kek yēn kāpiathkiē ku kārackiē yiic.

¹⁶ Agut cī wāār cōk yēn rēer Thethalonika wek aaci kuōnydun bēn aa tuōc yēn ēmēn ku ēmēn.

¹⁷ Acie ku bāk ya muōōc yen wiēc, ee dōc ye yōk tē muōōc raan kōc yen awiēc ba juak yic.

¹⁸ Kāk wiēc aaca yōk, ku aa juēc apēi. Kuat kāk wiēc ēbēn aaci Epaprodituth bēēi tēnē ya. Aa cīt tol adōṅ ṅīr ye took luāṅ ē Nhialic, ajuēr cī Nhialic gam ku cōl ye amit puōu.

¹⁹ Ku Nhialic abī we gām kāk wiēc kē ē kākken juēc yiic, kāk ye ke yōk rin Raan cī lōc ku dōc Jethu.

²⁰ Bī Nhialic Wāda aleec akōlakōl! Yenakan.

Muōth ciēn

²¹ Miēthkē kōc cī gam, kōc Raan cī lōc ku dōc Jethu. Miēthakāi rēer kek yēn aa we muōōth.

²² Kōc cī gam ēbēn ē tēnē agut kōc lui pan Bēnyṅaknhom Cithēr aa we muōōth aya.

²³ Athiēēi ē Bānyda Jethu raan cī lōc ku dōc, abī ya rēer kek we ēbēn.

Athör cī Paulo gät kəc gen Kolothia Wēt nhom

Athör Paulo cī gät kəc gen Kolothia, agət akut kəc cī gam pan Athia tō ciēen gen Epethuth. Akut kəc cī gam kənē acie Paulo yen loi ye, ku aye yök yepuōu ke ye luōi dhil looi aya, cit lən cī yen kacke tuōc gen Epethuth aya, yen gendit yen rēer raandit bēny apuruuk pan Athia thīn. Ēcī Paulo piŋ lən ala kəc ē piōōc kək kəc cī gam gen Kolothia piōōc bik dhēl la cōk puōl. Ku yekē lueel lən raan adhil jak kək atheek, nadē ke bī jal luōk ē kuat kē cit ŋuōt, thēk lōŋ ku miēth ye cam.

Paulo agät athör kənē bī jai piōōc rēeckä, ku ye piōōc dhēl peth ē yic Wēt Puōth Yam, yen gam. Kē tō thīn, ee lən nadē ke Jethu Krītho alēu bī kəc luōk ē rot, ku kuat kək cit kəkā aa kəc thēl wei Jethu lōōm. Rin Jethu Krītho Nhialic acī nhial ku piny ku kək tō thīn cak. Ku riēnke aya yen awic yen ye bī kəc dhuōk yeyōu. Ee mēt bī kəc rōt mat kek Jethu Krītho yen ē ŋōth bī kəc luōk ē rot pinynhom. Acī Paulo lēk kəc aya lən piōōc kənē ē kəc cī gam cəl aa pīr pīr path.

Dēt lēu bī ŋic ē lən nadē ke raan cəl Tikikuth yen yēth athör gen Kolothia rin Paulo aa cath kek raan cəl Onethimuth, alony yen cī Paulo athör gät riēnke tēnē Pilemon.

Käk tō thīn

Muōth tuēŋ 1:1-14

Dīt ē Raan cī ləc ku dəc 1:15-23

Luōi Paulo ke cit alony tēnē akut kəc cī gam 1:24-2:5

Pīr yam Raan cī ləc ku dəc yic 2:6-4:6

Muōth ciēen 4:7-18

¹ Ee yēn Paulo cī Nhialic looi ba ya atuny Jethu raan cī ləc ku dəc, yēn agät athör kənē yok wāmāāth cī gam Timothī.

² Tēnē wek kəc cī Nhialic gam gen Kolothia, kəc buōth Raan cī ləc ku dəc. Bī Nhialic we gām athiēēi ku dōōr.

³ Nhialic Wun Bānyda Jethu raan cī ləc ku dəc, ayeku leec akōlakōl tē rōōk yok riēnkun.

⁴ Rin gamdun tēnē Raan cī ləc ku dəc Jethu, ku nhiērdun tēnē kəc ē Nhialic aa cuk piŋ.

⁵ Wäär bīi Wēt Puōth Yam tēnē we tuēŋ, wek aa we cī kēn la yic ŋōth piŋ Ku ē yen atō gam ku nhiērdun thīn, kək ŋāthkē ke aaci tōōu apath tēnē we pan Nhialic.

⁶ Wēt Puōth Yam athiēēi bēēi akōlakōl ku athiēi pinynhom ēbēn, cimēn wäär looi yen rot kēya kamkun tēwäär piŋ wek dhēēŋ ē Nhialic ku detkē yic tō thīn.

⁷ Wek aaci dhēēŋ Nhialic piŋ tēnē Epa-prath raandan nhiarku lui ē puōu ēbēn tēnē Raan cī ləc ku dəc, ee riēnkua.

⁸ Acī yō lēk nhiēr cī Wēi Nhialic gām we.

⁹ Wēt kēnē yen aye yok ke rōōk riēnkun tēwäär piŋ yok we. Nhialic ayeku lōŋ bī we cəl anic ye, ku ŋiēēc ē kəŋ ēbēn wic Nhialic ku dēt ē wēl aya ye Wēi Nhialic ke gām kəc.

¹⁰ Ee kēya, ke week abāk lēu bāk pīr ē pīr yen wic Bānyda, ku kēnē ye cəl amit puōu yen abāk aa looi akōlakōl. Piērdun abī ya kəpath kek ye bēēi, ku ŋiēēc ŋic wek Nhialic abī rot juak.

¹¹⁻¹² Bī Nhialic we looi bāk riēl, riēl bēn dhēēŋ ē Nhialic, ku bāk lēu bāk kajuēc aa gōōk ke we duut wepuōth. Ku yakē Wāda leec ke we mit puōth, yen cī we gām riēl bāk la aban kək Nhialic wäär cī tāu kacke ruēl Bānyde yic tēyer.

¹³ Acī yō luāk bei riēl jōŋrac yic, ku bīi yō ē bāāny Wēnden nhiēer yic,

¹⁴ yen cī yō wēēr bei, ku pēl ad-umuōōmkua piny.

Dīt ē Raan cī ləc ku dəc

¹⁵ Raan cī ləc ku dəc yen ye tiŋ ke thōŋ ke Nhialic cie tiŋ. Yen ē kaaide, ku yen atō tuēŋ kək cī cak ēbēn nhīim.

¹⁶ Rin ē yen acī Nhialic kəriēēc ēbēn cak, kək nhial ku piny, kək ye tiŋ ku kək cie tiŋ, acā atuuc nhial ku kārīl kək cie tiŋ la riēldīt cak. Nhialic acī nhial ku piny cak ē yēen ku kək tō thīn ēbēn aa kəkke.

¹⁷ Raan cī ləc ku dəc a rēēr thīn ke kəŋ ēbēn kēc cak, ku ē riēnke yen aye kəriēēc ēbēn rēēr nyiēnde.

18 Yen ë bëny kəc cı gam. Yen aye kek piërden yök thın. Yen ë Wëndit tuenj wäär cı jöt bei ranj yic rin bı a yen tō tuenj kəriëc ëbën.

19 Rin ë Nhialic yen acı ye tak ë rot bı Wënde ciët yen Nhialic guöp alanden.

20 Rin Wënde yen acı Nhialic looi bı käk tō nhial ku piny aa döör kek ye. Thon Wënde tim cı riıu köu yen acı yo cöl adöör kek Nhialic Wun.

21 Thëer wek aa we mec ke Nhialic, ku wek aa we kəc aterde rin tēktēk rac ku käreç ke yakē ke looi ku takkē ke.

22 Ku ëmën, rin cı Wënden wäär cı ya raan cımēnda thou rienkua ëbën, Nhialic acı we cöl aaye mähke bı we bëi bäk aa kəc la cök cın gup awuöc yenhom.

23 Wek aa dhil la cök ku muşkkē röt ë dil yenhom. Ku duşkkē röt cöl aben thēl wei ë njthdun cäk yök Wēt Puöth Yam yic wäär cäk piñ. Ee rin ë Wēt Puöth Yam kënë yen acı yen ya alony, Wēt Puöth Yam kënë cı ya lēk raan ëbën pinyhom.

Luoi Paulo ke cit alony tēnē akut kəc cı gam

24 Ku ëmën yen acı puşu miēt rin cı piööcdiën cä cöl agum we kony. Gumdiën mec yen kënë, ee rin ba dhöl cı Raan cı ləc ku dəc guum thın, kuony bı thääp ë rin akut kəc cı gam ëbën cit guöp Jethu.

25 Ku ë Nhialic yen acä looi ba ya alony akut kəc cı gam. Yen acä gäm luoi ril kënë, ba looi rin piathdun. Yen ë luoi wētde ëbën nyuöth.

26 Ku yen ë kē cı moony tēthëer yon tēnē raan ëbën, ku ëmën acı jal nyuöth kacke.

27 Kē cı Nhialic guiir ë lön bı kē cı moony nyuöth tēnē kacke, kapiathke ku dhëenjden cı moony muk rin kəc ëbën. Ku kē cı moony ë lön nadē ke Raan cı ləc ku dəc arëer wegup, ku wētde yic wek aabi duaar Nhialic röm kek ye.

28 Këya, Raan cı ləc ku dəc ayeku lēk raan ëbën. Yok aa kəc lēk ku nyuthku ke kuat kəriëc ëbën njicku ë rin buk raan ëbën bëi Nhialic nom, ke cit raan la cök cı mat kek Raan cı ləc ku dəc.

29 Rin bı kënë rot jal dhil looi këya, yen a ya cı buşc apēi ë riel wäär cı Raan cı ləc ku dəc gäm ya, riel yen lui yaguöp.

2

1 Awiëc ku bäk njic yen buşcdit buşc yen ba luui apēi rienkun, ku kəc gen Lodikia ku kəc kök ëbën kuc ya.

2 Yen a ya lui kēlä rin ba ke deet puöth, ku bik röt nhiaar kamken ku rëerkē ë tök. Këya, ka bı röt aa deet ku njickē kën ciēnj path bëi kamken. Ku ë dhēlē, yen abı kek kē cı Nhialic muşny ke njic, ku yen ë Raan cı ləc ku dəc guöp.

3 Ee yen ë rot, yen ë yo kony buk wēt ril kënë deet yic, wēt cı Nhialic jal cöl anjic ëmën.

4 Wek alēk kënë, duşkkē röt cöl amēth nyın wēl bı we thēl wei bäk la kērac yic, tē cök ke aa piñ ke cit yith.

5 Na cök amën cıi yen rëer ke we, ke piändiē arëer ke we, yen ë puşu miēt tē piñ yen we ke we kääc ë cök gamdun yic tēnē Raan cı ləc ku dəc.

Pir la cök Raan cı ləc ku dəc nom

6 Cit lön cı wek ye gam lön ye Raan cı ləc ku dəc Jethu Bëny, rëerkē ke we cı weyiic mat kek ye.

7 Calkē aye yen ë mēidun ku piërdun, bäk riel apēi ë gamdun yic cımēn wäär cı we pişc. Ku bäk la lēcdit apēi.

8 Tiëerkē nhıim lön nadē ke cın raan ben we thēl lēnj yic ë käk lueth ye raan lueel yenhom ë path, wēl jak pinyhom ku ciēnj thëer ku aacie käk Raan cı ləc ku dəc.

9 Yeen nom ë Nhialic alanden agut wäär rëer yen pinyhom, ku yeen ë raan aya.

10 Ku week aaci gäm pir alanden rin cı wek mat kek ye, rin ë yen bëny mac atuuc nhial ku jak kök la riel.

11 Wäär cı wek mat kek Raan cı ləc ku dəc, acı we njoot ku acie njüt dhie ye looi kəc gup, ee njüt Raan cı ləc ku dəc yen ye looi wēi yiic, njüt ë kəc wëer bei adumuşm yic, adumuşm ye raan looi rin tē cı ye cak thın.

12 Rin wäär cı we muşc nhıim, wek aa we cit kəc cı thiök ranj yic kek Raan cı ləc ku dəc. Ku mişc nom acı we bēn gäm pir ë yam cit kəc cı jöt bei ranj yic kek Jethu. Rin cı wek riel cı Nhialic Jethu jöt bei ranj yic gam.

13 Yon thëer wëikun aake cı thou rin adumuşmkun, rin wek aa we ye kəc cie kəc Itharel, alēi kuc Nhialic ku lşnjke. Ku Nhialic ëmën acı we bëi pir path yic

kek Raan cī lōc ku dōc. Nhialic acā ad-umuōōmkua yodhie pāl piny.

¹⁴ Acī kājuēc cuk wuōōc cī gōt rienkua, kek lōōŋ juēc la yiic kāk cī ke lēu bī ke muk nhīim wuōōny wei. Acīt lōn cī Nhialic ke piāāt tim cī rīiu kōu kek Jethu.

¹⁵ Ku ē tim cī rīiu kēnē kōu yen acī Raan cī lōc ku dōc lāāu nhom yōk tēnē jak la riēl, aacī ke cōl abuōth yecōk bī raan ēbēn ke tiŋ cīmēn raan ril cī kōc ater dōm tōŋ yic. Ku jōl yai cam rin cī yen riēl.

¹⁶ Kēya, duōkkē raan dēt cōl aye yen we lēk miēth yakē cam, tēdē kē yakē dek ku lōŋ wil ē pēēi, ku lōŋ akōl cī kōc Itharel ē luui, ku akōōl kōk.

¹⁷ Kek lōōŋkā acīn kē yekē nyuōōth, aake jam kē bī rot looi kēn yen ē yic ē Raan cī lōc ku dōc.

¹⁸ Duōkkē raan dēt pāl bī we muōr bāk ariōpdun cī yōk tēnē Jethu. Raan ye lueel ke yen apath tēnē kōc kōk. Raan rot yōk ciēt yen ye Nhialic nyuōōth kāŋ. Kōc rōt nyuōōth ciēt ke ye kōc path ku keek aacī path acīn. Kōc ye lueel bā atuuc nhial aa door.

¹⁹ Raan cīt kēnē acī rot mēec wei tēnē Raan cī lōc ku dōc yen mac akut kōc cī gam. Akut kōc cī gam acīt guōp Raan cī lōc ku dōc. Yeen amac akut ku ē diēer ē ye. Ku ē kāk tō thīn cōl alui ē tōk rin bī akut riēl, ku le tuēŋ dhōl yen wīc Nhialic.

Thuōōu ku pīr kek Raan cī lōc ku dōc

²⁰ Wek aacī thou kek Raan cī lōc ku dōc, ku wek cī wēer bei tēnē jōŋrac pinynhom. Yeŋō kē dēēt ye wek pīr abāk ciēt kōc pinynhom ē tēn? Yeŋō ye wek lōōŋkā theek?

²¹ “Duōkkē kēnē ye muk,” “Duōkkē kēnē ye bil,” “Duōkkē dēēt ye gōot?”

²² Lōōŋkā ēbēn aacīn kē yōk thīn rin aa jam kāk guō thōk, aa lōōŋ raan ē path kek piōōcden.

²³ Aŋic raan ēbēn lōn kōc ke loi lōōŋkā aacīt kōc ŋic kāŋ. Ku ē lueth ē path. Ee dhēl ye kek kōc mac thīn, bī kek kāk cie Nhialic aa door. Ku yekē rōt cōl aaye kōc path. Ku lōōŋken aa la yiic kākjuēc ril. Ku kārilkā aacie raan ē kony bī raan kē wīc guāpde lēu bī duut.

3

¹ Rin cī Nhialic Raan cī lōc ku dōc jōt thou yic, yen ē landun aya, acī we gām pīr ē yam. Kēya, yakē ke wīc kāk cī tāu we pan Nhialic, tē cī Raan cī lōc ku dōc nyuc thīn ē kōŋ cuēc ē Nhialic.

² Lak tuēŋ ke we tak kākā yiic ke cie kāk pinynhom ē tēn.

³ Ku wek cī thou ke Jethu ku wek aa pīr ke ye ē Nhialic yic.

⁴ Pīr ē yic ē lōn bāk aa tōk kek Raan cī lōc ku dōc, rin tē ben yen la bēn ke week aya wek aabī duarde rōm kek ye.

Pīr Thēer ku Pīr ē Yam

⁵ Pāl kē kuat kāreec ye guōp raan wīc pinynhom cīmēn wīc wīc ē diāār. Ku luoi rēec kōk, ku tuil tiŋ raan dēt, ku kāk kōc cōl ayār gup, ku dīt ē puōu. (Rin dīt puōu acīt lōn ye raan jak door.)

⁶ Rin ē kākā, riāŋ puōu ē Nhialic abī bēn tēnē kōc cī yen ē theek.

⁷ Wek aa we ē luui ē kārečkā wāār kuc wek Nhialic, ku piērdun ēcī luoi ē kākā rum.

⁸ Ku ēmēn wek aa dhil luoi kākā puōl, riāāk ē puōu, ku kuith ku lumlum aa dhil ke puōl.

⁹ Duōkkē rōt ē jāām ē lueth, rin cī wek ciēeŋ thēer puōl,

¹⁰ ku ŋek ē kamkun ēmēn acī ya raan ē yam. Ku Nhialic aloi we bāk aa ciēt yeen raan ē cak we, ku abāk jāl ŋic apath.

¹¹ Ku ē kēya, Raan cī lōc ku dōc ē kōc ēbēn nhiaar kōc cie kōc Itharel ku kōc Itharel. Kōc cī ŋoot ku kōc kēc ē ŋoot, kek kōc ye ŋoot, kōc cī kājuēc ŋic, raan kuat nhiar tōŋ. Aloony ku kōc cie aloony, rin Raan cī lōc ku dōc yen ē kēriēc ēbēn, ku arēer kāŋ yiic ēbēn.

¹² Wek aa kōc kam kōc akut nhīer Nhialic, ku acī wek kuēny bei bāk aa kacke, wek aa dhil rōt nyuōōth we ye kōc path la puōth, ŋerkē puōth ku lierkē puōth ku yakē gum.

¹³ Yakē ŋieec rēer ku yakē rōt pāl piny tē le yen raan cī luoi kērac, tēdē ke menhkui yen cī luoi awuōc. Yakē rōt pāl piny kamkun cīmēn ye Bēny kārackun pāl piny.

14 Ku kāk puoṯhkā ebēn, matkē nhiēr thīn, nhiēr yen kāṅ mat yiic ku cōk ke piny.

15 Dōōr yen ye Raan cī lōc ku dōc gām we, yen ē we cōk nhīim tāktākdun yic, rin dōōr yen acī Nhialic we caal akut kōc cī gam yic ebēn rin bāk aa leec.

16 Wēt Raan cī lōc ku dōc adhīl rēer wepuoṯh apath, tētkē wēt kēnē yic tēnē kōc ebēn, ku tētkē yic apath kamkun aya dhēl la cōk. Kētkē waak puoṯh Nhialic, waak alēec ye ke Nhialic door. Kietkē waak tēnē Nhialic kek alēec Nhialic wepuoṯh.

17 Kwat kāk yakē ke looi ebēn, ku luēlkē ke, aa dhiēlkē ke looi kēya rin Bānyda Jethu, yen aye wek alēec yiēk Nhialic Wāda ē dhōlde.

Bī raan rot muk kēdē Pīr Yam yic

18 Wek diāār piēnkē wēl ye rōōrkun lēk we, ku dhiēlkē looi kēya rin ye wek kōc ē Bēny.

19 Wek rōōr aya, wek aa dhil diāārkun nhiaar ku duōkkē ke ye kuōc ciēēṅ.

20 Wek mīth, wek aa dhil kōc ke dhiēth we aa theek akōlakōl, rin yen ē Nhialic cōl amit puōu.

21 Wek kōc we dhiēth mīth, duōkkē ke ye nyieeny ē path, tēdē ka bī dhōr ē we.

22 Wek aloony, wek aa dhil kōckun muk we theek ē kwat kājuēc yiic ebēn. Ku acie nadē ke daai ē we, ke we lui tēnē ke ku bāk alēec yōk thīn, acie kēya, yakē luui puōn cīn yic tiēl rin theek wek Nhialic.

23 Kwat kāk yakē ke looi ebēn, luōikē ke piāndun ebēn, cīt ke luōikē ke Nhialic, ku acie raan yen luōikē ke.

24 Dhiēlkē muk wenhīim lōn Nhialic abī week gām kēpuoṯh cī tāu kacke, rin Raan cī lōc ku dōc yen ē raan yakē luōōi.

25 Kwat raan cī kērac looi abī tēm awuōc rin kārēec ye looi, rin Nhialic ē raan gām awuōc thōṅ kek kē cī looi, tēdē ye kēpath aye kērac.

4

1 Wek kōc ye luōōi, dhiēlkē la cōk apath tēnē aluōonykun. Muōkkē wenhīim lōn wek aa la Bēnydun mac we pan Nhialic aya.

Lēk

2 Yakē dhiēl rōōk akōlakōl, dhiēlkē wepuoṯh aa tāau thīn ke we lec Nhialic.

3 Yakē rōōk ē riēnkua aya rin bī Nhialic cōl apuōl yic, ba Wēt Puoṯh Yam rin Raan cī lōc ku dōc ē kuc thēer a piōōc. Rin wēt kēnē yen amēc ṅen.

4 Rōōkkē, ba ya jam apēi dhēl bī wēt kēnē cōl adet yic apath.

5 Niēckē kāṅ aa looi tēnē kōc kuc wēt Nhialic, ku lēkkē ke apath, kwat tē cī wek rōm thīn ke ke.

6 Kāk yakē lueel aa dhil aa kāk ye kōc kepuoṯh tāau thīn, ku nhiarkē ke bik ke piny. Ku kēya abāk ṅic yen tē bī wek wēl aa dhuōk nhīim thīn tēnē kwat raan we thiēec.

Muōth Ciēēn

7 Wāmāāth nhiaar cōl Tikikuth, raan la cōk lui ke ṅo rin Bānyda, abī we lēk kwat kāk cī rōt looi tēnē ṅa ebēn.

8 Ku yen ē wēt tuc ṅen ye we, rin bī we la dēet puoṯh, ku lēk we kwat kāk loi rōt tēnē ṅo aya.

9 Yeen ala kek Onethimuth, wāmāāthdan la cōk, ku yen ē raan akuōtdun. Ku keek aabī we lēk tē ciēṅ ṅok thīn ē tēn.

10 Arithtarkuth cī mac ke ṅen ē tēn ē we muōōth aya, ku Marko wēn mēnh ē Barnaba. (Wek aca lēk thēer bāk Marko lor tē le yen yet tēnē we.)

11 Jocua, ku aye cōl Juthtuth aya, ee we muōōth. Keek kadiāk aa kek kōc Itharel cī gam kepēc lui kek ṅen rin wēt bāāny Nhialic, ku keek aacā kuōny apēidit.

12 Epaprath ē we muōōth ku yen ē raan akuōtdun, ku ye raan lui tēnē Raan cī lōc ku dōc Jethu. Yeen ē rōōk riēnkun akōlakōl ē piānde ebēn, ke thiēc Nhialic bī we cōl aril puoṯh gamdun yic ke we ṅic kē wīc Nhialic.

13 Alēu ba lēk we apēi yen tē cī yen luui thīn riēnkun bī Nhialic we kony, ku kōc gen Lodikia ku Ṽerapolith aya.

14 Luka, akīmdan nhiarku apēi ku Demath aa we tuōc miāthden aya.

15 Lēkkē miēthakāi rēer Lodikia ku Nimpa ku akut kōc cī gam ē mat paande lōn aa yake muōōth apēidit.

16 Tē cī wek athōr kēnē kueen, ke dhiēlkē kuēn akut kōc cī gam rēer Lodikia. Ku wek

aa dhil athör ca tuöc miëthakäi rëer Lodikia kueen aya.

¹⁷ Ku lëkkë Arkiputh ëlä, “Dhiel ñic ba luoi ë Bëny wäär ci gäm yi ba looi, dhiel thöl.”

¹⁸ Ee ciendië ayic yen agät yen muöth kënë tënë we, duökkë nhïim mär wët rëer yen löc. Bi dhëëñ ë Nhialic rëer ke we.

Athör tueŋ cī Paulo gät kɔc cī gam Thethalonika Wēt nom

Thethalonika ẽ ye gendit pan Mathedonia mec kɔc Roma. Ee yen cī Paulo akut kɔc cī gam looi thīn wäär cī yen ke jāl Pilipi. Kaam thīn wäär cī ke akut looi, ke kɔc Itharel go tiel dɔm ku kueeckē, rin cī kek ye tīŋ ke kɔc cie kɔc Itharel wäär thek yanhden cī yanhden puōl, ku piŋkē wēt ye Paulo piōc ku buōthkē yic. Kēya, aaci Paulo bēn cop bī jāl Thethalonika ku le tueŋ gen Beria. Wäär cī Paulo dhuk pan Girik gen Korinth, go Timothī wäär cī keny Thethalonika, lēk ye tē rēer kɔc cī gam Thethalonika thīn.

Ku jəl Paulo athör tueŋ kēnē gōt bī yen kɔc cī gam deet puōth. Ku leec Nhialic rin cī yen ke piŋ ke rēer gamden yic ku nhiarkē rōt kamken, ku bī ke cɔl aa tak tēwäär ciēŋ kek thīn ke ke, ku bī thiēcden cik bēi nhial dhuk nom wēt bī Raan cī lɔc ku dɔc bēn la dhuk pinynhom. Yenō bī rot looi tēnē kɔc cī gam cī thou ẽ kaam kēnē tē le Jethu dhuk? Ku ye nen yen bī Raan cī lɔc ku dɔc bēn dhuk? Ku lēk Paulo ke bīk la tueŋ ke lui apath ke tit bēn Raan cī lɔc ku dɔc.

Käk tō thīn

Muōth tueŋ 1:1

Alɛɛc 1:2–3:13

Lēk ẽ ciēŋ kɔc cī gam 4:1-12

Lēk wēt bēn Raan cī lɔc ku dɔc 4:13–5:11

Lēk ciēn 5:12-22

Thōk ẽ wēl ku muōth ciēn 5:23-28

¹ Athör kēnē aa yok yī Paulo ku Thilath ku jəl a Timothī aa yok cī ye tuōc we, wek akut kɔc cī gam gen Thethalonika, ku yakē kɔc Nhialic Wāda, ku jəl a Bānyda Jethu raan cī lɔc ku dɔc. Bī dhēŋ ku dōr rēer ke we.

Pir ku gam kɔc Thethalonika

² Yok aa Nhialic leec rienkun ẽbēn akōlakōl tē rōok yok.

³ Wek aa yeku tak akōlakōl tē rōok yok Nhialic Wāda rin luoidun bēn gam yic, ku week aaci luui apēi rin nhiēr wek Jethu Kritho, ku rielkē puōth rin nōōth wek ye.

⁴ Anjicku miēthakua lōn nhiēr Nhialic we, ku aci we lɔc ku bāk aa kacke.

⁵ Rin yok aaci Wēt Puōth Yam bēi tēnē we, acie wēt ẽ path, ee cath kek riel ku Wēi Nhialic ye nyuōth lōn ẽ yen yic alanden athēr. Anjickē yen tē cī yok ciēŋ thīn wäär rēer yok ke we, ee rin ku buk we kony.

⁶ Wek aaci rōt thōŋ yo ku Bānyda, rin na cɔk alōn cī wek gum apēi, ke wek aaci wēt piŋ ke miēt ẽ puōu bō tēnē Wēi ẽ Nhialic.

⁷ Ku kēya, tē cī wek ciēŋ thīn yen aci kɔc cī gam Mathedonia ku Akaya tīŋ.

⁸ Ku acie rin cī wek wēt Bānyda Jethu piōc tēnē kɔc Mathedonia ku Akaya ẽ rot, gamdun tēnē Nhialic aci kɔc pinynhom njic ẽbēn. Ku acin kē lēuku buk bēn lueel.

⁹ Rin aa jam lōn cī wek yo njic nyuōc wäär cī yok keny tēnē we, ku kē cī wek muōl thīn bāk jak cī ben aa theek, ku ye Nhialic ẽ yic pir yetōk yen yakē door.

¹⁰ Ku bāk Wēnde yen bī bēn pan Nhialic tiit, Wēnde Jethu yen cī jōt thou yic, ku ẽ yen abī yo luōk tē luk Nhialic luk rin cī yen ke puōu riāak apēi rin adumuōmkua.

2

Käk cī Paulo looi Thethalonika

¹ Miēthakua, anjickē kek week lōn kenyda tēnē we akēc nom tæc piny.

² Anjickē yen tē cī yo läät thīn, ku jōr yo Pilipi ke yo kēc yet tēnē we. Ku na cɔk alōn wäär cī kɔc juēc ye wic, ke Nhialic aci yo bēn deet puōth buk we lēk Wēt Puōth Yam bō tēnē ye.

³ Wäär ye yok we lēk Wēt Puōth Yam, wek aa we cuk ẽ lēk lueth, tēdē ke yo ye jam rin le yen kē buk yōk thīn, ku acin raan cuk wic ku buk ruēeny.

⁴ Kēya, aa yeku them buk aa jam tēcīt tē wic Nhialic ye thīn rin cī yen yo lɔc, ku thōn yo luoi bī yok Wēt Puōth Yam aa piōc. Aa kēcku them ku buk aa looi kēn kɔc miēt puōth, ee kēn wic Nhialic raan kē tō kɔc puōth njic.

⁵ Anjickē apath lōn yok aa kēc bēn buk we bēn wel nhīm wēl puōth yeku ke lueel, ku aa kēcku ke lueel buk rōt kum ẽ ke, bī la kē yōk tēnē we. Nhialic anjic kē tō yopuōth.

6 Akëcku wïc ku bï la raan lec yo ë kamkun ku kəc kək,

7 ku cīt lən ye yok atuuc Raan cï ləc ku dəc, ee la kën buk aa wïc tənë we. Wek aa we nhiarku, ku rëerku ke we cimën ye man miethke muk.

8 Rin nhiëer yok we apei acie Wët Puøth Yam yen wïcku buk lək we ë rot, aa cuk gam buk thou riënkun aya. Wek aa we nhiarku apeidit.

9 Yeen adhiëlkë muk wenhïim wek miethakua tē cï yok luui thïn apei. Yok aaci luui aköl ku wëer, rin ku bï ciën kë yeku thiëc tənë we tēwäär ye yok we piöc Wët Puøth Yam ë Nhialic.

10 Wek aa njic kək cuk looi, agut Nhialic anjic aya lən yok aaci njic ceñ kek wek kəc cï gam, ku week aa cuk ciëñj ë dhël dhëñj la cök cïn yic agäak.

11 Anjickë yen tē cï yok we ciëñj thïn, acit tē ye raan ë dhiëth miethke ciëñj thïn.

12 Wek aa cuk cəl aril puøth, ku wek aa cuk nyuöc puøth, ku lok tuenj ke lëkku we ku bäk pïr dhël yen Nhialic cəl amit puøu, Nhialic yen we cəl ku bäk röt mat bäanyde ku duarde yic.

13 Ku ala wët dët ye yok Nhialic leec akölaköl. Wäär bïi yok wët Nhialic tənë we, aa cäk piñ ku gamkë, ke ye wët bö tənë Nhialic, acie kë bö tənë raan. Ku wët Nhialic alui wepuøth ke war piërdun yic wek kəc cï gam.

14 Miethakua, kək cï röt looi tənë we aa cīt kək cï röt looi tənë akut kəc cï wët Jethu Kritho gam Judia. Wek aaci käreç yök tənë kackun cimën wäär cï kəc cï gam Judia käreç yök tənë kəc Itharel,

15 cï kəc kək keyiic kəc kək Nhialic tiñj nök, ku ben kəc kək keyiic Bëny Jethu nök. Ku kacken kək aaci yo cəl agum. Keek aaci Nhialic rac puøu apei. Keek aa kəc ater tənë kəc ëbën.

16 Acik them bïk yo aa gël buk kəc cie kəc Itharel lək wët bï ke luök. Këya, keek aaci adumuööm yekë ke looi akölaköl thöl thook. Ku ëmën Nhialic aci puøu riäak tənë ke ku aabi tëm awuöc.

Awic Paulo bï kəc Thethalonika ben la neem

17 Ku yook miethakäi, tēwäär cï yo puök yiic ë kaam koor, aa guäpkua kek aake cï jäl, ku wek aa we yeku tak tē cï yok we dak thïn, ku acuk them apei ku buk we ben tiñj.

18 Acuk wïc ku buk dhuk tənë we. Yen nom aca them arak juëc ku ba dhuk, ku jəñ ater ë Nhialic akëc yo puöl ku buk dhuk.

19 Cie week ë röt wek ë njöth, ku miët ë puøu. Ku cie wek ajömdan bï yok nhiam Bänyda Jethu nom tē le yen dhuk?

20 Wek aa diik ku miët ë piända.

3

Timothï aci la Thethalonika

1 Acuk jäl yok lən nadë, ke kë cïi yok we bï ben tiñj, acuk ben guum. Ke yeen acuk tak buk döñ Athen warou,

2 ku Timothï acuk tooc bï la tənë we, ku ë wämääthdan lui kek yo ë tök tənë Nhialic yok kəc kəc lək Wët Puøth Yam, rin Raan cï ləc ku dəc. Yen acuk tooc ku bï we la cəl aril puøth ku bï we kony gamdun yic,

3 rin ku bï ciën raan tök ë kamkun bï yenhom ben waar wët guum wek. Week nhïim anjickë lən guöm ë kë tööñ tō kam kək cï Nhialic guir tənë yo.

4 Cimën wäär njot rëer yok ke we, acuk lək we tuenj lən yook yodhie yok aabi gum, ku yeen anjickë apei, yen ë kë cï rot looi alanden.

5 Ku ë yen kë tooc yen Timothï. Yen acä lëu ku ba guum acïn, ke yen aci yen ye tooc bï gamdun la tiñj. Aduër ayic alanden lən nadë ke jəñrac aci we lök ruëeny, ku luoidan cuk looi aci riäak.

6 Ëmën Timothï aci dhuk ciëñ, ku yeen aci thonj path cï yo miëtt puøth bëxi lən wek anjot we muk gamdun ku nhiarkë röt. Aci lək yo lən ye wek yo tak akölaköl, ku awiëckë bäk yo ben tiñj cimën wïc yok ye buk we la tiñj.

7 Këya, käreç gumku ke yiic, yok aaci gamdun dëet puøth miethakua,

8 rin cï yok ye piñj ëmën lən këëc wek ë cök gam yic, gam yo gäm pïr yam.

9 Buk Nhialic leec apei kädë riënkun, rin miët puøu rëer ke yo Nhialic nom ë wëtdun?

10 Aköl ku wëer, Nhialic ayeku thiëc yopuöth ebën ku buk we la tiŋ ku nyuthku we kë ɲot këckë ɲic gamdun yic.

11 Bī Nhialic yen Wāda nhom ku Bēnydan dīt Jethu dhël guir tēnē ɣo ku buk la tēnē we.

12 Bī Bānyda nhiēr juak kamkun ku kōc kōk aya apei, cīmēn nhiēr ɣok we.

13 Bī we cōl aril puöth, ku wek aabī ya kōc cīn gup adumuööm Nhialic Wāda nhom, tē le Bānyda Jethu bēn kek kōc ē kacke ebën.

4

Pīr Nhialic cōl amit puöu

1 Kēya miēthakua, wek aa cuk lēk tē bī wek ɲic cien thīn bī Nhialic puöu miēt. Ku ē yen tē pīr wek thīn alanden. Ku emēn wek aa yeku lōŋ ku yōökku we rin Bānyda Jethu, bāk ciēŋ kēnē cuot tuēŋ.

2 Wek aa ɲic kë cuk lēk we ē riēl cuk yōk tēnē Bēny Jethu.

3 Wek aa wīc Nhialic bāk dhiēl aa kōc path, ku cāk wepuöth ye yiēk kāk ē bal.

4 Nēk adhīl yeguöp tiit bī cien dhël puöth Nhialic kek athēk,

5 ku cīi yepuöu yīk kāk ē bal cīmēn raan cīn gam tēnē Nhialic.

6 Ku ē kēnē yic, acīn raan loi kērac tēnē mēnhē dēt cī gam. Wek acuk lēk ē wēt kēnē, ku acuk tēt we aya lōn bī Nhialic kōc kārēckā looi tēm awuöc.

7 Acīi Nhialic wīc buk yopuöth aa yiēk kāk ē bal. Awīc buk cien ɣo cīn gup adumuööm.

8 Kēya, raan kuc bī wēl cuk lēk weekkā cīi piŋ, acie wētāda yen cīi piŋ, ee wēt Nhialic, Nhialic we yiēk wēi.

9 Acīn kēn nadē ke benku lueel athör kēnē yic bāk kōc kōk cī wēt Jethu gam nhiaar. Rin Nhialic guöp acī we piöc tē bī wek rōt aa nhiaar thīn kamkun.

10 Ku ē yic, wek aa nhīar miēthakun Mathedonia yic ebën. Ku aŋot lēkku we, bāk nhiērdun juak yic.

11 Tāākū wēnhīim ku bāk cien apath, bāk cīi ē cien guēnyguēny, ku raan ē rot muk apath kam kōc ē kōŋde cīmēn wāar cī ɣok ye lēk we.

12 Na luōikē ē kēnē ke wek aabī kōc kōk kēc wēt Jethu gam nhiaar ku thekkē we. Luōikē rōt bī ciēn kë yakē wīc tēnē kōc kōk.

Aköl bēn ē Bēny

13 Miēthakua, awīcku bāk yic ɲic rin kōc cī thou ē kamkun, ku bāk cīi dhiau wepuöth cīmēn kōc kōk cīnkē yekē ɲööth.

14 Ayeku gam lōn cī Jethu thou ku acī bēn pīr. Kēya, ɣook aya, ayeku gam lōn Nhialic abī kōc ke cī wēt Jethu gam ku thoukē, cōl aa bēn pīr ku dhukkē kek ye.

15 Kēn yen lēkku we emēn, ee kë cī Bēny piöc tēnē ɣok kōc bī ɲot ɣo pīr. Aköl bī Bēny bēn, ɣok aacīi bī la tuēŋ tēnē kōc cī kaŋ thou.

16 Kōc ebën aabī rōl atunydit Nhialic piŋ, ke koth kaŋ ē Nhialic lēk kōc, ku Bēny guöp abī bēn piny nhial. Ku kōc cī thou ke cī wēt Raan cī lōc ku dōc gam, kek aabī kaŋ pīr.

17 Ku ɣok kōc bī ɲot ɣo pīr aköl kēnē, ɣok aabī kuööt yiic ke ke, ku ɣēth ɣo luāt yiic buk rōm kek Bēny aliir yic nhial, ku ɣok aabī rēer ke Jethu akōlaköl.

18 Kēya, dētkē wepuöth ē wēlkā.

5

Guierkē rōt ē rin bēn Bēny

1 Acīn kēn nadē ke benku lueel athör kēnē yic buk aköl bī kākā rōt looi lēk we.

2 Aŋiēckē kek we lōn Bēny abī bēn ke cīi ɲic, cīmēn dhie ye cuār bēn wakōu ke cīi ɲic.

3 Tē lueel ye elā, “Kēriēc ebën apath acīn kērac,” ke kērac bī kōc gum thīn abī dhiēl bēn ke cīn raan ye tak lōn bī yen rot looi cīmēn tiŋ dhie rōp rem apei. Ku acīn kōc bī poth ē kērac kēnē yic.

4 Ku wek miēthakāi, wek aacīi cīt kōc rēer muöth yic, rin wek aa ɲic Nhialic. Kēya, aköl kēnē acīi bī la ciēl wegup cīmēn cuār ke kuöckē.

5 Week ebën, wek aa rēer ruēl yic rin ɲic wek Jethu. ɣok aacīi cīt kōc rēer muöth yic kuc Nhialic.

6 Na ye kēya, ke ɣok aacīi nin cīmēn kōc kōk, ɣok aa dhīl nhīim tīr ku dukku ye wīēet māāu.

7 Ee wakōu yen aye kōc nin, ku yen dēk kek thīn māāu apei.

8 Ku ɣok aa kōc ruēl. Kēya, tīrku nhīim ku titku rōt ē gamda ku nhiērda bī jōŋrac ɣo cīi duōŋ. Ku cōlku ɲōth rēer ke ɣo lōn bī Jethu ɣo luōk, aye kōt.

⁹ Rin Nhialic akëc γo lëc ë tën rin bī yen γo tēm awuüc aköl lunđit, aci looi këya, bī γo luök dhël Bányda Jethu Kritho.

¹⁰ Acī thou riënkua rin bī γok pīr γodhie kek ye aköldä, tē pīir γok ayī tē cī γok thou.

¹¹ Yakë wepuöth δεετ, ku kuonykë röt kamkun, cimën looi wek ye ëmën.

Lëk ciëen ku muöth

¹² Wek aa lëηku miëthakua ku bäk kəcđit wat wenhīim gam Bányda yic, kəc luikä apēi kamkun theek, kəc we nyuöth kë bäk looi pīr kəc cī gam yic.

¹³ Njεckë kəc ciëēη apēidit ku nhiarkë ke rin kăpuöth yekë ke looi. Ku njεckë ceη kamkun.

¹⁴ Week aa yööku miëthakua, bäk kəc aa dak röt cie luui lëk, ku riεlkë kəc riöc gup nyin, ku kuonykë kəc wic kuöny, ku yakë raan ëbën jääm ke we cī wepuöth päl piny.

¹⁵ Dhielkë ηic lön acin raan guur kërac këρεεc dēt, ku yakë wic wepuöth bī ya këpath yen yakë looi kamkun ku kəc ëbën akölaköl.

¹⁶ Yakë rëer we mit puöth akölaköl,

¹⁷ ku yakë rëer we röök,

¹⁸ yakë Nhialic leec, kuat këriëec rot looi tënë we. Kënë, yen awic Nhialic tënë we piërdun yic, ke we ye kəc cī mat kek Raan cī ləc ku dəc, Jethu.

¹⁹ Duk Wēi Nhialic gël nhom.

²⁰ Ku duk wël kəc ye lueel lön ye kek käk Nhialic tīη, ye yööη yiic.

²¹ Kanjë deet yic, muökkë wenhīim këpath,

²² ku duökkë röt ye thiäk kuat kërac.

²³ Bī Nhialic ë γo yiëk döör, we looi bäk aa kəc path këriëec ëbën yic, ku muk wëikun ku guäpkun ke cīn yic ajuëec aköl bī Bányda Jethu Kritho.

²⁴ Ku yen raan we cöol ala gam ku abī looi.

²⁵ Röökkë aya riënkua miëthakua.

²⁶ Miäthkë kəc cī gam puöu ëbën.

²⁷ Wek aa yöök rin Bányda, bäk athör këne kueen tënë kəc cī gam ëbën.

²⁸ Bī dhëēη Bányda Jethu Kritho rëer ke we.

Athör ë rou cì Paulo gät kəc cì gam Thethalonika Wët nhom

Athör tuenj yic tènë akut kəc cì gam Thethalonika, ëcì Paulo gät lòn Raan cì ləc ku dəc abì bèn dhuk pinyinhom. Kènë ëcì kəc kək liäap nhïim Thethalonika. Ku athörden yic tènë kəc Thethalonika aya, Paulo ë jam lòn aköl bî Bëny bën acì thiök. Rin ë wët kènë, kəc kək aake cì köcc ë luoi, ku rëerkë ë path ke tit bën Jethu raan cì ləc ku dəc. Ku Paulo ë wët kènë cək piny ku nyooth, lòn tuenj ke Raan cì ləc ku dəc kəc dhuk, ke raan cəl “Raan Rac” apëi abì tuöl ku yeen abì yet nhial apëi luoi käreç.

Ku Paulo atuny Jethu, ee kəc cì gam leec rin gamden looi kek luoi pîr akölrîëcc ëbën, cək alon rëer kek ke gum ke liëep kenhïim ëmën. Aaye dæet puöth bîk köcc ë cök ku buathkë täden yen luui thïn yic, ku lek tuenj ke loi kápath.

Käk tã thïn

Muöth tuenj 1:1-2

Paulo adeet kəc cì gam puöth 1:3-12

Käk bî röt dhiel looi ke Jethu kəc dhuk 2:1-12

Kəc cì gam aa dhil köcc ë cök 2:13-17

Röökkë riengkua 3:1-5

Kəc aa dhil luui 3:6-15

Muöth ciëen 3:16-18

¹ Yen Paulo ku Thilath ku jəl a Timothï aa yok cì we tuöc athör wek akut kəc cì gam gen Thethalonika, ku yakë kəc Nhialic Wäda ku Bányda Jethu Krïtho.

² Bî Nhialic Wäda ku jəl a Bányda Jethu Krïtho we yiëk dhëenj ku döör.

Paulo adeet kəc cì gam puöth

³ Miëthakäi yok aa Nhialic dhiel leec akölaköl ë riengkun. Ku ë yic buk looi këya, rin gamdun ë rot juak akölaköl ku nhiër kamkun ë rot juak aya.

⁴ Ku ë yen rin ye yok jam ke yo nhiam ë riengkun akuut kəc cì gam nhïim. Yok aa nhiam wët rëer wek ke we gum ku gamkë wët Nhialic, cək alon ye wek rëer ke we jör.

⁵ Ku Nhialic acì jöör kènë looi bî yen tã le yen cök thïn nyuöth. Rin abì we looi bäk aa kəc bî mat bäänyde yic, rin bäänyde yen aguum wek.

⁶ Ku Nhialic abì kë la cök looi, rin abì kəc kek we jöör cəl aa gum aya.

⁷ Ku yen abì käk gumku nyaai tènë yo ku wek kəc gum ëmën, ku lok tèn lönj yodhie. Kènë abì rot looi tã le Bëny Jethu bën piny nhial kek riëldit apëi kek atuucken nhial.

⁸ Të bîi Jethu, mac abì dëp, ku kəc cì jai wët Nhialic abì tëm awuöc, kek kəc cì jai bîk cïi pîr Wët Puöth Yam ë Jethu Bányda.

⁹ Keek aabi tëm awuöc bî kek gum akölrîëcc ëbën, ku keek aabi gël wei tènë Bányda Jethu, ku kækken dit puöth bî ya käk kəc göi, yiic.

¹⁰ Të bî yen aköldä, ke yeen abì gäm alæcdit apëi rin kë cì looi rin kacke. Ku kəc cì gam aabi gäi ku dorkë rin riel tã kek ye.

¹¹ Ku ë yen kë ye yok röök akölaköl riengkun. Yok aa Nhialicda thiëcc bî we bëi pîr cì yen we caal thïn yic, ku bî we tîj ke lëukë bäk met ë pîr kènë yic. Nhialic abì we yiëk riel ku bäk kápuöth wiëckë bäk ke looi, aa looi. Ku bäk käk wiëc bäk ke looi aa looi dhël la cök rin cì wek Jethu gam.

¹² Të looi wek ë kènë ke wek abì Bányda Jethu cəl aye leec, ku abì we cəl aye theek. Kènë abì rot looi rin dhëenj Nhialicda ku Bányda Jethu Krïtho.

2

Käk bî rot dhiel looi ke Jethu kəc dhuk

¹ Miëthakäi, calkë röt aa benku lëk bën Bányda Jethu Krïtho, ku tã bî yok yonhïim mat thïn ku rëerku kek ye.

² Duökkë röt cəl aa liëep nhïim ku riääkkë puöth wël ye ke lueel lòn cì Bányda Jethu bën. Tëdë alëukë bîk lueel lòn cì Wëi Nhialic yo nyuöth ë kènë, tãdë ayekë lueel lòn cì yok kènë piöcc tènë kəc, tãdë lòn cì yok ye gät ku tucku ke.

³ Duökkë röt cəl awënj nyïn kuat dhäl yiic ëbën, rin aköl bî Bányda bën anoot, yet aköl bî kəc juëc keyiic jäl mat ku kueeckë wët Nhialic, ku Raan Rac, raan löönj dhäl yiic ëmën abì tic, raan ye pan mac këde.

4 Yeen abī jai kuat kē ye door ēbēn, ku yeen abī rot tāāu tuenj kēriēec ēbēn nhom ke ye door ke cīt Nhialic. Abī rot yāth tuenj ku dhēl Nhialic ku rēc kāk ye Nhialic door ēbēn. Ku yēth rot nhial ku tēēu rot ciēl luanj Nhialic.

5 Cāk kakkā ye tak lōn cī yēn ke lēk we wāār rēer yēn ke we?

6 Ku ēmēn anjēckē alanden yēn kē gēl Raan Rac, raan lōōj dhōl yiic bī cīi bō. Ku yeen abī nyuōōth tē le tēde bēn.

7 Ku riēlden ye kek kuc lōōj ēbēn alui piiny, ku yeen abī luui piiny kēya yēt tē bī raan ye gēl nyaai.

8 Tēēn ke Raan Rac, raan lōōj dhōl yiic ēbēn abī tīc. Ku tē le Jethu Bānyda bēn ka bī nōk aliir thok ē path ku mēr piny ē ruelde.

9 Raan lōōj dhōl yiic abī bēn ke riēl jōjrac. Ku abī kāk cie yith ya looi, kāk ruēeny ye tē ye luōi ke kōc gōi.

10 Ku looi kuat kāk ye ke kōc ruēeny ēbēn tēnē kōc bī māār. Keek aabī māār rin cī kek kuc bīk yic cīi nhīar rin bī ke luōk.

11 Ku aabī Nhialic looi bī ke ruēeny apēidit bī ya kē cie yic yēn yekē gam ē rot.

12 Ku kē bī rot looi akīn, kuat raan kēc yic gam ku ye puōu miēt luōi adumuōōm yic, abī luōk wei.

Kōc cī gam aa dhil kōōc ē cōk

13 Miēthakāi, wek aa kōc nhiēer Bēny. Yōk aabī Nhialic aa leec ē riēnkun akōlakōl rin wek aacī Nhialic lōc bāk tō kam kōc tuenj bī kañ luōk yiic. Wek aaye luōk dhēl Wēi Nhialic we looi bāk aa kōc path, ku rin ye wek wēt yic gam.

14 Nhialic acī we cōl ē dhēl Wēt Puōth Yam yēn yeku lēk we. Yeen acī we cōl ku bāk diik Bānyda Jethu Krītho rōm kek ye.

15 Kēya, miēthakāi duōkkē wenhīim war, lak tuenj ke we muk yic cuk piōōc tēnē we wāār rēer yōk ke we, tēdē ke cuk gāt athōr cuk tuōc we yic.

16 Nhialic Wāda anhiar yō, ku ē yō nyuōth lier piānde. Ku ē yēn cīi yēn ye kōōc deet yēn yō dēet puōth, ku cōl anjicku lōn bī yōk la pan Nhialic. Yōk aa rōōk bī Nhialic kek Bānyda nhom, Jethu Krītho,

17 week dēet puōth ku gēm we riēl bī wek aa luui kāpath. Ku lēukē bāk kāpath aa lueel akōlakōl.

3

Rōōkkē riēnkua

1 Ēmēn, tē jōl wēt diē wīik, wek aa yōōk miēthakāi bāk rōōk riēnkua, rin bī wēt Bānyda lac thiēi piny ke diēekde cīmēn cī yēn rot looi kēya kamkun.

2 Rōōkkē aya bī Nhialic yō kony tēnē kōc rēc, rin acie raan ēbēn yēn wēt gam.

3 Ku Bēny ē kē ye lueel tiēēn nhom, ku abī we dēet puōth ku abī jōjrac gēl bī ciēn kērēec lui we.

4 Ku Bēny yēn ē ye cōl anjicku alanden lōn looi wek kē yeku lēk we, ku lōn bī wek la tuenj ke luōikē kēya.

5 Yēn ē rōōk bī Bēny we cōl anjic nhiēr Nhialic apēidit. Ku yīk we riēl puōu cīmēn riēl piānde yēn Krītho.

Kōc aa dhil luui

6 Miēthakāi, wek aa lēkku riēl cī Bānyda Jethu Krītho gām yō bāk rōt mēec wei tēnē miēthakāi aa dak rōōt cie luui, cie kāk cuk lēk ke ye looi.

7 Week anjēckē yēn tē dhil wek yō kiēt thīn, rin yōk aa yō cie rōt ē dak wāār rēer yōk ke ē tōk.

8 Acīn kēnē raan cuk kañ lōōm ke kēcku yōōc, yōk aa yō ye luui akōl ku wēer, ee rin bī ciēn raan kamkun tēēu kēde piny bī yēn yō kony.

9 Kēnē acuk looi, ku acie lōn cīn yōk yic buk we thiēec ē miēth. Yōk aacī luui, rin bāk yō kiēt bāk pīr cīmēnda aya.

10 Acuk lēk we wāār rēer yōk ke ē tōk, “Na ye raan kuc bī cīi lui ke duōkkē gēm kēcam.”

11 Yōk aa gāt athōr kēnē rin ayeku piñ ēmēn lōn rēer kōc aa dak rōōt cie luui kamkun, kōc cie kākken ye looi, kōc rēer ke ciik rōt kāk kōc kōk yiic.

12 Yōk aa lēk kōckā riēl Bānyda Jethu Krītho bīk pīr pīr path, ku yekē luui bīk rōt muk kākken.

13 Ku week, miēthakāi duōkkē dhōr luōi kēpath.

¹⁴ Na le raan kuc bi wët ca gõt athör kënë yic cii gam, ke muökkë nhom ku yakë göör, ee rin bi ñic lon yen kërac yen looi.

¹⁵ Ku duökkë ye ciëñ cimen raan la ater ke we, luökë cimen menhkui dun wiëckë bi kãñ ñic.

Muöth ciëñ

¹⁶ Bi Bëny nhom guöp, raan yo gam döör we yiëk döör, kuaat këriëc ëbën yic akölaköl. Ku rëer ke we ëbën.

¹⁷ Yen Paulo, yen agät ë muöth kënë ë ciëñdië, kënë yen ë tã ye yen rienkië gät thin athör ya gõt ëbën cök, kënë yen ë tã ye yen ye gät thin.

¹⁸ Bi dhëñ Bányda Jethu Kritho rëer kek we.

Athör tuej cî Paulo gät Timothî Wët nhom

Timothî ë ye riënythii cî gam pan yen Turkia ëmën, wun ë raan Girik ku man ke ye nyan Itharel. Ee ye cath kek Paulo ku kony ë piöoc. Athör kënë cî Paulo gät Timothî ë jam wël kadiäk.

Athör acî jöök yöök piöoc lueth tënë akut kác cî gam, cî liäap nhom kek piöoc kác Itharel ku kác cie kác Itharel. Piöoc kënë aye lueel lön kák pinyhom aa rëc. Ku alëu raan bi kuöony yök ë njiny käh cî moony ë rot, ku luoi ye ke miith kák theek ku cii thiëk. Ku dät ye kek rou tã athöör yic aya, ee piöoc mäac akut kác cî gam ku duör Nhialic kek tã bi bäny kác cî gam ku jöl aa kác ke kuöny aa rëer thïn. Ku kë ye kek diäk, Paulo ë Timothî wëät athör cök ciëen tã bi yen ya alony Jethu Kritho thïn, ku jöl a luoi muk ke löj akuut juëc kác cî gam.

Käk tã thïn

Muöth tuej 1:1-2

Piöoc rin akut kác cî gam ku kác mac ke 1:3-3:16

Piöoc tënë Timothî rin luöide 4:1-6:21

¹ Ee yen Paulo atuny ë Jethu Kritho cî Nhialic yen yo luök, ku Jethu Kritho yen njäthda lëk ba ya atuuc.

² Ee yen tuc athöör manh cit manhdie ayic cî wët Nhialic gam cöl Timothî. Bi Nhialic Wäda ku Jethu Kritho Bänyda yin a nuään ku yik yi dhëej ku döör.

Paulo acî Timothî lëk biyehom tiit piöoc ë lueth

³ Wäär ciëth yen ya la Mathedonia, yin aca yöök ku ba rëer Epethuth, rin ba kác kác piöoc ë lueth yöök ku bik cii la tuej ke piöoc wël lueth.

⁴ Lëk ke bik köoc anyikööl yekë ke lueel akölaköl. Ku jöl aa rin juëc wärkendit kác, ee rin ye kác rëer ke teer röt ë path, acin kë yekë juak kák cî Nhialic guiir yiic. Rin wët Nhialic aye njic tã cî raan gam.

⁵ Wët lëk yi ë rin nhiër bën ke njic puön path, ku gam ë yic.

1:2 Luoi 16:1 1:13 Luoi 8:3; 9:4-5

⁶ Kác kák aa cî kenhüim wël roor ku yekë jam wël cïn kë kony kác thïn.

⁷ Awickë ku bik kác piöoc lööj Nhialic, ku keek acie wëlken yekë lueel ë deet yiic, wël yekë ke lueel ke cî kepuöth tãnj.

⁸ Anicku yen lön puöth löj tã njic ye muk nhom apath.

⁹ Anicku aya, lön löj acie looi rin kác path. Aye bëei bei rin kác rëc. Ku aa kác löj dhäl yic, ku kác cî wët Nhialic dhäl yic. Ku kác käreç looi, ku kác cie Nhialic ye röök ku cik thek. Ku rin kác ë kác ke dhiëth ke nök. Ku rin kác kác nök.

¹⁰ Ku tënë kác la gup akör ku kác kák ke lööm röör kák cit ke. Ku kác kác yaac, ku alueth, ku kác ë lueth lueel cök aa lön kuëej ke, ku jöl a këriëc ëbën cii thääny kek yith ye piöoc.

¹¹ Ku piöoc puöth kënë athöj kek Wët Puöth Yam path apeï bö tënë Nhialic la döc, ku ë yen acî thön ya ba piöoc.

Dhëej Bëny tënë Paulo

¹² Jethu Kritho Bänyda aba leec rin cî yen ya yiëk riël. Ku njöth yapuöu ku looi ya ba luöide looi.

¹³ Cök alön cî yen ke kuöc aa jam wäthëer rin Jethu, ku ca kác cöl agum. Ku ya kák kák looi, ke yen acî Nhialic nyuöth lier piände, rin yen acî luui ke cïn kën ë njic. Ku yen a ya këc wët Nhialic gam.

¹⁴ Ku Bänyda acä yiëk dhëejden dit apeï kek nhiër, ku gam kák tã ë tök kek Jethu Kritho.

¹⁵ Wët yic yen lëu ba lueel, ku alëu bi gam akïn, Jethu Kritho acî bën pinyhom ku bi kác käreç looi bën luök. Ku yen, ee yen raan wat kác rëc nhüim.

¹⁶ Ku Nhialic alir puöu tënë ya, ku ë rin ë wët kënë yen acî Jethu Kritho ya nyuöth lier piände dit apeï, rin bi ya yen ye ke raan käreç looi apeidit nyuöth thïn. Ku bi ya thöj kác bi wëtde gam aköldä ku yökkë pir akölrüëc ëbën.

¹⁷ Tënë Nhialic Madhöl Bëny mëc akölrüëc cie tñj, Nhialic tök ye theek ku lec akölrüëc ëbën. Yenakan.

Paulo acî Timothî yöök ku bi yepuöu dëet

¹⁸ Timothî, wëndië, yin aba thön kënë ku bi wël cî lueel rienku theer röt tiëŋ, rin na buath keyiic ke yin abi luaidu njiec looi,

¹⁹ tē muk yin gamdu apath ke njic puön path. Kac kök aa kēc wël cî thön ke muk nhïim ku aaci gamden rac.

²⁰ Kam ë kockä aa yi Yëminaithe ku jöl aa Alekdhändër, kac kek ca thön jöŋrac ku bi ke piöcc bik Nhialic cii ben dhöl.

2

Tē bi kac aa röök thïn

¹ Tuen, yin ayöök bäk aa röök ku yakë Nhialic thiëcc. Ku yakë röök rin kac kök ku leckë rin raan ebën,

² cimen bänynaknhïim, ku kac kök tö riel kecin. Ku buk pir ke yo döör ke cïn akëäk kam kac. Ku yeku kac tök kek Nhialic ku cïnkup acual.

³ Kënë ë këpath ku ë Nhialic cöl amit puöu,

⁴ yen wïc raan ebën bi poth kërac yic ku bik wët yic njic.

⁵ Nhialic ë tök ku jöl aa raan töŋ döör kac ke Nhialic, Jethu Kritho,

⁶ yen cî rot gam bi nöc bi kac ebën waar, ku wët kënë aci nyuöth aköl cî loc.

⁷ Ku rin ë wët kënë yen aci ya kuany, ke ya atuuc ku ya raan piöcc tënë kac cie kac itharel, ku ba gam ë yic luëel. Yen acii lueth luel, ee yic yen aluëel.

⁸ Yen awic röör wuööt thok ebën, ku bik kecin taar nhial ke röök tënë Nhialic, ke cïn riäak ë puöu, ku agöth.

⁹ Yen awic diäär bik aa cien alëth path. Ku cïkkë kenhïim ye nai dhöl tuut kek kac. Ku cïk ye cien milän töc ku alëth ku guët kök ye yöcc wëü juëc apëi.

¹⁰ Ku keek aa dhil röt cöl adhëŋ këpuöth yekë ke looi, käk ye diäär cî gam looi bik Nhialic aa door.

¹¹ Tik adhil piöcc lier guöp ku ye wët cî lëk ye gam.

¹² Tik acä ye puöl ku bi ya piöcc tädë ke la riel tënë röör, aadhil rëer ke lir gup.

¹³ Rin Adam yen ë këŋ cak, ku jöl Eba ben cak.

¹⁴ Ee cie Adam yen cî wëŋ nyin ë ye tik yen ëci wet nyin, ku cii löŋ Nhialic thek.

¹⁵ Ku diäär aabi kony ku luäk keek dhiënh mïth yiic, tē le kek tuëŋ keye kac cî gam, ku nhiër kepuöth, ku yekë kac ë luui këpath dhël athëäk.

3

Bäny akut kac cî gam

¹ Ku wët yic cïn yic lueth akïn, na le raan wïc ye ku bi ya bëny kac cî gam, ke luoi path nhiaar.

² Bëny adhil a raan cïn kërec ye looi. Yeen adhil la tiëŋ tök, cî gam puöu ebën. Ku alir guöp ku cii këŋ ye bätth ku athek yeguöp. Ku ë kac bën tënë ye njiec lor. Ku alëu ku bi kac piöcc.

³ Yeen acie raan ë wiëet ë määu, tädë keye raan ë töŋ. Adhil a raan njic cien ke kac. Ku acie raan nhiaar wëü apëi.

⁴ Adhil paande njiec mac apath bi miëthke cöl athek ye, ku yekë wëtde piŋ.

⁵ Na kuc raan paande mac, ke lëu kädë ku bi kac cî Nhialic gam njiec aa guir?

⁶ Yen adhil a raan cî nhom bak ë gam yic rin ku bi cii nhiam bi luök wei aya cimen jöŋrac.

⁷ Ku yeen adhil a raan ye kac këc gam njiec jam rienke, rin bi cii wäi win jöŋrac bi guöp yär.

Kac kac kony luoi käk Nhialic

⁸ Kac kac kony luoi käk Nhialic aa dhil aa kac path thek cïn kë yekë moony. Keek aacie kac dek möu apëi, tädë keye kac kok wëü.

⁹ Keek aa dhil gam cî nyuöth ke muk kepuöth, ku mukë puön yer.

¹⁰ Keek aa dhil them tuëŋ, ku na cïk njiec luui, ka jöl puöl bik kac aa kony luoi.

¹¹ Diäärken aya aa dhil gup la athëäk ku cïk ë luum kac tör gup, keek aa dhil aa kac lir gup, ku aacie kac ye ruëeny këriëcc ebën yic.

¹² Raan kac kony luoi käk Nhialic adhil la tiŋ töŋ cî gam puöu ebën, ku adhil miëthke ku paande njiec mac apath.

¹³ Kac kek kac kony luoi, ku aa luoiden njiec looi, aaye theek, ku alëukë bik aa jam kac nhïim ke cïn riöcc guöp. Ku piirkë gamden yic tënë Jethu Kritho.

Këril nyuəəth

14 Cîmën gët yən athör kënë tənë we, aya n̄əəth wek aba la tîŋ.

15 Ku na le kē gōu ya, ke athör kënë abî we cəl an̄ic tē lēu bî wek kāk akut cî gam aa luəəi thîn, ku yen akut kəc cî gam ē Nhialic pîr, yen ē mēn yen yic kuəny.

16 Acîn raan lēu bî kē cî nyuəəth, kēdan thekku ē yic, jai.

Yeen acî nyuəəth ke ye raan.

Acî Wēi Nhialic nyuəəth lən ee yen raan la cök.

Ku acî atuuc nhial tîŋ,

ku lək wuəət ebën.

Ku kəc pinynhom aacî bēn la gam tənë yeen,

ku acî yāth nhial pan Nhialic.

4*Kəc piöoc aa wēəŋ*

1 Aye Wēi Nhialic lueel ē gēi lən kəc kək aabî gamden cîi ben aa theek aköldä. Keek aabî kāk bî jakrəc ke aa wēŋ nyîn aa gam, ku buəthkē piöoc jakrəc yic.

2 Piöoc cît ē kënë aye thiäi piny kəc aa lueth kəc wēŋ, kəc cîn kē ŋic piäthken.

3 Kəc cît kakkä, aa kəc yöök ka awuöc ku bî raan thiëek, ku ciem müith kək yekē tak ka rəc. Ku yen Nhialic acî müithkä cak ku bî kəc cî gam ŋic yic keek aa cam tē cî kek kaŋ rööc.

4 Kuat kəriëec ebën cî Nhialic cak apath, acîn kē lēu bî kəc kuəc, ku yen kəriëec ebën aye cam ku rööc kəc bî Nhialic leec,

5 rin wēt Nhialic ku rööc ē miëth cəl apath.

Aluaŋ Jethu Kritho

6 Tē piöoc yîn wēlkä tənë miëthakua, ke yîn abî ya raan luəi path ē Jethu Kritho cî ŋiec muk ē dhöl gam yith ku piöoc path ca buəəth yic.

7 Ku mēec rot wei anyikööl cie yith ē Nhialic, anyikööl cîn wētden yic cîi path bî ke aa lək kəc. Lui apēi ba rot piöoc ba pîr cît tē wïc Nhialic ye thîn.

8 Luəi ye raan looi ē guəp muk bî riəl apath, ku luəi ye yîn rot piöoc ba pîr cît tē wïc Nhialic ye thîn an̄uëən apēi, rin ala kē ye n̄əəth thîn pîir emēn yic, ku pîr pan Nhialic aköldä.

9 Ku yic yen lēu ba lueel bî gam akîn.

10 Yök aabî buöc ku luuiku apēi, rin yok aa n̄əth Nhialic pîr, yen raan ebën kony, ku tuen̄ aa kəc cî wētde gam.

11 Yakē kəc yöök ku piöockē ke ē kakkä.

12 Duökkē kəc cəl aaye we dhöl gup rin koor wek. Ku luəikē röt bî kəc cî gam röt aa thōŋ we ē jamdun yic, ku piërdun ku nhiërdun ku gamdun ku lən cîn wek gup ajuëec.

13 Agut tē bî yən bēn, yakē wēl cî gôt athör Nhialic yic kuēn kəc. Ku yakē kəc lək ku piöockē ke.

14 Duk yîpuəu wel wei kē cî yiëk yî yic ē rot, kēwäär ca yök dhël cî Nhialic lək kəc ē riənku wäär tēəu kəcđit akut, kəc cî gam kecin yînhom.

15 Tääu yîpuəu piny apath ba kāk Nhialic ŋiec looi, ku bî raan ebën luəidu tîŋ tē le yen tuen̄ thîn.

16 Tîŋ piërdu cök ku kāk ye piöoc apath. Dəet wētdu yic apath, rin na loi kēya ka bî yî luök ku kəc wēlku piŋ aya.

5*Käk loi tənë kəc cî gam*

1 Duökkē raandit ye kuöc jāam, yakē jāam dhël athëek cîmën wuurdun. Yakē riënythii ŋiec jāam apath cîmën miëthakun,

2 ku yakē diäardit jāam kecit märkun, ku diäärkor kecit nyiërakun ke we cîn puöth akuëth.

3 Thekkē lëer cîn nhüim kəc ke kony.

4 Ku na la lëer mîth, tēdē ke ye mîth miëthke, ke keek aa dhilkē kaŋ nyuəəth lən cî kek gam ē dhöl muk kek kəc manyden thok thîn. Ku kēya aabî kəc ke dhiëth ke, wärken dît ku märken dît riəp rin wäär muk kek ke. Ku kënë yen ē Nhialic cəl amit puəu.

5 Lëer rëer ē rot ke cîn raan muk ye ayic ē Nhialic n̄əəth, ku ye rööc wëer ku aköl, ke ye Nhialic thiëec ku bî ye kony.

6 Ku lëer ye yiëk yepuəu miët puəu ē rot, acit raan cî thou cək alən n̄uöt pîir yen.

7 Lëkkē kockun cî gam ē wēlkä aya, rin ku bî ciën raan gäk ke.

8 Ku na le raan cîi kəc ruääi kek ye muk, nadē ke ye manyde thok, ka cî kuəc ē gam, ku raan cîn gam an̄uëən tənë ye.

9 Acîn lër mat akut lëer yic tē kēc ruönke thiärdätem waan thok. Ku ë ye tinj path tēnē muənyde.

10 Ku aye njic rin wēt kăpuəth ye looi, cīmēn lən njic yen mīth muk, ku ë kəc gəənj apath, ku ë kəc cī Nhialic gam luəi kăpath, ku ye kəc la kē jör ke kony, ku ye cool luəi kuat kəriëec ëbēn path.

11 Duökkē lëer kor ye mat akut lëer yiic, rin na lek rōör tak, ka cəl röt athiak, ku cīk kepuəth ben yiək wēt Raan cī ləc ku dəc.

12 Ku këya, ka cä awuöc looi ë rin cī kek athön wäär bik aa looi thoŋ köu.

13 Keek aya aabi piöc rëer piiny ë path ku yekē bëei kuany yiic, ku dēt rac aya, keek aabi aa kəc alop jət ku yekē luup wël cī path.

14 Ke yeen aya tak lən puəth yen bi lëer kor aa thiaak, ku bik la mīth, ku mackē bääiken apath, rin bi raan aterda dhəl cī yök bi ke aa jääm wël rəc kegup.

15 Lëer kək emēn aaci jai wēt Jethu ku keek aaci jəŋrac buəəth cök.

16 Ku na le tinj cī gam tō lëer manyden thok, ka dhilke muk apath, ku cī ke pəl akut kəc cī gam bi ya yen muk ke, rin bi akut kəc cī gam yenhom yiək muöök lëer cīn nhüim kəc muk ke.

17 Bāny luəi akut kəc cī gam looi apath aaye theek ku riəp ke, rin ye kek kəc ë luui apəi, kəc kek kəc lək wēt Nhialic ku yekē kəc piöc.

18 Aye athör thəer wël Nhialic lueel, “Duk muəər der thok tē luui yīn ye bi rap kəəm.” Ku këya, “Raan ë luəi adhil yiək ariəpde.”*

19 Duökkē wēt gəəny raandit ye gam tē cī yen kəc karou ku diäk kek gəəny yen.

20 Tē le yen kəc cī kërac looi ka dhil nyieeny kəc nhüim, rin ku bi kəc kək kəcit ë kënë cī ben looi.

21 Wek ayöök Nhialic nhom, ku Jethu Kritho ku jəl atuuc cī Nhialic ləc, thekkē wëlkä ke we cī kəc ye tek yiic bi la raan dēt yakē ŋuään kuat kē luəikē yic.

22 Duökkē ye ləc yen lən kueny wek raan bi Nhialic luəi. Duökkē röt mat luəi kərəc yiic, rëerkē ke we lip gup.

23 Duökkē piü ye dek kepəc, yakē muön thin-nyəət dek, ku bi we kony bi thiöör we cī ye lac piäär yiic.

24 Kərəc ye kəc kək looi aa la gəi kəc nyīn, ku aake wat nhüim ë luk yic, ku kəc kək aaye kərəcken cīk thiaan jəl njic ciēen.

25 Ku ë dhöl tööŋ kënë, kăpuəth ye raan looi aa cie muəəny, ku kăpuəth kək cī thiaan aabi njic aköldä.

6

1 Aloony ëbēn aa dhil luui apəi, ku yekē bānyken theek apəi, rin bi ciēn raan kuc jam rin Nhialic, ku jəl aa piöc ye yök kəc piöc.

2 Aloony kəc cī gam acīk lēu ku bik kəccken cī ke loony dhəl gup, rin keek aa wämāthakēn. Kē lēukē bik looi ë lən bik luəiden aa looi apath, rin kəc la kē yekē yök luəi yic, aa kəc cī gam nhiarkē ke. Aa kek kək lēukē bək ke piöc tēnē kəc, ku yakē ke dəet puəth bik ke theek.

Piöc ë yic ku piöc ë lueth

3 Raan piöc wēt dēt cie kēn ë Nhialic ku acīi thoŋ kek wël Bānyda Jethu Kritho ku jəl aa piöcda rin Nhialic,

4 ke yeen anək nhiam wei ku acīn kē njic. Yeen ala kē wīc cie thök yepuəu bi rot aa təer ku göth ke kəc wël cie yith, ku kënë ë tiel bëei ku këek kəc, ku lëet kəc röt, ku bi diu rac kam kəc,

5 ku kəc cīn nhüim aa röt cool ë teer ku acīn yiny tō ke ke. Ayekē tak lən yath ë dhəl kəc cəl ajak.

6 Ee këya, yanh la cök ë raan cəl ajak apəi, tē cī yen kək tō ke ye gam piände ëbēn.

7 Rin yook acīn kē cuk bëei pinynhom, ku ka cīn dēt lēuku buk nyaai thīn.

8 Na lok kē camku ku kē ceŋku ka cīn dēt yīkku yopuəth.

9 Kəc ye wīc bik jak, aaye piäthken thəl kərəc yiic, ku keek aa wēi kək kuckē ku kərəc ye piäthken nhiaar, kək ke thəl riäk yic ku rəc ke.

10 Rin ku bi raan jīek nhiaar, ee kəc miəet kuat kəkjuəc rəc yiic. Kəc kək aaci kepuəth yiək jīek apəi agut bik nhüim määär ë gam, ku keek aaci kəjuəc ŋöŋ ë nyin bëei kepuəth.

Timothî aci nyuəth luəide

* 5:18 L.rou 25:4; Mt 10:10; Lk 10:7 (aliu ciēŋ Jiēŋ yic)

5:19 L.rou 17:6; 19:15

¹¹ Ku yîn raan Nhialic mεεc rot wei luɔi käreεc yiic, ku ye dhöl la cök yen muk cök. Ku ye luui kāk Nhialic ke yî n̄öth Jethu ku ye kɔc nhiaar, ku ye gum, ku ye raan njic cien ke kɔc.

¹² Thär kē yeku gam apath, ku muk p̄ir akölr̄iëεc yen ë cɔɔl Nhialic yî apath aya, kēwäär ca gam ba lueel thuɔndu kɔc juëc nh̄im.

¹³ Nhialic nom, yen wēi yiëk kēriëεc ëbën, ku Jethu Kr̄itho, yen cī ye lueel gai wäär Pilato nom, yîn aya yöök,

¹⁴ muk lööŋkä nh̄im apath ke cīn kē wääc yet aköl bī Bānyda Jethu Kr̄itho bēn bēn.

¹⁵ Lɔn bī yen bēn bēn abī rot looi aköl cī Nhialic tak yen raan cī dɔɔc, ku yen Bēnyŋaknom yetök, yen Bēnyŋaknom tö tuen bānyŋaknh̄im, ku ye Bēny bāny.

¹⁶ Ee yeen yetök yen acie thou, ku yen aciēŋ ruel yic, ruel cīn raan rot thiäk ye. Acīn raan cī ye kaŋ t̄iŋ, ku acīn raan lēu ku bī ye t̄iŋ. Yen aaye theek, ku ala riëdīt tet akölr̄iëεc ëbën. Yenakan.

¹⁷ Yöök kɔc cī jak kāk p̄ir pinynhom b̄ik cī nhiam, ku c̄ik n̄äthden tēüu kāk cie yith yiic cimēn j̄iεεk, ku ye Nhialic yen n̄öthkē, Nhialic cī yo yiëk kēriëεc ëbën ë biökruaalde ku buk puöth miεt.

¹⁸ Yöök ke b̄ik kăpath aa looi, b̄ik aa abiökruεel, ku dhilkē kākken aa rəm kek kɔc kök.

¹⁹ Kēya, keek abī j̄iεεk la cök tōöu ë riεnken pan Nhialic. Ku ë yen abī ya kēril diit bī ke cök piny aköldä. Ku yen abī kek p̄ir la cök yök.

²⁰ Yîn Timothî muk kē cī kuëi yî apath. Mεεc rot wei ë jam rac cī thiäak ke Nhialic yic, ku ater cīn yic kē kuany ye kɔc kök ȳiin j̄ööny ë lueth ku luelkē ke nj̄iëεc ë kãŋ.

²¹ Rin aye kɔc kök lueel lɔn njic kek kãŋ, ku ë tēēnē, keek acī mēr wei dhöl gam yic.

Dhēēŋ Nhialic abī rēer ke we ëbën.

Athör ë rou cî Paulo gät Timothî Wët nhom

Athör ë rou cî Paulo gät Timothî ala yic wël wëet juëc. Rin cît Timothî manh koor ku ye raan ye kony ë luoi. Wëtdit athör yic, ee gum. Timothî aye yöök bî yepušu dëet ke la tuej ke nyooth wët Jethu Kritho ke cî gam. Ku muk piöoc ë yic Wët Puøth Yam ku athör thëer wël Nhialic. Ku ye luui kecit raan ë piöoc ku ye raan kəc lëk wët ë Nhialic, ke cîi riëc kəc bî ye luc ku jëikë wët lueel.

Paulo acî Timothî lëk athöör yic apëi ku bî rot cîi met jam kanyiaap yic ku teer wël kuc nhüm. Wëlkä kəc ke piñ, aa kërac yök thïn.

Ku kënë ëbën, Timothî acî bën lëk pîr raan ë gët athöör, wët gamde, lier puøu, nhiër, riel ë puøu ku gum.

Käk tš thïn

Muøth tuej 1:1-2

Lëc ku lëk 1:3-2:13

Wëet ku lëk 2:14-4:5

Pîr Paulo 4:6-18

Thök ë wël 4:19-22

¹ Ee yen Paulo atuny Jethu Kritho cî tooc ba kəc bën lëk pîr cî thøn rëer ke Jethu Kritho.

² Tënë Timothî, manhdiën nhiaar, bî Nhialic Wäda ku Jethu Kritho Bányda yî nuään ku yîk yî dhëëj ku döör.

Timothî acî dëet puøu bî gamde muk

³ Nhialic yen ya door puøn cîn yic diu, aya leec cîmën wärkuan dît. Aya leec tš tek yen we tš röök yen aköl ku wëer.

⁴ Yen cî wek dhiau rin cî yok puök aya tak, ku awiëc ku ba we bën tiñ, rin ba puøu miët.

⁵ Løn ye wek kəc cî gam ë yic amuøk nhom, ku athöj kek təcit tš cî moordit Loith ku jøl aa moor Yunith gem thïn aya. Aya yök yapuøu løn cî yîn gam aya.

⁶ Ee rin ë wët kënë yen aye yen yî lëk ba miëc wäär cî Nhialic yiëk yî, wäär tšëu yen yacin yînhom ba yî döac cəl arëer ke dëp yîpuøu.

⁷ Wëi cî Nhialic yiëk yo acie yo cəl ariëc. Wëi Nhialic ë yo yiëk riel, ku nhiarku röt, ku ye raan rot muk apath bî kërac cîi loi.

⁸ Duk rot ye yök ciët yî bî guöp yär tš lëk yîn kəc wët Bányda, ku yeen aya, duk rot yök ke yî bî guöp yär rin cî ya mac wëtde. Mät rot ya ba gum rin Wët Puøth Yam, ku Nhialic abî yiëk riel ba luui rin wëtde.

⁹ Yeen acî yo kony ku acî yo ləc buk aa kacke, ku acie rin këpuøth cuk looi, ee rin këden wïc. Ku acî Nhialic guiir këya rin piathde. Ku tšwäär këc piny guø cak, Nhialic ëcî Jethu Kritho guiir bî yo nyuøth piathde.

¹⁰ Ku ëmën Jethu Kritho acî ləc ku döc, aluändä acî riel thou tiaam, ku bîi Wët Puøth Yam la gei cît ruël. Ku yîk yo pîr akölrîëc ëbën.

¹¹ Nhialic acî ya kuany ba ya atuuc ku ya raan piöoc ba Wët Puøth Yam lëk kəc.

¹² Ee wët kënë yen aguum yen kakkä ëmën. Yen not ya këc puøu pëk wei, rin yen anjic raan cî yen wëtde gam, ku anjic alanden løn yeen ala riel, ku abî kë cî thøn tiit apath agut cît aköl bî yen bën la dhuk.

¹³ Muk wël puøth yith ca piöoc tënë yî nhüm apath, ke cît käk ba buøth cök piërdu yic. Ku rëer ë gam ku nhiër yic, käk ye yök rin ye wek tök kek Jethu Kritho.

¹⁴ Muk këpuøth cî thøn yî apath ë riel Wëi Nhialic rëer kek yo.

¹⁵ Yîin anjic løn cî kəc ke rëer kek yen ëbën pan Athia, agut Pigeluth ku Yërmojinith, kuc piöocdië ku jëlkä.

¹⁶ Bî Nhialic paan Onethiporuth döac rin acî yen kony bî yen a muøac miëth, ku cîi guöp riëc wët cî ya mac.

¹⁷ Ku nawën la yëet Roma akëc bën gääu, acî tš tš yen thïn bën yööp apëi agut tš yok yen ya.

¹⁸ Yeen abî Bëny Jethu cəl ayök këpath aköl bî yen bën la dhuk. Ku yîin anjic apath yen tš cî yen ya kuony thïn pan Epethuth.

2

Apuruk path tënë Jethu Kritho

¹ Ku tënë yî, yîn wëndië, cəl rot aril puøu riel yen ba yök wët puøth Jethu Kritho, rin ye yok tök kek Jethu Kritho.

² Muk wël ɣən ca lueel nhïim ke kəc juęc tō thïn. Ku lək ke kəc ca deet puəth bik ke muk nhïim, ku aa kəc lëu ku bik kəc kək piəöc aya.

³ Gum kek ɣo cīt ye apuruk path tēnē Jethu Krītho.

⁴ Apuruk tō luəi yic aye wïc ku bī bānyde cəl amit puəu, ku acie rot la liäap wël cie kək apuruuk yiic bī pīr cimēnden.

⁵ Raan wēer kek kəc ē kat yic, acie ariöp cī yen kəc wuər ē yök tē kēc yen lööŋ buəth yiic apath.

⁶ Raan ē pur apei, adhil duəmde kaŋ tem.

⁷ Tak yic apath yen kē lək yī, rin Bēny abī yī cəl adet kəŋ yiic ēbēn.

⁸ Muk yīnhom Jethu Krītho, yen cī jət bei ē raŋ yic, yeen ee raan many Debit, cīt tē cī ye lueel thïn ē Wēt Puəth Yam ya piəöc.

⁹ Rin ye ɣən Wēt Puəth Yam piəöc ē yen ye ɣən gum, ku ye ɣa rek ciēt ɣa ye raan cā awuəcdīt apei looi. Ku Wēt Puəth Yam akēc rek bī cī la tuenŋ.

¹⁰ Ku ē wēt kēnē, yen aye ɣən kəriēec ēbēn guum, rin kəc cī Nhialic ləc ku bī ke luək rin Jethu Krītho, ku bik la duaar akölrīēec ēbēn.

¹¹ Käk kə aa wël yith,

“Tē cī ɣok thou kek yeen,
ke ɣok aabī pīr kek yeen.

¹² Ku na lok tuenŋ ke ɣo gum,

ke ɣok aa məc kəc kek yeen.
Na jēiku, ka bī ɣook jai aya.

¹³ Ku na cuk ye kəc kē ye lueel loi,

ke yeen ee kē cī lueel looi,
rin acī lëu ku bī rot jai ē rot.”

Raan luəi cī Nhialic gam

¹⁴ Bēn kacku tək kēnē, ku jai ke apath Nhialic nhom bik cī ye göth kamken wël yekē lueel. Acīn kēpuəth ye yök thïn, ku ē kəc ke piŋ rac.

¹⁵ Them apeidīt ku ba rot nyuəth tēnē Nhialic lən ye yīn raan luəi cī gam, raan luui cie guəp ē riəöc, ku ē wēt Nhialic ē yic yen aye piəöc apath.

¹⁶ Ye rot cəl amec tē ye kəc jam thïn wël cie wël ē Nhialic, rin wël kə aa kəc thel wei.

¹⁷ Kək bik aa piəöc aa wël cīt tētök cie dem. Kam ē kək kə aayī Yēminaith ku Piletuth.

¹⁸ Keek aaci wēt yic dhəŋ, ku keek aa rəc kəc kək cī gam nhïim, rin ye kek ye lueel lən jōn bī kəc röt jət thou yic aci rot looi theer.

¹⁹ Ku yiny ril Nhialic cīt kuur cie nyoon cī thany kōu wël kə, “Nhialic anic kəc kek kacke,” Ku, “Na le raan ye lueel ke raan ē Jethu ka dhil luəi kərəc puəl.”

²⁰ Pandīt lääu yic ē yic la aduuk ku tōny, cī kək looi miləŋ təc ku kək miləŋ thith, ku kək aaci cuēec ē tiəp. Aduuk kək ku tōny kək aaye bēi bei ē tōu yic, bī kəc ke luui nīn ciem ke yai, ku aduuk kək ē kuəət ku tōny kək tiəp aaye kəc luui ē path akölaköl.

²¹ Kēya, tē le raan guəp wic bī kərəc cī ye looi, ka bī thōŋ kek aduuk ye kəc ke luui aköl yai, rin cī yen yepuəu tääu luəi ē Bēny yic, ku rēer ke cī rot guiir bī kuat luəi path ya looi.

²² Duökkē wepuəth ye yiək kək ē bal ku kək kək cimēn riēnythii, wël kē tuenŋ ē gam ku luəi la cök, ku nhiər ku döör wedhie wek kəc yer puəth bək Jethu aa cəl ē kuəony.

²³ Ku calkē röt amec tē ye kəc röt tēer thïn wël cīn wēt den yic ku wël kəc kuc kəŋ, rin anjēckē lən ye teer təŋ bēi.

²⁴ Aluaŋ Bēny acī lëu ku bī thōr. Yeen adhil a raan path tēnē kəc ēbēn, raan piöc path lir puəu,

²⁵ raan cie kəc aterde ye thaŋ gup tē cök yen kenhïim piny, tēdē aabī Nhialic lëu bik kenhïim waar luəi kərəc yiic ku ŋickē yic.

²⁶ Ku dhəŋkē dəp cī jəŋrac ke deep, ku looi ke bik kək kə aa looi.

3

Kərəc bī röt looi nīn ciēn yiic

¹ Muk ē kēnē nhom! Tē le tēn bī Jethu dhuk pinynhom thiək, ka bī yic riəl tēnē ɣo Krīthiaan buk pīr tēcīt tē wïc Nhialic ye thïn.

² Rin kəc ēbēn aabī röt aa nhiaar ē röt. Ku aabī wēu nhiaar apei. Ku aabī kenhïim aa ləc, aabī nhiam, aabī kəc aa läät. Ku aaci wēt bī kəc ke dhiēth ke aa wēt ya gam. Aaci puəth bī ya miət kəpuəth ye luəi ke. Ku aaci Nhialic bī ya theek.

³ Acīn raan yekē nhiaar. Acīn kē bik aa päl piny. Aabī ya luum. Ku aabī ya kəc cie röt ye duut kuat luəi kərəc. Ku aabī rēec apeidīt, ku aabī kēpath ye looi aa maan.

⁴ Keek aabī kəc ya luəm. Aabī ya kəc kuith. Ku aabī nhiam ciēt kek path ē röt.

Keek aabi kâk miæt ë puou aa nhiaar tënë lön nhiær kek Nhialic.

⁵ Kockä aabi röt ya nyuöth ciæt yekë kâc Nhialic. Ku kënë yic aa kuc riæl Nhialic lëu ye bi piærden waar yic. Cäl rot amec tënë ë kockä.

⁶ Kâc kâk keyiic aala bëi yiic ciæt ke ye kâc path, ku kë tö kepuöth ë lön bik diäär ye lac wel nhüim lëu, bik kë wickë ya looi. Diäär aa adumuööm looi arak juéc, ku döör aliu kepuöth. Aa kâk wic piäthken kek aa yekë ke looi.

⁷ Diäär ye them akölaköl bik piöc ku acikkë lëu bik yic ñic.

⁸ Cimën Janeth ku Jambrith aake cie wët Mothith ye gam, ku kockä aake cie yic ye gam, keek aa kâc ci nhüim kâc ku aaci Nhialic jai rin liu kek ë gam yic.

⁹ Ku kë loikë aci bi la tuenj apei, rin raan ëbën abi ke tinj tã kuc kek kâñ thïn, cit mën ci yen rot looi tënë Janeth ku Jambrith.

Lëk ciëen tënë Timothî

¹⁰ Yin anjic kâk ca piöc ëbën tënë yi. Ku tã ci yen piir thïn. Ku kën yen wiéc ku ba looi ë piærdië yic. Aca deet yen yi, yen tã ye yen raan ci gam thïn. Ku lön ci yen ye raan tuc guöp. Ku yen anhiar kâc, ku lön ye yen kâñ guum.

¹¹ Yen aci luc arak juéc. Ku yen aci gum apei. Yin anjic kâjuéc ci röt looi tënë ya Antiök Ikonía, ku Lithtra. Luny ci ya luc apei aca guum. Ku Bëny aci ya kuöny bei kecin ëbën.

¹² Kâc wic ye ku bik piir dhël Nhialic akuöt tök yic kek Jethu Kritho, aabi dhïæl gum.

¹³ Ku kâc luui kâc ku yekë röt nyuöth ciæt keye kâc path aabi la tuenj ke loi kâc apei, ku aa kâc tuöör nyin ku tuur ke nyin aya.

¹⁴ Ku tënë yi, lör tuenj ke yi loi yic yen ci piöc tënë yi, ku aca gam piändu ëbën, rin yin anjic kâc kek ke piöc yi.

¹⁵ Ku tãwäär ye yin meth, yin anjic wël ci göt athör Nhialic yic, lëu ku bik yin cäl aye raan ñic kâñ apath. Ku ñiny kâñ yen abi cäl aluäk dhël gam Jethu Kritho.

¹⁶ Athör wël Nhialic ëbën aa wël ye Nhialic lëk kâc kâkke tinj bik ke göt, ku ë kâc

kony bi kâc piöc ë yic, ee jai awuöc. Ku ee kâc ye looi cök piny, ku ee kâc nyuöth dhël la cök.

¹⁷ Rin bi raan ë luui tënë Nhialic, ye lëu apei ku guir rot bi kuat luoi path ëbën ya looi.

4

¹ Yin adhiæl lëk Nhialic nhom ku Jethu Kritho yen bi lunj kâc ëbën luk aköldä, kâc piir ku kâc ci thou rin bi yen bën kek bäänyde.

² Piöc kâc Wët Puöth Yam, ku dæet ë kenhüim apath bik pinj tãdë ke cik pinj. Ku cök kenhüim ku lëk ke bik kepuöth dæet ke piöc ke, ke yi ci rot päl piny.

³ Ala aköl bi bën aköl ci kâc bi bën pinj ë yic, ku aabi kâkken nhiarkë aa buöth cök. Ku keek aabi kâc piöc juéc aa mat nhüim, bik ke aa lëk kâc kek nhiarkë bik ke aa pinj.

⁴ Keek aabi kuc bik wët ë yic ci ye pinj, ku aa anyikööl kek yekë nhiaar.

⁵ Ku ye rot duut këriëc yic ëbën ku ye kâc guum, loi kë ye raan Wët Puöth Yam ë Nhialic piöc, ku ye luaidu looi ëbën ke yi aluanj Nhialic.

⁶ Wëikië aci ajuër ci juër Nhialic. Aci looi bi ke ye luöi. Ku ëmën, aköl bi yen thou aci yëet.

⁷ Yen aci luaidië looi apath, yen aci luaidië looi ëbën, cimën raan këc cie dhuk ciëen tãñ yic, yen aci luoi ci Jethu yiëk yen thääp cimën raan ci kâc wuör, yen aci rëer alanden ke ya ye raan ci gam.

⁸ Ëmën, ariöp bi yiëk yen ke ya ye raan ye Nhialic piærdië tinj ke la cök, ariöp yen ye Jethu, yen Bëny kâc tãk yith, abi yiëk yen aköl lundit, ku acie yen yatök, abi yiëk kâc tit ye aya ke nhiaar aköl bi yen bën bën.

Athön Paulo

⁹ Them apei ëmën ku ba bën tënë ya.

¹⁰ Demath aci piir pinynhom nhiaar, ke yeen aci kat tënë ya, yeen aci la Thethalonika. Krithkinth aci la Galatia ku Tito aci la Dalmatia.

¹¹ Ee Luka yetök yen arëer kek yen. Cäl Marko ku bakkë tënë ya, rin yeen alëu ku bi ya kony ë luoi.

¹² Tikikuth aca tuöc Epethuth.

¹³ Të bi yin, ke yi lueth alanhdiën wiir ca nyääñ Troath tēnē Karputh, bēi athör aya, athör ci looi ē biöök.

¹⁴ Raan thöth cäl Alekdhändēr aci yen luoi kērac apēi, yeen abī Nhialic luoi kē thōñ kek kē ci looi.

¹⁵ Ba rot tiit ye apath, rin aci kuec wēt yeku lueel ku ye wic bi thör.

¹⁶ Acin raan tök ci kööc kek yen aköl tuen yen yēth yen luk yic, raan ebēn ēci jāl yakōu. Acā wic ku bi Nhialic kuεen kekōth.

¹⁷ Ku Nhialic aci yen bēn kony ku yik ya riel, agut tē bi yen wēt Nhialic lēk kōc cie kōc Itharel ebēn ku bik piñ. Ku yen aci bēn poth bi yen cii tēm ē nöök.

¹⁸ Ku Nhialic abī yen kuōny bei käreεc jōñrac yiic ebēn. Ku abī yen nyaai ke ya puol guōp, bi ya yāth paande ē bäänyde yic. Yeen abī ya theek akōlriēc ebēn! Yenakan.

Muōth Ciēn

¹⁹ Prithkila ku Akuila aa ya muōth, ku jōl aa mīth Onethiporuth.

²⁰ Eratuth arēēr Korinth, ku Tropimuth aca nyääñ Miletuth rin ē tuany.

²¹ Them apēi ku ba bēn ke rut kēc yēēt. Week aaci Ebuluth, Pudenth, Linuth, ku Klaudia muōth, ku jōl aa wāmāthkuan kōk ci gam.

²² Bi Bēny Nhialic rēer ke wēikun. Dhēēñ Nhialic abī rēer ke we ebēn.

Athör cī Paulo gät Tito Wët nom

Athör kënë acī Paulo gät Tito riénythii tō Kret raan ye ye kony, yen cī Paulo nyään piny bī akut kōc cī gam lōk biōök. Athör ē jam wël kadiäk ril apēi.

Wët tuen, Tito a lēk bī tē ye kōc cī Nhialic gam luui thīn bī buōth yic, rin kōc juēc pan Kret acī path. Wēt dēt, ee wēēt Tito tē bī yen kōc juēc cī gam pan Kret ya piōōc thīn, rōördit ku diäardit, ku riénythii ku aloony aya. Ku jōl diäardit diäärkor ya piōōc. Wēt ciēen, Paulo ē Tito lēk tē bī kōc cī gam cien thīn, bīk rēer ke mēt ku dōör ke cīn agōth, ku cīn tiēel bī kōc cī gam rēer keye tōk.

Käk tō thīn

Muōth tuen 1:1-4

Luoi Tito pan Kret 1:5-16

Luoi akut kōc cī gam 2:1-15

Ciēen peth Krīthiaan 3:1-11

Muōth ciēen 3:12-15

¹ Athör Paulo aluan Nhialic ku ye atuny Jethu Krītho cī tuōc Tito. Yen ēcī kuany ku toc ya ba kōc cī Nhialic kuany bēēi gam yic bīk pīr akōlriēc ēbēn yōk, ku ŋickē yic kōc yāth tēnē Nhialic,

² yen tō ŋōth ē pīr akōlriēc thīn. Nhialic cī lueth ye lueel, acī yo thōn ē pīr kēnē wāthēer ke piny kēc cak.

³ Lōj ē pīr acī Nhialic nyooth ku tuuc yen ē rielde kek Aluānda Jethu ba bēn lēk we.

⁴ Yīn agāt athör Tito manhdiē Nhialic nom, cuk gam yodhie. Bī dōör ku dhēēj Nhialic Wāda kek Wēnde Jethu Krītho Aluānda rēer kek yī.

Luoi Tito pan Kret

⁵ Yīn aca nyiään pan Kret, ba kāk kēc rōt cōk wāär lōk cōk. Ku kuany kōcdit bīk akuut kōc cī gam wat nhīm ē gēeth pan Kret yiic ēbēn cit tē cī yen ye lēk yī thīn.

⁶ Raandit wat akut nom adhīl a raan luoi akut kōc cī gam looi apath, ku acī thiēek tiēj tōk. Ku miēthke aadhīl aa kōc cī gam ku lek gup athēek ku cīk nhīm ril.

⁷ Kēya, raan wat akut kōc cī gam nom yen ē raan luoi kāk ē Nhialic, adhīl a raan

path cī nom ril, cī puōu lac dak ku cī ye wiēt ē māau ku cīn guōp akōök, ku cī ye bath wēēu.

⁸ Adhīl aa biōkrual ku nhīer luoi kēpath, adhīl a raan ē rot duut, la cōk ē Nhialic nom ku peth.

⁹ Ee raan dhil wēt Nhialic muk piānde ēbēn cit tē cī ye piōōc thīn. Kēya, abī kōc kōk riēel puōth wēt Nhialic cie lueth yic, ku nyuth kōc kuc ē wēt kēnē lōn ye piōōcde yic.

¹⁰ Rin kōc juēc aake cī kuc, ku alanden kōc Itharel cī gam bīk bēn Jethu cōk, aa kōc bēn liāap nhīm ē lueth ye kek kōc wēj nyīn.

¹¹ Anuēen bī ke yōök bīk kōōc ē jam, rin liēep kek kōc nhīm bēēi yiic piōōcde rēer kēnē wēt wic kek wēēu ē path tēnē kōc yekē ke piōōc.

¹² Raan tōk pan Kret ē kam kōcken kāk Nhialic tīj acī yic lueel ēlā, “Kōckuan pan Kret aa lueth, aa lāāi, aa dak rōōt cie luui, aa kōōr ē miith.”

¹³ Rin wēt kēnē adhīl wek ke aa miēk nyīn thīn apēi, bīk kepuōth waar bīk wēt Nhialic gam kepuōth ēbēn.

¹⁴ Ku cīkkē ben aa luui wël kōc Itharel, wël cit anyikōōl, lōōj kōc cī kuc ē wēt yic.

¹⁵ Tēnē kōc yer puōth ēbēn aa cīn yiic ajuēc, ku tēnē kōc col puōth kāj ēbēn aa la yiic ajuēc rin aaci wel nhīm ku piāthken aaci yith kuc.

¹⁶ Ku ayekē lueel lōn ŋic kek Nhialic, ku aye kāk yekē ke looi nyooth lōn cī kek ye ŋic. Acīn kē ye kek piath thīn, aa cīn gup athēek ku acīn kēpeth yekē looi.

2

Kē la cōk dhil piōōc

¹ Yīn adhīl kōc piōōc wēt Nhialic ē yic.

² Lēk kōcdit bīk kegup aa theek ku yekē rōt tiit, ku gamkē Nhialic ē puōu ēbēn, ku nhiarkē rōt ku dhilkē gum aya.

³ Lēk diäardit aya bīk aa diäar thek Nhialic. Ku cīk wël ye dhēeth, tēdē ke yīk rōt māau. Ku yekē diäärkor nyuōth kēpath.

⁴ Ku nyuuthkē diäärkor bīk rōrken ku miēthken nhiaar.

⁵ Ku bik röt muk apath bi ciën käreç ye luæl kegup. Ku thekkë räärken gup, bi ciën raan rac dhäl wët Nhialic yic riënken.

⁶ Këya, yin adhil riënythii aa dæet puöth aya bik röt aa muk apath.

⁷ Yiin aya, adhil nyooth lön ye yin raan athëëk path ye kiëet ku njic piöoc.

⁸ Ye jam wël la cök rin bi ciën raan dhäl yiguöp, bi kəc aterdu ciën nyin yökkë bi kek yo aa jääm gup.

⁹ Piöoc aloony bik bännyken aa miëet puöth kuat käk yekë ke looi akölaköl, ku cik wëlken ye jöony,

¹⁰ ku cik ye cuëer aya. Ku bik nyooth lön ye kek kəc path akölaköl cïn kë ye ke diëu thïn, ku bik nyooth aya lön peth piöoc rin Nhialic Aluända kuat käk yekë ke looi yiic.

¹¹ Rin Nhialic aci tē puöth yen thïn nyuöth, rin ci yen bën bi raan ebën bën luök pïr.

¹² Dhëende ë yo læk buk pïr rac ku käk pinynhom puöl. Ku buöthku pïr path yic, pïr löng Nhialic pinynhom ë tën,

¹³ ke yo tit aköl ci döç yen näthda, tē bi diik Nhialic ril apei ku Jethu Kritho Aluända rot nyuöth.

¹⁴ Bännda Jethu aci rot gam bi nöç rin bi yook kony kuat käreç ye raan ke looi yiic, ku çal yo aaye kəc ci kegup wuöony wei, ku yeku kacke yetök ku yeku nhiaar diët yeku looi këpath.

¹⁵ Piöoc kakkä riëldun tō ke yi. Ku ye ke dæet puöth ku miëk kəc piöoc ke nyin thïn. Ku duk raan tök ë path päl bi yi dhöl guöp.

⁴ Nawën ci piath ku nhiër Nhialic yen yo kony rot nyuöth,

⁵ ke kony yo. Ku acie rin käpath cuk looi, ee rin yer yen puöu. Aci yo kony ë lökwëi ci yo bën dhiëeth riël Nhialic ë yic, ku bën yo çal aaye yam dhëeng Wëi Nhialic,

⁶ ci gäm yo ë path rin Jethu Kritho Aluända.

⁷ Ku bi dhëende yo cök piny Nhialic nom, ku buk pïr akölrüec ebën yeku nööth yök.

⁸ Kënë yen ë wët yic, dætkë yic apath, rin bi kəc rëer ke ci Nhialic gam, aa rëer ke loi käpath ë raan ebën kony.

⁹ Pälkë jam cïn kë ye kuöny kəc rin wärkuan diët thëer. Ku ater ku agöth rin löng, rin kakkä ebën aa cïn kë ye yök thïn.

¹⁰ Wëet raan rac kën yic tök ku rou, ku päl tē cii yen ye gam.

¹¹ Njic lön ye raan cit këne raan rac, ku aye kækken ræç ye looi guo nyuöth.

Muöth ciën

¹² Tē le Artemath ku Tikikuth yet tënë yi, ke yi löc bën tënë ya gen Nikapolith rin awiëc ba pëi rut thöl ë tēnë.

¹³ Luöoi apath ba Dhenath raan lööng ku Apolo kony kënyden yic, yiëk ke kuat kë wickë ë cäth yic.

¹⁴ Adhil kackua njëçc bik cii ye rëer ke cii lui, aa dhil aa luui käpath wic piërden, acik lëu bik pïr pïr rac.

¹⁵ Kəc rëer ke yen ebën aa we muöth. Muöth kəc nhiaar yo miëthakua le yok gam tök. Dhëeng Nhialic abi rëer kek we ebën.

3

Ciëng peth Krithiaan

¹ Læk kəc bik njic lön ë luoiden bik bänny baai ku lööng mæç baai theek ku loikë käpath.

² Læk ke bik kəc kök cii ye lom ku yekë kəc ë kəc döör, ku mëëthkë kamken ku yekë röt nyuöth akölaköl lön ye kek kəc path tënë raan ebën.

³ Yook thëer yok aa yo ye luui käreç, acin këne njicu, yok aa yo cïn gup athëëk, ku yeku aloony käreç ye piäthkua wic ebën. Yok aa yo la gup kuith ku tiëel ye ke yo maan kəc kök ku manku ke aya.

Athör cī Paulo gät Pilemon Wēt nhom

Pilemon aye raan ë lɔc kam kɔc cī gam gen Kolothia, ku ë ye raan akut kɔc cī gam, ku ë la alony cɔl Onethimuth. Alony kënë ëcī kat tənë ye. Nawën ke la röm kek Paulo yön ë mëc ku wel Paulo nhom bī ya raan cī gam. Athör Paulo cī gät Pilemon ë tuc ye rin bī Pilemon döör kek aluonyde Onethimuth, ku lor ke cie wēt ye yen alony cī dhuk tənë ye, ku ë wēt cī Onethimuth ya wämënh cī gam aya.

Käk tō thīn

Muōth tuen 1-3

Alɛɛc tənë Pilemon 4-7

Bī Pilemon kē cī Onethimuth wuōc päl piny 8-22

Muōth ciëen 23-25

¹ Paulo raan cī mac ë wēt Jethu raan cī lɔc ku dɔc, yen agät athör tənë wämääth ë gam yic Timothī ku mätthda Pilemon raan luui yok,

² ku nyanakäida Apia ku mäthdan dët lui apēi cimënda cɔl Arkiputh ku tənë kɔc cī gam ë röm paandu.

³ Bī döör ku dhëen Nhialic ku Bëny Jethu raan cī lɔc ku dɔc, aa rëer kek we.

Alɛɛc tənë Pilemon

⁴ Wämääth cī gam Pilemon, na rōök akölaköl ke yīn aya tak rōökdië yic ku lɛɛc Nhialic rienku.

⁵ Rin yen ë nhiërdun nhiëer yīn kɔc ë Nhialic, ku gamdu tənë Bëny Jethu, piñ.

⁶ Rōökkië ë lɔn bī piath bëi kamkua buk athiëi cuk yök piërda yic tənë Raan cī lɔc ku dɔc aa deet yic.

⁷ Nhiërdu acä cɔl amit puōu apēi ku deet yapuōu rin cī yīn kɔc cī Nhialic gam nyuōth apath.

Paulo awic Onethimuth bī kony

⁸ Këya, rin wēt kënë, alëu ba yī yōök ke ya cit wämuuth rin Raan cī lɔc ku dɔc, kē wiëc ba looi,

⁹ ku rin nhiër nhiaar yen yī yen abī yen yī thiëc. Kënë aya looi rin ë yen Paulo tit nyin Jethu raan cī lɔc ku dɔc yic, cī mac ëmën wētde.

¹⁰ Yīn alän rin Onethimuth cī jäl a man-hdië rin Raan cī lɔc ku dɔc, rin cī yen bën ya wun wëike wäär mëc ya.

¹¹ Wäär tuen acin kën ye kony tənë yī, ku ëmën ala kē lëu bī kony tənë yo yodhie, yīn ku yen.

¹² Yeen atuōc ciëen tənë yī, cɔk alɔn cī piändië ye wic.

¹³ Ee nhiaar bī lök rëer ke yen tëthin-nyōt, bī yen kony nyiendu mënë lök mëc yen rin piōc ë wēt Nhialic.

¹⁴ Acä wic ba yī nāk kuōnydië, awiëc ba këdu tak ë rot. Acin kē luōi ke këc ë gam.

¹⁵ Tëdë, wēt jiël Onethimuth tənë yī ë rin bī yen bën dhuk bāk la rëer ke we cī ben puök rin cī gamdun a tök.

¹⁶ Yeen adhuk tənë yī rin ë yen aluonydu, ku njic lɔn ye yen wämuuth aya rin cī yen gam. Yeen anhiaar apēi ku aba nhiaar apēidit aya ke cit aluonydu, ku ye wämuuth rin Bänya.

¹⁷ Na luuiku ë tök, ke yī lor Onethimuth cit lɔn bī yīn ya lor.

¹⁸ Na le këɛɛc cī luōi yī, tädë ke këny ë wëeu, ku wic ke ke nyaai ke kākkië yiic.

¹⁹ Ee yen Paulo yen agät kënë ë ciëendië. Yīn aba cuōt. Ku duk nhom mär yīn acī pir akölrüëc ëbën yök ë rienkië.

²⁰ Ke yīn manh ma, loi kënë apath rin Bänya. Ku ë wēt ca lim tənë yī ke yo cit mīth ë tik rin Raan cī lɔc ku dɔc, dæet yapuōu.

²¹ Anjic lɔn bī yīn kē ca thiëc tənë yī looi ku käjuëc kök.

²² Ku dët aya, guir tën anīn tənë ya, tek ke Nhialic abī rōökkun piñ ku abä cɔl adhuk tənë we.

Muōth ciëen

²³ Epaprath raan cī mac kek yen rin wēt Jethu raan cī lɔc ku dɔc, ee we muōth.

²⁴ Ku kɔc lui kek ya, Marko ku Arithtarkuth ku Demath ku Luka, aa week muōth aya.

²⁵ Bī dhëen Bänya Jethu raan cī lɔc ku dɔc rëer ke we ëbën.

Athör cī gät kəc Itharel cī gam

Wēt nhom

Athör cī gät kəc Itharel, ee gēt tənē akut kəc cī gam wäär duēr gamden wai wei, ku dhukkē gamden thēer yic, rin cīi kəc juēc kē loikē nhar ku yekē ke kuōc ciēēŋ. Ku keek aake ye raan gät athöör ke dēet puōth ē gamden yic. Ku nyuth ke lən Jethu Kritho yen ē yic la cök, ku ē yen aci Nhialic rot nyuōth thīn. Wäär gēt yen athöör ē wic bī yith kadiäk dēet kepuōth apēi. (1) Jethu yen ē Wēn Nhialic akölriēēc ēbēn, ku yeen aci bēn gum bī tē yen Wun Nhialic thēek thīn ŋic. Rin ye yen Wēn Nhialic, Jethu adit tənē kəc kək Nhialic tīŋ cī gēt athör thēer wēl Nhialic yic. Ku adit tənē atuuc nhial ku tənē Mothith aya. (2) Jethu aci Nhialic nyuōth bī ya yen raandit kək Nhialic akölriēēc ēbēn, ku diit tənē kəc kək Nhialic tō athör thēer wēl Nhialic yic. (3) Ku Jethu yen ē raandit kək Nhialic. Ku ē yen pīr ē yic bēēi tənē ŋo. Ku läai wäär ye kəc Itharel ke nök, ku tēwäär ye kek yannden duōr thīn duēl yic, aa ye kiit yen aye kek pīr bī Jethu bēēi aköldä kiēt.

Ku cökdit 11 yic, raan gēt athöör ē kajuēc rin gam kəc thēer cī gēt athör thēer wēl Nhialic yic lək kəc bā athöör kueen, bik kepuōth dēet gamden yic. Ku cökdit 12 aaye lək bik la tuēŋ ke gam yet tē thou raan ku cik kekōth wēl Jethu. Ku gumkē kuat käreç lui röt ke, ku nääk bī bēn tənē ke aya.

Wēl juēc tō athör thēer wēl Nhialic yic, aaye raan ē gät athör kēnē tənē kəc Itharel cī gam, lac mat thīn. Kek wēlkä aabī raan kuen athöör ya yök ciel kit ŋāny ku kit ē thišk yiic (“ ”) Athöör ē thök ē wēet ku lək.

Käk tō thīn

Wēt Nhialic aci Wēnde lək kəc 1:1-3

Jethu adit ku aril tənē atuuc nhial 1:4-14

Buōthku Jethu bī ŋo luök la pan mac 2:1-4

Jethu aci bēn bī ŋo luök 2:5-18

Jethu adit apēi tənē Mothith 3:1-6

Gamku wēt Jethu buk rēer ē duk 3:7-4:13

Jethu yen ē Raandan dit apēi kək Nhialic 4:14-6:12

Athön Nhialic ē yic 6:13-20

Melkidhedek 7:1-14

Raan dēt kək Nhialic cit Melkidhedek 7:15-28

Jethu yen ē Raandan dit kək Nhialic 8:1-15

Tē ye Nhialic duōr thīn wāthēer 9:1-10:18

Bäk lok tēthiäk ke Nhialic 10:19-39

Gam 11:1-12:29

Tē ye Nhialic miēt puōu thīn 13:1-16

Thek kockun dit wēl Nhialic 13:17-19

Röök ciēēn 13:20-21

Wēl ciēēn 13:22-25

Wēt Nhialic aci Wēnde lək kəc

¹ Wāthēer Nhialic aci jam tənē kəc kəkke tīŋ bik wētde lək wärkuan dit arak juēc dhöl juēc.

² Ku emēn, ee Wēnde yen ē kəkä lək kəc. Yen aci Nhialic thōn kəriēēc ēbēn pinynhom, ku ē riel Wēnde yen ē looi yen kəriēēc ēbēn tō thīn.

³ Wēn Nhialic yen ē dhēēŋde nyuōth. Ku yen aye Nhialic tic yeguōp ayic. Ee riel wēt yen ē kək tō nhial ku piny cəlalui cit tē cī yen ke cak thīn. Ee yen aci thou ba adumuōmkua laak wei ŋogup, ku ler ku nyuuc Bāānyde yic nhial cuēny Wun Madhəl.

Jethu adit ku aril tənē atuuc nhial

⁴ Kēya, Jethu adit ku aril apēi tənē atuuc nhial, cimēn rin cī Nhialic gam ye bī ye a cəl ke, “Wēn Nhialic,” ye nyuōth. Rinkä awār rin atuuc.

⁵ Rin acin atuny cī Nhialic kaŋ lək yeen elä,

“Yin ee Wēndiē, akölē, ŋen aci ya Wuur.”

Ku acin atuny cī Nhialic kaŋ lək yeen aya elä,

“Ųen abi ya Wuur, ku yin abi ya wēndiē.”

⁶ Ku wäär tuuc Nhialic Wēnden bī thōn kəkke pinynhom aci lueel aya elä,

“Yen adhil atuuc nhial door.”

⁷ Ku kē cī Nhialic lueel rin atuuc nhial akīn,

“Acā atuuc nhial cak ke puəl gup cimēn yom.

Ku cimēn bir deŋ bik yeen lac aa luōōi.”

⁸ Ku lueel Nhialic tənē Jethu elä,

“Bāānydu abi cien akölriēēc ēbēn, ku yin abi ŋiç mac apath.

⁹Yin ee kəc luui kápath nhiaar, ku yin ee kəc luui käreç lac tēm awuöc. Ku ee yen kē cī Nhialic, yen Nhialicdu, yi tāau tuen kəc nhiim rin cī yen yīn ləc ku gēm yīn miət pušu ebēn.”

¹⁰Ku wēl thēer Nhialic cī gät aa jam elä rin ē Jethu,

“Bēny wäär tuen çək kəŋ yin aci piny cak, ku nhial aya ee yin aci yeen cak.

¹¹Käkkä ebēn aabi liu aköldä, ku yin abi tō thīn athēer.

Aabi dhiop ku riēkkē cīmēn alath.

¹²Aaba ya mat yiic cīmēn alanh cī riäak ku cuet wei.

Ku war keek aya cīmēn alēth.

Ku yin guöp, yin aci rot bi kəŋ waar, ku yin aci bi dhiop.”

¹³Acin atuny cī Nhialic kəŋ lək yeen elä, “Nyuc kōŋdiēn cuēc ku yen abi kəc atērdū guiir ku dhuök keek ciēen yiçök.”

¹⁴Na ye këya, ya atuuc nhial kəŋö? Atuuc aa jak Nhialic luösi ē path. Aaye tooc bik kəc bi pīr akölrīēc ebēn yök, aa kony.

2

Buəthku Jethu bi ʒo luök la pan mac

¹Këya, ʒok aadhil ʒopuəth tāau piny apei ku piŋku wēt Jethu apath, buk cī mēr wei dhēl la pan Nhialic yic.

²Wēt Nhialic wäär cī yen atuöçke tooc bik löŋ lək Mothith, rin bi Mothith ye lək wärkuan dīt. Kəc cī bēn kuēc bik wēt kēnē cī piŋ aaci bēn tēm awuöc.

³Këya, yenö bi ʒo gēl bi ʒo cī tēm awuöc aya, tē cī ʒok wēt bi ʒo kony ye Jethu lək kəc rin pīr akölrīēc ebēn ye piŋ? Ee Jethu yen ē kəŋ wēt pīr lueel. Ku yen aci kəc cī ye piŋ lək ʒo lən ye yen yic.

⁴Ku aye Nhialic nyuəth akölaköl lən ye käckä yiθ ē käckith jəŋ göi röt looi yiic. Ku miç juēc riel ye Wēi Nhialic yiək kəc cī käckä gam tēcīt tē wic yen ye thīn.

Jethu aci bēn bi ʒo bēn luök

⁵Nhialic aci atuuc nhial bi looi bi ya kek la riel piny yen wic bi bēn guiir, piny yen jiēem ʒok emēn.

⁶Aacie ke, rin aci Debit lueel tēnē Nhialic elä thēer athör waak yiic,

“Raan yenö, ku manh raan yenö, ye yin yinhom yiək ye apei kēlä?

⁷Wäär aca çəl atəu nhom ciēen kaam thinyöot tēnē atuuc nhial,

ku aŋot ca bēn yiək bääny ku tāau kēriēc ebēn yecök.

⁸Ku wēn cī yin kēriēc ebēn tāau yecök.”

Acin kēnē cī nyääŋ wei. Ku emēn acuk tiŋ lən tō kēriēc ebēn yecök.

⁹Ku ʒok aa Jethu wäär ca tōsu nhom ciēen tēnē atuuc nhial tiŋ emēn ke ye yen cī yiək bääny. ʒok aa Jethu tiŋ ke cī ya bēny rin cī yen thou, bi raan ebēn luök ē piath Nhialic.

¹⁰Ku ē yic bi Nhialic yen cī kēriēc ebēn cak, ku çəl ke aa ciēŋ cīt tē cī yen ke cak thīn, Jethu çəl agum, rin wic yen ye bi kəc juēc kony ku ʒēth ke bäänyde yic pan Nhialic.

¹¹Raan kəc çəl ala çök, ku kəc ye looi bik la çök aala Wunden. Ku yen aci Jethu guöp ye yār bi ke aa çөл wämāthakēn.

¹²Acī lueel tēnē Nhialic elä, “ʒen abi wämāthkiē lək kē ca looi, yin aba leec amatden yic.”

¹³Ku lueel aya,

“ʒen abi Nhialic ŋöəth.”

Ku ben lueel tēnē Nhialic,

“ʒen akīn, ʒok miθ ca gām ʒen.”

¹⁴Jethu aci ya raan cīmēnda. Rin na le thou, ke gök jəŋrac la riel ē thou.

¹⁵Ku Jethu aci bēn aya, bi kəc ke cīt aloony piērden yic akölaköl bēn wēer bei rin riöç kek ē thou.

¹⁶Këya, adhilkū tāau ʒonhiim lən Jethu akēc bēn bā atuuc nhial bēn kony. Acī bēn bi ʒo bēn luök, ʒok kəc cī gam cīmēn Abaram.

¹⁷Ku rin ē wēt kēnē yen aci yen ciēt ʒo, ʒok wämāthakēn. Rin bi yen a Raan kək Nhialic ʒer pušu luoi kək Nhialic yiic. Ku rin bi ye juaar tēnē Nhialic ba adumuööm päl piny.

¹⁸Aŋicku lən bi yen ʒo kony tē thööç jəŋrac ʒo awuöc yic, rin yeen aya, ēci jəŋrac them ku guum apei.

3

Jethu adit apei tēnē Mothith

1 Wek miēthakāi cī gam, wek kōc cī Nhialic cōal aya cīmēndiē, awiēc bāk Jethu raan cī Nhialic tuōc pinynhom ke ye Raandan dīt apēi kāk Nhialic, bī yo bēn piōc kəpuōth wīc Nhialic ke buk ke gam, tak apath.

2 Jethu ēcī wēt Nhialic yen tooc ye gam, ku looi piānde ēbēn cīmēn wāār cī Mothith wēt Nhialic gam, ku looi wāār cī Nhialic ye tāāu kōcken Itharel nhīim.

3 Raan mac cak nom aye leec apēi tēnē kōc ē manyē. Ku kēya, Jethu aye leec apēi tēnē Mothith.

4 Mac ayī dhiēth ala raan ye cak nom. Ku Nhialic yen ē cak kāriēc ēbēn.

5 Anjicku ēbēn lōn cī Mothith wēt Nhialic gam ku looi apath wāār ye yen alony Nhialic, wāār cī Nhialic ye tāāu kōc Itharel nhīim. Ku lēk ke kāk bī rōt looi akōldā.

6 Ku Raan cī lōc ku dāc acī wēt Nhialic gam ku mac manyde apath rin ye yen Wēnde. Ku yook kōc cī gam yok aa many Nhialic. Yok aa manyde tē le yok tuēy yo deet yopuōth, ku nhiēmku nōthdan bī yo luōk akōldā.

Gamku wēt Jethu buk rēer ē duk

7-8 Kēya, Wēi Nhialic ē yook yōk,

“Tāāukē wenhīim piny ku piēnkē wētde ya akōl.

Ku duōkkē wēpuōth wel wei tēnē yēn, cīmēn wāār cī kōc Itharel kepuōth wel wei tēnē Nhialic wāār them yen keek ror liēet, wāār jiēl kek pan Ijip.

9 Keek, aake cī kāk jāy gōi cī Nhialic looi rin bī yen ke kony tīy, ku nōt ke cīi wēt Nhialic gam tēn ruōōn thiārnuan, bīk ciēt kōc ke them Nhialic, ku bīk tē lir yen puōu thīn tīy.

10-11 Nawēn ke riāāk puōu tēnē keek ku kuēēy ku lueel, ‘Kōckā aaci wētdiē ben piy, ku aacā bī puōl bīk tē ca guiēr ke bī kek la rēer thīn ē duk, dōōt.’ ”

12 Miēthakāi, tiētkē rōt bī ciēn raan tak kērac kamkun bī wēt dhōl yic, ku wel yepuōu wei tēnē Nhialic yen tōu kēriēc ēbēn yēcin.

13 Yakē rōt wēēt ē kamkun, ku dēetkē wēpuōth akōlakōl, tē nōt ye wek ye lēu bāk wēpuōth dhuōk ciēn, cīmēn wēt ye Nhialic lēk we bāk looi yakōl, “Pālkē luoi adumuōōm, bī ciēn raan kuēeth jōyrac wei, ku dhēl wēt Jethu yic.”

14 Rin na mukku gamda apēi akōlriēc ēbēn, ku nōthku Nhialic cīmēn wāār gem yok ye buk Jethu buōōth, ke yok aa tōk kek Jethu.

15 Yok aabi dhēl Jethu buōōth yic tē gam yok kē yeku kuen cī gōt athōr thēer wēl Nhialic yic, ye lueel buk cīi kuc, ku buk cīi cīt kōc Itharel wāār cī kēn ē ye Nhialic lēk ke ror liēet dhōl yic.

16 Nīc kōc ke cī wēt Nhialic piy ku dhālkē yic? Alēu ba nīc lōn kōckā aa wārkuan dīt, kōc Itharel wāār wēt Mothith kēnhīim wei lēey yic pan Ijip.

17 Ku keek kōckā, cī Nhialic rac puōu tēnē ruōōn thiārnuan, aye kērac yen aa cīk looi. Kōckā aaci bēn thou ku dōy guāpken ror liēet.

18 Ku kē cī kek nhīim riēl bīk wēt Nhialic cīi piy, yen acī Nhialic puōu bēn riāāk ku kueec, ku kuēēy bī kōckā tē cī guiēr bī kek la lōy thīn cīi dōt.

19 Kēya, ayeku tīy lōn aa kēc Nhialic bēn puōl bīk ē tēn dōōt, rin kēc kek wētde gam.

4

1 Adhiēlkē muk wenhīim lōn tēpuōth wāār cī Nhialic thōn yo bī yok la lōy thīn ke ye, anōt tiit yen yo thīn. Kēya acīn raan kuc bī lōy wāār cī thōn yo cīi yōk.

2 Rin yok aaci Wēt Puōth Yam piy cīmēnden. Ku keek aaci wēt piy ku akēc ke kony, rin wāār piy kek ye aa kēckē gam.

3 Ku yok kōc cī gam, yok aa lōy cī Nhialic thōn yōk, rin yok aaci cīt wārkuan dīt wāār cī wēt cī Nhialic thōn keek piy ku cīk gam, go lueel ēlā, “Kēya, yēn acī puōu riāāk ku kuēēy, ‘Lōn kōckā aaci bī la tē bī kek la lōy thīn.’ ” Ku lōy ye Nhialic lueel ē tō thīn thēer wāār cī yen piny cak.

4 Rin ayeku yōk aya athōr thēer wēl Nhialic yic lōn cī Nhialic lōy luōide yic akōl ye nīn dhorou, tēwāār cī yen nhial ku piny cak ku kāk tō nhial ēbēn thōl.

5-6 Cīt lōn cī Nhialic ye lueel, “Kōckä aacīi bī la tēn lōṅ.” Ku kōc ke cī wēt kēnē kaṅ piṅ aa kēc bēn la tēn lōṅ rin cī kek wēt Nhialic dhāl yic.

7 Ku Nhialic ē cā akōl dēt looi. Ku ē yen akōlē yen cī yen jam tēnē Debit wāthēer, cīt tē cī ye gāt thīn athör thēer wēl Nhialic, “Na piēṅkē Nhialic rōl ke cōt akōlē, ke duōkkē kuc cīmēn kōc thēer.”

8 Kēya, duōkkē tak lōn cī wārkuān dīt, pan wāār cī Nhialic lueel bī kek la lōṅ thīn dōōt wāār yeet kek pan kanaan, kek bānyden Jocua wāār cī bēn a bēny Mothith cōk. Duōkkē tak, rin na ke cī pan cī Nhialic luōi ke dōōt, ṅuōt akēc Nhialic bēn lueel lōn le yen akōl dēt bī kōc cī wētde gam, bī kek la lōṅ thīn ke ye, bēn.

9 Ee yic! Aṅicku lōn ṅot bī yen la lōṅ tēnē kōc wēt Nhialic gam, cīmēn wāār cī Nhialic lōṅ nīn kadātem cōk wāār cēk yen pinynhom.

10 Rin raan cī lōṅ cī Nhialic thōn yōk, abī lōṅ luōide yic, cīmēn wāār cī Nhialic lōṅ luōide yic.

11 Kēya, luuiku apath buk lōṅ kēnē yōk, rin bī ciēn raan tōk kamkua mār, cīmēn wāār cī wārkuān dīt kuc bīk wēt cīi gam.

12 Wēt Nhialic arēer thīn ku alui piērda yic akōlakōl. Wētde aril apēi, ee lōōny kōc puōth bī kāpath ku kārēc tō yopuōth tek thook. Acīt tōṅ moth dhie riṅ teem bī yom la tek thook.

13 Acīn kē lēu bī thiaan tēnē Nhialic. Aṅic kē cī cak ku adaai kēriēec ēbēn. Acīn kē lēu raan bī thiaan tēnē ye. Ku ē yen aye bēn lēk kārēc.

Jethu yen ē raandīt apēi kāk Nhialic

14 Jethu Wēn Nhialic, yen ē raandīt apēi kāk Nhialic rēer kek Nhialic. Na ye kēya, ke yo muk gamda apath.

15 Raandan dīt apēi kāk Nhialic acie yepuōu ē pēn yo cōk alōn ye yōk luui kārēc. Rin yeen ēcī jōṅrac them aya ē dhāl juēc yiic cīmēnda. Ku acīn awuōc cī looi.

16 Lokku tēnē Nhialic cī nyuc thōnyden dhēēṅ nhom ke yo cīi riōc. Tēēn, yōk aabī lier puōu yōk, ku yōkku dhēṅ bī yo kony tē wīc yōk kuōony.

5

1 Raandīt kāk Nhialic thēer ē ye kacke kuany bī ya jam tēnē Nhialic rin kōc ēbēn. Ku nēk kāṅ bī yen ke Nhialic door rin bī Nhialic kākken rēc yekē looi pāl piṅy.

2 Ku yeen aya, ee ye luui kārēc akōlakōl rin ye yen raan. Ku kēya, alēu bī kōc cī mār, ku kōc cīn kē ṅickē ṅuāān.

3 Ku rin cīi bēny ye riēl apēi wēt Nhialic yic, ee kāṅ nōk bī yen ke Nhialic door rin kārēc ye kacke looi, ku rin kārāacke aya.

4 Acīn raandīt kāk Nhialic rot kuany ē rot. Ee Nhialic ē rot yen ē raanden cī tak lōc cīmēn wāār lōc yen Aron.

5 Kēya, Bānyda raan cī lōc ku dōc ēcīi bāāny ye yen raandīt kāk Nhialic rum. Ee Nhialic yen ē lōc ye wāār lueel yen ye ēlā, “Yīn ē Wēndiē, Ya akōlē, yeṅ acī ya Wuur.”

6 Ku acī gōt athör thēer wēl Nhialic yic lōn cī Nhialic ye lueel aya akōldēt ēlā, “Yīn acī lōc ba ya raan kāk Nhialic akōlriēec cīmēn Melkidhedek.”

7 Wāār ciēṅ Jethu pinynhom, ēcī rōōk apēi tēnē Nhialic, ku cōl Nhialic ke dhiau, Nhialic lēu ye bī kony thou yic. Ku yen acī Nhialic bēn kony rin yen Jethu yōk ke loi kēden wīc.

8 Na cōk alōn ye Jethu Wēn Nhialic, ke yeen acī dhiēl bēn gum bī kē wīc Nhialic yen bī looi dhiēl ṅic bī wēt.

9 Ku wēn cī yen jāl a raan la cōk, cī luōide lēu, acī bēn aa raan ye pīr akōlriēec ēbēn yōk thīn ē kōc wētde piṅ ku loikē.

10 Ku ē yen kē cī Nhialic ye bēn nyuōth kōc ēbēn, lōn ye Jethu Raandīt apēi ē kāk Nhialic akōlriēec ēbēn cīmēn Melkidhedek.

11 Ala wēl kōk ril kek ba lēk we ē wēlkā cōk, ku aril yic ba ke teet yiic rin wek aacīt kōc la yīth adōk, cīi kāṅ ye piṅ.

12 Na we cī wēpuōth pāl piṅy, ṅuōt wek aa kōc kōk piōōc wēt Nhialic ēmēn, rin tēn gam wek ye bāk aa kōc cī gam acī mēc. Ku wek aacī dhuk ciēēn, arēk nadē ke wek aa wīc kōc ben we piōōc wēl tuēṅ Nhialic wāār cāk kaṅ ṅic. Wek aacīt mīth kor ṅot ke dhil muk ē ca, kēc guō dīt bīk mīth mīth ril kōth.

13 Ku raan ṅot cīt manh koor muk ē ca, aye nyooth lōn kēc yen wēt Nhialic deet apath. Aṅot cīt manh kuc kēpath ku kērac.

¹⁴ Miëth ril kəu ee kən kəc cī dīt, kəc cī röt piöc bik kəpath ku käreç ɲic.

6

¹ Lokku tuen buk we piöc wël bi we cəl aɲic kəjuëc. Acä wïc ba we piöc kək wäär wiëckë bək ke ɲic bək aa kəc cī gam. Acä wïc ba ben lək we bək wepuəth dhuək ciëen rin adumuömkun ku bək Nhialic gam. Käkka aa ɲieckë ke thær.

² Piöc rin lökwëi, ku piöc bi cin täau kəc nhïim bi Wëi Nhialic lööny kəc gup. Ku jəl a piöc bi Jethu kacken cī thou ben jət bei thou yic aköl le yen dhuk pinynhom, bi luk ben looi kam kəc cī wëtde gam, ku kəc cī jai wëtde. Piöc cīt kënë acie yen path bi ya dhuək yic tənë we akölaköl. Kek aa kək ye ke piöc jək.

³ Apath buk la tuen buk kəjuëc kək ɲic rin Jethu. Ku ë yen kə buk looi tē pəl Nhialic ye.

⁴ Rin acii rot lëu bi kəc cī jəl gamden yic cəl aa ben kepuəth dhuək ciëen. Keek aake cī yic kaɲ ɲic, ku ɲickë pīr yam cik yök tənë Raan cī ləc ku dəc, ku Wëi Nhialic.

⁵ Ee cik ɲic lən puəth wët Nhialic, ku tɲjkë kək jəɲ göi.

⁶ Ku kək loikë ke ëmën, aa ben kek Wën Nhialic piäat tim cī riüu kəu, ku rækë guöp kəc nhïim ëbën.

⁷⁻⁸ Raan cī wët Nhialic gam piände ëbën athöɲ ke dom dhie la tiöam path, ee piü yiöi na tueny deɲ ku pur ke lok apath. Raan cīt kënë aye Nhialic puəu mist tənë ye, ku kony bi pīr akölrüëc ëbën yök. Ku dom ye puur ku la kuəth cil thïn, acit raan ye lək wët Nhialic ku cii piɲ. Raan cīt kënë aye Nhialic tēm awuöcdit bi yen rëer pan mac akölrüëc.

⁹ Na cək alən cī yen we gāt athör kënë wek mäthkië, ka ɲieç wek aa ɲot we la tuen apath. Wek aa ɲot we kuany dhël pīr akölrüëc ëbën yic.

¹⁰ Nhialic acie mītil nadë ke mär nhom kəpuəth cək looi, ku tē nhær wek ye thïn cək nyuəth ye kək cək looi yiic, ku kək ɲot ke luikë ke ëmën rin kacke.

¹¹ Ku wek aa wicku bi ɲek la tuen ke loi kəpath cīt kəpuəth thær akölaköl yet aköldä. Rin bi kə ɲöthkë yenhom tiëɲ.

¹² Awicku bək röt cii dak luoi kəpath yiic. Awicku bək ciët kəc wäär cī gam, yet tē yök kek kəpuəth wäär cī Nhialic thön ke.

Athön Nhialic ë yic

¹³ Wäär lueel Nhialic ye lən bi yen Abaram gäm mīth juëc, aci rot kuëen rin cin yen raan dët dīt tənë yen bi ye kuëen ë riënke.

¹⁴ Ku lueel, “Yin alək yic! Yin aba döc ku gäm yi mīth.”

¹⁵ Go Abaram tiit ku ɲöth kə cī Nhialic rot kuëen yet tē cī kënë yenhom ben tiëɲ.

¹⁶ Tē kuëen raan, ee kuëen rin raandit tənë ye. Ku kuëende aye gam.

¹⁷ Ku ë wïc Nhialic bi cəl ala gei, lən bi yen kə cī thön guöt nhom ke cii war yic. Ku kuëen bi wëtde dhie l a yic.

¹⁸ Nhialic aci yo lək kəɲ karou, athön ku kuëen, lən bi yen wëlke muk nhïim. Ku rin ë kəkka karou, aɲicku lən ye athön yic. Keek aacie röt ye waar ku Nhialic acie lueth ye lueel. Nhialic aci kënë lueel bi yo dæt puəth apai lən bi ɲäthda tənë Nhialic yenhom tiëɲ.

¹⁹ Ku rin ɲäthda tənë Jethu yen aye yok thöny Nhialic dööt, tēwäär cī Jethu la thïn yonhïim tuen bi la röök ku ləɲ Nhialic ë riënku.

²⁰ ɲöth ye yok Nhialic ɲöth kəpuəth cī thön yo rin wëikua yen ë yo muk puəth, rin Jethu aci yo wat nhïim pan Nhialic. Ku yeen aci jəl a raandit apai kək Nhialic cimën Melkidhedek, akölrüëc.

7

Melkidhedek

¹ Melkidhedek ë ye bënydit gen cəl Thalam, ku yen aya ë ye raandit apai kək Nhialic Madhəl. Naɲon akäl tök ke piɲ lən cī Abaram la dhuk tən yic ke cī tən bëny wuöt kaɲuan cop.

² Go Abaram Melkidhedek juër tön thiäär kək cī ke la peec tən yic. Melkidhedek, wëtde yic, “Bëny la cök.” Ku ë ye bëny döör aya. Cimën rin genden cəl Thalam, wëtde yic, ee “Döör.”

³ Acin wun ku man ku kuat. Ku tən jök piërde rot thïn ku le thök acii ɲic. Arëer

ke ye raan kāk Nhialic akōlriëc cīmēn Wēn Nhialic.

⁴ Jalkē tīŋ tē diit Melkidhedek thīn! Agut Abaram guōp, raandīt wārkuan dīt thēer, aci tōŋ thiāār kākken wāār cīk la peec tōŋ yic, juēr ye.

⁵ Alēu raan bī gam lōn ye kē cī Abaram ajuēr gām Melkidhedek yic, tēn ye Melkidhedek raan Lebī, kuat Abaram kek kōc kāk Nhialic ē kōc Itharel wāār tōk thiāār yic juaar tēnē kacken cīt lōŋ Mothith.

⁶ Ku yen Melkidhedek acie raan kuat Lebī, ku aca ajuēr bēn lōom tēnē Abaram ku cuēt pīu. Ku Abaram acā athōn Nhialic yōk.

⁷ Ku aŋicku aya lōn raan yen kōc dōc, awār raan bēn tēnē ye bī bēn dōc.

⁸ Ku dēt aya, kōc kāk Nhialic wāār ajuēr kuany, aake ye kōc ē path, aaci bēn thou cīmēn bī yok thou, ku aye athör thēer wēl Nhialic lēk yo lōn Melkidhedek apīr.

⁹ Alēu buk lueel lōn ye Melkidhedek raandīt apēi kāk Nhialic tēnē kōc Lebī, kōc kāk Nhialic. Rin Abaram wundīt kuat Lebī, yen aci tōŋ thiāār kāk wāār cīk la peec tōŋ yic juēr Melkidhedek.

¹⁰ Kēya, alēu bī lueel lōn kōc Lebī aaci tōŋ thiāār juēr Melkidhedek aya, rin ye kek kōc riēm Abaram.

¹¹ Na lēu kōc Lebī, kōc kāk Nhialic bīk yo cōl aala cōk, ŋuōt acīn dēt ben raan dēt kāk Nhialic cīmēn Melkidhedek bēn, raan cīi cīt Aron, raandīt kāk Nhialic wāār ē kuat Lebī. Ku kōc Lebī, kōc kāk Nhialic aake buōth lōŋ Mothith yic.

¹² Ku aa kēc yo bēn cōl aala cōk. Ku kēya, acie raan dēt kāk Nhialic yen wīcku ē rot, yok aa wīc lōŋ dēt yam aya.

¹³ Jethu Bānyda, raan jīēm yok riēnke ēmēn, ee cie raan dhiēnh Lebī. Ku acīn raan tōŋ kuatde cī kaŋ a raan kāk Nhialic, ee Nhialic door yīk nhom.

¹⁴ Aŋicku lōn Bānyda Jethu ē raan dhiēnh Juda. Ku akēc Mothith puōl bī kōc dhiēnh Juda ya kōc kāk Nhialic.

Raan dēt kāk Nhialic cīt Melkidhedek

¹⁵ Acī jāl la gēi apēi ēmēn, tē le raandīt dēt kāk Nhialic cīt Melkidhedek tuōl.

¹⁶ Raan kēc aa raandīt kāk Nhialic cīt lōŋ ciēŋ kōc pinynhom, aci ya raandīt kāk

Nhialic cīn kē bī riēlden pīr akōlriëc ēbēn kaŋ rac.

¹⁷ Rin aye athör thēer wēl Nhialic lueel ēlā ē riēnke, “Yīn abī ya raan kāk Nhialic akōlriëc ēbēn cīmēn Melkidhedek.”

¹⁸ Ku lōŋ thēer wāār aci puōl acīi ril. Acie kōc ē kony.

¹⁹ Rin lōŋ Mothith acie kōc cōl aala cōk. Ke ēmēn yok aala lōŋ yam yo cōl aŋōth lōn bī yok thiōk kek Nhialic.

²⁰ Ku dēt, Nhialic ēcī kuēēŋ aya kēde. Ku acīn kōc kōk cī ya kōc kāk Nhialic cī yen kuēēŋ kēden.

²¹ Ku Jethu aci ya raandīt kāk Nhialic apēi rin cī Nhialic kuēēŋ wētde wāār lueel yen ye ēlā, “Yēn aci kuēēŋ ku acā bī waar yic. Yīn ē bēny akōlriëc ēbēn.”

²² Rin ē kuēēŋ kēnē yen aci yok ye ŋic lōn lōŋ dōr ē yam cī Nhialic looi ē Jethu, ya kēpath.

²³ Ku dēt cīi kek thōŋ akīn. Kōc kāk Nhialic thēer aake ye juēc, rin na cī raandīt kāk Nhialic thou, ke raan dēt ala nyiēnde.

²⁴ Ku Jethu apīr akōlriëc ēbēn, luōiden ē yen raandīt kāk Nhialic acie rot ye waar.

²⁵ Jethu ala riēl dīt bī kōc buōth dhōlde yic kony ēbēn, kōc wīc ye bīk la tēnē Nhialic. Rin ē rēer ke lōŋ Nhialic ē riēnken.

²⁶ Jethu yen ē raandīt kāk Nhialic cī kākkuā lēu. Arēer ke dhēēŋ Nhialic, acīn guōp adumuōōm, ku yen aci Nhialic tēk bei tēnē kōc kārēc looi, ku tēu kāk cī cak ŋhīim ēbēn nhial.

²⁷ Yen acīi thōŋ kek kōcdīt kāk Nhialic wāār yōk nōk ruōōn thok ēbēn, rin bī adumuōōmken ku adumuōōm kacken pāl piny. Jethu acīi thōŋ ke ke. Acī rot juaar arak tōk wāār thou yen tim cī rīiu kōu rin adumuōōm kōc ēbēn.

²⁸ Kēya, alēuku buk ŋic lōn kōc kāk Nhialic wāār ē luui dhōl lōŋ Mothith aake cīi la cōk. Ku athōn Nhialic cī yen kuēēŋ wāār lōŋ Mothith ēbēn cōk, aci Wēnde looi bī ya raan la cōk akōlriëc ēbēn.

8

Jethu yen ee raandan dīt kāk Nhialic

1 Wēt ril yen wicku buk lək we, ee lən le yok raandit kək Nhialic cī nyuc ləŋ cuēc thöny Nhialic Madhəl nhom nhial.

2 Jethu alui ke cīt raandit kək Nhialic, tē rēer dhēeŋ Nhialic thīn ayic tēn ē looi Bēny ke cie raan.

3 Ku cīt lən ye raandit kək Nhialic kuany bī kəŋ aa juaar ku nek yök tēnē Nhialic, ke raandan dīt kək Nhialic aya adhīl la kē ye juēr Nhialic.

4 Ku na Jethu rēer pinynhom, ŋuöt akēc kaŋ a raan kək Nhialic, rin kəc kək Nhialic, ke ye Nhialic nək yök cīt tē ye ləŋ Mothith luəl ye aake tō thīn.

5 Ku luoi yekē looi kek kəc kək Nhialic kə, ee ye kūt yen ē ye kek kək ye looi nhial tē rēer dhēeŋ Nhialic thīn kiēt. Ku yen athōŋ kek luoi Mothith. Rin wäär wic yen ye bī duəl looi ēcī Nhialic lək ye elä, “Adhīl ŋic lən yīn adhīl kəŋ looi ebēn cīt tēden wäär ca nyuōth yī ē gət nhom.”

6 Ku Jethu emēn, raandit kək Nhialic acī gām riēldit yen luui wār riēlden. Rin dōör yam cī looi kam Nhialic kek kacke aŋuēēn apei, rin dōör yam aa rēer kəpuōth cī Nhialic thōn yo thīn.

7 Na ləŋ dōör tuenŋ wäär la cök ŋuot acīn kē cī Nhialic ləŋ dēt bēn wic.

8 Rin ēcī Nhialic yök lən ləŋ dōör tuenŋ ecī path tēnē kacke, go lueel elä, “Nīn aaci thiök, lueel Bēny, tē bī yēn ləŋ dōör yam looi kek kəc Itharel ku kəc Juda.

9 Acī bī ciēt dōör tuenŋ wäär ca looi kek wārken dīt aköl wäär nyēi yēn keek pan Ijip. Aake kēc ləŋ dōör ca looi ke keek muk nhom apath, guo kuēc ē keek, lueel Nhialic.

10 Emēn, dōör ba looi kek kəc Itharel nīn bī bēn cök akīn, lueel Bēny.

Yēn abī lōŋkiē tāau kenhīim ku kepuōth. Yēn abī ya Nhialicden ku yekē kackiē.

11 Acīn raan ē kamken bī miēthakēn bēn piōc, nadē ke lək kəcken ē baai, ‘Ŋic Bēny.’ Rin keek aabā ŋic ebēn, meth ku raan dīt.

12 Yēn abā adumuōmken päl piny, ku cā kāracken ben kuēēc nhīim.”

13 Jalkē tīŋ emēn, wēn lueel Nhialic yen ka bī ləŋ dōör yam looi, ee ŋic lən cī ləŋ dōör thēer path, ku aŋicku aya, na cī kēdāŋ riāak apei ka cīn kē kuny kəc.

9

Tē ye Nhialic duōer thīn wāthēer

1 Ləŋ dōör tuenŋ ē la tēden ye Nhialic duōer thīn, ku tē ye Nhialic door thīn ecī looi aya pinynhom tēn. Kəc kək Nhialic Lebī aake ye Nhialic door yōn cī puəl bī ke Nhialic ya door thīn, ku duəl aake tō pinynhom ē tēn.

2 Duəl ye Nhialic door thīn ē ye looi ke ye yic rou. Yōn ye kaŋ yök tē le kəc duəl yic, ee cəl Tēyaath ē Nhialic. Ku ləŋ kēnē, many adök ē dēp ē ye tōōu thīn, ku agen ye ayum cī juēr Nhialic tāau yenhom aya.

3 Ku yōn tō alanh cī duəl tek yic kōu, ee cəl yōn Yaath apei ē Nhialic.

4 Ku ē yōn kēnē yen arēer agen thīn, agen cī təc nhom mīlāŋ təc ye raan kək Nhialic Lebī adōŋ ŋīr cī took tōōu yenhom, ku ē yōn kēnē aya yen arēer rōŋdīt tet, ye cəl Rōŋ Ləŋ ē dōör thīn. Ku yen arēer tōny mana thīn, ku wai Aron ē ye rēer thīn aya. Wai kēnē ecī Nhialic cəl acil kōu ayōr ku looi yōök cək alən ee yen tim thēer cī riēl. Ku aleel dīt tet karou cī lōōŋ Nhialic kathiāar gət thīn, aa tō thīn aya.

5 Ku ē rōŋ dōör kēnē nhom, atuuc nhial karou cī kiēt, cəl Kerubin ē diik aake tō thīn. Ku keek aake ye Nhialic nyuōth. Aake la kōth wuök dīt rök kuŋ nhom tēn yen ye cəl, “Pēl Piny Kārec.” Rin tēn, arak tōk ruōōn yic, raan dīt kək Nhialic ē ye kəc wiēth rim kē cī nək tēnē Nhialic rin be adumuōmke ku adumuōm kacke päl piny. Ku emēn acā wic ba kajuēc kōk ŋic rin ee kēnē teet.

6 Kēya, kəc kək Nhialic aake ye Nhialic door cīt tē cī guiēr ye. Aake ye la yōn tuenŋ bī kek Nhialic aa la door thīn.

7 Ku yōn yaath Nhialic, ee raandit kək Nhialic yen ē la thīn ē rot, bī la rōök thīn arak tōk ruōōn tōk yic. Tē le yen yōt, ee riēm weŋ cī juēr Nhialic muk bī la wiēth yōt, bī

Nhialic awäcke ku awuöc ye kacke looi ke kuckë päl piny.

⁸ Aye Wëi Nhialic nyuöth yo ë kënë yic lön nadë ke dhël la yön yaath Nhialic ë yic, anot kəc njaany thok cīt lön not kəc lui dhël thëer.

⁹ Kë lëuku buk deet ë kënë yic aya ëmën, ee lön nadë ke riem wenj cī juër Nhialic ye wiëth kəc, aacie kəc ë Nhialic door ye looi bik puöth la cök.

¹⁰ Käkkä ëbën aa käk lön thëer, lön ye kån nök ku cuet ke ë path. Ku käjuëc käk ye looi bi awuöc laak wei, aa kəc gup path ayeer kek aaye lök. Käkkä aa löön ke rëer thün thëer cīn kë yekë kony yet tē bi Nhialic dhël yam, dhël adumuööm nyaai kəc puöth guir.

Lön yam cī Jethu thany ë riemde

¹¹ Jethu acī ya raan dīt käk Nhialic. Käjuëc path cī bën pinynhom rin cī yen la duël dīt la cök ë Nhialic yic, duël cīi loi kəc cīn pinynhom ë tēn.

¹² Wäär le Jethu duël yic, ëcī la tē dhënj apei arak tök bi rëer thün akölriëc ëbën. Ku wäär le yen ë tēen acie riem thök ayi riem wenj yen cī la wiëth duël yic. Ee riemde yen ëcī juër Nhialic riengkua bi yo luök akölriëc ëbën alanden.

¹³ Wäthëer kəc käk Nhialic aake ye riem thök ku riem muöar lööm bi kek kəc wiëth, rin bi awäcken päl piny. Ku keek aya aake ye manh wenj ë döu nök ku nyopkë abi ya col. Ku liörkë ë pīu ku wīth kek kəc la gup adumuööm rin bi adumuöömken wuööny wei.

¹⁴ Na ye këya, bi riem Raan cī löc ku döc yiëndë, cī adumuöömkuu bi laak wei yopuöth, ku buk lëu buk Nhialic pīr ya luösi? Ku riel Wëi Nhialic yen acī Raan cī löc ku döc rot juër Nhialic ë riengkua. Këya, ajuër la cök cīn diu.

¹⁵ Ku rin ë wët kënë yen aye Jethu raan yen loi lön döör yam, rin bi kəc wäär cī Nhialic thön pīr akölriëc ëbën, pīr yök. Kënë abi rot lëu rin cī Jethu thou bi kəc waar käreç yiic, käk wäär cī looi lön döör tuen yic.

¹⁶ Kënë athönj kek raan kärke ciëen tē bi lök tək ke tē le yen thou. Ee kë bi njek ë

miëthke yiic lök lööm tē le yen thou than piny.

¹⁷ Ku acīn raan kädänj guo nyaai tē not pīir yen. Ku na le thou ke kawën cī dönj aaye njek kë cī tək ye jäl nyaai.

¹⁸ Agut lön döör thëer aya, awic bi kädänj kan nök bi riem kuër bi tē door Nhialic thün jäl la cök.

¹⁹ Mothith ë ye kəc kan lək löönj Nhialic ëbën. Ku jöl riem miöör ku thök cī nök liäp ë pīu, ku wīth athör cī löönj gāt thün ku kəc.

²⁰ Ku lueel, “Kënë ë riem lön döör, lön cī Nhialic lək we bäk muk apath.”

²¹ Ku Mothith ë ye duël ku käyaath ye tööu thün wiëth riem aya.

²² Këya, cīmën lönj thëer, yök aake ye nök bi riemden lööm bi kəc kəc, ku na cīn kë nök bi riem kuër ka adumuööm acīi päl piny.

²³ Duël ye Nhialic door thün ku kək tō thün ëbën, aake ye käk ye duör ë yic tō pan Nhialic kiëët, rin ye käreç tō kəc gup wuööny wei rin yök ye nök ë path. Ku luoi ë yic nhial tënë Nhialic, adhil wic ajuër la cök,

²⁴ Këya, Raan cī löc ku döc akęc la duël ye Nhialic door thün yic, duël looi raan pinynhom ë tēn kəcīt kiit ye ke käreç wuööny wei kəc gup rim ë yök. Yeen nhom guöp acī la pan Nhialic, ku arëer thün ke lönj Nhialic ëmën riengkua.

²⁵ Raandīt käk Nhialic kuat Lebī ë ye duël la wiëth riem kë cī nök cie riemde arak tök ruöön thok ëbën. Ku Jethu akęc rot juaar arak juëc, acī rot gam arak tök gilinj.

²⁶ Ku ëmën acī bën arak tök cīt tē cī Nhialic ye guier thün bi rot bën juër Nhialic bā adumuööm nyaai.

²⁷ Cīmën ye raan thou arak tök ku yëth luk yic arak tök Nhialic nhom,

²⁸ Jethu acī gam bi thou arak tök bi adumuööm kəc ëbën nyaai. Ku abi bën dhuk ku acīi bi bën thou rin adumuööm, ku ë rin bi yen kəc njöth ye bën lök.

10

¹ Lönj thëer Mothith, ee kiit yen ë ye käpuöth bi röt looi aköldä kiëët. Ee cīi thönj kek käpuöth cī bën kek Jethu raan cī löc ku döc. Käk ke ye nök Nhialic ruöön ëbën cīt tēn

lōŋ theer, aake cie kəc ke ye Nhialic door cəl aala cök.

² Na kək ke ye nək Nhialic kəc cəl aala cök, ŋuət kəc akēc la tuenŋ ke ye kəŋ nək Nhialic. Rin ŋuət kəkka aake bā adumuššm kəc Nhialic door wuššny wei arak tək, ku cik ben ya tak lən le kek gup adumuššm.

³ Ku keek aake ye kək yekē nək Nhialic ruššn thok ebən, cəl aa takkē lən le kek gup adumuššm.

⁴ Rin aciī rim ɣək ku rim thök ye nək lēu bik adumuššm wuššny wei.

⁵ Kēya, eci Raan cī ləc ku dəc lək Nhialic wäär bii yen pinyhom elä,

“Yin aciī wic kək ye nək ku kək ye juēr yiin, rin cī yin ɣa gām guəpdiən bi juaar tənē yiin.

⁶ Yin acie pušu ye miət ɣək ye nək yiin tēdē ke ye kək ye juēr yiin bik adumuššm nyaai.

⁷ Ku lueel, ɣen akīn ba kē wic looi Nhialic Madhəl,

cimən cī ye gət rienkiē athör lōŋ theer yic.”

⁸ Emən, tääukē wepušth piny ku takkē wēt cī Jethu lueel tuenŋ elä, “Yin aciī wic, ku tēdē yin acie pušu ye miət tənē kək ye juaar, ku kək ye nək yi bik adumuššm nyaai.” Acī lueel kēlä cək alən ye kək ye juaar looi cit tē ye lōŋ ye lueel thīn.

⁹ Ku lueel, “ɣen akīn Nhialic Madhəl, ba kē wic ba looi, looi.” Kēya, Nhialic aci tēthēer ye ye duəər thīn pušl, ku wēen Raan cī ləc ku dəc thīn, bi riemde kuēr rin bi adumuššm kəc ebən nyaai.

¹⁰ Jethu raan cī ləc ku dəc aci kē wic Nhialic tənē ye bi looi, looi. Ku rin cī yen rot juaar arak tək theer, kəkkuan rēc aci wuššny wei ebən.

¹¹ Raan kək Nhialic Itharel, aye kəŋ nək wäthēer akölaköl bi yen Nhialic door. Ku aaye kək tōŋ thōŋ juēr Nhialic arak juēc. Ku kək ye ke juaarkā aake cie adumuššm ye nyaai.

¹² Ku Raan cī ləc ku dəc aci rot juaar arak tək rin adumuššm, ajuēr cī ye bən lēu bā awäckua nyaai akölrīēc ebən.

¹³ Ku emən atit yet tē bi Nhialic kəc aterde guir ku dhuk ke yecök ciēen.

¹⁴ Ku ajuēr cī looi arak tək, aci kəc cī adumuššmken nyaai looi bik la cök akölrīēc.

¹⁵ Ku Wēi Nhialic ē jam tənē ɣo ē wēt kēnē aya. Acī lueel elä,

¹⁶ “Lōŋ döör ba looi ke ke akīn nīn bi bēn cök, lueel Bēny. ɣen abi löŋŋkiē tääu kenhīim ku kepušth.”

¹⁷ Ku ben lueel, “ɣen aciī adumuššmken ku käreç yekē ke looi ben kuēc nhīim.”

¹⁸ Wek paan ē ma, kārackua aci päl piny papot. Na ye kēya, le dēt ŋot wic ɣok bāny bik ɣək aa nək rin bi adumuššmkua päl piny?

Bäk lok tēthiäk ke Nhialic

¹⁹ Kēya miēthakāi, ɣok aci nhīim lääu alanden buk la ɣön Yaath apeī ē Nhialic tō nhial, rin cī Jethu rot juaar bi nək bi riemde kuēer.

²⁰ Wäär thou yen tim cī riū kōu, aci kēn ɣo gəl buk cii la ɣön Yaath apeī ē Nhialic bēn rac. Ku jət rot raŋ yic, ku emən arēer ɣön Yaath apeī ē Nhialic ke ləŋ Nhialic rienkua.

²¹ Ku na cuk la raandit kək Nhialic yen mac kəc Nhialic,

²² cit mēnē ye kəkkuā yith, lokku tē rēer Nhialic thīn thōnyde nhom ē pušn ɣer ku gam cīn yic diu. Lokku kek pušthkuan ɣer cīn yiic luoi käreç rin cī ke lək riem Jethu. Ku rin cī ɣo muəç nhīim bā adumuššmkua laak wei aya.

²³ Kēya, mukku kē cī thōn ɣo piän tək ke ɣo cie pušth ē rou, rin aŋicku raan cī ɣo thōn ē wētde tiēŋ nhom.

²⁴ Takku tē bi ɣok ɣopušth aa deet thīn, buk nhiēr ku luoi path aa nyuəəth.

²⁵ Dukku kē ye ɣok ɣonhīim mat ɣodhie päl cimən ye wämāthkuan kək ye looi. Lok tuenŋ ɣo cii dhör ɣo deet ɣopušth, buk röt aa lək buk aa bēn amat yic, aŋicku Aköl bēn Bēny aci thiök.

²⁶ Acin kək ye nək Nhialic lēu bi adumuššm päl piny, tē ŋot le ɣok tuenŋ ɣo loi käreç ke yic cī lək ɣo.

²⁷ Kēya, ɣok aa dhil tiit ɣo riēc rin aköl bēn Luŋdit, ɣok kəc cī wēt Nhialic dhəl yic, ɣok aabi tēm awuöc bi ɣok rēer pan mac akölrīēc ebən.

28 Anjickē, wāthēer tē kueec raan bī lōŋ Mothith cīi piŋ, ku gōony kōc karou ayī kōc kadiāk, ka dhil yāth ē kōcdit nhīim, ku biōök aleel bī thou.

29 Jālkē thōōŋ, na ye raan cī lōŋ Mothith dhōl yic tēm awuōc cīt kēnē, ke ya awuōc yīndē bī Nhialic tēm kōc cī kuec wēt Wēnde? Acīt lōn cī kek Jethu dhōl guōp, ku cuitkē, ku witkē piny ku kēckē yic. Ku acīt lōn cī kek dōōr cī Jethu looi riēmdē kamken yōōŋ yic. Ku acīt lōn cī kek Wēi Nhialic lāāt wēl rēc rem apēi, cōk alōn kony yen ke. Kōckā aabī dhiel tēm awuōc thiek apēi.

30 Anjicku yen raan cī ye lueel thēer ēlā, “Piēŋkē! Ee ŷen ala riel ba kāŋ guōōr.” Ku anjicku lōn cī yen ye lueel aya ēlā, “Bēny abī kacke tēm awuōc.”

31 Kēya, abī rēēc alanden tē ye yen Nhialic pīr akōlriēēc ēbēn yen tēm raan awuōc.

32 Miēthakāi, takkē tēn ye wek rēer thīn wāthēer. Wāār cī wek wēt Jethu gam, wek aa dhiel gum ku wek aacī puōth bēn riel. Wek aakēc puōth bēn bath rin kārēc cī we yōk.

33 Wek aa we ye lat ku bui we akōldēt. Ku akōldēt, wek aa we ē kōc kōk kony tē tiŋ wek ke ke baŋ cīmēndun.

34 Wek aacī gum kek kōc cī mac, ku wek aakēc puōth riāāk tē wāār ye kākkun peec, rin ŋic wek yeen lōn wek aabī kāpath wār kākkā la yōk pan Nhialic. Kāpuōth cīn raan bī ke kaŋ nyaai tēnē we.

35 Duōkkē puōth bath bāk wēt Jethu wai wei, rin wek aabī ariōpdīt yōk pan Nhialic.

36 Apath bāk wepuōth dēt tē beŋ we, rin ke wek aacī kē wīc Nhialic looi, ku yōkkē kē cī Nhialic thōn we.

37 Rin aye athör thēer wēl Nhialic lēk ŷo ēlā, “Ee kaam thiin koor ku raan cī lueel ka bō acīi bī gāū, abī guō bēn.

38 Ku kōckiēn la cōk aabī rēer gam yic, ku ŷen acīi puōu bī miēt tē cīi kek kepuōth bī dēt.”

39 Ku ŷok aacīi cīt kōc guō dhōr bīk mār, ku ŷok aala gam bī ŷook luōk.

11

Gam

1 Gam yen ē ŷo cōl anjic kāk ŋōthku ke bī rōt looi. Ku yeen ē ŷo cōl anjic kāk cuk ye tiŋ.

2-3 Ee gam yen aye ŷok ye ŋic lōn ē cēk Nhialic piny ku nhial kek kāk tō thīn ēbēn wēt lueel ē path. Ku kāk yeku ke tiŋ ēmēn acīn kēn cīi Nhialic lōōm bī yen ke cak. Ku wāār le wārkuan dīt gam tēnē Nhialic, yen acī Nhialic ke bēn gam.

4 Ku gam yen acī Abel Nhialic bēn juēr kēpuōth cī Nhialic bēn nhiaar apēi, wār kē cī Kain mēnhē juaar tēnē Nhialic. Ku gamde yen acī Nhialic puōu bēn miēt tēnē ye. Ku ŋic Nhialic lōn ē yen raan la cōk. Kēya, kē cī Abel looi cī yen Nhialic gam apēi anjot yeku yōk ŷopuōth ke path ēmēn tē tēk ŷok ye, cōk alōn cī yen thou thēer.

5 Ku raan dēt la gam ril cīt Abel aya, ee ye Enok. Gamde yen acī Nhialic ye bēn jat nhial ke kēc thou. Guāpde akēc bēn yōk rin cī Nhialic ye nyaai. Aye athör thēer wēl Nhialic lueel lōn Enok ē ye Nhialic cōl amit puōu, wāār rēer yen pinyhom.

6 Acīn raan lēu ye bī Nhialic cōl amit puōu tē cīn yen gam. Rin raan bēn tēnē Nhialic adhīl gam lōn Nhialic atō thīn, ku ē kōc ye thiēēc gām kē wīckē.

7 Ku gam yen acī Noa wēt Nhialic bēn piŋ, wāār lēk Nhialic ye ye lōn bī aboordīt bēn bī kōc la gup adumuōōm bēn tēm awuōc. Go Noa wēt Nhialic gam. Ku guēŋ riāi ka aboor kēc bēn bī yen kacke kony. Ku gamde akēc yen kārēc ye kōcken kōk ke looi bēn nhiaar. Ku Noa acī Nhialic bēn cōl ala cōk rin gamde.

8 Ku ee gam aya yen acōl Abaram agam kē cī Nhialic lēk ye. Ku ler pan cī Nhialic lēk ye cōk alōn awēn kuc Abaram ē pan kēnē. Pan kēnē yen ēcī Nhialic lueel lōn bī yen ye gām miēthke akōldā.

9 Ku gam yen acī Abaram bēn ciēŋ ke ya alei pan wāār cī Nhialic thōn ye. Ku jōl ŋōōth lōn bī Nhialic piny kēnē gām miēthke akōldā. Ku jōl ciēŋ duēl yiic. Ku lōk Ithāk kek Jakob ciēŋ thīn aya, kōc wāār cī Nhialic thōn lōn bī yen piny kēnē yiēk ke.

10 Abaram acī rēer ē pan kēnē ke tit gen cī Nhialic buth, yen cī Nhialic thōn ye cīi cīt duēl.

11 Ku ē gam cī Abaram Nhialic gam yen ē dhiēeth yen meth cōk alōn wäär cī yen dhiōp apēi. Ku tienḡde Thara ke cīi dhiēeth. Acī nōōth lōn bī Nhialic athōnde tienḡn nom.

12 Na cōk alōn awēn cī Abaram dhiōp apēi, bī raan ēbēn ḡic lōn cīi yen bī bēn dhiēeth, ke yeen acī bēn a wundit kōc juēc apēi cīt liēet, ku kuēl nhial cie kueen.

13 Kōckā ēbēn aaci gamden muk agut tē thou kek. Keek aake kēc kāk cī Nhialic thōn ke yōk. Ku aake yekē tīḡ tēmec, ku gamkē ke ke mit puōth. Ku ē yekē lēk kōc lōn aa rēēr kecīt jōōl pinynhom ē tēn, ke bī bēr tē cī lēk ke.

14 Alēuku buk ḡic ēmēn lōn kōc jam kēlā, aaye kē nyuōōth lōn wīc kek pan bī ya panden.

15 Na yekē tak lōn ye pan cik nyāāḡ wei panden, ḡuōt aaci dhuk thīn.

16 Ku acīk wīc kepuōth apēi bīk ḡet pan path, pan tō nhial. Ku Nhialic acie ḡuōp ye yār tē cōl ye, ke Nhialicden. Ku kēya, acī gen path guiir tēnē ke.

17-18 Ku gam yen ēcī Abaram rot guiir bī wēnde Ithāk nōk wäär them Nhialic ye. Yen Abaram raan cā athōn Nhialic yōk, ee wīc bī manhden tōḡ tō yenhom nōk, cōk alōn cī Nhialic ye lueel tēnē ye lōn ē Ithāk yen abī yīn mīth ca thōn yī yōk tēnē ye.

19 Acī Abaram tak lōn bī Nhialic Ithāk jōt akōldā. Ku kēya, Abaram acī Ithāk yōk ke cīt raan cī Nhialic cōl aben pīr.

20 Ku gam yen acī Ithāk Jakop ku Ethau thōn dōc Nhialic rin kāk bīk yōk akōldā.

21 Ku gam yen acī Jakop wēēt wēnde Jothep bēn dōc wäär cī yen thiōk ke thou. Ke kääc ke cī yenhom ḡuōt waiden ē yen piny thany, ku rōōk Nhialic.

22 Ku gam yen acī Jothep ye ḡic wäär cī thuōnde thiōk lōn bī kōc Itharel jāl pan Ijip. Ku lēk ke bīk yuōmke cīi nyiēēḡ pan Ijip akōldā le kek jāl.

23 Ku gam yen acī kōc ke dhiēeth Mothith ye bēn thiaan pēi kadiāk wäär cī ye dhiēeth. Ee cik tīḡ ke ye manh path apēi. Ku ke aake

kēc riōōc wēt kēc kek lōḡ bēnyḡaknhom pan Ijip theek.

24 Ku gam yen acī Mothith bēn kuec wäär cī yen dīt bī cīi ye cōl ke manh nyan bēnyḡaknhom.

25 Na cī wīc bī puōu ya miēt, miēt ē puōu cie ceḡ ē bēn luōi kārēc yīic, ḡuōt acī rēēr pan bēnyḡaknhom. Ku acī bēn nhiaar bī rēēr kek kacke bī gum ke ke.

26 Acī yōk yepuōu lōn bī yen kāpath yōk thīn tē guum yen kuōc ciēēḡ rin ē kacke. Cīmēn wäär cī Raan cī lōc ku dōc gum, tēn tē bī yen kājuēc path yōk pan Ijip. Rin ē ḡōth ariōp bī yōk akōldā.

27 Ku gam yen acī yen bēn jāl pan Ijip ke cīi riōc riāāk puōu bēnyḡaknhom. Ku le tuēḡ ke gum ciēt cī Nhialic cie tīḡ, tīḡ.

28 Ku gam yen acī Mothith wēt Nhialic bēn piḡ. Ku guiir tē bī kōc Itharel jiēl thīn pan Ijip. Ku lēk ke bīk thōk nōk. Ku rōthkē ḡōōtken thook riēm, rin na la atuny Nhialic bī mīth rōōr ke kōḡ dhiēeth bēn nōk, ke cīi mīth rōōr kai kōc Itharel met thīn.

29 Ku gam yen acī kōc Itharel Wār Lual bēn teem ke ciēt cī dōu. Nawēn jōl wīc kōc Ijip bīk ke buōōth, ke wār ben thiāḡ ku moukē.

30 Ku gam yen acī kōc Itharel pāny gen Jeriko bēn ḡōōt nīn kadhōrou abī wīik.

31 Ku gam yen akēc adējōḡ cōl Raḡāp bēn nōk kek kōc gen Jeriko wäär nēk ke, rin cī kek jai ē Nhialic. Rin yen Raḡāp nom ē cā anēm kōc Itharel lor ku nyuuc ke paande.

32 Kōc kōk juēc aya aa la gam. Acā lēu ba we lēk kāk cī kōc kōk looi, cīmēn yī Gidiōn, Barak, Thamthon, Jeptha, Debit, Thamuel ku kōc kāk Nhialic tīḡ.

33 Ku gam yen acī kōc kōk bāny bēn cop. Ku yen ḡic kōc kōc mac. Ku yōk kōc kōk kē cī Nhialic thōn kōc. Ku ē yen acī kōc kōk kōōr bēn der thook.

34 Kōc kōk kamken aaci mēc bēn nōk, ku rīickē rōt bei ē paal thook. Kōc kōk ke niōp aaci bēn riēl apēi tōḡ yic. Ku copkē yōm apuruuk ē wuōt kōk.

11:11 Cāk 18:11-14; 21:2 11:12 Cāk 15:5; 22:17; 32:12 11:13 Cāk 23:4; 1Lēk 29:15; Wk 39:12 11:17-18 Cāk 22:1-14; Cāk 21:12 11:20 Cāk 27:27-29, 39-40 11:21 Cāk 47:31; 48:20 11:22 Cāk 50:24-25; B.bei 13:19 11:23 B.bei 2:2; 1:22 11:24 B.bei 2:10-12 11:27 B.bei 2:15 11:28 B.bei 12:21-30 11:29 B.bei 14:21-31 11:30 Joc 6:12-21 11:31 Joc 2:1-21; 6:22-25 11:32 Bāny 6:11-8:32; 4:6-5:31; 13:2-16:31; 11:1-12:7; 1Tha 16:1-1; 1Bḡ 2:11; 1Tha 1:1-25:1 11:33 Dan 6:1-27 11:34 Dan 3:1-30 11:35 1Bḡ 17:17-24; 2Bḡ 4:25-37

³⁵ Rin gam yen aci Nhialic rōök diäär bən gam, ku cəl kəcken cī thou aa ben pīr. Ku kəc kək aaci bən aa gum ke cī kenhūim waar, rin bī ke jət aköldä.

³⁶ Kəc kək aya aake ye läät ku that ke. Ku kəc kək aake ye rek ku mac ke.

³⁷ Ku kəc kək aake ye biöök aleel. Ku kəc kək aake ye tēm köth ē rou. Ku kəc kək aake ye tēm röt paal. Kəc kək acin kē yekē cien, aa kət kek aake yekē kuöm keköth. Kəc kək aake nōn, ku aake ye ban ku kuc ke ciēēn.

³⁸ Kəckä ecīi path bīk cien pinynhom. Aake ye piny kuany yic ē path roor liēet. Ku ciēnkē adhuum yiic, ku kuör yiic ku gat yiic.

³⁹ Ee nīc lən le kəckä ebən gam. Ku acin raan tək kamken ca athöndit Nhialic bən yök.

⁴⁰ Nhialic ecī kēpath guiir ke nīc yo. Kēya, bī ke nhūim ku yo looi buk la cök yodhie.

12

¹ Kēya emən, yok aa nīc kəc juēc wäär cī gamden nyuəoth tēnē Nhialic. Ku rin ē wēt kēnē pälku kək yo thəl adumuööm yic, adumuööm yeku ke lac looi. Ku aa yo gəl buk dhəl Jethu buəoth yic. Lok tuen yo wēer ke yo cīi dhör buk kē cī Nhialic guiēr yo dööt.

² Yeku rēer yo döt Jethu raan cī yo nyuəth dhəl ku gam la cök. Ku rin miēt pušu bī yök, yen aci yen ye gam bī thou tim cī rīiu kōu. Ku cīi kuc bī kē looi cīi päl, cək a wäär ye ke ye yöör guöp. Ku emən a rēer köñ cuēc thöny Nhialic.

³ Takkē tē cī Jethu guum thīn tēwäär ye kəc kēc wēt Nhialic gam ye gaany thīn akölaköl, rin bī wek cīi dhör ku baathkē puəth.

⁴ Rin anot cīn raan cī nök, ayī raan cī yiēk tētök kamkun kəc cie wētdun ye gam.

⁵ Cäk nhūim mää wēet puəth ye Nhialic we wēet ke we cīt miēthke?

“Manhdiē, cök yīpuəu piny tē wēet Nhialic yīin,

ku duk cəl aye kērac tē nyieeny yen yīin.

⁶ Rin Nhialic ee kəc nhiēer keek cök piny.

Ku ee kuat raan cī gam kecīt manhde tēm awuöc.”

⁷ Guömkē kərac kecīt wēet Nhialic tēnē we, rin ē yen we cəl acīt miēthke. Nadē cäk kan piñ le manh kēc wun kan that rin wic yen ye bī wēet?

⁸ Na cīi Nhialic we yīk awuöc wēet yen we cīmēn adhie ye wun mīth miēthke wēet, ke wek acie miēthke.

⁹ Cīmēn ye yok nōt yo thek wärkua pinynhom ē tēn tē cək kek yo that, cuk bī lēu alanden buk röt thōn Nhialic, wun wēikua ku pīr tē wēet yen yo?

¹⁰ Wärkua aa yo wēet tē kor yok buk nīc cien kam kəc run lik pinynhom ē tēn, cīt tē yekē yök ye ke path. Ku Nhialic ē yo wēet akölaköl rin kəpuəth buk yök buk dhēēnde rəm kek ye.

¹¹ Wēet acie guə nhiaar nyin yic, aye yök ciēt rēec. Na lä thēer, ke kəc cī tēm awuöc aa la cök ku yekē kəc ē döör.

¹² Kēya, duökkē riöc lak tuen ke we deet wepuəth.

¹³ Biathkē dhəl la cök yic, bī kəc koor gam riel gamden yic. Ku cik mēr wei wecök.

¹⁴ Miēthakäi, thēm kē bāk nīc cien ke kəc ebən, bāk rēer dhēēn Nhialic yic. Rin raan liiu dhēēn Nhialic tēnē ye acīi bī kan tīn.

¹⁵ Muökkē wenhūim bī cien raan cīi dhēēn Nhialic yök. Ku tiēr kē nhūim paan ē moor bī cien raan loi kērac mēt we wei ebən. Anīeckē, ee diēn tək yen ē wär rac nyin.

¹⁶ Acīi path bī raan yepuəu ya yiēk bal. Ku cīn raan loi rot bī yic pial cīmēn Ethau wäär pəl diētde tēnē raan buəth ye, rin cī yen ye gām miēth koor ē path.

¹⁷ Ku anīeckē wäär wic Ethau ye bī la tēnē wun bī la döc ku bī diētde dhuök ciēn, ku akēc döc bən yök tēnē wun. Kēnē akēc rot bən lēu bī waar yic cək a wäär cī yen dhiau pīu ē nyin.

¹⁸ Wek aa kēc bən we cīt kəc Itharel wäär cī la gōn Thīnai cök. Ku tīnkē manydīt apēi ke dēp. Nawēn ke tīn luäät aya ke cī gət paat piny ku looi muöthdīt, ku yomdīt apēi. Ku ye bir yic ku mēer apēi abīk riöc ebən

¹⁹ Ku piñkē kan yic ku röl la gēi. Aaci Nhialic piñ ke jam röldīt apēi, nawēn ke lēkkē Mothith bī Mothith Nhialic lōñ bī cīi ben jam tēnē ke.

²⁰ Ku aacī jāl bēn riöc apei tēwēn piŋ kek Nhialic röl ke lək ke älä, “Acīn raan yēēt ē gən kēnē cök, na cək a lēi ku le nhial ye ka biöök aleel bī thou.”

²¹ Agut Mothith aci bēn riöc aya apei wēn looi kakkā röt abī ya lueel, “Yēn aye riöc lath.”

²² Wek aa kēc bēn gən Thinaī lööm. Wek aacī bēn gən Dhain lööm, yen cī Jeruthalem ē yam gen Nhialic pīr buth yenhom. Wek aacī bēn yan miēt pušu dit yic tō atuuc Nhialic juēc apei thīn.

²³ Wek aacī bēn tēnē Nhialic yen luk looi tēnē kəc ēbēn. Ku tēnē wēi kəc path cī Nhialic looi bīk la cök.

²⁴ Wek aacī bēn tēnē Jethu cī löŋ döör ē yam looi. Acī riemde juaar rin bī Nhialic adumuömkua päl piny, rim cī thöŋ kek rim Abel wäär thiēc ē guur.

²⁵ Wek aa yöök bāk cīi kuc wēt raan jam. Kəc wäär cī kuc bīk wētde cīi gam pinynhom tēn aakēc bēn puöl ke cīi tēm awuöc. Na ye këya, buk poth kēdē, yo cīi tēm awuöc tē cīi yok wēt cī Nhialic jam tēnē yo nhial piŋ?

²⁶ Wäär röldē gən Thinaī ēcī piny yääk. Ku emēn aci kəc lək älä, “Acie pinynhom rot yen ba yääk, yēn abī nhial yääk aya.”

²⁷ Ku dēt aya, kē ye wēlkā nyuöth ē lən kāk cī cak aabi röt yääk ku nyiēēi ē keek. Ku döŋ kāk cīi lēu bī ke yääk.

²⁸ Këya, yok aa kəc cī Nhialic yiěk pan cīn kē bī ye yääk athēr. Lecku Nhialic ku dorku dhēl ye cəl amit pušu, ku rēerku ke thekku ku riöcku ē ye.

²⁹ Rin ye Nhialic kəc tēm awuöc thiek apei, acit many adhie kēriēēc ēbēn ruöc piny.

13

Tē ye Nhialic miēēt pušu thīn

¹ Lak tuēŋ we nhiaar röt akölaköl ke we cit miēh tik.

² Lor jööl ē pušn yer ku nyuöc keek apath. Rin cī kəc kök atuuc Nhialic kaŋ lor ke kuckē ke.

³ Duökkē nhīim ye määar kəc mac ku kəc gum. Yakē ke kony ciēt we mac ku guömkē ke ke.

⁴ Thiēek adhīl raan ēbēn theek, röör ku diäär aa dhil röt theek kamken bī ciēn raan dēēk ŋek pušu. Nhialic abī kəc cī rot thiaak ē luui akər tēm awuöc, ku kəc kēc thiēek luui kāk ē bal aya.

⁵ Duökkē ye wīc wepuöth bāk la kajuēc apei, ye kēdun muk yen ye yiěk yīpušu rot. Acī Nhialic lueel thēr älä, “Wek aacā bī kaŋ päl wei, ku wek aacā bī nyäēŋ wei.”

⁶ Na ye këya, rēerku ē cök ku ŋöthku Nhialic, ku yeku lueel älä, “Ee Nhialic yen ē yēn kony, acīn kē ben ya riäac. Le raan lēu ye ba luöi kērac?”

⁷ Duökkē nhīim mär kəcđit tuēŋ wäär we lək wēl Nhialic. Takkē apath yen tē pīr kek thīn ayet tē thou kek. Luöökē cimēnden gam yic.

⁸ Jethu Kritho acie rot ye waar. Ee yen tōŋ aköl wäär ku ya aköl ku akölrīēc ēbēn.

⁹ Duökkē röt cəl aa rēc ē nhīim piöc juēc kəc göi ye lueel lən cīi miēth kök bī ya cam. Wek aa dhil wepuöth wēl dhēēŋ Nhialic ku acie miēth ye cam cīn kē yekē kuöny wēi kəc ke cam.

¹⁰ Ajuēr ye looi bī yo awaar kārēc yiic, acit ajuēr löŋ döör wäär ye looi bī adumuööm päl piny. Ku acīn raan ye puöl agut kəc kaŋ juaar tēnē Nhialic duēl yic bīk riūŋ län cī nök cuet.

¹¹ Rin raandit kāk Nhialic ē ye riēm län cī juēr Nhialic yāth tē yaath duēl yic rin bī adumuööm päl piny. Ku län cī nök ē ye nyop roor abī ya col.

¹² Ku Jethu aya, ee thou γεu köu ayeer Jeruthalem. Tēwēn nēk ye ēcī riemde kuēr rin bī adumuömkua päl piny.

¹³ Këya, dhilku biaath ayeer aya γεu köu buk yār guöp wäär cī guum la rəm kek ye.

¹⁴ Kēnē adhīlku looi, rin pinynhom tē ciēŋ yok thīn acie yen tē bī yok ciēŋ thīn athēr. Yok aa tit gen yam yen bī bēn.

¹⁵ Këya, cit mēnē cī yok Jethu gam, yeku Nhialic leec akölaköl. Rin lēc ye yok ye leec piäthkua ēbēn, yen ajuērdan ye nyuöth lən ye yen Bēny.

¹⁶ Duōkkē nhīim mār luōi kāpath, ku kē ye wek rōt kony kamkun, rin kākkā kek ajuēr Nhialic cōl amit puōu.

Thek kōckun dīt wēl Nhialic

¹⁷ Thek kōckun dīt wēl Nhialic, ku piŋ tē ye kek yī wēēt thīn, rin ye kek kōc tit wēiku. Ku anjckē lōn bī Nhialic ke thiēēc akōldā tē cī kek wēi kōc tiēet thīn. Na thek ke ku gam wētden, ka bī luōiden looi ke mit puōth. Ku na cī wētden piŋ ka luui ke rem puōth. Ku na cīk ŋic luui apath, ke la kē kuny kē yī?

¹⁸ Yakē rōök riēnkua. Acīn kēreēc rēēr yopuōth. Awicku bī ya kēpath yen yeku looi akōlakōl.

¹⁹ Wek aa liēm piāndiē ēbēn bāk rōök bī Nhialic ya cōl adhuk tēnē we ye nīnkā.

Rōök ciēēn

²⁰ Ku ēmēn, bī Nhialic rēēr kek dōōr, yen cī Bānyda Jethu cōl aben pīr, week yiēk kāk wiēckē ke bī wek kēden wīc looi. Ku bī luui wepuōth riēl Jethu raan cī lōc ku dōc,

²¹ bī wek kuat kāk ye miēēt puōu ya looi. Jethu yen abiōŋdīt rin cī yen lōŋ dōōr akōlriēēc cī thany riēmde looi. Bī diik ya kēde akōlriēēc ēbēn. Yenakan.

Wēl ciēēn

²² Miēthakāi piēŋkē wēl lik deet wepuōth ca lēk we apath. Rin athör ca gāt we aciek.

²³ Awiēc bāk ŋic aya lōn wāmāathda Timothī acī lony ē nīnkā. Na lōc bēn bā dōōt, ke yok aabī cath ē tōk buk we la neem.

²⁴ Miāthkē kōckun dīt ku kōc kōk cī wēt Nhialic gam ē riēnkua. Wāmāthakua pan Italia aa we muōōth aya.

²⁵ Bī dhēēŋ Nhialic rēēr kek we ēbēn.

Athör Jemith Wët nhom

Athör Jemith aa kāk cī gāt kōc cī Nhialic gam cī thiēi pinyinhom ēbēn. Raan ē gāt athör aci wël juēc ē waal path gāt bī yen kōc lēk nīny ē kāŋ, rin bī kōc cī gam, rōt tiit ku luoi path. Acī wël juēc lueel tēnē kōc cī gam, wël cīmēn wël ē jīεek, ku nōōŋ ku thēm ē jōŋrac, ku luoi ku tiēel, ku gam kek ē luoi, ku liem path ku nīny ē kāŋ, ku agōth ku nhiam ku piath, ku luk kōc kōk wei. Ku nyooth ē rot ke nhiam ku lier ē puōu ku rōōk. Athör ē jam apēi bī gamda rot ya nyuōōth luoida yic.

Kāk tō thīn

Muōth 1:1

Thēm ku thōōc kērac yic 1:2-18

Pīŋ ku luoi 1:19-27

Duōkkē kōc ye tek yiic 2:1-13

Gam ku luoi 2:14-26

Dut liemdu 3:1-12

Nīny kāŋ bō tēnē Nhialic 3:13-18

Thōnkē rōt Nhialic 4:1-10

Duk mēnhkui nyieny 4:11-12

Duōkkē ye tol 4:13-17

Lēk tēnē Ajiεek 5:1-6

Pēl rot piny ku Rōōk 5:7-20

1 Athör Jemith, aluaŋ Nhialic ku Bānyda Jethu Krītho tēnē kōc cī gam, cī weer pinyinhom. Ku muōōth ke.

Thēm ku thōōc kērac yic

2 Miēthakāi, calkē aye miēt ē guōp tē teem kuat kēril rot ē dhēldun yic,

3 rin aŋiεekē akōl ye gamdun la tuēŋ kārīl yiic, kēn bēn bei thīn ē riēl ē puōu ater yic.

4 Calkē riēl piāndun ater yic ayēth we tuēŋ, yen abī wek kāŋ ŋic ku bāk la cōk ke cīn diu.

5 Na le kē dhal we bāk cī ŋic, ke we rōōk tēnē Nhialic yen la riēl bī gām we, rin Nhialic ē ŋiēēc kāŋ gam ē path piānde tēnē raan ēbēn.

6 Ku na rōōkkē ka dhiēlkē looi ē puōn cīn yic diu acīn, kuat raan ē diu acīt apuōōk wīir ye yom nyiāāŋ bī yāth tuēŋ ku dhuk ciēēn.

7 Raan cīt kēnē cīi ye tak lōn le yen kē bī yōk tēnē Nhialic.

8 Ku yen raan kēnē ē puōu rou, ku kāk ye looi ēbēn aacie rōm.

9 Raan cī gam nōōŋ adhīl puōu miēt tēnē Nhialic, rin bī ye juak bī yāth nhial,

10 ku raan ajak adhīl puōu miēt tē dhuk Nhialic ye piny, rin ajak abī lōōny wei cīmēn yōōk tim.

11 Akōl ē ruēl ku atuōnyde ē tim nyop, ku thou yōōk dhēēŋ wēn ēbēn ku lōōnykē wei. Ku riāāk dhēēŋden puōth wēn. Yen ē kē bī rot looi tēnē raan ajak aya, abī mēr wei jaakde cōk.

12 Raan bī puōu miēt ē raan bī kērac guum ku ŋuōt ril puōu ē gamde yic, tē lēu yen kēnē, ka bī pīr akōlriēēc ēbēn cī Nhialic guiir ke ya ariōp tēnē kōc nhīar ye yōk.

13 Na them raan ē kāk rēεckā, ke cīi raan luel yepuōu ēlā, “Athēm kēnē abō tēnē Nhialic.” Rin acīn raan lēu ye bī Nhialic cōl aloi kērac, ku yeen guōp acie raan ē them kērac.

14 Ku raan aye them kērac ye wīc yepuōu ye thēl wei ku deep.

15 Kērεεc ye wīc yepuōu yen ē bēn rēēr kēya yet bī dhiēth adumuōōm, ku adumuōōm yen ē bēn dīt apēi yet bī thuōōu bēēi.

16 Miēthakāi nhīaar duōkkē rōt cōl aaye math nyīn,

17 kuat kāpath la cōk ye yōk, nadē ke gēm yī aa bēn nhial tēnē Nhialic, Acīēŋ cak kāk ē ruēl nhial, ye ruēlden rōt waar ku yeen acie rot waar.

18 Acī tak ē rot bī ŋo gām pīr ē yam dhēl wēt ē yic, ku buk rēēr tuēŋ kēriēēc nhom ēbēn.

Pīŋ ku luoi

19 Muōkkē kēnē wenhīim miēthakāi nhīaar ke! Raan ēbēn adhīl kāŋ lac apīŋ, ku cīi guō jam ē path, ku cīi puōu ē lac dak aya.

20 Riāŋ ē puōu acīi pīr la cōk wīc Nhialic ye bēēi.

21 Kēya, pālke luoi kāk la bīth ē kōc yōōr gup, ku kuat luoi kērac ēbēn. Gamkē Nhialic piāthkun ēbēn, ku wēt puōth cī tāāu wepuōth bī we luōk.

22 Na yakē wēt Nhialic pīŋ ku cak loi, ke wek aa rōt math. Kēya, luōikē kecīt tēde.

²³ Kuat raan ë wët kënë piñ ku cii looi acit raan rot tiñ macar yic.

²⁴ Ee guäpde ñiɛc tiñ apath, ku na le jäi macar lööm ke go nhom mäǟr tē cī ye cak thīn.

²⁵ Ku raan ë löñ path tiñ ku döt yic yepuɔ̄u, löñ puōth Nhialic ɣo gël buk käreɛc cii loi, acii cit kënë, acii ye piñ ë path ku mër nhom ye, ku looi kecit tēde. Raan cit kënë abī Nhialic dɔɔc kuat kāk ye looi yiic ebën.

²⁶ Ye raan tak lön theek yen yath? Na cii raan liemde dut ka cīn yan̄h theek. Ku ë rot math ë rot.

²⁷ Thëk puōth ye Nhialic Wāda gam akīn, kony abεεr ku lēer ë ñäǟnden yic, ku tiit rot kāk rεc ye tō pinyñhom.

2

Duäkkë kəc ye tek yiic

¹ Miëthakāi, kəc cī wët Bānyda Jethu Krītho la dhēēndīt apεi gam, wek aadhil kəc thōññ nhīim kuat ë kāk yakē ke looi yiic ebën.

² Tēdē, tē bī raan cī ñiɛc ruk apath tēnē amat, ku bö raan ñōñ cienj alan̄h cī riääk aya.

³ Na ye raan cī ñiɛc ruk yen ñic tiñ ë rot ku lək ye ëlä, “Bäär nyuc tēn tēpath,” Ku lək raan ñōñ nyin, “Lōor kääc tēñ,” Nadē ke luel, “Lōor nyuc piiny tēñ ɣacök.”

⁴ Ke yīn ala guöp awuɔc cī yīn kəc tek yiic, ba kəc kək luök wei, ku kënë ë luoi cii path.

⁵ Piεñkë miëthakāi nhiaar, Nhialic acī kəc ñōñ nyīn kuēny bei pinyñhom bīk ajieek ë gamden yic, ku ye bääny pan Nhialic këden, bääny cī Nhialic lueel lön bī ye gām kəc nhiaar ye.

⁶ Ku wek aaci kəc ñōñ nyīn dhöl gup. Ye yīña, bī we thany nhīim piny ku thelkë we tēnē bēny luk? Ajieek!

⁷ Aa keek, kek aa kəc jam wël rεc rin puōth raan cī wek wētde gam.

⁸ Abī ya këpath yen luoi kē tē theek wek löñ bääny Nhialic ye yök athör thεer wël Nhialic yic, “Nhiar raandun akeu nhom cīmēn nhiεer yīn rot.”

⁹ Ku na cäk kəc ye thōññ nhīim ë luoidun yic, ke wek aala gup awuɔc, ku löñ abī we tēm awuɔc raan cī löñ dhoñ kōu.

¹⁰ Kuat raan ë löñ tök dhoñ kōu kam ë lööñ, ee lööñ dhoñ kōth ebën.

¹¹ Ku yen tööñ, yen ë ye lueel ëlä, “Duk tiñ raandä kōr,” ku lueel aya, “Duk raan näk.” Rin na cök alön këc yīn tiñ raandä kōor ku yīn aci raan näk, ke yīn aci löñ dhoñ kōu.

¹² Ye jam ku lui yī ñic rot lön bī yī dām ë löñ ɣo gël buk käreɛc cii loi.

¹³ Rin tē le Nhialic luk looi tēnē kockä, acii raan cie wët ye päl piny bī ñuään. Ku pël piny wët yen aril tēnē luk.

Gam ku lui

¹⁴ Miëthakāi, ye këpiath ñō tō thīn bī raan aa lueel ka la gam, ku aaci kāk yeke looi ye nyuɔ̄oth? Lēu gam kënë bī ye luök?

¹⁵ Na lö miëthakui cī gam ku aaci miëth camkë ku alëth cenkë ke.

¹⁶ Ye këpiath ñō tō thīn tē lək yīn ye ke ëlä, “Miëthkë ku bāk kueth, tēdē ke luel, ruökkë alëth dhil bī wiir we cii näk!” Ku aci kāk ca gām ke kāk wickë ke ë piēden yic?

¹⁷ Kēya, gam ë rot ku cīn yic luoi path, ka cīn yic pīr.

¹⁸ Ku abī raan ya lueel, “Raandēt ala gam ku raandä ala luoi,” Ku aba dhuk nhom ëlä, “Nyuöth ɣa raan cit kënë la gam ku cīn luoi? Yīn aba nyuöth gamdië kākkiēn ya looi yiic.”

¹⁹ Ye gam lön ye Nhialic tök? Apath. Aye jakrεc gam aya, ku lεth ke ke cī riöc.

²⁰ Yīn raan ril nhom! Wic bī nyuöth yī lön gam cīn yic luoi aci koony?

²¹ Abaram Wādandīt thεer, cī cök piny Nhialic nhom këdē? Ee luoi ye cök ye piny, wäär juεer yen manhde Ithäk ariäk nhom tēnē Nhialic.

²² Këckë tiñ gamde ku luoi aaci luoi kedhie, ku gamde aci luoi cöl ala cök.

²³ Ku kë cī lueel athör thεer wël Nhialic yic aci ya yic, “Abaram aci Nhialic gam, ku rin gamde yen aci Nhialic ye bēn tiñ ke la cök yēñhom.” Ku ye Abaram cöl aye mäh ë Nhialic.

²⁴ Cäk tiñ, ee rin luoi path yen ë raan cöl ala cök ë Nhialic nhom. Ku acie gam ë rot.

²⁵ Ku ë yen ë ye tēde kek adējōñ cöl Rayäp wäär kony yen anēm kəc Itharel. Wäär, lor yen ke paande, ku kony ke bīk röt kual ë dhël dēt.

²⁶ Këya, cîmën guöp cîn yic wëi, ee kē cî thou, yen ē tēnē gam cîn yic luoi path, ee kē cî thou aya.

3

Dut liemdu

¹ Miēthakāi, aacie we ebën wek lëu ye bāk aa kōc ē piōōc. Tēcīt tē ŋiēckē ye, ŋook kōc ē piōōc, luōŋda abī yic riēl apēi tēnē luŋ kōc kōk.

² ŋook ŋodhie ŋok awuōōc looi dhōl juēc yiic, ku na kēc raan awuōc loi kāk ye lueel yiic, ka la cōk ku alëu bī rot muk apath alanden.

³ ŋok a mathiāŋ ŋak thok luuŋ bī wētda gam, ku jōlku kuaath tē wicku.

⁴ Tēdē ke yī tak riān rēēr wīir, adīt apēi ku aye yom ril kuaath, ku alëu raan ye kuaath bī tim koor cīt alau cōk nhom, ku jōl geer ke wel nhom tē wic piānde.

⁵ Yen ē tēde ke liep, akoor, ku alëu bī yenhom lēc kākken dīt ril yen.

Thōōŋ ror dīttet lāäu yic apēi, ku aye liem many thiin koor ŋoot.

⁶ Ku liep acīt mac. Yen ē kāŋ liāāp ku bīi riāāk pinynhom, arēēr ŋogup ku ye kuat kārēc ebën thiāi ē guōp yic. Ee piērda dēēp ē manyden bō kek ye pan mac.

⁷ Acī raan lëu bī lāāi roor mac baai kek ye, cîmën lāāi dīt ku lāāi kor ku diet ku kāpieny ku rec.

⁸ Ku acīn raan cie lëu bī liemde ŋiēc mac. Liep arac, acie lëu bī duut, ala yic kērēc kōc nōk.

⁹ Ayeku luōōi bī ŋok Nhialic leec, ku lem ŋok miēthakāi kōk cī Nhialic Wāda ke cak ke cīt ye.

¹⁰ Wēl alēc ku lēmlēm aa bēn bei ē thoŋ tōōŋ yic. Miēthakāi peth bī rot looi këya?

¹¹ Acīn yinh piū path ku piū rēc bēēi bei ē tōk kedhie.

¹² Miēthakāi tim cīt ŋaap, acie dhiēth ē mīth tim cōl Olip. Ku abiēc acie dhiēth mīth tim cīt ŋaap, tēdē ke yinh lēi piēuke bīi piū path.

Ŋiny ē kāŋ bō tēnē Nhialic

¹³ Le raan tōk kamkun ŋic kāŋ ku ye wēl deet yiic? Adhil nyuōōth ē piērde yic, ku luoi path cîn yic nhiaam rin ŋiēēc ē kāŋ.

¹⁴ Ku na ye tiēl yī reem puōu apēi ku ye rot nhiēr kāŋ ē rot, ke yī duk yic dhāl ba jam ē nhiaam.

¹⁵ Ŋiny kāŋ cīt kēnē acie bēn pan Nhialic, ee kēn pinynhom ē tēn, acīn yic Wēi Nhialic, ee kēn jōŋrac.

¹⁶ Na rēēr tiēl ku kē ye yīn rot nhiēr kāŋ ē rot thīn, ke aliāāp ku kuōc luoi, ku kuat kārēc ebën arēēr thīn aya.

¹⁷ Ku ŋiny kāŋ bō nhial, tueŋ ala yic dōōr ku ala yic dhēēŋ, ku gem rot tēnē Nhialic, athiāŋ ē lier puōu, ku aa kāpath kek aaye yōk thīn, acīi kōc ye tek yiic, ku aala cōk.

¹⁸ Ku kōc dōōr looi, aa kāk la cōk yōk dōōr yic.

4

Thōnkē rōt Nhialic

¹ Ye tēnen yen ye akēēk ku agōth ē kamkun bēn thīn? Aa bēn tēnē kāk wiēckē ke thōr wepuōth, kāk we cōl agōth ē kamkun.

² Wek aa wic kāŋ, ku aa cāk ē yōk, wek acī rōt guiir bāk nāk. Wek aa wic kāŋ ē riēl ku na cākē ke yōk, ke wek aa gōth ku thārēkē, kē wiēckē acāk bī yōk rin kēc wek Nhialic thiēēc bī gām we.

³ Ku na thiēckē, ka cāk yōk, rin tē ye wek ye tak thīn tē wic wek ke, acīi path. Ayakē thiēēc ē kākē rin miēt ē piāthkun ē rot.

⁴ Kōc cī jai Nhialic! Kuōckē lōn na yīk raan yepuōu kāk pinynhom, ke raan ē raan ater tēnē Nhialic. Kuat raan ye wic bī ke nhiaar kāk ē pinynhom, ee ya raan ater tēnē Nhialic.

⁵ Duōkkē ye tak lōn cîn yen yic tō athōr thēer wēl Nhialic yic ye lueel ēlā, “Nhialic awic wēikua bīk aa kākē ē rot.”

⁶ Ku dhēēŋ cī Nhialic gām ŋo adīt alanden. Ku yen aye athōr thēer wēl Nhialic lueel, “Nhialic aman nhiam ku ē dhēēŋ gām kōc lir puōth.”

⁷ Këya, thōnkē rōt Nhialic. Yakē jōŋrac thany wei bī kat welōm.

⁸ Bākē ē Nhialic lōōm ku abī thiōk kek we. Miēētkē wecin bei kārēc yiic wek kōc la gup adumuōōm! Wuōōnykē wepuōth wei wek kōc puōth rou!

⁹ Riāākkē puōth awuōōckun cāk looi yiic, dhiaaukē ku ŋērēkē yiic. Calkē dōl aye

dhiëü. Calkë miët ë piändun aye riääk ë puðu!

¹⁰ Dhuökkë röt piny ë Nhialic nhom, ku abï we jat nhial.

Duk mēnhkui nyieeny

¹¹ Miëthakäi duökkë röt ye nyieeny kamkun, kuat raan bi mēnhkēn nyieeny ë path, tädë ke luk wei, ee löŋ yen aye dhöl ku lueel ka cii path. Ku na luel kērac rin ë löŋ ka cii thek, ku ye rot looi ciët yin dit tēnë löŋ.

¹² Ee Nhialic rot yen ë löŋ gām kōc, ku ë yen kōc luök wei. Yen ee raan kony ku nēk aya. Ye tak ye yin ë ŋa ba mēnhkui luök wei?

Duökkë ye tol

¹³ Piēŋkë kë luēel emēn, ayakë lueel, “Ya akölë, tädë keye nhiäk yok abï la keny ë gen dēt yic, yok aabi la rēer ë tēen ë ruöön tök, ku lok luui buk wēü juēc yök thīn.”

¹⁴ Yin akuc kë bi rot looi tēnë piērdun nhiäk, yin acit tol ë mac, ë guō bēn nhial kam thin-nyōōt ku go liu.

¹⁵ Kë lēu ba ya lueel akīn, “Na wic Nhialic, ke yok aa pīr buk kēnë looi ku kēnë.”

¹⁶ Ku emēn wek aa nhiam ku yakë tol, nhiam diit kēnë ebēn arac.

¹⁷ Kēya, raan ŋic kēpath bi looi, ku acii ye looi ala guōp awuōc dit tet.

5

Lēk tēnë Ajieek

¹ Ku emēn, wek kōc la kāŋ, piēŋkë wēt diē! Nēerkë yiic ku dhiaaukë ë kārēc bi bēn weyiēth aköldä!

² Jaakdun acī riääk, ku alāthkun aaci aruōp cam.

³ Milōōŋkun tōc ku milōōŋ thith aaci keth, ku keth kēnë yen abï dit piändun nyuōōth aköldä, ku abï we nyop cimēn mac. Wek aaci kājuääc kuōōt yiic ë nīnkä.

⁴ Wek aakēc kōc lui duōmkun yiic riōp. Piēŋkë keröt. Dhiēn kōc ë rapkun tem aaci Nhialic Madhöl dööt.

⁵ Piērdun pinynhom tēn, athiāŋ yic miēt piändun ë röt. Wek acī cuai ciēt we bi nōk aköl yai.

⁶ Wek acī kōc cīn gup awuōc tēm awuōc, ku nākkë ke ke kēc jai ë wēt dun.

Pēl rot piny ku Rōök

⁷ Miëthakäi, guōōmkë yet tē bi Bānyda bēn. Tiēŋkë, raan puōr ee yepušu pāl piny bi rapken wāär cī puur duōmde tiit bik luök apath. Ee tiit yet bi ruēl thök bi deŋ bēn tueny läkēer.

⁸ Ke week aya, wek aadhil röt pāl piny, ku kääckë ë cök rin aköl bēn ë Bēny acī thiök.

⁹ Miëthakäi, duökkë röt ye lom kamkun bi Nhialic we cii luk wei. Aluök luk acī thiök, abï guō yēēt.

¹⁰ Miëthakäi, na cī kārēc we yök, ke we pēl röt piny cimēn kōc wāär ë kāk Nhialic tiŋ ë wēl Nhialic lēk kōc.

¹¹ Cimēn ŋic wek ye, aayeku cōl aaye kōc cī dōōc ë rin cī kek gum. Wek aa we cī tē cī Jop guum thīn ku deet yepušu piŋ, ku wek aaci kë cī Bēny bēn looi tiŋ, Bēny la ŋuēen ku nhiēr.

¹² Kë tuen miëthakäi, duökkë mēl ye kuēen rin pan Nhialic. Tädë ë rin piny, tädēt ë rin kōk ë path. Luel, “Yēē,” Tē cī yin ye gam, ku luel, “Yei,” Tē kēc yin ye gam. Na cāk loi kēya ke wek aabi tēm awuōc.

¹³ Na le raan tök kamkun rēer ater yic ka adhil rōök. Na le raan töōŋ mit pušu, ke cōl aket waak alēec.

¹⁴ Na le raan tuany ë we ka dhil kōcdit akut kōc cī gam cōl bik rōök rienke, ku tōckë ë miök.

¹⁵ Rōök kēnë cī looi ku le yic gam ril, ka bi raan kony bi pial rin abï Bēny cōl apuōl, ku na le adumuōōm cī looi ka pēl piny.

¹⁶ Kēya, lakkë adumuōōm cāk looi ë kamkun, ku ye ŋek rōök rin ë ŋek rin bi we kony. Rōök ë raan path cōl aril apēi bi kōc kony.

¹⁷ Elija raan kāk Nhialic tiŋ a ye raan ë path cit yo. Ee cī rōök apēi bi deŋ cii tueny. Ku deŋ akēc bēn tueny pinynhom run kadiäk ku abak.

¹⁸ Na lä ke ben rōök bi deŋ tueny bi wal cil ku lok rap pinynhom.

¹⁹ Miëthakäi, na pāl raan tök ë kamkun gam ë yic, ku dhuk raandēt ë raan kēnë thīn,

²⁰ muökkë kënë nom, kuat raan bi raan
lä guöp adumuööm dhuök ciëen bi käreç ye
ke looi puöl, ke yeen abi wëi kony thou yic.
Ku abi pël piny adumuööm juëc bëi tënë ye.

Athör tuenj cï Piter gõt Wët nhom

Athör tuenj cï Piter gõt eci gät kác cï gam, kác cï Nhialic kuany. Kácã aake cï thiëi wuõt kók yiic pan Athia. Wët gët yen athöör ë rin bï yen kác bï ye kueen dæet puõth bik gum, wët ye ke nók rin cï kek gam. Aaye Piter læk Wët Puõth Yam ë rin Jethu Kritho, raan cï thuõnde ku jön rot ku këden cï thõn bõ, ke cõl anõth.

Ku rin ë wët këne adhilkë gam bik kepuõth dæet ku guumkë rin ë gamden yen athem. Ku njickë lön bï ke riõp akõl le Jethu raan cï lóc ku dác dhuk.

Na cõk alõn ye Piter ye læk ke bik kepuõth aa dæet, tã yök kek kãrec, aye læk ke aya, bik pïr ke cõt kác Raan cï lóc ku dác.

Käk tã thïn

Muõth tuenj 1:1-2

Læk rin kuõny Nhialic 1:3-12

Käk dhilkë looi rin Pïr ë Yam 1:13-2:10

Kë ye kác cï gam kony riääk yic 2:11-4:19

Kuõny kác cï gam 5:1-11

Muõth ciëen 5:12-14

¹ Yen Piter atuny Jethu Kritho, yen agët tënë kác cï Nhialic kuany, cï thiëi bëëi kók yiic pinynhom cimën Pontuth, Galatia, Kapadokia, Athia ku Bithinia.

² Wãda Nhialic aci we kuany rin yen këden wïc thæer. Ku Wëi Nhialic aci we looi bák aa kacke, ku këya bák Jethu Kritho theek, raan cï thou rin bï adumuõmkun päl piny. Bï dhëenj ku döõrdit rëer kek we.

Nõth akõlriëc ebën

³ Yok aa dhil Nhialic Wun Bãnyda Jethu Kritho leec. Ku rin lier piãnde tënë yo, aci yo yiëk pïr ë yam, jön cï yen Jethu Kritho jõt thou yic, ku këne ë yo cõl anõth.

⁴ Anicku lön bï yok kák ye Nhialic tãu kacke yök. Kãkkã aaye muk nhial paande apath ë riënkun. Aaye tõõu tã cïi kek bï dhiãth thïn, tã cïn kë bï ke rac ku cïn kë nyësi ke thïn.

⁵ Aa tõõu ke ë riënkun, rin le wek gam bï we tiit ë riël Nhialic. Ku këya wek aabi luõk akõldã cõt tã cï Nhialic guiër ye.

⁶ Miëtkë puõth rin kë cï Nhialic looi, cõk alõn bï wek puõth aa riääk ëmën rin kãjuëc bák ke guum.

⁷ Ku kë ye wek gum, ee lön bák nyuõõth lön ye gamdun yic. Agut milãnj tõi, ye raan lëu bï rac, aye kanj tããu mæec bï them. Këya, gamdun tënë Nhialic wãr milãnj adhil them aya bï tïnj lön bï wek puõth riël. Ku Nhialic abi we cõl ayök læc ku duaar akõl le Jethu Kritho dhuk.

⁸ Na cõk alõn këc wek ye kanj tïnj, ka nhiarkë. Cõk alõn cïi wek ye ye tïnj ëmën ka ya ke gam. Ku acïn wël puõth ye wek miët piãndun teet,

⁹ rin wek aa kuõny wëikun yök, këne yen ye yök gam yic tënë ye.

¹⁰ Kác kák Nhialic tïnj cï we læk rin dhëenj Nhialic, acik wïc apei bik kuõny wëi këne njic.

¹¹ Ku Wëi Kritho rëer kegup aci ke nyuõth tã bï Kritho guum thïn, ku kãpuõth bï rõt looi, ee këne cõk. Ku acik them bik njic ye nen bï këne rot looi, ku yenõ bï ye nyuõõth.

¹² Acï Nhialic nyuõth kác kãkke tïnj lön kák yekë ke lueel aacie kák ë kuõnyden, aa kák kony ë we. Kák yakë ke piñ ëmën aaci atuuc ë Wët Puõth Yam jam riël Wëi Nhialic cï tuõõc nhial pinynhom. Kãkkã aaci atuuc nhial bën aa wïc aya bik ke deet yiic.

Pïr ë Yam

¹³ Këya, cõkkë rõt piny rin ë luõi. Duõkkë rõt cõl amër dhõl kók. Nãthkë ke ye dác bï Nhialic gãm we akõl le Jethu Kritho bën.

¹⁴ Thekkë Nhialic, ku duõkkë piërdun cõl acõk kãkkun yakë ke wïc wepuõth, cimën wãar kuc wek Wët Puõth Yam.

¹⁵ Mæeckë rõt wei kuat kãrec yiic ebën akõlakõl, cimën cïi Nhialic raan cï we cõl rot ë thiãk kuat kërác aya.

¹⁶ Acï gõt athör thæer wël Nhialic yic ëlä, “Mæec rot wei kërác yic cimën mec yen kek kërác.”

¹⁷ Tã rööc wek tënë Nhialic, ayakë cõl, “Wãda.” Yen ë luk looi cõk tënë kác ebën, kë cï raan looi yen ë tã bï Nhialic luõnjde luõk thïn nyooth. Këya, rëërkë ke we thek Nhialic piërdun yic pinynhom ë tën.

¹⁸ Rin wek aa njic kë cï we wëer bei pïr wãar yic, pïr cïn kë kuany thïn wãar cãk njic

tënë wärkun dīt. Ku wek aa we kēc waar kën yäi, cimën ye miläj təc ku miläj thith yäi.

¹⁹ Ku wek aaci waar rin cī Krītho rot gam bī nōk, ku kënë ajuēr thiek yic apēi, ee cīt manh amääl cīn kē diu yeguöp.

²⁰ Nhialic ēcī Jethu lōc ke piny ku nhial kēc cak, ku cōl ajōl ŋic ē nīnkā riēnkun.

²¹ Ku ē Jethu yen acī wek Nhialic gam, Nhialic ē jōt ye ran yic ku yīk duaardīt apēi. Ku këya, wek aa la gam ku ŋōth tēnē Nhialic.

²² Ku emēn wek aaci la cōk rin theek wek yic, ku bāk miēthakun anhiaar ayic, nhiarkē rōt kamkun apēi piāthkun yiic ēbēn.

²³ Wek aa dhil rōt nhiaar, ku rin wētden rēēr thīn akōlriēec ēbēn, acī Nhialic we cōl aa ben dhiēeth, dhiēnh mīth raan cie thou cimēn kōc ke dhiēth γo.

²⁴ Cimēn ye athōr thēer wēl Nhialic ye lueel ēlä, “Raan ēbēn acīt noon ē riēl, ku kuat kēden path ēbēn, acīt yōök ē tēŋ.

²⁵ Ku wēt cī Bēny lueel ē ya yic akōlriēec ēbēn.”

Wēt kēnē ē Wēt Puōth Yam ye atuuc lēk kōc.

2

Alēl pīr ku kōc yam Nhialic

¹ Kēya, pālkē luōi kāreec ēbēn, pālkē lueth ku ruēeny, ku duōkkē wēpuōth ye yiēk kēpeth kōc kōk. Ku duōkkē kōc kōk ye lēk gup wēl rac ē path.

² Luōikē rōt bāk ciēt mīthkor ye ciēk path ke muk. Yakē ciēk path wīc akōlakōl, ciēk ē wēikun ku bī wēikun dīt ke we ŋic Nhialic.

³ Rin acī gōt athōr thēer wēl Nhialic yic ēlä, “Acāk yōk ē rōt yen tē peth Bēny thīn.”

⁴ Bākkē tēnē Bēny, Bēny yen cīt alēl pīr wāär cī kōc jai, ku acī Nhialic kuany ke ye kēpath apēi.

⁵ Ku week aya, cīt aleel pīr, wek aa buth bāk aa luan wēi. Ku bāk aa kōc la cōk lēu ye bāk kāk wēi cī Nhialic gam juēr ye rin Jethu Krītho.

⁶ Rin alēu raan bī kuen athōr thēer wēl Nhialic yic, ee yen ye lueel thīn ēlä, “Υen acā alēl ril path apēi kuēny bei aleel yiic,

ku tāau Jeruthalem ē yam ke cīt mēn, ku raan bī ŋāthde tāau alēl kēnē kōu acīi guöp bī yār.”

⁷ Alēl kēnē apath apēi tēnē wek kōc cī gam, ku tēnē kōc kēc ye gam.

“Alēl cī kōc ē buth kuec lōn cīi yen path yen acī bēn alēl path apēi tēnē aleel ēbēn.”

⁸ Rin acī gōt aban dēt yic athōr thēer wēl Nhialic yic ēlä,

“Kēnē yen alēl bī kōc kecōk dēeny, ku ee yen kuur bī keek cōl awiēēk.”

Aa kecōk dēeny rin kēc kek wēt cī Nhialic lēk kōc gam. Ku kēnē yen ēcī Nhialic guiir tēnē ke.

⁹ Wek aa kōc cī Nhialic kuany ku wek aa kōc kāk Nhialic aya, yen bēnyŋaknhom, wun cī lōc bī Nhialic luōōi, kōc ē Nhialic. Nhialic acī we cōl bei muōōth yic ku bākkē γerden dhēŋ apēi yic. Rin bāk kākken puōth ye ke looi lēk kōc.

¹⁰ Wek aa we cie kōc Nhialic, ku emēn wek aa kacke. Wek aa we kuc ŋuēēn ē Nhialic, ku emēn wek aaci tē ye Nhialic kōc ŋuāän thīn ŋic.

¹¹ Māthkiē, wek aa yōök puōu ēbēn, wek kōc pīr ke we cīt jōōl pinynhom ē tēn. Duōkkē wēpuōth ē yiēk kāreec ye guāpkun ke wīc, kāreec thār kek wēikun.

¹² Piēērkē ē pīr path kam kōc kuc Nhialic, ku na cōkkē ya lueel lōn ye wek luui kāreec, ka bī kāpuōth yakē ke looi tīŋ bīk Nhialic leec akōl le yen bēn.

¹³ Rin bī wek kē cī Bēny looi buōōth yic, thekkē bāny mēc baai, bēnyŋaknhom yen dīt,

¹⁴ ku bāny kōk cī ke luōōi bīk kōc kāreec looi aa tēm awuōc, ku leckē kōc kāpath looi.

¹⁵ Rin Nhialic awīc we ku bāk kōc we jāām gup rin kuc kek kāŋ, cōl aabit tē tīŋ kek we ke we loi kāpath.

¹⁶ Wek aacie aloony ē kōc kōk. Ku duōkkē kēnē cōl akum kāreec yakē ke looi kōth. Wek aa loony ē Nhialic luōōi.

¹⁷ Thekkē raan ēbēn, ku nhiarkē miēthakun cī gam. Thekkē Nhialic ku thekkē bēnyŋaknhom.

Kē ye gum Jethu nyuōth γo

18 Kac luoi aa dhil wët ye banyken lek ke pin, ku thekke ke apeı. Luoi kënë tenë ke ebën, bany njic we ciëen ku bany kuc we ciëen aya.

19 Na gum arëem ke cie awuöcdun ca looi, ke yi njic Nhialic yipuöu, ke yin abi Nhialic döc.

20 Ye lec nö tö thin tē beŋ yi ku gum arëem rin awuöc ca looi? Ku na gum arëem rin këpuöth ca looi, ke yin abi Nhialic döc.

21 Ee gum kënë yen e cöl Nhialic yi, rin Kritho aci gum e rienkun, ku nyuth we tē bi wek guum thin cimende, rin bi wek dhölde buöth yic.

22 Acin awuöc ci kaŋ looi ku akëc lueth kaŋ lueel e thuönde.

23 Wäär ye kek ye läät, akëc bën adhuk nom e wël rëc. Ku wäär beŋ ye akëc kac bën riäc lön bi yen kede guöör, aci rot bën tääu e Nhialic cin yen luk looi e cök.

24 Kritho acä awuöc jot, awuöc kärec cuk ke looi, wäär reem ye tim ci riü kök, rin bi yok luoi adumuööm puöl ku piirku e pir la cök. Ku tetöök juëc ci yiek ye aaci we waar e thou yic.

25 Wek aa we cit amël ci dhël baai, ku emën wek aaci dhuök ciëen, bak raan diëer e we cimën ye abiöök diëer amälke buöth, raan wëikun tiit.

3

Diäär ku Rörken

1 Kälä aya, wek diäär wek aa dhil röt thön rörkun. Rin na le raan tö kamken ke këc wët Nhialic gam, ka bi luoidun path cöl agëm, ke cin wët lek ke.

2 Rin aabi pirdun path ku tē theek wek ke thin tñ.

3 Duökkë röt loi bak dhën rin käjuëc ye ke tñ wegup ayeer kepëc. Cimën tē ye wek wenhüm guiëer thin. Ku cienkë milöön töc ku alëth path juëc kök.

4 Duökkë ye luui këya, ee kë rëer yipuöu alonthin yen e tē dhëen yin thin nyuöth, dhëen la yic athëk ku lier e puöu cie rot e waar tē cök yin dhiöp. Ku ee yen dhëen ye Nhialic tñ ke path apeı.

5 Diäär theer wäär path Nhialic nom cien ke njickë apeı lön bi Nhialic kë ci thön dhiel looi, aake ci röt thön rörken ku ee kënë yen e ke cöl adhën.

6 Thara acit e diäärkä, e ye kë ci Abaram lek ye bi looi, looi. Ku tē jiem yen tenë ye, aye lueel banydië. Wek aa cit Thara emën tē looi wek käpath tenë kac kök, ke cin kë riöc wek.

7 Ku wek rör aya wek aa dhil cien apath kek diäärkun, ku njickë lön diäär aaci ril cimën rör. Yakë ke njic ciëen ku thekke ke rin keek aabi miëc path Nhialic yok aya cimëndun. Luoi kënë rin bi rökkun la cök.

Kac ci gam aa gum rin luoi käpath

8 Emën awiëc ba wët lek we wit. Njickë cien kamkun, ku ye njek diëer kërec bi njek yok. Nhiarkë röt cimën njek ke wämënhë. Lier puöu tenë kac ebën. Ku dhielkë röt dhuök piny.

9 Na lui kac kök yi kërac, ke duk col tenë ke kërec dët. Na ye raan dët yi wëi kërac, ke duk wëi kërac aya. Na loi kac kärec tenë yi ke yi thiëc Nhialic bi ke döc. Yen ee kën cöl Nhialic yi rin bi yin döcde yok.

10 Cimën ye athör theer wël Nhialic ye lueel ëlä,

“Raan wic pir path ku wic bi puöu miët, ke cie jam wël rëc ku ci lueth ye lueel.

11 Ku adhil luoi kärec puöl ku looi käpath, adhil them piände ebën bi njic cien apath kek kac kök.

12 Rin Bëny ee kac path tiit ku ee rökkun pin,

ku Nhialic ee yenyin pën kac kärec looi.”

13 Yenja bi cöl agum tē wic yin ye yipuöu ba këpath looi?

14 Na cöl kac kök yi agum rin looi yin käpath, ke këpath yen aloi rot tenë yi. Duk riöc e ke ku duk ye diëer,

15 ku calkë Kritho aye Bëny piërdun yic. Rëer ke yi ci rot guiir akölaköl ba kac yi thiëc tët kë yakë njöth tö wepuöth wek kac ci gam.

16 Ku duk kac e thany riel bik gam, kuëc tëktëc raan dët nom. Loi këya ba ci ye yok yipuöu lön le yen awuöc ca looi, rin bi kac

man tēpuōth ciēŋ wek thīn rin ye wek kōc buōth Krītho gup yār kāk yekē ke lueel.

¹⁷ Aŋuēēn ba gum rin kēpuōth ca looi tē wīc Nhialic ye ba gum, tēn tē bī yīn gum rin luoi kērac.

¹⁸ Krītho acī thou arak tōk rin adumuōōmkua. Yeen ē cīn awuōc cī looi, ku acī nōk bī thou riēnkua yok kōc la gup adumuōōm bī yo wat nhīim tēnē Nhialic.

¹⁹ Ku yeen, acī jam wēt Nhialic tēnē wēi mac.

²⁰ Wēikā aa wēi kōc wāār cī jai wāār tiit Nhialic ke bīk kepuōth dhuōk ciēēn adumuōōmken, wāār guiir Noa riānde. Kōc lik ke cī la riāi yic, kōc kabēt, kek aacī Nhialic bēn kony aboor yic.

²¹ Ku kēnē acīt miōc nhom, miōc nhom yen aye Nhialic yo kony ēmēn, rin Jethu Krītho cī jōt ē thou yic. Tē jīēm yok miōc nhom, yok aacī jam rin acol ye laak wei kōc gup, miōc nhom wētde yic yok aa rōt thōn Nhialic ke puōn yer.

²² Ku Jethu Krītho atō pan Nhialic ēmēn ke rēēr cuēny ē Nhialic. Ku yeen amēc kāk la riel ku atuuc nhial ēbēn.

4

War pīr yic

¹ Kēya, Krītho ēcī reem ku guum apēi. Ke week, wek aa dhil rōt guiir bāk gum cimēnde. Na rem raan ku guum, ka cī yepuōu wēl wei adumuōōm yic.

² Ku ēmēn le tūeŋ wek aadhil pīr tēcīt tē wīc Nhialic ye thīn, ku acie tē wīc piāthkun ye thīn.

³ Wek aacī rēēr tēbāār ke we loi kāk ye kōc kēc Nhialic gam looi. Wek aa rēēr ke we yīk wepuōth kāk bal ku dēŋ ē māāu, ku luoi kārēc kōc cōl ayār gup, ku duōr jak cī kiēt cī ke wīc.

⁴ Ku rin cīi wek rōt ye māt ke bāk aa luui kārēc kōc yōōr gup aya, ee ke gōi ku jīēm kē wegup apēi wēl lueth.

⁵ Ku keek aabī dhiel kōōc Nhialic nhom yen luk looi tēnē kōc pīr ku kōc cī thou, bīk tēt ye lōn puōth kāk cik ke looi.

⁶ Raan cī lōc ku dōc acī Wēt Puōth Yam lēk kōc cī thou, kōc wāār cī Nhialic luk looi tēnē ke wāār pīir kek, cimēn ye yen luk looi tēnē

raan ēbēn. Wēt Puōth Yam ēcī Jethu lēk ke rin bī wēiken pīr ē tōk kek Nhialic.

⁷ Tē bī kāk loi rōt ēmēn thōk ēbēn acī thiōk. Cōkkē wepuōth ku rēēr kē ke we tīr nhīim bāk lēu bāk rōōk.

⁸ Kēdīt apēi kārēēc ēbēn yīic ē nhiēr bī ŋek-ŋek anhiāar yepuōu apēi, rin na nhiar kōc kōk, ke yīn abī kārēc yekē ke looi tēnē yī pāl piny.

⁹ Lor raan bō paandu puōn cīn yic tiēl.

¹⁰ Na ŋiēc miōc juēc Nhialic cī yīēk yī muk, ke yīn adhil miōckā luōōi apath bī yīn ke kōc kōk kony.

¹¹ Tē piōōc raan ē kamkun, ka dhil kōc aa lēk wēt cī Nhialic lueel. Ku raan kony kōc kōk adhil looi kēya riel cī Nhialic gām ye rin ee luoi kēnē. Kuat kē ye raan looi ēbēn adhil looi bī alēc gām Nhialic ē Jethu Krītho, raan la diik ku riel akōlriēēc ēbēn. Yenakan.

Wek aa gum rin ye wek kōc cī gam

¹² Māthkiē, duōkkē gēi rin arēem them ē we guōmkē, duōkkē tak lōn kē loi rot kēnē acie kē cī rot kaŋ looi.

¹³ Miēt kē puōth, wek aa gum ē dhēl tōŋ thōŋ kek tēwāār cī Krītho guum thīn, rin yen abī ya miēt piāndun tē le yen bēn ke diēckde.

¹⁴ Miēt kē puōth tē ye we lat rin ye wek Krītho buōth. Na loi kēnē rot ke ŋiēckē lōn rēēr Wēi diik Nhialic kek we.

¹⁵ Na le raan gum ke cīi dhil gum rin awuōc cī looi ye yen nāk ē kōc, nadē ke ye cuār, ku ye raan aliāāp ku ye rot ciēek kāk kōc kōk yīic.

¹⁶ Kēya, na gum rin ye yīn raan cī gam, ke yī duk guōp riōc, lec Nhialic rin ye yīn raan ē Jethu.

¹⁷ Luk abī Nhialic guō looi tēnē kōc ēmēn, ku Nhialic abī luk kaŋ looi tūeŋ tēnē kacke. Na jōk Nhialic luk ē yo, ke luk abī dhiel riel tēnē kōc kēc Wēt Puōth Yam bō tēnē Nhialic theek.

¹⁸ Cimēn cī ye gōt athōr thēer wēl Nhialic yic ēlā,

“Kārīl aabī rōt kaŋ looi tēnē kōc la cōk ku bī keek jāl kony,

na ye kēya, yeŋō bī rot looi tēnē kōc adumuōōm, kōc kuc Nhialic?”

¹⁹ Kōc gum rin yen kē wīc Nhialic tēnē ke, aa dhil rōt thōn Aciēŋden kē cī lueel ka bī

looi, dhiel tiεεη nom. Ku dhilkē la tuεη ke loi kāpath.

5

Wēēt tēnē kōcdīt ku riēnythii

¹ Υεν ē raandīt, ku υεν alēk kōcdīt akut tō kamkun ē piändiē ēbēn. Υεν aci tē cī Krītho guum thīn tīη. Ku υεν abi diik bī Nhialic nyuōath rōm kek ye.

² Wek alēk ē puōu ēbēn. Calkē rōt aaye abiōk kōc ē Nhialic cī yen ke we kuany bāk ke kony. Wek aaciī Nhialic wīc bāk luōi kēnē looi ke cīt luōi cī we mac thīn. Duōkkē luōi kony wek kōc cī gam ye looi rin ariōp ē rot. Luōōikē rin wīc wek ye bāk ke kony.

³ Duk rot loi ba kōc cī Nhialic tāau yīcōk ba ke kony aa cieny ciēt yīn ē bēny mεc ke. Loi rot bī kōc cī gam yīn aa kiēēt.

⁴ Ku tē le Abiōηdīt bēn ka bī we gām ariōpdīt diik cī ben kaη mää.

⁵ Ku wek riēnythii yakē looi kē cī kōcdīt lēk we. Ku week ēbēn wek kōc cī gam, wek aa dhil puōth aa lier ku yakē rōt dhuōk piny bāk kōc kōk ya luōōi, rin yen ē kē ye athōr thεεr wēl Nhialic lueel ēlā, “Nhialic aman nhiam ku ē dhēēη gām kōc lir puōth.”

⁶ Dhuōkkē rōt piny Nhialic ril apēi cōk bī we kony. Ku abi we jat nhial akōl le yen ye tak.

⁷ Duōkkē wenhīim ye yiēk kāk wiēckē ke apēi, calkē alooi Nhialic, rin ee yen we tiit.

⁸ Pālke rōt piny ku tiēerkē nhīim. Raan aterdun, jōηrac ē la tēn, ku le tēn, aciēt kōōr cī wāth wīc raan ciem.

⁹ Rēērkē ke we ril ē gamdun yic. Duōkkē wētde gam, rin aηiεckē miēthakun cī wētde gam pinyhom ēbēn, aa gum aya cīmēndun.

¹⁰ Ku tē cī wek gum tēthin-nyōot, ke Nhialic nhiar γo apēi, yen cī we cōl bāk diikden akōlriēēc ēbēn rōm, rin ye wek tōk kek Krītho, abi kēriēēc ēbēn cōk tēnē we. Ku abi we looi bāk gamdun cīi war ku cōl we aa ril puōth akōlakōl.

¹¹ Bī Nhialic mεc akōlriēēc ēbēn. Yenakan.

Muōth ciēēn

¹² Wek aa tuōc athōr cī Thilath γa kony, wāmāath path cī gam. Wek aa yōōk bāk riēl gamdun yic, ku luēel lōn kē ca gōt ē dhēēη

Nhialic ayic, dhil wek rēer thīn ē puōn la cōk.

¹³ Akut kōc cī gam Babilon, akut kōckuan cī Nhialic kuany aya ke γo, ee we muōōth. Ku Marko, manhdiēn cī gam ē we muōōth aya.

¹⁴ Miāthkē rōt muōth kōc cī gam. Υεν ē rōōk bāk rēer ke dōōr ēbēn, wek kōc Krītho.

Athör ë rou cî Pîter gôt Wët nom

Athör dët cî Pîter gôt aci gät kəc juëc cî gam pan Athia. Wëtdit ë gët yen athöör, ee lön bîk röt tiit käreç ye kəc kək piöç, wël ë kəc thël kək ë bal yiic. Ku kē bî ke kony atō wët Nhialic yic, wët cî kəc cî Jethu Bānyda tîj ku piŋkē wëtde piöç.

Pîter ë gät athöör rin ye kəc ye lueel lön cî Raan cî ləc ku dəc bî ben dhuk pinynhom. Aye Pîter lueel lön cî Raan cî ləc ku dəc bî lac dhuk ayic rin acin raan wïc Nhialic bî mää, awic bî raan ëben luai käreç puäl.

Käk tō thîn

Muöth tuej 1:1-2

Kəc cî gam aa dhil pîr ke cît cõt ë Nhialic 1:3-21

Kəc piöç e lueth 2:1-22

Bën ciëen Raan cî ləc ku dəc 3:1-18

¹ Yen Thaimon Pîter, alony ku ya atuny Jethu Kritho, yen agët tēnē we. Nhialicda raan luäk yo Jethu Kritho, raan la cök path apēi, aci yo ku week yodhie gām piöç thōj ë rienke.

² Wek aabî Nhialic nyuöth nhiërde apēi ku cöl we aala döör dît apēi, rin cî wek riël Nhialic ku Jethu Bānyda njic.

Kəc cî gam aa dhil pîr tē cît cõt ë Nhialic

³ Jethu aci yo gām käreëc ëben ë ciëekde, kək wicku ke bî yok ke pîr cît tē dhil kəc cî gam pîr thîn. Kēnē aci rot lēu rin cî yok Nhialic njic. Ku ë yen aci yo cöl buk diëekde ku piathde rəm kek ye.

⁴ Ku këya, Nhialic aci yo gām miöc juëc thiek yiic apēi wäär cî thōn yo. Tē luui wek ë ke, ke wek aa puut bei käjuëc ë kəc rac ye kəc kuc Nhialic yiëk kepuöth, kək ke rac. Ku këya, wek aabî pîr ciëekde yic.

⁵ Rin cî Nhialic kək looi ë rienkua, themkē apēi bäk piath mat gamdun yic. Ku matkē njëc ë Nhialic piathdun yic.

⁶ Ku adhiëlkē them apēi bäk duöt ë rot ku gum mat thîn, ku piëerkē cît tē wïc Nhialic ye thîn.

⁷ Themkē apēi bäk kəc kək nhiaar piäthkun ëben ku nhiarkē Nhialic aya.

⁸ Käkka kek aa käpuöth wïc ke, ku na njëckē Bānyda Jethu Kritho, ka bäk muk apēi wepuöth. Ku kēnē aci we bî cöl aci adakrööt cie piërden ye kuëc nom.

⁹ Ku raan liu käpuöthkē tēnē ye, athōj kek raan cî cöçr cie daai, ku aci nom mää lön cî adumuöömke laak wei.

¹⁰ Këya, miëthakäi, themkē bäk pîr dhël ye nyuöth lön cî Nhialic we ləc ku cöl we bäk aa kacke. Na luai këya, ke wek aaci gamdun bî kaŋ puäl.

¹¹ Ku këlä, Bānyda ku ye Aluānda, Jethu Kritho abî we yiëk yic dît apēi bäk la bānyden aköriëc ëben yic.

¹² Këya, wek aaba ya tāk nhüim akölaköl bäk kəkka aa tak cök alön njic wek ke, ku cök alön cî wël yith cî ke piöç tēnē we teem wenhüim aya.

¹³ Aya tak ë yic ba we ya tāk nhüim tē jot pîr yen.

¹⁴ Anjic lön bî yen guo liu pinynhom rin aci Bānyda Jethu Kritho lëk ya ayic.

¹⁵ Aba them apēi ba dhöl bî wek kəkka lök aa tak, aköl le yen thou, looi.

Pîter ku atuuc kək aaci ləc Jethu tîj

¹⁶ Acie anyiköl takku ë path, yen yeku lëk we wäär ye yok jam tēnē we tē bî Bānyda Jethu Kritho ben dhuk pinynhom kek riëdît apēi. Yok aaci riëlden cî yen rot waan bî ruël bî la diardiar tîj ë nyiënkua.

¹⁷ Yok aa yo tō thîn ë gôt nom wäär leec Wāda Nhialic ye, ku looi bî rot waan bî yer apēi bî la diardiar. Tēwäär tō yok ë gôt nom, yok aaci röl piŋ, röl bö nhial tēnē Nhialic ke lueel ëlä, “Kēnē ë Wēndiën nhiaar, mit yen puöu tēnē ye.”

¹⁸ Yook nhüim guöp, yok aaci röl kēnē piŋ ke bö nhial wäär rëer yok kek ye ë gon Nhialic nom.

¹⁹ Këya, yok aaci diu wël cî gôt thëer, wëlke keye kəc kək Nhialic tîj lëk kəc. Wët kēnē athōj ke many dëp muöth yic. Ee dëp yet bî piny bak, ku ruël Kritho ë dëp wepuöth cimën ye ciëer bak piny ruël bëi pinynhom. Ee këpath yen abäk looi tē tēu wek wepuöth kək keye kē ke piöç.

²⁰ Kē lëukē bak deet yic apēi, ee lön acin raan lēu ye bî kək ye Nhialic nyuöth kəc

käkke tñj, kāk cī ke gōt athōr thæer yiic, teet yiic rielde ë rot.

²¹ Rin acīn raan kāk Nhialic tñj cī wēt Nhialic kañ lëk kōc rielde ë rot. Ee Wëi Nhialic yen ë kōc kāk Nhialic tñj cōk nhīim tē lueel kek wēt bō tēnē Nhialic.

2

Kōc piöoc ë lueth

¹ Wäthæer kōc aa lueth keye ye lueel lōn ye kek kōc kāk Nhialic aake cī tuōl kam kōc, ku kēlä, kōc piöoc ë lueth aabi tuōl kamkun aya. Aabi piöoc wël lueth bī gam rac kōc puōth. Ku kōc piöoc ë luethkā aabi kuc lōn cī Raan cī lōc ku dōc ye Bēnyden yen cī ke waar adumuōm yic. Ku luōiden, aabi kek kē rēc ke guō yōk thīn.

² Kēlä aya, kōc juēc ë Nhialic aabi piöocden ræc kēnē buōth yic, ku rin kāræc yekē ke looi, kōc aabi kuōc aa jam dhël yic cī Nhialic nyuōth kōc.

³ Rin wīc kek wēu juēc tēnē we kek kōc piöoc ë luethkā, aabi we muōr anyikōōl yekē keek tōr. Ku tēthæryōn agut emēn, Nhialic bī luōnden looi ku yen bī keek rac, arēer ke cī rot guir bī keek tēm awuōc.

⁴ Ÿen aluel kēnē rin Nhialic akēc atuucken nhial puōl wäär looi kek adumuōm. Aaci bēn piæer muōth yic tēthuth mec yic apēi ke cī ke rek, ke tit akōl bī yen luñdīt looi tēnē ke.

⁵ Ku kēlä aya, Nhialic akēc kōc thæer wäär kuc ye pinynhom bēn puōl. Aci piny bēn cōl abor bī kōckā mou ëbēn. Ee Noa raan wäär kōc lëk dhël la cōk yen aci bēn kony kek kōc kōk kadhorou.

⁶ Ku Nhialic aya aci gen Thodom ku Gomora bēn tēm awuōc, ku cuēny ke bīk aa col kek kōc ku kāk tō thīn ëbēn. Kēnē aci Nhialic looi bī kōc nyuōth kē bī rot looi akōldā tēnē kōc cīi kuc ë wētde.

⁷ Ku yeen aci Lot bēn kony, rin ye Lot raan path man kāræc ye kōc kōk ke looi.

⁸ Tēwēn rēer raan puōth kēnē ë kamken, ëcie puōu ye miæt akōlakōl tē tñj yen kāræc ye looi.

⁹ Cīt lōn cī Bāny kākā looi, aye nyooth lōn añic tē bī yen kōc path kuōny thīn kāk gumkē ke yiic, ku tēm kōc rēc awuōc akōlakōl yet akōl luñdīt,

¹⁰ Kōc ke looi kāk ë bal la bīth ye guäpken ke wīc ku kueeckē bāāny Nhialic.

Kōc piöoc ë luethkā aa ril nhīim ku aa puōth lac thōōk, ku aacie jak puōth tō nhial ye theek, aa yekē ke läät.

¹¹ Na cōk atuuc Nhialic la riældīt apēi tēnē ke, aacie kōc piöockā ye läät Nhialic nhom.

¹² Kōc piöoc luethkā, aa kāk wīc piäthken ke kek aa yekē ke looi ë path cīmēn lääi cie tak. Kēya, aa kāñ dhël yiic ë path ke cīn yiny pæth dhël kek keyiic, ku cīk ke kañ deet yiic. Ku kēya, aabi Nhialic nōk cīmēn dhie ye raan lōn tō thīn ye nōk dōm ku nēk.

¹³ Kōc piöoc luethkā kāræc looi tēnē kōc kōk, aabi luōi kāræc aya. Rin keek aa puōth miæt tē looi kek kāræc. Ku miæt piānden ayekē yōk tē mīth kek ku dëkkē ku loikē kāk bal cōk akōl ë path. Ku kēlä, aa yār guōp bēēi tēnē we tē looi kek kāræckā ke we mīth ë tōk ke ke.

¹⁴ Keek aa rēer ke wīc diäär, ku aacie kōc wīcwīc luōi kāræc. Ku keek aa kōc cīi gamden ril tēnē Jethu muōr bīk adumuōm looi. Ku keek aaci dīt ë puōu ñiēc. Ku keek aabi Nhialic tēm awuōc rin kāræc yekē ke looi.

¹⁵ Aaci luōi kāpath puōl ku dhukkē dhël jōñrac. Aaci tē ye Balaam wēn Biōr luui thīn buōth yic, raan wäär nhīar wēu ye ye riōp bī kāræc looi.

¹⁶ Ku Balaam aci Nhialic bēn māt apēi rin kēræc cī looi. Akajade aci bēn jam cīmēn ë raan, ku pēen Balaam bī cīi ë luui cīmēn raan cī muōl.

¹⁷ Kōckā aa cīt wēr cī dōu ku aa cīt athōōr, ye yom kuaath ë path. Nhialic aci tēcol thuth yic tēn kōc piöoc luethkā looi tēnē ke.

¹⁸ Keek aa jam ë nhīam wël cīn kē ye kuany thīn. Ku aa luui kāk ë bal bī kek kōc deep, kōc puōc gam puōc jāl tēnē kōc kēc wēt Nhialic gam.

¹⁹ Ayekē lëk kōckā lōn bī kek nhīim lääu löōñ juēc ye kōc cī gam ke theek, ku keek nhīim aa loony kāræc yekē ke looi, rin raan ë ya alony kēræc ye looi kēræc cī ye rum puōu ye rac.

²⁰ Na kōc cī kāk tō pinynhom, kāk kōc cōl ayīk kepuōth luōi kāræc puōl, rin cī kek wēt Bānyda ku ye Aluāñda Jethu Krītho ñic, ku na benkē luōi kāræc dhuōk ë pinynhom, ka

jol rëc apai abik tēwäär kēc kek Jethu njic waan thok.

²¹ Ee bi njueen apai tēnē ke tēnē kēc kek dhel la cök kan njic, ku benkē kuc lōj ci Nhialic lēk ke.

²² Kē ci rot looi tēnē ke aye nyooth lōn wēl ye kēj lueel ēlä yith, “Jōj ē njok dhuök,” Ku, “Dir baai ci den lōk ē rot bēn daal tiök yic.”

3

Jethu abi bēn dhuk

¹ Kockiēn nhiaar, kēnē athör dēt ye athör rou ca bēn gät we. Athörkē yiic ēbēn, aca them ba we bēn lēk kāk njieckē ke, rin bi wek wenhīm tāau thīn bāk aa tak apath.

² Awiēc bāk wēl ē Nhialic ci kōc kāk Nhialic tīj lueel wāthēer, ku kē ci Bānyda ku Aluānda, cōl aye atuuc lēk kōc, aa tak.

³ Wēt tuej bāk kan deet yic ē lōn tē le nīn akōl luñdīt thiök, ke kōc kōk rēc, kōc ke looi kāk wic piāthken kepēc aabi tuöl. Ku keek aabi we aa bui.

⁴ Ku luelkē, “Acī Jethu thōn lōn bi yen bēn ku luelkē, ye yic? Yen ako? Wārkuan dīt aaci thou wāthēer, ku kēriēc ēbēn anōt cīt tēthēer wäär cek Nhialic piny.”

⁵ Ku aluelkē kēya rin ci kek nhīm riel bik yic cī gam, yic ci Nhialic nhial ku piny cak wāthēer ē wēt lueel ē path. Wētden ci lueel aci piny cōl atul pīu yiic,

⁶ ku Nhialic aci pīu looi aya, pīu aboor bi yen ke piny kēnē rac.

⁷ Ku nhial ku piny tō thīn emēn, aaci Nhialic wēt lueel aya lōn bi kek rēer thīn yet akōl bi yen ke rac. Ku ee mac yen abi ke rac. Aa mēc ke rin akōl bi yen ke luk looi ku rēc kōc cī wētde ye gam.

⁸ Duökkē nhīm mār ē kēnē kockiēn nhiaar. Acīn kēnē wāac tēktēk Nhialic yic ē kam akāl tōk ku ruōn tiem tōk, aa thōj kedhie karou tēnē ye.

⁹ Nhialic acie gāau bi kē ci thōn bi looi cōl aloi rot cōk alōn ye kōc kōk ye tak kēya. Alir puōu kek we, rin acīn raan wic bi rac, awic bi kōc ēbēn kepuōth wēl wei adumuōmken yiic ku dhukkē tēnē ye.

¹⁰ Ku Bēny abi bēn akōl cīn raan njic ye, cīmēn dhie ye cuār ye looi kēya. Ku akōl kēnē arōöldīt apai abi rot looi, ku kāk tō

nhial aabi riāak, aabi mac rac, ku piny kek kāk tō thīn aabi dēp ēbēn bik liu.

¹¹ Ku cīt lōn bi kajuēckā ēbēn rac kēya, ke we ye kōc bi yiēndē emēn? Wek dhil pīr pīr la cök ē Nhialic nhom,

¹² tē rēer wek ke we tit akōl bi Nhialic luk bēn looi tēnē kōc ē pinynhom, ku luōōikē apath bi akōl kēnē lac bēn. Akōl kēnē yen akōl bi mac dēp ku rēc nhial, ku atuōc abi kāk tō nhial lēēj.

¹³ Ku yōk kōc ci gam, titku nhial ē yam, ku piny ē yam wäär ci Nhialic ke thōn bi kōc la cök, la pīr thīn tēcīt tē wic Nhialic ye.

¹⁴ Kēya kockiēn nhiaar, tē rēer wek ke we tit akōl bi Nhialic luk looi tēnē kōc pinynhom, wek aadhil luui apai bi week yōk ke we ē kōc la cök cīn gup adumuōm, ku lak dōr ke ye.

¹⁵ Tiēnkē lier puōu Bānyda ke cīt dhel bi kōc kony kāk rēc keek yiic. Yen ē kēnē ci Paulo, raan nhiarku ci gam cīmēnda we gät ē njieēc kan ci Nhialic yiēk ye.

¹⁶ Kēlä aya, Paulo aci njieēc gät rin ē kakkā athör yiic ēbēn ci tuōc kōc ci gam. Ku athörkē aala yiic kōk ril yiic cie deet. Ku aaci kōc ē piōōc, kōc kuc kan koor gamden ye teet yiic apath, cīmēn ye kek wēl kōc thēer ē Nhialic kuōc piōōc aya. Ku kēlä, aa kē rēc ke bēēi tēnē ke ē rōt.

¹⁷ Ku wek kockiēn nhiaar, wek aa njic ē kēnē thēer. Tietkē rōt apath bi kōc kuc yithkā we cī mār ē piōōc den ē lueth, bāk jāl dhēldun la cök rēer wek thīn.

¹⁸ Ku wek aa dhil la tuej akōlakōl ke we njic nhiēr ku lier ē puōu Bānyda ku ye Aluānda, Jethu Krītho, ku juakkē njieēcdun tēnē ye. Bi ya leec emēn ku akōlriēc. Yenakan.

Athör tuenj cï Joon gõt Wët nhom

Athör tuenj cï Joon gõt ala yic wël dît karou kek ke gët yen athöör, tuenj ë wët bï yen kəc riæl puäth bïk aa rëer ë tøk kek Nhialic ku Wënde Jethu Kritho. Ku dët, ee wïc Joon bï kəc cï gam cəl atir nhïim piöoc ë lueth bï gam kënë rac. Piöoc kënë acie röm kek käk ë Jethu Wën ë Nhialic. Kuec ë piöoc kënë, yen acï Joon njec teet yic lön Jethu Kritho ë ye raan ayic, ku acï nyooth lön raan cï Jethu gam ku nhiær Nhialic, ka dhil kəc nhiaar ëbën.

Käk tã thïn
Wët Nhom 1:1-4
Nhialic ee Ruël 1:5–2:29
Mïth Nhialic ku mïth jəŋrac 3:1-24
Yic ku lueth 4:1-6
Käk ye looi rin ë nhiær 4:7-21
Gam ril apeï 5:1-21

Wët ë Pïr

¹ Wek aa gät wët raan yen cï Wët Nhialic lëk kəc, ku yen cï kəc gäm pïr akölrïëc ëbën. Yen ë tã thïn theer kəc keriëc ëbën cak. Ku ëmën yok aaci wëlke piŋ, ku yeen acuk tiŋ nyiënkua. Acuk tiŋ, käk cï looi aa cuk tiŋ ku acuk gəot cienkua.

² Acï Nhialic cəl aye raan. Acuk tiŋ ku wek aa lëkku yic cuk tiŋ. Alëkku we lön raan kënë yen ë pïr akölrïëc ëbën yiëk kəc, ee tã thïn wäthær ku yeen ë rëer kek Nhialic Wäda, ku acï Nhialic nyuöth yo.

³ Këya, raan cuk tiŋ ku piŋku wëlke, yen ë raan lëkku we, rin bäk röt mät yo aya bäk la gam tøk kek yo. Ku gamda yodhie atö tënë Wun ku Wënde Jethu Kritho.

⁴ Wek aa gät kakkä rin bäk röt mät yo gamda yic rin bï miët piända dît apeï.

Nhialic ee Ruël

⁵ Ku wët cï Jethu lëk yo ku yen lëkku we ëmën akïn. Nhialic apath, ala guöp wïc, acit ruël, ku acïn acuəl.

⁶ Na yeku lueel lön cï yok röt mät tënë Nhialic ku ɲot yo ye luui käreç, ke wët luelku acie yic. Ku aye kakkuan yeku ke looi nyuöth lön cï yok kuec yiny Nhialic.

⁷ Ku na yeku luui käk wïc, ke yok aatö ruël yic cïmën tã Nhialic ruël yic, ke yok aabi yoyiic mat, ku thon Wënde Jethu abä adumuömkua laak wei ëbën yögup.

⁸ Na yeku lueel lön yok acïn gup adumuööm, ke meth yen aye yok röt math, ku yok aa kuc yiny cï Nhialic nyuöth yo.

⁹ Ku na lëkku Nhialic lön cï yok käreç looi, ka pël käreç cuk looi piny ku wuuny ke wei yögup buk bën aa kəc path tënë ye, rin acï lueel lön bï yen käreçkua aa päl piny, rin kë ye lueel aye dhïel looi akölaköl.

¹⁰ Ku na luelku lön këc yok adumuööm looi, ka yeku lueel lön ë Nhialic yen ë lueth lueel, ku yok aa këc wëtde gam.

2

Raan cï ləç ku dəç ë yo kony

¹ Wët gät yæn we athöör miëthkië, ee wët bäk käreç cïi ye looi. Ku na le raan lui käreç kamkun, ke yok aala raan Nhialic thiëc ë riënkua bï käreçkua päl piny. Raan kënë ë Jethu Kritho cïn kë dak yeguöp ë Nhialic nyin.

² Yen ë raan cï thou rin bï adumuömkua päl piny. Aacie adumuömkua ë röt kek ye Nhialic ke päl piny ë wëtde, aaye ke päl piny agut adumuööm kəc pinynhom ëbën aya.

³ Dhël ye nyuöth lön njic yok Nhialic ayic, ee wët nadë ke yo thek löŋke.

⁴ Na ye raan lueel ka njic Nhialic, ku acï löŋken cï lëk kəc thek, ke lueth yen aye lueel ku akuc käk ë yith tënë Nhialic.

⁵ Ku raan luui kë cï Nhialic lueel, ke nhiërde acïi thok bï kaŋ dak tënë Nhialic. Ee këya, kën yo nyuöth lön ye yok tøk kek Nhialic akïn,

⁶ na ye raan lueel ka cï yeyic mat ke Nhialic, ka dhil a luui cïmën wäär ye Jethu luui.

Löŋ Yam

⁷ Ke week kockiën nhiaar, wët gät tënë we acie löŋ yam. Ee löŋ tön yon cak piŋ yon jöök wek met tënë Jethu.

⁸ Këya, löŋ gät we kënë ala yic wët ë yam, rin dhël cï Jethu pïr thïn acï nyuöth yo wët ë yen yam, ku aye piërdun nyuöth aya lön yen löŋ yam rin käreç aaci dhuk piny, rin ruël Nhialic acï nyuöth.

⁹ Na le raan ye lueel lön luui yen ruel Nhialic yic, ku ë kam awën, ke man raan cï gam, ke raan kënë anjot rëer muöth yic agut emën.

¹⁰ Kac ë kac cï gam nhiaar kek aa kac pïr ruel Nhialic yic, ku abi ke cöl acïn kërec loikë.

¹¹ Ku kuat raan man raan cï gam, acit raan tö muöth yic kuc tën le yen thïn. Rin cï muöth ye cöl acii piny tïj.

¹² Wek kac cit miethkië, wek aa gät athör kënë, rin anjicku Nhialic aci kërec päl piny tënë we, rin Raan cï lóc ku dác.

¹³ Wek kac we kəj gam, wek aa gät, rin wek aa njic raan tö thïn theer ke piny kéc cak.

Wek kac puoc gam, yen agët tënë we rin cï wek jənjrac göök.

¹⁴ Wek aa kac cit miethkië, wek aa gät wëlkä rin cï wek aa kac cï Nhialic Wäda njic.

Wek kac we kəj gam, wek aa gät rin wek aa njic raan tö thïn theer ke piny kéc cak.

Wek kac we puoc gam, wek aa gät ë rin cï wek wët Jethu gam apeï, ku bi wët Nhialic arëer wepuöth akölaköl, ku week aaci jənjrac göök.

Duökkë kək pinyhom ye nhiaar

¹⁵ Duökkë ke ye nhiaar dhöl kac rec pïr tö pinyhom, duökkë ke ye nhiaar kək pinyhom. Rin raan nhiaar kək tö pinyhom, acii lëu bi Wäda Nhialic nhiaar aya.

¹⁶ Dhöl rec kac tö pinyhom cit emën ye kac luui kë nhiarkë wickë, ku yekë nhiaar kë cik tïj, ku yekë nhiam käjuéc tö tënë ke. Dhölkä aa dhöl pïr pinyhom. Aacie bën tënë Nhialic Wäda.

¹⁷ Piny kënë aya, aci Nhialic jöck bi rac kek kacken nhiaar ye, ku raan kë wïc Nhialic looi ë pïr akölrüec ebën.

Raan ater Raan cï lóc ku dác

¹⁸ Miethkië, thök ë piny aci thiök. Acuk lëk we theer lön bi raan ater Raan cï lóc ku dác tic. Acäk tïj kac ater Raan cï lóc ku dác juéc aaci tuöl. Wët kënë, aye nyuöth ë yic lön cï thök piny thiök.

¹⁹ Kockä, aake rëer ke yo ë tök, ku aaci jäl emën. Keek aake kéc kepuöth mät yo ë yic alanden, diët aa njüt ke rëer kek yo. Jalden ë ye nyuöth wët kéc kek kepuöth mät yo.

²⁰ Ku wek aa kac ye Nhialic Wëike tääu wepuöth, ku këya, yen aci wek kək yith njic wedhie.

²¹ Yen acii gët tënë we rin ye yen ye lueel lön cii wek yic Nhialic njic. Yen agët tënë we rin wek aa njic yiny ë Nhialic. Ku rin njic wek ye acïn luenh tö yiny ë Nhialic yic.

²² Ye raan yindë yen alueeth? Ee raan ye lueel, Jethu acie yen Raan cï lóc ku dác. Raan cit kënë, ee raan ater Raan cï lóc ku dác, ku ë Nhialic Wäda kek Jethu Wënde kek aaci yen ke kuc.

²³ Na le raan tönj kuc lön cii Jethu ye Wën Nhialic ka ril yic apeï tënë ë raan kënë bi mat kek Nhialic Wäda. Ku na cï gam lön ye Jethu Wën Nhialic, ka bi mat kek Nhialic Wäda.

²⁴ Yakë wët Nhialic wäär yen cak gam muk wepuöth akölaköl. Na muökkë wët wäär cï lëk we wäär mët wek röt Jethu, ke wek aabi pïr ke we ye tök kek Jethu ku Nhialic Wäda.

²⁵ Ke yook aabi pïr akölrüec ebën pan Nhialic cï Jethu yo thön bi yiék yo.

²⁶ Wek aa gät rin wët kac we them bik we muör.

²⁷ Ku week aaci Jethu yiék Wëi Nhialic, ku rin rëer Wëike ke we, ke wek aacii ben wïc raan dët piöoc we. Ku Wëi Nhialic ë we piöoc këriëc ebën, ku piöoc we yiny cïn yic lueth. Këya, wek aaya yöck bäk aa mat ke Jethu təcit tē cï Wëi Nhialic we lëk thïn.

Mith ë Nhialic

²⁸ Wek aaya yöck aya miethkië, bäk aa rëer ke we mët kek Jethu. Rin na ben la bën pinyhom, ke yook aacii gup bi riöc buk röm kek ye.

²⁹ Ee këya, cit mën njic wek ye lön le Raan cï lóc ku dác cök. Këya, anjäckë aya na ye raan kë la cök looi, ka ci ya manh ë Nhialic.

3

¹ Takkë wenhüim yen kë cï Wäda Nhialic luöi yo rin nhierden rëer kek yo, ee kë nhier yen yo apeï, abi yook cöl aaye miethke, ku ë yic alanden yok aaci ya miethke. Ku wët kuc thän pinyhom ye, lön ye yok mith Nhialic, ee rin kuc kek Nhialic.

² Wek kockien nhiaar emën, yok aaci ya mith Nhialic. Ku anjot kucku tē bi yok yiëndë

thïn aköldä. Ku yeen anjicku, tē le Raan cī lōc ku dōc dhuk pinynhom, ke yōk aabī ciēt ye, rin abuk tiŋ ē yic, ye yen ŋa.

³ Ku week, raan ye ŋōōth lōn bī yen ciēt Jethu, ka dhil yeguōp wuōōny wei adumuōōmke bī rēer ke la wic, cīmēn Raan cī lōc ku dōc cie adumuōōm ye looi.

⁴ Kuat raan la tuenŋ ke loi awuōc Nhialic nyin, ee Nhialic ku lōōŋke kek aaye dhōl yiic.

⁵ Anjickē, kēn bīi Raan cī lōc ku dōc pinynhom, ee lōn bī adumuōōmkua bēn wuōōny wei yōgup, ku yen nhom acie adumuōōm ē looi acīn.

⁶ Kēya, tē cī raan rot mat kek Jethu, ka cīi adumuōōm looi akōlakōl, ku raan adumuōōm looi akōlakōl aye nyuōōth lōn kuc yen Raan cī lōc ku dōc alanden.

⁷ Wek miēthkiē, tiērēkē nhīim, bī ciēn raan ruēny we. Raan ye looi ē kēpath ala cōk cīmēn le Raan cī lōc ku dōc cōk.

⁸ Ku raan awuōc looi akōlakōl ē raan jōŋrac, rin jōŋrac acā awuōc looi tēwāar ciēk ē piny. Ku Wēn Nhialic acī bēn pinynhom bī kē cī jōŋrac looi bēn rac.

⁹ Acīn raan ya manh Nhialic ku ŋot ye luui kārēc. Rin pīr Nhialic atō yeguōp. Acie awuōc looi akōlakōl, rin ye yen manh Nhialic.

¹⁰ Ku kēn mīth Nhialic ku mīth jōŋrac nyuōōth akīn, kōc cie luui kāpath, ku kōc cie miēthakēn ye nhiaar, aacie mīth Nhialic.

Nhiarkē rōt kamkun

¹¹ Kēnē yen ē wēt cāk piŋ nyin yic wāar mēt wek rōt Raan cī lōc ku dōc, lōn dhil yōk rōt aa nhiaar kamkua.

¹² Kēya, duōkkē rōt thōŋ raan yōn cōl Kain, raan luui kāk jōŋrac cī mēnh nōk. Yenō kēn nēk mēnhē? Kēn nēk yen mēnh Abel ē wēt ē mēnh luui kāk la cōk ku yeen ē luui kārēc.

¹³ Kēya, duōkkē gēi miēthakāi tē mēen kōc ē pinynhom we.

¹⁴ Anjicku alanden lōn yōk aa yō cīt kōc cī thou, ku ēmēn yōk aa rēer pīr akōlriēec ēbēn yic, kēnē ayeku ŋic rin ēmēn yōk anhiar wāmāthakua kōc cī gam. Na ye raan cīi wāmēnhē nhiaar ka ŋot rēer ke cīt raan cī thou.

¹⁵ Ku tēnē Nhialic, raan man kōc kōk athōŋ kek raan cī raan dēt nōk, ku anjickē

raan kōc nōk acīn pīr akōlriēec ēbēn pan Nhialic tō kek ye ē yic.

¹⁶ Nhiēr ayeku ŋic kēlā, Jethu acī rot cōl anāk rin bī yen yō waar adumuōōmkua yiic, aye nyuōōth lōn nhiēer yen yō. Ku kēya, yōk aya yōk aa dhil rōt cōl anāk rin miēthakāi kua.

¹⁷ Kēya, cīmēn na ye raan la kāŋ ku tiŋ mēnhē dēt cīn kāŋ ku kueec bī cīi muōc, ka cīi lēu bī lueel lōn nhiēer yen Nhialic.

¹⁸ Wek miēthkiē acuk bī ya lueel ē path yothook lōn nhiēer yōk rōt kamkua, yōk aa dhil rōt kony kamkua kāk yeku ke looi yiic.

¹⁹ Na cīt nhiēr nhiēer yōk rōt ē kēnē, ka buk jal ŋic ayic lōn yōk aa kōc Nhialic, ku cuk ben aa diēer.

²⁰ Na ye kāk yeku ke looi yō cōl aaye kōc rac, ka dhilku ŋic lōn tēktēk Nhialic awār tāktākda, anjic kēriēec ēbēn ē cōk.

²¹ Wek kackiē, na cīi kāk yeku ke tak ye lēk yō lōn ye yōk kōc rac, ke yōk aacīi gup bī ya riōōc tē rōōk yōk tēnē Nhialic.

²² Ku abī yō gām kuat kāk cuk thiēec, rin ē kē cī lueel yen ayeku looi. Ku yōk aa pīr dhēlden miēt puōu yic.

²³ Kē cī Nhialic lēk yō ē lōn buk la gam tēnē Wēnde Jethu Krītho, ku yōk aa dhil rōt nhiaar kamkua, cīt tēwāar cī yen ye lēk yō thīn.

²⁴ Kuat raan loi kē wīc Nhialic acī rot mat kek Nhialic, ku Nhialic ē rēer kek ye. Ku tē ye yōk ye ŋiēc thīn lōn cī Nhialic rot māt yō, ee Wēiken cī gam yō.

4

Wēi yic ku wēi lueth

¹ Wek kōckiēn nhiaar duōkkē wēt raan ye lueel lōn le yen ke wēi ē guō gam, kanjē wētde tak yic apath bāk ŋic lōn tō Wēi Nhialic yeguōp alanden, rin cī alueth kāŋ tiŋ thiēi pinynhom ēbēn.

² Tē lēu bī yīn raan rēer kek Wēi Nhialic ŋiēc thīn akīn. Ee raan ye lueel lōn Jethu Krītho acī bēn pinynhom ke cīt raan, Wēi Nhialic arēer kek ye.

³ Kuat raan kuec kākā acīi rēer kek Wēi Nhialic, ee riēl jōŋ ater Raan cī lōc ku dōc yen arēer kek ye. Yen wāar cāk piŋ lōn bī yen bēn, acī bēn, arēer pinynhom ēmēn.

⁴ Ku wek miëthkië, wek aa kɔc Nhialic, ku wek aacii jai piöoc ë kockä. Wek aacii jai piöoc karec rin reër Wëi Nhialic kek we, ku yen aril tënë jɔŋrac yen mac kɔc kuc Nhialic pinynhom.

⁵ Aluethkä aa kuc Nhialic. Käk yekë ke lueel aa käk ye kɔc kuc Nhialic ke lueel. Ku kɔc kuc Nhialic aa wëtden gam.

⁶ Ke yook kɔc ci gam yok aa kɔc Nhialic. Ku kuat raan njic Nhialic ë piöocda gam, ku kɔc kuc Nhialic aacie piöocda ye gam. Ku ë yen të ye yok kɔc reër Wëi Nhialic kegup njic thin, ku kɔc reër jɔŋrac kɔc ruëeny kegup.

Nhialic ee Nhiër

⁷ Ke week kockiën nhiaar, yeku röt nhiaar ë kamkua, rin ë Nhialic yen yo cɔl anhiar kɔc kɔk. Kuat raan kɔc kɔk nhiaar, aye nyuöth wët ë yen manh Nhialic ë yic ku anjic Nhialic.

⁸ Ku raan cii kɔc kɔk ye nhiaar akuc Nhialic, rin Nhialic ë nhiër.

⁹ Ku Nhialic aci nhiërde nyuöth yo rin aci Wënden tök cɔl abö pinynhom ë tën, rin buk pïr alanden ë rienke.

¹⁰ Nhiër ë yic aacie wët bi yok Nhialic nhiaar, ee lɔn nhiëer Nhialic yo, ku kënë yen aci yen Wënde tuöc ë pinynhom bi bën thou rin bi adumuömkua päl piny.

¹¹ Ke wek kackië, na ye Nhialic kë nhiaar yo apëi këlä, ke cie yic buk röt aa nhiaar kamkua?

¹² Acin raan ci Nhialic kaŋ tïŋ, ku na nhiarku röt kamkua ke Nhialic abi ya mat kek yo, ku nhiërde abi rot a luöi yo təcit të wic ye.

¹³ Yok aaci Nhialic yiëk Wëike, ku buk aa njic këya lɔn ci yok aa tök kek ye, ku yeen ë tök kek yo.

¹⁴ Ku acuk tïŋ, ku yen ayeku lëk kɔc aya, lɔn ci Nhialic Wäda Wënde tuöc pinynhom bi raan ebën bën luök.

¹⁵ Na ye raan lueel lɔn ye Jethu Wën Nhialic, ke Nhialic aci mat kek ye ku aci mat kek Nhialic.

¹⁶ Ku nhiërde tënë yo acuk njic ku gamku.

Nhialic ee nhiër. Ku na ye raan Nhialic nhiaar ku kɔc kɔk, ka ci mat kek Nhialic, ku mët Nhialic kek ye.

¹⁷ Nhiërda ë la cök të cii yok gup ye riöoc aköl lunđit, rin yok aa pïr pinynhom təcit tëwäär pïr Jethu thin.

¹⁸ Kuat raan tö nhiër yepuöu acin kë ye yen riöoc. Rin nhiër ë yic, ee riöoc cuöp wei. Kɔc aa riöoc të ye kek ye tak lɔn bi ke tëm awuöc, ku raan ë riöoc acii nhiërde la cök.

¹⁹ Kënë yo yiëk riel buk Nhialic nhiaar ku kɔc kɔk, ee rin ci yen yo kaŋ nhiaar.

²⁰ Ku na le raan ye lueel ka nhiaar Nhialic, ku ë kam awën ke man mënkhën ci gam, ke raan kënë ë lueth yen aye lueel. Rin acii lëu bi raan Nhialic nhiaar, Nhialic këc kaŋ tïŋ, ku cii raan nhiaar, raan ye tïŋ akölaköl.

²¹ Ke yook, yok aa dhil kɔc nhiaar aya, rin yen kë ci Nhialic lëk yo buk aa looi. Acilueel kuat raan nhiaar Nhialic adhil kɔc nhiaar aya.

5

Gam tënë Manh ë Nhialic

¹ Kuat raan ye gam lɔn Jethu yen ë Raan ci lɔc ku dɔc, ke raan kënë ë manh Nhialic. Ku na yeku nhiaar raan yen Wäda, ke yook aa dhil miëthke nhiaar aya.

² Ayeku njic alanden lɔn nhiëer yok mith ë Nhialic, të nhiëer yok Nhialic ku yeku looi kuat kë ye lëk yo buk looi.

³ Yen ë jam këlä, rin na nhiarku Nhialic ayic, ke yok aa dhil käk ci lëk yo looi. Käckä aacii yiic ril buk ke looi.

⁴ Rin kuat manh Nhialic ala riel bi kuc dhöl kɔc kuc Nhialic, ku alëuku buk looi rin ci yok la gam tënë Jethu.

⁵ Acin raan dët la riel bi kuc dhöl kɔc kuc Nhialic, aa kɔc la gam tënë Jethu kapëc lɔn ye yen Wën Nhialic.

⁶ Ee yeen Jethu Kritho, yen aci bën pinynhom, ku yeen aci Joon raan kɔc muöc nhüim bën muöc nom ë püu. Acie miöc nom yen ci rot looi ë rot, yeen aci bën nöc rienkua. Ku aye Wëi Nhialic nyuöth yook lɔn ye wëlkä yith. Rin Wëi Nhialic yen ë kɔc nyuöth këc yic akölaköl.

⁷ Ala kaŋ kadiäk ye nyuöth yo ye Jethu ŋa.

⁸ Käckä kadiäk, Wëi Nhialic, miöc ë nom, ku näakde, keek kadiäk ebën ë tök yen ayekë nyuöth.

⁹ Na ye kɔc jam käk cik tïŋ ku gamku wët luelkë, yenö cii yok käk ci Nhialic nyuöth

γookkä ye gam? Aa dhil ë gam, rin kāk ye Nhialic ke lueel aa dīt apei tēnē kāk ye raan ke lueel, ku wēt jiem yen kēnē, ee Wēnde yen aye yen jam tēnē γo.

¹⁰ Kēya, na ye raan cī gam, ka dhiel ηic ë cök lōn ye Jethu Wēn Nhialic, ku adhil ηic alanden lōn kāk cī Nhialic nyuōthkā aa yith. Ku raan cie kē cī Nhialic lueel ye gam, ka ye lueel lōn ye Nhialic alueeth. Rin akēc wēt cī Nhialic lueel rin Wēnde gam.

¹¹ Kēnē ye cōl aηicku lōn kē cī Nhialic lēk γo ë yic, ee rin cī yen γo yiēk pīr akōlriēc. Ku pīr kēnē ayeku yōk tēnē Wēnde.

¹² Ee kēya, kuaat raan cī mat kek Wēnde ka bī pīr akōlriēc yōk. Ku raan cī jai Wēn Nhialic, ka cīi pīr akōlriēc ëbēn bī kaη yōk.

Thök ë wēl

¹³ Wek aa gāt, wek kōc cī riel Jethu gam, ke ye Wēn Nhialic ku bāk ηic lōn le wek pīr akōlriēc ëbēn.

¹⁴ Ku ë kēya, acīn kē lēu bī γo riāac gup tē ye γok Nhialic door, rin kuaat kē buk aa thiēc ye, kēn ye miēt puōu abuk ya yōk.

¹⁵ Ke week tēcīt tē ηicku ye, akēc kaη kuc kē wicku. Yeku thiēc kē wicku, ku ηicku lōn bī yen ye gām γo.

¹⁶ Ke yeen, na tīη raan mēnhkēn cī gam ke looi awuōc, awuōc ë dhie cie raan ë tēk bei tēnē Nhialic akōlriēc ëbēn, ka dhil rōök tēnē Nhialic bī raan kony. Ku Nhialic abī pīr ë raan cōl ala cök. Ala adumuōm raan tēk bei tēnē Nhialic akōlriēc. Ku γen acīi jam bāk aa rōök rin adumuōmke.

¹⁷ Kārec ye looi ëbēn, adumuōm, ku ala adumuōm kōk cie kōc ye tēk wei tēnē Nhialic akōlriēc ëbēn.

¹⁸ Aηicku lōn raan cī ya manh Nhialic acie awuōc ë looi akōlakōl, aye Jethu Wēn ë Nhialic tiit guōp, acīi jōηrac ye muōr acīn.

¹⁹ Aηicku lōn ye γok mīth ë Nhialic, ku lōn yen jōηrac yen mac kōc kuc Nhialic.

²⁰ Aηicku aya lōn Wēn Nhialic acī bēn pinynhom ë tēn. Ku ë yen acī γo cōl aηic Nhialic ë yic, yen acī γo cōl amat γoyiic kek Nhialic, ee rin cī γok mat kek Wēnde Jethu Krītho. Acīn Nhialic dāt ee Nhialic tōη. Ee yeen ë rot yen ë pīr akōlriēc ëbēn bēi.

²¹ Ke week miēthkiē tiēerkē nhīim bāk piōoc rac cīi gam.

Athör ë rou cï Joon göt Wët nom

Athör ë rou ëcï Joon göt tënë akut kəc cï gam tädët. Wäär gët yen athöör, Joon ë rot cəl raandit, ku cəl akut kəc cï gam aye tik ke miëthke. Athör ciek kënë ë jam nhiër kam kəc cï gam, ku bï kəc yöök bik röt tiit tënë kəc aa lueth ku piöccden.

Käk tö thïn

Muöth tueñ 1-3

Yic ku nhiër 4-6

Läk rin piöcc ë lueth 7-11

Muöth ciëen 12-13

¹ Ee yen raandit akut kəc cï gam, yen agët athör kënë tënë akut kəc cï gam cï Nhialic lóc bï reër keyiic ke cüt miëthke. Wek aa nhiaar piändië ëbën, ku acie yen rot yen nhiaar we, aa kəc ëbën ñic yic cï Nhialic nyuöth ke, kek aa nhiaar we piänden yic aya.

² Wek anhiaar ke rin yook ëbën, yok aa ñic yic cï Nhialic nyuöth. Ku yic kucku abuk aa ñic akölaköl.

³ Bï Nhialic kek Wënde Jethu Kritho yo döcc ku pëlke käraackua piny, ku bik yo cəl arëer ë duk döörden yic, tē reër yok dhël yic cik nyuöth yo, ke yo nhiaar röt kamkua.

Yic ku nhiër

⁴ Yen a ya cï puöu miët apeidit wäär pin yen ye, lön kəc kök weyiic aake lui tēcüt tē cï Nhialic ye nyuöth yo, yen ë kë cï læk yo buk ya looi.

⁵ Këya, wek kəc cï gam alæk we lön yok aa dhil röt nhiaar ë kamkua. Ku kënë acie löñ yam, ee löñ theer ñicku tēwäär buöth yok Jethu.

⁶ Na nhiarku röt ayic, ke yok aa dhil kë cï Nhialic læk yo buk looi, looi, rin wäär tueñ gem yok wët Jethu, kën cï læk yo buk aa looi ë lön buk röt aa nhiaar kamkua.

Läk rin piöcc ë lueth

⁷ Yen aluel kënë rin kəc kök ë kəc wëñ nyin aatö thïn, aa kəc piöcc lueth ë path. Ayekë lueel lön Jethu Kritho akēc bën pinynhom kecüt raan. Raan ye lueel kälä, ee kəc wëñ wei, ku athöñ kek raan ater ë Jethu.

⁸ Tiëerkë nhïim bï käckä we cïi wëñ, bï käckun puöth cäk looi tënë Nhialic cïi mär ë path. Tietkë wenhïim apei bï Nhialic we gam ariöpdun ëbën.

⁹ Alæk we, na ye raan juék këde thïn käwäär cï Jethu piöcc yiic, ka cïi kəñ mat kek Nhialic. Ku na cïi raan wët cï Jethu piöcc juak ë wëlke ë rot, ka bï mat kek Jethu ku Nhialic Wun.

¹⁰ Ku na bö raan tënë we ku ye ke piöcc käk cïi thöñ kek käk cï Jethu piöcc, ke duökkë cəl abö pandun bï bën reër kek we. Ayi muöth aya duökkë muöth.

¹¹ Kënë alæk we, na ye raan muöth raan kënë bï ciët raan cï gam, ka cï rot mät ye. Ku aloi këreec ye looi aya.

Muöth ciëen

¹² Käjuëc apei aake ba læk we, ku acä wiëc ba ke göt athör yic ëmën. Kë wiëc ba looi, ku anjääth aya, ee lön bï yen la keny tënë we, buk la röm ku jiemku röt ë kamkua, ku yok aabi puöth jal la yum yodhie.

¹³ Akut kəc cï gam ë tënë ë we muöth.

Athör ë diäk cï Joon göt

Wët nhom

Athör ë diäk ë gët Joon tēnē raan tō akut kōc cï gam nhom cōl Gaiōth. Acï Gaiōth leec thīn wët ë yen kōc cï gam kony, ku yōök ke bīk rōt tiit ë mony cōl Diōtrepeth.

Käk tō thīn

Muōth tuenĵ 1-4

Joon acï Gaiōth leec 5-8

Joon acï Diōtrepeth nyieeny 9-10

Joon acï Demetriōth leec 11-12

Muōth ciēn 13-14

¹ Ee ŷen raandit akut kōc cï gam, ŷen acï yī gät athör kēnē yīn Gaiōth raan nhiaar piändiē ēbēn.

² Mäthdiē, anääth ŷapuōu lōn puōl yīn guōp, ku lōn le yīn tuenĵ kek luōidu apath, cimēn pīr wēiku ē Nhialic nhom.

³ ŷen acï puōu bēn miēt apēi wäär bīi kōc kōk cï gam tēnē yī, ku lēkkē ŷa lōn yīn apīr dhēl ē Nhialic yic akōlakōl.

⁴ Na piēn lōn mīthkiēn cï gam cimēndu aa pīr tēcīt tē cï Nhialic ye nyuōth ŷo thīn, ke ŷa cōl amit puōu apēidit.

Gaiōth acï leec

⁵ Mäthdiē yīn acï kajuēc looi kāk cï kōc cï gam kony, kōc cï gam ē cath ke piōōc wēt Jethu, agut kōc cie kōc pandun. Kēnē, acï nyuōth ŷa lōn yīn ē raan path cï wēt Jethu gam.

⁶ Acï kōc ca konykā lēk ŷo, ŷok kōc cï gam tēn yen tē nhiēer yīn ke thīn. Ku ēmēn alēk yī ba ŋot yī la tuenĵ ke yī kony ē kōckā, tē jiēl kek tēnē yī. Kēnē adhiēlkē looi dhēl nhiēer Nhialic.

⁷ Rin kōckā aa cath ē baai yic, rin aa kōc lui rin Jethu. Acīn kē yekē thiēēc, nadē ke lōmkē tēnē kōc cie kōc cï gam bī kek rōt kony.

⁸ Kēya, ŷok kōc cï gam, ŷok aa dhil kōckā gām kuat kāk wīckē ke, rin buk aa kac tōk lui ŷok ke yiny Nhialic yen yekē lēk kōc.

Diōtrepeth ku Demetriōth

⁹ Wek aaca kaŋ gät athōör thēer, wek kōc cï gam ē tēen. Ku Diōtrepeth acï bēn jai ē wētdiē, rin awīc bī ya yen wat akut nhom.

¹⁰ Tē le ŷen ŷet pandun, acīn kē ba moony tēnē kōc, ee kāk ye Diōtrepeth looi yīic ēbēn, aa kāk lueth kek aye luēel ŷaguōp. Ku yeen aya aloi dēt wār kēnē, akuēc bī kōckuan cï gam lor, kōc ē cath ke piōōc wēt Jethu, ku ē jai aya bī kōc puōl bīk wāmāthakēn cï gamkā aa lor, ku ē kōc ē kōc lor cuōp wei akut yic.

¹¹ Yīn mäthdiē duk kōckā rēec luōiden ye kiēēt, dhīel ē kiēēt kēpath ye kōc path looi. Na loi raan kāpath, ke kēpuōth cï looi aye nyuōth lōn raan kēnē ē manh Nhialic, ku raan ē luui kārēc, kārēc ye looi aaye nyuōth lōn raan kēnē akuc Nhialic.

¹² Kuat raan ēbēn kōc cï gam yīic, aye luēel lōn raan cōl Demetriōth ē raan path. Ee kē cï Nhialic lēk ŷo buk aa looi yen aye looi. Yen alēk yī lōn yeen ē raan path, ku anĵic aya, kuat kē ya luēel rin raan ēbēn, ee ya yic.

Muōth ciēn

¹³ Kajuēc apēi aake nhiaar ba ke lēk yī, ku acā wīc ba kek gät athör yic.

¹⁴ Kē wiēc ku anääth, ee lōn bī ŷen la keny tēnē we ēmēn, ku ē tēen ŷok abī la yōk ku jiēmku rōt kamkua ŷodhie. Nhialic abī we cōl arēer ke dōorde.

¹⁵ Wāmāthakun cï gam rēer ē tēn aa yī muōth. Miāthkē kōc cï gam rēer ke we ē riēnkiē ēbēn.

Athör Jut Wët nom

Athör Jut aci gät bi kəc lek bik nhim tir kəc piöoc ë lueth, kəc ye lueel lön ye kek kəc ci gam. Kë tš athör ciek kënë yic, yen athör kek athör rou ë Piter, raan ë kəc bi ye kuen dæet puöth, bik nuot ke la tuen kek gam wäär ci Nhialic gam kacken ci wëtde gam.

Käk tš thin

Muöth 1-2

Awuöc bi kəc piöoc ë lueth yök 3-16

Riel ë puöth gam yic 17-23

Röök 24-25

¹ Ee yen Jut, yen alony Jethu Kritho. Ku ya mēnhē Jemith.

Yen agēt kəc ci Nhialic ke cöl, kəc pīr ë nhiēr Nhialic Wāda. Ku tit Jethu Kritho ke.

² Calkē dōr ku nhiēr ku pēl piny ë wēl arēer kek we athēr.

Kəc piöoc ë lueth

³ Wek kackiēn nhiaar, aca them apēi ba we gāt tē ci Jethu Kritho yo kuony thin yodhie. Ku kē ca tak ë kē bi yen we gāt nyin yic emēn. Ku ba we dæet puöth, bāk la tuen kek gam wäär ci Nhialic gam kacke bi rēer ke ke.

⁴ Rin ci kəc rēc kuc Nhialic röt kuēl yoyiic ke kucku ke. Ku räckē wēt puöth ë Nhialic bi kek dhölken rēc thiaan kōth thin. Ku jēikē Jethu Kritho ku ye Bānyda. Ku athör thēr wēl Nhialic acā awuöc bik yök thin nyuöth wāthēr.

⁵ Na cək alön njic wek kakkä ebēn, ka wiēc ba bēn tāk we, yen tēyon ci Nhialic kəc Itharel luäk thin tēnē kəc pan Ijip. Ku tē ci yen kəc kək kamken ke ci jai ë wētde bēn rac thin.

⁶ Ku takkē aya, lön atuuc nhial wäär ci luōiden bar nyin ku kueeckē bik rēer tēden ci tēk ke, aa rēer ke ke dēr akōlaköl ë muöth yic piiny. Tē muk Nhialic ke thin yet aköl lundit bi ke jal tēm awuöc thiek.

⁷ Ku muökkē wenhīm aya yen kēwäär ci rot looi tēnē Thodom ku Gomora, ku bēi thišk ke ke. Wäär ci kəc ke rēer ë gæthkā yiic luui cīmēn atuuc nhialkā, kəc wäär ci

kepuöth yiēk bal. Ku kuat käreç kək ye kek röt lööm. Ku emēn aaci tēm awuöc ci ke cuat many akōlriēc ebēn yic. Ku bi nyuöth raan ebēn yen awuöc ye gam kəc ci luui käreç.

⁸ Ku kəc rēc ci röt kuēl yoyiic kā, aa la kākken ke nyuöth ke kēya bik awuöc aa looi kegup ë röt. Aaci riel Nhialic dhöl yic ku lueelkē käreç atuuc nhial gup.

⁹ Na cək aa tunydit atuuc nhial nhīm cöl Maikel ka kēc looi. Wäär göth yen kek jōnrac, yon teer kek ye, yēna bi guöp Mothith nyaai, yen Maikel nom akēc jōnrac bēn lat, aci bēn lueel ēlä, “Nhialic abi yi tēm awuöc!”

¹⁰ Ku käckä aa kəc māt ku lētkē kəc kē kēc deet yic, ku kāk njickē ke cik ye tak yiic, cīmēn läai ë path, luoi ë kakkä abi Nhialic ke nök.

¹¹ Abi rēēc apēi tēnē ke! Ee dhēl Kain yen acik buöth yic. Ee rin wēu ë path yen aye kek awuöc wäär ci Balaam looi, looi aya. Aaci kēc wei tēnē Nhialic cīmēn Kora, ku aabi Nhialic nök cīmēn wäär nek yen Kora.

¹² Ku keek aa yār guöp bēi tēnē we, tē looi kek käreçkē ke ci gup riöc, tē mith wek ke ke akuötdun yic. Ayekē nhiaar kē la guäpden yic kepēc. Aa cit luäat ye yom kuaath ku cii tueny. Aa cit tiim cie luäk tē cək yen a rut, tiim ci meiken nyuän bei. Käckä aa thou arak rou ë luoi adumuööm, ku kākken rēc yekē ke looi cək alön ye kek kəc ci gam.

¹³ Aa röt jat nhial cīmēn apuöök ë wärdit yic, bik tēden rēc kek thin nyuöth. Aacit kuēl ci yic dhēlden yekē buöth yic, ë rin ci Nhialic tēcol bi yen ke cuat thin looi tēnē ke akōlriēc ebēn.

¹⁴ Enok, raan kāk Nhialic tñ, manh ye kuat Adam yic dhorou yen ēci ye lueel thēr ë rienken ēlä, “Nhialic abi bēn kek atuucken juēc apēi cii kuen,

¹⁵ bik luk bēn looi tēnē kəc. Ku kəc la gup adumuööm ci kuc ye, aabi tēm awuöc rin käreç juēc cik looi. Ku käreç cik lueel yeguöp!”

¹⁶ Käckä aa Nhialic gök akōlaköl ke nyieny kəc kək. Ee luoi ë dhölken rēc kek ayekē ke buöth yiic. Aa jam ë nhiam rienken ë röt. Ku yekē kəc kək math nyin bik ke buöth cök.

Tir ë nhom ku lëk

¹⁷ Ku yeen muökkë wenhüim wek kockiën nhiaar, yen kewäär cï atuuc Bányda Jethu Kritho lëk we.

¹⁸ Acik lëk we ëlä, “Të le aköl lunđit thiök, ke kóc kök rεc, kóc ke looi käk wic piäthken kepεc aabi tuöl. Ku keek aabi we aa bui.”

¹⁹ Kockä kek aa kóc tšek yiic, kóc ye buoθh yic dhöl kóc ë path, keek aa cïn gup Wëi Nhialic.

²⁰ Ku week kockiën nhiaar lak tuen gam-dun yic apath cimën ye Wëi Nhialic we kony bäk aa röök.

²¹ Ku muökkë röt ë nhiër Nhialic yic, ke we tit Bányda Jethu Kritho, bi we bën nyuθh të nhiεr yen we thïn ku gäm we pïr akölrïëc ëbën.

²² Yakë kóc ηot ke diu nyuθh piathdun.

²³ Kuonykë kóc kök bik cïi la mεεc. Ku nyuθhkë piathdun tënë kóc kök, ke we tit röt ë ke bik we cïi riöp acol käracken yiic, ku bäk cïi la dhölken yiic, dhöl adumuööm.

Röök

²⁴ Tënë Nhialic, raan lëu ye bi we muk bäk cïi lööny wei. Ku bïi we, ku cöl we akäac yenhom diεkde yic ke we mit puθh, ke cïn kεrεc rëër ke we,

²⁵ tënë Nhialic, yen Nhialic tön tö thïn, yen yo kony, rin Jethu Kritho Bányda, bi ya leec, ee diëtde, ee riεl, ku bäänyde, akölë, ku thεr, ku akölrïëc ëbën! Yenakan.

Nyuuth tēnē Joon Wēt nom

Athör kēnē anyuth tēnē Joon cī gōt wäär guum kōc cī gam, rin cī kek la gam tēnē Jethu Krītho ke ye Bēny. Wētdit wīc raan gāt athōōr, ee wēt būi kōc bī ye kueen riēel puōth bīk la nōth, bīk rēer ke nōth akōōl kārēc ke gum.

Abañdīt athör kēnē yic atō kājuēc wat kekōōth kāk cī nyuōōth, ku kāk cī tīŋ cī ke kiēt wēl yiic, kāk ye kōc thēer wäär cī gam ke deet yiic. Ku alēukē bīk rēer ke cī moonny tēnē kōc kōk ēbēn. Athör kēnē acī guir ke cīt dhōl waak, yen aye ke wēl lueel ku ben ke ber yiic dhōl juāac cī thōŋ, cīt tē cī ke wat kōōth thīn.

Na cōk alōn cī tāk ye rōm kek tēcīt tē ye ke dēet yiic thīn athōōr yic. Ke wēt ciel yic ala gēi, dhēl Krītho Bānyda, yen Nhialic. Abī kōc aterde tiaam alanden akōl ciēen agut Bēny jakrēc. Akōl le tiām kēnē thāap, ke kōc cī gam aabī dōac. Ku riap ke piny ē yam, nhial ē yam.

Kāk tō thīn

Wēt Nom 1:1-8

Jōk ē nyuuth ku athör cī gāt akuut kōc

kadhrou 1:9-3:22

Athōōr kek adōk kadhrou 4:1-8:1

Keŋ kadhrou 8:2-11:19

Jōŋrac ku lāai karou 12:1-13:18

Anyuth kōk juēc 14:1-15:8

Riāak puōu ē Nhialic 16:1-21

Riāŋ Babilon ku tiām cī kōc ater Nhialic

tiaam 17:1-20:10

Lunđit 20:11-15

Nhial ku piny ku Jeruthalem ē yam 21:1-

22:5

Thōk ē Wēl 22:6-21

Wēl tuenŋ

¹ A athör kēnē yic Joon acī kāŋ gāt piny, kāk cī Jethu Krītho nyuōōth. Acī Nhialic looi bī kākā tīŋ, rin bī kacke cōl aŋic kāk bī rōt looi nīn thiōkkā yiic. Raan cī lōc ku dōc acā atunyden nhial tuōc aluōnyde bī lēk athōn kēnē.

² Joon acī kāk cī tīŋ ēbēn lueel. Yeen acā athōn bō tēnē Nhialic gāt piny, ku kāk cī Jethu Krītho nyuōth ye.

³ Raan mit puōu ē raan bā athōn kēnē kuēn kōc cī gam, athōn bō tēnē Nhialic. Ku kōc mit puōth, aa kōc bī ye piŋ ku thekkē kē ye lueel, rin tē bī Nhialic kākā cōl aloi rōt acī thiōk.

Muōth tēnē akuut kōc cī gam kadhrou

⁴ Ee ŋen Joon, ŋen agēt tēnē akuut kōc cī gam ē bēi Athia yiic.

ŋen arōōk lōn bī wek nhiēr ku dōōr yōk tēnē Nhialic. Yen tō thīn emēn, ku arēēr thīn tēthēryōn, ku yen bī bēn. Wek aabī nhiēr ku dōōr yōk tēnē wēi kadhrou ē thōny Nhialic nom,

⁵ ku tēnē Jethu Krītho, raan yen nyooth yic rin Nhialic. Yen ē ye raan tuenŋ cī rot jōt ē thou yic, ee yen amac bānyŋaknhīim ēbēn pinyhom aya.

Yeen anhiar ŋo, ku ajuerden cī yen rot juaar bī thou, ēcī yen ŋo wēer bei adumuōōmkua yiic,

⁶ ku looi ŋo buk aa kōc luui Nhialicde ku ye Wun, diik ku riel aa kākke akōlriēc ēbēn. Yenakan.

⁷ Tiēŋkē, yen abō pial yiic. Abī raan ēbēn tīŋ, agut kōc wäär nāk ye. Kōc pinyhom ēbēn aabī dhiau ē rienke. Kēya abī ciēt kēnē! Yenakan.

⁸ Aye Bēny Nhialic lueel elā, “Ee ŋen jōk ē cōk ku ŋen thōk ē kāŋ.” Nhialic Madhōl tō thīn emēn, ku arēēr tēthēryōn, ku yen bī bēn.

Tīŋ Raan cī lōc ku dōc

⁹ Ee ŋen Joon menhkui dun, week ēbēn wek kōc tuōc athör kēnē, ke ŋa ye raan cī wēt Jethu gam cīmēndun. Ku rin ē kēnē yōk aa tōk, ku ŋen agum aya cīmēndun. Ku ŋen abī rēer ē bāany Nhialic yic kek we aya, ku ŋen alir puōu cīmēndun. ŋen a ŋa mac golgol Patmoth nom, golgol rēer Adēkdiēt yic, rin cī ŋen wēt Nhialic, ku yiny Jethu nyuōōth.

¹⁰ Wēi Nhialic aake cī bēn ŋaguōp akōl Nhialic. Guō rōldīt la wic cīt kāŋ piŋ ke jam yakōu ciēen.

11 Ku lueel, “Gät kē ye tīḡ athöör yic ebēn, ku tuəc athöör tēnē akuut kəc cī gam ē bēi kadhorou yiic, Epethuth, Thimirna, Pergamum, Thiatira Thardith, Piladelpia ku Lodikia.”

12 Guə rot wel ba raan jam tīḡ, nawēn wēl ḡanhom, ke ḡa tīḡ kāk ye many adök took kenhīim cī looi mīlāḡ təc kadhorou, ke kääc.

13 Ku kēcīt manh raan ke kääc keciēl yiic, ku a ciēḡ alanh diit ye paat kəc kōöth ē piny kuaar ḡet yecök, kek karkar diit cī looi mīlāḡ təc yepεm.

14 Nhīmken ē nhom aake ḡer ka cīt gai tueny deḡ, ku adēp nyin cimēn mac.

15 Ku cök ala diardiar cīt ban cī coth kəu, ku akök yic apēi cīt lōör puəc kəc.

16 Yen wēn amuk kuēl kadhorou ciinden cuēc, ku amuk pal diit moth ē thok kedhie bō bei yethok. Kū dēp nyin cīt ruēl aköl ciēl yic.

17 Wēn tīḡ ḡen ye, ke ḡa wiēk piny yecök ciēt ḡa cī thou. Go ḡa thany nhom ciinden cuēc ku lueel, “Duk riēc. Ee ḡen jök ē cök ku ḡen thök ē kāḡ.

18 ḡen ē pīr, ḡen a ḡa cī thou ku emēn ḡen acī bēn pīr akölrīēc ebēn. ḡen amuk wēnh riēt ḡööt ē thou ku ḡööt pīr aya.

19 “Yīn adhīl kākā gət ebēn, kāk ye tīḡ emēn ku kāk bī röt looi aköldā.

20 Ku kuēl kadhorou, ca tīḡ kōḡdiēn cuēc, wētēn yic, atuuc nhial kadhorou, tēnē akuut kəc cī gam kadhorou. Ku kāk kääc kāk ye many adök took kenhīim akuut kəc cī gam kadhorou.”

2

Athön tēnē kəc cī gam Epethuth

1 “Yīn awiēc ba athöör gät akut kəc cī gam gen Epethuth, raan muk kuēl kadhorou ciinden cuēc ku ciēth kam kāḡ kadhorou ye many adök took kenhīim, aye lueel tēnē we elä.

2 Anjiec yen tē cī wek pīir thīn ē piērdun yic. Anjiec yen tēril cī wek luui thīn ke we kəc cī gam, ku tē cī wek kārīl yiic göök thīn. Anjiec lən cīi wek ye bī lēu bāk kəc ē luui kārēc puəl bīk ke ya looi welōm. Wek aaci

kəc ye lueel lən ye kek atuuc Jethu them, ku acāk bēn yök lən ye kek alueth ē path.

3 Anjiec lən guum wek rienkiē we lir puöth, ku wek kēc puöth bath.

4 Ku kē maan tēnē we akīn, wek aciī ḡen nhīar emēn cimēn thēer wäär puəc wek gam.

5 Kēya, muökkē wenhīim yen tē cāk dööt luoi kārēc yiic! Pälkē luoi kārēc, ku piērke cīt tēthēer wäär puəc wek wēt ca lēk we gam. Na lak tuēḡ ke we lui kārēc, ke ḡen abī la tēnē we, ku la we tēm awuəc bī ḡen kēdun ye wek many adök took yenhom nyaai tēden kēēc yen thīn.

6 Ku wek ya leec rin mēen wek kāk ye kəc Nikolauth looi cimēn mēen ḡen ke aya.

7 “Na lakkē yīth, ke we piḡ kē ye Wēi Nhialic lēk akuut kəc cī gam. ḡen abī kəc cī jōḡrac tiaam gām yic bīk mīth tim ē pīr cam, tim rēer gōr ē Nhialic yic!

Athön tēnē kəc cī gam Thimirna

8 “Yīn awiēc ba athöör gät tēnē akut kəc cī gam gen Thimirna elä, kēnē ē wēt raan kāḡ cəl ajök röt ku cəl ke aa thök, raan cī thou ku ben pīr aya, aye lueel,

9 ḡen anjic kārīl rēer wek thīn, anjiec lən wek aa ḡōḡ ku wek ajīēc wepuöth. ḡen anjic kārēc ye lueel wegup kəc ye lueel ka kəc cī Nhialic ləc, ku ē lueth ē path. Ku keek aa kəc akut jōḡrac.

10 Duökkē riēc gum bī wek gum emēn. Piēḡkē! Jōḡrac aci thiök kek tē bī yen kəc kök kamkun mac rin bī yen gamdun them. Wek abī rēer ater yic nīn kathiäär ku duökkē puöth go bath wēt diē yic cək alən nēk we, rin wek aaba gām pīr akölrīēc ebēn ke ye yen ariöp.

11 “Na lakkē yīth, ke we piḡ kē ye Wēi Nhialic lēk akuut kəc cī gam. Ku raan bī jōḡrac tiaam, acīn kērēc bī ye yök alanayən ē thon yic rou.

Athön tēnē kəc cī gam Pergamum

12 “Yīn awiēc bā athöör gät tēnē akut kəc cī gam gen Pergamum, kēnē athön bō tēnē raan muk pal cī ther thok kedhie.

13 ḡen anjic tē rēer wek thīn gen mēc jōḡrac. Wek aa kəc wēt diē ē cök, ku wek

akēc puōth dhōr gamdun yic tēnē Ʒa. Wek akēc gamdun waar yic, agut wäär cək Antipāth raan ye nyuōth kāk ye looi yiic lōn ee yen raandiē nōk Ʒendun ē tēēn, Ʒen mēc jōnrac.

¹⁴ Ku ala kāthii maan tēnē we, kōc kōk weyiic aa piōōc Balaam buōth yic, Balaam wäär nyuth Balak tē bī yen kōc Itharel cəl aloi adumuōōm thīn. Ku lēu bik riŋ cuet, riŋ lān cī nāk jak, ku loikē kāk bal.

¹⁵ Ku kēlā aya, kōc kōk weyiic aa piōōc kōc Nikolauth buōth yic.

¹⁶ Pālkē luoi kārēc! Na cāk pāl ke Ʒen abī bēn kek ē pal bēn bei Ʒathok bī Ʒen kōckā tēm awuōc.

¹⁷ Na lakkē yīth, ke we piŋ kē ye Wēi Nhialic lēk akuut kōc cī gam. Ʒen abī raan cī jōnrac tiaam Ʒām aban Ʒayum nhial cī Nhialic tōōu, ku Ʒām alēl Ʒer, alēl cī rin yam cīn raan ŋic ke Ʒōt yekōu, na cie raan cī Ʒām ye.

Athōn tēnē kōc cī gam Thiatira

¹⁸ “Yīn awiēc ba athōōr Ʒāt akut kōc cī gam gen Thiatira ēlā, kākā aa wēl bō tēnē Wēn Nhialic raan nyin dēp cīt mac, ku le cōk diardiar cīt ban cī coth kōu.

¹⁹ Ʒen anjic kāk yakē ke looi. Anjic lōn wek aanhiar rōt kamkun, ku wek aa muk gamdun. Anjic yen tē cī wek rōt kuōny thīn kamkun, ku tē guum wek thīn, anjic lōn wek aaloi kājuēc wār kāk wäär tuēŋ.

²⁰ Ku Ʒen ala kēthiin maan tēnē we, wek aaci tik puōl tiŋ cəl Jedhebel ye lueel ke raan kāk Nhialic tiŋ. Ku piōōcde ē kackiē thēl luoi kāk bal yiic, ku camkē miēth cī juēr jak cī kiēt.

²¹ Aca lēk bī yepuōu dhuōk ciēēn adumuōōmke yiic, ku aci jai bī yepuōu dhuōk ciēēn.

²² Ku kēya, aba cəl atuany ku kōc kāk bal looi kek ye aabi gum apei tē cīi kek kepuōth dhuk ciēēn, ku pālkē kārēc yekē ke looi kek ye.

²³ Kōc cī piōōcde gam aa ba nōk, ku aabi akuut kōc cī gam ēbēn jal ŋic lōn Ʒen ē raan ē kē tō raan puōu ēbēn ŋic, ku ŋiec kuat kē

wic. Ku kuat raan ēbēn aba tēm awuōc cīt kē cī looi.

²⁴ “Ku ēmēn aba lēk kōc abēk kamkun gen Thiatira, kōc kēc piōōc rēc ē tiŋ buōth yic, ku wek aakēc luui kē ye kacke cəl, ‘Aye kē cī thiaan apei cī jōnrac moony.’ Aya lēk we lōn wek acā bī mēc dēt ril yic.

²⁵ Wek aadhil la tuēŋ ke we gam wētdiē, Ʒet tē bī Ʒen bēn.

²⁶ Ʒen abī kōc cī jōnrac tiaam, ku lek tuēŋ ke loi wētdiē Ʒet tē bī Ʒen dhuk Ʒām riel bik pinynhom mac.

²⁷ Aabi pinynhom mac riel ke cīn anuān, ku abik thuōr piny ku thorkē ke cīmēn tōny cī looi ē tiōp.

²⁸ Riēlden abī thōŋ kek riel ca yōk tēnē Wā. Aaba Ʒām ciēer aya, ciēer bī ke nyuōth tiām cī kek tiam.

²⁹ Na lakkē yīth, ke we piŋ kē cī Wēi Nhialic lēk akuut kōc cī gam.

3

Athōn tēnē kōc cī gam gen Thardith

¹ “Yīn awiēc ba athōōr Ʒāt tēnē akut kōc cī gam gen Thardith ēlā, raan mac wēi kadhorou thōny Nhialic nhom, ku amuk kuēl kadhorou, ee we tuōc wēt kēnē,

Ʒen anjic kuat kāk cāk looi ēbēn, anjic lōn ye wek ye tak lōn piūr wek cək alōn cī wek thou.

² Aca yōk lōn piērdun ke we ye kōc cī gam aci thōŋ kek tē cī Nhialic ye Ʒuier thīn. Kēya, pāäckē nīn yic, ku dhuōkkē riel yam ē piŋ kōc cī gam yic ke we kēc Ʒuō thou ē Ʒim.

³ Muōkkē yīth wäär cī piōōc tēnē we nhīim, ku thēkkē ke. Pālkē luoi kārēc ku dhuōkkē wepuōth ciēēn adumuōōmkun yiic. Pāäckē ba rot cīi kuēl wegup ciēt Ʒa ye cuār ē bēn baai wakōu. Ku aci bī ŋic ba bēn nēn.

⁴ Ku na cək a kēya ke wek anōt we la kōc lik Thardith, kōc kēc luui kārēc. Keek aabi cath kek Ʒa ke cien alēth Ʒer, rin aala yic bik looi kēya.

⁵ Raan bī riel jōnrac tiaam cīmēn ē kek abā alēth Ʒer cien. Ku rienke acā bī nyaai athōr piŋ yic. Tē le Ʒen kōōc Wā nhom kek

atuucken nhial ye luṣṣi, aba lueel yenhom lōn ḡic yēn ē raan kēnē.

⁶ Na lakkē yīth, ke we piṅ kē ye Wēi Nhialic lēk akuut kōc cī gam.

Athōn tēnē kōc cī gam gen Piladelpia

⁷ “Yīn awiēc ba athōōr gāt tēnē akut kōc cī gam gen Piladelpia ēlā, raan la guōp Wēi Nhialic ku yic, yēn la riel bī kōc Nhialic mac nyin bēnyṅaknhom Debit. Ku tē ḡeeny yēn yōt thok ka cīn raan lēu ye bī thiōōk. Ku tē thiōōk yēn yōt thok ka cīn raan lēu ye bī ṅaany.

⁸ Yēn aṅic kāk yakē ke looi, aṅiēc lōn le wek riel koor, ku wek aa ḡot we buath piōōcdiē yic ku thekkē ḡa. Tiēṅkē yōt aca ṅaany thok wenhīim, ku acīn raan lēu ye bī bēn thiōōk thok.

⁹ Tiēṅkē, yēn abī kōc kek kōc jōṅrac, alueth ye lueel lōn ye kek kōc cī Nhialic lōc looi bīk tō wecōk, ku bīk deet yic lōn nhiēer yēn we.

¹⁰ Wek acī gum riel ē thok cīt tēwāār cī yēn we lēk thīn. Kēya, wek aba kony aya tē le nīn thōk, nīn bī yēn kōc pīr ēbēn them pinynhom.

¹¹ Yēn abō ēmēn, muōkkē kē cāk yōk apath, bī ciēn raan rum kēpēth cāk yōk rin cī wek tiam.

¹² Raan bī riel jōṅrac gōōk aba looi ke ye thel ril yōn ye Nhialic door thīn, Nhialic yēn ya luṣṣi. Raan kēnē acīi bī kaṅ jāl ē tēēn. Aba gāt kōu rin Nhialicdiē ku rin Jeruthalem yam, yēn rin gen ē Nhialicdiē bī bēn bei tēnē Nhialic nhial. Aba gōt kōu aya rinkiēn yam.

¹³ “Na lakkē yīth, ke we piṅ kē ye Wēi Nhialic lēk akuut kōc cī gam.

Athōn tēnē kōc cī gam gen Lodikia

¹⁴ “Yīn awiēc ba athōōr gāt tēnē akut kōc cī gam gen Lodikia ēlā, raan yēn Yenakan. Yēn cī yiny Nhialic nyuōōth ē cōk, ku ē yēn acī kēriēēc ēbēn cī Nhialic jōōk cōk cak, aye lueel ēlā,

¹⁵ Yēn aṅic kāk cāk looi ēbēn, wek aa kēc yēn jai, tēdē wek aa kēc yēn lor piāthkun ēbēn, na we ye rōt mat abak, diēt apath yapuōu.

¹⁶ Ku rin kēc piāthkun rōt mat abak, yēn abī jai ē we.

¹⁷ Yīin aye lueel, ‘Yēn ajak! Acīn kē ḡōṅ ḡa, acīn kē bēn wīc.’ Ku acīi ḡic yēn tē ye yīn laaṅ aṅāṅ thīn. Yīn aṅāṅ ē cath ke cīn kē ceṅ, ku yīn ē cōōr.

¹⁸ Rin ē kēnē, yīn alēk bī ya mīlāṅ tōc la wic yēn ḡōc tēnē ḡa, bī yīn jīēek yōk thīn. Yīn adhil alēth yē ḡōōc aya ba ke tāāu yīkōu, ku bī kēwāār yīn cath yīkōu path ke cīn alanh ciēṅ liu ba guōp cīi ben riōōc ē kōc, ku ḡōc kē ye kōc kenyīn tōc ba tāāu yīnyin rin bī yīn daai.

¹⁹ Kōc nhiaar aa ya māt ku tēm ke awuōc, kēya rēērke apath ku pālke luōi kārēc bāk puōth miēt.

²⁰ Pālke weyīth piny, yēn ē ḡarōl tuṅ yōndun thok. Na le raan piṅ ḡarōl ku ḡeeny yōt thok ke yēn ala thīn, ku laar ku māāth kek ye.

²¹ Yēn abī raan cī riel jōṅrac gōōk gām yic bī nyuc ē thōōc nhom ḡalōōm. Kēnē abī ciēt ēmēn cī yēn riel jōṅrac gōōk ku nyuōōc ē thōōc nhom Wā lōōm.

²² “Na lakkē yīth, ke we piṅ kē ye Wēi Nhialic lēk akuut kōc cī gam.”

4

Thōny pan Nhialic

¹ Tēwēn cī yēn kākā ēbēn tīṅ, ke ḡa ben nyuōōth aya, ku tiēṅ yōt thok ke ṅaany pan Nhialic. Ku kē ca piṅ tūeṅ ē raan jam tēnē ḡa rōldīt la wic cīt kaṅ ke ye lueel, “Bāār nhial tēn ku yīn aba cōl atīṅ kāk bī rōt looi ye kēnē cōk.”

² Nyin yic ē tēēn ke Wēi Nhialic la ḡaguōp. Ku tiēṅ thōōc ē tēēn pan Nhialic ku raan ke cī nyuc yēnhom.

³ Raan cī nyuc ē thōōc adēp nyin bilbil cīt kuur yēr dhēṅ, ku kēdiīt cīt mīit ke cī thōōc gōōl piny, ke dēp birbir.

⁴ Ku alōṅthīn kēwēn cī thōōc gōōl piny yic, thōc kōk kathiārou ku ṅuan aake kāk thīn, ku kōcdīt kathiārou ku ṅuan aake cī nyuc kēnhīim. Ku keek aake ciēṅ alēth yē ku ajōm ē bāny kēnhīim.

⁵ Thōōc abier ku mēēr nhial ciēt ye deṅ. Thōōc nhom tūeṅ mēc adōk kadhorou aake

dēp thīn, kākā aake ye Wēi Nhialic kadhorou.

⁶ Aya, thōoc nhom tuen, ala ke dūt cīt baar ē wār cī looi macar dēp la bilbil. Ku thōoc kōu tēn ku tēn, lāai kaṅuan la nyin juēc kenhīm ku kekōōth aya aake tō thīn.

⁷ Lān tuen acīt kōor, ku lān ye kek rou acīt muɔr ē wen, ku lān ye kek diāk acīt nhom raan, ku lān ye kek ṅuan acīt lienh tōṅ pār nhial.

⁸ Keek ēbēn ṅek ē la wuōk kadātem la nyin juēc keyiic ku kekōth aṅeer. Aa waak ket akōl ku wēer ēlā,
“Alεεc, alεεc, alεεc tēnē Bēny Nhialic Madhəl tō thīn ēmēn ku arēer tēthεεrḡon, ku yen bī bēn.”

⁹ Lāai kaṅuan aa diēt ket tēnē raan cī nyuc thōoc nhom, pīr akōlriēec ēbēn. Aa ket waak leec kek ye lōn ril yen ku le diikdīt. Tē looi kek ye kēya,

¹⁰ kōcdīt kathiārou ku ṅuan aa kenhial guōt piny raan cī nyuc ē thōoc nhom cōk, ku dorkē raan pīr akōlriēec ēbēn. Ku cuetkē ajōmken piny ē thōoc nhom, ku luelkē,

¹¹ “Yin ala yic, buk yīn a door Bānyda Nhialic,
ku gēmku yīn alεεc rin le yīn riel ku diik.
Rin yīn acī kēriēec ēbēn cak,
ku riēnku yen acī yīn kēriēec ēbēn cak ku pīrkē.”

5

Athōor ku Manh Amääl

¹ Ku tiēṅ athōor ke muk raan cī nyuc thōoc nhom ciinden cuēc. Athōor acī gōt yic ku yekōu aya, ku acī nuet thok theny kadhorou.

² Ku tiēṅ atuny Nhialic ril apei, ke thiēc rōldīt, “Yeṅa la yic bī thaany kuem athōor thok ku liep athōor yic?”

³ Ku acīn raan pan Nhialic, nadē ke ye pinynhom ku piiny tiōp yic la riel bī athōor pet yic ku kuen.

⁴ Guō dhiau apei rin cīn yen raan cī yōk ke la cōk bī looi kēya.

⁵ Go raan tōk kōcdīt lēk ḡa, “Pāl dhiēeu! Tiṅ kōor, raan kuat Juda wundīt Debit wäär ē bēnyṅaknhom yen acī jōṅrac tiaam, kēya

yen alēu ye bī theny kadhorou kuem ku pet athōor yic.”

⁶ Ku tiēṅ Manh Amääl ē thōn ke kääc ē thōny bēnyṅaknhom ciel yic. Yeen acī lāai pīr kaṅuan ku kōcdīt gōōm piny. Ku Manh Amääl aca tiṅ ke ciēt cī nōk. Ku ala tuṅ kadhorou ku nyin kadhorou kek Wēi Nhialic kadhorou cī tuōc pinynhom ēbēn.

⁷ Go Manh Amääl la ku lōom athōr tō ciin cuēc tēnē ye cī nyuc thōoc nhom.

⁸ Tēwēn cī yen ye lōom, ke lāai pīr kaṅuan ku kōcdīt kathiārou ku ṅuan, gut kenhial piny yenhom, ku kōcdīt aake muk thoom ku aduuk cī looi mīlōōṅ tōc cī thiāṅ adōṅ ṅir, yen tō nyin rōok kōc ē Nhialic luōōi.

⁹ Ku ketkē waak ē yam ēlā,
“Yin ala yic ba athōor lōom ku kuem theny yethok.

Rin cī kōc yī nōk ku riemdu yen acī yīn kōc pinynhom,
dhiēth ku wuōt ku thok ēbēn ḡōc bīk aa kōc ē Nhialic ēmēn.

¹⁰ Yin acī keek cōl aaye kōc Nhialicda luōōi.
Ku aabī pinynhom mac.”

¹¹ Ku bēn daai, ku piēṅ rōl atuuc nhial juēc apeidīt cīi kuen ke kääc ke cī thōoc gōōm piny, ku lāai pīr kaṅuan ku kōcdīt,

¹² aake kēt waak rōldīt apei,
“Manh Amääl wäär cī nōk yen ala yic.
Adhil leec rin riēlden tō kek yeen,
ku jīek ku ṅiny kāṅ, ku diik, aa dhil athēēkdīt apei yōk thīn.”

¹³ Ku piēṅ kuat kē pīr ēbēn tō pan Nhialic ku pinynhom, ku piiny tiōp yic ku wēr yiic ēbēn ke kēt ēlā,

“Tēnē yeen cī nyuc thōoc nhom ku tēnē Manh Amääl,
bī alεεc ku athēēk ku diik ku riel aa kākke akōlriēec ēbēn!”

¹⁴ Ku gēm lāai pīr kaṅuan, “Yenakan.” Ku gut kōcdīt kenhial piny ku dorkē.

6

Theny

¹ Guō Manh Amääl tiṅ ke kuem thaany tuen kam theny kadhorou, ku piēṅ lān tōk kam lāai kaṅuan pīr ke luel rōldīt apei cīt mār ē deṅ, “Bäär!”

² Ku tiēŋ piny, go ya mathiāŋ Ʒer yen tiēŋ, ku raan cath ē ye amuk dhaŋ ke wiēth, ku gēm ajōm ē bēny bī tāāu yenhom. Ku jiēl bī la pinynhom, cīt kēny cī təŋ dhoŋ ku cop kəc ater.

³ Ku kuem Manh Amääl thaany ē rou thok, ku piēŋ lān pīr ē rou ke jam röldīt ēlä, “Bäär!”

⁴ Ku bö mathiāŋ thith bei tēwēn. Ku raan cath ē yeen aci gām riel bī kəc cəl aathār pinynhom, ku bī kəc röt nək ē röt. Ku gēm paldīt ye kəc thör.

⁵ Ku ben Manh Amääl thaany ē diäk kuem, ku piēŋ röl ē diäk lān pīr ke lueel, “Bäär!” Ku tiēŋ piny, go ya mathiāŋ col yen tiēŋ ku raan cath ē ye amuk wēnh ye kāŋ them yecin.

⁶ Guə kē cīt röl raan piŋ ke jam kam lääi kaŋuan pīr yiic ku lueel, “Aduŋ abik yen ariöp akäl tək, ku aduuk kadiäk ayiēer kek ariöp akäl tək. Ku duškkē tiim ye miök yök thīn ku tiim ye cam rəc.”

⁷ Ku ben Manh Amääl thaany ē ŋuan kuem thok, ku piēŋ röl lān ē ŋuan pīr ku lueel, “Bäär!”

⁸ Ku tiēŋ mathiāŋ cīn kīt la gēi, ku raan cath ē ye ala rin, “Thou,” Ku rin kək cəl, “Piny ē Thou,” Ke buəoth cök ke cīi yiic mec. Keek aake cī gām riel bīk tēcīt abaŋ ŋuan kəc pinynhom yiic nək ē təŋ ku cək, ku tuaany, ku lääi roor.

⁹ Ku ben Manh Amääl thaany ē dhiēc kuem thok, ku tiēŋ wēi kəc wäär cī nək ariäk cök rin cī kek wēt Nhialic gam pušu ēbēn, ku yekē lueel.

¹⁰ Go wēi kiu röldīt apei ku luelkē, “Bēny yīn ala cök ku yīn ē yic! Ye nēn bī yen rot jāl looi ba kəc pinynhom tēm awuəc rin cī kek Ʒo nək?”

¹¹ Go ŋək kamken aa gām alanh Ʒer, ku lək ke bīk tiit tēthīn-nyəət Ʒet tē bī akuēn kəc lui ke ke, ku miēthakēn kek ke bī nək ēbēn cīmēnden, jāl tušōm.

¹² Ku tiēŋ Manh Amääl ke kuem thaany ē dātem thok. Ku ya ayiēēkyiēēk pinydit tet yen loi rot, ku loi aköl rot bī cuəl cīt alanh col, ku wel pēei yenyin bī ya malual cīt riem.

¹³ Ku lööny kuel piny nhial cīmēn ŋam cī luək ye yom tēŋ piny tē yiēēk yen tim.

¹⁴ Ku dol nhial rot ciēt ye athöör ku mēr, ku nyēei kuər ku golgol tō wīr röt ē nyiēnken yiic.

¹⁵ Go bānyŋaknhīim ē pinynhom, ku bāny mēc, ku bāny apuruuk ku ajiēek, kəc thiek yiic ku aloony, ku kəc cie aloony them bīk thiaan ē kuər yiic, tēdē ke ye kuər nhīim.

¹⁶ Ku yekē cōöt kuər yiic ku aleel yiic, ku luelkē, “Aa wek kuərka kuəmke Ʒonhīim bī raan rēer ē thöoc nhom Ʒo cīi tīŋ. Ku Manh Amääl aci bī lēu bī Ʒo ben tēm awuəc.

¹⁷ Ee yic aköldīt bī Nhialic ku Manh Amääl raan ēbēn tēm awuəc aci bēn, ku acīn raan bī awuəc kēnē göök?”

7

Kəc 144,000 Itharel

¹ Ku ben atuuc nhial kaŋuan tīŋ ke kääc guək ē piny kaŋuan yiic, ke ke jāk yom ē bēn guək kaŋuan yiic nhom, bī ciēn yom ben buək ē pinynhom, tēdē wēr yiic, tēdē kuat tim nhom.

² Ku tiēŋ atuny dēt ke bö bei tē ye aköl nyin bēn thīn, ke muk thaany Nhialic pīr, ku cəl atuny kēnē röldīt atuuc nhial kaŋuan wäär cī gām riel bīk pinynhom agut cī wēr.

³ Ku lueel, “Duškkē piny ku wēr ku tiim rəc, Ʒet tē bī Ʒok kəc cī Nhialic gam ēbēn yiēk nhīim kīt kenhīim tuēŋ.”

⁴ Ku lək raandā Ʒen, lōn akuēn kəc la nhīim thaany ē Nhialic kəc Itharel yiic aa kəc 144,000 ē kuat thiäär ku rou Itharel yiic,

⁵⁻⁸ tim thiäär ku rou kuat Itharel tək yic, Juda, Ruben, Gat, Acer, Naptali, Manathe, Thimaan, Lebī, Ithakar, Dhebulun, Jothep, ku Benjamin.

Kəc juēc kääc pan Nhialic

⁹ Ku diēl Ʒanyin piny, ke Ʒa tīŋ kəc juēc cīi lēu bī ke kueen. Keek akuut kam kuat dhiēth, ku wuət, ku thok kəc rēer pinynhom ēbēn. Ku keek aake kääc ē thöoc nhom tuēŋ ku jəl a Manh Amääl, ku aake ciēŋ alēth Ʒer ku keek ēbēn aake muk wuək agēp kecin.

¹⁰ Ku kiiukē röldīt apei ku luelkē,

“Nhialicdan rëer thöoc nom ku Manh Amääl kek aa yook luök.”

11 Ku atuuc ëbën aake kääc ke cï thöoc, ku kəcdit, ku jəl aa lääi pïr kaŋuan gööm, ku gutkë kenhiäl piny ë thöoc nom tuen ku dorkë Nhialic,

12 ku luelkë,
“Yenakan! Bï alεεc, ku diik, ku nïny kəŋ ku gam riεl,
ku athëäk, ku riεldit apɛi ku λεc aa kək Nhialicda akölriëc ëbën. Yenakan.”

13 Go raan tək kam kəcdit wën ya thiëc ku lueel, “Ye yïŋa kəc cien alëth yerkä, ku bik tənən?”

14 Guo dhuk nom, “Aa kuöc ke, bëny. Ee yïn anjic ke.” Go lueel, “Kekkä aa kəc cï tëek käril yiic ku guumkë. Aacä aläthken lək riem Manh Amääl bi ke looi bik yer.

15 Ku ë yen aye kek köc thöny Nhialic nom ku yekë luösi aköl ku wëer luanđe, ku yen cï nyuc ë thöoc nom abi ke aa kony ë rëerde thïn.

16 Keek aaci rou ku cək bi bën nək acïn, tädë ke ya aköl tuc yen ben ke nyop gup,

17 rin Manh Amääl yen rëer thöoc yic ciel abi ya abiŋden. Ku abi ke la dëek nyïn piu ë pïr, ku aabi Nhialic weec nyïn ë piu wäär dhiεu kek.”

8

Thaany ë dhorou

1 Nawën nany Manh Amääl thaany ë dhorou thok, kam wën ke piny la bit tēthin-nyoot koor.

2 Ku tiëŋ atuuc kadhorou ke kääc Nhialic nom ku ŋek ke cï yiëk kaŋ.

3 Ku bö atuny dët, ku këc ariäk lööm ke muk kë ye adöŋ nïr took thïn cï looi miläŋ təc. Ku yeen ëcï gäm adök juëc nïr apɛi, bi ke juaar kek rök kəc ë Nhialic ariäk cï looi miläŋ təc nom, rëer ë thöoc lööm.

4 Ku la tol adöŋ nïr cï took nhial, kek rök kəc ë Nhialic muk atuny nhial kääc Nhialic nom.

5 Go atuny kë ye adök took thïn lööm, ku muöc yic many rëer ariäk nom ku cuet piny. Ku piŋ kë cit mär ë deŋ ku bir, ku loi ayiëkylëäk rot.

Kεŋ

6 Go atuuc kadhorou la kεŋ kadhorou röt guir bik ke kooth.

7 Go atuny tuen kaŋde kooth yic, go ya gai ku many cï lääp kek riem kek lööny pinynom. Go mac tööŋ ë diäk tiim ku wal cï cil pinynom nyop.

8 Go atuny ë rou kaŋde kooth yic, go ya këdiit cit kuur ë mac yen piir rot adëkdiεt yic. Go tööŋ ë diäk rot waar bi ya riem.

9 Go tööŋ ë diäk kək pïr adëkdiεt thou, ku rεc tööŋ ë diäk riëth.

10 Ku koth atuny ë diäk kaŋde. Go ya kueldit apɛi dëp yen lööny tööŋ ë diäk wër ku nyïn piu ye dek yiic.

11 Ku rin ë kuel këne acəl këkεc yor. Go piu röt wel bik kεc, ku kəc juëc ke cï dek thïn aaci bën thou rin cï piu kεc.

12 Go atuny ë nuan kaŋde kooth. Go tööŋ ë diäk aköl ku pεi ku kuel rac abi tööŋ ë diäk ruelden yic liu. Ku cïn ruel tööŋ ë diäk aköl ku wëer.

13 Ku jal jat yanyin, ke ye acu yen tiëŋ ke pär nhial, ku piëŋ ke cöt röldit apɛi ku lueel, “Ye këεεc ë dä! Ye këεεc ë dä tənë kəc ë pinynom rin aabi këεc yök, tē le atuuc kək kadiäk kεŋ kooth yiic.”

9

1 Ku koth atuny ë dhiëc kaŋde. Guo kuel cï lööny ë pinynom tiŋ, ku yeen aci gäm wënh ë riët bi yen tēthuth mec yic apɛi nany nom.

2 Go tēthuth mec yic apɛi nany nom. Go toldit apɛi bën bei tēthuth, tol cit tol manydit dëp apɛi, ku pat tol aköl nyin ku nhial ku looi piny bi cuəl.

3 Ku ye koryəm yen bö bei tol yic bi la pinynom, ku gëm riεl cit riεl ë kith.

4 Go lək ke bik wal kek tiim ku kəkək cil pinynom cï rεc, ku ye kəc cïn gup kïn Nhialic kenhüim tuen kepεc kek rεckë ke.

5 Keek aake cï Nhialic puöl bik kəc aa yiëk tērem apɛi tən pēi kadhiëc ku cik kəc nək. Ku arεem yekë yiëk kəc acit arem dhie cï kieth raan moc.

⁶ Ye pëikā kadhiēc yiic abik wic bik thou, ku thuəu abi mec ke ke.

⁷ Koryəm juëckā aake cīt mīthiōōn cī guiir bik la təŋ yic. Ku aake ceŋ kacit ajəm cī looi mīlāŋ tōc kenhīm, ku aake cīt nyin kəc.

⁸ Ku nhīm tō kenhīm aa bār cīmēn nhīm ē diäär, ku aala thook lec cīt lec ē köör.

⁹ Ku aala pem kē cīt wēnh dhie ye kəc kepuōth gēēŋ təŋ yic. Ku duəot ye wuökken looi tē pēer kek, acit duəot riēth dhie ye mīthiōōn juēc thel looi, tē le kek təŋ yic.

¹⁰ Ku yälken aa cīt yäl ē kith, ku kē cīt kek yäl kākā yen ale kek riēl bik kəc ya gām tē rem ye pëikā kadhiēc yiic.

¹¹ Ku keek aala bēnyŋaknhom mac ke, yen atuny tēthuth mec yic, ku rienke acəl riääk, tēdē ka cəl raan ē kāŋ rac.

¹² Kēreec tueŋ aci thök. Ku ye cök ciēēn käreec kək karou thiek apei aabö.

¹³ Ku koth atuny ē dātem kaŋde, guə röl piŋ ke bö kam guök kaŋuan yiic ariäk cī looi mīlāŋ tōc kääc ē Nhialic nhom.

¹⁴ Ku lueel röl tēnē atuny ē dātem wēn muk kaŋ yecin ēlä, “Lony atuuc kaŋuan wäär cī duəot piny wärdit Yuparet yic.”

¹⁵ Go atuny ē dātem atuuckā kaŋuan jal lony bik töōŋ ē diäk ē kəc pinynhom nök. Aake cī Nhialic tāu aköldeen alanden.

¹⁶ Go lək ŷen lən apuruuk aa timtim buəot karou.

¹⁷ Ku tiēŋ mīthiōōn ku kəc cath ē ke nyuōth yic. Ku kəkā aala pem kēcit wēnh dhie ye kəc kepuōth gēēŋ təŋ yic, ku wēthkā aa thith cīmēn mac, ku aa mīŋök ku mīkēth aya. Ku nhīm mīthiōōn aa thōŋ ke nhīm kər. Ku mac ku tol ku kēdēt mac cəl adēp ē bēn bei kethook.

¹⁸ Kākā kadiäk, tol, ku mac ku ban mac cəl adēp bēn bei mīthiōōn thook, aci töōŋ ē diäk kəc pinynhom bēn nök.

¹⁹ Rin riēl mīthiōōn atō kethook ku keyäl aya, rin yälken aake cīt kăpieny kenhīm ye kek kəc gām ŷöntōök.

²⁰ Abək kəc ē pinynhom kēc kăjuēc rəc kəc nökkā ke nök, aake kēc luoi käreec puöl acin, luoi ye kek jakreec door, jak cī kiēt ē wēth ku aleel ku tiim cie daai, ku cik ye piŋ ku cik ye cath.

²¹ Kəkā aakēc luoi käreec puöl, cīt nääk ē röt, luoi kək jakreec, ku luoi ē bal, wīny diäär ku cuēer.

10

Atuuc ē Nhialic ku athör koor

¹ Ku ben atuny dēt ril apei tiŋ ke bö bei pan Nhialic ke bö ē pinynhom. Ee cī luät kum ku mūt yenhom nhial, ku adēp nyin cīmēn aköl, ku dierke kecit liem ē mac.

² Atuny kēnē amuk athör thiin koor ŋaany yic yecin, ku cökden cuēc ēcī tāau adəkdiēet nhom, ku cökden ē cam pinynhom,

³ ku cōot röldit cīt dhiēn köör. Nawēn cī cōot ke kēcit mär ē deŋ gam yeröl arak dhorou nhial.

⁴ Wēn jīem kacit mär deŋ kadhorou, ku wēn duēr kək cik lueel gät piny, ke ŷa piŋ röl pan Nhialic ke lueel, “Duk kək cī kacit mär deŋ kadhorou lueel lək kəc kək, ku duk ke gēt piny.”

⁵ Go atuny wäär ca tiŋ ke kääc adəkdiēet nhom ku pinynhom aŷeer, ciinden cuēc jat nhial.

⁶ Ku kuēēŋ rin Nhialic cie thou, ku yen cī nhial ku piny ku wēr, ku kək tō keyiic ēbēn cak ku lueel, “Nhialic aci bi tiit apei emēn, bi kē cī guiir cīi loi tēcit tē bi yen rot luoi thīn!”

⁷ Ku tē le atuny ē dhorou kaŋde kooth, ke Nhialic abi kēden cī thiaan thāap cīmēn wäär cī yen ye lək aluəonyke, kəc kəkke tiŋ.”

⁸ Go röl wēn ca piŋ ke jam nhial ŷen yōök, “Ləer löm athör koor ŋaany yic muk atuny kääc adəkdiēet nhom ku pinynhom aŷeer.”

⁹ Guə la tēnē atuny nhial ku thiēec bā gām athöör. Go gām ŷen ku lueel, “Löm ku cam. Abi miēt yithok ciēt ye kiēc ku abi rot la wel bi wac yiŷac.”

¹⁰ Guə athöör lööm ku cam, go miēt yathok ciēt ye kiēc. Nawēn ŷet ŷayac ke wel rot bi wac bi ciēt cuēei.

¹¹ Ku lək ŷa ēlä, “Yin adhil kē cī Nhialic guiir tēnē kəc ē pinynhom ēbēn nyuəoth emēn, kəc jam ē thok juääc ku bānyŋaknhīm.”

11

Kəc wēt Nhialic lək kəc

1 Go γεν γām wai, wai ē duēr ciēt tim dhie ye kān them, ku lēk γa, “Lōor them luan Nhalic ku ariāk tō thīn, ku kuen kōc ē rōök thīn tēnē γa.

2 Ku duk kal yic tō luak kōu them rin lōn kēnē aci γām kōc kēc wētdiē gam. Ku keek aabi gēndiē kuany kōu ke rēc kān pēi kathiārnuan ku rou.

3 Ku γεν abi kackiē karou tuōoc bīk wēt ē yic la lueel. Aabā alēth col, alēth ē lēn cien, ku aabi wētdiē la lēk kōc ē nīn tim ku buot karou ku thiārdātem yiic.”

4 Kōckā karou wēt Nhalic nyuōoth, kek aa tiim karou ye miēthken looi ē miōk, ku kāk ye mēc adōk karou took kenhīim ē kōōc Nhalic nhom bēny pinynhom.

5 Na le raan them ye bī kōckā karou yiēk tērem, ke mac abō bei kethook ku nyuōp kōc ater ēbēn. Kēya raan wīc ye bī looi kēya abi Nhalic nōk.

6 Aaci Nhalic γām riel bī kek deŋ pēen bī cī tueny nīn bī kek wētde nyuōoth. Aaci γām riel aya bī kek piu waar bīk aa rīem, ku cōlkē kuat kērac ēbēn abō pinynhom. Kēnē alēukē bīk aa looi akōlakōl tēcīt tē wīckē ye.

7 Nawēn cī kōckā karou wēt jal nyuōoth ēbēn, ke lān roor rac apeī bō bei tēthuth mec yic, aabi thōr ke ke ku aabi lān ke nōk,

8 ku guāpken aabi cuat ē gēk yic gēndīt wāar cī kek bēny ē kōckā karou piāat thīn tim cī rīiu kōu. Gen kēnē acīk γām rin cīt rin pan Thodom ku Ijip.

9 Kuat dhiēth, wuōt ku thok pinynhom ēbēn aabi guāpken aa tīn piiny ē gēk yic nīn kadiāk ku abak, ku acīn raan bī puōl bī ke thiōk.

10 Kōc pinynhom ēbēn aabi puōth miēt rin cī ē kōckā karou thou. Aabi yai looi ku gēmke rōt kāpath kamken, rin cī kōckā karou kōc pinynhom cōl agum apeī.

11 Tēwēn cī nīn kadiāk ku abak thōk, ke Wēi Nhalic la ē kōc wēn cī thou gup ku jōtkē rōt. Go kōc ŋic ke cī ke tīn riōōc apeī dīt.

12 Ku piŋ kōckā karou rōl ke cōt pan Nhalic, “Bāk tēn.” Gokē la nhial ke kōc aterken daai, ke ke cath ē piōōl yic.

13 Kaam wēn cōk ka ayiēkyiēk dīt tet loi rot. Go tōōn ē thiāar ē γεu wīk, ku thou raan tiim kadhorou. Ku jōl kōc cī piŋ riōōc ku leckē dīt Nhalic tō nhial.

14 Kēnē, yen ē thōk kēreec ye kek rou, kēreec dēt ye kek diāk abō ēmēn!

Kaŋ ē Dhorou

15 Go atuny ē dhorou kaŋde kooth yic, guō atuuc nhial piŋ rōt ke jam rōldīt pan Nhalic ku luelkē,
“Nhalicda ku Raan cī dōoc ku lōc aaci bāāny pinynhom ya kēden,
ku Nhalic abi mac akōlriēc ēbēn.”

16 Go kōcdīt kathiārou ku ŋuan cī nyuc ē thōny Nhalic lōōm wīk ke gut kenhīol piny, ku dorkē Nhalic,

17 ku luelkē,
“Bēny Nhalic Madhōl yen rēer thīn thēer ku yen tō thīn ēmēn.

Yīn yeku leec rin cī yīn riēldu nyuōth yook ku yīn aci māacdu jōok cōk!

18 Ku kōc kuc yīn aake cī puōth riāāk rin tēn riān ē piāndu

aci bēn tē bī kōc cī thou γāth luk yic, ku tē bī kōc ariōpden yōk yīn luōōi, ku kōc kāk Nhalic tīn, ku kacku ēbēn kōc yī door,

kōckor ku kōcdīt ēbēn aaci bēn.
Tē bī kōc cī pinynhom rac nōk aci bēn.”

19 Go luan Nhalic nhial ŋaany thok, ku rōndīt lōn ē dōōr ē tō alōnthīn. Go kāk cīt bir ē deŋ ku ayiēkyiēk, ku mār ē deŋ ku tueny ē geī, rōt looi.

12

Tik ku kēdīt cīt jakanuaan

1 Ku loi kēdīt kōc gōi rot nhial. Tik ē tō thīn ke cī akōl gōōm piny ku pēei yecōk, ku cien ajōm la kōu kuēl kathiāar ku rou.

2 Yeen ē tīn liac, nawēn cī thiōk ke dhiēth, ke rōp ku rem abi dhiau apeī.

3 Ku ben dēt bēn bei nhial kēdīt kōc gōi, ku kēdīt thith cīt jakanuaan la nhīim kadhorou ku tuŋ kathiāar ku ajōm kadhorou kenhīim.

4 Ku thēl tōōn ē diāk kuēl bei nhial yeyōl ku piir ke pinynhom, ku bīi ku kēec tīn wēn

dhiēth nhom bī manh dhiēth tiit bī dhiēeth bī cam.

⁵ Go tik manh ē moc dhiēeth, yen bī kəc pinynhom mac ke cīn aṇuān. Go atuny nhial bēn ku rum meth man cin ku Ƴēth nhial tēnē Nhialic thōnyde nhom.

⁶ Go tik riṇ roor tē cīi ceṇ, tē cī Nhialic guir tēnē ye bī yen la rēer thīn, bī la muk ē nīn tim ku buət karou ku thiārdātem.

⁷ Go təṇ rot looi pan Nhialic. Atuny cəl Maikel ku atuuc kək aaci bēn thōr kek kēdiit wēn cīt jakanuaan ku atuōōcke.

⁸ Ku kēdiit kēnē aci bēn tiaam, ku aci bēn cuəp wei pan Nhialic.

⁹ Maikel kek atuōōcke aaci kēdiit kēnē kek atuōōcke bēn cuəp wei pan Nhialic. Kēnē yen ē Bēny jakrēc diit wāar ye lueel ka cəl kēpiiny, yen raan ēbēn cəl aloi awuōc. Acīk bēn cuat pinynhom kek atuōōcke ēbēn.

¹⁰ Ku piēṇ rōldit ke cōt pan Nhialic ku lueel,

“Ēmēn, tē bī Nhialic kəc luōk aci bēn! Ēmēn, Nhialic aci riēlden yen bēnyṇaknhom nyuōth! Ēmēn, Raanden cī ləc ku dəc aci riēlde nyuōth! Rin raan wāar ē kōōc Nhialic nhom ku gəony miēthakua akōl ku wēer, aci cuəp wei pan Nhialic.

¹¹ Miēthakua aaci jəṇrac tiaam rin cī Manh Amāal rot juaar bī nək riēnkua ku rin cī kek wēt yic lək raan ēbēn, ku keek aa kēc wēiken nhiaar bīk riōōc ē thou.

¹² Week ēbēn, wek kəc rēer pan ē Nhialic miētkē puōth, ku kuat kē rēer ē pinynhom ku wār abī gum apei dīt. Rin jəṇrac aci cuəp ē pinynhom tēnē ke, ku yen acit puōu mac rin acīn nīn juēc cī pāl ye bī yen luui.”

¹³ Nawēn le kēdiit cīt jakanuaan ṇic lən cī ye cuat pinynhom, ke cop tiṇ wēn cī manh moc dhiēeth bī dām.

¹⁴ Go tik gām wuōk cīt wuōk acu ku bī cəl apēer tēden wāar roor tē cīi cien. Ku bī yen la tiit thīn run kadiāk ku abak, ku akēc jəṇrac bēn lēu bī yiēk tētōk.

¹⁵ Ku ṇək kēpiiny piēu dīt cīt aboor yethok rin bī tik mou.

¹⁶ Go tiəm pinynhom tik kony, rin cī Ƴaardit apei piny dai yic, ku wēt piū thīn Ƴəryər.

¹⁷ Go kēdiit cīt jakanuaan puōu riāak tēnē tik apei ku le thōr kek miētken kək cī lōōṇ Nhialic theek, ku mukke wēt yic cī Jethu nyuōth.

¹⁸ Ku la jəṇrac kōōc ē wār nhom.

13

Lāai karou

¹ Ku tiēṇ lān roor rac apei ke bō bei adēkdiēet yic. Ku ala nhīim kadhorou ku tuṇ thiāar la nhīim ajōm kathiāar. Ku kenhiim ēbēn rin aaci gət rin ē Nhialic təon guōp.

² Lān wēn ca tiṇ acit kuac, ku adit cök kek riōōp bēer la kōth nhīm, ku acit thok kōōr. Acī kēdiit cīt jakanuaan gām riēlde bī nyuc ē thōōc nhom cīt bēnyṇaknhom la ye cök.

³ Nhuom tōk, nhīim ē lān kēnē ala yic piāar cīt piāar tētōk dīt apei ku jəl dām. Kəc ē pinynhom ēbēn aake cī gāi ē lān kēnē ku buōthkē.

⁴ Keek ēbēn aake ye jəṇrac door rin cī yen lēi gām riēl, keek aya aake ye lēi door, ku luelkē, “Acīn kēril cīt ē lān kēnē. Acīn raan lēu bī thōr kek ye.”

⁵ Go lēi puōl bī jal nhiam apei, ku ye Nhialic lat. Go Nhialic pāl riēl kēnē tēnē pēi kathiārṇuan ku rou.

⁶ Ku jəl lēi jam ku lēet Nhialic kek kəcken rēer nhial paande.

⁷ Acī Nhialic puōl bī thōr kek kəc Nhialic ku tiēm ke. Ku ēcī gām riēl kəc pinynhom nhīim ēbēn.

⁸ Kuat raan rēer pinynhom ēbēn abī ye adoor, kəc cīi ye bī ya door aa kəc cī riēnken gət athōr pīr yic, ke piny kēc guō cak. Athōr kēnē ē kēn Manh Amāal wāar cī nək.

⁹ Na lakkē yiēth, ke we piṇ apath,

¹⁰ “Kuat kē cī Nhialic guir bī rot luōi yi abī rot dhiēl looi kēya. Raan bī mac, raan bī teem rōl ē pal abī teem rōl. Wēt kēnē ē lən bī kəc cī gam dhiēl gum ku rilke puōth gamden yic.”

¹¹ Ku tiēṇ lān dēt ke bō bei piiny, ke la tuṇ karou cīt tuṇ jəṇrac.

12 Yeen alui riel cīt riel lān tueŋ ke ŋic lān tueŋ, ku theny kōc ē pinynhom thīn bīk lān tueŋ aa door, lān wāār cī tētōk dem yenhom.

13 Ku looi kākdīt jāŋ gōi. Ee ye mac cōl alōōny piny nhial ke kōc ēbēn daai ē ye.

14 Lān ciēen kēnē acī puōl bī kākdīt jāŋ gōi aa looi ke lān tueŋ daai thīn. Rin ē kākkā yen acī yen kōc pinynhom wēŋ bīk la yecōk. Aacī bēn yōōk bīk kēdāŋ buth bī kek lān tueŋ kiēt ku yekē door, lān wāār cī nōk ē pal ku ben pīr.

15 Lān ciēen kēnē acī puōl bī wēi yāth kēwēn cī lān tueŋ kiēt yic, rin bī ya jam ku cōl kōc cī ye ye door anāk.

16 Ku yōōk lān ciēen kōc ēbēn, bēny ku kīc, ajak ku raan ŋōŋ, alony ku raan lāāu nhom, bī raan ēbēn kīt tāāu kōŋden cuēc, tēdē ke tēēu yenhom tueŋ.

17 Acīn raan cī puōl bī kēde yaac, tēdē ke yōōc ke cīn nhom kīt kek rin, tēdē ke ye akuēn rīenke nyuōōth.

18 Yin adhil kāŋ ŋic apath ba kēnē jāl deet yic. Raan la kē ŋic adhil kēnē dōt yic, bī akuēn ē lān ŋic, rin akuēn akāāc nyin rin ē raan, akuēn ē buōt kadātem ku thiārdātem ku dātem.

14

Manh Amāäl ku kacke

1 Ku jōl lā diēl ya nyin piny, ke ye Manh Amāäl yen tiēŋ ke kāāc gōt nhom Jeruthalem, kek kacke tim buōt ku thiārŋuan ku ŋuan cī rin Manh Amāäl ku rin Wun gōt kenhīim tueŋ.

2 Ku piēŋ rōl nhial kecīt arōōl ē pīu kat apēi. Aye piŋ kecīt mār deŋ thiek apēi, tēdē ke ye thoom juēc gut.

3 Ku kāāc kōc tim buōt thiārŋuan ku ŋuan ē thōōc nhom tueŋ, ke ket waak yam lāāi pīr kaŋuan ku kōcdīt nhīim. Waakkā acīn raan lēu bī ke ket, aa keek kek kōc cī Nhialic luōk ē rōt.

4 Keek aa kōc cī rōt tiit cie wīc ē diāār. Keek aa kōc la cōk. Ee Manh Amāäl yen aye kē buōth cōk kuat tē le yen thīn. Kōckā kek aacī luōk kam kōc ēbēn, aa kōc ē Nhialic ku Manh Amāäl, aa cīt rap ē yam dhie ye juēr Nhialic.

5 Ku keek aa kēc lueth kaŋ lueel. Ku acīn kēreec cīk kaŋ looi.

Atuuc nhial kadiäk

6 Ku tiēŋ atuny dēt ke pār aliir yic nhial ke muk athōr Wēt Puōth Yam, wēt pīr akōlriēc ēbēn tēnē kuat dhiēth ku wuōt ku thok pinynhom ēbēn.

7 Ku lueel rōldīt, “Thekkē Nhialic ku leckē rin dīit yen apēi. Rin nīn aacī thōk, nīn bī yen kōc ē pinynhom yāth ē luk yic. Duōrkē rin yen aa cak nhial ku piny ku wērdīt ku nyin ē pīu.”

8 Ku buōth atuny rou atuny tueŋ cōk, ke ye lueel ē rōldīt, “Gendīt Babilon acī rac ēbēn. Babilon ē ye kōc pinynhom cōl adek muōn kec apēi, muōn ke cōl aloi kāk ē bal cī Nhialic bēn rac puōu.”

9 Ku buōth atuny ē diäk atuuc tueŋ wēn karou cōk, ke ye lueel rōldīt, “Raan lān kēnē door kek kēden cī kiēt, raan la kīn ē lān kēnē yenhom tueŋ, tēdē ke ye yecin.

10 Abī muōn riāŋ puōu ē Nhialic dhiēl dek, muōn kēnē ē kē cī Nhialic puōk ē bīny riāŋ piānde yic. Kōckā aabī dēp many bēn bei kuur yic tuc apēi, ka atuuc nhial ku Manh Amāäl daai thīn.

11 Many bī ke nyop kēnē abī ke reem akōlriēc ēbēn. Kōc ē lēi ku kēden cī kiēt ku kuat raan la kīn ē rīenke, acīi bī kaŋ lōŋ acīn akōl ku wēēr.”

12 Kēnē wētde yic ē lōn bī kōc ē Nhialic kepuōth dēet, kōc lōōŋ ē Nhialic theek ku lek gam tēnē Jethu.

13 Ku piēŋ rōl nhial ke cōt ku lueel, “Dhil gōt, kōc mit gup aa kōc thou ēmēn rin cī kek wēt Bēny gam.” Ku lueel Wēi Nhialic, “Ee yic Alanden! Keek acīi bī bēn gum athēer. Kāk cīk looi aabī cath ke ke.”

Tēmtēm pinynhom

14 Ku lā daai nhial, ke ye luāāt yer yen tiēŋ ku kecīt Manh raan ke cī nyuc ē piōōl nhom, ku ala nhom ajōm cī looi milāŋ tōc, ku amuk pal moth thok yecin.

15 Ku bō atuny dēt bei luan Nhialic ku jiēm rōldīt tēnē raan cī nyuc ē piōōl nhom, “Jōk luōi cōk ye pal kēnē, kāk tem pinynhom aacī luōk, ku akōlden bī ke tem acī bēn.”

16 Go raan wën cī nyuc ë piööl nhom palde met yic ku ler luɔide yic, ku këya, këriëc ëbën pinynhom acī tem.

17 Ku tiëŋ atuny dët ke bö bei nhial luanj Nhialic ke muk palden moth aya.

18 Ku bö atuny wën muk riel ë mac bei ariäk lööm. Ku cɔɔl atuny wën muk pal moth röldit ku lueel, “Lööm paldu ku tem abiëc dom yic pinynhom rin abiëc acī luɔk.”

19 Ku jəl atuuc palde met yic ku jəl abiëc tem piny, ku kuut keyiic ku yëth ke tē bī ke la nhiaç yiic thīn, rin riänjdīt puəu Nhialic.

20 Abiëc ëcī nhiaç gɛu kəu ayeer, go ya riem yen loi kuëer, abī riem löl bār kəu apei ku thuuth yic looi.

15

Kädīt rɛc bī atuuc nhial bëi

1 Ku tiëŋ këdit dët kəc göi nhial. Kënë, aake ya atuuc kadhorou la riel bīk kərəc apei kadhorou gām kəc, ke ye kek awuɔc ciëen bī Nhialic tēm kəc rɛc, rin kek aabi riänj ë piände jəl thök.

2 Ku tiëŋ këcīt adəkdiæt le piū nyīn kīr thīn cī liäp kek këcīt mac. Ku tiëŋ kəc wäär cī lēi kek kīnden cī ye kiëët tiaam aya, agut län wäär ye riənke ŋic akuën. Keek aake kääc adəkdiæt le piū nyīn kīr yəu ke muk thom cī Nhialic gām ke,

3 ku ketkë waak Mothith alony ë Nhialic, ku waak Manh Amääl ëlä,

“Yīn Nhialic, yīn aril acīn kë thōŋ ke yīn, kāk ye looi aa path ku aa kəc göi!

Ee yīn amac pinynhom ëbën,

kuat kāk ye looi ëbën aala cök ku aa yith.

4 Raan ëbën abī riɔc ë yīn Bëny! Ku riənku abī leec athɛr!

Ee yīn ë rot yīn Nhialic ë yic.

Kəc ë pinynhom aabi ya bën ku dorkë yīn. Raan ëbën acī tɛpɛth ye yīn luui thīn tīŋ.”

5 Nawën ë kënë cök, ke ya tīŋ luanj Nhialic ke ŋaany thok, kek duël Nhialic nyuɔth aləŋthīn.

6 Ku bö atuuc nhial kadhorou, wäär muk kädīt rɛc apei kadhorou bei luanj ë Nhialic. Keek ëbën aake ciëŋ alëth yer la diardiar,

ku karkar cī looi milänj təc aa cik kaar kepuöth.

7 Go län tək kam lääi wäär pīr kaŋuan, atuŋny tək ya atuuckä gām adunj milänj təc la yic awuɔc thiek bö tənë Nhialic pīr akölrüëc ëbën, bī gām kəc ë pinynhom.

8 Duël ë Nhialic ëcī tol paat yic piny, tol bö diik ku riel Nhialic yic. Ku acīn raan lēu ye bī la thīn, yet tē bī kərəc dīt apei kadhorou wäär muk atuuc nhial ku bī ke pinynhom, kaŋ thök.

16

Kərəc dīt apei ciëen kadhorou

1 Guɔ röldīt apei piŋ ke cöt luanj pan Nhialic yic, ke ye lueel tənë atuuc nhial kadhorou ëlä, “Lak pinynhom ku gamkë kädīt rɛc ciëenkä kadhorou, kərəc riänj puəu ë Nhialic.”

2 Go atuny tuëŋ kərəc cī Nhialic lək ye bī gām kəc ë pinynhom gam. Go ya yöntöök rɛc rem apei kek tul kəc la gup kīn lēi gup, ku kəc këden cī kiëët door aya.

3 Go atuny ë rou kərəc cī Nhialic gām ye bī gām kəc pinynhom gam. Go ya piū adəkdiæt kek wel röt bīk ya riem, ku thou kāk pīr rëer piū yiic ëbën.

4 Go atuny ë diäk kərəc cī Nhialic gām ye bī gām kəc pinynhom gam. Go ya piū wër yith ye dek kek wel röt bīk ya riem.

5 Guɔ atuny yen muk piū pinynhom piŋ ke lək Nhialic, “Yīn acī yic tək kəc ë kərəckä yiic, tēdu kan ëmën ku tēthɛr yən, ee yīn apath yitök rin le luəŋdu cök.

6 Kəc rɛc wäär cī kacku ku kəc kākku tīŋ nök aaca gām riem bīk dek, yen këpath ke ke.”

7 Ku piëŋ raan röl ke dhiau tən ariäk ku lueel, “Ee tēde Bëny Nhialic Madhəl, kərəc ca gam aa yith ku aa la cök, luk aca ŋiç looi!”

8 Go atuny ë ŋuan kərəc cī Nhialic gām ye bī gām kəc pinynhom gam. Go aköl tuɔc apei, ee cī Nhialic puəl bī kəc nyop atuɔc.

9 Kəc aake cī atuny aköl nyop apei abī ke gām gup yöntöök. Gokë Nhialic lat guəp, Nhialic yen bī kərəckä, ku cik luɔi kərəc päl ku cik Nhialic ye leec.

10 Ku gēm atuny ē dhiēc kērēec cī Nhialic gām ye ku ler ku tēū thōny lān rac nhom. Go ya muōōth yen kum kōc mēc lēi piny arēk abīk kethook aa kac rin arēm,

11 ku yekē kārēc apēi luēel ē Nhialic guōp rin arēm ku yōntōōk rēēr kegup, ku cīk luōi kārēc pāl.

12 Go atuny ē dātem kērēec muk gam, go ya wārdit Yuparet yen dōu, bī bānyṅaknhīim lōṅ ciēn puōl bīk tem kek apuruōōkken.

13 Ku tiēṅ wēi jakrēc kadiāk cīt aguek. Keek aake bō bei kēdit cīt jakanuaan thok, ku lān rac thok, ku thoṅ lān wāār aya bō kek wēt ē lueth yen kōc wēṅ nyīn.

14 Keek aa wēi jakrēc ē cath ke loi kāk kōc gōi. Wēi jakrēckā kadiāk aa bāny pinynhom ēbēn kuōōt nhīim bī ke yāth tōṅ yic. Tōṅ kēnē ē tōṅ bī rot looi luṅdit bī Nhialic Madhōl luk looi tēnē kōc pinynhom ēbēn.

15 Aye Bēny lueel, “Piēṅkē! Yēn abō cīt ya ye cuār wakōu. Raan mit guōp ē raan ba yōk ke kēc nin, ciēṅ alāthke, rin bī cīi cath ke cīn alanh ciēṅ bī guōp yār tē tiṅ ye.”

16 Ku jōl wēi jakrēckā bānyṅaknhīim kuōōt nhīim tē ye kōc Itharel cōl, Amagedon.

17 Ku jōl atuny ē dhorou kērēec muk pāl aliir yic. Go Nhialic jam rōldit nhial ē thōōc nhom luanḡe ku lueel, “Kuat kēkith ēbēn acī luōi tēcīt tēde.”

18 Ku biēr deṅ apēi, ku mēēr ē mār thiek ku looi ayiēēkyiēēk rot abī kōc riōōc ēbēn. Acīn kēdit cīt kēnē cī rot kaṅ looi tēnē cēk ke raan pinynhom, ayiēēkyiēēk rēc piny cīt kēnē.

19 Go gendit Babilon yeyic tek ē diāk, ku wit ayiēēkyiēēk gēeth ē pinynhom juēc, ku kēya, ke Nhialic tēm gen Babilon awuōc thiek apēi rin riāṅ piānde.

20 Tēwēn le piny rot yāāk ke yōn thōny wīir mār, ku la gat dīr piny ēbēn.

21 Go gōidit thiek apēi lōōny piny nhial ē kōc nhīim. Ku kēya, ke kōc lēēt Nhialic rin cī yen deṅ cōl atueny gōi thiek apēi cī piny bēn rac.

17

Tiṅ rac adējōōk

16:10 B.bei 10:21 16:12 Ith 11:15 16:15 Mt 24:43-44; Lk 12:39-40; Ny 3:3 16:16 2Bṅ 23:29; Dhāk 12:11 16:18 Ny 8:5; 11:13, 19 16:19 Ith 51:17 16:20 Ny 6:14 16:21 B.bei 9:23; Ny 11:19 * 17:1 Wētde yic gen Babilon. (Jer 51:13) 17:2 Ith 23:17; Jer 51:7 17:3 Ny 13:1 17:4 Jer 51:7 17:8 Dan 7:7; Ny 11:7; Wk 69:28

1 Go atuōny tōk atuuc wāār bō nhial kadhorou muk kārēc kadhorou bēn tēnē ya ku lueel ēlā, “Bāār ba yī nyuōth tē bī Nhialic ē tiṅ rēec adējōōk tēm awuōc thīn, yen tiṅ rēēr wēr yōth.*

2 Bānyṅaknhīim ē pinynhom aaci kārēc apēi, kāk ē bal looi kek ye, ku kōc ē pinynhom aake ye miānde dek bīk wiēet, ku tē cī kek wiēet ka jōl kārēc apēi kāk ē bal looi kek ye.”

3 Go Wēi Nhialic la yaguōp, ku nyiēei atuny Nhialic ya ku yēth ya roor tē cīi ciēṅ. Ee tēēn ke ya tiṅ tiṅ cī nyuc lān thith kōu, lān la nhīim kadhorou ku tuṅ kathiāār cī guōp thiāṅ rin ē Nhialic lat guōp.

4 Tik a ciēṅ alanh thith ku alanh mathiāṅ. Ku aci mīlāṅ tōc ku kākōk la diardiar ku guēt dhēṅ thiāṅ yeguōp. Ku amuk aduṅ cī looi mīlāṅ tōc cī thiāṅ kāracken ē bal ye looi.

5 Ku yenhom tuēṅ aci rin gōt thīn rin cie deet yiic. Rin ye lueel ēlā, “EE YēN BABILONDīt, YēN Ē MAN DIĀĀR RēC ĒbēN, YēN AYE KĀRēC JĀL THĪN KĀRēC Ē PINYNHOM ĒbēN.”

6 Ku tiēṅ tiṅ wēn ke cī wiēet riēm ē kōc Nhialic wāār cī ke nōk, rin cī kek wēt Jethu gam.

Ku wēn tiṅ yēn ye, guō gāi apēi.

7 Go atuny nhial ya thiēec, “Yēṅō cī gōi? Yīn aba lēk wētde yic yen kēnē, ku lān ciēth yen la nhīim kadhorou ku tuṅ thiāār.

8 Lān yen ca tiṅ ēmēn aci kaṅ pīr thēer, ku aci ben pīr ēmēn rin abī bēn bei piiny tēthuth mec yic akōldā, ku abī jal la rōm ke riāāk. Kōc pīr ē pinynhom kēc Nhialic gāt athōrde yic, athōr ē pīr thēer kēc piny cak, aabi gāi tē tiṅ kek ē lān kēnē. Acī kaṅ pīr, ku aci ben pīr ya akōlē, ku abī bēn dhuk pinynhom.”

9 Go atuny nhial lēk yā, “Kēnē awic raan ṅic tak. Nhīim kadhorou aa rēēr nyīn kuōr kadhorou kek cī tik nyuc kēnhīim.

10 Kek aa bānyṅaknhīim kadhorou aya. Bāny kadhiēc kamken aaci liu. Raan tōk aṅot ye bēnyṅaknhom ēmēn ku dēt aṅot kēc bēn, ku na le bēn ka bī rēēr ē bāāny yic kam koor.

11 Ku lān bī bēn bei tēthuth, yen abī ya bēnyaknhom ye kek bēt. Ku yen ē raan kam bānyaknhīim kadhorou, ku yeen abī rōm ke riāāk.

12 “Tuŋ kathiäär ye ke tīŋkā, aa rēēr nyīn bānyaknhīim kathiäär kēc baai guō mac, ku aabī riēl dhiel yōk bīk baai mac kek lēi kam thiin koor.

13 Wētden ē tōk, abīk gam kedhie bīk bāānyden thōn lēi.

14 Bānyaknhīim kathiäär ku lēi aabī keyiic mat ku thērke kek Manh Amāäl. Ku keek aabī Manh Amāäl kek kacke ke tiaam, rin Manh Amāäl yen ē bēnydit ē bāny, ku bānyaknhīim ku kacke kek aa kōc cī Nhialic kuany ku cōl ke, ku kek aa kōc cī wētde gam.”

15 Go atuuc lēk ya, “Pīu ye tīŋ cī tik nyuc kenhīim, aa rēēr nyīn kōc ē pinynhom ēbēn.

16 Lēi ku bānyaknhīim kathiäär ca tīŋ aabī kenhīim wēl adējōŋ kēnē. Abīk dōm ku thatkē ku retkē kōu, ku pālke ke cīn kē cien. Aabī guāpde cuet. Abīk rac ku yōt aban cī dōŋ ē mac.

17 Bānyaknhīim kathiäärkā aabī ē kēnē looi, rin cī Nhialic ye tāāu kepuōth bīk bāānyden gām lēi, rin wīc Nhialic ye kēya. Aabī lāāi theek yet tē bī kē wīc Nhialic thōk.”

18 Go atuny nhial lēk ya, “Tīŋ ca tīŋ kēnē ē gendīt yen mac bāny pinynhom ēbēn.”

18

Nhialic aci Babilon rac

1 Nawēn ē kēnē cōk ke ya ben atuny nhial dēt tīŋ ke bō bei nhial pan Nhialic, ku atuny kēnē ala riēldīt apēi. Ruēl dīit yēer wēn bō bei tēnē yen aci pinynhom ēbēn bēn looi bī yēr.

2 Ku cōōt rōldīt apēi,
“Gendīt Babilon aci riāāk. Kōc aaci kat thīn ēbēn.
Acīn raan cī dōŋ thīn, aa jakrēc ku diēt rēc cīt awujōōŋ.

3 Kārēc ē bal ye looi gen Babilon aaci yen ke pinynhom ēbēn liāāp,
bī bāny pinynhom keek aa looi kāk ē bal,
ciēt ke cī muōn kec apēi dek.

Ku tēēn yen aci Nhialic rac puōu yeguōp.

Ku kōc ē pinynhom aake ye yōc thīn ku loikē kārēc Nhialic rac puōu.”

4 Ku piēŋ rōldēt ke jam nhial ku lueel,
“Kackiē jālkē geeu!

Ku bī week cīi met awuōc looi keek yiic kā,
ku bī Nhialic we cīi yīk kādīt rēc apēi cīmēnden.

5 Awuōcken cīk looi aaci juēc nawēn
ke la nhial abīk Nhialic dōōt bīk la rac puōu.
Go Nhialic awuōckā yōk ēbēn, ku aaci bī kaŋ puōl ke cīi tēm awuōc.

6 Dhielkē luōi kārēc cīt kāwäär cī kaŋ aa luōi week.

Dhielkē kārēc wäär cī looi cool kāk wār kāk wäär cī kaŋ luōi kōc kōk.

Adhielkē gām muōn kec apēi bī wīēet cīt tēwäär ye luōi kōc kōk.

7 Ee nhiam riēlden dīt rēēr ke yeen,
ku pīrden rēēr yen kāpath yiic.

Adhielkē gām kē rem yeguōp thōŋ kek miēt ē puōu dīt rēēr yen thīn.

Rin ye yen rot leec ēlā,

“Yēn tīŋ dīit ŋaknhom mac paandiē ē riēl cīn ke tem yānhom,

yēn acīn mony bī thou ku ba dhuur.”

8 Rin ye Babilon jīēm kanhiaam kēya,
ee kaam thiin koor ku abī Nhialic kādīt rēc apēi cōl aabō tēnē yeen cīmēn tuaany, ku cōŋdīt apēi ku thuōu.

Abī yōōt mac bī nyop ēbēn, rin Bēny Nhialic yen bī ye tēm awuōc,
ala riēldīt apēi.

9 “Bāny ē pinynhom wäär cī kārēc looi kek ye aabī dhiau ku lōōnykē puōth tēnē ye, tē tīŋ kek tol many cī ye yōōt nhom tēmec.

10 Aabī kōōc tēmec, rin cī kek riōōc ciēt ke bī gām awuōc thiek cīt kēn cī gām Babilon, rin wäär cī kek kārēc looi aya kek ye. Abīk aa lueel,

“Ye kērēc ē dē, gendīt Babilon, gen ril yen cī guō riāāk ye kam thiin yic!”

11 “Kōc ē yōc pinynhom aa dhiau rin Babilon, rin acīn raan bī kākken ben lōk yōc.

12 Milōōŋken tōc, ku alēth path, alēth cī looi milāŋ thith ku guēt path ku kāpuōth kōk cie lac yōk ku tuŋ aa kōn, ku kuōr path la

diardiar, acin raan bi keek ben lōk γῶc tēnē ke.

¹³ Miök n̄ir, määu ku abiik, ku γῶk ku thök, ku mihiöñj ku lääi kōk baai ku tiim path ku aloony, acin raan bi ke lōk γῶc.

¹⁴ Abi kōc γῶc aa lueel tēnē Babilon elä, ‘Kuat kápath wäär ye ke cam, ku kápuath wäär ye ke cien aaci rac, ku aaci bi ben yök acin.’

¹⁵ Kōc ē γῶc wäär ci jak rin ye kek kākken γῶc ye aabi dhiau tē tiñ kek ye ke dēp. Aabi ya kōc tēmec rin wäär ci kek mat kek ye ciēt ke bi mat ē riääk yic aya.

¹⁶ Abik aa lueel, ‘Ye kērec ē dē tēnē gendit cit kēnē, gen diit dhēñ cit raan ceñ milöñj tōc ku guēt path yeyeth!

¹⁷ Rin kākka aaci guῶ ben mää r̄n̄ yin yic.’

“Kōc ē riāth geer adēkdiēt yic, ku kōc la kākken yekē keek la γaac riāth yic, kāk ye kek p̄ir th̄in aabi kōc tēmec,

¹⁸ ku dhiεukē tē tiñ kek tol n̄hom ke dēp geeu kek kāk tō th̄in ebēn, ku jōlkē ya lueel, ‘Makei! Acin gendit ci kañ ciēt ē gen!’

¹⁹ Ku jōlkē kenh̄im pot ē ñeth bik nyuῶth lōn ci kek puōth löny ku dhiεukē apei ku luelkē,

‘Makei! Ci gendit riääk kēya?

Gendit wäär ye kōc la riāth j̄iεek la yök th̄in, yen ci guῶ riääk ye kaam th̄in yic kek kāk tō th̄in ebēn!

²⁰ Kōc rēer pan Nhialic miētkē puōth rin ci Nhialic Babilon rac.

Miētkē puōth kōc ē Nhialic ku atuuc ē Raan ci lōc ku dōc,

ku kōc kāk Nhialic tiñ rin ci Nhialic Babilon tēm awuῶc tēcit tēn kārēc wäär ci keek luῶi week.’ ”

²¹ Ku tiēñ atuny Nhialic ril ci kuurdit thiek kuany ku piir w̄ir adēkdiēt yic ke lueel,

“Kēnē yen ee tē bi gendit Babilon rac th̄in, ku aci ben tiñ acin.

²² Yin Babilon acin läär bi ben piñ yic tēdu, ku acin kēēt bi ben piñ röt ke gut thom, tēdē ke ye keñ kooth yic.

Kōckun atēēt ebēn aabi mää r̄,

ku wēthkun ye rap guur abi c̄in rap ben guur th̄in.

²³ Ku mēc aci bi kañ ben tiñ nyin ke dēp, ku acin ruēi bi ben looi, rin kōckun ē γῶc kek aake ye kōcdit pinynhom,

ē pinynhom cam tēbäär ē ruēeny.”

²⁴ Nhialic aci Babilon tēm awuῶc rin le yen guῶp awuῶc ci yen kōc kāk Nhialic tiñ nōk, ku kōc juēc kōk ē Nhialic, Babilon ala guῶp awuῶc ci yen kōc juēc ē pinynhom ebēn nōk.

19

Riāñ ē Babilon ē kōc Nhialic miēt puōth

¹ Tēwēn ci atuny ril thök ē jam, ke γa piñ kōc röt nhial ke loi k̄iεeu apei ku luelkē, “Lecku Nhialic! Nhialic yen aci γo lušk, diik ku riel aa kāk Nhialicda kedhie.

² Luōñde ee yic ku ala cōk.

Yen aci tiñ adējöök wäär ñiεc tēm awuῶc thōñ kek kāk ci luῶi kōc ē pinynhom. Babilon ci pinynhom rac, rin rim kōc Nhialic atō yecin.”

³ Ku ben th̄an awēn loi k̄iεeu yai cam,

“Lecku Nhialic!

Babilon abi dēp ku many nyop ye abi tol ya la nhial akōlriēc ebēn.”

⁴ Ku tiēñ kōcdit kathiārrou ku ñuan, ku lääi p̄ir kañuan ke gut kenh̄iəl piny ē Nhialic n̄hom ku dorkē ke ci nyuc thōnyde n̄hom, “Yenakan, Lecku Nhialic!”

Yan thiēñ Manh Amääl

⁵ Ku piēñ röl ke cōt thōōc lööm ku lueel, “Wek aa dhil Nhialicda leec, week ebēn, kōc ril ku kōc niōp, wek kōc thek yeen ebēn ye door.”

⁶ Ku piēñ kōc juēc ke loi k̄iεeu nhial apei, ke loi arōl cit arōl ē piū kat apei, ku cit mār deñ ku luelkē,

“Lecku Nhialic! Rin Bānyda, Nhialic Madhəl ee Bēnyñakn̄hom!

⁷ Jōlku puōth miēt ku lecku Nhialic, rin ci nin thiēñ Manh Amääl thök, ku nyan thiak aci rot guir bi lor.

⁸ Aci Nhialic rušk alēth path c̄in gup acuəl bi keek cienj.”

Alēth path aatō nyin kāpath ye raan luōi Nhialic.

⁹ Go atuuc lēk ɣa, “Gāt wēlkā, kōc mit puōth aa kōc cī cōl ē yan thiēŋ Manh Amāal yic.” Ku mēt thīn ēlā, “Wēlkā aa wēl ē yith bō tēnē Nhialic.”

¹⁰ Guō ɣanhiaal guōt piny yenhom ba door. Go lēk ɣa, “Duk loi kēya! Ee Nhialic yen aya luōi cīmēn ye yīn ku miēthakun cī gam, kōc cī yic cī Jethu nyuōth, buōth yic. Ee Nhialic ē rot yen aye door.” Rin yic cī Jethu nyuōth yen ē kōc cōl agam wēt ē Nhialic.

Raan cath mathiāŋ ɣer

¹¹ Ku tiēŋ pan Nhialic ke ŋaany thok, go ya mathiāŋ ɣer yen tiēŋ thīn kek raan cath ē ye. Ee yen raan ē Nhialic luōi ē puōn ɣer, kuat kāk ye looi ēbēn aaya yith, tē looi yen luk tēdē ke ye tōŋ, ka la cōk ēbēn.

¹² Yen adēp nyin cīmēn mac, ku acien ajōm juēc yenhom. Acī gāt kōu rin, ku ē yen aŋic riēnke ē rot.

¹³ Ku acien alanh bār yekōu cī kōu thiāŋ ē riēm. Ku riēnke aa, “Wēt ē Nhialic.”

¹⁴ Abuōth apuruuk Nhialic ke cien alēth ɣer, ku aake cath mīthiōōŋ ɣer.

¹⁵ Ku pal moth ē bēn bei yethok bī yen kōc ē pinynhom tōk. Abī kōc pinynhom mac ke cīn aŋuān, aabī nhiaç yiic cīmēn mōn nhiēc bei athuāi yic, bīk riāŋ puōu ē Nhialic yōk kegup.

¹⁶ Ku alanhde kōu ku yeyām, rin acī gōt thīn ēlā, “BēNYŋaknhom ē BĀnyŋaknhīim, BēNYDīt ē BĀnyDīt ēbēn.”

¹⁷ Guō atuny nhial kāāc akōl nyin tiŋ, ke cōl diēt pār aliir yic ēbēn ku lueel rōldīt, “Bāk tēn, bāk bēn mīth miēthdīt ē thēi cī Nhialic guīir!

¹⁸ Bāk ŋuetkē gup bānyŋaknhīim, kōcdīt apuruuk, kōcdīt ril, gup mīthiōōŋken ku kōc cath ē ke, gup kōc ēbēn, kōc aloony ku kōc cie aloony, kōcdīt ku kōc kor!”

¹⁹ Ku tiēŋ lēi ku bānyŋaknhīim ē pinynhom kek apuruōōkken, ke kuut kēhīim ēbēn bīk la thōr kek raan cath mathiāŋ ku apuruōōkke.

²⁰ Go lēi dōm, kek raan wēt lueth wēŋ yen kōc nyīn lueel, raan kāk kōc gōi looi, bī kōc la

nhīim kīn lēi kēhīim tuēŋ muōr rin kākken kā ku dorkē kēden cī kiēt. Go keek ēbēn karou piēer manydīt tuc apēi bēn bei kuur yic ke pīr.

²¹ Ku nāk apuruōōkken ēbēn ē pal bēn bei raan cath mathiāŋ thok. Ku guāpken aaci diēt bēn ŋueet.

20

Ruōōn tiēm tōk

¹ Ku tiēŋ atuny nhial ke bō piny, ke muk wēnh ye tēthuth mec yic tuer thok, ku luŋ arēk dīt thiek apēi.

² Ku dōm atuny nhial kēdīt cīt jakanuaan, kēpiiny thēer yen jōŋrac dīt ē pinynhom, ku rek ē ruōōn tiēm tōk.

³ Ku piir tēthuth mec yic apēi, ku riit thīn ku thiōōk thīn ē thaany. Ku abī rēer ē tēēn ē ruōōn tiēm tōk. Ku kēya acīi bī lēu bī kōc pinynhom bēn tuōōr nyīn. Ku na la runkā thōk ke yeen abī pāl ayeer ē kaam koor.

⁴ Ku tiēŋ kōc ke cī nyuc ē thōc nhīim, ku tiēŋ wēi kōc wāar cī tēm rōt rin cī kek wēt Jethu Krītho ku yen wēt Nhialic gam. Kōckā aake nāk ke rin kēc kek wēt lēi gam ku dorkē, ku aacīn gup kīn ē lēi kēhīim tuēŋ ku kecin. Aaci bēn pīr ku nyuuckē ē thōc nhīim, rin cī Nhialic ke gām riēl bīk mac. Ku jōlkē mac kek Raan cī lōc ku dōc ē ruōōn tiēm tōk.

⁵ Na cī runkā thōk, ke kōc kōk cī thou, kōc cī gam ku kōc ē pinynhom aabī bēn pīr, ku ē yen jōn rot tuēŋ bī gup kōc cī thou rōt jōt.

⁶ Ku Nhialic abī kōckā dōc, ku keek aabī ya kacke rin ye kek kōc cī kaŋ pīr, rin cī ke kaŋ jōt thou yic. Ku keek aaci bī thou thon ē rou, ku aabī ya kōc Nhialic luōi ku Jethu Krītho, ku aabī mac kek ye ke ye bāny ē tōk ruōōn tiēm tōk.

Jōŋrac aci tiaam

⁷ Tē le ruōōn tiēm tōk thōk, ke jōŋrac abī lony tēwāar cī ye mac thīn.

⁸ Ku abī bēn bēn ē pinynhom bī kōc kōk bēn wēēŋ nyīn, kōc cī thiēi ē bēēi pinynhom yiic cōl Gok ku Magok. Aabī jōŋrac mat yiic ku ɣēth ke tōŋ yic. Ku keek aa juēc ka cīt liēet agōr.

⁹ Ku weerkē pinynhom ebēn, ku goolkē gen nhiεεr Nhialic piny, gen rēer kacke thīn. Go Nhialic mac tuōc piny nhial bī ke nōk ebēn.

¹⁰ Ku cuεt jōnrac wäär ke wēn manydīt tuc apēi bēn bei kuur yic, tēwäär cī lēi ku kōc tōr lueth kaṅ cuat thīn. Ku keek aabī reem akōl ku wēer ē tēen akōlriēc ebēn.

Luj thōk ē piny

¹¹ Ku tiēn thōnydīt yer apēi kek raan cī nyuc yenhom. Go piny ku nhial mäǟr yenhom tuenṅ ku cīn raan ben ke tiṅ acīn.

¹² Ku tiēn kōc cī thou ebēn kōcdīt ku kōckor ē pinynhom ebēn ke kääc thōoc lōōm. Ku jōl athōr ṅaany yiic, ku athōr cī kāk cī kōc pinynhom looi gōt thīn, ku jōl athōr dēt yen athōr pīr ṅaany yic aya. Ku kōc ebēn aake ye tēm awuōc thōṅ kek kē cī ṅek looi pinynhom, cī gōt rienke thook athōr yic.

¹³ Ku jōl kōc ke thou wīir bēn ku kēēckē Nhialic nom luk yic, ku jōl kōc cī thou rēer guāpken piiny rēn yiic rōt jōt aya, ku kēēckē Nhialic nom luk yic. Ku keek aacī bēn tēm awuōc thōṅ kek kāk ke cīk looi pinynhom.

¹⁴ Go thou nom guāp cuat manydīt dēp apēi yic. Manydīt dēp kēnē yen ē thon ē rou.

¹⁵ Kuat raan liu rienke athōr ē pīr yic, acī cuat baau mac dēp kēnē yic.

21

Pinyhom ku nhial ē yam

¹ Ku jal pinynhom ku nhial ē yam tiṅ, rin cī piny ku nhial thεεr mäǟr, ku cīn wērdīt kōk ben rēer thīn.

² Ku tiēn gen Nhialic yen Jeruthalem ē yam, ke bō piny nhial pan Nhialic bī bēn pinynhom. Gen ē Nhialic acī guir cīmēn nyan cī guir bī gām moc.

³ Ku piēn raan ke cōt rōldīt apēi ē thōoc lōōm ku lueel, “Ēmēn pan Nhialic arēer kek raan! Ku keek aabī ya kacke, ku Nhialic nom guāp abī rēer ke ke ku abī ya Nhialicden.

⁴ Abī piū wεεc wei kenyīn. Ku acīn raan bī bēn thou acīn. Acīn raan bī puōu bēn riāāk ku dhiεεu, tēdē ke ben tērem yōk yeguāp cīmēn thεεr, rin kāṅ aacī rōt waar.”

⁵ Ku lueel raan cī nyuc thōoc nom elā, “Tiēṅkē! Kāṅ ebēn aluōci bīk aa yam!” Ku lueel aya elā tēnē ya, “Gāt kēnē, alēu ba gam yen kē lueel rin wēlkā aa yith.

⁶ “Kuat kākkih ebēn ēcī luōci tēcīt tēde. Ee yen jōk ē cōk ku yen thōk ē kāṅ. Yen abī raan nēk rou gām piū dek, aba gām piū ē pīr, ku aba gām ye ē path.

⁷ Kuat raan cī tiam abī kākā yōk tēnē ya. Aba gām ē kākā ebēn, ku yen abī ya Nhialic ku yeen abī ya manhdīē.

⁸ Ku kōc riōc, ku kōc cī gamden puōl ku kōc cā adumuōm looi, kōc cī kōc nōk, kōc ē luui kārεc, kōc ē jōnrac, kōc jakrεc door, ku kōc alueth, kōckā ebēn aabī cuat manydīt tuc bēn bei kuur yic, ku yen ē thon ē rou.”

Jeruthalem ē yam

⁹ Go atuōny tōk kam atuuc kadhorou wäär muk kērac apēi ciēen bēn ku cōal ya, “Bäär lokku ba yī la nyuōth nyan bī ya tiṅ Manh Amāäl.”

¹⁰ Go Wēi Nhialic la yaguōp ku yēth atuuc ya ē kuurdīt bār nom. Ee tēen ke nyuth ya Jeruthalem gen ē Nhialic ke bō piny nhial pan Nhialic.

¹¹ Ee dēp diardiar ke diik Nhialic. A dēp cīt kuur cī guanṅ bī la lēṅlēṅ.

¹² Ku acī gōl piny kal ril bār, ku ala thok kathiäär ku rou, ku thokkā ebēn aaye atuuc kōc thīn. Ku thokkā aacī rin kuat Itharel kathiäär ku rou gōt thīn.

¹³ Ku kal cī gēu gōl piny ē la guōk kaṅuan, ku guōṅ tōk ē la thok kadiāk.

¹⁴ Kal cī ke gēu gōl piny aacī buth aleeldīt kathiäär ku rou nhīm. Ku rin atuuc Manh Amāäl kathiäär ku rou aake cī gāt aleelkā kōsth.

¹⁵ Ku atuny wäär yen jam ke ya, amuk wai cī looi milāṅ tōc bī yen gēu athem, pānyde ku thuōkke.

¹⁶ Gēu ala guōk kaṅuan thōṅ thook. Ku them atuny nhial gēu waiden wēn muk, ku yōk ke cīt meel tiēm tōk ku buōt kadhiēc bēr ē kōu, ku lāau yic kek bēr la nhial ē cīt kēnē aya.

¹⁷ Ku them atuuc la nhial ē kal ku dīt ē kōude aya, ku yōk ke ye akāāth thiārdātem.

Käk ke ye atuuc them aake cît käk ye kəc them ë path.

¹⁸ Păny cî γεu looi, aaci buhth kuur yer dhëj ku γεu nhom ëcî looi mîlăj təc la gei cît macar.

¹⁹ Puššny ë γεu aake cî jək cök kuat aleel la diardiar. Aleel ke cî puššny jək cök aya aake yiic thiäär ku rou. Kək aake thith, ku kək aa yer ku kək aa maņök, kək aa mîthiššj, kək aa mîkëth, kək aa mîyën, kək aa mîlššth, kək aa maliik, ku kək aa mamer.

²⁰ Ku kît ëbën aake ye thiäär ku rou.

²¹ Thok kathiäär ku rou ë genë aake cî looi aleel yer kathiäär ku rou, thuəj tək ë ye looi alel yer tək, ku gëek ë γεu yic aaci looi mîlăj təc la diardiar cît macar.

²² Υεν akęc luaη Nhialic ye kəc rök thîn tîj, ee gen kënë yic, rin Bëny Nhialic Madhəl ku Manh Amääl kek aa luaη Nhialic.

²³ Gen kënë ëcîi wïc ruel akəl, tädë ke ye pεei, rin ala ruelde ë rot, rin rueldit Nhialic yen aye ye mer yic, ku Manh Amääl yen aye ye mer yic cîmën many adök.

²⁴ Ku ruel ë gen yen aye kəc cath thîn, ku băny pinyinhom aabi ya bën bik jaakden bëi thîn.

²⁵ Kal aabi ya rëer ke ŋaany thook aköl ku wëer, rin piny aci ben a cuəl.

²⁶ Kəc wuət ëbën aabi bën ë gen yic rin bi kek Nhialic bën aa door ku leckë.

²⁷ Acîn kəc la gup adumuššm bi puəl bik la geeu, ayi kəc ë luui käk kəc cəl ayär gup ku kəc tör lueth. Kəc bi puəl bik la geeu aa kəc cî rienken gət athör ë pîr Manh Amääl yic.

22

¹ Ku ben atuny nhial ya nyuəth wär cî thiəj piu ë pîr la kîrkîr apeî bö tënë thöny Nhialic ku Manh Amääl,

² ke kuëer geeu gëk ciel yic. Agör ë wär ləj ku ləj, akëec tim ë pîr thîn, tim luək ë pεei thok ëbën ruššn tək yic, ku kəc wuət ëbën aa yiəthke lööm bi kek yəntöök aa cəl adem, ku tueny kək aya.

³ Acîn dët mεen Nhialic bi rëer ye gen kënë yic. Kəc Nhialic ku thöny Nhialic kek

thöny Manh Amääl kek aa rëer thîn, ku kəc ë Nhialic kek aabi ye aa door.

⁴ Kəcä aabi Nhialic aa tîj ku rin Nhialic abi gät kenhîim tuen.

⁵ Abi ciën cuəl ë piny ye gen yic. Kəc ë rëer thîn aaci bi wïc ruel akəl, tädë ke ye many bi piny mer yen wickë. Rin Nhialic yen abi ya ruelden. Aabi rëer thîn ke ye băny akölrîec ëbën.

Bën ë Jethu

⁶ Go atuuc lək ya, “Kuat käk ca tîj ku piη ke aa yith ëbën. Ku Bëny Nhialic yen Wëike yäth ë kəc käk Nhialic tîj gup, yen acä atušnyde tušc bi kacke nyuəth käk bi röt looi ye nînkä.”

⁷ Aye Jethu lueel ëlä, “Dhielkë piη apath! Υen abö ëmën! Kəc mit puəth aa kəc thek käk cî lueel athör kënë yic ëbën!”

⁸ Ee yen Joon yen a ya piη ku tiēj kakkä. Tëwën cî yen ke piη ku tiēj ke, ke ya gut yanhiəl piny yecök ku duəor atuny wën nyuth yen kakkä.

⁹ Go jal lək ya, “Duk loi këya! Υen alony cîmëndu, ku miəthakui kəc käk Nhialic tîj, ku kəc ëbën käk tš athör yic theek. Dor Nhialic!”

¹⁰ Ku lək ya, “Duk käk cî gət athör käk Nhialic kënë yic thian tënë kəc, rin cî piny thiək ke thök.

¹¹ Ku kəc käreç looi aabi ŋot ke la tuen ke looi käreç, ku kəc cî wët Jəŋrac gam aabi ŋot loikë këya. Ku kəc ë luui kəpath aabi ya luui kəpath. Ku kəc Nhialic aabi la tuen ke luui Nhialic.”

¹² Aye Jethu lueel ëlä, “Piēŋkë apath yen abö ëmën thiin, yen abö ba kəc bën riəp, tädë ke ya tëm kəc awuəc thöj kek kë cî ŋek looi theer wäär.

¹³ Ee yen jək ë cök ku yen thök ë kəj.

¹⁴ “Kəc mit gup aa kəc cä aləthken lək riem Manh Amääl, rin aabi la yic bik mîth tim piir cam, ku aala yic aya bik la gen Nhialic ë yam.

¹⁵ Kəc tš γεu kəu aa kəc pan mac, kəc cî kegup yiək acuəl rin theek kek jəŋrac, kəc nək ë kəc, ku kəc ë jam lueth, ku kəc luui käk bal aaci kəj la ë gen kënë yic aci.

16 “Aye Jethu lueel älä, ḡen acä atuönydië tooc bī kākä bēn lēk we, wek akuut cī gam. ḡen ē kuat dhiēnh bēnyḡaknhom Debit, ee ciēer bak piny ē ruel bēēi.”

17 Aye Wēi Nhialic ku kɔc Nhialic kek cīt nyan thiak ē Manh Amääl lueel, “Bäk!” Ku kuat raan piḡ ē kēnē adhil lueel aya, “Bäk!” Na le raan nēk rou ke bö, kuat raan nēk rou abī dek piḡ pīr ē path.

Thök ē wēl

18 ḡen Joon, ḡen alēk kuat raan piḡ ē wēt kēnē puḡu ebēn, na le raan juək kēde thīn ka bī Nhialic tuöc käreç cī gōt athör kēnē yic.

19 Ku na le raan nyēēi wēt tōk kam wēl tō athör wēl cī nyuöth ḡen yic, ke Nhialic abī yinyden bī tēk ye mīth tim ē pīr yic, ku la gen yam, cī ke gōt athör kēnē yic, nyaai tēnē ye.

20 Ku Jethu raan lēk kɔc kākä ebēn aye lueel, “ḡēē-ḡēē! ḡen abö emēn!” Kēya, ee tēde. Bäär Bēny Jethu!

21 Bī dhēēḡ Bēny Jethu rēer kek kɔc ē Nhialic. Yenakan.